

ARCANA COEL
IN
GENESI
Pars II da
Secio I-VI

1886-2750

VOL. II.

Sw. 138.
O. L.

Arcana Cœlestia,
 QUÆ IN
SCRIPTURA SACRA,
 SEU
VERBO DOMINI

SUNT, DETECTA:

Sequuntur quæ in

G E N E S I

Hic quæ in

Capite Decimo Sexto:

Una cum Mirabilibus

Quæ vîsæ sunt

In Mundo Spirituum, & Cœlo Angelorum.

I.

MDCCL,

MATTH. VI: 33.

*Querite primo Regnum Dei, & Justitiam ejus,
& omnia adjicientur vobis.*



P R Æ F A T I O.

IN Parte Prima explicata sunt Quindecim Capita Gene-
seos, & dicta quæ in Sensu Interno continent, & ad
quodlibet Caput adjuncta sunt, quæ in Mundo Spirituum
& Cælo Angelorum, ex Divina Domini Misericordia, vi-
dere & audire datum; nunc sequitur Pars Altera, in qua
similiter ad quodlibet Caput adjungentur talia; ad Caput
hoc 16, de Visionibus & Somniis, etiam Propheticiis, quæ
in Verbo. Scio, quod pauci credituri sint, quod aliquis
possit videre illa, quæ in altera vita existunt, & inde re-
ferre aliquid de Statu Animarum post mortem, quia pauci
credunt Resurrectionem, & quidem ex Eruditis pauciores
quam ex Simplicibus; ore quidem dicunt, quia secundum
Doctrinam fidei est, quod resurrecturi, sed usque corde
negant: imo etiam quidam aperte fatentur, quod tunc
credituri, si aliquis ex mortuis resurgeret, & illum viderent,
audirent & tangerent; sed si hoc fieret, pro singulis
fieret, & usque unusquisque talis, qui corde negat, non sic
persuaderetur, sed millia objectionum influerent, quæ in
negativo obfirmarent ejus animum: quidam usque dicunt,
se credere quod resurrecturi, sed die Ultimi Judicii, de quo
illam captarunt opinionem, quod tunc interitura omnia,
quæ in Mundo aspectabili, & quia illum Diem per tot sæ-
cula frustra expectaverunt, etiam in dubio sunt; sed quid
per Ultimum Judicium, de quo in Verbo, intelligitur, ad
A 2 finem

finem Capitis sequentis xvii, brevi, ex Divina Domini Misericordia, dicitur. Exinde constare potest, quales bodie in Orbe Christiano sunt; Sadducæi, de quibus apud Matth. xxii. 22. seq: negarunt aperte Resurrectionem, sed melius fecerunt, quam illi bodie, qui dicunt se non negare, quia, ut dictum, ex Doctrina fidei est, & tamen corde negant, sic ut dicant contra quod credunt, & credant contra quod dicunt: sed ne amplius confirmet se in falsa illa opinione, ex Divina Domini Misericordia, datum est mihi, dum corpore sum in Mundo, spiritu esse in altera vita, nam homo est spiritus corpore amictus, & ibi loqui cum Animabus, quæ non diu post obitum resurrexerunt, imo cum fere omnibus illis, quos notos habui in vita corporis & mortui sunt, tum quotidie nunc per aliquot annos cum Spiritibus & Angelis, & videre ibi stupenda, quæ nusquam in alicujus ideam venerunt; & hoc absque omni fallacia: quia per plures dicunt, quod credituri, si aliquis ex altera vita ad eos veniat, videbitur nunc, num contra obfirmationem cordis, persuadeantur: hoc asseverare possum, quod qui in alteram vitam veniunt ex Orbe Christiano, omnium pessimi sint, odio habentes proximum, odio fidem, negantes Dominum, nam in altera vita corda loquuntur non ora, præter quod præ reliquis adulteri; & quia sic removeri incipit Cælum ab illis qui intra Ecclesiam, constare potest, quod etiam pro certo scire datum, quod ultimum tempus instet.

De Sensu Interno Verbi, quid sit & qualis, videantur quæ dicta & offensa sunt in Parte Prima, n: 1 ad 5. 64. 65. 66. 167. 605. 920. 937. 1143. 1224. 1404. 1405. 1408. 1409. 1502 fin: 1540. 1659. 1756. imprimis 1767 ad 1777. & 1869 ad 1879. 1783. 1807. & in hac Parte, n: 1886 ad 1889 incl.



P A R S S E C U N D A .
L I B R I G E N E S E O S
C A P U T D E C I M U M S E X T U M .

1886. **I**N hoc Capite de Hagare & Ismaele agitur ; sed quid per Hagarem & Ismaelem repræsentatur & significatur in Sensu Interno, nemini adhuc notum est ; nec notum esse potuit, quia huc usque putavit Orbis, etiam Eruditus, quod Historica Verbi non sint nisi historica, & nihil penitus involvant ; & tanetsi dixerunt, quod unaquævis jotha divinitus inspirata sit, usque per id nihil aliud intellexerunt, quam quod detecta sint, & quod aliquod dogmaticum applicabile ad doctrinam fidei inde possit deduci, & usui esse docentibus & discentibus, & quod ideo quia divinitus inspirata, vim Divinam habeant in mentibus, & præ omni alio historico operentur bonum. Sed historica in se spectata parum faciunt ad emendationem hominis, nec quicquam ad vitam æternam, nam in altera vita historica oblivioni dantur ; quid enim ibi inde, si scirent de Hagare ancilla, quod data Abramo a Sarai, si de Ismaele, imo si scirent de Abramo ; nihil præter quæ sunt Domini, & quæ a Domino, necessaria sunt animabus, ut intrent in Cœlum, & fruantur gaudio, hoc est, vita æterna ; propter hæc est Verbum, & hæc sunt quæ in interioribus illius continentur.

1887.

1887. Inspiratio involvit, quod in singulis Verbi, tam in illius Historicis, quam in reliquis, sint cœlestia quæ amoris seu boni, & spiritualia quæ sunt fidei seu veri, ita Divina: quod enim a Domino inspiratur, hoc descendit ab Ipso, & quidem per Cœlum Angelicum, & sic per Mundum Spirituum, usque ad Hominem, apud quem sistitur quale est in litera; sed prorsus aliter est in prima sua origine; in Cœlo nusquam. est aliquod historicum mundanum, sed omne est repræsentativum Divinorum, nec quicquam aliud ibi percipitur; ut quoque notum potest esse ex eo, quod ineffabilia sint, quæ ibi; quare nisi Historica sint Repræsentativa Divinorum, & sic cœlestia, nusquam possunt esse divinitus inspirata: quale est Verbum in Cœlis, hoc noscitur solum ex Sensu Interno, nam *Sensus Internus est Verbum Domini in Cœlis.*

1888. Quod Sensus literæ Verbi sit repræsentativus arcanorum Divinorum, & quod sit receptaculum & sic reconditorium cœlestium & spiritualium Domini, illustrare licet binis exemplis; uno quod per Davidem non intelligatur David sed Dominus; altero, quod Nomina nihil aliud significant quam res; consequenter reliqua. De Davide ita dicitur apud Ezechielem, "*Servus meus David Rex super eos, & Pastor unus erit omnibus illis: habitabunt super terra illi, & filii illorum, & filii filiorum illorum usque in æternum; & David servus meus Princeps illis in æternum,*" xxxvii. 24, 25. Et apud Hoscheam, "*Revertentur filii Israelis, & quærent Jeboram Deum suum, & David Regem suum,*" iii. 5. hæc a Prophetis illis scripta sunt post Davidis tempus, & tamen aperte dicitur, quod is erit Rex & Princeps illorum, ex quibus unicuique constare potest, quod per Davidem in sensu interno intelligatur Dominus; ita in cæteris locis, etiam in historicis, ubi David nominatur. Quod Nomina Regnorum, Regionum, Urbium, Virorum, significant res, constare potest evidenter apud Prophetas; pro exemplo sit solum hoc apud Esaïam, "*Sic dixit Dominus, Jeborih Zebaath, ne timeas popule mi, habitator Zionis, ab Aschure; virga percutiet te, & baculum tollet super te in via Ægypti: excitabit super eum, Jeborab Zebaath flagellum, juxta plagam Midianis, in petra Horeb, & baculum suum super mari, & tollet eum in via Ægypti: veniet contra Ajath; transibit in Migronem; ad Mischmath mandabit armis suis; transibunt Mabaram; Gibeæ diverforium nobis; trepidabit Cbornab; Gibeæ Schaulis fugiet; intona voce tua filia Gallim; ausculta Lajisch; misera Anathoth; vagabitur Madmena; habitatores Gebim congregabunt se; adhuc dies est in Nob ad consistendum; agitentur*" manum

CAPUT DECIMUM SEXTUM.

7

manum suam mons filiae Zionis; collis Hierosolymae succidet implexa sylvae ferro; & Libanus per Magnificum cadet,” x. 24, 26 ad 34. Hic sunt pæne mera nomina, ex quibus non aliquis sensus prodiret, nisi nomina singula significarent res; sique nominibus istis inhæreret mens, nusquam agnosceretur quod Verbum Domini foret: sed quis crederet, quod omnia illa in sensu interno contineant arcana Cœli, & quod per illa describatur status eorum, qui per ratiocinia ex scientificis intrare conantur in mysteria fidei, & quod per unumquodvis nomen aliquid speciale illius status describatur; tum quod ratiocinia illa discutiantur per cœlestia amoris & spiritualia fidei, a Domino: quod per Aſchurem significetur Ratiocinatio, de qua hic agitur, constare manifeste potest ab illis, quæ de Aſchure ostensa sunt, n: 119, 1186: & quod per Ægyptum Scientifica, ab illis quæ n: 1164, 1165, 1462, quæ videantur & examinentur, annon ita se habeat; similiter se habet cum cæteris nominibus; & similiter cum singulis vocibus.

1889. Similiter se habet in hoc Capite cum nominibus Abrami, Sarai, Hagaris & Ismaelis; quæ autem illa involvunt, constare potest a Contentis, dein ab explicatione singulorum in sequentibus; sed talia sunt, quæ non facile ad captum explicari possunt, agitur enim sub illis de Rationali Domini, quomodo illud conceptum & natum, & quale fuit, antequam unitum Domini Interno, quod erat Jehovah: quod non facile ad captum explicabile sit, causa est, quia hodie non scitur, quid Internus Homo, quid Interior, & quid Exterior; cum dicitur Rationale, aut Rationalis Homo, tunc aliqua idea habetur, at cum dicitur quod Rationale sit medium inter Internum & Externum, hoc pauci si ulli capiunt: sed usque quia in sensu interno hic agitur de Rationali Homine apud Dominum, quomodo conceptus & natus ab Interni Hominis influxu in Externum, & hæc sunt quæ Historica de Abramo, Hagare & Ismaele involvunt, ne prorsus peregrina obveniant, quæ in explicatione sequuntur, sciendum, quod apud unumquemvis Hominem sit Internus Homo, sit Rationalis qui medius, & sit Externus; & quod hi inter se distinctissimi sint; de quibus videantur quæ prius dicta n: 978.

CAPUT



CAPUT XVI.

1. **E**T Sarai uxor Abrami non peperit illi; & ei ancilla Ægyptia, & nomen ejus Hagar.

2. Et dixit Sarai ad Abram, ecce quæso conclusit me JEHOVAH a pariendo, ingredere quæso ad ancillam meam, forte ædificabor ab ea; & auscultavit Abram voci Sarai.

3. Et accepit Sarai uxor Abrami Hagarem Ægyptiam ancillam suam, a fine decem annorum ab habitando Abram in terra Canaan, & dedit eam Abramo viro suo, illi in mulierem.

4. Et ingressus ad Hagarem, & concepit, & vidit quod conceperit, & vilis fuit Domina ejus in oculis ejus.

5. Et dixit Sarai ad Abram, injuria mea super te, ego dedi ancillam meam in sinum tuum, & vidit quod concepit, & vilis sum in oculis ejus, judicet JEHOVAH inter me & inter te.

6. Et dixit Abram ad Sarai, ecce ancilla tua in manu tuâ, fac ei quod bonum in oculis tuis; & humiliavit eam Sarai, & fugit a facie ejus.

7. Et invenit eam Angelus JEHOVÆ ad fontem aquarum in deserto, ad fontem in via Schur.

8. Et dixit, Hagar ancilla Sarai, unde venis, & quo vadis; & dixit, a facie Sarai Dominae meæ ego fugio.

9. Et dixit ei Angelus JEHOVÆ, revertere ad Dominam tuam, & humilia te sub manibus illius.

10. Et dixit ei Angelus JEHOVÆ, multiplicando multiplicabo semen tuum, & non numerabitur præ multitudinem.

11. Et dixit ei Angelus JEHOVÆ, ecce tu gravida, & paries filium, & appellabis nomen ejus Iischemael, quia audivit JEHOVAH ad afflictionem tuam.

12. Et is erit onager homo, manus ejus in omnes, & manus omnium in eum, & contra facies omnium fratrum suorum habitabit.

13. Et vocavit nomen JEHOVÆ loquentis ad se, Tu DEUS videns me, quia dixit, num etiam hic vidi post videntem me.

14. Propterea vocavit fontem, fons Vivo videnti me, ecce inter Kadefch & inter Bared.

15.

CAPUT DECIMUM SEXTUM. 9

15. Et peperit Hagar Abramo filium, & vocavit Abram nomen filii sui, quem peperit Hagar, Iischmael.

16. Et Abram filius, octoginta annorum & sex annorum, in pariendo Hagar Iischmaelem Abramo.

C O N T E N T A.

1890. **A**gitur in hoc Capite de primo Rationali apud Dominum, quod conceptum ab Interni Hominis influxu in affectionem scientiarum Externi: Internus Homo est Abram; affectio scientiarum Externi est ancilla Ægyptia Hagar; Rationale inde est Iischmael; quod quale fuit describitur, & dein Cap. XXI. quod expulsum domo, postquam Divinum Rationale Domini, repræsentatum per Isacum, natum est.

1891. Quod Domini Rationale primum juxta ordinem conceptum sit per influxum, seu conjunctionem Interni Hominis cum vita affectionis scientiarum, quæ Externi, vers. 1, 2, 3. Sed quia ab Externo homine, natura ejus talis fuit, quod vilipenderet verum intellectuale, vers. 4. Quare cogitavit Dominus de illo subjugando, vers. 5, 6, 7, 8, 9. Et quando subjugatum, quod Spirituale & cœleste fieret, vers. 10, 11. Describitur quale foret, si non subjugatum, vers. 12. Intuitio Domini ab Interiori suo Homine in causam, vers. 13, 14. Describitur sic Rationale quoad ejus quale; tum status Domini, cum ortum, vers. 15, 16.



S E N S U S I N T E R N U S.

1892. **V**ers. 1. *Et Sarai uxor Abrami non peperit illi, & ei ancilla Ægyptia, & nomen ejus Hagar.* Sarai uxor Abrami non peperit illi, significat quod nondum Rationalis homo; Sarai est Verum adjunctum bono; Abram est Internus Homo Domini qui Jehovah: & ei ancilla Ægyptia, significat affectionem scientiarum: & nomen ejus Hagar, significat vitam hominis exterioris seu naturalis.

1893. Quod Sarai uxor Abrami non peperit illi, significet quod nondum rationalis homo, constabit a sequentibus, ubi de Isaco: sunt enim, ut dictum, apud unumquemvis hominem, Internus homo, Rationalis, homo qui medius, & Externus qui proprie Naturalis homo dicitur; hi repræsentati sunt apud Dominum per Abrahamum, Isacum, & Jacobum, Internus homo per

B

Abra-

Abrahamum, Rationalis per Isaacum, & Naturalis per Jacobum: Internus Homo apud Dominum fuit Ipse Jehovah, nam conceptus est a Jehovah, quare Ipsum Patrem suum toties nominavit, & in Verbo dictus Unigenitus Dei, & solus Filius Dei. Rationalis homo non nascitur, sed solum facultas, ut homo fieri possit rationalis, ut cuique constare potest ex eo, quod infans recens nati nulla ratione sint præditi, sed quod rationales fiant successu temporis mediis sensuibus externis & internis, sicut imbuuntur scientiis & cognitionibus: apud pueros quidem apparet Rationale, sed usque non est rationale, solum quoddam ejus initium, quod nascitur ex eo quod Ratio sit apud adultos & senes. De Rationali homine apud Dominum in hoc Capite agitur; ipsum Rationale Divinum representatur per Isaacum, sed Rationale primum, antequam factum est Divinum, per Ismaelem, quare hic per quod Sarai uxor Abrami non peperit ei, significatur quod adhuc non Rationale Divinum: Dominus, sicut prius dictum, natus fuit sicut alius homo, & quoad illa quæ traxit a Maria matre fuit sicut alius homo, & quia Rationale formatur per scientifica & cognitiones, quæ per sensualia externa seu externi hominis intrant, inde Rationale Ipsius primum natum est sicut apud alium hominem, sed quia omnia quæ humana erant apud se propria potentia faceret Divina, ita quoque Rationale: Rationale Ipsius primum describitur in hoc Capite, tum quoque in Cap. xxi, ubi etiam de Hagare & Ismaele a vers. 4 ad 21 agitur, quod nempe hic expulsus sit, cum adolevit Isaac, per quem representatur Rationale Divinum.

1894. Quod Sarai sit verum adjunctum bono, dictum & ostensum est prius n: 1468 & alibi; pariter quod Abram sit Internus Homo Domini, qui Jehovah. Quod Internus Homo Domini, qui Jehovah, dicatur Homo, causa est, quod nemo sit homo, quam solus Jehovah, nam Homo significat in suo genuino sensu illud Esse ex quo Homo; ipsum Esse, ex quo Homo, est Divinum, proinde Cœleste & spirituale, absque Divino Cœlesti & Spirituali nihil est humanum apud hominem, sed est animale quoddam, quale apud bestias: ex Jehovah seu Domini Esse habet omnis homo quod sit homo, inde etiam appellatur homo; Cœleste, quod hominem facit, est ut amet Dominum, & amet proximum, sic est homo, quia imago Domini, & quia illud habet a Domino; alioquin est fera: quod Jehovah seu Dominus sit solus Homo, & quod ab Ipso habeant homines quod dicantur homines, tum quod unus sit magis homo quam alter, videatur n: 49: 288. 477. 565; & præterea constare potest ex eo, quod Jehovah, seu Dominus apparuerit Antiquissimæ Ecclesiæ patribus ut Homo, postea etiam Abrahamo, ut & Prophetis; quare etiam dignatus est Dominus, postquam nullus amplius homo in terra, seu nihil cœleste & spirituale amplius apud hominem, assumere naturam humanam per id quod natus sicut alius homo, & illam facere Divinam, sic etiam solus Homo: præterea universum Cælum refert coram Domino imaginem hominis, quia Ipsum, inde Cælum Maximus Homo appellatur, ex eo imprimis, quia Dominus ibi est omne in omnibus.

1895. Et ei ancilla Ægyptia, quod significet affectionem scientiarum, constat

constat ex significatione Ancillæ, & ex significatione Ægypti. Sarai, quæ hera seu domina, repræsentat & significat verum adjunctum bono, ut prius dictum; Verum adjunctum bono est verum intellectuale in genuino sensu; Verum autem rationale est infra illud, ita inferius, hoc nascitur a scientiis & cognitionibus vivificationis per affectionem eis correspondentem, quæ affectio, quia est exterioris hominis, servire debet Vero Intellectuali quod est apud Intimum, sicut ancilla heræ aut famula dominæ, quare illa affectio est quæ repræsentatur & significatur per ancillam Hagarem: hæc quomodo se habent, non ita ad captum dici potest, prius enim sciendum est, quid Verum Intellectuale in genuino sensu, tum quomodo nascitur rationale, quod nempe ab Interno homine ut patre, & ab Exteriori seu Naturali ut matre, absque conjunctione utriusque nusquam aliquid rationale existit: Rationale non nascitur a scientiis & cognitionibus, ut putatur, sed ab affectione scientiarum & cognitionum, ut constare solum potest ex eo, quod nusquam aliquis rationalis possit fieri, nisi aliquod jucundum seu affectio scientiarum & cognitionum aspiat; affectio est ipsa vita materna, & ipsum cœleste & spirituale in affectione est vita paterna, inde quantum affectionis, & qualis affectio, tantum rationalis, & taliter rationalis, fit homo; scientifica & cognitiones in se non sunt nisi res mortuæ seu causæ instrumentales, quæ per vitam affectionis vivificantur; hæc est conceptio Rationalis hominis apud unumquemvis. Quod fuerit ancilla Ægyptia, & hoc dicatur, causa est, quia Ægyptus significat scientias, ut ostensum prius n: 1164. 1165. 1186. 1462.

1896. Nomen ejus Hagar, quod significet vitam hominis exterioris seu naturalis, constare potest ab illis quæ dicta sunt, tam a significatione Hagaris, quod sit peregrina seu peregrinans; peregrini repræsentabant eos, qui instruerentur, & peregrinatio instructionem, tum vitæ instituta, ut ostensum prius n: 1463. Cum in Verbo dicitur, quod nomen ejus est, ut hic quod nomen ejus Hagar, significat quod nomen aliquod involvat quod observandum, nam nomine vocare est nosse qualis est, ut ostensum prius, n: 144. 145. 340: ne quidem vocula in Verbo est absque causa, & absque significatione rei aliqujus in sensu interno.

1897. Vers: 2. *Et dixit Sarai ad Abram, ecce quæso conclusit me Jehovah a pariendo, ingredi ad ancillam meam, forte ædificabor ab ea, & auscultavit Abram voci Sarai.* Dixit Sarai ad Abram, significat quod ita perceptum, ecce quæso conclusit me Jehovah a pariendo, significat statum antequam Interior seu Divinus rationalis homo natus: ingredi quæso ad ancillam meam, significat conjunctionem cum exteriori: forte ædificabor ab ea, significat sic nasci posse rationale: & auscultavit Abram voci Sarai, significat non aliter fieri potuisse.

1898. Quod dixit Sarai ad Abram, significet quod ita perceptum, constat ex significatione Sarai & Abrami, quod nempe Sarai sit Verum adjunctum Bono, & Abram Internus Homo; quare quod a Sarai Abramo dictum, in sensu interno non aliquam colloquutionem significare potest, sed perceptionem: perceptio Domini tunc fuit a Vero adjuncto Bono, quod Ipsi dictabat,

quomodo se res habet: simile quoddam est apud hominem coelestem, qui perceptionem accipit, est quoddam Verum adjunctum Bono quod dicitur, postea est Bonum, ex quo seu per quod percipitur verum. Quod dicere in sensu interno significet percipere; videatur n: 1791. 1815. 1819. 1822.

1899. Ecce quæso conclusit me Jehovah a pariendo, quod significet statum antequam Interior seu Divinus Rationalis Homo natus, constat ab illis quæ prius de conceptione & nativitate Rationalis hominis dicta sunt, nempe quod Divinus Rationalis Homo Domini repræsentetur per Isaacum, sed Rationalis homo primus, qui fieret Divinus, per Ismaelem; hæc ut repræsentarentur, tamdiu mansit Sarai sterilis, usque dum Ismael puer factus, de quo in Cap: xxi; quare hic dicitur, quod Jehovah conclusit illam a pariendo.

1900. Ingredere quæso ad ancillam meam, quod significet conjunctionem cum exteriori, constat quoque ab illis quæ prius dicta, quod nempe Rationale hominis concipiatur & gignatur ab Interno homine ut patre, & ab Exteriore ut matre; ipsa vita hominis est ab Interno homine, qui non communicationem habere potest cum Externo, nisi obscurissimam, priusquam formata sunt vasa recipientia, quæ sunt memoriæ, quod sit per cognitiones & scientias; influxus Interni hominis est in cognitiones & scientifica Exterioris, media affectione; antequam hæc sunt, interea quidem est communicatio, sed per solas affectiones, per quas regitur Externus, inde modo communissimi motus, & quidam appetitus, tum quædam cæcæ inclinationes, quales apparent apud infantes: sed vita hæc fit per gradus distinctior, sicut formantur vasa memoriæ per cognitiones, & vasa interioris memoriæ per rationalia; sicuti hæc vasa formantur, & in serie disponuntur, & quidem in tali, ut se mutuo spectent respective sicut consanguinitates & affinitates, seu sicut societates & familiæ, ita perficitur correspondentia Externi hominis cum Interno; & adhuc melius per rationalia, quæ intermedia sunt; sed usque non congruenter, nisi cognitiones, per quas illa formantur, sint veritates; Interni enim hominis coelestia & spiritualia non correspondentiam sibi inveniunt, nisi in veritatibus; hæc in organicis utriusque memoriæ formis, sunt genuina vasa, quibus coelestia amoris & spiritualia fidei possunt inaptari: tunc enim disponuntur a Domino secundum ideam & imaginem Societatum Coeli seu Regni Ipsius, adeo ut fiat homo in exigua forma Coelum seu Regnum Domini, ut quoque mentes illorum qui in coelestibus amoris & spiritualibus fidei sunt, in Verbo appellantur: sed hæc dicta sunt illis, qui profundius cogitare amant.

1901. Et forte ædificabor ab ea, quod significet sic nasci posse rationale, constare potest a significatione ædificari, cum prædicatur de generatione, ita absque explicatione. Per Sarai, ut dictum, significatur Verum Intellectuale quod sicut uxor adjunctum est Bono: Verum intellectuale, quod est apud intimum, est prorsus orbem, aut sicut improlis mater, quando nondum aliquod Rationale est, in quod & per quod influat, nam absque Rationali medio non potest influere cum aliquo vero in exteriorem hominem; ut constare potest ab infantibus, hi ne hilum veri scire possunt, priusquam cognitionibus imbuti

imbuti sunt, at quo melius & perfectius, ut dictum, imbuuntur cognitionibus, eo melius & perfectius potest Verum intellectuale, quod apud intimum est seu apud bonum, communicari: hoc Verum intellectuale per Sarai representatum est ipsum Spirituale, quod per Cœlum influit, & sic per viam internam, & hoc apud unumquemvis hominem, & jugiter obviam venit cognitionibus, quæ insinuantur per sensuales, & implantantur memoriæ, quod homo nescit, quia purius est, quam ut communi idea possit percipi; est sicut Lux quædam quæ illuminat, & dat facultatem sciendi, cogitandi & intelligendi. Rationale, quia non existere potest nisi etiam per influxum Veri intellectualis per Sarai representati, non aliter se habet ac filius ejus, quando Rationale formatur ex veris quæ adjuncta sunt bonis, & magis cum ex bonis a quibus vera, tunc est filius genuinus, antea quoque agnoscitur ut filius, at non ut genuinus, sed ex ancilla, usque tamen adoptatur, quæ causa est, quod hic dicatur, quod ædificaretur ab ea.

1902. Et auscultavit Abram voci Sarai, quod significet non aliter fieri potuisse, constare potest a serie rerum in sensu interno, & ex necessitate quod Rationale apud hominem non aliter nasci possit. Si homo nullo hæreditario malo imbutus esset, tunc nasceretur Rationale immediate ex conjugio cœlestium Interni hominis cum spiritualibus ejus, & per Rationale nasceretur Scientificum, sic ut homo omne Rationale & omne Scientificum, illico dum venit in mundum, secum haberet; hoc enim foret secundum ordinem influxus; quod concludi potest ex eo, quod omnia animalia, quæcunque sunt, nascantur in omne scientificum, quod illis ad victum eorum, tutelam, habitationem, & procreationem, necessarium est & conducit, quia eorum natura est secundum ordinem; quid non homo, nisi apud eum ordo foret destructus, nam solus in nullam scientiam nascitur: quod facit ut ita nascatur, est malum hæreditarium a patre & matre, inde omnes ejus facultates sunt in contrario versu respective ad vera & bona, quæ in formas correspondentes redigi nequeunt per influxum immediatum cœlestium & spiritualium a Domino; quæ causa est, quod alio prorsus modo, seu alia via, formandum sit Rationale hominis, nempe per scientifica & cognitiones insinuata per sensus, ita influentia per viam externam, sic ordine inverso; homo sic miraculose a Domino rationalis fit; hoc intelligitur per ingredi ad ancillam, quo significatur conjunctio Interni hominis cum Exteriori, & per quod Abram auscultavit voci Sarai, quo significatur quod non aliter fieri potuisset. Dominus, quia natus sicut alius homo, & a matre hæreditarium habuit, similis alii homini in hoc fuit, ob causam ut per pugnas tentationum & victorias redigeret omnia in ordinem; ideo etiam Rationale Ipsius similiter conceptum & natum fuit ac apud alium hominem, cum differentia, quod Divinum seu Jehovah fuit in omnibus & singulis Ipsius intime, ita vita amoris erga universum genus humanum, pro quo & cujus salvatione, in omnibus suis tentationibus pugnavit.

1903. Vers: 3. *Et accepit Sarai uxor Abrami Hagarem Ægyptiam ancillam suam, a fine decem annorum ab habitando Abram in terra Canaan, & dedit eam Abramo*

Abramo viro suo, illi in mulierem. Accepit Sarai uxor Abrami, significat affectionem veri, quæ in genuino sensu est Sarai uxor: Hagarem Ægyptiam ancillam suam, significat vitam hominis exterioris & affectionem scientiarum: a fine decem annorum ab habitando Abram in terra Canaan, significat reliquias boni & inde veri, quas sibi comparavit Dominus, per quas conceptum rationale illud: & dedit eam Abramo viro suo illi in mulierem, significat conjunctionem incitante affectione veri.

1904. Accepit Sarai uxor Abrami, quod significet affectionem veri, quæ in genuino sensu Sarai uxor, constat a significatione Sarai, quod sit Verum adjunctum bono, & ex significatione uxoris, quod sit affectio, de qua prius n: 915. 1468. Sunt binæ affectiones inter se distinctæ, affectio boni, & affectio veri; cum regeneratur homo, tunc affectio veri præcedit, nam afficitur vero propter bonum; cum autem regeneratus est, præcedit affectio boni, & ex bono afficitur vero; affectio boni est voluntatis, affectio veri est intellectus: antiquissimi inter binas affectiones instituerunt quasi conjugium, Bonum seu amorem boni appellarunt hominem ut maritum, Verum seu amorem veri appellarunt hominem ut uxorem; comparatio boni & veri cum conjugio, ducit originem a Conjugio cœlesti. Bonum & Verum in se spectata nullius vitæ sunt, sed ab amore seu ab affectione trahunt vitam, sunt modo instrumentalia vitæ, quare qualis amor afficiens bonum & verum, talis est vita, nam omne vitæ est amoris seu affectionis; inde est quod Sarai uxor in genuino sensu significet affectionem veri, & hic quia intellectuale desiderabat rationale, ut prolem, & quia desiderii seu affectionis est quæ loquitur, ideo in hoc Versu expresse dicitur, "Sarai uxor Abrami dedit "Abramo viro" quæ non opus fuisset iterum dicere, in se enim superflua forent, nisi talia in sensu interno involverent. Verum intellectuale distinguitur a Vero rationali, & hoc a Vero scientifico, sicut Internum, Medium & Externum; Verum intellectuale est internum, Verum rationale est medium, Verum scientificum est externum; hæc inter se distinctissima sunt, quia unum est altero interius; apud hominem quemcunque, Verum intellectuale, quod est internum seu apud intimum ejus, non est hominis, sed est Domini apud hominem, inde Dominus influit in Rationale, ubi primum Verum apparet sicut hominis, & per rationale in scientificum; ex quibus constat, quod homo nusquam cogitare possit sicut a se ex Vero intellectuali, sed ex Vero rationali & scientifico, quia hæc apparent sicut ejus; Solus Dominus ex Vero intellectuali, cum vixit in mundo, cogitavit, quia illud erat Divinum Ipsius conjunctum Bono, seu Divinum Spirituale conjunctum Divino cœlesti; in hoc distinctus fuit Dominus ab omni alio homine; ex Divino cogitare ut a se Ipso, nusquam est hominis, nec dabile in homine, solum in Illo, qui conceptus fuit a Jehovah; quia ex Vero intellectuali, hoc est, ex amore seu affectione Veri intellectualis, cogitavit, etiam ex illo desideravit Rationale, inde est, quod hic dicatur, quod Sarai uxor Abrami, per quam intelligitur affectio veri intellectualis, acceperit Hagarem Ægyptiam, & dederit eam Abramo viro suo illi in uxorem: reliqua arcana, quæ hic sunt, ad captum evolvi

evolvi & explicari nequeunt, quia homo in obscurissimo est, imo in nulla idea, de Internis suis; in Scientifico enim ponit & Rationale & Intellectuale, nec novit quod distincta sint, & quidem ita distincta, ut Intellectuale dari queat absque rationali, ut & inde Rationale absque scientifico, quod ut paradoxon non potest non videri illis, qui in scientificis sunt, sed usque est veritas; non autem dari potest, quod aliquis in Vero scientifico sit, nempe in ejus affectione & fide, nisi sit in Vero rationali, in quod & per quod influat Dominus ab Intellectuali; hæc arcana homini non patent nisi in altera vita.

1905. Hagarem Ægyptiam ancillam suam, quod significet vitam hominis exterioris, & affectionem scientiarum, constat ex significatione Hagaris, de qua supra n: 1895. 1896; & a significatione Ægyptiæ, tum ancillæ, de qua etiam ibi.

1906. A fine decem annorum ab habitando Abram in terra Canaan, quod significet reliquias boni & inde veri, quas sibi comparavit Dominus, per quas conceptum rationale illud, constat ex significatione decem, quod sint Reliquiæ, de qua prius n: 576; quid Reliquiæ, dictum & ostensum est, n: 468. 530. 560. 561. 660. 661. 798. 1050, quod nempe sint omnes status affectionis boni & veri, quibus donatur homo a Domino a prima infantia usque ad finem vitæ, qui status reconduntur illi in usum vitæ ejus post mortem, nam omnes ejus vitæ status in altera vita successively redeunt, & tunc temperantur ii per status boni & veri, quibus a Domino donatus est; quo itaque plus Reliquiarum in vita corporis accepit, seu plus boni & veri, eo jucundiores & pulchriores apparent status ejus cæteri, cum redeunt: quod ita se res habeat, unicuique constare potest, si expendat; homo dum conspurcatus est, at omne bonum influit, ut quod amet parentes, nutrices, similes sui, & hoc ex innocentia, hæc sunt quæ a Domino per Cælum innocentia & pacis, quod intimum est, influunt, & sic homo, dum infans est, illis imbuatur; postea, cum adolescit, paulatim bonum, innocens, & pacificum hoc infante recedit; & quantum in mundum introducit, tantum in voluptates inde, & in cupiditates, ita in mala, & tantum ætatis infantilis celestia seu bona disparari incipiunt, sed usque remanent, & per eos temperantur status, quos postea homo induit & sibi acquirit; absque illis nusquam homo potest esse homo; status enim cupiditatum seu mali absque temperatura per status affectionis boni, forent atrociore quam ullius animalis; status illi boni sunt qui appellantur Reliquiæ, a Domino donatæ, & ejus indoli implantatæ, & hoc cum homo nescit: in sequente ætate etiam novis donatur, sed ii status non ita sunt boni sed veri, nam cum adolescit imbuatur veris, & similiter apud eum in Interiori ejus homine reconduntur; per has Reliquias, quæ sunt Veri, natas ex influxu spiritualium a Domino, homo habet, quod cogitare possit, ut & intelligere quid bonum & verum vitæ civilis & moralis, tum etiam recipere verum spirituale seu fidei, sed hoc nequit nisi per Reliquias boni, quas in infantia accepit: quod Reliquiæ sint, & quod recondantur homini in ejus interiori rationali, prorsus nescit homo, ex causa quia

quia putat nihil influere, sed quod omne sit naturale quoddam, ei connatum, ita quod omne sit in se, cum infans, cum tamen prorsus aliter se res habeat : de Reliquiis passim agitur in Verbo, & per illas significantur status illi, per quos homo fit homo, & hoc a solo Domino. Reliquiæ autem, quæ apud Dominum, fuerunt omnes status Divini, quos sibi Ipsi comparavit, & per quos Humanam Essentiam univit Divinæ, non comparandæ sunt cum Reliquiis apud hominem, nam hæ non sunt Divinæ sed humanæ : illæ Reliquiæ sunt, quæ significantur per decem annos quibus Abram habitavit in terra Canaan : cum Angeli audiunt Verbum, non sciunt quid Decem, sed illico cum nominantur ab homine, obvenit illis idea Reliquiarum, nam per decem & decimas in Verbo significantur Reliquiæ, ut constat ab illis quæ dicta & ostensa sunt n : 576. 1738 ; & cum percipiunt, quod fuerit a fine decem annorum, quo habitavit Abram in terra Canaan, obvenit idea Domini, & simul innumera quæ significantur per Reliquias apud Dominum, cum fuit in mundo.

1907. Et dedit eam Abramo viro suo illi in mulierem, quod significet conjunctionem incitante affectione veri, constat ex illis quæ supra dicta sunt de Sarai uxore Abrami, quod sit affectio veri in genuino sensu ; & ex illis quæ dicta sunt de conjunctione Interni hominis cum vita & affectione Exterioris, unde Rationale. Hagar non data est Abramo in uxorem ; sed in mulierem, quod inde ducit causam, quia ex lege ordinis Divini est, quod non sit Conjugium, nisi unius viri & unius uxoris ; amor conjugalioris nuscquam dividi potest, qui dividitur inter plures, non est amor conjugalioris, sed est lasciviæ, de qua re, ex Divina Domini Misericordia, in sequentibus.

1908. Verſ: 4. *Et ingressus ad Hagem, & concepit ; & vidit quod conceperit, & vilis fuit Domina ejus in oculis ejus.* Ingressus ad Hagem, significat conjunctionem Interni Hominis cum vita, quæ est affectionis scientiarum : & concepit, significat primam vitam rationalis : & vidit quod conceperit, & vilis fuit Domina in oculis ejus, significat quod rationale hoc in conceptione sua vilipenderet ipsum verum adjunctum bono.

1909. Ingressus ad Hagem, quod significet conjunctionem Interni Hominis cum vita quæ est affectionis scientiarum, constat ex significatione Hagaris, quod sit vita hominis Exterioris seu naturalis, de qua supra ad Verſ: 1 ; quæ vita quod sit vita affectionis scientiarum, constat a significatione ancillæ Ægyptiæ, de qua etiam dicatur, sed præ omnibus illis præstat affectio cognitionum & scientiarum, cum pro fine habet, ut vere Rationalis fiat, nam sic pro fine habet bonum & verum. Ipsa vita Interni hominis influit in omnes affectiones hominis naturalis, sed ibi secundum fines variatur ; cum in affectiones, quæ pro fine habent mundum, vivificatur finis hic a vita illa, & fit vita mundana ; cum in affectiones, quæ pro fine habent semet, finis hic vivificatur a vita illa, & fit vita corporea, ita cum reliquis ; inde est, quod cupiditates & phantasiæ vivant sed vitam contrariam affectioni boni & veri : vita influens non applicatur alii objecto quam fini, quia finis unicuique est ejus amor, & amor

amor unice est qui vivit; cætera objecta sunt modo derivationes inde, quæ vitam suam trahunt a fine: quisque videre potest, qualem vitam habet, modo, exploret qualem finem; non quales fines, nam innumerabiles sunt, nempe quot intentiones, & fere quot cogitationum judicia & conclusa, sed hæc sunt fines intermedii, qui a principali varie derivantur, vel ad illum tendunt, at exploret finem quem reliquis præfert, & cujus respectu reliqui sicut nihil sunt: si pro fine habet semet & mundum, sciat quod infernalis sit; si autem pro fine habet bonum proximi, bonum commune, Regnum Domini, imprimis Ipsum Dominum, sciat quod cœlestis sit.

1910. Et concepit, quod significet primam vitam Rationalis, constat a significatione conceptionis, quod sit prima vita: quod Rationale attinet, hoc vitam suam, ut dictum, accipit a vita Interni hominis influente in vitam affectionis cognitionum & scientiarum Exterioris; vita affectionis cognitionum & scientiarum dat Rationali quasi corpus, seu induit vitam Interni hominis sicut corpus animam; cognitiones & scientiæ non aliter se habent: idea seu instar animæ & corporis est in singulis, quæ apud hominem, in singulis ejus affectionis, & in singulis ejus cogitationis, nam nihil non, utcumque simplex apparet, est compositum, & existit a priori se.

1911. Et vidit quod conceperit, & vilis fuit Domina ejus in oculis ejus, quod significet quod Rationale hoc in conceptione sua vilipenderet ipsum verum adjunctum bono, constat a significatione Dominiæ seu Sarai, quod sit verum adjunctum bono: Rationale primo conceptum non potest agnoscere Verum intellectuale seu spirituale pro vero, quia adherent ei ex scientiis acceptis e mundo & natura plures fallaciæ, & ex cognitionibus captis ex sensu literali Verbi apparentiæ, quæ non sunt vera: ut pro exemplo, Verum intellectuale est, quod omnis vita a Domino, Rationale primo conceptum id non capit, putat si non viveret ex se, nihil vitæ haberet, imo indignatur si aliter dicitur, ut multoties apperceptum a spiritibus, qui fallaciis sensuum inhaerent. Verum intellectuale est, quod omne bonum & verum a Domino, Rationale primo conceptum etiam hoc non capit, quia sentit quod quasi a se, tum putat si non bonum & verum a se, quod nihil boni & veri cogitare, minus facere possit, & si ab alio quod remitteret se, & continue expectaret influxum. Verum intellectuale est, quod nihil nisi bonum a Domino, & quod ne hilum mali, Rationale primo conceptum nec hoc credit, putat quia Dominus omnia & singula regit, quod etiam malum ab Ipso, & quia omnipotens & omnipræfens & est ipsum Bonum, nec tollit punitiones malorum in inferno, quod malum pænæ velit, cum tamen non alicui malum facit, nec alicui puniri vult. Verum intellectuale est, quod cœlestis homo perceptionem boni & veri habeat a Domino, primum rationale vel prorsus negat perceptionem, vel putat si perciperet ab alio & non a semet, quod foret sicut inanimatus seu nullius vitæ: imo quo plus Rationale ex scientificis oriundis ex sensualibus, & quo plus ex philosophicis, cogitat, eo minus illa & reliqua vera intellectualia capit, nam fallaciæ inde eo crassioribus umbris involvuntur, inde est quod docti minus quam alii credant. Cum Rationale primo con-

C.

con-

conceptum tale est, constat, quod vilem habeat Dominam, hoc est, vilipendat verum intellectuale: Verum intellectuale non prius patet, hoc est, agnoscitur, quam cum fallaciæ & apparentiæ discussæ sunt, quæ nusquam discutuntur, quamdiu homo ratiocinatur de ipsis veris ex sensibilibus & scientificis, sed tunc primum cum simplici corde credit, quod verum sit, quia ita a Domino dictum, tunc discutuntur fallaciarum umbræ, & apud eum tunc nihil facit quod non capiat. Apud Dominum autem nullæ fuerunt fallaciæ, sed cum primo Rationale Ipsi conceptum, apparentiæ veri, quæ non fuerunt vera in se, ut patet ab illis quæ dicta sunt, n: 1661, inde etiam Rationale Ipsi in prima conceptione vilipendens verum intellectuale, sed successive sicut Rationale Divinum factum, nubes apparentiarum discussæ sunt, & Intellectualia Vera in sua luce Ipsi patuerunt, quod representatum & significatum est per quod Ismael expulsus domo cum adolevit Isaac. Quod Dominus non vilipenderit Verum intellectuale, sed quod perceperit & viderit quod novum Ipsi Rationale vilipenderet, ex illis, quæ sequuntur n: 1914, constabit.

1912. Verf: 5. *Et dixit Sarai ad Abram, injuria mea super te, ego dedi ancillam meam in sinum tuum, & vidit quod concepit, & vilis sum in oculis ejus, judicet Jehovab inter me & inter te.* Dixit Sarai ad Abram, significat quod affectio veri ita perceperit: injuria mea super te, ego dedi ancillam meam in sinum tuum, significat quod illa non culpam in se accipere vellet: & vidit quod concepit, significat vitam primam Rationalis: & vilis sum in oculis ejus, significat, hic ut prius, quod Rationale hoc in conceptione sua vilipenderet ipsum verum adjunctum bono: judicet Jehovab inter me & inter te, significat indignationem Domini.

1913. Quod dixit Sarai ad Abram, significet quod affectio veri ita perciperet, constat ex significatione Sarai, quod sit affectio veri, n: 1904: & dicere, quod in sensu interno sit percipere, ut dictum supra, n: 1898, ubi eadem verba.

1914. Quod injuria mea super te, ego dedi ancillam meam in sinum tuum, significet quod illa non culpam in se accipere vellet, constat absque explicatione: hæc in sensu interno involvunt, quod Dominus perceperit hoc primum Rationale tale esse, ut vilipenderet verum intellectuale, quare illud redarguit; cogitavit enim Dominus ex Vero intellectu, ut dictum supra n: 1904, quod quia supra rationale, percipere & videre potuit quale Rationale esset, nempe quod vile haberet Verum illud. Quod Dominus ab Interiori percipere & videre potuerit, quale esset novum rationale apud se, constare potest inde, quod Interiori percipere queat quid existit in Exteriori, seu quod idem, quod superius possit videre quid in inferiori; sed non vicissim: etiam qui conscientiam habent, hoc possunt & solent facere, dum enim aliquid influit contra verum conscientiam in cogitationem aut in conatum voluntatis, non solum id apercipiunt, sed etiam incusant, imo iædolet illis quod tales; magis qui perceptionem, nam perceptio est interior in Rationali; quid non Dominus, Qui habuit Perceptionem coelestem Divinam, & ex affectione

Veri

Veri intellectualis, quod supra rationale est, Cogitationem; quare non potuit non quam indignari, sciens quod nihil mali & falsi ex Semet, & quod ex affectione Veri summa opera sollicitus fuerit, ut rationale esset purum: inde constare potest, quod Dominus non vilipenderet Verum intellectuale, sed quod perceperit quod primum rationale apud illum, illud vilipenderet. Quid sit cogitare ex Vero intellectuali, non explicari potest ad captum, & eo minus quia nemo ex illa affectione & ex illo Vero cogitavit quam Dominus; qui inde cogitat, is supra cælum angelicum, nam Angeli tertii Cœli non cogitant ex vero intellectuali, sed ex interiori Rationalis; at quantum Dominus univit Essentiam Humanam Divinæ, cogitavit ex Ipso Divino Bono, hoc est, ex Jehovah: Antiquissimæ Ecclesiæ Patres, qui perceptionem habuerunt, cogitarunt ex interiori Rationali; Ecclesiæ Antiquæ Patres, qui non perceptionem sed conscientiam habuerunt, cogitarunt ex Rationali exteriori seu naturali; omnes autem, qui absque conscientia sunt, nusquam cogitant ex Rationali, nam non Rationale habent, tamen apparet sicut haberent, sed cogitant ex naturali sensuali & corporeo; quod illi qui non conscientiam, non ex Rationali cogitare possint, causa est, ut dictum, quia rationale non habent, Rationalis homo est, qui cogitat bonum & verum fidei, nusquam qui contra illud, qui cogitant malum & falsum, insaniunt cogitatione, quare de illis nusquam Rationale prædicari potest.

1915. Et vidit quod concepit, quod significet vitam primam rationalis, constat a significatione conceptionis, quod sit vita prima, hic ut prius, n: 1910.

1916. Quod vilis sum in oculis ejus, significet quod rationale hoc in conceptione sua vilipenderet ipsum verum adjunctum bono, constat ab illis quæ mox supra n: 1911. 1914, dicta sunt.

1917. Judicet Jehovah inter me & inter te, quod significet indignationem Domini, constat ab illis quæ mox dicta sunt, ita absque explicatione. Quomodo hæc porro se habent, idea non capi potest, nisi ab illis qui in tentationum pugnis fuerunt; in tentationibus sunt vastationes & desolationes, sunt desperationes, ac inde indolentiæ & indignationes, præter alios motus dolorificos interiores, & hoc varie & alternis secundum status mali & falsi, qui a malis geniis & spiritibus excitantur, & contra quos pugnatur; diabolici spiritus nihil plus cupiunt, quam invenire aliquod falsum, imo commune apud eos est inducere a se falsum, & simul tunc accusare; inde tanta Domini indignatio, in Cujus primo Rationali nullum falsum, sed apparentia veri, quæ in se non vera, de quibus prius n: 1661. 1911 ad fin.

1918. Vers: 6. *Et dixit Abram ad Sarai, ecce ancilla tua in manu tua, fac ei quod bonum in oculis tuis, & humiliavit eam Sarai; & fugit a facie illius.* Dixit Abram ad Sarai, significat perceptionem: ecce ancilla tua in manu tua, significat rationale hoc conceptum esse sub potestate veri adjuncti bono: fac ei quod bonum in oculis tuis, significat imperium: & humiliavit eam Sarai, significat subjugationem: & fugit a facie ejus, significat indignationem rationalis hujus primum concepti.

1919. Dixit Abram ad Sarai, quod significet perceptionem, constat ab illis quæ supra n: 1898, dicta sunt: Perceptio Domini representata fuit & hic significatur per id, quod Abram dixit ad Sarai, sed Cogitatio ex perceptione per id, quod Sarai dixit ad Abram; Perceptio erat ex qua Cogitatio; qui in perceptione sunt, non aliunde cogitant; sed usque perceptio est aliud quam cogitatio; ut sciatur quod aliud, sit, ad illustrationem, Conscientia; Conscientia est quoddam dictamen commune, ita obscurum, illorum, quæ influunt per Cœlos a Domino, quæ influunt, sistunt se in interiori rationali homine, & ibi sicut in nube, quæ nubes est ex apparentiis & fallaciis de veris & bonis fidei; Cogitatio vero distincta est a Conscientia, sed fluit a Conscientia, nam qui conscientiam habent, secundum illam cogitant & loquuntur, estque cogitatio vix aliud quam explicatio illorum quæ sunt Conscientiæ, & sic illorum partitio in ideas, & dein in voces; inde est, quod, qui conscientiam habent, teneantur a Domino ut cogitant bene de proximo, atque detineantur a cogitando male; quare Conscientia nusquam dabilis est nisi apud illos qui amant proximum sicut semet, & bene cogitant de veris fidei: ex allatis constare potest, quæ differentia est conscientiæ & cogitationis, unde sciri potest quæ differentia perceptionis & cogitationis. Perceptio Domini fuit immediate ex Jehovah, ita ex Divino Bono, Cogitatio autem ex Vero intellectu & ejus affectione, ut supra n: 1904. 1914. dictum: Perceptio Divina Domini, non aliqua idea, ne quidem angelica, capi potest, ita nec describi; Perceptio Angelorum, de qua n: 1384 seq: 1394. 1395, vix aliquid est respective ad Perceptionem, quæ fuit Domino; Perceptio Domini, quia Divina, fuit omnium quæ in Cœlis, & quia omnium quæ in Cœlis, fuit omnium quæ in terris, ordo enim est talis, nexus, & influxus, ut qui in illorum perceptione est, etiam in horum sit: at postquam Humana Domini Essentia unita facta Divinæ Ipsius, & simul Jehovah, tunc Dominus supra illud, quod perceptio dicitur, fuit, quia supra ordinem qui in Cœlis, & inde in terris; est Jehovah, a Quo ordo, inde dici potest quod Jehovah sit ipse Ordo, a Se Ipso enim regit ordinem, non ut putatur, solum in universali, sed & in singularissimis; singularissima enim sunt ex quibus Universale, dicere universale & inde separare singularia, foret non aliud ac dicere totum in quo nullæ partes, sic dicere aliquid in quo nihil; ita falsissimum, & sicut vocatur, ens rationis est, dicere, quod Providentia Domini sit universalis, & non singularissimorum, nam providere & regere in universali & non in singularissimis, est prorsus nihil providere & regere: hoc philosophice verum est, sed usque mirum, quod ipsi Philosophi etiam sublimiores aliter capiant & aliter cogitent.

1920. Ecce ancilla tua in manu tua, quod significet Rationale hoc conceptum esse sub potestate affectionis veri adjuncti bono, constat a significatione manus, quod sit potestas, de qua prius n: 878, & ex significatione Hagaris Ægyptiæ, quod sit affectio scientiarum, de qua etiam prius: postquam Rationale per influxum Interni Homini in vitam affectionis scientiarum Exterioris conceptum est, tunc per Ancillam etiam intelligitur tenerum illud

illud Rationale quod in utero ; quod autem, cum natum est & adolevit, representatur per Ismaelem, de quo in sequentibus. Quod Domino fuerit potestas in Rationale quod apud Ipsum, & quod ex propria potentia subjugaverit illud, constabit ex mox dicendis.

1921. Fac ei quod bonum in oculis tuis, quod significet imperium, constat absque explicatione. In sensu Interno hæc representant & significant, quod Dominus ex propria potentia evicerit, subjugaverit, & expulerit malum, quod ex hæreditario quoque se in primum hoc Rationale infinuavit, nam sicut dictum, Rationale conceptum fuit ab Interno Homine, qui fuit Jehovah, ut a patre, & natum ab Exteriori, ut a matre ; quicquid ab Exteriori, hoc secum habuit hæreditarium, ita quoque malum ; hoc fuit quod Dominus propria potentia evicit, subjugavit, & expulit, & tandem Divinum fecit : quod ex propria potentia, ab omnibus & singulis, quæ in hoc Versu, constat ; ut “ quod ancilla tua in manu tua,” per quæ significatur quod Rationale illud esset in potestate Ipsius ; & nunc quod dicatur, “ fac ei quod bonum in oculis tuis,” quo significatur imperium super illud ; & mox “ humiliavit eam Sarai,” quo significatur subjugatio. Hæc dicta sunt ad Sarai, per quam representatur Verum intellectuale, quod fuit Ipsius Domini, ex quo cogitavit, ut supra 1904. 1914, dictum, & ex quo imperium habuit super Rationale, ut & super naturale, quod erat Exterioris hominis : qui ex Vero intellectuali cogitat, & ex Bono Divino percipit, quod etiam Ipsius fuit quia Patris, nam alia non Ipsi anima-fuit, non potest aliter quam ex propria potentia agere ; quare quia malum ex hæreditario, propria potentia domavit & eiecit, etiam ex propria potentia Humanam Essentiam univit Divinæ, unum est consequens alterius. Qui concipitur a Jehovah, non aliud Internum habet, hoc est, non aliam animam, quam Jehovah, quare fuit quoad ipsissimam vitam Ipse Jehovah ; Jehovah seu Divina Essentia non potest dividi, sicut anima patris hominis, ex qua concipitur proles, hæc quantum recedit a similitudine patris, tantum a patre, ita magis & magis procedente ætate, inde est quod amor patris erga liberos diminuat secundum ætatis progressionem ; aliter Dominus, progrediente ætate quoad Humanam Essentiam non recessit, sed continue accessit, usque ad perfectam unionem ; inde constat quod idem sit cum Jehovah Patre, ut Ipse quoque clare docet, Joh : xiv. 6. 8. 9. 10. 11.

1922. Et humiliavit eam, quod significet subjugationem, sequitur ex illis quæ dicta sunt.

1923. Et fugit a facie ejus, quod significet indignationem rationalis hujus primum concepti, constat etiam absque explicatione ; nam fugere a facie non aliud est quam non susterre præsentiam, quod est indignationis. Hic describitur indignatio hujus rationalis contra verum intellectuale, ex eo quod Verum intellectuale seu Dominus illud humiliare seu subjugare voluit : cum Rationale insurgit contra Intellectuale, existit pugna intestina, & indignatio a parte ejus qui subjugatur, ut sit in tentationibus, quæ non aliæ sunt quam pugnae

pugnæ intestinae, & sunt disceptationes & contentiones de potestate & imperio, mala ab una parte, & bona ab altera.

1924. Vers: 7. *Et invenit eam Angelus Jehovah ad fontem aquarum in deserto, ad fontem in via Schur.* Invenit eam Angelus Jehovah, significat Interioris hominis cogitationem; angelus Jehovah hic est interior cogitatio quæ ab Interno Domini: ad fontem aquarum in deserto, significat verum naturale adhuc non vitam adeptum: ad fontem in via Schur, significat quod verum illud esset ex illis quæ procedunt a scientificis.

1925. Invenit eam angelus Jehovah, quod significet interioris hominis cogitationem, nempe apud Dominum, constare potest a representatione & significatione Angeli Jehovah: Angelus Jehovah aliquoties, memoratur in Verbo, & ubivis, cum in bono sensu, representat & significat aliquid essentiale apud Dominum & a Domino; quid autem representat & significat, constare potest ex serie: fuerunt Angeli, qui missi ad homines, ut & loquuti per Prophetas, sed quod loquuti non fuit ab Angelis, sed per Angelos; status enim tunc fuit, ut non sciverint aliter quam quod ii fuerint Jehovah, hoc est, Dominus, sed mox cum eloquuti sunt, redierunt in statum suum pristinum, & loquuti sicut a se: ita se habuit cum Angelis, qui loquuti sunt Verbum Domini, quod ex multa experientia hodie simili in altera vita, mihi nosse datum, de qua experientia, ex Divina Domini Misericordia, in sequentibus; quæ causa est, quod Angeli quandoque dicti fuerint Jehovah; ut manifeste constat ab Angelo, qui apparuit Mosi in rubo, de quo ita, "Apparuit Angelus Jehovah Mosi in flamma ignis e medio rubi: vidit Jehovah quod fecederet ad videndum, & clamavit ad eum Deus e medio rubi. Dixit Deus ad Moysen, Sum Qui Sum; & dixit adhuc Deus ad Moysen, sic dices ad filios Israelis, Jehovah Deus patrum vestrorum misit me ad vos," Exod: 111. 2. 4, 14, 15. ex quibus patet, quod Angelus fuerit, qui apparuit Mosi ut flamma in rubo, & quod ille loquutus sicut Jehovah, quia per illum Dominus seu Jehovah: ut enim loquutio fiat ad hominem per voces quæ soni articulati, & in ultima natura, Dominus ministerio Angelorum utitur, implendo eos Divino, &, quæ propria eorum sunt, sopiendo, ut non sciant aliter tunc quam quod Ipsi Jehovah; ita Divinum Jehovah, quod in supremis, delabitur in infimum naturæ, in quo est homo quoad visum & auditum. Similiter Angelus, qui loquutus cum Gideone, de quo ita in Libro Judicum, "Apparuit Gideoni Angelus Jehovah, & dixit ad eum, Jehovah tecum, potens robore: & dixit ad eum Gideon, in me Domine mi, quare invenit nos omne id; & asperxit eum Jehovah, & dixit, vade in robore tuo; tunc dixit ad eum Jehovah, atqui ero tecum," xvi: 12. 13. 16. & postea "Vidit Gideon, quod Angelus Jehovah ille, & dixit Gideon, ah Domine Jehovih, quandoque vidi Angelum Jehovah facie ad faciem: & dixit ei Jehovah, pax tibi, ne timeas" ib: vers: 22. 23. ubi similiter fuit Angelus, sed in illo statu tunc, ut non sciverit aliud, quam quod ille Jehovah seu Dominus esset. In Libro Judicum alibi, "Ascendit

“cendit *Angelus Jehovæ* ex Gilgal ad Bochin, & dixit, ascendere feci vos ex *Ægypto*, & adduxi vos in terram, quam juravi patribus vestris, & dixi, non irritum faciam fœdus meum vobiscum in æternum” 11: 1. ubi similiter Angelus loquitur nomine *Jehovæ*, dicens se eduxisse eos e terra *Ægypti*, cum tamen Angelus non eduxit, sed *Jehovah*, ut multoties alibi dicitur: inde constare potest, quomodo Angeli loquuti sunt per Prophetas, nempe quod Ipse Dominus, tametsi per Angelos, & quod Angeli ne hilum a se; quod a Domino Verbum, constat a multis locis, etiam apud Matthæum “Ut impleretur id quod dictum a Domino per Prophetam, dicentem, “ecce virgo in utero habebit, & pariet filium” 1: 22. 23, præter alibi. Quia Dominus loquitur per Angelos, quando cum homine, inde est, quod etiam Dominus passim in Verbo dicatur Angelus, & tunc per Angelum aliquid essentiale apud Dominum & a Domino, ut dictum, significatur, ut hic, quod Interior Domini cogitatio, quare etiam Angelus hic quoque *Jehovah* ac Deus in hoc Capite appellatur, ut in Vers: 13, “Et Hagar “vocavit nomen *Jehovæ* loquentis ad se, tu *Deus* videns me.” Alibi similiter per Angelos aliquid speciale Domini significatur, ut apud Johannem “Septem stellæ, *Angeli* septem Ecclesiarum sunt,” Apoc: 1. 20, angeli Ecclesiarum non dantur, sed per angelos significatur illud quod est Ecclesiæ, ita quod Domini respective ad Ecclesias: apud Eundem “Vidi murum “sanctæ Hierosolymæ magnum & altum, habentem portas duodecim, & “super portas *Angelos* duodecim, & nomina scripta quæ sunt duodecim tribuum filiorum Israel,” Apoc: 21: 12. ubi per duodecim Angelos idem significatur, quod per duodecim Tribus, nempe omnia quæ sunt fidei, ita Dominus, a Quo fides & ejus omnia: apud Eundem, “Vidi *Angelum* volantem in medio cœli, habentem Evangelium æternum,” Apoc: 14. 6. ubi per Angelum significatur Evangelium, quod est solius Domini: apud Esaiam, “*Angelus facierum* Ipsi salvavit nos, propter amorem suum, & “propter clementiam suam, ille redemit eos, & tulit eos, & portavit eos, “omnibus diebus æternitatis,” LXIII. 9. ubi per Angelum facierum intelligitur Domini misericordia erga universum genus humanum, quod redemit eos: a Jacobo benedicente filiis Josephi similiter, “*Angelus*, qui redemit me “ab omni malo, benedicat pueris,” Gen: XLVIII: 16; ubi etiam Redemptionis, quæ est Domini, per Angelum significatur: apud Malachiam, “Subito veniet ad templum suum Dominus, quem vos quærentes, & “*Angelus fœderis*, quem vos desideratis,” 111: 1. quod Dominus per Angelum significatur, manifeste ibi patet, ubi Angelus fœderis dicitur ob adventum Ipsi; adhuc manifestius, quod per Angelum significetur Dominus, in Exodo, “Ecce Ego mitto *Angelum* coram te, ad custodiendum te in via, & “ad deducendum te ad locum, quem præparavi; non sustinebit prævaricationem vestram, quia *nomen meum in medio illius*” 23: 20. 21. inde nunc constat, quod per Angelum in Verbo intelligitur Dominus, sed quid Domini, ex serie in sensu interno, patet.

1926. Quod Angelus *Jehovæ* hic sit interior cogitatio quæ ab Interno Domini,

mini, constat, ut dictum, a serie. Per Interius intelligitur hic illud apud Dominum, quod unitum fuit Jehovah, seu Interno Ipsum: Unio non facta est simul & una vice, sed successive, nempe a prima pueritia ad ultimum Ipsum vitæ in mundo; & hoc præcipue per tentationes & victorias; unaquævis tentatio & victoria univit; etiam quantum se univit cum Interno seu Jehovah, tantum Cogitatio interior facta, & tantum Intellectuale Verum fuit unitum Divino Bono: hæc Cogitatio est, quæ intelligitur per Interioriorem cogitationem quæ ab Interno Domini, & quæ repræsentatur & significatur hic proprie per Angelum Jehovah.

1927. Ad fontem aquarum in deserto, quod significet Verum naturale adhuc non vitam adeptum, constat a significatione fontis aquarum, quod sit verum; & ex significatione deserti, quod sit id quod parum vitale adhuc; similiter ac per illud in sensu interno apud Lucam, ubi de Domino, "Puer crevit & corroboratus est spiritu, erat tamen in *Desertis* usque ad dies ap-
"partitionis illius ad Iherusalem," 1: 8. Quod fons aquarum & desertum hæc significant, confirmari potest plurimis ex Verbo, sed quia in sequentibus sæpius fit mentio fontium, ut & deserti, etiam in tali significatione, ibi, ex Divina Domini Misericordia, confirmabitur: quid sit quod Verum nondum vitam adeptum, constabit a mox dicendis.

1928. Quod ad fontem in via Schur, significet quod Verum illud esset ex illis quæ procedunt a scientificis, constat a significatione fontis, tum viæ, ut & Schur; fons, ut dictum, significat verum; via significat quod ducit ad verum & quod procedit a vero, ut ostensum prius n: 627; Schur autem significat tale scientificum, quod adhuc quasi est in deserto, hoc est, quod non adhuc vitam adeptum: Vera ex scientificis dicuntur vitam adipisci, cum se adiungunt seu associant veris, in quæ influit celeste amoris, ipsa vita veri est inde: sunt rerum, ita veritatum conjunctiones sicut societatum in Cælo, quibus etiam correspondent; nam homo quoad interiora sua est exiguum quoddam cælum; res seu veritates, quæ non secundum formam celestium societatum conjunctæ sunt, nondum sunt vitam adeptæ, nam prius celeste amoris a Domino non convenienter influere potest; vitam tunc primum accipiunt, cum forma similis utrinque est, seu cum hominis exiguum cælum sit maximi correspondens imago; prius nemo dici potest celestis homo: Dominus Qui ex Se Ipso gubernaret universum cælum, vera & bona apud Externum suum Hominem, seu in Essentia sua Humana, dum in mundo fuit, in talem ordinem redegit; sed quia percepit, quod Rationale Ipsum primo conceptum non tale esset, ut dictum supra ad vers: 4 & 5, causam cogitavit & percepit, quod vera naturalia ex scientificis orta adhuc non vitam adeptæ sint, hoc est, in ordinem illum celestem redacta. Præterea vera fidei, nusquam aliquam vitam habent, nisi homo in charitate vivit; ex charitate fluunt omnia vera fidei, & in charitate sunt; & cum in charitate & ex charitate, tunc vitam habent, in charitate est vita, nusquam in veris absque charitate. Quod Schur significet scientificum nondum vitam adeptum, constat ex significatione ejus; Schur enim fuit desertum non procul a mari Suph, ita
versus

versus Ægyptum, ut constat apud Mosen, "Proficisci fecit Moses Israellem a mari Suph, & exiverunt ad *Desertum Schur*, inde iverunt tres dies in *deserto*, nec invenerunt aquas," Exod: xv: 22. quod versus Ægyptum, constat etiam apud Mosen, ubi de posteris Ismaelis "Habitaverunt a Chavillah, usque ad *Schur*, quod ad *facies Ægypti*," Gen: xxv: 18. & apud Samuelem "Percussit Shaul Amalekum a Chavillah, quo venit *Schur*, quod ad *facies Ægypti*," 1 Sam: xv: 7. & alibi "David effudit se ad *Geschuritam*, & *Gisritam*, & *Amalekitam*, qui habitantes terra quæ a *Schur*, & usque ad *terram Ægypti*," 1 Sam: xxvii: 8. ex quibus constare potest, quod per *Schur* significetur primum scientificum, & quidem tale, quod adhuc in deserto est, seu nondum junctum reliquis secundum societatem cœlestem, nam per Ægyptum, ad cujus faciem erat, significatur Scientia in omni sensu, ut ostensum prius, n: 1164. 1165. 1186. 1462.

1929. Quod hæc significantur, per quod Angelus Jehovah invenit Hagarem ad fontem aquarum in deserto, ad fontem in via *Schur*, nusquam apparere potest ex sensu literalis, & minus cum historicum est, qui sensus perquam remotus a significatione talium esse videtur; sed usque is est sensus qui venit in ideas Angelorum, cum ab homine hæc leguntur; Angeli enim nullam ideam habent Hagaris, nec fontis aquarum, nec deserti, nec viæ, nec *Schur*, omnia hæc non ad illos penetrant, sed perant in primo limine; sed quid per Hagarem, per fontem, per desertum, per viam, & per *Schur*, significatur, hoc intelligunt, & inde formant ideas cœlestes, & sic Verbum Domini percipiunt, nam sensus internus est illis Verbum.

1930. Vers: 8. *Et dixit, Hagar ancilla Sarai, unde venis, & quo vadis; & dixit, a facie Sarai Domine mee ego fugio.* Dixit, Hagar ancilla Sarai, significat informationem: unde venis, & quo vadis, significat de statu: & dixit, a facie Sarai dominæ meæ ego fugio, significat responsum & indignationem.

1931. Dixit, Hagar ancilla Sarai, quod significet informationem, constat ex serie, nam est appellatio Hagaris ab Angelo, sicut informaretur: in Verbo solenne est, quod Jehovah interroget hominem, & homines respondeant, tametsi Jehovah id prius novit, nec solum factum, sed etiam causas & fines, ita omnia minima & intima; sed quia homo hoc nescit, & credit quod nusquam aliquis sciat quod in occulto, non vidente aliquo, facit, & minus quid cogitat, ideo secundum fidem hominis ita fit: sed usque ita se in veritate habet, quod Spiritus vulgares cogitationes hominis percipiunt melius quam ipse homo; Spiritus angelici adhuc interiora cogitationum; & Angeli adhuc interiora, nempe causas & fines, de quibus homo parum novit; hoc a multa & continua plurimum annorum experientia scire datum; cum illa Spiritus & Angeli percipiunt, quid non Dominus seu Jehovah, Qui Infinitus, & omnibus dat percipere.

1932. Unde venis, & quo vadis, quod significet informationem de statu, constat inde.

1933. Et dixit, a facie dominæ meæ Sarai ego fugio, quod significet responsum & indignationem, constat ex illis quæ dicta sunt; de indignatione videatur supra ad vers: 4, ubi eadem verba: quia facies significat interiora, ut ostensum prius, n: 358, ita indignationes & plura.

1934. Vers: 9. *Et dixit ei Angelus Jehovæ, revertere ad dominam tuam, & humilia te sub manibus illius.* Dixit Angelus Jehovæ, significat Interioris hominis Domini responsum: revertere ad dominam tuam, significat quod animadverterit se non fidere sibi debere, sed vero interiori & ejus affectioni: & humilia te sub manibus illius, significat quod se cogere debeat, ut sit sub illius potestate.

1935. Dixit Angelus Jehovæ, quod significet Interioris Hominis Domini responsum, constat ex significatione Angeli Jehovæ, quod sit Interior Cogitatio Domini, de qua supra n: 1925; & quia est cogitatio, etiam est responsum. Interior Cogitatio Domini fuit ex affectione Veri Intellectualis, & hæc Affectio ex Ipso Divino Bono; talis cogitatio, ut prius dictum, nusquam apud aliquem hominem est, nec esse potest: apud hominem etiam est interior cogitatio, quæ influit per Internum ejus hominem, in interiorem rationalem, a Domino, apud eos qui conscientiam habent, quod constare potest ex eo, quod animadvertere possint malum & falsum quod in Externo suo homine, quod pugnat contra bonum & verum in interiori; & hæc cogitatio est multo inferior, non comparanda ullo modo cum Domini, quæ fuit ex Affectioe Veri Intellectualis, fuit & Ipse propria: qui autem conscientiam non habent, interiorem cogitationem non habere possunt, quare nec apud eos ulla pugna est, causa est, quia rationale eorum unum & idem agit cum sensuali corporeo; & tamen apud eos quoque continuo influit bonum & verum a Domino, usque illud non apperipiunt, quia illico id extinguunt & suffocant, inde est, quod nec credant aliquid verum fidei.

1936. Quod revertere ad Dominam, significet quod animadverterit se non fidere sibi debere, sed Vero interiori & ejus affectioni, constat a significatione Dominæ, quod sit affectio veri interioris: sed quid in specie per Sarai, per Sarai uxorem, & per Sarai dominam, significatur, non describi potest, quia nulla idea capi, sunt, ut dictum prius, supra intellectum etiam angelicum; hic modo innuitur, quomodo Dominus cogitavit de apparentiis, quæ primum Rationale apud Ipsum detinuerunt, nempe quod iis non fidendum, sed ipsis Veris Divinis, utcumque coram Rationali illo apparent incredibilia: ita se habet cum omnibus Veris Divinis, si consultitur de illis Rationale, nusquam possunt credi, nam superant omnem ejus captum; sicut pro exemplo, quod nullus homo, spiritus, & angelus, vivat a semet, sed solus Dominus, & quod vita hominis, spiritus & angeli, sit apparens vitæ apud eos; hoc repugnat Rationali, quod ex fallaciis judicat, sed usque credendum, quia Verum est. Verum Divinum est, quod indefinita sint in unaquavis voce Verbi, quæ tam simplex & rudis apparet homini, imo quod plus quam universum cælum, & quod arcana, quæ inibi, coram Angelis a Domino sisti queant cum perpetua varietate in æternum; hoc tam incredibile est Rationali,

nali, ut nusquam aliquam fidem ei dare velit, sed usque est Verum. Verum Divinum est, quod nusquam aliquis remuneretur in altera vita propter bene acta, si meritum in illis posuerit, & si illa fecerit sui lucri, honoris & famæ causa: & quod nusquam aliquis puniatur propter male acta, si ex fine vere bono egerit, fines sunt qui spectantur, inde acta; hæc quoque a Rationali non credi possunt, sed quia est verum, non fidendum rationali, quod non ex internis, sed ab externis concludit. Verum Divinum est, qui minimum gaudium in altera vita affectat, quod is accipiat a Domino maximum, & qui maximum, is habeat minimum; tum quod in gaudio cœlesti nusquam sit aliquid præminentiae præ altero, & quantum præminentiae, tantum inferni; tum quod in gloria cœlesti ne minimum gloriæ mundanæ sit; hæc quoque Rationali repugnant, sed usque credenda, quia sunt vera. Verum quoque Divinum est, quod quis eo sapientior sit, quo plus credit quod nihil sapientiae a se, & quod eo infanior, quæ plus credit a se, ita quo plus prudentiam sibi ipsi tribuit; Rationale hoc quoque negat, quia quod non ex se, putat esse nihil: talia dantur innumerabilia; ex illis, ut paucis exemplis constare potest, quod non fidendum Rationali, nam Rationale est in fallaciis & apparentiis, quare vera fallacii & apparentiis nudata rejicit, & eo magis, quo plus in amore sui & ejus cupiditatibus est, inque ratiociniis, tum in principiis falsi de fide. Videantur etiam quæ supra allata, n: 1911.

1937. Quod humilia te sub manibus illius, significet quod se cogere debeat ut sit sub illius potestate, constat absque explicatione: humiliare se exprimitur in lingua originali per vocem, quæ significat *affligere*; quod se affligere in sensu interno sit se cogere, ex plurimis in Verbo locis constare potest, de quâ ejus significatione in sequentibus. Quod homo se cogere debeat, ad faciendum bonum, ad obediendum illis quæ a Domino mandata sunt, & ad loquendum vera, quod est ad humiliandum se sub manibus Domini, seu ad se submittendum sub potestate boni & veri Divini, plura arcana involvit, quam ut paucis possit explicari: sunt quidam Spiritus, qui pro principio habuerunt, dum vixerunt in mundo, quod, quia audiverunt, omne bonum esse a Domino, & hominem nihil boni a se facere posse, se nihil coegerint, sed se remiserint, irritum fore omnem conatum putantes quia ita est, & ideo expectaverint immediatum influxum in voluntatis eorum conatum, nec se ad faciendum aliquid bonum coegerint; imo usque adeo, ut dum aliquod malum irrepserit, quod, quia non senserunt aliquem renisum ab interiori, se quoque ei reliquerint, putando sic permillum fore; sed ii tales sunt, ut sint quasi absque proprio, sic ut sint nullius determinationis, quare inter inutiliores, duci enim se patiuntur æque a malis ac a bonis, & a malis multum patiuntur; at qui se coegerunt contra malum & falsum, tamen primum putarunt, quod hoc esset a se seu a propria potentia, at postea illustrati, quod conatus eorum fuerit a Domino, imo omnium minima conatus, ii in altera vita non possunt duci a malis spiritibus, sed inter felices sunt: exinde constare potest, quod homo se cogere ad faciendum bonum, & loquendum verum debeat: arcanum, quod in eo latet, est, quod sic donetur homo pro-

prio cœlesti a Domino; proprium cœleste hominis formatur in ejus cogitationis conatu, quem si non per se cogere, sicut apparet, nusquam per se non cogere, obtinet; ut hoc pateat, quomodo se habet, in omni coactione ad bonum, est liberum quoddam, quod non ita appercepitur, cum in coactione est, sed usque inest; sicut qui vult subire discrimina mortis propter finem quandam, aut sicut qui vult pati dolores corporis propter sanitatem, est voluntarium & sic liberum quoddam in illis, ex quo id facit, tamen discrimina & dolores, dum in illis est, auferant apperceptionem voluntarii seu liberii, ita se habet cum illis qui se ad bonum cogunt, est intus voluntarium, ita liberum, ex quo & propter quod se cogunt, nempe propter obedientiam illorum quæ Dominus mandavit, & propter salutem animæ suæ post mortem, in quibus adhuc interius est, quod homo non novit, propter Regnum Domini, imo propter ipsum Dominum; hoc fit quam maxime in tentationibus, in quibus cum se cogit homo contra malum & falsum, quod infunditur & suggeritur a malis spiritibus, plus liberi est, quam usquam in aliquo statu extra tentationes, quamvis homo id non tunc capere potest, est liberum interius, ex quo vult subjungere malum, & in tantum ut æqualeat vi & fortitudinî mali quod impugnat, alioquin nusquam pugnaret: hoc liberum est a Domino, qui illud ejus conscientiæ insinuat, & per illud facit ut vincat malum sicut ex proprio; per hoc liberum accipit homo proprium, in quod Dominus operari potest bonum; absque proprio per liberum acquisito, hoc est, donato, nusquam aliquis homo reformari potest, quia non novam voluntatem, quæ est conscientia, accipere potest; liberum sic donatum est ipsum planum, in quod influxus boni & veri a Domino; inde est, qui non ex illo voluntario seu libero in tentationibus resistunt, quod succumbant: in omni libero est vita hominis, quia est amor ejus, quicquid homo ex amore facit, hoc liberum ei apparet; at in libro illo, cum homo se cogit contra malum & falsum, & ad faciendum bonum, est amor cœlestis, quem Dominus tunc insinuat, & per quem ejus proprium creat, quare vult Dominus ut illud appareat hominî sicut ejus, tamen non sit ejus; hoc proprium, quod ita accipit per apparens coactum in vita corporis, Dominus in altera vita implet indefinitis jucundis & felicibus; ii quoque illustrantur per gradus, imo confirmantur in illa veritate, quod ne hilum se a semet coegerint, sed quod omnium minima conatus voluntatis eorum fuerint a Domino; & quod apparuerit sicut a semet, quod causa fuerit, ut daretur illis a Domino novum voluntarium sicut eorum, & sic appropriaretur illis vita amoris cœlestis; Dominus enim vult unicuique communicare quod Ipse, ita cœleste, ut appareat sicut ejus ac in eo, tamen non ejus sit; Angeli in tali proprio sunt, & quantum in illo vero, quod a Domino omne bonum & verum, tantum in proprii illius jucundo & felici. Qui autem omne bonum & verum contemnant & rejiciunt, & qui volunt nihil credere, quod repugnat eorum cupiditatibus & ratiociniis, ii non possunt se cogere, ac ita non possunt proprium hoc conscientiæ seu novum voluntarium accipere. Ex supradictis etiam patet, quod se cogere non sit cogi, nam ex *cogi* nusquam aliquid bonum,

ut

ut fit cum homo ab alio homine ad bonum agendum cogitur, sed quod hic *se cogere* fit ex libero quodam ei ignoto, nam a Domino nusquam aliquid coactum; inde est lex universalis, quod omne bonum & verum infeminetur in libero, alioquin humus nusquam fit recipiens & fovens boni, imo non aliqua humus, in qua semen crescere possit.

1938. Verf: 10. *Et dixit ei Angelus Jehovæ, multiplicando multiplicabo semen tuum, & non numerabitur præ multitudine.* Dixit Angelus Jehovæ, significat interioris hominis cogitationem: multiplicando multiplicabo semen tuum, significat fructificationem Rationalis hominis, cum se sub potestate Veri Intellectualis adjuncti Bono submittit: & non numerabitur præ multitudine, significat multiplicationem in immensum.

1939. Dixit Angelus Jehovæ, quod significet Interioris Hominis cogitationem, constat ex Verf: præc: ubi eadem verba.

1940. Multiplicando multiplicabo semen tuum, quod significet fructificationem Rationalis hominis, cum se sub potestate Interioris Hominis adjuncti Bono submittit, constat ex significatione Seminis, quod sit amor & fides, de qua prius n: 1025. 1447. 1610: hic autem significatur per multiplicare semen, fructificatio cœlestium amoris in Rationali, quando Rationale se submisit Vero Interiori seu Divino: multiplicatio prædicatur de Veris, at fructificatio de Bonis, ut constat ab illis quæ dicta & ostensa sunt prius n: 43. 55. 913. 983; sed quia agitur de Domino, per multiplicationem significatur fructificatio, quia omne Verum in Rationali Ipsius factum Bonum, ita Divinum, quod hic prædicatur: aliter in homine, cujus Rationale ex Vero aut Affectione veri a Domino formatur, illa Affectio est ejus Bonum, ex quo agit. Ut sciatur quomodo se habet multiplicatio & fructificatio apud hominem in ejus Rationali, non intelligi potest, nisi sciatur quomodo se habet cum Influxu, de quo hæc in genere: apud unumquemvis hominem est Internus homo, est Rationalis qui medius, & Externus, ut prius dictum; Internus homo est qui Intimum ejus est, ex quo est homo, & per quem distinguitur a brutis animalibus, quæ tale intimum non habent, estque ille quasi porta aut introitus Domini, hoc est, cœlestium & spiritualium Domini, in hominem; quid ibi peragitur, non capi potest ab homine, quia est supra omne ejus Rationale ex quo cogitat; huic Intimo seu Interno homini subiectum est Rationale, quod apparet ut hominis proprium, in hoc influunt per Internum illum hominem cœlestia amoris & fidei a Domino; & per Rationale hoc in scientifica, quæ sunt Externi hominis; sed quæ influunt, recipiuntur secundum statum cuiusvis: nisi Rationale se submittat bonis & veris Domini, tunc quæ influunt, Rationale hoc vel suffocat, vel rejicit, vel pervertit, & adhuc magis, cum influunt in scientifica sensuality memorie; hæc sunt, quod semen vel cadat in viam, vel super petrosolum, vel inter spinas, sicut Dominus docet Matth: xiii: 3 ad 7. Marc: iv: 3 ad 7. Luc: viii: 5 ad 7; at cum Rationale se submittit, & credit Domino; hoc est, Verbo Ipsius, tunc est Rationale sicut humus seu terra bona, in quam cadit semen, & multum fructum fert.

1941. Et

1941. Et non numerabitur præ multitudinem, quod significet multiplicationem in immensum, constat absque explicatione; per hæc significatur Verum, quod sic multitudine crescat a Bono: apud Dominum, de Quo hic in sensu interno agitur, quia Divina & Infinita omnia, illa non sunt expressibilia, quare ut idea possit aliqua capi quomodo se habet cum multiplicatione Veri ex Bono, de homine dicendum: apud hominem, qui in Bono est, hoc est, in amore & charitate, semen a Domino ita fructificatur & multiplicatur, ut præ multitudine numerari nequeat; dum vivit in corpore non ita, sed in altera vita incredibiliter; quamdiu enim homo in corpore vivit, & semen in humo corporea, & ibi inter implexa & densa, quæ sunt scientifica & voluptates, tum curæ & sollicitudines; at his exutis, quod fit dum transit in alteram vitam, semen exsolvitur illis, & excrefcit, sicut solet semen arboris, cum surgit ex humo, crescere in virgultum, tum in magnam arborem, & dein multiplicari in arborum hortum; omnis enim scientia, intelligentia & sapientia, & illarum jucunda & felicia ita fructificantur & multiplicantur, & sic crescunt in æternum, & hinc minimo semine, ut Dominus docet de grano sinapis, Matth: XIII: 31. quod satis constare potest, a scientia, intelligentia, & sapientia Angelorum, quæ tunc, cum fuerunt homines, illis fuit ineffabilis.

1942. Verſ. 11. *Et dixit ei Angelus Jehovah, ecce tu gravida, & paries filium, & appellabis nomen ejus Jischmael, quia audivit Jehovah ad afflictionem tuam.* Dixit ei Angelus Jehovah, significat Interioris Hominis cogitationem: ecce tu gravida, significat vitam Rationalis hominis: paries filium, significat verum ejus: & appellabis nomen ejus Jischmael, significat statum vitæ: quia audivit Jehovah ad afflictionem tuam, significat cum se submitteret.

1943. Dixit Angelus Jehovah, quod significet Interioris hominis cogitationem, constat ex illis quæ supra ad Verſ: 7. 9. 10. dicta sunt.

1944. Ecce tu gravida, quod significet vitam Rationalis hominis, constat ab illis quæ supra de conceptione ejus, dicta, & ex illis quæ de Ismaele sequuntur, quod nempe sit primum rationale apud Dominum. In genere de Rationali homine sciendum, quod Rationale tunc vitam accipere, in utero esse, & nasci, dicatur, quando homo cogitare incipit, quod apud se malum & falsum sit quod contradicit & adversatur vero & bono, & magis adhuc cum illud amovere & subjugare vult; nisi hoc appercipere & sentire potest, non habet aliquod Rationale, utcunque putat se habere; Rationale enim est medium uniens Interni hominis cum Externo, & sic a Domino appercipiens quid in Externo peragitur, & redigens Externum ad obsequium, imo elevans eum a corporeis & terrenis, in quæ se immergit, & efficiens ut homo sit homo, ut spectet ad cælum, cujus indigena est, non, ut bruta animalia, solum ad terram, in qua modo peregrinatur, minus ad infernum; hæc sunt Rationalis officia; quare nisi homo talis sit, ut id cogitare possit, non dici potest quod Rationale habeat, ex ejus usus seu functionis vita cognoscitur, num sit: ratiocinari contra bonum & verum, quod corde negat, & quod novit quia de eo audivit, non est rationale habere, hoc possunt etiam plures, qui
extus

extus ruunt absque vinculis in omne nefarium, cum differentia solum, quod illi, qui putant Rationale se habere & non habent, loquantur ex quodam decoro sermonis & agant ex simulatorio honesto, in quibus tenentur per vincula externa, quæ sunt timor legis, jacturæ lucri, honoris, famæ, vitæ; si vincula hæc, quæ sunt externa, auferrentur, insanirent aliqui plus quam illi; quare nemo dici potest Rationale habere ex eo quod ratiocinari possit; imo qui non rationale habent, & sensualibus & scientificis loqui solent multo solertius, quam qui habent; hoc clarissime constat a spiritibus malis in altera vita, qui tametsi ut Rationales habiti præ aliis, dum vixerunt in corpore, usque tamen cum vincula externa, quæ decorum sermonis, & simulatorium honestum vitæ eorum fecerunt, auferuntur, ut solet fieri cum omnibus in altera vita, infaniores sunt illis, qui in mundo aperte insani sunt, ruunt enim in omne nefas absque pudore, timore, horrore; at qui Rationales fuerunt, cum vixerunt in mundo, non ita, quum his vincula externa auferuntur, adhuc saniores sunt, nam vincula interna habuerunt, quæ sunt vincula conscientiæ, per quæ Dominus tenuit cogitationes illorum alligatas legibus veri & boni, quæ fuerunt rationalia illorum.

1945. Paries filium, quod significet verum, nempe hujus Rationalis, quod per Ismael significatur, constat a significatione Filii, quod sit Verum, de qua prius, n: 264. 489. 491. 533. 1147. Verum hoc describitur in Versu sequente.

1946. Et appellabis nomen ejus Jischmael, quod significet statum vitæ: antiquitus nomina indebantur filiis & filiabus, quæ significabant statum, in quo fuerunt parentes, imprimis matres, cum conceperunt, vel cum gravidæ fuerunt, vel cum pepererunt, vel in quo fuerunt infantes cum nati: ita nomina fuerunt significativa: unde Jischmael suum nomen habuit, explicatur hic, nempe quia audivit Jehovah ad afflictionem, quod fuit status matris; quid autem Jischmael repræsentat, describitur in Versu sequente.

1947. Quia audivit Jehovah ad afflictionem tuam, quod significet cum se submitteret, constat ex illis, quæ supra n: 1937 dicta sunt, quod humiliare se & affligere sit submittere se potestati Interni Hominis, de qua submissione etiam actum est, & ibi ostensum, quod sit cogere, tum quod in *cogere se* sit liberum, hoc est, spontaneum & voluntarium, quo *se cogere* distinguitur a *cogi*; ostensum quoque, quod absque hoc libero, seu spontaneo aut voluntario, nusquam homo possit reformari, & aliquod proprium cœleste accipere; tum etiam, quod in tentationibus plus liberi sit, tametsi contrarium apparet, quam extra tentationes, tunc enim liberum fortius sit secundum impugnationes a malis & falsis, & corroboratur a Domino, ut proprium cœleste ei donetur, quare etiam in tentationibus Dominus præsentior est; ut, & quod Dominus nusquam aliquem cogat, qui cogitur ad cogitandum verum, & faciendum bonum, non reformatur, sed tunc adhuc magis cogitat falsum, & vult malum, omnis coactio hoc secum habet, quod etiam constare potest a vitæ actis & documentis, per quæ cognita sunt hæc bina, quod conscientiæ non patiantur se cogi, & quod nitamur in vetitum; quisque etiam a non libero in liberum

liberum cupit, nam hoc est vitæ ejus; inde patet, quod nusquam Domino gratum sit aliquid quod non ex libero, hoc est, ex spontaneo, aut voluntario; nam cum quis ex non libero colit Dominum, ex nullo suo colit, est externum quod se movet, hoc est, quod ex coacto movetur, interno vel nullo, vel repugnante, imo contradicente: cum regeneratur homo, a libero, quo donatur a Domino, cogit se, humiliat imo affligit Rationale, ut se submittat, & inde accipit proprium cœleste, quod proprium dein a Domino per gradus perficitur, & sit magis & magis liberum, sic ut fiat affectio boni & inde veri, & ei jucunditas, & in illa & hac felicitas, qualis Angelorum; hoc Liberum est, de quo Ipse Dominus ita apud Johannem “Veritas vos *liberos* facit, si Filius “vos *liberos* facit, verè *liberi* estis” VIII: 32. 36. quid liberum hoc, prorsus nesciunt, qui conscientiam non habent, liberum enim ponunt in lubitu & licentia cogitandi loquendique falsum, ac volendi faciendique malum, & hæc non cogere & humiliare, minus affligere, cum tamen prorsus contrarium est, ut quoque Dominus docet apud Eundem “Omnis faciens peccatum, *servus* “est peccati” VIII: 34. Liberum hoc servum accipiunt a spiritibus infernalibus qui apud eos, qui infundunt illud, in quorum vita cum sunt, etiam in eorundem amoribus & cupiditatibus sunt, aspirante jucundo impuro & excrementitio, quorum cum quasi torrente auferuntur, in libero se putant esse, sed est liberum infernale; differentia inter liberum hoc infernale & inter liberum cœleste, est, quod illud sit mortis & detrahat eos ad infernum, hoc autem, seu liberum cœleste, sit vitæ & elevet eos ad cœlum. Quod omnis cultus verus internus non ex coacto sed ex libero fiat, & nisi ex libero non sit cultus internus, constat ex Verbo; ex *Sacrificiis* spontaneis, votivis, pacificis seu eucharisticis, quæ munera & oblationes dicta, de quibus, Num: xv. 3. seq. Deut: xii: 15. Cap: xvi: 10. 11. Cap: xxiii: 24, & alibi: apud Davidem “In, *Voluntario sacrificio* Tibi, confitebor Nomini tuo Jehovah, “quia bonum” Psalm: lvi: 8. Ex Thruma seu Collecta, quam facerent ad Tabernaculum, & ad Vestes sanctitatis, de qua apud Moysen “Loquere ad “filios Israelis, & accipiant Mihi collectam a cum omni viro, *quem sponte impulit cor ejus* accipietis collectam meam” (Exod: xxv: 2. & alibi “Omnis “*Spontaneus corde* adducet eam, collectam Jehovah” Exod: xxxv: 5. Humiliatio autem rationalis hominis seu ejus afflictio, ex libero, ut dictum, præsentata quoque fuit per Afflictionem animarum in diebus festis, de qua apud Moysen “Erit vobis in statutum æternitatis, in mense septimo, in decimo mensis, *Affligetis animas vestras*” Lev: xvi: 29, & alibi “In decimo mensis septimi, is dies expiationum ille, convocatio sancta erit vobis, “& *Affligetis animas vestras*, omnis anima, quæ se non *affluerit* in ipso die “hoc, excindetur e populis suis” Lev. xxiii: 27. 29. inde *Azymum*, in quo non fermentatum, dicitur *Panis Afflictionis*, Deut: xv: 2. 3. de afflictione ita apud Davidem “Jehovah, quis peregrinabitur in tentorio tuo, quis habitabit in monte sanctitatis tuæ, ambulans integer, & operans justitiam, qui “jurat *ad affligendum se*, non mutat” Psalm: xv: 1. 2. 4. Quod Afflictio sit domatio & subjugatio malorum & falsorum assurgentium ab Externo homine

in

in ejus Rationalem, ex illis, quæ dicta sunt, constare potest, ita non est aliqua detructio sui in paupertatem & miseriam, seu abdicatio jucunditatum corporis, inde non domatur & subjugatur malum, quandoque etiam aliud malum inde exsuscitatur, nempe meritum propter abdicacionem, præter quod liberum hominis patiat, in quo, ut in humo, unice bonum & verum fidei infeminari potest. De Afflictione quod etiam sit tentatio, videatur prius n : 1846.

1948. Vers: 12. *Et is onager homo, manus ejus in omnes, & manus omnium in eum; & contra facies omnium fratrum suorum habitabit.* Is erit onager homo, significat verum rationale quod describitur: manus ejus in omnes, significat quod pugnaturum contra illa quæ non vera: & manus omnium in eum, significat quod falsa repugnatura: & contra facies omnium fratrum suorum habitabit, significat quod continuæ contentiones in iis quæ fidei sunt, sed quod usque victor erit.

1949. Is erit onager homo, quod significet Verum rationale, quod describitur, constat ex significatione onagri, quod sit verum rationale: in Verbo pluries memorantur Equi, Equites, Muli, Asini, & nemini adhuc notum est, quod significant intellectualia, rationalia, & scientifica, qui quod illa significant, ex Divini Domini Misericordia, suis locis, multis confirmabitur; ejusdem generis est onager, est enim mulus deserti seu asinus sylvestris, & significat Rationale hominis, non Rationale in suo complexu, sed modo verum rationale: Rationale consistit a bono & vero, hoc est, ex illis quæ sunt charitatis, & ex illis quæ sunt fidei; Rationale verum est id quod per onagram significatur; hoc nunc est, quod per Ismaëlem repræsentatur, & describitur in hoc versu. Nemo credere potest, quod Verum rationale separatum a Bono rationali, tale sit, nec scivissem quod tale nisi per vivam experientiam instructus; sive dicas Verum rationale, sive Hominem, cujus Rationale tale est idem est: Homo, cujus Rationale tale est, ut solum in Vero sit, etiam in Vero fidei, non simul in Bono charitatis, est prorsus talis; est vir morosus, nihil patiens, contra omnes, unumquemvis videns sicut in falso, illico increpans, castigans, puniens, non misereatur, non se applicat, & studet flectere animos; nam ex Vero spectat omne, & nihil ex Bono; inde est, quod Ismael expulsus, & dein habitavit in deserto, & mater ei uxorem accipit e terra Ægypti, Gen: xxi: 9 ad 21, quæ omnia sunt repræsentativa tali Rationali præditi. Onagrorum mentio fit in Prophetis Verbi, ut apud Esaiam, "Palatium erit desertum, multitudo urbis derelicta, clivus & specula erit pro speluncis, usque in sæculum gaudium Onagrorum, pascuum gregum," xxxii: 14. ubi de vastatione intellectualium, quæ cum vastata quoad Vera, vocantur gaudium Onagrorum, & quoad bona pascuum gregum, ita ut non rationale: apud Jeremiam, "Onagri steterunt super collibus, forbuerunt ventum, sicut ceti, consumti sunt oculi eorum, quia non herba," xiv: 6 ubi de siccitate, seu non bono & vero; de Onagris prædicatur quod sorbeant ventum, cum inania capiunt loco realium, quæ sunt vera; consumti oculi pro quod verum quid sit non capiatur: apud

E

Hofcheam,

Hofcheam, "Quia illi ascenderunt Assyriam, *Onager solitarius* sibi, Ephraim "mercede meretricia expetiverunt amores," VIII: 9, ibi de Israele seu Ecclesia spirituali; Ephraim pro intellectuali ejus; ascendere Assyriam pro ratiocinari de vero num verum; onager solitarius pro rationali sic destituto veris: apud Eundem, "Quia ille *inter fratres sicut Onager* erit, veniet ori-
 "entalis ventus Jehovah a deserto ascendens, & exarescet scaturigo ejus, &
 "exsiccabitur fons ejus, ille deprædabitur thesaurum omnium vasorum desi-
 "derii," XII: 15. ubi de Ephraim, per quem intellectuale Ecclesiæ spiri-
 "tualis significatur, cujus rationale sicut onager, de cujus dissipatione agitur:
 apud Davidem, "Jehovah Deus emittet fontes in fluvios, inter montes
 "ibunt, potum præbent omni feræ agrorum, frangunt *Onagri* sitim suam,"
 Psalm: CIV: 10. 11. fontes pro cognitionibus, feræ agrorum pro bonis, ona-
 gri pro veris rationis.

1950. Quod manus ejus in omnes, significet quod pugnaturum contra illa
 quæ non vera; & manus omnium in eum, significet quod falsa repugnatura,
 constat ex eo quod per Ismaelem significetur Verum rationale separatum a
 Bono, ut dictum, de quo Vero cum prædicatur quod manus ejus in omnes,
 & omnium in eum, constat quod illa significantur. Supra indicatum, quod
 per Abramum repræsentetur Domini Internus Homo, seu quod idem, Ipse
 Divinum cœleste & spirituale; per Isacum Domini Interior Homo, seu
 Ipse Divinum Rationale; per Jacobum Domini Exterior Homo, seu Ipse
 Divinum Naturale; hic agitur de Rationali, quale foret nisi uniretur Interno
 seu Divino cœlesti & spirituali; quod Rationale, quia naturam traxit a vita
 affectionis scientiarum, hoc est, ab Hagare Ægyptia ancilla Sarai, & hæc
 vita erat Externi hominis, quæ a Domini matre hæreditarium habuit, contra
 quod pugnandum, & quod expellendum, ideo Rationale, describitur, quale
 foret, si absque Bono rationali; sed postquam Dominus hæreditarium illud
 per pugnas tentationum & victorias, humiliavit, seu affixit & subjugavit, &
 vivificavit ipsum suum Rationale Bono Divino, tunc fit illud Isacus, seu re-
 præsentatur per Isacum, Ismaele e domo, una cum Hagare matre ejus, ejecto.
 Omne Rationale genuinum constat ex bono & vero, hoc est, ex cœlesti &
 spirituali; Bonum seu cœleste, est ipsa anima seu vita illius, Verum seu
 spirituale est quod inde vitam suam accipit; Rationale absque vita ex bono
 cœlesti, est sicut hic describitur, quod nempe pugnet contra omnes, & contra
 illud pugnent omnes: Bonum rationale nusquam pugnat, utcumque impug-
 natur, quia mite est & clemens, patiens & cedens, nam est amoris & miseri-
 cordiæ; & tamen non pugnat, usque omnes vincit, nec usquam de pugna
 cogitat; nec de victoria gloriatur, & hoc quia Divinum est, & tutum a Se
 Ipso, nam nullum malum potest aggredi Bonum, ne quidem potest subsistere
 in sphaera ubi Bonum, cum modo approximatur, malum ex se recedit & rela-
 bitur, nam malum est infernale, Bonum est cœleste: similiter fere se habet
 cum cœlesti spirituali, hoc est, cum Vero ex cœlesti origine, seu cum Vero
 quod est ex Bono, nam hoc verum est verum formatum a Bono, sic ut dici
 queat forma boni; sed Verum separatum a Bono, quod hic repræsentatur per
 Ismaelem,

Ismaelem, & describitur in hoc Versu, prorsus aliud est, nempe instar onagri, & pugnat contra omnes, & omnes contra illud, imo vix aliud cogitat & spirat quam pugnas, delectatio ejus communis, seu affectio regnans est, ut vincat, & cum vincit, gloriatur de victoria, quare describitur per onagram, seu mulum deserti, aut asinum sylvestrem, qui non cum aliis esse potest; talis vita est vita veri absque bono, imo vita fidei absque charitate; quare cum regeneratur homo, fit quidem per verum fidei, sed usque simul per vitam charitatis, quam Dominus insinuat secundum incrementa veri fidei.

1951. Quod contra facies omnium fratrum suorum habitabit, significet quod continuæ contentiones in iis quæ fidei sunt, sed quod usque victor erit, constat ex illis quæ nunc dicta sunt; quod adhuc plenius describitur, ubi de Ismaelis posteris agitur, his verbis "Habitaverunt a Chavillah, usque ad Schur, quod ad facies Ægypti, qua venit in Aschur, ad facies omnium fratrum cecidit (fors:)" Gen: xxv: 18. quorum sensus internus patet a significatione Chavillah, Schur, Ægypti, & Assyriæ; Chavillah significat illud quod est intelligentiæ, ut patet ab illis quæ ostensa n: 115; Schur verum procedens a scientificis, de qua supra, n: 1928; Ægyptus omne quod est scientiæ, n: 1164. 1165. 1186. 1462; & Assyria quod est rationis, n: 119. 1186. ex quorum significationibus in unum sensum redactis, constat, quod per Ismaelem tale Rationale representetur. Ipsum tale Verum in altera vita representative variis modis sistitur, & semper ut forte, validum, durum, adeo, ut prorsus resisti nequeat; dum modo Spiritus cogitant de tali Vero, obvenit quoddam terroris, ex causa quia natura ejus est, ut non cedat, ita nec recedat; ex quibus etiam constare potest, quid per habitare contra facies omnium fratrum fit. Quisquis scire potest, quod in descriptione hac arcanum lateat, sed quale, hucusque, nescitum.

1952. Vers: 13. 14. *Et vocavit Nomen Jehovah loquentis ad se, Tu Deus videns me, quia dixit, num etiam hic vidi post videntem me. Propterea vocavit fontem, fons Vivo videnti me; ecce inter Kadefsch & inter Bared. Et vocavit nomen Jehovah loquentis ad se, significat statum Interioris Homini Domini, cum illa cogitavit: Tu Deus videns me, significat influxum: quia dixit, num etiam hic vidi post videntem me, significat influxum in Exterioris hominis vitam absque rationali medio: propterea vocavit fontem, significat statum veri inde: fons Vivo videnti me, significat verum ita conspicuum: ecce inter Kadefsch & Bared, significat qualitatem.*

1953. Et vocavit nomen Jehovah loquentis ad se, quod significet statum Interioris Homini Domini, cum illa cogitaret, constat ex illis quæ antecedunt, & quæ sequuntur, tum a significatione Nominis, quod sit nosse qualis est; de qua prius n: 144. 145. 1754: describitur hic status, qualis fuit, seu in quo fuit Dominus, cum ita cogitavit de Rationali; Rationale non potuit hoc cogitare, sed Interior seu Superior Homo, de quo prius n: 1926; nusquam enim potest Rationale cogitare de se, quale est, nam semet nemo potest intueri, sed erit interius seu superius, quod de illo cogitat, quia illud intueri potest; sicut pro exemplo, Auris non potest scire, minus percipere loquelam,

loquelam, quam haurit, sed est interior Auditio, Auris modo discernit sonos articulatos seu voces, interior auditio est, quæ capit, & dein interior visus seu intuitio quæ percipit, inde per auditionem apperceptio sensus loquelæ : similiter se habet in visualibus, primæ ideæ, quæ ab objectis visus excipiuntur, sunt materiales, sicut etiam vocantur, at interior adhuc visus est, qui intuetur illa, & sic cogitat ; ita se habet cum Rationali hominis ; Rationale nusquam potest se intueri, minus explorare quale est, sed erit interius quoddam, quod hoc facit ; quare dum homo hoc potest facere, nempe percipere aliquod falsum in suo Rationali, & aliquod verum quod elucet, & magis si aliquod pugnans & vincens, scire potest, quod sit. ex influxu Domini per Internum hominem ; Interior Homo Domini, de quo supra 1926, & qui hic intelligitur, erat ille, qui conjunctus fuit Interno, qui Jehovah, ita longe supra Rationale illud, ex illo ut in cœlesti luce, videbat & percipiebat, quale Rationale futurum, si in solo Vero esset, non in Bono.

1954. Tu Deus videns me, quod significet influxum, constat ex illis, quæ nunc dicta sunt : intuitio a superiori in inferiorem, seu quod idem, ab interiori in exteriorem, appellatur Influxus, nam fit per influxum ; sicut Visus interior apud hominem, nisi est continue influeret in visum ejus externum seu oculi, nusquam hic capere posset & discernere ullum objectum, nam visus interior est, qui per oculum capit illa quæ oculus videt, nusquam oculus, tametsi ita apparet : ex iis quoque constare potest, quantum homo in fallaciis sensuum est, qui credit quod oculus videat, cum tamen est visus ejus spiritus, qui est visus interior, qui per oculum videt ; Spiritus, qui apud me, tam bene viderunt per oculos meos illa quæ in mundo, ac ego, de quo n : 1880, at illorum quidam, qui in fallaciis sensuum adhuc erant, putarunt quod per suos oculos vidissent, sed ostensum illis quod non ita esset, clausis enim oculis nihil in mundo hoc atmosphærico viderunt ; ita quoque se habet cum homine, ejus spiritus est qui videt, non oculus, sed per oculum ; idem etiam constare potest a somniis, in quibus quandoque homo videt sicut in die ; sed usque similiter se habet cum visu hoc interiori seu spiritus, hic non videt ex se, sed ex adhuc interiori seu Rationalis ejus, imo nec hic videt a se, sed est adhuc Interior, qui est Interni hominis, de quo n : 1940 ; sed usque non hic, sed est Dominus per Internum Hominem, qui Solus videt quia Solus vivit, & dat homini ut videat, utque ei appareat sicut ex se videret : ita se habet cum Influxu.

1955. Quia dixit, num etiam hic vidi post videntem me, quod significet influxum in Exterioris hominis vitam absque Rationali medio, constat ex significatione videre post videntem ; post videntem videre est ex Interiori seu superiori, quod *intra* seu *supra* in sensu interno, exprimitur per *post* in sensu literæ, cum illud apparet in eo quod extra vel infra est ; est Hagar, quæ hic loquitur, per quam, ut prius ostensum est, significatur vita scientiarum, quæ est Exterioris hominis ; quia ex illa vita ortum est Rationale primum, ideo Dominus causam, cur ita factum, videbat ex Interiori suo homine in Exteriori, & hoc absque Rationali medio. Quod hæc involvant arcana, quif-

quisque videre potest, ex eo solum, quod nemo scire possit, quid sit *videre* *post videntem me*, nisi ex sensu interno, in quo etiam talia sunt, ut ad captum explicari nequeant, nisi per ideas quales sunt Angelicæ, quæ non cadunt in voces, solum in sensum vocum, & hoc abstracte ab ideis materialibus, ex quibus ideæ sensus vocum; de his, quæ tam obscura apparent homini, habent Angeli tam claras & distinctas ideas, tot repræsentationibus locupletatas, ut volumen scriberetur, si modo pauxillum inde describeretur.

1956. Propterea vocavit fontem, quod significet statum veri inde, constat ab illis quæ dicta sunt, tum a significatione fontis, quod sit verum, de qua supra n: 1927: quia verum hoc visum fuit non in Rationali, sed infra Rationale, *fons* in lingua originali alia voce, quam supra & communi fontis, exprimitur.

1957. Fons Vivo videnti me, quod significet Verum ita perspicuum, constat quoque ab illis quæ dicta, nempe quod Dominus perspicue viderit, quomodo se habuit cum Vero Rationalis hujus, quod non esset bonum. Interior Domini Homo, ex quo vidit dicitur Vivus videns, quia conjunctus Interno, Qui Jehovah, Qui Solus Vivit, & Solus Videt, ut ostensum mox supra, n: 1954.

1958. Ecce inter Kadefsch & inter Bared, quod significet qualitatem, nempe quod viderit quale esset hoc Verum, ita quale esset Rationale, constat ex significatione Kadefsch & Bared; quod Kadefsch significet Verum, tum contentiones de Veris, ostensum est prius, n: 1676; Bared autem quod infra est, ita Verum scientificum, ex quo etiam Rationale. Quod Nomina in Verbo significant res, videatur, n: 1876. 1888. 1889; tum n: 1224. 1264.

1959. Vers. 15. *Et peperit Hagar Abramo filium, & vocavit Abram nomen filii sui, quem peperit Hagar, Jischmael.* Peperit Hagar Abramo filium, significat Rationalem hominem ex conjunctione & conceptione illa natum: & vocavit Abram nomen filii sui, quem peperit Hagar, Jischmael, significat quale ejus.

1960. Peperit Hagar Abramo filium, quod significet Rationalem hominem ex conceptione & conjunctione illa natum, constat a repræsentatione & significatione Hagaris, Abrami, & filii, quod Hagar significet vitam affectionis scientiarum Exterioris hominis, dictum est supra n: 1895. 1896; quod Abram Internum Hominem Domini, n: 1893. 1950; & quod filius Verum, ita verum, quod hujus Rationalis erat, n: 264. 489. 491. 533. 1147; inde quod peperit Hagar Abramo, significat Rationalem hominem ex conceptione & conjunctione illa natum: in hunc sensum mutatur sensus literæ, cum ad Angelos pervenit, seu apud Angelos est.

1961. Et vocavit Abram nomen filii sui, quem peperit Hagar, Jischmael, quod significet quale ejus, constat ex significatione nominis, quod sit nolle qualis est, de qua n: 144. 145. 1754; tum ex repræsentatione & significatione Ismaelis, quod sit Rationale verum, quod describitur in Vers: 11. 12, his verbis “Appellabis nomen illius Jischmael, quia audivit Jehovah afflictionem tuam. Et is erit onager homo; manus ejus in omnes, & manus
“omnium

“ omnium in eum ; & contra facies omnium fratrum suorum habitabit ” ; de quibus in explicatione istorum Versuum ; ejus quale ibi describitur.

1962. Vers. 16. *Et Abram filius octoginta annorum & sex annorum, in pariendo Hagar Jischmaelem.* Abram filius octoginta & sex annorum, significat statum Domini quoad cœlestia acquisita bona per pugnas tentationum : in pariendo Hagar Jischmaelem, significat cum vita affectionis scientiarum peperit Rationale.

1963. Abram filius octoginta annorum & sex annorum, quod significet statum Domini quoad cœlestia acquisita bona per pugnas tentationum, constat a significatione octoginta, qui numerus simile involvit ac quadraginta, quæ quod significant tentationes, ostensum est prius, n : 730. 862 ; & a significatione Sex, quod sit pugna, de qua etiam prius, n : 720. 737. 900 ; tum quoque a significatione Decem, quod sint Reliquiæ, de qua n : 576 ; quæ Reliquiæ apud Dominum fuerunt acquisitiones cœlestium bonorum, quibus univit Humanam Essentiam Divinæ, n : 1906 ad fin. ex his tribus numeris compositus est numerus Octoginta & sex, qui talia involvit, ita significat statum Domini quoad cœlestia acquisita bona per pugnas tentationum : omnes enim numeri in Verbo significant res, ut ostensum prius n : 482. 487. 575. 647. 648. 755. 813. Hic quia Numeri annorum sunt, & quidem historice nominati de Abram, apparet sicut quod non significativi talium forent ; sed in Verbo nihil scriptum est, quod non in spiritualement & cœlestem sensum transeat dum ad Angelos, Angeli enim non in aliis quam spiritualibus & cœlestibus ideis sunt, ii, dum legitur Verbum ab homine, non sciunt nec percipiunt quid octoginta & sex, nec curant qua ætate fuit Abram cum Hagar ei peperit Ismaelem, sed ex numero tali lecto, illico obveniunt illis, quæ numeri involvunt ; & ex reliquis sicut in sensu interno explicata sunt.

1964. In pariendo Hagar Jischmaelem Abramo, quod significet cum vita affectionis scientiarum peperit Rationale, constat ex significatione Hagaris, quod sit vita affectionis scientiarum ; & ex significatione Ismaelis, quod sit Rationale primo conceptum, de quibus supra. In hoc Capite, quia actum est de Rationali hominis, & descriptum quale est, quando solummodo vera illud constituunt. & quale est cum bona, & ex bonis vera, sciendum, quod Rationale nusquam concipi & nasci, seu formari possit, absque scientificis & cognitionibus ; sed scientifica & cognitiones pro fine habebunt usum, & quando usum, pro fine habent vitam, nam omnis vita est usum quia finium ; nisi addiscuntur propter vitam usum, nullius momenti sunt, quia nullius usus ; ex solis illis, nempe scientificis & cognitionibus, absque vita usus, fit Rationale, sicut descriptum, instar onagri, morosum, pugnax, vitam torridam & siccam habens, ex quadam dilectione veri conspurcati amore sui ; at cum pro fine habent usum, tunc accipiunt vitam ex usibus, sed talem vitam, qualem usus : qui cognitiones addiscunt, ut perficiantur in fide amoris, nam vera & ipsa fides est amor in Dominum, & erga proximum, illi in omnium usum usu sunt, & vitam spiritualement & cœlestem accipiunt a Domino, & cum in illa vita, in facultate sunt percipiendi omnia quæ sunt Regni Domini ;
in

in hac vita sunt omnes Angeli, & quia in vita illa, in ipsa intelligentia & sapientia sunt.

1965. Hic nunc est sensus internus rerum in hoc Capite de Abramo, Hagar & Ismaele; sed quam copiosus ille sensus sit, seu indefinita contineat, constare solum exinde potest, quod, sicut omnia & singula, quæ in Verbo, in sensu interno spectent Dominum, & agant de Domino, vita Verbi, quia ipsum Verbum, inde est, etiam in sensu interno simul agant de Regno Domini in Cœlis, tum de Regno Ipsius in terris, hoc est, de Ecclesia; similiter de unoquoque, in quo est Regnum Domini; & præterea in genere de omni Cœlesti & Spirituali; nam ex Domino omnia hæc: inde est, quod per Abramum etiam repræsentetur Cœlestis Ecclesia, Cœlestis homo, tum ipsum cœleste, & sic porro, sed eo usque explicationem extendere, prolixissimum foret.



De Visionibus & Somniis, etiam Propheticiis, quæ in Verbo.

1966. **P**AUCIS notum est, quomodo se habent Visiones, & quæ Visiones genuinæ sunt; & quia nunc per aliquot annos pæne continue cum illis, in altera vita fui, ut ex Parte Prima satis constare potest, & stupenda ibi vidi, sic de Visionibus & Somniis per ipsam experientiam informatus sum; de quibus hæc licet referre.

1967. Venditantur Visiones quorundam, qui dixerunt se vidisse plura, etiam viderunt, sed in phantasia; instructus sum de iis, & ostensum quoque, quomodo existunt; sunt Spiritus, qui inducunt tales species per phantasias, ut appareant sicut forent, ut dum in umbra aliquid vident, aut in lumine lunari, aut etiam in die si objectum in obscuro, tunc spiritus tenent animum ejus in cogitatione alicujus rei fixe & continenter, sive animalis, sive monstri, sive sylvæ, sive alius cujuscumque rei, in qua quamdiu tenetur, phantasia augetur, & crescit usque adeo, ut persuadeatur, & videat prorsus sicut ipsa forent; cum tamen nihil aliud sunt, quam illusiones: Cadunt in eos, qui phantasias multum indulgent, & in infirmitate animi sunt, & inde facti creduli; sunt hi Visionarii.

1968. Spiritus Enthusiastici sunt similes, sed hi visiones circa credenda habent, quibus tam fortiter persuadentur, & persuadent aliis, ut jurare possint falsum esse verum, & fallaciam esse reale; de qua natura Spirituum plura ab experientia referri possent, sed de illis, ex Divina Domini Misericordia, in specie: contraxerunt illam ex persuasionibus & principiis falsi, cum vixerunt.

1969.

1969. Spiritus mali in altera vita vix aliud sunt quam Cupiditates & Phantasiæ, non aliam vitam sibi acquisiverunt; phantasiæ illorum tales sunt, ut prorsus non aliud percipiant quam quod ita sit: hominum phantasiæ cum illorum comparari nequeunt, in excellentiori enim statu sunt, etiam quoad talia: tales phantasiæ sunt perpetuæ apud Infernales, ubi per phantasias unus alterum miserabiliter cruciat.

1970. Per Visiones genuinas intelliguntur Visiones, seu Visa illarum rerum, quæ realiter existunt in altera vita, & sunt non nisi quam res, quæ oculis spiritus non oculis corporis videri possunt, & apparent homini, quando ejus interior visus aperitur a Domino, hoc est, ille visus, quem ejus spiritus^{habet} in quem etiam venit, cum separatus a corpore in alteram vitam transit; nam homo est spiritus corpore amictus; tales Visiones fuerunt Prophetarum. Cum aperitur hic Visus, tunc videntur in clariore die, quam est meridiana mundi, illa quæ apud Spiritus actualiter existunt, non solum Representativa, sed etiam ipsi Spiritus, una cum perceptione quinam sunt, tum quales sunt, ubi sunt, undenam veniunt, quo abeunt, qua affectione, qua persuasionem, imo qua fide sunt, n: 1388, 1394, confirmatis per vivam loquelam prorsus ut humanam, & hoc absque omni fallacia.

1971. Visiones, quæ coram Spiritibus bonis existunt, sunt representativa illarum rerum, quæ in Cælo; nam quod in Cælo coram Angelis existit, cum delabitur in mundum spirituum, vertitur in Representativa, ex quibus & in quibus perspicere potest, quid significant: talia sunt perpetua apud bonos Spiritus, cum pulchritudine & amenitate vix enuntiabili.

1972. Quod Visiones, seu potius Visa, attinet, quæ coram oculis spiritus, non coram oculis corporis apparent, sunt interiora magis & magis; quæ vidi in Mundo spirituum, in clara luce vidi; at obscurius illa quæ in cælo spirituum angelicorum; & adhuc obscurius illa quæ in cælo Angelorum, nam usque eo raro apertus mihi fuit visus spiritus mei, sed perceptione quadam, quæ qualis sit non describere potest, datum est nosse, quid loquerentur, sæpius per intermedios spiritus; apparuerunt quandoque illa quæ ibi, in umbra lucis cæli, quæ umbra non similis est umbræ lucis mundanæ, est enim lux tenebrens & sathisens incomprehensibilitate aque coram intellectu ac coram visu.

1973. Omnia genera Visionum referre, prolixum nimis foret, sunt enim plura; licet solum ad illustrationem referre binas Visiones, ex quibus constare potest, quales etiam sunt; tum simul quomodo Spiritus afficiuntur illis quæ vident, & quomodo mali spiritus cruciantur, cum surripitur illis videre illa quæ alii vident & audiunt; non enim suserre possunt, quod illis tale quippiam auferatur; nam Spiritibus non est sensus gustus, sed

sed cupidus quasi appetitus sciendi & discendi loco ejus, hic est quasi cibus illorum, quo nutriuntur, n: 1480; quomodo itaque anguntur, cum hic cibus iis aufertur, constare potest ab exemplo, quod sequitur.

1974. Post somnum molestum, circa primam vigiliam, sisebatur Visum amœnissimum; erant ferta sicut laurea, virentia, in pulcherrimo ordine, mobilia sicut viva, talis formæ & concinnitatis, ut describi nequeant ob pulchritudinem & harmoniam, & inde profluentem affectionem beatitudinis; erant duplici serie inter se paulum distante satis in longum consociata, & jugiter statum pulchritudinis variantia; hoc perspicuum erat Spiritibus, etiam malis. Successit postea aliud Visum adhuc pulchrius, in quo felix cœleste, sed modo obscure visibile; erant infantes in ludis cœlestibus, qui ineffabili modo afficiebant mentem. Postea de Visis illis loquutus cum Spiritibus, qui fassi quod similiter mecum viderint primum, sed non alterum nisi ita obscure, ut non potuissent dicere, quid esset; inde indignatio apud eos orta, postea per gradus invidia ex eo, quia dictum, quod Angeli & Infantes illud viderint, quam eorum invidiam sensibilibus dabatur percipere, sic ut nihil me fugeret quantum ad instructionem; invidia talis erat, ut apud eos non solum causaretur summam molestiam, sed etiam angorem & interiorem dolorem, ex causa solum quod non ii viderint etiam alterum; ducebantur inde per invidiæ varietates usque ut dolerent præcordiis; cum in eo statu essent, loquutus cum illis de invidia, quod contenti possent esse, quod primum viderint, & quod etiam potuissent alterum, si boni fuissent, inde quoque indignatio exasperabat invidiam, quæ adhuc crevit usque ad eum gradum, ut postea ne quidem sustinerent minimum recordationis ejus, quin dolore afficerentur; status & processus invidiæ cum ejus gradibus, incrementis, variatis & mixtis ægritudinibus animi & cordis, non describi possunt: ostensum sic, quantum cruciantur inpii ex sola invidia, cum beatitudinem bonorum e longinquo vident, imo dum solum de illa cogitant.

1975. Quod Somnia attinet, notum est, quod Dominus apud Prophetas non solum per Visiones, sed etiam per Somnia, arcana cæli revelaverit, & quod Somnia æque repræsentativa & significativa fuerint, ac Visiones, & quod fuerint fere unius generis; tum quod etiam apud alios, quam apud Prophetas, ventura per Somnia detecta sint, ut per Somnia, quæ habuit Josephus, quæque illi qui in carcere cum Josepho, quæ Pharaon, quæ Nebuchadnezzar, & alii; ex quibus constare potest, quod Somnia illius generis, æque ac Visiones, e Cælo insuant, cum differentia, quod Somnia cum dormit corporeum, at Visiones cum non dormit. Quomodo Somnia Prophetica, & talia, quæ in Verbo, insuant, imo descendunt e cælo, mihi ad virum ostensum est; de quibus hæc ab experientia licet referre.

1976. Sunt tria genera Somniorum; Primum genus mediate per Cælum a Domino venit, talia fuerunt Somnia Prophetica, de quibus in Verbo: Alterum, per Spiritus Angelicos, imprimis illos, qui antrorsum supra ad dextrum sunt, ubi Paradisiaca, inde Antiquissimæ Ecclesiæ homines sua somnia habuerunt, quæ fuerunt instructiva, n: 1122: Tertium genus, per Spiritus, qui prope sunt cum dormit homo, quæ quoque significativa sunt: Somnia autem phantastica aliunde.

1977. Ut scirem prorsus, quomodo Somnia influxerint, in somnum missus, & somniavi, quod Navis veniret cum omnis generis delitiosis & sapidis ad esum, quæ in Navi non visa, sed recondita erant; super Navi stabant bini vigiles armati, præter tertium qui erat præfectus navis; transibat navis in quoddam navale cameratum: sic evigilatus, & cogitavi de somnio; tunc alloquebantur me Spiritus angelici qui superne antrorsum ad dextrum, & dicebant, quod introduxerint hoc somnium: utque scirem pro certo quod inde, in statum missus sicut in somni & simul vigiliæ, & varia quæ amœna & delitiosa, similiter inferebant, sicut animalculum ignotum, quod dissipatum instar radiorum nigrescentium & splendentium, qui mirabili pernicitate involabant in oculum sinistrum; sissebant etiam homines, tum infantes varie decoratos, præter alia cum amœnitate inexpressibili; de quibus etiam cum illis loquutus: Hoc factum non semel, sed aliquoties, & toties ab illis viva voce instructus. Sunt illi Spiritus Angelici, qui in limine ad Paradisiaca sunt, qui talia somnia insinuant; quibus etiam munus vigilandi super quosdam homines, cum dormiunt, injunctum est, ne a malis spiritibus tunc infestentur; hoc munus obeunt cum summa delectatione, adeo ut cemulentur, quinam adsint, & ament afficere hominem jucundis & delitiosis quæ vident in ejus affectione & genio; sunt illi qui facti Spiritus angelici ab illis, qui in vita corporis delectati sunt & amaverunt aliorum vitam facere jucundam omni modo & studio; quando aperitur auditus eo usque, auditur inde sicut e longinquo sonorum dulce modulans quasi cantus: dicebant, quod non sciant, unde iis talia, & tam pulchra & amœna Representativa momento obvenerint, sed dictum, quod e cælo: pertinent ad provinciam Cerebelli, quia Cerebellum, ut instructus sum, tempore somni vigilat, cum Cerebrum dormit. Inde Antiquissimæ Ecclesiæ homines sua somnia habuerunt, cum perceptione quid significarent, a quibus quoad multam partem Representativa & Significativa Antiquorum, sub quibus res alte reconditæ sissebantur.

1978. Præterea sunt alii Spiritus, qui pertinent ad Thoracis sinistri provinciam, a quibus sæpius interpolantur; præter ab aliis, quos tamen non curant.

1979. Persepe datum post Somnia talia loqui cum Spiritibus & Angelis,

Angelis, qui introduxerunt, ii narrantes quid introduxerint, & ego quid viderim, quorum omnium experientiam adducere, nimis prolixum foret.

1980. Dignum memoratu est, postquam evigilatus cum referrem quid vidissem in somnio, & hoc longa serie, tunc quidam Angelici spiritus, non ex illis, de quibus supra, dicebant, quod illa prorsus coinciderent & eadem essent cum illis rebus, de quibus loquuti inter se, & quod nihil prorsus differret, sed usque quod non essent illa, de quibus sermonem habuerunt, sed repræsentativa eorundem, in quæ ideæ illorum in mundo spirituum ita versæ & mutatæ essent; nam ideæ Angelorum in Repræsentativa vertuntur in Mundo spirituum; inde omnia & singula, quæ inter se loquuti, ita repræsentata in somnio: dictum porro ab illis, quod eadem loquela potuisset in alias repræsentationes verti, imo in similes & dissimiles cum indefinita varietate; quod in tales, fuisse secundum statum spirituum circum me, & inde secundum meum statum, in quo tunc eram: verbo, quod per plura dissimilia somnia possint ex simili loquela, ita ab una origine, delabi & fisti, ex causa, ut dictum, quoniam illa, quæ in memoria & affectione hominis, sunt vasa recipientia, in quibus variantur & recipiuntur ideæ repræsentativæ secundum formæ eorum variationes, & status mutationes.

1981. Unum simile licet adhuc referre; somniavi somnium, sed vulgare, dum vigil factus narravi omnia a principio ad finem; Angeli dicebant, quod prorsus coinciderent cum illis quæ inter se loquuti, non quod essent illa quæ in somnio, sed prorsus alia, in quæ versa sunt eorum loquela cogitata, sic tamen ut essent repræsentativa & correspondentia, imo singula, ut nihil deesset: tum loquutus cum illis de Influxu, quomodo talia insuunt & variantur: erat persona, de qua illam ideam habui, quod esset in Vero naturali, quam ideam cepi ex ejus vitæ actis; apud Angelos fuit loquela de veritate naturali, quare ille repræsentabatur mihi; & quæ is loquebatur mecum in somnio, & agebat, hæc ordine repræsentativæ & correspondenter sequebantur ex eorum sermone mutuo; sed usque nihil erat, quod prorsus simile seu idem fuit.

1982. Quædam Animæ recentes e mundo, quæ desiderant, videre gloriam Domini, priusquam tales sint, ut possint admitti, sopiuntur quoad sensus exteriores & facultates inferiores dulci quodam somno, & tunc interiores eorum sensus & facultates in vigiliam eminentem expergiscuntur, & sic in Cæli gloriam immittuntur; sed inducta sensibus & facultatibus exterioribus iterum vigilia, in statum pristinum redeunt.

1983. Spiritus mali maximopere cupiunt & flagrant infestare & agredi hominem cum dormit, sed tunc imprimis custoditur homo a Domino; nam Amor non dormit: Spiritus qui infestant, miserabiliter puniuntur;

audiri

audiri sæpius, quam ut narrari possit, punitiones eorum, quæ sunt dis-
 cerptiones, de quibus n : 829. 957. 959, sub calcaneo pedis sinistri, &
 hoc quandoque per horaria tempora : Sirenes, quæ sunt præstigiatrices in-
 teriores, sunt, quæ tempore noctis imprimis insidiantur, & in cogitationes
 & affectiones interiores hominis se infundere tunc tentant, sed toties arcen-
 tur per Angelos a Domino, & per gravissimas punitiones tandem abster-
 rentur. Loquitur etiam cum aliis tempore noctis, prorsus sicut a me, mea
 quasi loquela, tam simili, ut non internosceretur, ingerendo spurca & per-
 suadendo falsa; semel in suavissimo somno fui, in quo nihil præter dulcem
 quietem habui, cum expergefactus, quidam boni Spiritus cæperunt me in-
 crepare, quod eos infestaverim, ita atrociter, sicut dicebant, ut putaverint
 se fuisse in inferno, in me rejiciendo culpam, quibus respondi, quod nihil
 quicquam de ea re scirem, sed quod quietissime dormiverim, sic ut eis
 nullatenus potuissem infestus esse, quo obstupescit apperceperunt tandem hoc
 præstigiis Sirenium factum esse; simile etiam offensum postea, ex causa, ut
 scirem qualis Sirenium turba sit; sunt præcipue ex sexu fæminino, quæ in
 vita corporis per interiores astutias allicere ad se studuerunt socios, per ex-
 terna se insinuando, captando animos quocunque modo, intrando in cujusvis
 affectiones & jucunda, sed fine malo, cuniprimis imperandi; inde iis talis
 natura in altera vita, quod videantur ex se omnia posse, hauriendo & ex-
 cogitando varias artes, quas arripiunt tam facile, sicut spongiæ aquas æque
 sordidas ac limpidas, ita illæ tam prophana quam sancta, quæ inorborant
 & in actum mittunt, sine, ut dictum, imperandi: datum interiora earum
 percipere, quam fæda sint, adulteriis & odiis conspurcata; tum etiam da-
 tum percipere, quam efficax earum sphaera sit, interiora sua in statum
 persuasionis redigunt, ut in talia, quæ intendunt, conspirent interiora cum
 exterioribus, ita adigunt & violenter adducunt spiritus ad cogitandum
 prorsus sicut illæ; ratiocinia apud eas nulla patent, sed est simultaneum
 quoddam ratiociniorum malis affectionibus inspiratorum, ita operans, cum
 applicatione ad genios, & immisio sic in aliorum animos, quos inducunt,
 & persuasionem aut obruunt aut captant: nihil plus student, quam Conscien-
 tiam destruere, quæ destructa, interiora hominum possident, imo obsident,
 tametsi homo hoc ignorat; hodie non dantur obsessiones externæ, sicut olim,
 sed internæ a talibus; qui nulla conscientia sunt, illi ita obsessi sunt, cogi-
 tationum eorum interiora non absimiliter insaniunt, sed celantur & obeu-
 lantur externo decoro, & simulatorio honesto, ex causa sui honoris, lucri,
 famæ; hoc iis, si ad cogitationes suas attendunt, etiam notum esse potest.

F I N I S.

~~E~~RRATA. p. 22, l. 39, pro iv. lvi. p. 23, l. 36, pro Angelos fœderis, l. Angelus fœderis.
 p. 28. l. 1, pro proprium, l. proprium. ib. l. 8. pro liberis, l. liberi; ib. l. 27, pro libro,
 l. libero. p. 32. l. 26, pro Dovidem, l. Davidem.

corru

Arcana Cœlestia,
QUÆ IN
SCRIPTURA SACRA,
SEU
VERBO DOMINI

SUNT, DETECTA:

Hic quæ in

G E N E S I

Capite Decimo Septimo:

Una cum Mirabilibus

Quæ visâ & audita sunt

In Mundo Spirituum, & Cœlo Angelorum;

Hic ad finem, quæ de

Ultimo Judicio.

II.

MDCCL.

MATTH: VI: 33.

*Querite primo Regnum Dei, & Justitiam ejus,
& omnia adjicientur vobis.*



PARS SECUNDA.
LIBRI GENESEOS
CAPUT DECIMUM SEPTIMUM.

1984. **P**Auci possunt credere, quod in Verbo sit, Sensus internus, qui prorsus non elucet ex litera, & hoc quia tam remotus est a sensu literæ, ut quasi distet sicut Cælum a terra; sed quod sensus literæ in se talia contineat, & quod sit repræsentativus & significativus arcanorum, quæ nemo videt, quam Dominus, & angeli a Domino, constat ab illis, quæ in Parte Prima passim dicta sunt; se habet sensus literæ ad Sensum internum, sicut hominis corpus ad ejus animam, homo dum in corpore est, & ex corporeis cogitat, pæne nescit aliquid de anima, nam corporis functiones aliæ sunt quam animæ, adeo, ut si functiones animæ detegerentur, non agnoscerentur quod tales; ita se habet quoque cum internis Verbi, in internis ejus est anima, hoc est, vita illius, hæc, nempe interna, nihil aliud spectant quam Dominum, Ipsi Regnum, Ecclesiam, & illa quæ Ipsi Regni & Ecclesiæ sunt apud hominem; quæ cum spectantur, est Verbum Domini, nam tunc est ipsa vita in illis; quod ita se habeat, multis confirmatum est in Parte Prima; & pro certo scire datum; nusquam enim aliqua ideæ de corporeis & mundanis transire possunt ad Angelos, sed exuuntur illæ & prorsus removentur in primo limine cum abeunt ab homine, ut ab ipsa experientia videri potest in Parte Prima, n: 1769 ad 1772 incl. & quomodo mutantur, n: 1872 ad 1876. Hoc quoque

fatis constare potest ex per plurimis in Verbo, quæ nusquam intelligibilia sunt in sensu literæ, quæ, nisi illis anima seu vita talis inesset, non agnoscerentur pro Verbo Domini, nec ulli, qui non ab infantia imbuunt quod crederet Verbum esse inspiratum & sic sanctum, apparerent ut Divina: quis ex sensu literæ sciret quid significant illa quæ Jacobus loquutus ad filios suos ante mortem, Genes. Cap: XLIX, "*Quod Dan serpens super via, aspis super semita, mordens calcaneos equi, & cadet eques ejus retrorsum*" vers. 17. "*Quod Gadem turma deprædabitur, & ille deprædabitur calcaneum*" vers. 19. "*Quod Naphtali cerva dimissa, dans sermonem elegantie*" vers. 21. "*Quod Jebuda ligabit ad vitem asinum pullum suum, & ad vitem nobilem filium asine sue: lavabit in vino vestimentum suum, & in sanguine uvarum velamen suum: ruber oculis præ vino, & albus dentibus præ lacte*" vers. 11. 12. similiter in per plurimis locis apud Prophetas; at quid hæc significant, nusquam patet nisi in sensu interno, in quo omnia & singula pulcherrimo ordine coherent. Similiter quæ Dominus dixit de ultimis temporibus, apud Matthæum "In consummatione sæculi, *Sol obscurabitur, & Luna non dabit lucem suam; & stellæ cadent de cælo, & virtutes cælorum commovebuntur; & tunc apparebit signum filii hominis; & tunc plangent omnes Tribus terræ*" xxiv: 29. 30. hæc nusquam significant obscuracionem solis & lunæ, nec delapsum stellarum de Cælo, nec planctum Tribuum, sed Charitatem & Fidem, quæ in sensu interno sunt Sol & Luna, & obscurabuntur; tum cognitiones boni & veri, quæ sunt stellæ, & hic vocantur virtutes cælorum, quæ ita decident & evanescent; & quod omnia fidei, quæ sunt Tribus terræ; ut quoque ostensum est in Parte Prima n: 31. 32. 1053. 1529. 1530. 1531. 1808; Ex his paucis nunc constare potest, quid sensus internus Verbi, tum quod remotus, & aliquibus in locis remotissimus sit, a sensu literæ: sed usque Sensus literæ repræsentat vera, & sistit apparentias veri, in quibus homo esse potest, dum non in luce veri.



CAPUT XVII.

1. **E**T fuit Abram filius nonaginta annorum & novem annorum, & apparuit ЯЕHOВАН ad Abramum, & dixit ad illum, Ego DEUS Schaddai, ambula tibi coram me, & esto integer.

2. Et

2. Et dabo fœdus meum inter Me & inter te, & multiplicabo te in valde valde.

3. Et cecidit Abram super facies suas; & loquutus est cum illo DEUS, dicendo.

4. Ego, ecce fœdus meum cum te, & eris in patrem multitudinis gentium.

5. Et non vocabitur amplius nomine tuò Abram, & erit nomen tuum Abraham, quia patrem multitudinis gentium dedi te.

6. Et fructificabo temet in valde valde, & dabo te in gentes, & reges ex te exibunt.

7. Et erigam fœdus meum inter Me, & inter te, & inter semen tuum post te, in generationes illorum, in fœdus æternum, ad esse tibi in DEUM, & semini tuo post te.

8. Et dabo tibi, & semini tuo post te, terram peregrinationem tuarum, omnem terram Canaan, in possessionem æternam, & ero illis in DEUM.

9. Et dixit DEUS ad Abraham, & tu fœdus meum custodies, tu & semen tuum post te, in generationes eorum.

10. Hoc fœdus meum, quod custodietis inter Me & inter vos, & inter semen tuum post te, circumcidi vobis omnem masculum.

11. Et circumcidetis carnem præputii vestri, & erit in signum fœderis inter Me & inter vos.

12. Et filius octo dierum circumcidetur vobis, omnis masculus, in generationes vestras, natus domus, & emptio argenti, ab omni filio alienigena, qui non e femine tuo ille.

13. Circumcidendo circumcidetur natus domus tuæ, & emptio argenti tui, & erit fœdus meum in carne vestra in fœdus æternum.

14. Et præputiatus masculus, qui non circumciditur carne præputii sui, & excidetur anima illa ex populis suis, fœdus meum irritum fecit.

15. Et dixit DEUS ad Abraham, Sarai uxor tua non vocabis nomine ejus Sarai, quoniam Sarah nomen illius.

16. Et benedicam illi, & etiam dabo ex illa tibi filium; & benedicam illi, & erit in gentes, reges populorum ex illa erunt.

17. Et cecidit Abraham super facies suas, & risit, & dixit in corde suo, num filio centum annorum nascetur, & an Sarah filia nonaginta annorum pariet.

18. Et dixit Abraham ad DEUM, utinam Jischmael vivat coram Te.

19. Et dixit DEUS, vere Sarah uxor tua pariens tibi filium, & vocabis

cabis nomen illius Jischak, & erigam fœdus meum cum illo in fœdus æternum semini illius post illum.

20. Et quoad Jischmaelem audivi te, ecce benedicam illi, & fructificari faciam illum, & multiplicari faciam illum in valde valde, duodecim principes gignet, & dabo illum in gentem magnam.

21. Et fœdus meum erigam cum Jischako, quem pariet tibi Sarah ad statum tempus hoc in anno sequente.

22. Et absolvit ad loquendum cum illo, & ascendit DEUS de super Abrahamo.

23. Et accepit Abraham Jischmaelem filium suum, & omnes natos domus suæ, & omnem emptionem argenti sui, omnem masculum in viris domus Abrahami, & circumcidit carnem præputii eorum, in eodem die hoc, quemadmodum loquutus cum illo DEUS.

24. Et Abraham filius nonaginta & novem annorum in circumcidendo illo carnem præputii sui.

25. Et Jischmael filius illius, filius tredecim annorum, in circumcidendo illi carnem præputii ejus.

26. In eodem die hoc circumciscus est Abraham, & Jischmael filius ejus.

27. Et omnes viri domus ejus, natus domus, & emptio argenti, a filio alienigena, circumcisi sunt cum illo.

C O N T E N T A.

1985. **A**gitur hic de unionem Divinæ Essentiæ Domini cum Humana, & Humanæ cum Divina; ut & de conjunctione Domini per Humanam Essentiam cum Genere humano.

1986. Quod Jehovah manifestatus Domino in Humano Ipsius, vers: 1. Prædicens unionem, vers: 2, 3. nempe Divini cum Humano, & Humani cum Divino, vers: 4, 5. Et quod ab Ipso omne bonum & verum, vers: 6. Quod ita conjunctio fieret Divini cum humano genere per Ipsum, vers: 7. Et quod Regnum cœleste Ipsius foret, quod daturus illis qui fidem in Ipsum haberent, vers: 8, 9. Sed quod homo prius removebit amores & eorum fœdas cupiditates, ac ita purificabitur, hoc est quod repræsentatum est & significatur per Circumcisionem, vers: 10, 11. Ita conjunctio fieret, tam cum illis qui intra Ecclesiam, quam cum illis qui extra, vers: 12. Quod omnino purificatio præcedet, aliter nulla conjunctio, sed damnatio; & quod conjunctio usque non existere possit nisi in impuro hominis, vers: 13, 14. Prædicatur Humanæ

CAPUT DECIMUM SEPTIMUM.

7

Humanæ Essentiæ unio cum Divina, seu Veri cum Bono, vers: 15, 16, 17. Tum conjunctio cum illis qui in veris fidei, nempe sicut cum illis qui ab Ecclesia cœlesti, ita cum illis qui ab Ecclesia spirituali, vers: 18, 19. Et quod hi quoque imbuerentur bonis fidei, vers: 20. Conclusio, quod hæc per unionem Essentiæ Humanæ cum Divina in Domino, vers: 21. Finis prædictionis, vers: 22. Quod ita fieret, & ita factum sit, vers: 23, 24, 25, 26, 27.

SENSUS INTERNUS.

1987. **V**ERS: 1. *Et fuit Abram filius nonaginta annorum & novem annorum, & apparuit Jehovah ad Abram, & dixit ad illum, Ego Deus Schaddai, ambula tibi coram Me, & esto integer.* Fuit Abram filius nonaginta annorum, significat tempus antequam Dominus plene conjunxit Internum Hominem cum Rationali; Abram significat Dominum in illo statu & in illa ætate: & apparuit Jehovah ad Abramum, significat manifestationem: Ego Deus Schaddai, significat nomen Dei Abrami in sensu literæ, per quod primum coram illis representatus Dominus: ambula tibi coram Me, significat verum fidei: & esto integer, significat bonum.

1988. Fuit Abram filius nonaginta annorum & novem annorum, quod significet tempus antequam Dominus plene conjunxit Internum Hominem cum Rationali, constat a significatione Novem cum præcedunt ante Decem, seu quod idem, Nonaginta novem ante Centum; nam Abram, cum ei natus Isaac, erat ætate Centum annorum. Qualis sensus internus Verbi est, constare imprimis potest a Numeris, sicut a Nominibus; Numeri, quicunque sunt in Verbo significant res, sicut etiam Nomina, nam nihil usquam in Verbo est, in quo non Divinum est, seu quod non internum sensum habet; qui quam remotus sit a sensu literæ, cumprimis inde patet; Nomina enim & Numeri in Cœlo nusquam attenduntur, sed illa quæ per nomina & numeros significantur, sicut pro exemplo, quoties numerus Septem occurrit, illico loco septem sanctum obvenit Angelis, nam Septem significant Sanctum ex eo quod Cœlestis homo sit Septimus dies seu Sabbathum, ita quies Domini, n: 84 ad 87. 395. 433. 716. 881: similiter se habet cum reliquis numeris, sicut cum Duodecim, quoties duodecim occurrunt, obvenit Angelis idea omnium quæ sunt fidei, ex causa, quia duodecim Tribus illa significabant, n: 577: quod Numeri significant res in Verbo, in Parte Prima ostensum videatur, n: 482. 487. 488. 493. 575. 647. 648. 755. 813. 893. Similiter se habet cum numero Nonaginta novem, qui quod significet tempus antequam Dominus plene conjunxit Internum Hominem cum Rationali, constat a significatione Centum annorum, quos habuit Abram cum ei natus Isaac, per quem

quem representatur & significatur Rationalis Homo Domini qui conjunctus Interno Ipsi, hoc est, Divino; Centum significant idem in Verbo quod Decem, quia ille numerus compositus est a decem in decem multiplicatis, & Decem significant Reliquias, quod in Parte Prima ostensum, n: 576; quid Reliquiæ apud hominem, videatur n: 468. 530. 561. 660. 1050. & quid Reliquiæ apud Dominum, n: 1906: arcana hæc non ulterius possunt exponi, sed quisque concludere potest, dum prius sibi notum fecerit, quid sunt Reliquiæ; hodie enim quid sunt, ignoratur: modo hoc sciatur, quod Reliquiæ apud Dominum significant Divina bona, quæ Ipse Sibi propria potentia comparavit, per quæ Humanam Essentiam univit Divinæ: ex his constare potest, quid significatur per Nonaginta novem, quæ quia præcedunt Centum, significant tempus antequam Dominus plene conjunxit Internum Hominem cum Rationali; per Jilchmaelem representatum est primum Rationale apud Dominum, quod quale fuit, ostensum satis superque in Capite Præcedente xvi; at per Isacum representatur Rationale Domini Divinum, ut in sequentibus constabit. Quod Abram tam diu moratur in terra Canaane, nunc 24 annis, 10 annis antequam natus Ismael, & postea 13 annis, & nondum ex Sarai uxore habuit filium, sed quod tunc primum promissio facta de filio cum nonaginta novem annorum esset, quisque videre potest quod arcanum involvat; arcanum erat, quod representaret per illa unionem Divinæ Essentiæ Domini cum Ipsi Humanæ, & quidem Ipsi Interni Hominis, qui Jehovah, cum Ipsi Rationali.

1989. Abram quod significet Dominum in illo statu & in illa ætate, constat ex illis, quæ prius de Abramo dicta sunt: Abram in sensu interno representat Dominum, nam alius Abram, cum nominatur in Verbo, in Cælo non intelligitur: quid Abram, quidem illi qui intra Ecclesiam nati sunt, & audiverunt ex Verbo de illo cum veniunt in alteram vitam, norunt, sed quia est sicut alius, nec quicquam auxilii eis ferre potest, non amplius curant; & informantur, quod per Abramum in Verbo nullus alius intellectus sit quam Dominus; Angeli vero, qui in cælestibus ideis sunt, & non illas figunt in aliquo homine, prorsus ignorant Abramum, quare dum legitur ab homine Verbum, & nominatur Abram, non alium, quam Dominum percipiunt, & ad hæc verba, Dominum in illo statu & in illa ætate, nam hic Jehovah loquitur cum Abramo, hoc est, cum Domino.

1990. Apparuit Jehovah Abramo, quod significet manifestationem, constat absque explicatione, nam, ut dictum, per Abramum representatur Dominus. Nullus hominum in universo terrarum orbe, vidit Jehovah, Patrem Domini, sed Dominus solus, sicut Ipse dixit apud Johannem, "Deum nemo vidit unquam, Unigenitus filius, qui in sinu Patris, ille exposuit," i: 18. apud Eundem, "Neque vocem Ipsi audivitis unquam, neque speciem Ipsi vidistis," v: 37. & iterum apud Eundem, "Non quod Patrem vidit quis, nisi qui apud Patrem, hic vidit Patrem," vi: 46. Ipsum Infinitum, quod supra omnes Cælos, & super intima apud hominem, non manifestari potest, nisi per Divinum Humanum, quod solum apud Dominum;

commu-

CAPUT DECIMUM SEPTIMUM. 9

communicatio Infiniti cum finitis nusquam dabilis est aliunde; quæ quoque causa est, cum Jehovah apparuit Antiquissimæ Ecclesiæ hominibus, & postmodum Antiquæ Ecclesiæ, quæ post diluvium, tum dein Abrahamo & Prophetis, quod manifestatus illis sicut homo, qui quod fuerit Dominus, Ipse aperte docet, apud Johannem, "Abrahamus pater vester exultavit, ut videret diem meum, & vidit, & gavissus est: amen dico vobis, priusquam Abrahamus fuit, Ego sum," VIII: 56. 58. præter apud Prophetas, ut apud Danielelem, cui visus ut filius hominis," VII: 13. inde constare potest, quod Infinitum Esse, quod est Jehovah, nusquam manifestari potuit homini, nisi per Humanam Essentiam, ita nisi per Dominum; ac ita quod nulli manifestatum sit, quam soli Domino; ut quoque adesse & conjungi potuisset homini, postquam se homo a Divino prorsus removet, & fœdis cupiditatibus, & sic meris corporeis & terrestribus, immersit, ipsam Humanam Essentiam actualiter per nativitatem assumpsit, ut sic Infinitum Divinum homini tam remoto usque adungere posset, alioquin periissent morte damnatorum in æternum. Reliqua arcana de manifestatione Jehovah in Humano Domini, quando in statu humiliationis fuit, antequam Essentiam Humanam plenè univit Divinæ, & ipsam glorificavit, ex Divina Domini Misericordia, in sequentibus, quantum ad captum, exponuntur.

1991. Dixit ad illum, quod significet perceptionem, constat ex perceptione Domini, quæ fuit a Jehovah, de qua prius n: 1919; & quod diceret Jehovah seu Deus, in interno sensu significet percipere, n: 1602. 1791. 1815. 1819. 1822.

1992. Ego Deus Schaddai, quod significet nomen Dei Abrami in sensu literæ, per quod primum coram illis, repræsentatus Dominus, constat ex illis, quæ in Verbo de Abramo, & de domo patris ejus, quod alios deos adoraverint: in Syria, unde Abram, Ecclesiæ Antiquæ reliquiæ manserunt, & ibi plures familiæ retinuerunt cultum, ut constat ex Ebero, qui inde, unde gens Hebræa, & similiter retinuerunt nomen Jehovah, ut patet ex illis quæ in Parte Prima ostensa sunt, n: 1343, & ex Bileamo, qui etiam ex Syria, & sacrificia obtulit, & Jehovahi Deum suum appellavit; quod e Syria, Num: XXII: 7. quod sacrificia obtulit, Num: XXII: 39, 40. Cap: XXIII: 1. 2. 3. 14. 29. quod Jehovah Deum suum appellavit, Num: XXII: 8. 13. 18. 31. Cap: XXIII: 8. 12. 16. Domus vero Therachi patris Abrami & Nachoris non ita illa ibi inter familias gentium erat, quæ non solum perdiderunt nomen Jehovah, sed etiam serviverunt aliis diis, & pro Jehovah coluerunt Schaddai, quem suum deum appellarunt; quod perdiderint nomen Jehovah, constat ab illis, quæ allata sunt, in Parte Prima, n: 1343; & quod serviverint aliis diis, aperte dicitur apud Iosuum "Dixit Josua ad omnem populum; sic dixit Jehovah Deus Israelis, *trans fluvium habitaverunt patres vestri a sæculo, Theracus pater Abrabami & pater Nachoris, & serviverunt diis aliis*: nunc timete Jehovah, & servite Ipsi in integritate & veritate; & *removete deos, quibus serviverunt patres vestri trans fluvium, & in Ægypto, & servite Jehovah: & si malum in oculis vestris servire Jehovah, eligite*"

Nº II.

B

"vobis

“ vobis hodie, cui serviat, sive diis, quibus serviverunt patres vestri, qui
 “ *trans fluvium*, sive diis Emorrhæis,” xxxiv : 2. 14, 15. quod etiam Nachor
 frater Abrami, & gens ex illo, serviverit aliis diis, constat quoque ex Labane
 Syro, qui fuit in urbe Nachoris, & coluit imagines seu Teraphim, quas ab-
 stulit Rachel, Gen : xxiv : 10. Cap : xxxi : 19. 26. 32. 34. videantur quæ de
 illis in Parte Prima, n : 1356 : quod pro Jehovah coluerint Schaddai, quem
 suum deum appellarunt, manifeste dicitur apud Mosen, “ *Ego Jehovah ap-*
 “ *parui Abrahamo, Isaco & Jacobo, in deo Schaddai, & nomine meo Jehovah*
 “ *non notus fui illis,*” Exod : vi : 3. Ex his constare potest, qualis fuit A-
 braham in juventute sua, quod nempe sicut alii gentiles, idololatra, & quod
 adhuc, dum in terra Canaanæ fuit, non ex animo suo rejecerit deum Schaddai,
 quo significatur nomen dei Abrami in sensu literæ, & quod per illius nomen
 coram illis, nempe Abrahamo, Isaco & Jacobo, ut patet ex loco citato,
 Exod : vi : 3, primum representatus Dominus : quod Dominus primum re-
 presentari voluit coram illis per nomen Schaddai, causa est, quia Dominus
 nusquam subito, minus momento, destruere vult infensatum alicui ab in-
 fantia cultum, nam hoc foret evellere radicem, & sic destruere sanctum ado-
 rationis & cultus alte implantatum, quod Dominus nusquam frangit, sed
 flectit ; sanctum cultus ab infantia irradicatum hoc secum habet, quod non
 patiatur violentiam, sed flexionem lentam & clementem ; simile fit cum gen-
 tilibus, qui in vita corporis coluerunt idola, & tamen in charitate mutua
 vixerunt, sanctum eorum cultus, quod quia ab infantia eorum irradicatum,
 in altera vita non momento tollitur, sed successive ; qui enim in charitate
 mutua vixerunt, eis implantari facile possunt bona & vera fidei, quæ postea
 cum gaudio recipiunt ; nam charitas est ipse humus : ita factum cum Abra-
 hamo, Isaco & Jacobo, quod nempe passus Dominus, ut retinerent nomen
 dei Schaddai, usque adeo, ut diceret se esse deum Schaddai ; & hoc ex sig-
 nificatione ejus : Interpretes Schaddai reddunt Omnipotentem, alii Fulmina-
 torem ; sed proprie significat Tentatorem, & post tentationes Benefactorem,
 sicut constat apud Hiobum, qui toties eum, quia in tentationibus fuit, me-
 morat, ut ex his locis apud eum constare potest, “ Ecce beati, homo quem
 “ castigat Deus ; & disciplinam Schaddai ne repudies,” v : 17. “ *Sagittæ*
 “ *Schaddai mecum, terrores Dei aciem instruunt mihi,*” vi : 4. “ *Timorem*
 “ *Schaddai relinquet,*” vi : 14. “ Ego ad Schaddai loquar, & disceptare cum
 “ *Deo volo,*” xiii : 3. “ *Extendit adversus Deum manum suam, & adversus*
 “ *Schaddai confortat se,*” xv : 25. “ *Videbunt oculi illius exitium illius, &*
 “ *de furore Schaddai bibet,*” xxi : 20. “ *Schaddai non invenies eum, magnus*
 “ *potentia, & judicio, & magnitudine justitiæ, non affliget,*” xxxvii : 23.
 tum apud Joëlem, “ *Hei diei, quia propinquus dies Jehovah, & sicut de-*
 “ *vastatio a Schaddai veniet,*” i : 15 ; quod etiam constare potest ab ipsa
 voce Schaddai, quæ significat vastationem, ita tentationem, nam tentatio est
 species vastationis ; sed quia originem tulit a gentibus in Syria, non vocatur
 Elohim Schaddai, sed El Schaddai, & apud Hiobum modo Schaddai, & El
 seu Deus separatim nominatur. Quia post Tentationes Solatium, etiam eadem
 Schaddai

CAPUT DECIMUM SEPTIMUM. II

Schaddai tribuerunt bonum quod inde, ut apud Hiobum, Cap: xxii: 17. 23. 25. 26; tum intellectum veri, qui etiam inde, Cap: xxxii: 8. Cap: xxxiii: 4. & quia sic pro deo Veri habitus, nam, vastatio, tentatio, castigatio, & increpatio, nusquam est Boni, sed est Veri; & quia coram Abrahamo, Isaco, & Jacobo per eum repræsentatus Dominus, retentum fuit nomen, etiam apud Prophetas, sed ibi per Schaddai intelligitur Verum, ut apud Ezechielem “Audivi vocem alarum Cheruborum, tanquam vocem aquarum multarum, tanquam *vocem Schaddai*, cum ibant, vocem alarum, tanquam “vocem castrorum,” i: 24. apud Eundem, “Atrium impletum est splendore gloriæ Jehovæ, & vox alarum Cheruborum audita est, usque ad “atrium exterius, tanquam *vox dei Schaddai cum loquitur*, x: 4. 5. ubi Jehovah pro bono, Schaddai pro vero; per alas in Verbo similiter illa, quæ sunt veri; in sensu interno significantur. Etiam Isacus & Jacobus deum Schaddai nominant in simili sensu, qui nempe tentat, & liberat a tentatione, & postea benefacit; Isacus ad filium suum Jacobum, cum fugeret pro Esau “*Deus Schaddai* benedicat tibi, & fructificet, & multiplicet te,” Gen: xxviii: 3. Jacobus ad filios suos, cum proficiscerentur in Ægyptum ad emendum frumentum, cum tantum timuerunt Josephum, “*Deus Schaddai* “det vobis misericordias coram viro, & dimittat vobis fratrem vestrum alterum, & Benjaminem,” Gen: xliii: 14. Jacobus, ibi Israel, benedicens Josepho, qui præ suis fratribus in tentationum malis fuit, & inde liberatus, “A Deo patris tui, & juvabit te, & cum *Schaddai*, & benedicet tibi,” Gen: “xlix: 25. Inde nunc est, quod Dominus primum voluit repræsentari per “Deum Schaddai, quem Abram coluit, dicens, “*Ego Deus Schaddai*,” similiter dein coram Jacobo, “*Ego Deus Schaddai*, fructificare & multiplicare,” Gen: xxxv: 11. ex causa etiam, quia in præcedentibus, de tentationibus, in interno sensu, actum. Cultus Schaddai apud illos inde originem duxit, quod, sicut apud gentem quandam, de qua, ex Divina Domini Misericordia, in sequentibus, etiam apud illos qui fuerunt ab Ecclesia Antiqua, sæpius auditi fuerint Spiritus qui increparent, tum qui dein consolarentur; Spiritus qui increparunt percepti ad latus sinistrum sub brachio, Angeli tunc aderant a capite, qui regebant Spiritus, & moderabantur increpationem; & quia nihil non, quod per Spiritus illis dicebatur, putabant Divinum esse, Spiritum illud increpatorem nominabant Schaddai; & quia etiam consolabatur postea, deum Schaddai: illo tempore, sicut etiam Judæi, in ea religione fuerunt, quia sensum internum Verbi non intellexerunt, quod omne malum, ita omnis tentatio, a Deo, sicut omne bonum, ita omne solatium, veniret; sed quod aliter se habeat, videantur quæ in Parte Prima, n: 245. 592. 696. 1093. 1874. 1875.

1993. Quod ambula coram Me, significet verum fidei, constat a significatione Ambulare, quod sit vivere secundum verum fidei, de qua n: 519; tum a significatione Viæ, ex qua prædicatur ambulare, quod sit verum, de qua n: 627.

1994. Et esto integer, quod significet bonum charitatis, constat a significatione Integri, quod sit facere bonum ex vero, hoc est, bonum & conscientia veri, ita ex charitate, nam hæc conscientiam facit, de qua ejus significatione videatur n: 612. at quia de Domino, in sensu interno, agitur, per Integrum significatur bonum charitatis, nam ex charitate procedit bonum, adeo, ut ipsum verum, quod inde, sit bonum.

1995. Vers: 2. *Et dabo fœdus meum inter Me & inter te, & multiplicabo te in valde valde.* Dabo fœdus meum inter Me & inter te, significat unionem Interni Hominis, qui Jehovah, cum Interiori: & multiplicabo te in valde valde, significat fructificationem affectionis veri in infinitum.

1996. Dabo fœdus meum inter Me & inter te, quod significet unionem Interni Hominis, qui Jehovah, cum Interiori, constat ex significatione fœderis, quod sit conjunctio; quoties enim fœdus inter Jehovah & hominem, in Verbo memoratur, non aliud per fœdus in sensu interno, quam conjunctio Domini cum homine, significatur; fœdera toties pacta inter Jehovah & posteros Jacobi, nihil aliud repræsentarunt; quod quia confirmatum in Parte Prima, n: 665. 666. 1023. 1038. 1864, superfluum foret hic iterum confirmare. Internus Homo Domini fuit Jehovah, quia ab Ipso conceptus; Interior autem repræsentatur hic per Abramum, quare fœdus inter Me & inter te, significat unionem Interni Hominis, seu Jehovah, cum Interiori, ita cum Humana Domini Essentia.

1997. Multiplicabo te in valde valde, quod significet fructificationem affectionis veri in infinitum, constare potest a significatione Multiplicari, quod prædicetur de vero, de qua n: 43. 55. 913. 983; & quia de Domino, significat fructificationem Veri ex Bono in infinitum, de qua prius n: 1940. Sunt binæ Affectiones, nempe affectio boni, & affectio veri; Affectio boni est facere bonum ex amore boni, Affectio veri est facere bonum ex amore veri; hæc binæ Affectiones apparent primo intuitu sicut forent eadem, sed sunt in se distinctæ, tam quoad essentiam, quam quoad originem; Affectio boni seu facere bonum ex amore boni, est proprie voluntatis, sed Affectio veri seu facere bonum ex amore veri est proprie intellectus; ita binæ hæc Affectiones inter se distinctæ sunt, sicut voluntas & intellectus: Affectio boni est ex amore cœlesti, sed Affectio veri est ex amore spirituali; Affectio boni non prædicari potest nisi de homine cœlesti, sed Affectio veri de homine spirituali; quid cœleste & homo cœlestis, & quid spirituale seu homo spiritualis in Parte Prima satis ostensum est. Antiquissima Ecclesia, quæ fuit ante diluvium, erat in affectione boni, sed Antiqua Ecclesia, quæ post diluvium, erat in affectione veri; illa enim erat, Ecclesia Cœlestis, hæc autem Ecclesia spiritualis; omnes Angeli in cœlis sunt distincti in cœlestes & spirituales, cœlestes sunt qui in affectione boni, spirituales qui in affectione veri; illis apparet Dominus ut Sol, his autem ut Luna, n: 1519. 1530. 1531. 1838: hanc, seu affectionem veri Dominus univit affectioni boni, quæ est facere bonum ex amore boni, cum Humanam Essentiam univit Divinæ: iade

CAPUT DECIMUM SEPTIMUM. 13

inde per multiplicari in valde valde, significatur fructificatio veri ex bono in infinitum.

1993. Vers: 3. *Et cecidit Abram super facies suas; & loquutus est cum illo Deus, dicendo.* Cecidit Abram super facies suas, significat adorationem; & loquutus cum illo Deus, dicendo, significat perceptionis gradum; Deus dicitur, quia per Deum Schaddai, quem Abramus coluit, repræsentatur Dominus; tum quia de vero agitur, quod uniendum bono.

1999. Cecidit Abram super facies suas, quod significet adorationem, constat absque explicatione. Cadere super facies fuit ritus adorandi Antiquissimæ Ecclesiæ, & inde Antiquorum, ex causa quia facies significabat interiora, quorum humiliationis status repræsentabatur per cadere super facies; inde in Ecclesia Repræsentativa Judaica solenne factum; adoratio vera seu humiliatio cordis prostrationem ad terram super facies coram Domino, in gestum naturaliter inde profluentem, secum habet; in humiliatione enim cordis, est agnitio sui, quod nihil nisi spurcum sit, & simul agnitio infinite Misericordiæ Domini erga tale; in quibus agnitionibus cum tenetur mens, ipsa mens versus infernum se demittit, & prosternit corpus, nec se elevat priusquam a Domino elevatur; quod fit in omni vera humiliatione cum perceptione elevationis ex Misericordia Domini; talis fuit humiliatio hominum Antiquissimæ Ecclesiæ; sed aliter se habet cum adoratione, quæ non ex humiliatione cordis, videatur n: 1153. Quod Dominus adoravit & oravit Jehovah Patrem suum, ex Verbo apud Evangelistas notum est, & hoc sicut alium a se, tametsi Jehovah in Ipso; sed status in quo tunc Dominus fuerat, status humiliationis Ipsi fuit, qui qualis fuit, in Parte Prima dictum est, nempe quod tunc in infirmo humano, quod a matre fuit; at quantum hoc exiit, & Divinum induit, tantum in alio statu fuit, qui status dicitur status Glorificationis Ipsi; in priori statu adoravit Jehovah sicut alium à Se, tametsi in Se, nam, ut dictum, Internum Ipsi fuit Jehovah; sed in hoc, nempe statu glorificationis, loquutus est cum Jehovah, ut cum Se, nam fuit Ipse Jehovah. At quomodo hæc se habent, non capi potest, nisi sciatur quid Internum, & quomodo Internum agit in Externum; & porro quomodo Internum & Externum inter se distincta sunt, & usque conjuncta; sed tamen hoc illustrari potest per simile, nempe per Internum apud hominem, & ejus influxum & operationem in Externum apud eum; quod homo Internum habeat, quod Internus seu Rationale, & quod Externum, videatur prius n: 1889, 1940; Internum hominis est ex quo homo est homo, & per quod distinguitur a brutis animalibus; per hoc Internum vivit homo post mortem, & in æternum; & per illud a Domino inter Angelos potest elevari; est ipsa prima forma ex qua homo fit & est homo; per Internum hoc Dominus unitur homini; ipsum Cælum Domino proximum est ab Internis his humanis, sed usque supra Cælum intimum Angelicum, quare illa sunt Ipsi Domini; ita omne Humanum Genus est præsentissimum sub oculis Domini; distantia, quæ apparet in sublunari orbe, nulla est in cælo, minus supra cælum, videantur quæ ab experientia, n: 1275. 1277: Interna illa hominum non habent

bent vitam in se, sed sunt formæ recipientes vitæ Domini; quantum nunc homo est in malo, tam actuali quam hæreditario, tantum quasi separatus est ab hoc Interno quod est Domini & apud Dominum, ita tantum a Domino; nam illud tametsi adjunctum est homini, & ab eo inseparabile, usque tamen homo, quantum recedit a Domino, tantum se quasi separat ab illo, videatur n: 1594; sed separatio non est evulsio ab illo, tunc enim homo non amplius potuisset vivere post mortem, sed est dissensus & dissidium illarum ejus facultatum quæ infra sunt, hoc est, Rationalis & Externi ejus hominis ab illo; quantus est dissensus & dissidium, tantum disjungitur, at quantum non est dissensus & dissidium, tantum conjungitur homo per Internum Domino, quod fit quantum est in amore & charitate, nam amor & charitas conjungit; ita se habet apud hominem. Sed Domini Internum fuit Ipse Jehovah, quoniam conceptus a Jehovah, Qui non dividi & fieri alterius potest, sicut filii qui conceptus a patre homine; Divinum enim sicut humanum, non dividuum est, sed unum & idem est & manet; cum hoc Interno Dominus univit Essentiam Humanam; & quia Domini Internum fuit Jehovah, non fuit forma recipiens vitæ, sicut Internum hominis, sed fuit ipsa vita; Ipsius quoque Humana Essentia per unionem similiter facta est vita, quare toties Dominus dixit, quod sit Vita, ut apud Johannem, "*Quemadmodum Pater habet Vitam in Se Ipso, ita dedit Filio habere Vitam in Se Ipso,*" v: 26: præter alibi apud Eundem, Cap: 1: 4. Cap: v: 21. Cap: vi: 33. 35. 48. Cap: xi: 25. Quantum itaque Dominus in Humano fuit, quod hæreditario accepit a matre, tantum apparuit distinctus a Jehovah, & adoravit Jehovah, sicut alium a Se; at quantum exiit hoc humanum, tantum fuit Dominus non distinctus a Jehovah, sed unus cum Ipso; ille status fuit, sicut dictum, status humiliationis Domini, hic vero status Glorificationis Ipsius.

2000. Et loquutus cum illo Deus, quod significet perceptionis gradum, constat ex significatione dicere Jehovah, quod sit percipere, n: 1898. 1899; hic significat perceptionis gradum, quia in humiliationis seu adorationis statu, in quo secundum gradum ejus conjunctior & unior Jehovah, nam humiliatio hoc secum habet; quod perceptiones sint interiores & interiores, videatur n: 1616.

2001. Quod Deus dicatur, quia per Deum Schaddai, quem Abramus coluit, representatur Dominus; tum quia de Vero agitur, quod uniendum Bono, patet ab illis quæ prius dicta sunt: in Verbo Dominus aliquoties nominatur Jehovah, aliquoties Jehovah Deus, tum Dominus Jehovah, aliquoties Deus, & hoc semper ex causa arcana in sensu interno; ubi de amore seu bono agitur, deque Ecclesia cœlesti, JEHOVAH dicitur; at vero ubi de fide seu vero, deque Ecclesia spirituali, Deus dicitur, & hoc constanter; ex causa quia ipsum Esse Domini est amoris, & Esse quod inde, est fidei, n: 709. 732; hic ideo Deus, quia de Vero agitur quod uniendum Bono; altera causa hic est, quod Dominus voluit representari per deum Schaddai, quem Abramus coluit, quare nomen *Deus* retinetur in sequentibus, nam in hoc

hoc Capite modo semel nominatur Jehovah, & aliquoties Deus, ut in Vers: 7. 8. 15. 18. 19. 22. 23.

2002. Vers: 4. *Ego, ecce fœdus meum cum te, & eris in patrem multitudinis gentium.* Ego, ecce fœdus meum cum te, significat Divinæ Essentiæ unionem cum Humana: & eris in patrem multitudinis gentium, significat Humanæ Essentiæ unionem cum Divina; pater, significat quod ab Ipso; multitudo significat verum; gentium significat inde bonum.

2003. Ego, ecce fœdus meum cum te, quod significet Divinæ Essentiæ unionem cum Humana, constat a significatione fœderis, quod sit conjunctio, de qua n: 665. 666. 1023. 1038; hic quod sit unio Divinæ Essentiæ cum Humana, patet inde, & a sensu interno præcedentium, ita ab ipsis verbis, quod *fœdus meum cum te.*

2004. Et eris in patrem multitudinis gentium, quod significet Humanæ Essentiæ unionem cum Divina, non ita constare potest ab explicatione singularum vocum in sensu interno, nisi spectentur communi quadam idea, quæ sistitur hic sensus; sensus internus aliquoties talis est: qui cum talis, dici potest universalior, quia remotior; ab explicatione singularum vocum, hic proximus sensus resultat, quod a Domino omne verum & omne bonum, nam, ut dicetur infra, Pater significat ab Ipso, hoc est, a Domino, multitudo verum, & gentium inde bonum; at hæc, nempe vera & bona, quia sunt, per quæ Dominus univit Humanam Essentiam Divinæ, sensus ille universalior & remotior, inde exurgit; Angeli ita percipiunt hæc verba, & simul tunc recipiunt unionem, nempe Essentiæ Divinæ Domini cum Humana, & Humanæ cum Divina; nam, ut dictum, *Ego fœdus meum cum te*, significat Essentiæ Divinæ unionem cum Humana, hæc inde, Essentiæ Humanæ cum Divina. Quod unio reciprocæ facta sit, est arcanum, quod nondum detectum est, & tale, ut vix ad captum exponi possit, nam nondum alicui notum est, qualis est influxus, & absque cognitione influxus, nusquam aliqua idea potest capi, quid unio reciproca; at illustrari aliquatenus potest ab influxu apud hominem, nam etiam apud hominem est conjunctio reciproca: a Domino per Internum hominis, de quo mox supra n: 1999, continue influit vita in hominis Rationale, & per hoc in Externum, & quidem in ejus scientifica & cognitiones, & non solum adaptat illa ad recipiendum vitam, sed etiam in ordinem disponit, & sic facit ut homo cogitare possit, & denique ut rationalis sit; hæc conjunctio est Domini cum homine, sine qua nusquam homo posset cogitare, minus rationalis esse; quod unicuique constare potest ex eo, quod in cogitatione hominis innumerabilia arcana scientiæ & artis analyticae sint, & tam innumerabilia, ut in æternum nequeant explorari, quæ nusquam influunt per sensus seu per externum hominem, sed per internum; homo autem a sua parte obviam it huic vitæ, quæ a Domino, per scientifica & cognitiones, & sic reciprocæ se conjungit. Sed quod unionem Divinæ Essentiæ Domini cum Humana Ipsius, & Humanæ cum Divina, attinet, hæc infinite transcendit; nam Internum Domini fuit Ipse Jehovah, ita ipsa vita; internum autem hominis non est Dominus, ita nec vita,

vita, sed recipiens vitæ; Domini cum Jehovah fuit unio, at hominis cum Domino non est unio, sed conjunctio; Dominus ex propria potentia univit se Jehovah, quare etiam Justitia factus, homo autem nusquam propria potentia sed Domini, sic ut Dominus sibi conjungat hominem: Reciproca illa unio est, quæ a Domino intelligitur, ubi sua tribuit Patri, & quæ Patris sibi, ut apud Johannem, "*Jesus dixit, qui credit in Me, non credit in Me, sed in Ipsum, qui misit me: Ego lux in mundum veni, ut omnis, qui credit in Me, in tenebris non maneat,*" xii: 44. 45. 46. in quibus verbis arcanissima illa latent, & quidem de unione Boni cum Vero, & Veri cum Bono, seu quod idem, de unione Essentiæ Divinæ cum Humana, & Humanæ cum Divina, quare dicit, qui credit in Me non credit in Me, sed in Ipsum qui misit me, & mox, qui credit in Me; interveniente de unione illa, ita, qui videt Me, videt Ipsum qui misit Me: apud Eundem, "*Verba, quæ Ego loquor vobis, a Me Ipso non loquor, Pater qui in Me manet, ille facit opera:*" "*credite Mihi, quod Ego in Patre, & Pater in Me: amen dico vobis, qui credit in Me, opera quæ Ego facio,*" xiv: 10, 11, 12: in his verbis eadem arcana sunt, nempe de unione Boni cum Vero, & Veri cum Bono, seu quod idem, Divinæ Essentiæ Domini cum Humana, & Humanæ cum Divina, quare dicit, verba quæ Ego loquor vobis a Me Ipso non loquor, Pater qui in Me facit opera; & mox, opera quæ Ego facio, interveniente de unione hic similiter, ita, qui videt Me, videt Ipsum qui misit Me: hæc est unio mystica, de qua plures loquuntur. Exinde constat, quod non alius fuerit a Patre, tamen de Patre sicut de alio loquutus, & hoc ob causam reciprocae unionis, quæ fieret, & quæ facta; nam aperte toties dicit, quod unus sit cum Patre, ut in locis citatis, "*Qui videt Me, videt Illum qui misit Me,*" Joh: xii. 45. tum, "*Pater, qui in Me manet; credite Mihi, quod Ego in Patre, & Pater in Me,*" Joh: xiv. 10. 11. & apud Eundem, "*Si Me nossetis, & Patrem meum nossetis,*" viii: 19. apud Eundem, "*Si cognovistis Me, etiam Patrem meum cognovistis; & ab hinc cognovistis illum, & vidistis illum;*" dicit Illi Philippus, monstra nobis Patrem; dicit illi Jesus, "*tantum tempus vobiscum sum, & non nosti Me, Philippe, qui vidit Me, vidit Patrem, quomodo ergo tu dicis, monstra nobis Patrem, nonne credis, quod Ego in Patre, & Pater in Me sit,*" xiv: 7. 8. 9. 10. & apud Eundem, "*Ego & Pater unum sumus,*" x: 30. inde est, quod in Cælo non alium sciant Patrem, quam Dominum, quia in Ipso Pater, & unus cum Patre, & cum Ipsum vident, Patrem vident, sicut Ipse dixit, videantur n: 15.

2005. Quod Pater significet quod ab Ipso, constat a significatione Patris, de quo in mox præcedentibus, nempe quod quicquid a Patre, hoc fuerit ab Ipso, quia unum: Internum hominis cujuscumque est a patre, Externum a matre; seu quod idem, ipsa anima est a Patre, corpus, quo induitur anima, est a matre; anima cum corpore usque unum faciunt, nam anima est corporis, & corpus est animæ, ideo inseparabilia: Internum Domini fuit a Patre, ita Ipse Pater, inde est, quod Dominus dicat, quod Pater in Ipso sit; quod

CAPUT DECIMUM SEPTIMUM. 17

quod Ego in Patre, & Pater in Me; qui Me videt, Patrem videt; quod Ego & Pater unum sumus; ut a locis supra allatis constat: in Verbo Veteris Testamenti etiam Pater dicitur, ut apud Eisaïam, “Puer natus est nobis, Filius datus est nobis, & erit principatus super humero” illius, & vocabitur nomen illius, Mirabilis, Confiliarius, Deus, Heros, “*Pater æternitatis*; Princeps pacis,” 1x: 6: cuius constat, quod Puer natus nobis, & Filius datus nobis, sit Dominus, qui appellatur Pater æternitatis: apud Eundem, “*Tu Pater noster*, quia Abraham non cognoscit nos, & Israel non agnoscit nos, *tu Jehovah Pater noster, Redemptor noster*, ab æterno nomen tuum,” LXIII: 16. ubi quoque Dominus, qui dicitur Jehovah Pater noster, non enim alius Redemptor est: apud Malachiam, “*Annon Pater unus* omnibus nobis, *annon Deus unus creavit nos*,” 11: 10. creare pro regenerare, ut ostensum in Parte Prima, n: 16. 88. 472: præter quod ubivis per Jehovah in Verbo Veteris Testamenti intelligatur Dominus, quia Ipsum repræsentarunt omnes ritus Ecclesiæ; & Ipsum spectant in interno sensu, omnia quæ in Verbo.

2006. Quod multitudo significet verum, constat a significatione Multitudinis, quod sit verum, de qua prius n: 1941; & a significatione multiplicari, quod prædicetur de vero, de qua n: 43. 55. 913. 983.

2007. Gentium, quod significet inde bonum, constat a significatione gentium, quod sit bonum, de qua in Parte Prima, n: 1159. 1258. 1259. 1360. 1416. 1849.

2008. Vers: 5. *Et non vocabitur amplius nomine tuo Abram, & erit nomen tuum Abraham, quia patrem multitudinis gentium dedi te.* Non vocabitur amplius nomine tuo Abram, significat quod exuet humanum: & erit nomen tuum Abraham, significat quod induet Divinum: quia patrem multitudinis gentium dedi te, significat, hic ut prius, quod ab Ipso omne verum & inde bonum.

2009. Quod non vocabitur amplius nomine tuo Abram, significet quod exuet humanum; & quod erit nomen tuum Abraham, significet quod induet Divinum, constat a significatione Nominis; tum a significatione Abrami, & dein Abrahami: in Verbo, cum dicitur, quod nomen tuum erit, significat quale, seu quod talis erit, ut constat ab illis, quæ in Parte Prima allata sunt, n: 144. 145. 1754: & quia Nomen significat quale, nomen comprehendit in uno complexu, quicquid est in Ipso; nam ad nomen alicujus nihil attenditur in cælo, sed cum quis nominatur, aut cum Nomen dicitur, obvenit idea qualis, seu omnium, quæ ejus, apud illum, & in illo; inde Nomen in Verbo significat quale; ut hoc ad intellectum constare possit, licet ex Verbo plura confirmantia adhuc adducere: sicut in Benedictione: apud Moïsen, “Benedicat tibi Jehovah, & custodiat te, lucere faciat Jehovah facies suas super te, & misereatur tui; elevet Jehovah facies suas ad te, & ponat tibi pacem: ita ponent Nomen meum super filios Israelis,” Numb. xxvi: 24. 25. 26. 27: inde quid Nomen, & ponere Nomen Jehovah super filios Israelis, patet, quod nempe sit, quod Jehovah benedicat, custodiat, illuminet, misereatur,

Nº. II.

C

mifereatur, det pacem; ita quod Jehovah seu Dominus talis fit. In Decalogo, “Non feres Nomen Dei tui in vanum, quia non habebit infontem Jehovah eum, qui tulerit Nomen Ipfius in vanum,” Exod: xx: 7. Deut: v: 11; ubi ferre Nomen Dei in vanum, non fignificat Nomen, fed omnia & fingula quæ ab Ipfo, ita omnia & fingula quæ funt cultus Ipfius, quæ non funt contemnenda, minus blafphemanda, & fpurcis contaminanda. In Oratione Domini, “Sanctificetur Nomen tuum; veniat Regnum tuum; fiat “voluntas tua, ficut in cœlo etiam in terra,” Luc: xi: 2. ibi nec per nomen intelligitur nomen, fed omnia quæ funt amoris & fidei, nam illa funt Dei feu Domini, & illa funt ab Ipfo; hæc quia sancta funt, cum sancta habentur, venit Regnum Domini, & fit voluntas Ipfius in terris ficut in cœlis. Quod Nomen fignificet talia, conftat ab omnibus locis in Verbo Veteris & Novi Testamenti, ubicunque Nomen dicitur; ut apud Efaïam, “Dicetis “die illo, confitemini Jehovah, *invocate Nomen Ipfius*, nota facite in populis “opera Ipfius; commemorate quod *exaltatum fit Nomen Ipfius*,” xii: 4. ubi invocare Nomen Jehovah, & commemorare quod exaltatum fit, nufquam eft ponere aliquem cultum in Nomine, & credere quod invocetur Jehovah per Nomen Ipfius, fed per noffe qualis eft, ita per omnia & fingula quæ ab Ipfo: apud Eundem, “Propterea in Urim honorate Jehovah; in infulis “maris *Nomen Jehovah Dei Ifraelis*,” xxiv: 15. ubi in Urim honorare Jehovah, eft ex sanctis amoris, in infulis maris Nomen Jehovah, Dei Ifraelis, eft ex sanctis fidei; apud Eundem, “Jehovah Deus nofter, tantum in Te *commemorabimus Nomen tuum*,” xxvi: 13: & apud Eundem, “Excitabo e “septentrione, & veniet, ab ortu folis, *invocabit Nomen meum*,” xli: 25, ubi commemorare & invocare Nomen Jehovah, eft colere ex bonis amoris, & veris fidei; qui à septentrione funt qui extra Ecclefiam, & in ignorantia de Nomine Jehovah, qui ufque invocant Nomen Ipfius, quando in charitate mutua vivunt, & adorant Numen univerfi Creatorem, nam in cultu & ejus qualitate, non in Nomine confiftit invocatio Jehovah; quod Dominus etiam præfens fit apud Gentes, videatur n: 932. 1032. 1059: apud Eundem, “Viderunt gentes iuftitiam tuam, & omnes reges gloriam tuam; & *vocabitur tibi nomen novum*, quod os Jehovah enuntiabit,” lxii: 2. ubi vocabitur tibi nomen novum, pro quod alius, nempe e novo creatus feu regeneratus, ita quod talis: apud Micham, “Omnes populi quifque ambulabunt “in nomine dei fui, & nos ambulabimus in Nomine *Jehovah Dei noftri* in faculum, & in æternum,” iv: 5. ambulare in nomine dei fui, manifefto pro cultu prophano; & ambulare in Nomine Jehovah pro cultu vero: apud Malachiam, “Ab ortu folis, & ufque ad occafum ejus, *magnum Nomen meum inter gentes*, & in omni loco fuffitus oblatus *Nomini meo*, & mincha “munda, nam *magnum Nomen meum inter gentes*,” i: 11. ubi non per nomen fignificatur nomen, fed cultus, qui eft quale Jehovah feu Domini, ex quo adorari vult: apud Moſen, “Locum quem elegerit Jehovah Deus veſter “ex omnibus Tribubus, ad *ponendum Nomen ſuum* ibi, & ad *habitare faciendum Nomen ſuum* ibi, eo adducetis omne, quod Ego præcipiens vobis,”

Deut:

CAPUT DECIMUM SEPTIMUM. 19

Deut: xii: 5. 11. 14. Cap: xvi: 2. 6. 11. ubi etiam per ponere Nomen suum, & habitare facere Nomen suum ibi, non significatur Nomen, sed Cultus, ita quale Jehovah seu Domini, ex quo colendus; quale Ipsius est bonum amoris, & verum fidei, apud eos qui in illis sunt, habitat Nomen Jehovah: apud Jeremiam, “Ite ad locum meum, qui in Shilunte, quo *habitare feci Nomen meum* in principio,” vii: 12; ibi similiter pro cultu, ita pro doctrina veræ fidei; quod non habitet Jehovah apud eum, qui solum Nomen Ipsius novit & nominat, cuius consistere potest, nam solum nomen absque idea qualis, cognitione qualis, & fide qualis, est mera vox; inde patet, quod nomen sit quale, & nosse qualis est: apud Moſen, “In tempore illo, separavit Jehovah tribum Levi, ad ministrandum Ipſi, & ad *benedicendum in Nomine Ipsius*,” Deut: x: 8. ubi benedicere in Nomine Jehovah, est non per Nomen, sed per illa quæ sunt Nominis Jehovah, de quibus supra: apud Jeremiam, “*Hoc Nomen Ipsius*, quod vocabunt Ipſum, *Jehovah Justitia nostra*,” xxiii: 6. ibi Nomen pro Justitia, quæ est quale Domini, de Quo agitur: apud Eſaiam, “Jehovah ab utero vocavit Me, a visceribus matris meæ, & *memorare fecit Nomen meum*,” xlix: 1: ubi etiam de Domino; memorare Nomen Ipsius, est instruere qualis est. Quod per Nomen significetur quale, adhuc manifestius patet apud Johannem in Apocalypſi, “Habes *pauca Nomina in Sardis*, qui non polluerunt vestimenta sua, & ambulabunt Mecum in albis, quia digni sunt. Qui vicerit, hic induetur vestimentis albis, & *non delebo nomen ejus e libro vitæ*, & *conſitebor nomen ejus* coram Patre meo, & coram angelis. Qui vicerit, *scribam super illum Nomen Dei*, & *nomen civitatis Dei mei*, novæ Hierosolymæ, quæ descendit e cœlo, a Deo meo, & *Nomen meum novum*,” iii: 4. 5. 12. ubi quod nomen non sit nomen, sed quod sit quale ejus, manifeste constat; nomen in Libro vitæ non aliud est; pariter conſiteri nomen ejus coram Patre, & scribere super illum Nomen Dei & civitatis, ac nomen novum: similiter alibi, nomina quæ scripta dicuntur in Libro vitæ, & in cœlo, Apoc: xiii: 8. Cap: xvii: 18. Luc: x: 20. in cœlo nusquam est nisi quale, ex quo cognoscitur unus ab altero, quod in sensu literæ exprimitur per nomen; ut cuique quoque constare potest ex eo, quod unusquisque in terra nominatus sistatur in idea alterius, qualis est, per quam noscitur & distinguitur ab alio; in altera vita ideæ manent, sed nomina pereunt; & adhuc magis apud Angelos; inde est, quod Nomen sit quale seu nosse qualis est in sensu interno: apud Eundem, “Super capite illius, qui sedit super equo albo, diademata multa, *habens Nomen scriptum*, quod nemo scit, nisi Ipſe, indutus erat vestimento tincto sanguine, & *vocalur Nomen Ipsius Verbum Dei*,” Apoc: xix: 12, 13. hic quod nomen sit Verbum Dei, ita quale Ipsius, qui sedit super equo albo, apertis verbis dicitur. Quod Nomen Jehovah sit nosse qualis est, nempe quod sit omne bonum amoris & omne verum fidei, ex his Domini verbis clare constat, “Pater Juste, Ego Te novi, etiamque hi cognoverunt, quod Tu Me miseris, nam *notum feci illis Nomen tuum*, & notum faciam, ut amor, quo amasti Me, in illis sit, & Ego

“Ego in illis,” Joh: xvii: 25, 26. Et quod Nomen Dei seu Domini, sit omnis Doctrina fidei de amore & charitate, quæ significatur per credere in Nomen Ipsius, ex his apud Eundem Evangelistam, “Quotquot receperunt, dedit illis potestatem, ut filii Dei essent, *credentibus in Nomen Ipsius*,” i: 12. Si quid *petieritis in Nomine meo*, Ego faciam, *si amatis Me*; mandate mea servate, “xiv: 13. 14. 15. Quodcunque *petieritis Patrem in Nomine Meo*, dat vobis; hæc *præcipio vobis, ut ametis vos invicem*,” xv: 16, 17. apud Matthæum, “Ubi duo aut tres *congregati in Nomine Meo*, ibi sum in medio eorum,” xviii: 20. ubi congregati in Nomine Domini significant illos, qui in Doctrina fidei de amore & charitate, ita qui in amore & charitate: apud Eundem, “Eritis odio habiti ab omnibus gentibus *propter Nomen meum*,” x: 22. Cap: xxiv: 9. 10. Marc: xiii: 10; ubi propter Nomen meum, manifeste propter Doctrinam. Quod ipsum Nomen nihil faciat, sed illud quod Nomen involvit, nempe omne charitatis & fidei, constat clare ab his apud Matthæum, “Nonne *per Nomen tuum* prophetavimus; & *per Nomen tuum* demonia ejecimus; & *in Nomine tuo* virtutes multas fecimus: sed tunc confitebor illis, non novi vos, discedite a Me operantes iniquitatem,” vii: 22, 23. inde constat, quod, qui ponunt cultum in Nomine, ut Judæi in Nomine Jehovah, & Christiani in Nomine Domini, non ideo sint digniores; quia Nomen nihil facit; sed quod tales sint, quales Ipse mandavit, quod est credere in Nomen Ipsius; & quod dicant non in alio Nomine quam in Domini esse salutem, est quod non in alia Doctrina, hoc est, quod non in alio, quam in amore mutuo, qui est vera doctrina fidei, ita non in alio, quam in Domino, quia ab Ipso Solo omnis amor, & inde fides.

2010. Quia nunc Nomen significat quale, & nosse qualis est, constare potest, quid per verba in hoc versu significatur, nempe, *non vocabitur amplius nomine tuo Abram, & erit nomen tuum Abraham*, scilicet, quod non esset qualis fuit, sed qualis futurus: quod Abram serviverit aliis diis, & coluerit deum Schaddai, ostensum est supra, n: 1592, sed quia repræsentaret Dominum, & quidem Ipsius Internum Hominem, ita Cœleste amoris Ipsius, ideo quale ejus prius delendum, hoc est, nomen Abram mutandum in quale aliud, per quod potuisset Dominus repræsentari; ideo litera (H), ex Nomine Jehovah desumpta est, quæ litera in Nomine Jehovah est unica, quæ Divinum involvit, & significat SUM, seu ESSE, & interjecta est, & dictus Abraham; similiter se habet cum Sarai, de qua in sequentibus, cujus nomini etiam adjecta est eadem litera, & dicta Sarah: inde quoque constare potest, quod Abraham in interno sensu Verbi repræsentet Jehovah seu Dominum: sed sciendum, quod in Repræsentationibus nihil faciat, qualis homo sit, nam in illis nihil reflectitur super personam, sed super rem, quam repræsentat, ut dictum & ostensum prius, n: 665. 1097 fin 1361. Inde nunc significatio illorum verborum in sensu interno est, quod Dominus exuet Humanum, & induet Divinum, quod etiam est in serie a præcedentibus, tum etiam in serie sequentium, nam promissio fit nunc de Isaco filio, per quam repræsentaretur Rationale Domini Divinum.

2011. Quod

CAPUT DECIMUM SEPTIMUM. 21

2011. Quod quia patrem multitudinis gentium dedi te, significet, hic ut prius, quod ab Ipso omne verum, & inde bonum, constat a significatione Patris, quod sit ab Ipso; a significatione multitudinis, quod sit Verum; tum a gentium, quod sit inde bonum, de quibus supra n: 2005. 2006. 2007: quod eadem hæc verba in sensu universaliori seu remotiori, significant Humanæ Essentiæ unionem, cum Divina videatur supra n: 2004: se habet enim unio Humanæ Essentiæ Domini cum Divina, sicut Veri cum Bono, ac unio Divinæ Ipsius Essentiæ cum Humana, ut Boni cum Vero, quæ reciproca est; imo in Domino fuit ipsum Verum, quod se univit Bono, & Bonum quod se univit Vero, nam Infinitum Divinum non aliter dici potest, quam ipsum Bonum & Verum; quare mens humana in nulla fallacia est, cum cogitat, quod Dominus sit ipsum Bonum & ipsum Verum.

2012. Veri: 6. *Et fructificabo te in valde valde; & dabo te in gentes, & reges ex te exibunt.* Fructificabo te in valde valde, significat fructificationem boni in infinitum: & dabo te in gentes, significat quod ab Ipso omne bonum: & reges ex te exibunt, significat ab Ipso omne verum.

2013. Fructificabo te in valde valde, quod significet fructificationem boni in infinitum, constat a significatione fructificari, quod prædicetur de bono, de qua prius n: 43. 55. 913. 983; & quia dicitur in valde valde, & agitur de Domino, significat fructificationem in infinitum.

2014. Quod dabo te in gentes, significet quod ab Ipso omne bonum, constat a significatione Gentium in suo genuino & primitivo sensu, quod sit bonum, de qua in Parte Prima n: 1259. 1260. 1416. 1849.

2015. Quod reges ex te exibunt, significet quod ab Ipso omne verum, constat a significatione Regis in Verbo tam Historico quam Prophetico, quod sit verum, ut dictum n: 1672, sed nondum ita ostensum; ex significatione Gentium, quod sint bona, & ex significatione Regum quod sint vera, constare potest, qualis est sensus internus Verbi, tum quam remotus sit a sensu literæ: qui legit Verbum, cumprimis Historicum, nusquam aliter credit, quam quod gentes ibi sint gentes, & reges ibi sint reges, & sic quod agatur de gentibus in ipsissimo Verbo, quæ nominantur, deque regibus; sed idea gentium tum regum prorsus perit, cum excipitur ab Angelis, & loco eorum succedit bonum & verum; hoc non potest non apparere ut peregrinum, inq: ut paradoxon, sed usque ita se habet; constare quoque cuius potest ex eo, si in Verbo significarentur gentes per gentes, & reges per reges, tunc Verbum Domini vix plus involveret, quam aliud quoddam historicum, aut aliud scriptum, & sic foret mundanum, cum tamen in Verbo nihil non est Divinum, ita cœleste & spirituale; ut solum in hoc versu, quod Abraham fructificaretur, & daretur in gentes, atque reges ex illo exirent, quid hoc nisi mere mundanum, & prorsus nihil cœleste; est enim in illis modo gloria mundi, quæ plane nihil est in cœlo; at si Verbum Domini, erit gloria cœli, & nulla mundi; quare etiam sensus literæ prorsus obliteratur & evanescit, cum transit in cœlum, & purificatur ita ut nihil mundani immixtum sit, nam per Abraham non intelligitur Abraham sed Dominus; per fructificari

non

non posteritas ejus quæ creverit in valde valde, sed bonum Humanæ Essentia: Domini in infinitum; per gentes non gentes sed bona; & per reges non reges sed vera; manente usque historico secundum sensum literæ in sua veritate, nam verum erat, quod ita dictum Abrahamo, tum quod ita fructificatus, & quod fuerint gentes ex eo, tum etiam reges. Quod Reges significant vera, constare potest ex his locis; apud Esaïam, “Ædificabunt filii alienigenæ muros tuos, & Reges eorum ministrabunt tibi; *fuges lac gentium*, & “*uber Regum fuges*,” LX: 10. 16. quid fugere lac gentium, & uber regum, nusquam patet ex litera, sed ex sensu interno, in quo est donari bonis & instrui veris: apud Jeremiam, “Intrabunt per portas civitatis hujus Reges, & principes, sedentes super throno Davidis, equitantes curru & equis,” XVII: 25. Cap: XXI: 4, equitare curru & equis, est propheticum; quod significat abundantiam intellectualium, ut a permultis apud Prophetas constare potest; ita quod per portas civitatis intrabunt Reges, significatur in sensu interno, quod imbuerentur veris fidei; hic Verbi sensus est cœlestis, in quam mundanus literæ transit: apud Eundem, “Jehovah sprexit in indignatione iræ suæ Regem & Sacerdotem; subsiderunt in terram portæ Zionis; perdidit & confregit vestes ejus; Rex & principes inter gentes, non lex,” Thren: II: 6. 9. ibi Rex pro Vero fidei, Sacerdos pro Bono charitatis; Zion pro Ecclesia: quæ perditur, & cujus vestes confringuntur; inde Rex & principes inter gentes, hoc est, Verum & illa quæ sunt veri, exulabunt, usque adeo ut non sit lex, hoc est, aliquid doctrinæ fidei: apud Esaïam, “Antequam sciat Puer reprobare malum, & eligere bonum, relinquetur humus, quam tu fastidis coram binis Regibus suis,” VII: 16: ubi de adventu Domini; humus quæ relinquetur, pro fide quæ tunc nulla, cujus vera sunt Reges, quæ fastidirentur: apud Eundem, “Tollam ad Gentes manum meam, & ad populos exaltabo signum meum, & adferent filios tuos in sinu, & filia: tuæ super humero apportabuntur, erunt Reges nutritii tui, & dominæ eorum lactatrices tuæ,” XLIX: 22. 23. gentes & filia: pro bonis, populi & filii pro veris, ut in Parte Prima ostensum; quod gentes pro bonis, n: 1259. 1260. 1416. 1849: quod filia: similiter, n: 489. 490. 491: populi pro veris, n: 1259. 1260; quod filii similiter, n: 489. 491. 533. 1147: reges itaque pro veris in genere, ex quibus nutriuntur, & dominæ pro bonis, ex quibus lactabuntur; sive dicas bona & vera, sive illos qui in bonis & veris, idem est: apud Eundem, “Aspergent Gentes multas, super illo comprimunt Reges os suum, quia quod narratum est illis, viderunt, & quod non audiverunt, intellexerunt, LII: 15. ubi de adventu Domini, gentes pro illis, qui bonis afficiuntur, reges pro illis qui veris: apud Davidem, “Nunc Reges intelligentes sitis, erudimini iudices terræ; servite Jehovah in timore, & exultate in tremore, osculamini Filium, ne forte irascatur, & pereatis in via,” Psalm: II: 10. 11. 12. reges pro illis qui in veris sunt; qui quoque ex veris passim vocantur filii regis; Filius hic pro Domino, qui hic Filius dicitur, quia est ipsum Verum, & ab ipso omne verum: apud Johannem, “Canent canticum novum, dignus es qui accipias Librum, & aperias

“aperias sigilla ejus; fecisti nos Deo nostro *Reges* & Sacerdotes, ut *regnemus* super terram,” Apoc: v: 9, 10. ubi qui in veris sunt, appellantur Reges; Dominus etiam illos appellat filios regni, apud Matthæum, “Qui feminat bonum semen, est Filius hominis, ager est mundus, semen sunt *Filii regni*, & Zizania sunt filii mali,” xiii: 37. 38. apud Johannem, “Sextus Angelus effudit phialam suam super fluvium magnum Euphratem, cujus exsiccata est aqua, ut pararetur *via Regum*, qui ab oriente solis,” Apoc: xvi: 12. quod per Euphratem non significetur Euphrates, nec per reges ab oriente solis, reges inde, constat; quid per Euphratem, videatur n: 120. 1585. 1866, inde patet, quid via regum qui ab oriente solis, quod sint vera fidei quæ a bonis amoris: apud Eundem, “*Gentes*, quæ salvantur, in luce ejus ambulabunt, & *Regis terræ* adferent gloriam & honorem suum in eam,” Apoc: xxi: 24, ubi gentes pro illis qui sunt in bonis, reges terræ pro illis qui sunt in veris; quod etiam inde liquet, quia ibi prophetica sunt, non historica: apud Eundem, “Cum meretrice magna sedente super aquis multis, scortati sunt *Reges terræ*, & inebriati sunt vino scortationis ejus,” Apoc: xvii: 2: & alibi, “Babylon ex vino scortationis suæ potavit omnes gentes, & *Reges terræ* cum ea scortati sunt,” Apoc: xviii: 3. 9. ibi similiter, quod per reges terræ non significantur reges, constat, agitur enim de falsificatione & adulteratione doctrinæ fidei, hoc est, veri, quæ est scortatio; reges terræ pro veris quæ falsificata & adulterata: apud Eundem, “Decem cornua, quæ vidisti, *decem Reges* sunt, qui nondum *regnum* acceperunt. potestatem tanquam unam horam accipient cum bestia; hi unam mentem habebunt, & potentiam & potestatem suam tradent bestiæ,” Apoc: xvii: 12. 13. quod hic reges non sint reges, cuivis quoque patet, alioquin prius non intelligibile foret, quod decem reges tanquam unam horam potestatem acciperent: similiter quæ apud Eundem, “Vidi bestiam & *Reges terræ*, & exercitus eorum congregatos ad faciendum bellum cum sedente super equo, & cum exercitu ejus,” Apoc: xix: 19. quod sedens super equo, sit Verbum Dei, aperte dicitur ibi vers: 13, contra quod congregati dicuntur reges terræ; bestia pro bonis amoris prophanatis, reges pro veris fidei adulteratis, reges terræ dicuntur quia intra Ecclesiam, quod terra sit Ecclesia, n: 662. 1066. 1067. 1262; equus albus pro intellectu veri, sedens super equo pro Verbo: Adhuc manifestius apud Danielelem, Cap: xi: ubi agitur de bello inter *Regem Meridiei*, & *Regem Septentrionis*, per quæ significantur vera & falsa, quæ pugnarunt, pugna per bellum historice etiam ibi describuntur. Quia Rex significat Verum, constare potest, quid in sensu interno sit, quod Dominus dicatur Rex, tum etiam Sacerdos; ut &, quid apud Dominum representantur Reges, & quid Sacerdotes; Reges representant Divinum Ipsum Verum, & Sacerdotes Divinum Ipsum Bonum; omnes leges ordinis, quibus Dominus gubernat universum ut Rex, sunt Vera; omnes autem leges, quibus gubernat universum ut Sacerdos, & quibus etiam ipsa vera regit, sunt Bona; nam regimen ex solis Veris damnaret, unumquemvis ad infernum, sed regimen ex Bonis, tollit inde, & elevat in cælum, videatur n: 1728; quia hæc

hæc bina apud Dominum sunt conjuncta, etiam antiquitus repræsentabantur per Regium conjunctum Sacerdotali, ut apud Malchizedekum, qui fuit Rex Schalem & simul Sacerdos Deo Altissimo, Genes: xiv: 18, & postea apud Judæos, ubi Ecclesia Repræsentativa, in sua forma, instituta, per Judices & Sacerdotes, dein per Reges; at quia Reges repræsentarent Vera, quæ non imperare debuerunt, ex causa, ut dictum, quia damnant, ideo id tantum displicuit, ut increpentur, & descriptum quale sit Verum in se spectatum, per jus Reges, 1 Sam: viii: 11 ad 18, & prius per Moſen, Deut: xvi: 14 ad 18, mandatum, quod eligerent Verum genuinum quod ex bono, non spurium, & quod illud non ratiociniis & scientificis conspurcarent, hæc sunt quæ involvit præscriptio de Rege apud Moſen loco citato, quod nusquam aliquis ex sensu literæ videre potest, sed usque patet ex singulis in sensu interno, & inde quod nihil aliud per Regem & Regium, repræsentatum & significatum fuerit, quam Verum.

2016. Quod ad rem attinet, quod a Domino omne Bonum & inde Verum, est constans veritas, Angeli in illius perceptione sunt, adeo ut percipiant, quantum a Domino quod sit bonum & verum, & quantum a semet quod sit malum & falsum; etiam consentitur illud coram animabus novitiis, & coram spiritibus qui dubitant, imo adhuc plus, quod detineantur a malo & falso quod ex proprio eorum, & quod teneantur in bono & vero, a Domino, ipsa detentio, & ipse influxus, etiam illis perceptibilis est, videatur n: 1614: at quod homo putet, se bonum ex se facere, & verum ex se cogitare, est apparentia, quia in statu nullius perceptionis est, & in obscurissimo quoad influxum, quare ex apparentia, imo ex fallacia concludit, a qua nusquam removeri se patitur, quamdiu non credit nisi sensibus, & quamdiu inde ratiocinatur num ita sit: sed tamen ita est, usque tamen debet homo facere bonum, & cogitare verum, ut a se, nam aliter non reformari & regenerari potest; causa cur ita, videatur n: 1937. 1947. In hoc Versu agitur de Humana Domini Essentia unienda Divinæ, & quod omne bonum & verum, sic a Divina Essentia per Ipsius Humanam, ad hominem veniret, est arcanum Divinum, quod pauci credunt quia non capiunt, putant enim Divinum bonum posse ad hominem pertinere absque Humano Domini unito Divino, sed quod hoc fieri nequeat, paucis ostensum prius n: 1676. 1690; nempe, quod homo se tantum removerit a Divino Supremo, per cupiditates quibus se immerſit, & per falsitates quibus se occæcavit, ut nusquam fuisset aliquis influxus Divini in rationale ejus mentis, nisi per Humanum, quod Dominus in Se uniret Divino; per Humanum Ipsius facta est communicatio; sic enim Supremum Divinum venire potuit ad hominem, quod Dominus aperte pluribus in locis dicit, nempe quod Ipse sit via; & quod ad Patrem non aditus sit, quam per Ipsum; hoc nunc est, quod hic dicitur, quod ab Ipſo, nempe Humano unito Divino, omne bonum & omne verum.

2017. Vers: 7. *Et erigam sædus meum inter Me & inter te, & inter semen tuum post te, in generationes illorum, in sædus æternum, ad esse tibi in Deum,* &

CAPUT DECIMUM SEPTIMUM. 25

Et *semini tuo post te*. Erigam foedus meum inter Me & inter te, significat unionem: & inter semen tuum post te, significat conjunctionem cum iis qui fidem in Ipsum habent: in generationes illorum, significat illa quæ sunt fidei: in foedus æternum, significat conjunctionem cum his: ad esse tibi in Deum, significat Divinum Domini in Ipso: & semini tuo post te, significat inde Divinum apud eos, qui fidem in Ipsum habent.

2018. Erigam foedus meum inter me & inter te, quod significet unionem, constat a significatione foederis, quod sit unio, de qua prius n: 665. 666. 1023. 1038, de qua Unione in hoc Capite & prius passim actum est, & ostensum, quod Jehovah, qui hic loquitur, fuerit in Ipso, quia unus cum Ipso a prima conceptione & nativitate, nam conceptus fuit a Jehovah, & inde Internum Ipse fuit Jehovah; & hoc per simile apud hominem illustratum n: 1999, quod nempe anima ejus unum sit cum corpore, seu internum ejus cum externo, tametsi inter se distincta sunt, & quandoque ita distincta, ut unum pugnet cum altero, ut fieri solet in tentationibus, in quibus Internum increpat Externum, & malum, quod in Externo, rejicere vult, & usque conjuncta, aut unum sunt, quia tam anima quam corpus est ejusdem hominis: sit pro exemplo, qui aliter cogitat, quam vultu ostendit, ore loquitur, & gestu facit, est tunc Interius quod dissentit cum Externo, sed usque unum sunt, nam cogitatio æque hominis est, ac externum vultus, oris, gestus; at unio est, quando hæc, seu vultus, loquela oris, & gestus cum cogitatione consentiunt: hæc ad illustrationem.

2019. Et inter semen tuum post te, quod significet conjunctionem cum iis qui fidem in Ipsum habent, constat a significatione Seminis, quod sit fides, de qua n: 1025. 1447. 1610; tum a significatione Post te, quod sit sequi; in Verbo usitata formula est, ambulare post aliquem, ut Jerem: vii: 6. Cap: viii: 2. Ezech: xx: 16: tum Marc: viii: 34. Luc: ix: 23. Cap: xiv: 27; quare hic semen post te significat illos qui in fide sunt, & sequuntur Ipsum; in sensu interno, qui nati ab Ipso.

2020. In generationes illorum, quod significant illa quæ sunt fidei, constat a significatione Generationum, quod sint illa quæ generantur & nascuntur a charitate, hoc est, omnia fidei, seu quod idem, omnes illi qui regenerati a Domino, ita in quibus est fides charitatis, de qua, ex Divina Domini Misericordia, in sequentibus; quod Generationes, ut & Nativitates, in sensu interno sint illa, ostensum est in Parte Prima, n: 613. 1041. 1145. 1330.

2021. In foedus æternum, quod significet conjunctionem cum his, constat a significatione foederis, quod sit conjunctio, de qua prius, n: 665. 666. 1023. 1038: & quod cum illis, qui vocantur semen, constat ex eo quod immediate sequatur, & quod foedus iterum in hoc Versu dicatur, ita prius se refert ad unionem Jehovah cum Essentia Humana, alterum ad conjunctionem cum his, qui sunt semen. Ut distinctior idea habeatur de Unione Divinæ Essentiæ Domini cum Humana, & de Conjunctione Domini cum Humano genere per fidem charitatis, hic & in sequentibus licet Illam, *Unionem* appellare,

Nº. II.

D

Hanc

Hanc autem, *Conjunctionem*; Divinæ etiam Essentiæ Domini cum Humana fuit Unio, Domini autem cum Genere humano per fidem charitatis, est Conjunctio; quod inde constat, quia Jehovah seu Dominus est Vita, Cujus Humana Essentia etiam facta est Vita, ut supra ostensum, Vitæ cum Vita est Unio; at homo non est Vita, sed recipiens vitæ, ut prius quoque ostensum est; cum Vita insuit in recipiens vitæ, est conjunctio, nam ei adaptatur sicut agens patienti, seu sicut vivum in se, mortuo in se, quod inde vivit; principale cum instrumentali, ut appellantur, quidem conjunctum apparet, sicut forent unum, sed usque non sunt unum, per se enim est illud, & per se est hoc; homo ex se non vivit, sed Dominus ex Misericordia eum sibi adjungit, & sic eum vivere facit in æternum; & quia ita distincti sunt, Conjunctio dicitur.

2022. Ad esse tibi in Deum, quod significet Divinum Domini in Ipso, constat ex illis, quæ supra de Divina Domini Essentia, quod fuerit in Ipso, dicta sunt.

2023. Et semini tuo post te, quod significet inde Divinum apud eos, qui fidem in Ipsum habent, constat ex significatione Seminis, quod sit fides charitatis, de qua n: 1025. 1447. 1610: tum ex significatione Post te, quod sit sequi Ipsum, de qua mox supra n: 2019. Divinum apud illos, qui fidem in Ipsum habent, est Amor & Charitas; per *Amorem* intelligitur Amor in Dominum; per *Charitatem* amor erga proximum; amor in Dominum nusquam separari potest ab amore erga proximum, nam amor Domini est erga univærsum genus humanum, quod in æternum salvare vult, & sibi prorsus adjungere, ut nullus eorum pereat; quare qui habet amorem in Dominum, is habet amorem Domini, & sic non aliter potest quam amare proximum: sed qui in amore erga proximum sunt, non ideo omnes sunt in amore in Dominum, sicut Gentes probæ, quæ in ignorantia sunt de Domino, apud quas usque Dominus in charitate præsens est, ut ostensum in Parte Prima, n: 1032. 1059; tum etiam alii intra Ecclesiam; nam amor in Dominum est in gradu superiori: qui amorem habent in Dominum, sunt cœlestes homines, at qui amorem erga proximum seu charitatem, sunt spirituales; Antiquissima Ecclesia, quæ fuit ante diluvium, & cœlestis fuit, in amore in Dominum fuit; Antiqua vero Ecclesia, quæ post diluvium, & spiritualis fuit, in amore erga proximum seu in charitate fuit: hæc distinctio inter amorem & charitatem erit in sequentibus, quando nominantur.

2024. Vers: 8. *Et dabo tibi, & semini tuo post te, terram peregrinationum tuarum, omnem terram Canaan, in possessionem æternam, & ero illis in Deum.* Dabo tibi, & semini tuo post te, terram peregrinationum tuarum, significat quod Dominus omnia sibi propriis viribus acquisivit, quæ sunt terra peregrinationum; dabo tibi, est quod Ipsius sint quæ in cœlis & in terris: & semini tuo post te, significat quod daturus illis qui fidem in Ipsum haberent: omnem terram Canaan, significat Regnum cœleste: in possessionem æternam, significat in æternum; & ero illis in Deum, significat quod unus Deus.

2025,

2025. Quod dabo tibi & semini tuo post te, terram peregrinationum tuarum, significet quod Dominus omnia sibi propriis viribus acquisiverit, quæ sunt terra peregrinationum, constat a significatione peregrinari quod sit instrui, de qua n: 1463; & quia homo vitam sibi acquirit imprimis per instructionem in scientificis, doctrinalibus, & cognitionibus fidei, peregrinatio inde est vita sic acquisita: applicate ad Dominum, est vita quam Ipse Sibi comparavit, per cognitiones, pugnas tentationum, & in illis victorias, & quia illam Sibi propriis viribus, hic per terram peregrinationum illud significatur. Quod Dominus omnia Sibi propriis viribus comparaverit, & propriis viribus univerit Essentiam Humanam Divinæ, & Divinam Humanæ, & quod sic Justitia solus factus, constat manifeste apud Prophetas, ut apud Esaiam, "Quis hic, veniens ex Edom, incedens in *multitudine roboris sui*; torcular " *calcavi solus Ego*, & de populis *non quisquam mecum*. Circumspexi, & " *nemo auxilians*; & obstupui, & *nemo suffulciens*; ideo *salutem præstitit mihi " brachium meum*," LXIII: 1. 2. 5. Edom pro Humana Domini Essentia; robor & brachium pro potentia, quod ex propria clare dicitur, quod nemo auxilians, nemo suffulciens, quod salutem Ipsi præstiterit brachium Ipsi: apud Eundem, "Vidit quod non quisquam, & obstupuit, quod nemo intercedens; & salutem præstitit Ipsi brachium Ipsi, & Justitia Ipsi fulcivit " Ipsum: & induit *Justitiam* sicut lorica, & galeam salutis in capite suo," LIX: 16. 17. similiter quod propria potentia; & quod sic Justitia factus: quod Dominus Justitia, apud Daniele, "Septimanæ septuaginta decise" sunt, ad expiandum iniquitatem, & ad adducendum *Justitiam sæculorum*, " & ad obsequandum Visionem & Prophetam, & ad ungendum Sanctum " Sanctorum," IX: 24: & apud Jeremiam, "Suscitabo Davidi germen " justum, & regnabit Rex, & intelligenter aget, & faciet Judicium & Justitiam in terra: in diebus Illius salvabitur Jehuda, & Israel habitabit in " fiducia; & hoc Nomen Ipsi, quod vocabunt Ipsum, *Jehovah Justitia " nostra*," XXIII: 5. 6. Cap: XXXIII: 15. 16: ideo quoque appellatur *Habitaculum Justitiæ*, Jer: XXXI: 23. Cap: L: 7: & apud Esaiam, " *Mirabilis " & Heros*," IX: 6. Quod Dominus toties tribuat Patri, quod Ipsi est, explicatum est supra, n: 1999. 2004; Jehovah enim in Ipso fuit, proinde in singulis Ipsi; hoc ex simili, tamen non compari, potest illustrari apud hominem; anima hominis est in eo, & quia in eo, est in singularissimis ejus, nempe in singularissimis ejus cogitationis, & in singularissimis ejus actionis; quicquid non habet animam ejus in se, non est ejus; Anima Domini fuit ipsa Vita, seu ipsum Esse, quod est Jehovah, nam conceptus a Jehovah, ita fuit in singularissimis Ipsi; & quia ipsa vita, seu ipsum Esse, quod est Jehovah, fuit Ipsi, sicut anima est hominis, ita Ipsi fuit quod Jehovah, quod est quod Dominus dicit, quod sit in sinu Patris, Joh: I: 18. & quod omnia, quæ Pater habet, sua essent, Joh: XVI: 15. Cap: XVII: 10. 11. ex Bono, quod est Jehovah, univit Divinam Essentiam Humanæ, & ex Vero univit Humanam Essentiam Divinæ, ita omnia & singula ex Se Ipso; imo Humanum Ipsi fuit relictum sibi, ut pugnaret a Se contra omnia Inferna,

& vinceret illa, & quia vitam habuit in Se, ut dictum, quæ Ipsius fuit, sua potentia & suis viribus illa evicit; sicut etiam clare apud Propheas in locis citatis dicitur. Inde nunc, quia propriis viribus omnia Sibi, acquisivit, Justitia factus, mundum spirituum vindicavit ab infernalibus genis & spiritibus, & sic liberavit genus humanum ab interitu, nam genus humanum per spiritus regitur, & sic redemit illud; ideo toties in Verbo Veteris Testamenti, Liberato & Redemptor dicitur, & Salvator, quod est nomen Ipsius. Jesus.

2026. Quod dabo tibi, sit quod Ipsius sint quæ in cœlis & in terris, ex illis, quæ nunc dicta sunt, sequitur; dare tibi in sensu literæ, est quod Deus seu Jehovah Ipsi daret, sicut etiam in Verbo Evangelistarum, quod Pater dederit Ipsi omnia quæ in cœlo & in terra; sed in sensu interno, in quo ipsum verum sistitur in sua puritate, est quod Dominus sibi acquisiverit, quia in Ipso, & in singulis Ipsius fuit Jehovah, ut dictum est; quod per simile adhuc illustrari potest; sicut si interior seu rationalis homo, aut cogitatio diceret, quod corporeum ejus haberet quietem seu tranquillitatem, si desisteret hoc aut illud facere, tunc qui dicit est idem homo, ac is ad quem dicitur, nunc tam rationale est hominis, quam corporeum, quare cum illud dicitur hoc intelligitur. Præterea quod Domini sint quæ in cœlis & in terris, constat ex plurimis locis Verbi, præter ex illis quæ in Veteri Testamento, etiam ex his apud Evangelistas, Matth. xi: 27. Luc. x: 22. Joh. iii: 34, 35. Cap. xvii: 2. Cap. xxviii: 18. & ex illis quæ in Parte Prima ostensa sunt, n: 458. 551. 552. 1607. & quia Dominus regit universum Cœlum, etiam regit omnia quæ in terris, ita enim connexa sunt, ut qui unum regit omnia regat, a Cœlo enim Angelorum, dependet Cœlum spirituum angelicorum, ab hoc mundus spirituum, ab hoc iterum genus humanum; & similiter a Cœlis omnia quæ sunt in mundo & natura, nam absque influxu a Domino per cœlos, nihil usquam quod in natura & triplici ejus regno est, existeret & subsisteret; videatur n: 1632.

2027. Quod semini tuo post te, significet quod daturus illis qui fidem in Ipsum haberent, constat ex significatione Seminis, quod sit fides, de qua n: 1025. 1447. 1610; nempe quod sit fides charitatis, de qua n: 379. 389. 654. 724. 809. 916. 1017. 1162. 1176. 1158; Fidem charitatis non habent, ita non sunt semen hic intellectum, qui meritum ponunt in suæ vitæ actis, sic enim non ex Domini Justitia, sed ex suamet salvari volunt; quod in illis nulla sit fides charitatis, hoc est, nulla charitas, constat exinde, quod semet aliis præferant, ita se intueuntur, non alios, nisi quantum illis serviunt, & qui non hoc volunt, illos vel contemnunt, vel odio habent; ita per amorem sui diffociant, & nusquam fociant, & sic destruunt quod cœleste est, nempe amorem mutuum, qui est firmamentum cœli, nam in illo ipsum cœlum, & omnis ejus consociatio. & unanimitas subsistit & consistit; quicquid enim destruit unanimitatem in altera vita, hoc contra ordinem ipsius cœli est, ita ad destructionem totius conspirat; tales sunt qui in vitæ suæ actis ponunt meritum, & justitiam sibi vindicant: ex his sunt plures in altera vita, ii quandoque

que lucent facie sicut faculæ, sed ex igne fatuo, qui prodit ex sui justificatione, sed sunt frigidi; visi quandoque discurrere & confirmare sui meritum ex sensu literalis Verbi, odio habentes vera quæ sunt sensus interni, n: 1877; sphaera eorum est intuitiva sui, ita destructiva omnium idearum, quæ se non intueuntur instar cuiusdam numinis; sphaera plurium talium simul est distractiva ita, ut nihil sit ibi nisi inimicum & hostile, nam quisque cum idem vult, nempe ut serviatur, alterum corde necat: quidam eorum sunt inter eos, qui dicunt se laboravisse in vinea Domini, cum tamen jugiter tunc volverunt animo sui præeminentiam, gloriam, & honores, tum etiam lucrum, & sic usque quod maximi fierent in cælo, imo quod servirentur ab angelis; alios præ se corde contemnentes, ita nullo amore mutuo, in quo Cælum consistit, imbuti, sed amore sui, in quo ponunt cælum, nam nesciunt quid cælum, de quibus videatur n: 450. 451. 452. 1594. 1679: hi sunt inter illos, qui primi esse volunt, sed fiunt ultimi, Matth: xix: 30. Cap: xxi: 16. Marc: x: 31. & qui dicunt se per Nomen Domini prophetavisse, & multas virtutes fecisse, at quibus dicitur, non novi vos, Matth: vii: 22. 23. Aliter se habet cum illis, qui ex simplicitate cordis autumarunt se mereri Cælum, & in charitate vixerunt; illi mereri Cælum spectarunt ut promissum, & facile agnoscunt id Misericordiæ Domini esse; nam vita charitatis hoc secum habet; ipsa charitas omne verum amat.

2028. Omnem terram Canaan, quod significet Regnum Cœleste, constat ex significatione terræ Canaanis, quod sit Regnum cœleste, de qua prius n: 1413. 1437. 1607.

2029. In possessionem æternam, quod significet æternum, constat absque explicatione: vocantur possessores, tum hæredes, non ex merito, sed ex Misericordia.

2030. Quod ero illis in Deum, significet quod unus Deus, constat ex eo, quod hic agatur de Humana Domini Essentia unienda Divinæ, & sic ipsa quoque fieret Deus, ita ero illis in Deum, significat in sensu interno unum Deum.

2031. Vers: 9. *Et dixit Deus ad Abraham, & tu fœdus meum custodies, tu & semen tuum post te, in generationes eorum.* Dixit Deus ad Abraham, significat perceptionem: & tu fœdus meum custodies, significat unionem adhuc arctiorem: tu & semen tuum post te, significat quod ab Ipso conjunctio omnium qui fidem in Ipsum habent: in generationes illorum, significat illa quæ sunt fidei.

2032. Dixit Deus ad Abraham, quod significet perceptionem, constat a significatione dicere Deus in sensu historico Verbi, quod sit percipere, de qua prius n: 1602. 1791. 1815. 1819. 1822.

2033. Tu fœdus meum custodies, quod significet unionem adhuc arctiorem, constat a significatione fœderis, quod sit unio & conjunctio, de qua prius ad vers: 2. 4. 7, & in Parte Prima, n: 665. 666. 1023. 1038; repetitio hic fœderis, de quo toties prius, denotat unionem arctiorem: in sensu historico, qui est de Abrahamo, non aliud prædicari potest, quam ut custodiat

diat foedus, in sensu interno, in quo de Domino, evanescit historicum, & succedunt prædicabilia, quæ sunt uniri ætius. Unio Humanæ Essentiæ Domini cum Divina Ipsius, non simul facta est, sed per totum vitæ Ipsius cursum ab infantia ad ultimum vitæ in mundo; ita ascendit continue ad Glorificationem, hoc est, unionem, quod est quod apud Johannem dicitur, “Jesús dixit, Pater glorifica tuum Nomen; exiit vox e Cælo, & glorificavi, & rursus glorificabo,” xii : 28, videantur quæ prius, n : 1690. 1864.

2034. Quod tu & semen tuum post te, significet quod ab Ipso conjunctio omnium qui fidem in Ipsum habent, constat ex significatione Seminis, quod sit fides, de qua aliquoties supra; & ex significatione Post te, quod sit sequi Ipsum, de qua supra, n : 2019. Prius actum est de Unione Essentiæ Divinæ cum Humana, & Humanæ cum Divina, hic nunc agitur de Conjunctione Domini cum illis, qui credunt in Ipsum, quare etiam Tu iterum dicitur, nempe *Tu* foedus meum custodies, *Tu* & semen tuum, ex qua repetitione & adjunctione ad semen, constat, quod in sensu interno Conjectio significetur, & quidem cum illis qui semen sunt, per quod significari fidem charitatis, ostensum n : 1025. 1447. 1610. & quod fides sit ipsa Charitas, in Parte Prima n : 30 ad 38. 379. 389. 654. 724. 809. 916. 1017. 1076. 1077. 1162. 1176. 1258. 1798. 1799. 1834. 1844. Dominus etiam cum loquitur de Unione Ipsius cum Patre, illico & continenter loquitur de Conjunctione Ipsius, cum Genere humano, quia hoc fuit causa Unionis, ut constat apud Johannem, “*Ut omnes unum sint, sicut Tu Pater in Me, & Ego in Te, ut etiam illi in nobis unum sint : Ego gloriam, quam dedisti Mihi, dedi illis, ut sint unum, sicut nos unum sumus, Ego in illis, & Tu in Me; nam notum feci illis Nomen tuum, & notum faciam, ut amor, quo amasti Me, in illis sit, xvii : 21. 22. 26. ex quibus patet, quod Dominus in Unione sui cum Patre suo, spectaverit conjunctionem sui cum genere humano; & quod hæc fuerit Ipsi cordi, quia fuit Amor Ipsius; omnis enim conjunctio fit per amorem, est amor ipsa conjunctio: alibi apud Eundem, “Quia Ego vivo & vos vivetis; in illa die cognoscetis vos, quod Ego in Patre, & vos in Me, & Ego in vobis; qui habet præcepta mea, & facit illa, ille amat Me,” xiv : 19. 21. inde similiter patet, quod Dominus in Unione Humanæ suæ Essentiæ cum Divina, spectaverit sui conjunctionem cum genere humano, & quod hæc finis, & hæc amor Ipsius, qui talis, quod intimi gaudium Ipsi fuerit salvatio generis humani spectata in unione Sui cum Patre Ipsius; & describitur hic quoque, quid unit, nempe habere & facere illa, ita amare Dominum : apud Eundem, “Pater, Glorifica Nomen tuum; exiit igitur vox e Cælo, & glorificavi, & iterum glorificabo : Jesús dixit, non propter Me, hæc vox facta, sed propter vos : Ego vero cum exaltatus fuero e terra, omnes traham post Me,” xii : 28. 30. 32. per glorificationem intelligitur unio, ut prius dictum; & quod in Unione Sui cum Patre spectaverit conjunctionem Sui cum genere humano, aperte dicitur, nempe dum exaltatus fuero, omnes traham post Me. Quod conjunctio facta Infiniti seu Supremi Divini per Humanum Domini factum Divinum, cum genere humano, & quod hæc Conjectio fuerit causa adventus Domini in mundum,*

mundum, est arcanum, in quod plures apud se inquirunt, & quia non capiunt, non credunt; & quia non credunt ex eo quod non capiant, id illis scandalum fit; quod ita fit, ex multa experientia. scire datum ab illis qui in alteram vitam veniunt; permulti eorum sunt, pene maxima pars ingeniosorum in mundo, dum modo cogitant, quod Dominus factus homo, & fuerit sicut alius homo externa forma, quodque passus, & tamen regat universum, illico opplent sphaeram scandalis, ex causa quia hoc illis scandalum fuit in vita corporis, tamen nihil tunc de eo evulgarunt, & tamen Ipsum externa sanctitate adorarunt; in altera enim vita interiora patent, & manifestantur per sphaeram ab illis diffusam, de qua in Parte Prima, n: 1048. 1053. 1316. 1504; inde percipitur manifeste qua fide fuerunt, & quid cogitarunt de Domino: cum ita fit, paucis licet adhuc exponere, quomodo se res habet; postquam omne coeleste apud hominem periit, hoc est omnis amor in Deum, sic ut voluntas boni nulla amplius, tunc separatum est genus humanum a Divino, nihil enim conjungit quam amor, quo factio nullo, facta est disjunctio, & cum disjunctio sequitur interitus & extirpatio; quare tunc promissio facta de adventu Domini in mundum, Qui uniret Humanum Divino, & per hanc Unionem conjungeret genus humanum in Se Ipso per fidem amoris & charitatis; a tempore primæ Promissionis, de qua Genes: 111: 15. fides amoris in venturum Dominum conjunxit; at cum nulla amplius fides amoris residua fuit in orbe terrarum, tunc Dominus venit, & Humanam Effsentiam univit Divinæ, ita ut prorsus unum essent, sicut Ipse clare dicit, & simul docuit viam veritatis, quod omnis qui crederet in Ipsum, hoc est, amaret Ipsum & quæ Ipsius sunt, & esset in amore Ipsius qui est erga universum genus humanum, ita erga proximum, conjungeretur & salvaretur: cum Humanum Divinum factum, & Divinum Humanum in Domino, tunc influxus Infiniti seu Supremi Divini factus apud hominem, qui nusquam aliter potuisset existere; inde quoque discussæ sunt diræ persuasiones falsi, & diræ cupiditates mali, quibus mundus spirituum oppletus fuit, & ab animabus e mundo alluentibus continue opplebatur; & si qui in illis erant, coniecti in inferna, & sic separati; quod nisi factum fuisset, periisset humanum genus, nam hoc per spiritus regitur a Domino; nec aliter discuti potuerunt, nam nulla operatio dabatur Divini per rationalia in sensuاليا interna hominis, sunt enim longe infra Supremum Divinum non ita unitum: præter arcaniora adhuc, quæ nusquam ad captum alicujus hominis edici possunt, videntur quæ prius, n: 1676. 1990. 2016: quod Dominus sicut Sol appareat in cælo coelestium, & sicut Luna in cælo spiritualium angelorum, & quod Sol sit coeleste amoris Ipsius, & quod Luna spirituale amoris, n: 1053. 1521. 1529. 1530. 1531: & quod omnia & singula sint sub aspectu Ipsius, n: 1274 f. 1277 f.

2035. In generationes eorum, quod significet illa quæ sunt fidei, constat a significatione Generationum & Nativitatum, quod sint illa quæ sunt fidei, de qua n: 1613. 1145. 1255. 1330: & quod illa quæ sunt amoris & fidei, se habeant sicut consanguinitates & affinitates generationum, n: 685. 917.

2036. Vers:

2036. Verſ. 10. *Hoc ſœdus meum, quod cuſtodietis inter Me & inter vos; & inter ſemen tuum poſt te, circumcidi vobis omnem maſculum.* Hoc ſœdus meum quod cuſtodietis inter Me & inter vos, ſignificat indicium conjunctionis omnium cum Domino: & inter ſemen tuum poſt te, ſignificat illos qui fidem in Ipſum habent: circumcidi vobis omnem maſculum, ſignificat puritatem.

2037. Hoc ſœdus meum, quod cuſtodietis inter Me & inter vos, quod ſignificat indicium conjunctionis omnium cum Domino, conſtat ex ſignificatione ſœderis, quod ſit conjunctio, de qua prius; hic quod ſit indicium conjunctionis, conſtat a Verſu ſequenti, ubi appellatur Signum ſœderis, ubi hæc, “*Circumcidetis carnem præputii veſtri, & erit in Signum ſœderis inter Me & inter vos.*” Signa ſœderis erant omnes Ritus Externi Eccleſiæ, qui ſanctè habendi, quia per illos ſignificabantur Interna; Circumciſio, de qua hic agitur, nec fuit niſi Ritus repræſentativus & ſignificativus, de quo in ſequentibus; ſed uſque tales ritus in Verbo paſſim vocantur ſœdus, ex cauſa quia Externa repræſentabant, & ſic ſignificabant Interna; Interna ſunt ſœderis, quia conjungunt, non autem externa niſi per interna, externa erant ſolum ſigna ſœderis, ſeu indicia conjunctionis, ex quibus recordarentur internorum, & ſic per hæc conjungerentur; de ſignis ſœderis videatur n: 1308; omnia Interna, quæ ſœderis ſunt, ſeu quæ conjungunt; ſe referunt ad amorem & charitatem, & ex amore & charitate procedunt, nam ex his binis, nempe amare Dominum ſupra ſe, & proximum ut ſe, omnis lex & omnes prophetæ, hoc eſt, univerſa doctrina fidei pendet, Matth: XXI: 34 ad 39. Marc: XII: 28 ad 35.

2038. Et inter ſemen tuum poſt te, quod ſignificet illos, qui fidem in Ipſum habent, conſtat a ſignificatione Seminis, quod ſit fides ex charitate, de qua prius.

2039. Circumcidi omnem maſculum, quod ſignificet puritatem, conſtat a repræſentatione, & inde ſignificatione Circumcidere in ſenſu interno; Circumciſio ſeu exciſio præputii non aliud ſignificabat, quam remotionem & abſterſionem eorum, quæ impediabant & inquinabant amorem cœleſtem, quæ ſunt mala cupiditatum, imprimis cupiditatum amoris ſui, & falſa inde; cauſa hujus ſignificationis eſt, quia Genitalia utriuſque ſexus, amorem cœleſtem repræſentant; ſunt tria genera amorum, quæ conſtituunt cœleſtia Regni Domini, nempe amor conjugalis, amor erga infantes, & amor ſocietatis ſeu mutuus; Amor conjugalis eſt principalis omnium, nam in eo finis maximi uſus, nempe propagatio generis humani, & inde Regni Domini, cujus eſt ſeminarium; Amor erga infantes proxime ſuccedit, qui inde; & dein Amor ſocietatis ſeu mutuus; quicquid obteggit, impedit, & conſpurcat hos amores, ſignificatur per præputium, cujus exciſio, ſeu circumciſio, ideo repræſentativa facta eſt; quantum enim mala cupiditatum & falſa inde, remouentur, tantum purificatur homo, & tantum apparere poteſt Amor cœleſtis: Amor ſui quam contrarius ſit amori cœleſti, & quam ſpurcus, dictum & oſtenſum eſt, n: 760. 1307. 1308. 1321. 1594. 2045. 2057: ex his liquet,

CAPUT DECIMUM SEPTIMUM. 33

quet, quod Circumcisio in sensu interno significet puritatem. Quod Circumcisio sit modo Signum fœderis seu conjunctionis, constare potest manifeste ex eo, quod circumcisio præputii nihil prorsus sit absque circumcissione cordis; & quod circumcisio cordis, quæ est purificatio a spurcis illis amoribus, sit quæ significatur; ut manifeste ab his in Verbo locis patet; apud Moſen, "*Circumcidet Jehovah Deus cor tuum, & cor feminis tui*, ad amandum Jehovah Deum tuum in toto corde tuo, & in tota anima tua, propterea ut *vivas*," Deut: xxx: 6: ex quibus constat, quod circumcidere cor, sit purificari a spurcis amoribus, ut amari possit Jehovah Deus seu Dominus, ex toto corde, & ex tota anima: apud Jeremiam, "*Novate vobis novale, & ne seratis inter spinas, Circumcidite vos Jehovah, & removete præputium cordis vestri*, vir Jehudæ & habitatores Hierosolymæ," iv. 3. 4. circumcidere se Jehovah, & removere præputia cordis, nec aliud est, quam removere talia quæ impediunt amorem cœlestem; inde etiam constat, quod circumcisio cordis sit interius quod significatur per circumcissionem præputii: apud Moſen, "*Circumcidetis præputium cordis vestri, & cervicem vestram ne induretis amplius, faciens judicium orphanis & viduæ, & amans peregrinum ad dandum illi panem & vestem*," Deut: x: 16. 18; ubi etiam quod circumcidere præputium cordis, sit purificari a malis amorum spurcorum & a falsis inde, liquet; cœlestia amoris describuntur per opera charitatis, nempe per facere judicium orphanis & viduæ, & per amare peregrinum ad dandum illi panem & vestem: apud Jeremiam, "*Ecce dies venientes, quibus visitabo super omnem circumcisum in præputio, super Ægyptum, & super Jehudam, & super Edomum, & super filios Ammonis, & super Moabum, & super omnes abscisos anguli, habitantes in deserto, quia omnes gentes præputiatae, & omnis domus Israël præputiati corde*," ix: 24. 25. quod circumcisio significativum purificationis sit, inde quoque patet, vocantur circumcisi præputio, sed usque gentes præputiatae, inter cæteras etiam Jehudas; & Israël præputiati corde: apud Moſen, "*Vel tunc humiliabitur cor eorum præputiatum*," Lev: xxvi: 41 similiter. Quod per Præputium & Præputiatum significetur immundum, constat apud Esaiam, "*Excitare, excitare, indue robur tuum Zion, indue vestes decoris tui Hierosolyma, civitas sanctitatis, quia non addet, veniet in te amplius Præputiatus & Immundus*," li: 1. per Zionem intelligitur Ecclesia cœlestis, per Hierosolymam Ecclesia spiritualis, in quam præputiatum, quod est immundum, non intrabit. Quod Circumcisio sit Signum fœderis, seu indicium conjunctionis, manifeste constat ex eo, quod simile repræsentatum per arborum fructus, qui etiam circumciderentur, de quibus ita apud Moſen, "*Quando veneritis in terram, & plantaveritis quamcunque arborem cibi, præputiabitis præputium ejus, fructum ejus*; tribus annis erit vobis præputiati, non comedetur, & in anno quarto erit omnis fructus ejus sanctitas laudum Jehovah," Lev: xix: 24: fructus similiter repræsentant & significant charitatem, ut a multis locis in Verbo constare potest, ita præputium eorum significat immundum quod charitatem impedit & contaminat. Quod mirabile, cum Angeli, qui in Cœlo, ideam purificationis a spurcis, naturali-

bus habent, tunc in mundo spirituum repræsentatur velocissime quoddam simile circumfisionis; nam ideæ angelicæ in repræsentativa in mundo spirituum evadunt: fuerunt ritus repræsentativi in Ecclesia Judaica, qui inde originem duxerunt, & fuerunt quoque qui non inde: illi, apud quos in mundo spirituum, repræsentabatur velox illa circumficio, volebant admitti in cælum, & antequam admissi, hoc repræsentatum erat; ex quo constare potest, cur mandatum Josuæ, quod circumcideret populum, cum Jordanem transgressi intrarent in terram Canaanem; introitus populi in terram Canaanem non aliud repræsentabat, quam intromissionem fidelium in cælum, ideo circumficio secundo mandata erat, de qua ita apud Josuam, "*Jehovah dixit ad Joschuam, fac tibi gladios petrarum, circumcide filios Israelis secundo, & fecit sibi Joschua gladios petrarum, & circumcidit filios Israelis ad collem præputiorum*: & dixit Jehovah ad Joschuam, hodie devolvi opprobrium *Ægypti desuper vobis, & vocavit nomen loci illius Gilgal (devolutio:)*" v: 2. 3. 9: gladii petrarum significant vera, quibus imbuerentur, ut sic spurcos amores castigare & discutere possent, nam absque cognitionibus veri nusquam aliqua purificatio; quod lapis seu petra significet vera, prius n: 643. 1298, ostensum est; & quod gladius prædicetur de veris, quibus castigentur mala, ex Verbo constat.

2040. Verſ: 11. *Et circumcidetis carnem præputii vestri, & erit in signum fæderis inter Me & inter vos.* Circumcidetis carnem præputii vestri, significat remotionem amoris sui & mundi: & erit in signum fæderis inter Me & inter vos, significat repræsentativum & significativum puritatis.

2041. Circumcidetis carnem præputii vestri, quod significet remotionem amoris sui & mundi, constat ex repræsentatione & significatione Circumfisionis, quod sit purificatio a spurcis amoribus, de qua mox supra n: 2039; tum a significatione Carnis, quod sit proprium hominis, de qua prius n: 999; proprium hominis non est nisi amor sui & mundi, ita omnis cupiditas quæ inde, quod quam spurcum sit, ostensum est in Parte Prima, n: 141. 150. 154. 210. 215. 694. 731. 874. 875. 876. 987, 1047: quia hoc proprium significatur, quod removendum, hic dicitur caro præputii. Sunt bini amores ita dicti, & eorum cupiditates, quæ impediunt influxum amoris cælestis a Domino; illi enim cum regnant in interiori & externo homine, & eum occupant, tunc influentem amorem cælestem vel rejiciunt vel suffocant, ut & pervertunt & contaminant, nam prorsus contrarii sunt amoris cælesti; quod prorsus contrarii sint, ex Divina Domini Misericordia, in sequentibus demonstrabitur; at quantum removentur, tantum amor cælestis influens a Domino incipit apparere, imo illucescere in interiori ejus homine, & tantum incipit videre, quod in malo, & falso sit, imo dein in immundo & spurco, denique quod hoc fuerit ipsius proprium; sunt ii qui regenerantur, apud quos illi removentur: hoc quoque a non regeneratis potest apperipi, apud quos dum amorum istorum cupiditates quiescunt, ut fit quandoque dum in meditatione sancta sunt, vel dum sopiuntur, quod fit dum in infirmitatibus sunt, in ægreditudinibus & morbis, & maxime in momentis mortis, tunc quia corporea & mundana sopita sunt, & quasi mortua, apperipiunt aliiquid

aliquid luminis cœlestis, & solatii inde; sed apud hos non est remotio illarum cupiditatum, sed modo sopitio, nam illico dum in statum pristinum redeunt, in cupiditates illas relabuntur: apud malos etiam sopiri possunt corporea & mundana, & tunc elevari quasi in quoddam cœleste, ut quandoque fit cum animabus imprimis recentibus in altera vita, qui intente cupiunt videre gloriam Domini, quia tantum de Cœlo audiverunt in mundo cum vixerunt, illis tunc sopiuntur externa illa, & sic evehuntur in primum Cœlum, & fruuntur desiderio suo; sed non diu subsistere possunt, quia est modo quiescentia corporeorum & mundanorum, non autem remotio, ut apud Angelos, de quibus videatur n: 541. 542. Sciendum est, quod amor cœlestis a Domino continue influat apud hominem, & quod nihil aliud sit, quod obstat, impedit, & facit, quod illum recipere nequeat, quam cupiditates amorum illorum, & falsitates inde.

2042. Et erit in signum fœderis inter Me & inter vos, quod significet repræsentativum & significativum puritatis, constat ex illis quæ ostensa sunt mox supra n: 2039, nempe quod Circumcisio non fuerit aliud quam repræsentativum purificationis ab amoribus spurcis; & quia solum externus ritus fuit, qui repræsentabat & significabat internum, non erat fœdus, sed signum fœderis.

2043. Verf: 12. *Et filius octo dierum circumcidetur vobis, omnis masculus, in generationes vestras, natus domus, Et emptio argenti, ab omni filio alienigena, qui non e semine tuo ille.* Filius octo dierum, significat principium purificationis quodcumque: circumcidetur vobis, significat purificationem: omnis masculus, significat eos qui in vero fidei: in generationes vestras, significat illa quæ sunt fidei: natus domus, significat cœlestes: emptio argenti, significat spirituales, qui sunt intra Ecclesiam: ab omni filio alienigena qui non e semine tuo, significat illos qui extra Ecclesiam.

2044. Et filius octo dierum, quod significet principium purificationis quodcumque, constat ex significatione Octavi diei; Septimana, quæ est septem, dierum, significat integram periodum cujusunque status & temporis, ut reformationis, regenerationis, tentationis, tam hominis in particulari, quam Ecclesiæ in communi; ita septimana dicitur periodus, five foret mille annorum, five centum, five decem, ita dierum, horarum, minutorum, & sic porro, quod a locis in Parte Prima n: 728. citatis constare potest; & quia dies octavus est dies primus sequentis septimanæ, hic significat principium quodcumque. Inde quoque constat, quod sicut ipsa circumcisio fuit repræsentativum purificationis, ita etiam tempus, nempe octavus dies; non quod tunc intrarent in statum puriorem, & quod ideo purificati essent, sed quia sicut circumcisio significabat purificationem, ita octavus dies, quod fieri debeat omni tempore, & sic semper ut e novo principio.

2045. Circumcidetur vobis, quod significet purificationem, constat a repræsentatione & significatione Circumcisionis, quod sit purificatio ab amoribus spurcis, de qua supra n: 2039. Qui in amoribus sui & mundi sunt, nusquam credere possunt, quod in tam spurcis & immundis sint, sicut actualiter

liter sunt ; quoddam enim volupe & jucundum est, quod mulcet, favet, & adblanditur, & facit, ut vitam eam ament, præferant omni alii vitæ, & sic putent nihil mali inesse ; nam quicquid favet alicujus amoris & inde vitæ, creditur esse bonum ; inde etiam rationale consentit, & suggerit falsa quæ confirmant, quæ occæcant in tantum, ut nihil videant quid amor cœlestis, & si viderent, corde suo dicerent, esse quoddam miserum, aut quoddam nihil, aut quoddam phantasie simile, quod animum tenet sicut in ægitudine : sed quod vita amoris sui & mundi cum ejus voluptariis & jucundis sit spurca & immunda, constare potest cuivis, si ex rationali facultate, qua donatus est, cogitare velit ; amor sui est, ex quo omnia mala, quæ destruant societatem civilem ; ex illo ut ex immundo puteo scaturiunt omnia odia, omnes vindictæ, omnes crudelitates, imo omnia adulteria ; qui enim se amat, alios omnes, qui sibi non serviunt, aut honorem præstant, aut favent, vel contemnit, vel vituperat, vel odio habet ; & cum odio habet, non spirat nisi vindictas & crudelitates, & hoc quantum se amat ; ita amor ille est destructivus societatis & generis humani ; quod talis sit, videantur etiam quæ in Parte Prima de eodem dicta sunt, n : 693. 694. 760. 1307. 1308. 1321. 1506. 1594. 1691. 1862 : quod amor sui sit spurcissimus in altera vita, & e diametro oppositus amoris mutuo, in quo cœlum consistit, in sequentibus etiam, ex Divina Domini Misericordia, dicitur ; & quia inde sunt odia, vindictæ, crudelitates, & adulteria, inde sunt omnia, quæ peccata, scelera, abominaciones & prophanaiones, vocantur ; quare cum ille in rationali hominis est, inque ejus externi hominis cupiditatibus & phantasii, tunc influxus amoris cœlestis a Domino, continuo arcetur, pervertitur, & contaminatur ; est sicut fœdum excrementum, quod omnem odorem suavem dissipat, imo conspurcat ; & est sicut objectum, quod radios lucis continue influentes, in tetros & nigros colores vertit ; & est sicut tigris & serpens, qui adblandimenta respuit, & eos, qui cibos porrigunt, morsu & veneno necat ; aut sicut homo facinorosus, qui intentiones etiam optimas aliorum, ipsaque beneficia, in vituperia & malitias vertit : inde constat, quod amores illi, nempe sui & mundi, sint, qui per præputia repræsentantur & significantur, quæ abscindenda.

2046. Quod omnis masculus significet illos, qui in vero fidei sunt, constat a significatione Masculi, quod sit verum, de qua n : 672. 749 : quod masculus dicatur, per quem significatur verum fidei, causa est, quia nemo purificari potest ab amoribus illis spurcis, nisi qui in vero est ; ex vero cognoscit, quid est purum & impurum, & quid sanctum & profanum ; antequam hoc novit, non sunt media, in quæ & per quæ operari potest amor cœlestis qui continue influit a Domino, qui non recipi potest nisi in veris ; quare per cognitiones veri reformatur & regeneratur homo, & hoc non prius, quam cum illis imbutus est ; ipsa conscientia per vera fidei formatur, nam conscientia est veri & recti, qua regeneratus donatur, de qua videatur, n : 977. 986 f : 1033. 1076. 1077 : hæc causa etiam est, quod cultri lapidei, seu gladii petrarum, ut vocantur, ad circumcissionem adhiberentur, per quos quod significantur vera, videatur supra n : 2039 ad fin.

2047. In

CAPUT DECIMUM SEPTIMUM. 37

2047. In generationes vestras, quod significet illa quæ sunt fidei, constat a significatione Generationum & Nativitatum, quod sint illa quæ sunt fidei, de qua n : 613. 1145. 1255. 2020. 2035.

2048. Quod natus domus significet cœlestes, & quod emptio argenti significet spirituales, ita qui intra Ecclesiam, constat a significatione nati domus, quod sint illi qui intra domum; domus in Verbo significat cœleste, quia hoc intimum, unde per Domum Dei significatur in universali sensu Regnum Domini, in minus universali Ecclesia, in particulari ipse homo, in quo est Regnum seu Ecclesia Domini; quando homo dicitur domus, significatur cœleste fidei apud eum, quando templum, significatur verum fidei apud eum; ita hic per natum domus significatur cœlestes. Quod autem emptio argenti seu emptus argento significet spirituales, constat ex significatione argenti, quod sit verum, ita spirituale fidei, de qua in Parte Prima n : 1551 : Cœlestes dicuntur, qui sunt in amore in Dominum, & quia Antiquissima Ecclesia, quæ ante diluvium, in illo amore fuit, erat Ecclesia cœlestis; Spirituales dicuntur, qui in amore erga proximum, & sic in vero fidei; talis fuit Antiqua Ecclesia, quæ post diluvium; de distinctione inter Cœlestes & Spirituales, pluries actum est in Parte Prima. Quisque videre potest, quod hic arcana cœlestia sint, nempe quod circumcidiendi essent nati domus, & empti argento, tum quoque filii alienigenæ, & quod illi nominentur, & hoc, aliquoties, ut in Vers: seq: 13. 23. 27, quæ arcana non patent nisi ex sensu interno, nempe quod per natos domus, & emptos argento, significantur cœlestes & spirituales, ita qui intra Ecclesiam, & per filium alienigenam qui non e semine, illi qui extra Ecclesiam.

2049. Ab omni filio alienigena, qui non e semine tuo ille, quod significet illos qui extra Ecclesiam sunt, constat a significatione filii alienigenæ, quod sint illi qui non nati intra Ecclesiam, ita non in bonis & veris fidei, quia non in cognitionibus illorum: filii alienigenæ etiam significant illos qui in externo cultu sunt, de quibus n : 1097, sed tunc agitur de illis qui intra Ecclesiam sunt; hic vero, quia de Ecclesia Domini in universali, sunt filii alienigenæ illi qui non nati intra Ecclesiam, sicut sunt gentes: Gentes, quæ extra Ecclesiam, possunt esse in veris, sed non in veris fidei; vera eorum sunt, sicut præcepta decalogi, quod honorandi parentes, quod non occidendum, non furandum, non adulterandum, non concupiscenda quæ sunt aliorum, tum quod Numen colendum; sed vera fidei sunt omnia Doctrinalia de Vita æterna, de Regno Domini, & de Domino; hæc illis non possunt nota esse, quia Verbum non habent; hi sunt, qui per filios alienigenas, qui non e semine, & qui cum/circumcidiendi, hoc est, purificandi, significantur; inde patet, quod illi æquè purificari queant ac qui intra Ecclesiam; quod representabatur per circumcidi; purificantur quando rejiciunt spurcos amores, & vivunt inter se in charitate, tunc enim vivunt in veris, nam omnia vera sunt charitatis, sed in veris, de quibus prius; qui cum in his veris vivunt, facile hauriunt vera fidei, si non in vita corporis, usque in altera vita, quia vera fidei sunt interiora vera charitatis, nihil enim plus tunc amant, quam in interiora

teriora vera charitatis admitti; interiora charitatis sunt, in quibus consistit Regnum Domini, de illis videatur n: 932. 1032. 1059. 1327. 1328. 1366. In altera vita nihil facit scientia cognitionum fidei, pessimi enim, imo infernales, possunt esse in scientia illarum, quandoque præ aliis, sed est vita secundum cognitiones, nam omnes cognitiones pro fine habent vitam; nisi addicerentur propter vitam, nullius usus forent, præter quod loqui possint de iis, & inde docti haberi in mundo, in honores evehi, & lucrari famam & opes; inde constat quod vita cognitionum fidei non alia sit quam vita charitatis, Lex enim & Prophetæ, hoc est, universa Doctrina fidei cum omnibus ejus cognitionibus, consistit in Amore in Dominum, & in amore erga proximum, ut manifestum est unicuique ex Domini verbis, apud Matthæum, Cap: xxii. 34 ad 39, & apud Marcum, Cap: xii: 28 ad 35; at doctrinalia seu cognitiones fidei usque maxime necessariae sunt ad formandam vitam charitatis, quæ absque illis formari nequit; hæc vita est, quæ salvat post mortem, nusquam aliqua vita fidei absque illa, nam absque charitate non dabilis est vita fidei; qui in vita amoris & charitatis sunt, in Domini vita sunt, Ipsi conjungi nemo potest per aliam; inde quoque constat; quod vera fidei nusquam agnoscí queant ut vera, hoc est, dari Agnitio illorum, de qua loquuntur, quam exterius & ore, nisi sint implantata in charitate, interius enim aut corde negantur, nam, ut dictum, omnia pro fine habent charitatem, quæ si non inest, interius rejiciuntur; interiora patent qualia sunt, cum auferuntur exteriora, ut sit in altera vita, quod nempe prorsus contraria sint omnibus veris fidei; vitam charitatis seu amorem mutuum accipere in altera vita, cum nullum habuerint in vita corporis, nusquam datur, sed vita ejus in mundo manet illis post mortem; illum enim averfantur & odio habent; cum modo approximant ad societatem, ubi vita amoris mutui, tremunt, horrent & cruciatu afficiuntur: tales, tametsi intra Ecclesiam nati sunt, dicuntur filii alienigenæ præputiati corde & præputiati carne, qui non admittendi in Sanctuarium, hoc est, in Regnum Domini, qui etiam intellecti apud Ezechielem, "*Ullus filius alienigena, præputiatus corde, & præputiatus carne, non intrabit in Sanctuarium,*" xliiv: 7. 9: & apud Eundem, "*Cui similis factus es sic in gloria, & in magnitudine, inter arbores Edenis, & descendere factus fueris cum arboribus Edenis in terram inferiorem, in medio præputiatorum cubabis cum confosis gladio,*" xxxi: 18; ubi de Pharaone, per quem significatur Scientiæ in genere, n: 1164. 1165. 1186. 1462; per arbores Edenis, cum quibus descenderent in terram inferiorem, quoque scientiæ, sed scientiæ cognitionum fidei. Inde nunc patet, quid præputiatus sit in sensu interno, nempe qui in spurcis amoribus, & illorum vita est.

2050. Vers: 13. *Circumcidendo circumcidetur natus domus tuæ, & emptio argenti tui; & erit sedus meum in carne vestra in sedus æternum.* Circumcidendo circumcidetur, significat quod illi omnino removebunt a se amores sui & mundi: natus domus tuæ, & emptio argenti tui, significat qui intra Ecclesiam utriusque generis: & erit foedus meum in carne vestra, significat conjunctionem

junctionem Domini cum homine in ejus impuritate, tum etiam significativum ; in foedus aeternum, significat conjunctionem.

2051. Quod circumcidendo circumcidetur, significet quod illi omnino removebunt a se amores sui & mundi, nempe qui intra Ecclesiam, qui significantur per natum domus, & emptum argento, constat a representatione circumcissionis, quod sit purificatio ab amoribus sui & mundi, de qua supra n : 2039 : hic repetitur iterum, quod circumcidetur, & dicitur quod circumcidendo circumcidetur, quo exprimitur necessitas, hoc est, quod omnino ab illis amoribus purificandi ; & quia significantur illi qui intra Ecclesiam, hic filii alienigenae non memorantur, nam per hos, ut supra n : 2048 ostensum, significantur illi qui extra Ecclesiam sunt : ex repetitione eorum, quae in Versu praecedente dicta sunt de natis domus & emptis argento, quique videre potest, quod Divinum arcanum sit, quod ex sensu literae non patet ; arcanum est, quod purificatio a foedis illis amoribus maxime necessaria sit intra Ecclesiam, ex causa etiam, quia, qui intra Ecclesiam sunt, impura possunt reddere ipsa sancta, quod illi qui extra Ecclesiam, seu gentes, facere nequeunt ; inde periculum damnationis illis majus est ; praeterea illi, qui intra Ecclesiam, principia falsi contra ipsa vera fidei possunt formare, & iis imbui, qui autem extra Ecclesiam sunt, id non possunt, quia ignorant illa ; ita illi prophanare possunt sancta vera, hi vero non ; de quibus plura videantur in Parte Prima, n : 1059. 1327. 1328.

2052. Quod natus domus tuae, & emptio argenti tui, significet illos qui intra Ecclesiam, utriusque generis, nempe coelestes, qui sunt natus domus, & spirituales, qui sunt emptio argenti, supra n : 2047, ostensum est.

2053. Erit foedus meum in carne vestra, quod significet conjunctionem Domini cum homine in ejus impuritate, constat ex significatione foederis quod sit conjunctio, de qua supra ; & ex significatione carnis, quod sit proprium hominis ; de qua etiam supra n : 2041 ; proprium quam impurum sit, ibi quoque dictum, & in Parte Prima ostensum, n : 141. 150. 154. 210. 215. 694. 731. 874. 875. 876. 987. 1047. Quod foedus meum in carne vestra sit conjunctio Domini cum homine in ejus impuritate, ita se habet ; apud hominem non datur aliquod verum intellectuale purum, hoc est, verum Divinum, sed vera fidei, quae apud hominem, sunt apparentiae veri, quibus se adjungunt fallaciae quae sunt sensuum, & his falsa quae sunt cupiditatum amoris sui & mundi, talia vera apud hominem sunt ; quae quam impura sunt, constare potest ex eo, quod iis adjuncta sint talia ; sed usque Dominus se conjungit cum homine in istis impuris, illa enim animat & vivificat innocentia & charitate, & sic format conscientiam ; vera conscientiae sunt varia, nempe secundum cujusvis religionem, quae violare Dominus non vult, quia homo illis imbutus est, & sanctitatem in illis posuit, modo non sint contraria bonis fidei ; Dominus neminem frangit sed flectit ; quod constare exinde potest, quod in unoquoque dogmate intra Ecclesiam sint, qui conscientia donantur, quae usque eo melior est, quo vera ejus propius accedunt ad vera genuina fidei ; quia ex veris fidei ejusmodi formatur conscientia, constat

constat quod illa formata sit in parte hominis intellectuāli, nam pars intellectuālis est, quæ recipit illa; quam partem ideo Dominus miraculose separavit a parte voluntaria; quod est arcanum prius non notum, de quo videantur quæ in Parte Prima, n: 863. 875. 895. 927. 1023. Quod fœdus in carne vestra etiam significativum sit, nempe purificationis, constat ab illis, quæ de circumcissione n: 2039, ostensa sunt.

2054. In fœdus æternum, quod significet conjunctionem, constat ex significatione fœderis, quod sit conjunctio, de qua prius. Hic quia agitur de illis qui intra Ecclesiam sunt, iterum dicitur fœdus, & hic fœdus æternum, ex causa, tam quia illis maxime necessarium circumcidi seu purificari ab amoribus sui & mundi, ut ostensum supra n: 2050; quam quia cum illis, qui intra Ecclesiam, proxima est conjunctio Domini & Ipsius Coeli, quoniam per bona & vera fidei: est quidem conjunctio etiam cum illis qui extra Ecclesiam, sed remotior, quia non in bonis & veris fidei sunt, ut dictum supra n: 2048: Ecclesia in Regno Domini, se habet sicut cor & pulmones in homine, interiora hominis cum externis ejus per cor & pulmones conjunguntur, inde omnia viscera, quæ circumcirca sunt, vivunt; ita quoque se habet cum genere humano, conjunctio Domini & Ipsius Coeli est proxima cum Ecclesia, remotior autem cum illis qui extra Ecclesiam, qui sunt sicut viscera, quæ medio corde & pulmone vivunt: Cœlestes sunt instar Cordis, Spirituales autem instar Pulmonum: illius & hujus necessitates causa hic agitur in specie de illis, qui intra Ecclesiam, & bis repetitur fœdus.

2055. Vers: 14. *Et præputiatus masculus, qui non circumciditur carne præputii sui, excidetur anima illa ex populis suis, fœdus meum irritum fecit.* Præputiatus masculus, significat qui non in vero fidei: qui non circumciditur carne præputii sui, significat qui in amore sui & mundi: & excidetur anima illa ex populis suis, significat mortem æternam: fœdus meum irritum fecit, significat quod conjungi non possit.

2056. Et præputiatus masculus, quod significet qui non in vero fidei, constat a significatione Masculi, quod sit verum fidei, de qua supra n: 2046, quare hic præputiatus masculus significat illum qui non in vero fidei, ita qui in falso; præputiatum prædicatur de eo, quod impedit & confurcat, sicut prius dictum; cum id adjungitur masculo, est id quod impedit & confurcat verum; similiter cum alii alicui rei adjungitur, significat ejusdem rei obfuscationem & contaminationem, ut præputiata auris apud Jeremiam, "Super quem loquar, & testificabor, & audient, ecce *Præputiata auris eorum*, & non possunt auscultare; ecce Verbum Jehovæ factum est in "opprobrium, non volunt illud," vi: 10; præputiata auris pro quod nulla auscultatio, & quod illis Verbum opprobrio. Agitur in hoc Versu etiam de illis qui intra Ecclesiam, qui non solum in falso, sed etiam in impuro amorum sui & mundi, nam continuantur præcedentibus, quare dicitur præputiatus masculus, qui non circumciditur carne præputii sui, ita est falsum conjunctum impuro vitæ; quantum periculi damnationis æternæ illis sit, ex iis quæ supra n: 2051 dicta sunt, constare potest: hic imprimis significantur illi

illi intra Ecclesiam, qui bona & vera fidei prophanant, de quibus dicitur, quod excidetur anima illa ex populis suis; illi enim prophanare possunt, non autem ii qui extra Ecclesiam sunt, ut in Parte Prima n: 593. 1008. 1010. 1059, ostensum est.

2057. Qui non circumciditur carne præputii sui, quod significet qui in amore sui, constat ex illis quæ supra de significatione circumcidi & præputii n: 2039. 2049 f: tum de significatione carnis, n: 2041, dicta sunt; caro præputii hic significat amorem sui; qui intra Ecclesiam in falso sunt & simul in amore sui, ii imprimis sancta prophanant, non ita illi, qui in alio quocunque amore sunt, nam amor sui est omnium spurcissimus, quia destructivus societatis, ita destructivus generis humani est, ut supra n: 2045 ostensum; quod etiam e diametro oppositus sit amori mutuo, in quo Cælum consistit, ita destructivus ipsius ordinis cœlestis, constare potest a malis spiritibus & genis in altera vita, tum ab infernis, in quibus nihil est nisi amor sui, qui regnat, & quia amor sui, etiam omnia odiorum, vindictarum & crudelitatum genera, quia hæc sunt inde; Amor mutuus in Cœlo consistit in eo, ut proximum ament plus quam se, inde totum Cælum repræsentat sicut unum hominem, nam per mutuum amorem a Domino ita consociantur omnes; inde est, quod omnium felicitates communicentur singulis, & singulorum omnibus; ipsa forma cœlestis inde talis est, quod quique quasi sit quoddam centrum, ita centrum communicationum proinde felicitatum ab omnibus, & hoc secundum omnes differentias amoris illius, quæ innumerales; & quia illi, qui in amore illo sunt, summam felicitatem percipiunt ex eo, quod communicare possint illud quod ad eos influit cum aliis, & hoc ex corde, inde perpetua & æterna sit communicatio, ex qua, quantum Domini Regnum, tantum singulorum felicitas crescit; Angeli, quia in societates & mansiones distincti sunt, de eo non cogitant, sed Dominus ita omnia & singula disponit; tale est Regnum Domini in Cœlis. Sed hanc formam, & hunc ordinem nihil aliud destruere conatur quam amor sui, ita omnes illi, in altera vita, qui in amore sui sunt, profundius infernales præ aliis; amor enim sui nihil communicat aliis, sed aliorum jucunda & felicia extinguit & suffocat; quodcumque jucundum ad illos influens ab aliis, ad se recipiunt, in se concentrant, vertunt in spurcum sui, & faciunt ut non ulterius propagetur, ita destruunt omne unanimum & consociabile, inde disunio, & consequenter destructio; & quia unusquisque eorum ab aliis serviri, coli & adorari vult, & nullum amat quam semet, inde dissociatio, quæ determinatur & se exerit in lamentabiles status, ut nihil jucundius percipiunt, quam ex odio, vindicta & crudelitate alios diris modis & phantasiis cruciare; tales cum ad societatem quandam veniunt ubi amor mutuus, quia omne influens jucundum in illis terminatur, sicut impura & mortua pondera in pura & viva aura, a semet dejiciuntur, & quia sui spurcam ideam exhalant, ibi vertitur jucundum eorum in foetorem cadaverosum, ex quo sui infernum sentiunt, præter quod angore atroci cœripiantur: exinde constare potest, qualis amor sui est, nempe quod non solum destructivus generis humani, ut

Nº II.

F

supra

n: 2045 ostensum, sed etiam quod sit destructivus Ordinis cœlestis, ac ita in illo nihil nisi impurum, spurcum, prophanum, ac ipsum infernum; ut-
cunque non talis apparet illis, qui in eo sunt. Illi in amore sui sunt, qui
contemnunt alios præ se, & illos, qui sibi non favent, serviunt, & quandam
cultum præbent, odio habent, & crudele jucundum capiunt in vindicta, &
in aliorum honoris, famæ, opum, & vitæ, deprivatione; qui in illo sunt,
in his sunt, & qui in his, sciant quod in illo sint.

2058. Et excidetur anima illa ex populis suis, quod significet mortem
æternam, constat ex significatione Animæ, quod sit vita, de qua n: 1000.
1040. 1742; & ex significatione populorum, quod sint vera, de qua n: 1259.
1260, ita quod populi sint viventes in veris, hoc est, Angeli, a quibus ex-
scindi anima, est dampnari seu perire morte æterna.

2059. Quod fœdus meum irritum fecit, significet quod conjungi non
possit, constat ex significatione fœderis, quod sit conjunctio, de qua
prius; ita fœdus irritum facere est se disjungere, adeo ut conjungi non
possit.

2060. Vers: 15. *Et dixit Deus ad Abraham, Sarai uxor tua, non vocabis
nomine ejus Sarai, quoniam Sarah nomen illius.* Dixit Deus ad Abraham,
significat perceptionem: Sarai uxor tua, significat, hic ut prius, verum
conjunctum bono: non vocabis nomine ejus Sarai, significat quod exuet
humanum: quoniam Sarah nomen illius, significat quod induet Divinum.

2061. Dixit Deus ad Abraham, quod significet perceptionem, constat a
significatione, dicere Deus, in sensu historico, quod sit in sensu interno per-
cipere, de qua prius n: 1791. 1815. 1819. 1822. 1898. 1919: quia hic nunc
de alia re agit, nempe de illa quæ significatur per Sarai & Sarah, tum
quæ per promissionem filii ex Sarah, & per Ismaelem quod in gentem
magnam futurus, inchoatur per novam perceptionem Domini, quæ exprimi-
tur per *dixit Deus ad Abrahamum*, sicut passim in aliis locis.

2062. Sarai uxor tua, quod significet verum conjunctum bono, constat a
significatione Sarai, quod sit Verum intellectuale, & quia uxor hic ad-
ditur, quod sit verum illud conjunctum bono; quod Sarai & Sarai uxor
significet verum conjunctum bono, prius n: 1468. 1901, & alibi passim
ostensum est.

2063. Quod non vocabis nomine ejus Sarai, quoniam Sarah nomen illius,
significet quod exuet humanum, & induet Divinum; constat ex illis quæ
supra ad Vers: 5 dicta sunt de Abrahamo, ubi hæc, *non vocabitur amplius
nomine tuo Abram, & erit nomen tuum Abraham*, per quæ similiter signi-
ficatum, quod exuet humanum, ac induet Divinum, de quibus n: 2009;
litera enim (H), quæ adjecta est nomini Sarah, ex Jehovæ Nomine de-
sumpta est, ob causam ut Sarah, sicut Abraham, representaret Divinum Do-
mini, nempe divinum conjugium Boni cum Vero in Domino, Abraham
Divinum Bonum, & Sarah Divinum Verum, ex quo nasceretur Divinum
Rationale, quod est Ifacus. Divinum bonum, quod est amor, & respective
ad universum genus humanum est Misericordia, fuit Internum Domini, hoc
est,

est, Jehovah, qui ipsum Bonum est, hoc repræsentatur per Abrahamum; Verum quod conjungendum Divino Bono, repræsentatum est per Sarai, quod cum etiam Divinum factum, repræsentatur per Sarah, nam Dominus ad unionem cum Jehovah successive progressus est, ut supra passim dictum; Verum nondum Divinum per Sarai repræsentatum, erat, cum adhuc non ita unitum Bono, ut ex Bono verum; at cum ita unitum Bono, ut ex Bono procederet, tunc fuit Divinum, ac ipsum Verum tunc quoque Bonum, quia Boni verum; aliud est verum quod tendit ad Bonum, ut uniatur Bono, & aliud, quod unitum Bono ita, ut procedat prorsus a Bono; verum quod tendit ad Bonum, trahit adhuc aliquid ab humano, at quod prorsus unitum Bono, hoc exiit omne quod est humanum, & induit Divinum: hoc per simile, ut prius, apud hominem, illustrari potest; cum regeneratur homo, hoc est, cum conjungendus Domino, ad conjunctionem per Verum, hoc est, per vera fidei procedit, nemo enim regenerari potest, nisi per cognitiones fidei, quæ sunt vera, per quæ ad conjunctionem procedit; his Dominus obviam it per bonum, hoc est, per charitatem, & illam inaptat cognitionibus fidei, hoc est, veris ejus; omnia enim vera sunt vasa recipientia boni, quare quo genuina magis sunt vera, & quo plus multiplicantur, eo plus bono datur copia recipiendi illa ut vasa, redigendique illa in ordinem, & se demum manifestandi, usque demum ut non appareant vera, nisi quantum per illa transluceat bonum, ita verum fit cœleste spirituale; quia in bono, quod solius est charitatis, Dominus solum est præsens, ita homo conjungitur Domino, & donatur per bonum, hoc est, per charitatem, conscientia, ex qua dein cogitat verum & facit rectum, sed hæc secundum vera & recta, quibus bonum seu charitas inaptatur.

2064. Verf: 16. *Et benedicam illi, & etiam dabo ex illa tibi filium, & benedicam illi, & erit in gentes, reges populorum ex illa erunt.* Benedicam illi, significat multiplicationem veri: & etiam dabo ex illa tibi filium, significat rationale: & benedicam illi, significat ejus multiplicationem: & erit in gentes, significat bona inde: reges populorum ex illa erunt, significat vera ex conjunctis veris & bonis, quæ sunt reges populorum.

2065. Quod benedicam illi, significet multiplicationem veri, constat a significatione Benedici, quod sit locupletari omni bono & vero, de qua in Parte Prima, n: 981. 1096. 1420. 1422; hic quia ad Sarah dicitur, quod Deus benediceret illi, significatur locupletatio seu multiplicatio veri, nam per Sarah, ut prius ostensum, repræsentatur & significatur Verum boni, quod est verum intellectuale, de quo vero, & ejus multiplicatione hic agitur; quid verum intellectuale, videatur prius n: 1904.

2066. Et etiam dabo tibi ex illa filium, quod significet rationale, constat ex significatione filii, quod sit verum, de qua n: 489. 491. 533. 1147; & quia omne rationale a vero inchoat, hic per filium significatur rationale: primum Rationale Domini repræsentatum & significatum est per Ismaelem, natum ex Hagare ancilla, de quo in Cap: præc: xvi; alterum Rationale, de

quo hic agitur, repræsentatur & significatur per Ifacum, qui nasceretur ex Sarah; illud, nempe quod repræsentatum per Ifmaelem, fuit Rationale quod domo postea expulsum est; hoc autem Rationale, quod repræsentatur per Ifacum, est quod domo mansit, quia Divinum: sed de hoc Rationali, in seguente Capite, ubi de Ifaco, ex Divina Domini Misericordia, dicendum.

2067. Et benedicam illi, quod significet ejus multiplicationem, nempe Rationalis per filium intellecti, constat ex significatione benedici, quod sit locupletari omni bono & vero, de qua mox supra.

2068. Et erit in gentes, quod significet bona inde, constat ex significatione Gentium, quod sint bona, de qua, in Parte Prima n: 1259, 1260. 1416. 1849.

2069. Reges populorum ex illa erunt, quod significet vera ex conjunctis veris & bonis, quæ sunt reges populorum, constat ex significatione Regum quod sint in genere omnia vera, de qua supra n: 2015; & a significatione populorum, quod etiam, sint vera, in genere omnia spiritalia, nam Reges prædicantur ex populis, non ita ex gentibus, nisi dum gentes significant mala, de qua n: 1259. 1260. In Verbo prophetico Reges & Populi pluries nominantur, sed per illos nusquam intelliguntur reges & populi, nam de Regibus & Populis nihil agitur in ipsissimo Verbo, quod est sensus internus, sed de cœlestibus & spiritualibus quæ sunt Regni Domini, ita de bonis & veris; sensus literæ modo præbet objecta, sicut voces humanæ, ad intelligendum sensum, qui inde. Hic quia agitur de Sarah, quod ex illa Reges populorum erunt, & per Sarah significatur Divinum Verum quod Domino, constat, quod per Reges populorum significantur vera ex conjunctis veris & bonis, quæ sunt omnia Vera Internæ Ecclesiæ, seu interiora fidei; hæc vera, quia a Domino, passim in Verbo vocantur Reges, tum etiam filii Regis, ut supra n: 2015 ostensum. Quisque videre potest, quod aliquod internum Divinum in his verbis, quod Reges populorum ex illa erunt, reconditum lateat, nam in hoc Versu de Ifaco agitur, & de illo dicitur, benedicam ei, & erit in gentes, sed de Sarah, quod Reges populorum ex illa erunt; tum quod etiam de Abrahamo supra vers: 6, simile pæne dictum, quod Reges ex illo exhibunt, non autem ut de Sarah, quod Reges populorum; arcanum, quod inibi, altius latet, quam ut paucis possit evolvi & describi; a repræsentatione & significatione Abrahami, quod sit Divinum Bonum, & a repræsentatione & significatione Sarah, quod sit Divinum Verum, aliquantum patet, nempe quod ex Divino Bono Domini per Abrahamum intellecto, omne cœleste verum, & ex Divino Vero Domini per Sarah intellecto, omne spirituale verum, exhibet & erit; Cœleste verum est quod apud Cœlestes Angelos, & Spirituale verum, quod apud Spirituales Angelos; seu quod idem, Cœleste verum erat, quod apud homines Antiquissimæ Ecclesiæ, quæ ante diluvium, fuit, quæ Ecclesia cœlestis fuit; Spirituale verum, quod apud homines Antiquæ Ecclesiæ, quæ post diluvium, & Ecclesia spiritualis, fuit; Angeli enim, sicut etiam Homines Ecclesiæ, distinguuntur in Cœlestes & Spirituales, illi distincti sunt ab his per amorem in Dominum, hi distincti ab illis per amorem.

CAPUT DECIMUM SEPTIMUM. 45

rem erga proximum : sed de Cœlesti vero, & de spirituali vero non plura dici possunt, priusquam sciatur, quæ distinctio sit inter cœleste & spirituale, seu quod idem est, inter Ecclesiam Cœlestem & spiritualement, de qua videantur quæ in Parte Prima, n: 202. 337. 1577; tum qualis Antiquissima Ecclesia, & qualis Antiqua, n: 597. 607. 640. 765. 1114 ad 1125, & pluries in aliis locis; & quod habere amorem in Dominum, cœleste sit, & quod habere amorem erga proximum, spirituale : n: 2023 : Arcanum inde nunc patet, quod per Reges, qui ex Abrahamo exhibunt, de quibus Vers: 6, significantur cœlestia vera quæ a Domini Divino Bono influunt; & quod per Reges populorum qui ex Sarah erunt, de quibus in hoc Versu, significantur spiritualia vera, quæ a Domini Divino vero influunt; Divinum enim Bonum Domini non potest influere nisi apud cœlestem hominem, quia influit in partem ejus voluntariam, ut apud Antiquissimam Ecclesiam; Divinum autem Verum Domini influit apud hominem spiritualement, quia solum in partem ejus intellectualem, quæ in eo separata est a parte ejus voluntaria, n: 2053 ad fin: seu quod idem, Cœleste bonum influit apud hominem cœlestem, spirituale bonum apud hominem spiritualement; quare Dominus cœlestibus Angelis apparet ut Sol, Spiritualibus vero ut Luna, n: 1529. 1530.

2070. Vers: 17. *Et cecidit Abraham super facies suas, & risit, & dixit in corde suo, num filio centum annorum nascetur; & an Sarah filia nonaginta annorum pariet.* Cecidit Abraham super facies suas, significat adorationem: & risit, significat affectionem veri: & dixit in corde suo, significat quod sic cogitaverit: num filio centum annorum nascetur, significat quod tunc Rationale Humanæ Essentiæ Domini uniretur Divinæ: & an Sarah filia nonaginta annorum pariet, significat quod verum conjunctum bono hoc faciat.

2071. Cecidit Abraham super facies suas, quod significet adorationem, constat a significatione cadere super facies, quod sit adorare, de qua supra, n: 1999.

2072. Et risit, quod significet affectionem veri, constare potest ex origine & essentia risus; origo ejus non alia est, quam affectio veri vel affectio falsi, inde hilaritas & lætitia, quæ exferit se in facie per risum; inde patet, quod essentia risus non aliud sit; risus quidem est externum quid, quod corporis quia faciei, sed in Verbo interiora per exteriora exprimuntur & significantur, sicut omnes affectiones interiores animi & mentis per faciem, auditio interior & obedientia per aurem, visus internus seu intellectus per oculum, potentia & robur per manum & brachium, & sic porro, ita affectio veri per risum: in Rationali hominis est verum, quod est præcipuum, in illo etiam est affectio boni, sed hæc est in ipsa affectione veri, sicut ejus anima; affectio boni, quæ in rationali, non se exferit per risum, sed per gaudium quoddam, & inde per jucundum voluptatis, quod non videt; nam in risu communiter quoque aliquid est, quod non ita bonum. Quod in Rationali hominis verum sit præcipuum, causa est, quia Rationale formatur per cognitiones veri, nam nisi per illas, nusquam aliquis rationalis fieri potest; cognitiones boni sunt æque vera, ac cognitiones veri. Quod Risus hic significet affectionem veri, constare

constare potest ex eo, quod hic memoretur Abraham risisse, & similiter Sarah tam antequam natus Isaac, quam postquam natus, tum quod Isaac a Rifu nominatus, nam Isaac significat risum; quod Abraham, cum audivit de Isaco, *riserit*, ex hoc Versu constat, nam dicitur, quod Abraham, cum audivit de filio ex Sarah, *riserit*, quod etiam Sarah, antequam natus Isaac, cum audivit a Jehovah quod pareret, de qua ita "Sarah cum audivit ad ostium tentorii; *Risit Sarah intra seipsam*, dicendo, postquam consenui, eritne mihi voluptas, & Dominus meus senex: & dixit Jehovah ad Abrahamum, quare hoc *Risit Sarah*, dicendo num etiam vere pariam, & ego consenui: negavit Sarah, dicendo *non risi*, quia timuit; & dixit, "non, *at risisti*," Gen: xviii: 12. 13. 15. dein etiam cum Isaac natus esset, "Vocavit Abrahamus nomen filii sui, *Jisack*: (*Risum*;) dixit Sarah, *Risum fecit mihi Deus*, omnis audiens *ridebit me*," Gen: xxi: 3. 6. nisi ridere, & nomen Isaci, quo significatur risus, illa involveret, nusquam hæc memorata fuissent.

2073. Quod dixit corde suo, significet quod sic cogitaverit, constat absque explicatione.

2074. Quod num filio centum annorum nascetur, significet quod tunc Rationale Humanæ Essentiæ Domini uniretur Divinæ, constat a significatione centum, de qua supra n: 1988, quæ videantur.

2075. Quod an Sarah filia nonaginta annorum pariet, significet, quod verum conjunctum bono hoc faciet, constat ex repræsentatione & significatione Sarah, quod sit verum conjunctum bono, seu verum Divinum; & ex significatione numeri Nonaginta, seu quod idem est, Novem; quisque non potest non mirari, quod numerus centum annorum qui fuerunt Abrahamo, significet, quod Rationale Humanæ Essentiæ Domini uniretur Divinæ, & quod numerus nonaginta annorum, qui fuerunt Saræ, significet quod verum conjunctum bono hoc faceret; sed quia nihil non cœleste & Divinum est in Verbo Domini, ita etiam in ipsis numeris, qui ibi; quod numeri quicunque in Verbo significant res, æque ac nomina quæcunque, in Parte Prima ostensum est, n: 482. 487. 488. 493. 575. 647. 648. 755. 813. 893. 1988: nunc quod Numerus Novem significet conjunctionem, magis Numerus Nonaginta, qui compositus est a Novem multiplicatis per Decem, nam Decem significant Reliquias per quas conjunctio, ut patet ex illis quæ dicta sunt supra n: 1988 fin: constare potest etiam a sequentibus his repræsentativis & significativis; Mandatum quod in *Decimo die mensis Septimi*, esset dies Expiationum, & quod hoc sabbatum sabbathi esset; inque *Nono Mensis Septimi* in vespéra, a vespéra usque ad vespéram feriarentur sabbatum, Levit: xxiii: 27. 32: in sensu interno hæc significant conjunctionem per Reliquias, nempe *Novem* conjunctionem, & *Decem* reliquias; quod arcanum Divinum in his numeris reconditum lateat, patet manifeste ex Mensibus & Diebus anni, qui sancti habendi; ut a quovis Septimo die quod tunc Sabbathum, a Septimo mense, ut hic, quod tunc sabbatum sabbathi, pariter a Septimo anno, tum a septies septimo, quod tunc inchoaretur Jubilæum; ita similiter se habet cum cæteris numeris

numeris in Verbo, ut cum Tribus, quæ simile pæne significant ac Septem; cumque Duodecim, quod omnia fidei; cumque numero Decem idem ac Decimæ, quod reliquias, n: 576, & sic porro; ita hic in Levit: nisi numerus Decem, & numerus Novem, involverent arcana, haudquaquam mandatum fuisset, quod hoc sabbathum sabbathi esset in Decimo die Mensis septimi, & in Nono mensis feriantur illud; tale est Verbum Domini in sensu interno, tamen in sensu historico tale quid non patet. Similiter quod memoratur de Hierosolyma, quod obfessa fuerit a Nebuchadnezare anno nono Zidkia, & quod perrupta anno undecimo, die nono mensis, de qua ita in Libro Secundo Regum, "Fuit in Anno Nono, ex quo regnavit Zidkiah, in Mense Decimo, in Decimo Mensis, venit Nebuchadnezar, Rex Babelis, contra Hierosolymam, & venit urbs in obsidionem usque ad Undecimum Annum Regis Zidkia; in Nono Mensis, & invaluit fames in urbe, & non fuit panis populo terræ, & perrupta est urbs," xxv: 1. 3. 4: per Nonum annum, mensem Decimum, & per Undecimum annum & Nonum mensis, cum fames in urbe, & non panis populo terræ, in sensu interno significatur, quod nulla amplius conjunctio per illa quæ sunt fidei & charitatis; fames in urbe, & non panis populo terræ, significat, quod nihil fidei, & nihil charitatis, residuum esset; hic est sensus internus horum verborum, qui nusquam apparet in litera; & similia minus adhuc elucet ex historicis Verbi quam ex prophetis, quia historica captant animum, usque adeo, ut vix credatur aliquid altius ibi latere, cum tamen omnia sunt repræsentativa, & ipsa verba ubivis significativa; hæc sunt incredibilia, sed usque sunt vera, videantur 1769 ad 1772.

2076. Verf: 18. *Et dixit Abraham ad Deum, utinam Jischmael vivet coram Te.* Dixit Abraham ad Deum, significat perceptionem Domini ex amore: utinam Jischmael vivat coram Te, significat alios qui ex vero rationales sunt, ut non pereant.

2077. Dixit Abraham ad Deum, quod significet perceptionem Domini ex amore, constat a significatione, dicere ad Deum, quod sit percipere, de qua sæpius prius: quod Abraham significet hic Dominum in tali statu & in tali ætate, supra n: 1989, dictum est. Quod Dominus hoc ex amore dixerit, patet, nam ex ipsis verbis elucet affectio amoris, cum dicitur, *utinam Jischmael vivat coram Te*: Affectio seu Amor Domini fuit Divinus, nempe erga universum genus humanum, quod per unionem Humanæ suæ Essentiæ cum Divina sibi prorsus adjungere, & salvare in æternum, voluit; de quo amore videatur in Parte Prima n: 1735; & quod Dominus ex amore hoc continue pugnaverit contra inferna, n: 1696. 1789. 1812; & quod in unionem Humanam sui cum Divino, nihil nisi conjunctionem Divini cum humano genere spectaverit, supra n: 2034. Amor, qualis Domino, transcendit omnem intellectum humanum, & incredibilis est maxime illis, qui non sciunt quid amor coelestis, in quo sunt Angeli, Angeli illi pro salvanda anima ex inferno, nihili pendunt mortem, imo si potuissent, pro illa infernum subirent; inde intimum eorum gaudii est aliquem ex mortuis resurgentem in cælum transferre; sed fatentur, quod amor ille ne hilum sit ex ipsis, sed

sed omnia & singula ejus a solo Domino; imo succensent, si quis aliud cogitat.

2078. Utinam Jischmael vivat coram te, quod significet alios qui ex vero rationales sunt, ut non pereant, constat ex repræsentatione & inde significatione Jischmaelis, quod sit Rationale, de qua in Capite præcedente, ubi de Jischmaele actum. Sunt duo genera hominum intra Ecclesiam, nempe Spirituales & Cœlestes; illi, nempe Spirituales, rationales fiunt ex vero, hi autem, seu Cœlestes, ex bono; quæ distinctio sit inter Spirituales & Cœlestes, videatur supra, n: 2069, & pluries in Parte Prima: illi, nempe Spirituales, qui per verum rationales fiunt, per Jischmaelem hic intelliguntur; Rationale enim verum est Jischmael in genuino suo sensu, ut prius, n: 1893. 1949. 1950. 1951, ostensum est; hoc Rationale verum cum adoptatur & desideratur a bono, ut hic a Domino per Abrahamum intellecto, significat spirituale, ita spiritualem hominem, seu quod idem, spiritualem Ecclesiam; cujus salvationem Dominus ex amore Divino, de quo mox supra, n: 2077, desideravit; quod exprimitur per hæc verba, *utinam Jischmael vivat coram Te.*

2079. Verl: 19. *Et dixit Deus, vere Sarah uxor tua pariens tibi filium, & vocabis nomen illius Jischack, & erigam fœdus meum cum illo in fœdus æternum, semini illius post illum.* Dixit Deus, significat responsum perceptum: vere Sarah uxor tua, significat Divinum verum conjunctum bono: pariens tibi filium, significat quod ex illo Rationale: & vocabis nomen illius Jischack, significat Rationale Divinum: & erigam fœdus meum cum illo, significat unionem: in fœdus æternum, significat unionem æternam: semini illius post illum, significat illos qui fidem in Dominum haberent.

2080. Dixit Deus, quod significet responsum perceptum, constat ex significatione Dicere, quod sit percipere, de qua mox prius, n: 2077; & quia in priori Versu, Abraham dixit, quo significabatur perceptio, & hic Deus dixit seu respondit, sequitur quod significet responsum perceptum seu responsum perceptionis; in perceptione quacunque, est tam propositio quam responsio, utriusque perceptio hic in sensu historico exprimitur, per quod dixit Abraham ad Deum, & quod Deus dixit: quod dicere Deus, sit percipere, videatur n: 1791. 1815. 1819. 1822. 1898. 1919, & supra in hoc Capite passim.

2081. Vere Sarah uxor tua, quod significet Divinum verum conjunctum bono, constat a repræsentatione & inde significatione Sarah, quod sit Divinum verum conjunctum bono, de qua supra n: 2063.

2082. Quod pariens tibi filium, significet quod ex illo rationale, constat a significatione filii, quod sit verum, hic verum rationale, de qua etiam supra n: 2066.

2083. Et vocabis nomen illius Jischack, quod significet Rationale Divinum, constat ex repræsentatione Isaci, tum a significatione nominis ejus in sensu interno: ex repræsentatione Isaci: Abraham, ut prius passim dictum, repræsentat Internum Hominem Domini; Isacus autem Rationale; &

Jacobus

Jacobus Naturalem; Internus Homo Domini fuit ipse Jehovah; Rationalis, quia conceptus ab influxu Interni Hominis in affectionem scientiarum Externi, n: 1896. 1902. 1910, fuit ex Divino ita conjuncto Humano, inde Rationale primum per Jischmaelem repræsentatum fuit Humanum, sed a Domino factum Divinum, ac ita repræsentatur per Isacum: a significatione nominis; Isacus nominatus est a Rifu, & quia Rifu in sensu interno significat Affectionem veri, quæ est Rationalis, ut ostensum est supra, n: 2072, ita hic Rationale Divinum. Dominus ex propria potentia omne quod Humanum apud Ipsum fuit, Divinum fecit; ita non solum Rationale, sed etiam Sensuale interius & exterius, ita ipsum corpus; sic univit Humanum Divino: quod non solum Rationale, sed etiam Sensuale, ita totum Corpus, etiam factum Divinum & Jehovah, prius ostensum; & constare potest unicuique ex eo, quod Solus quoad corpus resurrexerit ex mortuis; & ad dextram potentiæ Divinæ, tam quoad omne Divinum, quam quoad omne Humanum, sedeat; ad dextram potentiæ Divinæ sedere, significat omnem potestatem habere in cœlis & in terris.

2084. Et erigam fœdus meum cum illo in fœdus æternum, quod significet unionem, & quidem unionem æternam, constat a significatione fœderis, quod sit conjunctio, & cum prædicatur de Domino, quod sit unio Divinæ Ipsius Essentiæ cum Humana, & Humanæ cum Divina: quod fœdus illa significet, prius n: 665. 666. 1023. 1038. 1864, & passim in hoc Capite, ostensum est.

2085. Semini illius post illum, quod significet illos qui fidem in Dominum haberent, constat ex significatione Seminis, quod sit fides, de qua prius, n: 1025. 1447. 1610. 2034. Per semen hic significatur illi, qui fidem amoris, hoc est, amorem in Dominum habent, proinde Cœlestes, seu qui ab Ecclesia cœlesti sunt, nam agitur de semine ex Isaco; qui autem fidem charitatis, hoc est, charitatem erga proximum habent, proinde Spirituales, seu qui ab Ecclesia spiritali sunt, significantur per Ismaelem, de quo in Versu nunc sequente; quæ distinctio inter Cœlestes & Spirituales sit, videatur supra, n: 2069. 2078; tum quæ distinctio inter habere amorem in Dominum, & habere charitatem erga proximum, n: 2023.

2086. Vers: 20. *Et quoad Jischmaelem, audiavi te, ecce benedicam illi, & fructificari faciam illum, & multiplicari faciam illum; duodecim principes gignet, & dabo illum in gentem magnam.* Quoad Jischmaelem audiavi te, significat ex vero rationales, quod salvandi: ecce benedicam illi, significat quod imbuerentur & donarentur: fructificari faciam illum, significat bonis fidei: & multiplicari faciam illum, significat veris inde: in valde valde, significat immensum: duodecim principes gignet, significat primaria præcepta fidei, quæ est charitatis: & dabo illum in gentem magnam, significat fruitionem bonorum & incrementa.

2087. Quoad Jischmaelem audiavi te, quod significet ex vero rationales, quod salvandi, constat ex repræsentatione Ismaelis hic, quod sint illi qui ex vero rationales sunt, seu spirituales, de qua supra, n: 2078, & quod

Nº. II.

G

quod

quod salvandi, ex significatione audire te, ut constare potest absque explicatione.

2088. Ecce benedicam illi, fructificari faciam illum, & multiplicari faciam illum, in valde valde, quod significant, quod imbuerentur & donarentur bonis fidei, & veris inde immensum, constat ex significatione benedici, fructificari & multiplicari; Benedici significat donari omnibus bonis, ut in Parte Prima ostensum, n: 981. 1096. 1420. 1422: Fructificari significat bona fidei, quibus donarentur; & Multiplicari vera inde, ut etiam in Parte Prima ostensum, n: 43. 55. 913. 983. Quinam Cœlestes sunt, & quinam Spirituales, prolixum foret hic describere, prius descripti sunt, quæ videantur, ut n: 81. 597. 607. 765. 2069. 2078, & pluries alibi: in genere Cœlestes sunt, qui amorem in Dominum habent: ac Spirituales, qui charitatem erga proximum; quæ distinctio sit inter habere amorem in Dominum, & charitatem erga proximum, videatur supra, n: 2023: Cœlestes sunt, qui in affectione boni ex bono sunt, at Spirituales, qui in affectione boni ex vero: omnes ab initio fuerunt Cœlestes, quia in amore in Dominum, inde acceperunt Perceptionem, qua percipiebant bonum non ex vero, sed ex affectione boni: sed postea cum amor in Dominum non talis factus; successerunt Spirituales; & Spirituales homines tunc dicti, quando in amore erga proximum seu in charitate fuerunt; sed amor erga proximum seu charitas implantabatur per verum, & sic acceperunt Conscientiam, secundum quam agebant non ex affectione boni, sed ex affectione veri; charitas apud eos apparet sicut affectio boni, sed est affectio veri, ex apparentia usque vocatur charitas etiam bonum, sed est bonum fidei eorum; hi sunt qui intellecti sunt a Domino apud Johannem, “Ego sum ostium, per Me si quis introverit, salvabitur, & ingreditur & egredietur, & pascuum inveniet: Ego sum Pastor bonus, & cognosco meos, & cognoscor a meis; & *alias oves habeo, quæ non sunt ex ovili hoc, etiam illas oportet Me adducere*, vocemque meam audient, & fiet unus grex, & unus Pastor,” x: 9. 14. 16.

2089. Duodecim principes gignet, quod significet primaria præcepta quæ sunt charitatis, constat a significatione Duodecim, quod sint omnia fidei; & a significatione Principum, quod sint primaria: Rex & Principes passim nominantur in Verbo, sed in sensu interno nusquam significant Regem aut Principes, sed illa quæ sunt primaria rei, de qua dicuntur; quod Reges significant in uno complexu Vera, prius n: 2015, ostensum est, quod Principes primaria veri, quæ sunt præcepta, n: 1482; inde Angeli dicuntur Principatus, quia in Veris, & quidem Angeli spirituales; Principes predicantur ex Veris quæ sunt Charitatis, nam, ut supra n: 1482 dictum, Spirituales per Vera apparentia iis ut vera Charitatem, & per hanc, Conscientiam, accipiunt a Domino. Quod Duodecim significant omnia fidei, hactenus Orbi ignotum fuit, & usque quoties numerus duodecim in Verbo tam Historico quam Prophetico occurrit, nihil aliud significat; per Duodecim filios Jacobi, & inde per Duodecim Tribus secundum illos nominatas, non aliud significatur: similiter per Duodecim discipulos Domini; quilibet illorum & horum

horum essentiale & primum fidei repræsentabat: quid quilibet filius Jacobi, & inde quilibet Tribus Israelis, repræsentaverit, ex Divina Domini Misericordia, in sequentibus, ubi de filiis Jacobi, Cap: xxix & xxx, Genes: dicitur.

2090. Et dabo illum in gentem magnam, quod significet fruitionem bonorum & incrementa, constat ex significatione Gentium, quod sint bona, de qua in Parte Prima, n: 1159. 1258. 1259. 1260. 1416. 1849; quare hic dare in gentem magnam, significat tam fruitionem, quam incrementa bonorum.

2091. Vers: 21. *Et fœdus meum erigam cum Jischako, quem pariet tibi Sarah, ad statum tempus hoc, in anno sequente.* Fœdus meum erigam cum Jischak, significat unionem cum Divino Rationali: quem pariet tibi Sarah, significat Divinum Verum conjunctum bono, ex quo existet: ad statum tempus hoc in anno sequente, significat statum tunc unionis.

2092. Fœdus meum erigam cum Jischak, quod significet unionem cum Divino Rationali, constat a significatione fœderis, quod sit unio, de qua prius; & a repræsentatione Isaci, quod sit Divinum Rationale, de qua supra, n: 2083.

2093. Quem pariet tibi Sarah, quod significet Divinum Verum conjunctum Divino Bono, ex quo existet, constat ex repræsentatione Sarah, quod sit Divinum Verum, de qua prius, n: 2063. 2081; & ex repræsentatione Abrahami, quod sit Divinum Bonum, de qua n: 2063, & passim alibi: quomodo Rationale primum Domini conceptum & natum fit, in Capite præcedente dictum est, ubi de Ismaele, per quem Rationale illud repræsentatum est; hic nunc, & in sequenti Capite, agitur de Rationali illo, quod Divinum factum a Domino, & hoc per Conjunctionem, sicut per conjugium, Divini Boni cum Divino Vero; Rationale primum non aliter concipi potest, quam per influxum Interni Hominis in affectionem scientiarum Externi, nec aliter nasci quam ab affectione scientiarum, quæ repræsentata est per Hagarem ancillam Sarai, ut ostensum in Capite præced: n: 1896. 1902. 1910, & alibi ibi; sed Rationale alterum seu Divinum, non ita concipitur & nascitur, sed per conjunctionem Veri Interni Hominis cum Bono ejusdem, & inde influxum; apud Dominum ex propria potentia ex ipso Divino, hoc est, Jehovah; Internus Ipsius Homo fuit, ut prius passim dictum, Jehovah; & ipsum Bonum repræsentatum per Abraham, fuit Interni Hominis, tum ipsum Verum, repræsentatum per Sarah, etiam fuit Interni Hominis, ita utrumque Divinum; inde nunc Rationale Divinum Domini conceptum & natum; & quidem ex influxu Boni in Verum, ita per Verum; Rationalis enim præcipuum est Verum, ut supra n: 2072, dictum; quare hic dicitur, *quem pariet tibi Sarah*, quod significat Divinum Verum conjunctum Bono, ex quo existet; & supra ad Vers: 17, quod *Sarah filia nonaginta annorum*, significet quod Verum conjunctum Bono hoc faciet. Apud hominem quemcunque, quia ad similitudinem & imaginem Dei creatus, simile, sed non compar, existit, nempe quod Rationale ejus primum etiam per influxum In-

terni ejus hominis in vitam affectionis scientiarum Externi ejus, concipiatur & nascatur; sed Rationale ejus alterum, ex influxu Boni & Veri a Domino per Internum ejus hominem; Rationale hoc alterum accipit a Domino, cum regeneratur, nam tunc in Rationali suo sentit quid bonum & verum fidei: Internus homo apud hominem est supra ejus Rationale, estque Domini, de quo n: 1889. 1940.

2094. In Capite præc: & in hoc, huc usque, actum est de conceptione & nativitate Rationalis apud Dominum; & quomodo Divinum factum, agitur etiam in sequentibus; sed autumare quidam possunt, quod hæc scire, non ad fidem ita conducatur, modo sciatur, quod Humana Domini Essentia facta sit Divina, & quod Dominus quoad utramque sit Deus: sed ita se res habet, qui simpliciter hoc credunt, non opus habent scire, quomodo factum, nam scire quomodo factum, est solum ob finem, ut credant quod ita sit: sunt hodie plures, qui nihil credunt, nisi fiant ratione, quod ita sit, quod manifeste constare potest ex eo, quod pauci credant in Dominum, tamen ore fatentur; quia est secundum doctrinam fidei; at usque dicunt intra se, & inter se, si scirent quod ita esse possit, quod credituri; quod non credant, & ita dicant, est causa, quia Dominus natus est sicut alius homo, & externa forma fuit sicut alius; hi nusquam aliquam fidem accipere possunt, nisi prius aliquo modo capiant, quomodo ita esse possit; ideo hæc: qui Verbo simpliciter credunt, non opus habent omnia hæc scire, quia in fine sunt, ad quem illi, de quibus dictum, non possunt venire, nisi per cognitionem talium. Præterea hæc sunt, quæ in sensu interno continentur, & sensus internus est Verbum Domini in Cœlis, qui in Cœlis, percipiunt illud ita; quando homo in Vero est, hoc est, in sensu interno, tunc cum illis in Cœlo unum facere potest quoad cogitationem, tamen homo in communissima & obscurissima idea est respectu; Cœlestes ibi, qui in ipsa fide, spectant illa ex bono, quod ita sit, sed Spirituales ex vero, qui etiam per talia, quæ continentur in sensu interno, confirmantur, & sic perficiuntur, sed hoc per millia rationum interiorum, quæ non in hominis ideam apperceptibiliter influere possunt.

2095. Ad statum tempus hoc in anno sequente, quod significet statum tunc unionis, constat ex illis quæ dicta sunt de ætate Abrahami, quod esset filius centum annorum, & de ætate Sarah, quod esset filia nonaginta annorum, cum nasceretur Isaac, quo significatum, quod tunc Rationale Humanæ Essentiæ Domini uniretur Divinæ, & quod Verum conjunctum Bono hoc faciet, de quibus supra, n: 1988. 2074. 2075; inde nunc annus sequens est status unionis.

2096. Vers: 22. *Et absolvit ad loquendum cum illo, Et ascendit Deus desuper Abrahamo.* Absolvit ad loquendum cum illo, significat finem hujus perceptionis: & ascendit Deus desuper Abrahamo, significat ingressum Domini in priorem statum.

2097. Absolvit ad loquendum cum illo, quod significat finem hujus perceptionis, constat a significatione loqui & dicere, quod in sensu interno sit percipere,

CAPUT DECIMUM SEPTIMUM. 53

percipere, de qua aliquoties prius; quare, absolvere ad loquendum, est non amplius esse in perceptione tali.

2098. Et ascendit Deus desuper Abrahamo, quod significet ingressum Domini in priorem statum, constat inde, & sic absque explicatione. Quod bini status Domino fuerit, cum vixit in mundo, unus Humiliationis, alter Glorificationis, prius n: 1603. 2033, ostensum est; quia bini status, constat, quod quoque bini status perceptionis fuerint; in statu Glorificationis, hoc est, unionis Humani cum Divino, fuit, cum hæc, quæ in hoc Capite huc usque in sensu interno continentur, percepit; & quod non amplius in perceptione tali, exprimitur per hæc, quod "absolverit ad loquendum cum illo, & ascendit Deus desuper Abrahamo."

2099. Vers: 23. *Et accepit Abraham Jischmaelem, filium suum, & omnes natos domus suæ, & omnem emptionem argenti sui, omnem masculum in viris domus Abrahami, & circumcidit carnem præputii eorum, in eodem die hoc, quemadmodum loquutus cum illo Deus.* Accepit Abraham Jischmaelem filium suum, significat illos qui vere rationales sunt: & omnes natos domus suæ, & omnem emptionem argenti sui, & omnem masculum in viris domus Abrahami, significat, hic ut prius, illos qui intra Ecclesiam, quibus vera fidei conjunguntur bonis: & circumcidit omnem carnem præputii eorum, significat purificationem & justitiam eorum a Domino: in eodem hoc die, significat statum illum, de quo dictum: quemadmodum loquutus cum illo Deus, significat secundum perceptionem.

2100. Accepit Abraham Jischmaelem filium suum, quod significet illos, qui vere rationales sunt, constat ex significatione Jischmaelis, quod sint, qui ex vero rationales, hoc est, spirituales, sunt, de qua supra n: 2078. 2087. 2088.

2101. Omnes natos domus tuæ, & omnem emptionem argenti tui, omnem masculum in viris domus Abrahami, quod significet illos qui intra Ecclesiam, quibus vera fidei conjuncta bonis, constat a significatione natorum domus, quod sint cœlestes; a significatione emptorum argenti, quod sint spirituales, & quod ii intra Ecclesiam sint, de quibus supra, n: 2048. 2051. 2052: tum a significatione masculi, quod sint qui in vero fidei, de qua etiam supra, n: 2046; ex quibus patet, quod sint illi, qui intra Ecclesiam, penes quos vera fidei conjuncta bonis.

2102. Et circumcidet carnem præputii eorum, quod significet purificationem & justitiam eorum a Domino, constat a significatione Circumcidi, quod sit purificari ab amoribus sui & mundi, de qua supra n: 2039; tum a significatione carnis præputii, quod sit remotio amorum istorum, de qua etiam supra n: 2041. 2053. 2057: quod amores illi solum obstant, quin Bonum & Verum a Domino influere & operari queant, ibi quoque ostensum est; ita quin Justitia Domini possit homini applicari. Actum est in toto hoc Capite de Unione Essentia: Divinæ Domini cum Humana, deque conjunctione Domini cum homine per Humanam Ipsius Essentiam factam Divinam, ut & de Circumcisione, hoc est, de purificatione a spurcis apud hominem;

hæc

hæc in una serie sunt, & sequitur unum ab altero; Unio enim Divinæ Essentiae cum Humana in Domino facta est, ob finem, ut Divinum posset conjugi homini; sed Divini conjunctio cum homine non fieri potest, nisi purificetur homo ab amoribus illis; ut primum vero ab illis purificatur, Divinum Domini Humanum influit, & sic conjungit hominem sibi; exinde patet, quale est Verbum, nempe, quod, dum intelligitur, quid significatur in sensu interno, sit connexum in decente & pulchra serie.

2103. In eodem die hoc, quod significet statum illum, de quo dictum, constat a significatione diei, quod in sensu interno sit status, de qua, n: 23. 487. 488. 493. 893.

2104. Quemadmodum loquutus cum illo Deus, quod significet secundum perceptionem, constat a significatione, dicere & loqui Deus, quod sit percipere, de qua, n: 1791. 1815. 1819. 1822. 1898. 1919. 2097.

2105. Verſ: 24. 25. 26. *Et Abraham filius nonaginta & novem annorum, in circumcidendo illo carnem præputii sui. Et Jischmael filius illius, filius tredecim annorum, in circumcidendo illi carnem præputii ejus. In eodem die hoc circumcisus est Abraham, & Jischmael filius ejus. Abraham filius nonaginta & novem annorum, significat statum & tempus ante unionem Essentiae Divinæ Domini cum Ipsius Humana: in circumcidendo illo carnem præputii sui, significat cum Externi hominis mala prorsus expulit: & Jischmael filius ejus, significat illos qui ex veris fidei a Domino rationales sunt: filius tredecim annorum, significat reliquias sanctas: in circumcidendo illi carnem præputii ejus, significat, ut prius, purificationem: in eodem die hoc, significat quod tunc: circumcisus est Abraham, & Jischmael filius ejus, significat quod, cum Dominus conjunxit Humanam Essentiam Ipsius Divinæ, etiam conjunxit sibi ceteros qui ex vero rationales sunt, & salvavit.*

2106. Abraham filius nonaginta & novem annorum, quod significet statum & tempus ante unionem Essentiae Divinæ Domini cum Ipsius Humana, constat a significatione Nonaginta novem annorum, quod sit tempus, antequam Dominus plene conjunxit Internum Hominem cum Rationali, de qua supra n: 1988: Internus Homo Domini, ut dictum, aliquoties prius, erat Ipse Jehovah, hoc est, ipsum Divinum, quod cum unitum Humano, est Rationali, nam in intimo Rationalis incipit Humanum, & inde ad Externum hominis se extendit.

2107. In circumcidendo illo carnem præputii sui, quod significet cum Externi hominis mala prorsus expulit, constat ex significatione Circumcidi, quod sit purificari ab amoribus sui & mundi, seu quod idem, a malis, nam omnia mala inde sunt, de qua supra n: 2039. 2041. 2053. 2057: & quod Dominus ex propria potentia expulerit mala, & sic Humanam Essentiam fecerit Divinam, in Parte Prima multis demonstratum est, tunc supra n: 2025.

2108. Jischmael filius ejus, quod significet illos qui ex veris fidei rationales sunt, constat a representatione Jischmaelis hic, quod sint qui ex vero rationales,

CAPUT DECIMUM SEPTIMUM. 55

rationales, hoc est, spirituales fiunt, de qua etiam supra n: 2078. 2087. 2088.

2109. Filius tredecim annorum, quod significet reliquias sanctas, constare potest a significatione Decem, quod sint Reliquiæ, de qua prius n: 576. 1988; & ex significatione Trium, quod sit sanctum, de qua n: 720. 901: inde numerus Tredecim, quia compositus est ex Decem & Tribus, significat Reliquias sanctas: quod Numeri in Verbo significant res, videatur n: 482. 487. 488. 493. 575. 647. 648. 755. 813. 893: quid Reliquiæ apud hominem, dictum est, n: 468. 530. 561. 660. 1050. 1906.

2110. In circumcidendo illi carnem præputii ejus, quod significet purificationem, constat a significatione Circumcidi, quod sit purificari ab amoribus sui & mundi, de qua n: 2039; & a significatione carnis præputii, quod sit remotio istorum amorum, de qua n: 2041. 2053. 2057.

2111. Quod in eodem die hoc, significet quod tunc, constat a significatione diei, quod sit tempus & status, de qua etiam prius, n: 23. 487. 488. 493. 893.

2112. Quod circumciscus est Abraham, & Jischmael filius ejus, significet quod cum Dominus conjunxit Humanam Essentiam Ipsius Divinæ, etiam conjunxit sibi ceteros, qui ex vero rationales fiunt, & salvavit, constat ex representatione Abrahami in hoc Capite, quod sit Dominus in illo statu & in illa ætate, de qua supra n: 1989; & ex representatione Jischmaelis hic, quod sint qui ex vero rationales fiunt, de qua supra n: 2078. 2087. 2088: tum ex significatione Circumcidi, quod sit purificari, de qua supra n: 2039, & prædicare ad Dominum, quod sit Glorificari, ita quod sit exuere Humanum, & induere Divinum; quod Glorificari sit induere Divinum, videatur supra, n: 2033; & quod tunc conjunxerit sibi etiam illos, qui ex vero rationales, hoc est, spirituales fiunt, videatur supra n: 2034. 2078. 2088.

2113. Vers: 27. *Et omnes viri domus ejus, natus domus, & emptio argenti, a filio alienigena, circumcisi sunt cum illo.* Omnes viri domus ejus, natus domus, & emptio argenti, significat quod tunc omnes illi qui intra Ecclesiam: a filio alienigena, significat omnes qui rationales extra Ecclesiam: circumcisi sunt ab illo, significat quod justificati sint a Domino.

2114. Quod omnes viri domus ejus, natus domus, & emptio argenti, significet, quod tunc omnes illi qui intra Ecclesiam, constat a significatione Nati domus, quod sint cœlestes: & a significatione emptorum argenti, quod sint spirituales, de quibus supra n: 2048. 2051. 2052; & quod illi sint, qui intra Ecclesiam, ibi etiam dictum, omnes enim, qui intra Ecclesiam sunt, hoc est, omnes qui Ecclesiam constituunt, sunt vel cœlestes vel spirituales; quinam autem cœlestes, & quinam spirituales sunt, videatur supra, n: 2088. In ultimo hoc Versu hujus Capituli, est summarium omnium, quæ supra dicta sunt, nempe, quod, qui purificati sunt ab amoribus sui & mundi, tam qui intra Ecclesiam, tam qui extra Ecclesiam, sint justifi-

cati

cati a Domino : illi & hi vocantur Viri domus, nam Domus in sensu interno, significat Regnum Domini, n : 2048.

2115. A filio alienigena, quod significet omnes qui rationales extra Ecclesiam, constat a significatione filii alienigenæ, quod sint illi qui extra Ecclesiam, de qua supra n : 2049 ; ita quod sint Gentes, quæ non habent Verbum, & ideo non aliquid de Domino norunt, qui quod æque salventur, cum rationales sunt, hoc est, in charitate seu amore mutuo inter se vivunt, & secundum religiosum suum aliquid conscientiæ acceperunt, in Parte Prima, n : 593. 932. 1032. 1059. 1327. 1328, ostensum est.

2116. Quod circumcisi sunt ab illo, significet quod justificati sint a Domino, constare potest a repræsentatione, & inde significatione Circumcidi, quod sit purificari, de qua supra n : 2039 : quod circumcisi ab illo, hoc est, ab Abrahamo, etiam repræsentativum fuit, nempe quod purificati & sic justificati a Domino. Quod autem Justificationem attinet, illa se non habet secundum vulgarem opinionem, nempe quod omnia mala & peccata sint absterfa & prorsus deleta, quando, sicut opinantur, credunt, etiamsi, hoc foret in ultima mortis hora, utcumque per integrum vitæ suæ cursum in malis & flagitiis vixerunt ; plene enim instructus sum, quod ne quidem minimum malum, quod homo cogitavit & actualiter fecit in vita corporis, abstergetur & prorsus deleatur, sed quod omne remaneat, usque ad minimum ejus ; verum ita se habet, qui Odia, Vindictas, Crudelitates, & Adulteria, cogitarunt & exercuerunt, ac ita in nulla charitate vixerunt, vita inde tracta manet eos post mortem, imo omnia & singula vitæ istius, quæ successive redeunt ; inde cruciatus eorum in inferno : at qui in amore in Dominum, & in charitate erga proximum, vixerunt, illorum mala vitæ etiam omnia manent, sed temperantur bonis, quæ per vitam charitatis, dum vixerunt in mundo, acceperunt a Domino, & sic elevantur in cælum, imo detinentur a malis, quæ secum habent, sic ut non appareant ; qui de eo dubitant in altera vita, quod mala secum habeant, quia non apparent, remittuntur in illa, usque dum sciant, quod ita se res habeat, & dein rursus in cælum elevantur ; hoc nunc est Justificari ; sic enim non justitiam sui, sed Justitiam Domini agnoscunt : quod dicant salvari eos qui fidem habent, hoc verum est, sed per fidem in Verbo nihil aliud intelligitur, quam amor in Dominum, & charitas erga proximum, ita vita inde ; doctrinalia & dogmata fidei, non sunt fides, sed fidei, nam omnia & singula sunt propter finem, ut talis fiat homo sicut docent, quod manifeste constare potest a Domini verbis, quod in Amore in Deum, & in Amore erga proximum, Lex & omnes prophetæ, hoc est, universa Doctrina fidei, consistat, Matth : xxii : 34 ad 39. Marc : xii : 28 ad 35 : quod nusquam alia fides, quæ fides, detur, in Parte Prima, n : 30 ad 38. 379. 389. 724. 809. 896. 904. 916. 989. 1017. 1076. 1077. 1121. 1158. 1162. 1176. 1258. 1285. 1316. 1608. 1798. 1799. 1834. 1843. 1844, & quod ipsum Cælum consistat in amore in Dominum, & in amore mutuo, n : 537. 547. 553. 1112. 2057, ostensum est.

De



De ULTIMO JUDICIO.

2117. **Q**UID Ultimum Judicium, pauci hodie sciunt; putant venturum interitu Mundi; inde conjecturæ quod periturus orbis terrarum igne, una cum illis quæ in Mundo aspectabili sunt; & quod tunc primum resurgent mortui, & coram Judicio sistentur; mali tunc in infernum conjicendi, & boni in Cælum ascensuri: hæ conjecturæ sunt ex Prophetici Verbi, ubi memoratur de Novo Cælo, & de Nova Terra, tum quoque de Nova Hierosolyma; non scientes, quod Prophetica Verbi prorsus alia significant in sensu interno, quam patent in sensu literæ, & quod per Cælum non intelligatur cælum, nec per Terram terra, sed Ecclesia Domini in communi, & apud unumquemvis in particulari.

2118. Per Ultimum Judicium intelligitur ultimum tempus Ecclesiæ, tum ultimum vitæ cujusvis: quod Ultimum tempus Ecclesiæ attinet, fuit Ultimum Judicium Ecclesiæ Antiquissimæ, quæ fuerat ante diluvium, quando posteritas eorum periit, cujus interitus describitur per diluvium. Ultimum Judicium Ecclesiæ Antiquæ, quæ post diluvium, fuit, cum pæne omnes, qui fuerunt ab illa Ecclesia, facti sunt idololatræ, ac dispersi. Ultimum Judicium Ecclesiæ Repræsentativæ, quæ apud Jacobi posteros successit, fuit, cum Decem Tribus in captivitatem abductæ & inter gentes dissipatæ sunt; & dein Judei, post adventum Domini, expulsi terra Canaan, & in universum orbem dispersi. Ultimum Judicium hujus Ecclesiæ, quæ Ecclesia Christiana vocatur, est, quod apud Johannem in Apocalypsi, per Novum Cælum, & Novam Terram, intelligitur.

2119. Quod Ultimum vitæ cujusvis hominis cum moritur, fit ei Ultimum Judicium, aliquos non latet, sed usque pauci credunt; cum tamen constans veritas est, quod unusquisque homo post mortem, in alteram vitam resurgat, & sistatur coram Judicio: sed hoc Judicium ita se habet; ut primum frigescent corporea ejus, quod fit post aliquot dies, resuscitatur ille a Domino per Angelos Cælestes, qui primum apud illum sunt; sed cum talis est, ut cum illis esse nequeat, excipitur ab Angelis Spiritualibus, & successive postea a Bonis Spiritibus; nam omnes, quotcumque in alteram vitam veniunt, sunt advenæ grati & accepti; sed quia sequuntur illum desideria ejus, qui malam vitam egerat, non diu morari potest apud Angelos, & bonos Spiritus, sed successive semet ab illis

Nº II.

H

separat,

separat, & hoc eousque, dum venit ad Spiritus similis & conformis vitæ quam habuit in mundo; tunc apparet ei tanquam in vita corporis sui esset, in se etiam est continuatio vitæ; ab hac vita inchoat ejus Judicium, qui malam vitam egerunt, per temporis moras, descendant in Infernum; qui bonam, per gradus eleuantur a Domino in Cælum: tale est Ultimum Judicium cujusvis, de quo ab experientia in Parte Prima.

2120. Quæ Dominus loquutus est de ultimis temporibus, quod tunc Mare & Salum resonabit, Sol obscurabitur, Luna non dabit lumen suum, Stellæ cadent de cælo, Gens contra gentem, & Regnum contra regnum, excitabitur, & plura, Matth: xxiv: 7. 29. Luc: xxi: 25; omnia & singula significant statum Ecclesiæ, qualis futurus, quando Ultimum ejus Judicium; & per quod Mare & Salum resonabit, nihil aliud significatum est, quam quod hæreses & controversiæ, in communi intra Ecclesiam, & in particulari in unoquoque, ita perscrepent; per Solem nihil aliud intellectum, quam Amor in Dominum, & Charitas erga proximum; per Lunam, fides; & per Stellæ, Cognitiones fidei, quæ ultimis temporibus ita obscurabuntur, non dabunt lumen, & cadent de cælo, hoc est, evanescent; similiter etiam dictum a Domino apud Esaiam, Cap: xlii: 10. tum per Gentem contra gentem, & Regnum contra regnum, non aliud quam mala contra mala, & falsa contra falsa; & sic porro. Quod ita Dominus loquutus, fuit ex multis arcanis causis. Quod Maria, Sol, Luna, Stellæ, Gentes & Regna, significant talia, pro certo scio; & in Parte Prima ostensum est.

2121. Quod Ultimum Judicium insiet, non ita constare potest in terris & intra Ecclesiam, ac in altera vita, quo omnes animæ veniunt & confluunt; Mundus Spirituum hodie plenus est malis geniis & malis spiritibus, maxime ex Orbe Christiano; & inter eos non regnant nisi odia, vindictæ, crudelitates, obscænitates, tum machinationes dolosæ: nec solum Mundus Spirituum, quo animæ recentes e mundo primum alluunt, sed etiam spæra istius mundi interior, ubi sunt, qui quoad intentiones & fines interius mali fuerunt; hæc similiter hodie adeo oppleta est, ut miratus quod tanta copia usquam dari potuisset: omnes enim in Inferna non momento dejiciuntur, quia secundum leges ordinis est, ut quisque talis redeat in vitam suam, quam habuit in corpore, & inde per gradus deferatur in infernum; Dominus nullum dejicit in infernum, sed quisque semet; inde Mundi illi spirituum oppletissimi sunt copia alluentium talium, & morantium ibi ad tempus; ex illis Animæ, quæ e mundo veniunt, atrociter infestantur; & præterea, Spiritus, qui apud hominem: (nam quisque homo per Spiritus & Angelos regitur a Domino:) plusquam prius excitantur

excitantur ad inferenda homini maligna, & quidem in tantum, ut Angeli, qui apud hominem, vix possint avertere, sed cogantur remotius in hominem influere. Exinde in altera vita manifeste constare potest, quod ultimum tempus insit.

2122. Quod Animas recentes e mundo, ulterius attinet, illæ quæ ex Orbe Christiano alluunt, vix aliud cogitant & moliantur, quam ut maximi sint, utque omnia possideant, ita omnes inescati amore sui & mundi, qui amores prorsus sunt contra ordinem cælestem, n: 2057: præter quod plerique nihil aliud cogitent, quam spurca, obscæna & prophanæ, ac inter se nihil aliud loquantur; tum quod nibili faciant & prorsus contemnunt omnia quæ sunt charitatis & fidei, Ipsum Dominum non agnoscunt, imo odio habent omnes qui Ipsum profitentur; in altera enim vita cogitata & corda loquuntur; & præterea, quod mala hæreditaria, ex flagitiosa parentum vita, maligniora fiant, quæ sicut incendia intus latentia & fota, ad prophaniora contra bonestum & pium, exstimulant hominem, quam prius; tales in alteram vitam hodie catervatim alluunt, & opplent sphaeram exteriorem & interiorem mundi spirituum, ut dictum: cum malum ita incipit prævalere & æquilibrium a parte mali pendere, manifeste percipitur inde, quod ultimum tempus insit, & quod æquilibrium veniat restituendum per rejectionem eorum qui intra Ecclesiam, & receptionem aliorum qui extra.

2123. Quod ultimum tempus insit, etiam inde in altera vita constare potest, quod omne bonum, quod a Domino per cælum influit in Mundum spirituum, momento ibi vertatur in malum, obscænum, & prophanum, & quod omne verum momento in falsum, ita amor mutuus in odium, sincerum in dolosum, & sic porro; ita ut non amplius perceptibiles sint alicujus boni & veri: simile redundat in hominem, qui regitur per spiritus, cum quibus communicationem habent illi, qui ibi: hoc multa experientia mihi notissimum factum est, quam omnem si asserrem, multas paginas impleret; datum persæpe appercipere & audire bonum & verum, quod e cælo, quomodo verum in malum & falsum, tum in quantum & in quale.

2124. Dictum mihi, quod in antediluvianis deperditum sit Bonum voluntarium, quod fuit apud homines Antiquissimæ Ecclesiæ; at quod hodie apud homines Ecclesiæ Christianæ incipiat perire Bonum intellectuale, adeo, ut parum ejus residuum sit; ex causa, quod nihil credant, nisi quod sensibus capiunt, & quod hodie non solum ratiocinentur ex illis, sed etiam per Philosophiam antiquis ignotam, de arcanis Divinis; per quæ
lux

lux intellectualis prorsus obtenebratur; quæ obtenebratio talis fit, ut vix possit discuti.

2125. Quales sunt homines Ecclesiæ Christianæ hodie, per repræsentationes mihi videndum exhibebatur: apparebant Spiritus tam nigri, ut horrescerem, in nube atra; & postea alii non ita horrendi; & significabatur mihi, quod aliquid visurus: primum tunc visi pueri, qui pecteren-
tur a matribus tam crudeliter, ut sanguis circumfluere; quo repræsen-
tatum, quod talis sit hodie educatio infantum. Postea apparuit Arbor,
& perceptum sicut foret arbor scientiæ, in quam visa est magna Vipera
exsurgere, talis ut horrorem incuteret; apparebat illa secundum trunci
longitudinem: evanescente arbore cum vipera, apparuit Canis; & tunc
aperta est janua in cameram, ubi flavum luminosum sicut ex carbonibus,
& ibi mulieres binæ, perceptum quod esset culina, sed quæ ibi visa, non
memorare licet: dictum mihi, quod Arbor, in quam exsurgerebat vipera,
repræsentaret statum hominum Ecclesiæ, quales hodie sunt, quod loco
amoris & charitatis iis sint internecina odia, etiam simulationibus honesti
atque dolis circumobsessa; tum nefanda cogitata de illis quæ sunt fidei;
at quæ visa in culina, repræsentabant odia illa & cogitata, qualia porro
essent.

2126. Porro etiam repræsentatum, quomodo hodie illi, qui intra Ec-
clesiam sunt, contra ipsam Innocentiam sunt: visus est Infans pulcher &
innocens, quo viso, vincula externa, quibus tenentur mali genii & spiri-
tus a flagitijs, paulum remittebantur; tunc incepterunt Infantem pes-
sime tractare, illum conculcare, & velle occidere, unus sic & aliter sic;
Innocentia enim in altera vita repræsentatur per Infantes: At dixi,
quod similia non appareant apud eos, in vita corporis eorum, sed respon-
sum, quod interiora eorum talia sint, & nisi Leges civiles impedirent,
tum alia vincula externa, quæ sunt timor jacturæ lucri, honoris, famæ,
ac timor vitæ, quod ita ruerent insane contra omnes Innocentes: ii cum
hoc responsum audiebant, etiam illud subsannabant. Quales itaque hodie
sunt, ex illis, quæ dicta, constare potest; tum quod ultima tempora
insint.

2127. In altera vita quandoque apparet sicut quoddam Ultimi Judicii,
coram malis, cum dissociantur societates illorum; & coram bonis, cum
intromittuntur in Cælum; de illis & his referre licet, quæ ab expe-
rientia.

2128. Idea Ultimi Judicii coram malis, quæ bis & ter mihi visa,
talit fuit: cum Spiritus circum me conjunxerunt se in societates perni-
ciosas,

CAPUT DECIMUM SEPTIMUM. 61

ciosas, sic ut praevalerent, nec ex lege æquilibrii secundum ordinem se regita paterentur, quin alias societates insolenter lacefferent, & damnum illis inferre vi praevalente inciperent; tunc apparuit Spirituum cohors satis magna, a plaga anteriore paulum ad dextrum superne, ex qua adventante auditus tumultus quasi fluctuans & grandisonans; quo audita, facta est inter Spiritus consernatio cum terrore, & inde confusio, & tunc, qui in illis societatibus erant, dissipabantur, unus huc alter illuc, sic ut disfluere a mutuo, & non sciret socius ubi socius; cum hoc perstabat, non aliter apparuit Spiritibus quam sicut Ultimū Judicium cum interitu omnium, quidam lamentabantur, quidam prae terrore absque quasi corde erant, verbo, omnes occupabat discrimen quasi Ultimi cujusdam; sonitus adventantium a plaga anteriori illis auditus varie quibusdam tanquam sonitus equitum armatorum, quibusdam aliter, secundum statum timoris, & inde phantasiæ; mihi apperceptus ut susurrus continuus cum undulatione alterna, & quidem plurium simul: instruebar ab illis, qui prope me, quod tales cohortes ab illa plaga veniant, quando societates ita male confarctæ sunt, ut dictum, & quod illi sciant dissociare & discindere unum ab altero, & simul incutere terrorem, ut nihil aliud cogitent quam fugam; & quod per tales disjunctiones & dissipationes, omnes dein redigantur in ordinem a Domino; tum etiam quod tale in Verbo significetur per Ventum Orientalem.

2129. *Sunt alia genera quoque tumultuum, seu potius conflictuum, quæ ideam quoque Ultimi Judicii sistunt, & quibus Societates male conjunctæ quoad interiora dissolvuntur; de quibus hæc licet memorare: adiguntur Spiritus tales in illum statum, ut non, ut solitum, in societate seu communione cogitent, sed quilibet pro se; ex variantibus sic cogitationibus, & murmurantibus diversimode loquelis, quidam strepitus auditus, quasi multarum aquarum, & inter eas conflictus, qualis describi nequit, oriundus ex confusione opinionum de certis Veritatibus, quæ tunc sunt objecta cogitationum & loquelæ, qui talis est, ut vocari possit chaos spirituale: Sonus murmurum configentium & confusorum erat triplex; unus influebat circum caput, & dictum, quod is esset cogitationum; alter influebat versus sinistrum tempus, dictum quod hic esset conflictio ratiocinationum de veritatibus quibusdam, quibus fidem habere non vellent; tertius influebat desuper ad dextrum, qui erat stridens non ita confusus, qui stridor versabatur cis & retro, dictum quod inde hoc, quod pugnarent veritates, quæ ita cis & retro per ratiocinia versarentur: cum hi conflictus perstabant, erant usque Spiritus, qui mecum loquebantur, dicentes quid singula significarent, loquela eorum per sonitus illos distincte penetrante.*

trante. Objecta ratiocinationum eorum erant cumprimis hæc, num secundum literam intelligendum, quod duodecim Apostoli sederent super duodecim thronis, & judicarent duodecim tribus Israelis; tum etiam, num alii in Cælum admittendi, quam qui persecutiones & miseriae passi sunt: quisque secundum suam phantasiam, quam in vita corporis aucupavit, ratiocinabatur; sed quidam eorum, qui in communionem & in ordinem redacti sunt, postea instruebantur, quod aliter prorsus intelligendum, nempe, quod per Apostolos non intellecti sint apostoli, non per Thronos throni, nec per Tribus tribus, imo nec Duodecim per duodecim, sed per illos, tam Apostolos, quam Thronos, & Tribus, ut & per Duodecim significata Primaria fidei, n: 2089, & quod ex his, & secundum hæc Judicium super unumquemque fiat; & insuper ostensum, quod Apostoli ne quidem unum hominem judicare possint, sed quod omne Judicium sit solius Domini. Et quoad alterum, hoc nec ita intelligendum, quod solum illi venturi in Cælum, qui persecutiones & miseriae passi, sed quod æque divites ac pauperes, æque in dignitate constituti, ac qui in vili conditione sunt; & quod Dominus misereatur omnium, imprimis qui in miseriis spiritualibus & tentationibus, quæ sunt persecutiones a malis, fuerunt; ita qui agnoscunt se ex se miseros esse, & credant solius Misericordiæ Domini esse, quod salventur.

2130. Quod alterum attinet, nempe ideam Ultimi Judicii coram bonis, cum intromittuntur in Cælum, quomodo se habet, licet referre: dicitur in Verbo, quod clausa sit janua, ut non amplius intromitti possint; & quod oleum defecerit, ac serius venerint, & ideo non admissi, per quæ etiam status Ultimi Judicii significatur; quomodo hæc se habent, & quomodo intelligenda, mihi ostensum est. Audivi Societates spirituum, unam post alteram, dicentes voce clara, quod Lupus voluisset eos auferre, sed quod Dominus eripuerit eos, & sic quod restituti sint Domino, inde gressi ex intimo corde; fuerunt enim in desperatione, ita in timore, quod clausa esset janua, & quod sero venissent, ut non possent intromitti, talis cogitatio illis infusa fuit ab iis qui lupi vocantur; sed evanuit per id quod intromitterentur, hoc est, quod reciperentur a Societatibus Angelicis, intrinmissio in cælum non aliud est; intrinmissio visa mihi, quasi facta & continuata per Societates usque ad duodecim, & quod duodecima, ægrius quam undecim priores, intromitteretur, hoc est, reciperetur; postea quoque admittebantur octo quasi Societates, quæ quod fuerint ex sexu feminino, mihi indicatum est: quibus visis, dicebatur quod hic processus admissionis, hoc est, receptionis, in Societates cælestes, ita appareat, & hoc continue, ordine ab uno loco in alterum; tum quod Cælum nusquam in æternum

æternum oppleatur, minus quod janua claudatur, sed quo plures eo veniunt, eo illis qui in Cælo beatius & felicius, quia inde unanimum fortius. Postquam illi intromissi sunt, tunc apparebat tanquam clauderetur Cælum; erant enim plures, qui dein etiam volebant intromitti, hoc est, recipi; sed responsum tulerunt, quod non possent adhuc; quod significatur per serius venientes, per quod janua clausa, per pulsantes, & per quod oleum illis defecerit in lampadibus quod illi non admissi, erat ob causam, quia nondum præparati, ut interesse possent Societatibus Angelicis, ubi amor mutuus, nam ut supra n: 2119 ad fin: dictum, qui in charitate erga proximum in mundo vixerunt, per gradus in Cælum a Domino elevantur. Erant etiam alii Spiritus, qui ignorabant quid Cælum, quod sit Amor mutuus, qui etiam tunc intromitti volebant putantes quod solum sit intromissio, sed responsum tulerunt, quod iis nondum tempus, sed quod alio tempore, cum præparati: quod duodecim societates apparuerint, erat causa, quia Duodecim significant omnia fidei, ut supra n: 2129 ad f: dictum.

2131. *Qui intromittuntur, a Societatibus Angelicis recipiuntur cum intima charitate & ejus gaudio, ac illis omnis amor & amicitia exhibetur; at dum in Societatibus illis, ad quas primum veniunt, non libenter esse volunt, tunc ab aliis Societatibus recipiuntur, & hoc successe, usque dum ad illam Societatem veniunt, cum qua concordant secundum vitam amoris mutui, quæ illis ac ibi manent tamdiu, dum adhuc perfectiores evadunt, & inde tunc in majorem felicitatem elevantur & exaltantur; & hoc ex Misericordia Domini, secundum vitam amoris & charitatis, quam in Mundo receperunt: sed translatio ab una societate in alteram nunquam fit per rejectionem a societate ubi sunt, sed per voluntarium quoddam apud eos, secundum desiderium, quod illis insinuat a Domino; & quia secundum desideria, nihil non fit ex libero.*

2132. *Quod in Verbo dicatur, quod intraverit etiam unus, qui non indutus veste nuptiali, Matth: XXII: 11. 12. 13, & quod is ejectus sit; quomodo hoc se habet, etiam ostensum: sunt qui illo dolo in vita eorum corporis imbuti, ut simulare possint lucis angelos, & tunc cum in illo statu hypocritico in altera vita sunt, etiam se insinuare possunt in societates proximas cælestes; at non diu ibi persistunt, illico enim dum percipiunt amoris mutui sphaeram ibi, timore & horrore corripuntur, & se inde præcipitant; ac tunc in mundo spirituum apparet, sicut quod dejecti sint; quidam versus stagnum, quidam versus gebennam, quidam in aliud quoddam infernum.*

2133. Bis

2133. *Bis & ter, ex Divini Domini Misericordia, eo usque Cælum mihi apertum fuit, ut audiverim Glorificationem Domini communem; quæ talis est, ut plures Societates simul & unanimiter, sed usque quælibet Societas per se distinctis affectionibus & inde ideis, glorificarent Dominum; erat cælestis vox audita in longum & latum, in tam immensum, ut auditus deficeret absque fine, sicut visus dum spectat universum; & hoc erat cum intimo gaudio, ac intima felicitate. Etiam percepta Glorificatio Domini quandoque instar radiationis defluentis, & afficientis interiora mentis. Glorificatio hæc fit, quando in statu tranquillitatis & pacis sunt; nam tunc ex intimis eorum gaudiis, ac ex ipsis felicitatibus illa effluit.*

2134. *Ad finem Capitis sequentis, ex Divina Domini Misericordia, de statu Infantum, in altera vita, dicitur.*

F I N I S.



Arcana Cœlestia,
QUÆ IN
SCRIPTURA SACRA,
SEU
VERBO DOMINI

SUNT, DETECTA:

Hic quæ in

G E N E S I

Capite Decimo Octavo :

Una cum Mirabilibus

Quæ visa & audita sunt

In Mundo Spirituum, & Cœlo Angelorum ;

Hic ad finem, quæ de

Statu Infantum in altera vita.

III.

MDCCL.

MATTH: VI: 33.

*Quærite primum Regnum Dei, & Justitiam ejus,
& omnia adjicientur vobis.*



P R Æ F A T I O.

AD finem Capitis præcedentis actum est de Ultimo Judicio, & ostensum, quid per illud significatur, nempe quod non Interitus mundi, sed ultimum tempus Ecclesiæ; quando hoc instat, dicit Dominus, quod venturus in Nubibus cælorum, cum Virtute & Gloria, Matth: xxiv: 30. Marc: xiii: 26. Luc: xxi: 27; nemini hætenus notum est, quid per Nubes cælorum intellectum, sed patefactum mihi, quod nihil aliud intelligatur quam Sensus literalis Verbi, & quod per Virtutem & Gloriam Sensus internus Verbi, in Sensu enim interno Verbi est Gloria, nam quicquid ibi, est de Domino & Ipsius Regno; videatur in Parte Prima n: 1769 ad 1772. Similiter per Nubem, quæ circumdedit Petrum, Jacobum, & Johannem, cum Dominus in Gloria illis apparuit, de qua ita apud Lucam, Vox facta est e Nube, dicens, hic est Filius meus dilectus, Hunc audite: cum autem facta esset vox, inventus est Jesus Solus, ix: 35. 36: per Moſen & Eliam ibi, qui loquuti sunt cum Domino, repræſentatum fuit Verbum Veteris Testamenti, quod etiam vocatur Moſes & Prophetæ, per Moſen ejus Libri, tum Historici, per Eliam prophetam omnes Prophetæ: per Petrum autem, Jacobum

☸ Jobannem, repræsentata sunt, sicut alibi, ubicunque
 nominantur in Libris Evangelistarum, Fides, Charitas,
 ☸ Bonum charitatis; ☸ quod illi soli ibi adessent, sig-
 nificatum, quod non alii videre possint gloriam Domini,
 quæ in Ipsius Verbo, quam qui in fide, ejus charitate, ☸
 hujus bono sunt; cæteri quidem possunt videre, sed usque
 non vident, quia non credunt; hic est sensus internus quoad
 bina illa; apud Prophetas quoque passim Nubes significat
 Verbum in litera, ☸ Gloria Verbum in vita. Quid sensus
 internus Verbi, ☸ qualis, multis locis dictum est, ☸ in
 Explicatione quoad singula verba ostensum. Legisperiti
 tempore Domini fuerunt, qui omnium minime crediderunt,
 quod aliquid in Verbo scriptum fuisset de Domino; Legis-
 periti hodie quidem sciunt, sed fortassis illi omnium minime
 credituri, quod alia Gloria sit in Verbo, quam quæ appa-
 ret in litera, quæ tamen est nubes in qua gloria.





P A R S S E C U N D A .


L I B R I G E N E S E O S

C A P U T . D E C I M U M O C T A V U M .

2135. **E**X hoc Capite imprimis constare potest, qualis est sensus internus Verbi, ac quomodo percipiunt illud Angeli, cum legitur ab homine: ex sensu literæ historico, non aliud intelligitur, quam quod Abrahamo apparuerit Jehovah sub forma trium Virorum; & quod Sarah, Abrahamus, & puer ejus, paraverint cibum pro illis, nempe ex farina similaginis placentas, filium bovis, tum butyrum & lac: quæ, tametsi historica vera sunt, quod ita factum, usque non percipiuntur ita ab Angelis, sed prorsus abstracte a litera quæ repræsentant & significant, secundum illa, quæ in *Contentis* sunt; nempe pro illis, quæ ibi historice dicta, Status Perceptionis Domini in Humano, & communicatio tunc cum Divino, ante Unionem perfectam Divinæ Ipsius Essentiæ cum Humana, & Humanæ cum Divina; qui Status etiam est, de quo Dominus hæc dicit, *Deum nemo vidit unquam, Unigenitus Filius, qui in sinu Patris est, ille exposuit*, Joh: 1: 18; & per cibos ibi memoratos, nihil nisi Cœlestia & Spiritualia bona, de quibus in Explicatione: & porro dein, quod dicitur de Filio, quem pareret Sarah ad tempus statum alterius anni, nihil aliud

aliud percipiunt, quam quod Rationale humanum Domini fieret Divinum: demum per illa, quæ loquutus Abraham cum Jehovah de everfione Sodomæ & Amoræ, nihil aliud quam intercessionem Domini pro humano genere; ac ibi per Quinquaginta, Quadraginta quinque, Quadraginta, Triginta, Viginti & Decem, intercessionem pro illis, apud quos vera essent adjecta bonis, & quibus bona per tentationes & pugnas, aut per alios status: ita se habet cum cæteris in Verbo; ut melius constare potest ab explicatione singularum vocum, ubi ostensum quod singulis vocibus similia involvantur in Verbo tam Historicum quam Prophetico. Quod talis sensus internus ubivis in Verbo sit, in quo agitur modo de Domino, de Ipsius Regno in cælis, de Ipsius Ecclesia in terris, & in particulari apud unumquemvis, ita de bonis amoris & veris fidei, constare etiam unicuique potest ex illis, quæ ex Veteri Testamento apud Evangelistas citantur, ut apud Matthæum, "*Dixit Dominus Domino meo, sede a dextris meis, donec ponam tuos scabellum pedum tuorum,*" xxii: 42. Psalm: cx: i: quæ quod agant de Domino, nec a literalis sensu apud Davidem in loco citato apparere potest, sed usque quod non alius intelligatur quam Dominus, Ipse ibi docet: apud Eundem, "*Tu Bethleem, terra Jehudæ, nequaquam minima es in ducibus Jehudæ, ex te enim exibat Dux, qui pascet populum meum Israel,*" ii: 6. Mich: v: i: qui in sensu literalis manent, ut Judæi, quidem inde sciunt, quod ibi nasceretur Dominus, sed quia ducem & regem expectant, qui in terram Canaanen reducet eos, ideo secundum litteram ibi verba explicant, nempe per terram Jehudæ, terram Canaanen, per Israel em etiam Israel em, tametsi ignorant ubi est; & per ducem adhuc Messiam suum; cum tamen alia per Jehudam & Israel em intelliguntur, nempe per Jehudam Cælestes, per Israel em Spirituales, in cælo & in terra, & per Ducem Dominus: apud Eundem, "*Vox in Ramah audita est, lamentatio, clamor, & ejulatus multus, Rachel deplorans liberos suos, & non volebat consolationem admittere, quia non sunt,*" ii: 18. Jerem: xxxi: 15: qui in sensu literalis manent, nusquam inde capiunt illum sensum, qui internus eorum verborum est; qui tamen quod sit, patet apud Evangelistam: apud Eundem, "*Ex Ægypto vocavi filium meum,*" ii: 15. Hof: xi: i: apud hunc Prophetam ita dicitur, "*Cum puer Israel, & amavi illum, & ex Ægypto vocavi filium meum: vocarunt illos, sic iverunt a faciebus eorum; & Ego feci ire, Ephraim,*" ibid: qui ignorant datum sensum internum, non aliter possunt scire, quam quod hic intelligatur Jacobus

Jacobus cum ingressus Ægyptum, & ejus posterī cum inde egressi, & quod per Ephraimū tribus Ephraimī, ita eadem illa quæ in Historicis Verbi; sed usque clarum est ex Verbo Evangelistæ, quod significant Dominum: at quid significat unumquodvis, nisi retegeretur per sensum internum, nusquam sciri posset.



CAPUT XVIII.

1. **E**T apparuit illi JEHOVAH, in quercetis Mamre, & ille sedens ad januam tentorii, incalcescente die.
2. Et sustulit oculos suos, & vidit, & ecce tres Viri stantes super illum, & vidit, & cucurrit obviam illis, a janua tentorii, & incurvavit se versus terram.
3. Et dixit, Domine mi, si quæso inveni gratiam in oculis tuis, ne quæso transeas desuper servo tuo.
4. Accipiat quæso parum aquæ, & lavate pedes vestros, & incubite sub arbore.
5. Et accipiam frustrum panis, & fulcite cor vestrum; postea transeatis; nam quamobrem transiistis ad servum vestrum; & dixerunt, ita facias quemadmodum loquutus es.
6. Et festinavit Abraham versus tentorium ad Sarah, & dixit, festina tria sata farinæ similaginis, pinsē, & fac placentas.
7. Et ad armentum cucurrit Abraham, & accepit filium bovis tenerum & bonum, & dedit ad puerum, & festinavit ad faciendum illum.
8. Et accepit butyrum & lac, & filium bovis, quem fecit, & dedit coram illis; & ille stans ante illos sub arbore; & comederunt.
9. Et dixerunt ad illum, ubi Sarah uxor tua; & dixit, ecce in tentorio.
10. Et dixit, revertendo revertar ad te, juxta tempus hoc vitæ, & ecce filius Saræ uxori tuæ; & Sarah audiens ad januam tentorii, & ea post illum.
11. Et Abraham & Sarah senes, intrantes in dies, desiit esse Saræ via sicut mulierum.
12. Et risit Sarah intra se, dicendo, postquam consenui, num erit mihi voluptas, & Dominus meus senex.

13. Et dixit JEHOVAH ad Abraham, cur hoc risit Sarah, dicendo, num etiam vere pariam, & ego consenui.

14. Num mirabile erit pro JEHOVAH quicquam; ad tempus statum revertar ad te, juxta tempus hoc vitæ, & Saræ filius.

15. Et negavit Sarah, dicendo, non risi, quia timuit; & dixit, non, quod risisti.

16. Et surrexerunt inde Viri, & prospexerunt ad facies Sodomæ; & Abraham vadens cum illis, ad dimittendum illos.

17. Et JEHOVAH dixit, num celans Ego ab Abrahamo, quod Ego faciens.

18. Et Abraham effendo erit in gentem magnam & numerosam, & benedicentur in illo omnes gentes terræ.

19. Quia novi illum, propterea quod præcipiet filiis suis, & domui suæ post se, & custodient viam JEHOVÆ, ad faciendum justitiam & judicium, propterea ut adducat JEHOVAH super Abrahamum illud quod loquutus est super illum.

20. Et dixit JEHOVAH, clamor Sodomæ & Amoræ, quod magnus factus sit, & peccatum eorum quod grave factum valde.

21. Descendam quæso, & videbo, num secundum clamorem ejus, qui venit ad Me, fecerint consumationem; & si non, cognoscam.

22. Et prospexerunt inde Viri, & iverunt versus Sodomam; & Abraham adhuc ille stans coram JEHOVAH.

23. Et accessit Abraham, & dixit, num etiam delebis justum cum impio.

24. Forte sint quinquaginta justi in medio urbis, num etiam delebis, & non parces loco propter quinquaginta justos, qui in medio ejus.

25. Absit Tibi a faciendo secundum rem hanc, ad mori faciendum justum cum impio, & sit sic justus sicut impius; absit Tibi, num Judex totius terræ non faciet judicium.

26. Et dixit JEHOVAH, si invenero in Sodoma quinquaginta justos in medio urbis, & parcam toti loco propter eos.

27. Et respondit Abraham, & dixit, ecce quæso suscepi ad loquendum ad Dominum meum, & ego pulvis & cinis.

28. Forte defuerint quinquaginta justis quinque, num disperdes in quinque totam urbem; & dixit, non perdam, si invenero ibi quadraginta quinque.

29. Et addidit adhuc loqui ad Ipsum, & dixit, forte inventi fuerint ibi quadraginta; & dixit, non faciam propter quadraginta.

30. Et dixit, ne quæso succenseatur Domino meo, & loquar, forte inventi fuerint ibi triginta; & dixit, non faciam si invenero ibi triginta.

31. Et dixit, ecce quæso, suscepi ad loquendum ad Dominum meum, forte inventi fuerint ibi viginti; & dixit, non perdam propter viginti.

32. Et dixit, ne quæso succenseatur Domino meo, & loquar tantum hac vice, forte inventi fuerint ibi decem; & dixit, non perdam propter decem.

33. Et ivit JEHOVAH, quando absolvit loqui ad Abrahamum: & Abraham reversus est ad locum suum.

C O N T E N T A.

2136. **P**RIMO agitur hic de Statu Perceptionis Domini in Humano, & communicationis tunc cum Divino, ante Unionem perfectam Humanæ Ipsius Essentiæ cum Divina; qui Status etiam est, de quo Dominus hæc dicit, "Deum nemo vidit unquam, Unigenitus Filius, qui in sinu Patris est," Joh: 1: 18.

2137. Status perceptionis Domini in Humano tunc, significatur per querceta Mamre, Verf: 1. in quo quod apperciperet Divinum, quod se coram Humano Ipsius manifestaret, Verf: 2: quo gavifus, Verf: 3: & quod vellet ut Divinum ad Ipsius Humanum propius accederet, induendo aliquid naturale, Verf: 4: & quod Humanum Ipsius propius ad Divinum, induendo Cœleste, Verf: 5. Cœleste & inde Spirituale, quod induit, significatur per tria fata farinæ similaginis ex quibus placentæ, Verf: 6: & quod etiam induerit conforme naturale, significatur per filium bovis, Verf: 7. inde conformatio, & communicatio Divini cum Humano, & Humani cum Divino, Verf: 8.

2138. SECUNDO agitur, de Perceptione Domini in illo statu de Rationali apud Ipsum, quod exueret Humanum, & fieret Divinum.

2139. Quod Rationale fieret Divinum, significatur per Filium, quem Sarah pareret, Verf: 9. quod Verum rationale humanum apud Dominum id non perciperet, ita non crederet, significatur per risum Saræ ad januam tentorii, quæ post illum, Verf: 10. 11. 12. 13. 15. Confirmatum quod Dominus etiam illud exueret, & loco ejus Verum Divinum indueret, Verf: 14.

No. III.

B

2140.

2140. TERTIO, agitur de dolore & anxietate Domini super Humanum Genus, quia tantum amore sui, & inde cupiditate imperandi super alios ex malo & falso, imbutum esset, pro quo in illo statu intercessit, & obtinuit ut salvarentur illi, apud quos bona & vera essent; at quinam sint, ordine recensetur.

2141. Perceptio Domini de Humano Genere, quod in malo & falso; Sodoma est amor sui & inde cupiditas imperandi ex malo, Amora est ex falso, Vers: 16. 20. quod non celari potuerit Domino in illo statu, quia per Ipsum & ab Ipso omnis salvatio, Vers: 17. 18. 19: nempe, quod visitandi, quando ad summum malitia eorum pervenit, Vers: 20. 21. Cum in perceptione illa esset, Vers: 22; quod intercesserit pro illis; primum pro illis apud quos vera, & ea plena bonis, qui significantur per quinquaginta, Vers: 23. 24. 25. 26: tum pro illis, apud quos minus boni, sed hoc usque conjunctum veris, qui significantur per quadraginta quinque, Vers: 27. 28: dein pro illis, qui in tentationibus fuerunt, qui significantur per quadraginta, Vers: 29: ut & pro illis, qui in aliquibus pugnis contra mala, qui significantur per triginta, Vers: 30: post pro illis, apud quos aliunde status affectionis boni, qui significantur per viginti, Vers: 31: demum pro illis, apud quos status affectionis veri, qui significantur per decem, Vers: 32; & jugiter responsum, quod illi salvarentur, Vers: 26. 28. 29. 30. 31. 32: his peractis, quod Dominus in pristinum statum perceptionis redierit, Vers: 33. Hæc arcana in hoc Capite sunt in sensu interno, quæ ex litera non patent.



SENSUS INTERNUS.

2142. **V**ERS: 1. *Et apparuit illi Jehovah in quercetis Mamre, & ille sedens ad januam tentorii, incalescente die.* Apparuit illi Jehovah, significat perceptionem Domini: in quercetis Mamre, significat qualitatem perceptionis: ille sedens ad januam tentorii, significat sanctum quod tunc Ipsi: incalescente die, significat ex amore.

2143. Apparuit illi Jehovah, quod significet perceptionem Domini, constare potest ex eo, quod Historica Verbi non sint nisi repræsentativa, & verba ibi significativa illarum rerum, quæ in sensu interno; hic agitur in sensu interno

interno de Domino, ac de Ipsiſus Perceptione, quæ repræſentata fuit, per quod apparuerit Jehovah Abrahamo; omnis apparitio, omnis fermo, & omne factum, in hiſtoricis Verbi, talia ſunt; quid vero repræſentant, non patet, niſi hiſtorica non attendantur aliter ac objecta, ſicut quæ viſus, ex quibus datur anſa aut copia cogitandi de rebus ſublimioribus, pro exemplo ex Hortis, dum videntur, de fructibus, horum uſibus, tum de jucunditate vitæ ex illis, & adhuc ſublimius, de felicitate Paradifiaca ſeu cœleſti; quæ cum cogitantur, objecta ſingula hortulana quidem videntur, ſed ita leviter, ut non attenduntur: ita quoque ſe habet cum hiſtoricis Verbi, in quibus cum cœleſtia & ſpiritualia, quæ in interno ſenſu ſunt, cogitantur, tunc hiſtorica, & ipſa verba, non aliter attenduntur.

2144. In quercetis Mamre, quod ſignificet qualitatem perceptionis, conſtat ex repræſentatione & ſignificatione Quercetorum, ſed ex repræſentatione & ſignificatione Mamre: quid Querceta in genere repræſentaverunt & ſignificaverunt, in Parte Prima n: 1442. 1443, oſtenſum; & quid querceta Mamre in ſpecie, n: 1616, nempe quod Perceptiones, ſed quales ſunt humanæ ex ſcientificis, & ex primis rationalibus quæ inde. Quid Perceptio, hodie ignotiſſimum eſt, quia nullus hodie in Perceptione eſt, in quali fuerunt Antiqui, & imprimis Antiquiſſimi, hi ex perceptione noverunt num bonum eſſet, & conſequenter num verum; erat influxus in rationale eorum a Domino per cœlum, ex quò illico, cum cogitarunt de aliquo ſancto, percipiebant num ita eſſet, vel non ita eſſet: periit dein talis perceptio apud hominem, cum non amplius in cœleſtibus ideis, ſed ſolum in mundanis & corporeis, cœpit eſſe; & loco ejus ſucceſſit conſcientia, quæ quoque eſt ſpecies perceptionis, nam agere contra conſcientiam & ſecundum conſcientiam, non aliud eſt, quam appercipere inde, num ita vel non ita ſit, aut faciendum; ſed Conſcientiæ perceptio non eſt ex bono quod influit, ſed eſt ex vero, quod ſecundum ſanctum cultus eorum implantatum eſt rationali ab infantia, ac poſtea confirmatum; hoc tunc unice bonum eſſe credunt: inde eſt conſcientia ſpecies perceptionis, ſed ex vero tali, cui cum inſinuatur charitas & innocentia a Domino, exiſtit bonum iſtius Conſcientiæ; ex his paucis conſtare poteſt, quid Perceptio; ſed inter Perceptionem & Conſcientiam eſt multa differentia; videantur quæ de Perceptione in Parte Prima, dicta, n: 104. 125. 371. 483. 495. 503. 521. 536. 597. 607. 784. 865. 895. 1121. 1616; quæ de Perceptione Spirituum & Angelorum, n: 202. 203. 1008. 1383. 1384. 1390. 1391. 1392. 1394. 1397. 1504; & quod Eru-diti non ſciant quid Perceptio, n: 1387. Quod Dominum attinet, dum vixit in mundo, omnis Ipsiſus cogitatio fuit ex Perceptione Divina, quia ſolus Divinus & Cœleſtis homo, nam ſolus in quo Ipſe Jehovah, ex quo Ipsiſus Perceptio, de qua etiam in Parte Prima n: 1616. 1791: Perceptiones Ipsiſus fuerunt interiores magis & magis, quo propius acceſſit ad unionem cum Jehovah; nunc qualis Ipsiſus Perceptio fuit, conſtare poteſt ex illis, quæ de quercetis Mamre in Parte Prima n: 1616, dicta ſunt; & qualis facta, cum percepit illa quæ in hoc Capite continentur, in mox ſequentibus deſcribitur.

2145. Sedens ad januam tentorii, quod significet sanctum, quod tunc Ipsi, nempe sanctum amoris, qui significatur per incalescentem diem; de quo sequitur, constat ex significatione Tentorii, quod sit sanctum, de qua n: 414. 1102. 1566; & causa, cur per tentoria significata sint sancta, ibi videatur: quia tunc Dominus fuit in Perceptione quæ significatur per querceta Mamre, quæ est inferior rationalis, sed usque interior quam quæ significatur per quercetum Moreh, de qua n: 1442. 1443: hic repræsentatur & sic significatur per id quod federit ad januam tentorii, hoc est, ad introitum ad sanctum: quomodo se habet cum Perceptionibus, quod minus & magis interiores sint, illustrari potest ab Antiquissimorum perceptionibus, ex quibus audiui, quod quo plus essent in scientificis ex illis, quæ erant objecta auditus & visus, eo perceptiones eorum fuissent inferiores; at quo plus ab illis elevabantur ad cœlestia charitatis & amoris, eo fuerint interiores, quia tunc propius erant Domino.

2146. Incalescente die, quod significet ex amore, constat ex significatione caloris, quod in sensu interno sit amor; & quia calor est vel diei vel anni, repræsentatur amor vel per calorem diei, vel per calorem anni, secundum illa quæ in historicis memorantur: quod Calor significet amorem, ex eo constare potest, quod amor dicatur calor spiritualis, & quod omnis affectio significetur per incalescentiam, etiam in sermone vulgari; & præterea ex eo, quod amor & ejus affectiones, in interioribus hominis, tum quoque in exterioribus ejus, inque ipsis corporeis, manifestum se sistant per speciem caloris; imo nec aliunde est origo ejus apud hominem cum ex interioribus ejus esset: sed qualis amor, talis calor; amor cœlestis & amor spiritualis, sunt, qui genuinum calorem sistant; omnis alius calor, qui nempe ex amoribus sui & mundi, tam ex aliis amoribus spurcis, est immundus, & fathiscit in altera vita in excrementitium, videatur n: 1773. Præterea sciendum, quod sanctum nusquam prædicetur nisi ex amore & charitate, non autem ex fide, nisi quantum amoris aut charitatis fidei veris inest; fidei vera non sancta sunt, nisi inde, videantur quæ prius n: 2049.

2147. Vers: 2. *Et sustulit oculos suos, & vidit, & ecce tres Viri stantes super illum; & vidit, & cucurrit obviam illis, a janua tentorii, & incurvavit se versus terram.* Sustulit oculos suos, significat quod viderit intra se: & ecce tres Viri stantes super illum, significat Divinum Ipsum, Divinum Humanum, & Sanctum procedens: & vidit, significat cum hoc apperiperet: & cucurrit obviam illis, significat quod propius cogitatione accesserit ad illa quæ percipiebantur: a janua tentorii, significat a sancto, quod tunc Domino: & incurvavit se versus terram, significat effectum humiliationis ex gaudio inde.

2148. Quod sustulit oculos suos, significet quod viderit intra se, constat a significatione tollere oculos; per oculos in Verbo significatur visus interior seu intellectus, ut constare potest a locis n: 212 citatis; inde tollere oculos est videre & percipere illa quæ supra se; quæ interiora sunt, in Verbo exprimuntur per superiora, sicut sursum spectare, tollere oculos ad cœlum, alta cogitare,

CAPUT DECIMUM OCTAVUM. 13

cogitare, & hoc ex causa, quia homo putat Cœlum in alto esse, seu supra se, cum tamen non in alto est, sed in internis; ut cum homo in cœlestibus amoris est, cœlum ejus tunc est intra illum, videatur n:450; inde liquet, quod tollere oculos significet videre intra se.

2149. Ecce tres Viri stantes super illum, quod significet Divinum Ipsum, Humanum Divinum, & Sanctum procedens, constare potest absque explanatione, nam unicuique notum est, quod Trinum sit, & hoc Trinum Unum; quod Unum sit, in hoc Capite manifeste patet, nempe Vers: seq: 3: ubi dicitur, “Dixit, Domine mi, si quæso inveni gratiam in oculis tuis, ne quæso transeas,” quæ dicta ad tres Viros; insuper Vers: 10. “Et dixit, revertendo revertar ad te.”: Vers: 13. “Et dixit Jehovab ad Abraham”: Vers: 15. “Dixit, non, quod risisti”: Vers: 17. “Et Jehovab dixit, num celans Ego ab Abramo, quod Ego faciens”: Vers: 19. “Quia novi illum”: Vers: 20. “Et dixit Jehovab”: Vers: 21. Descendam & videbo, num secundum clamorem ejus, qui venit ad Me fecerint consumationem, & si non, cognoscam”: Vers: 23. “Abraham dixit, num etiam delebis justum cum impio”: Vers: 25. “Absit Tibi, ad faciendum secundum rem hanc, absit Tibi”: Vers: 26. “Et dixit Jehovab si invenero quinquaginta justos, parcam toti loco propter eos”: Vers: 27. “Suscepi ad loquendum ad Dominum meum”: Vers: 28. “Num disperdes in quinque totam urbem; & dixit, non perdam, si invenero ibi quinquaginta quinque”: Vers: 29. “Addidit adhuc loqui ad Ipsum: dixit, non faciam propter quadraginta”: Vers: 30. “Ne succenseatur Domino meo: dixit, non faciam, si invenero ibi triginta”: Vers: 31. “Suscepi ad loquendum ad Dominum meum: dixit, non perdam propter viginti”: Vers: 32. “Ne quæso succenseatur Domino meo: & dixit, non perdam propter decem”: Vers: 33. “Et ivit Jehovab, quando absolvit loqui ad Abrahamum”: Exinde constare potest, quod per Tres Viros, qui apparuerunt Abrahamo, significatum sit Divinum Ipsum, Humanum Divinum, & Sanctum procedens, & quod Trinum in se Unum sit: in sensu interno agitur hic de Jehovab, quod apparuerit Domino, & quod Dominus hoc percepit, sed non per apparitionem, qualis fuit Abrahamo; nam quod Tres Viri visi Abrahamo, est historicum verum, sed repræsentat Divinam Perceptionem, seu Perceptionem ex Divino quæ fuit Domino cum in Humano, de qua Perceptione in sequentibus agitur.

2150. Et vidit, quod significet cum hoc apperceperit, constat a significatione Videre in sensu interno, quod sit intelligere & appercipere, tum illuminari, de qua n:1584; quod videre illa significet, nihil communius est in Verbo; hic significatur, quod apperceperit Perceptionem ex Divino affore, ut modo dictum.

2151. Quod cucurrit Abraham obviam illis, significet quod propius accesserit ad illa quæ percipiebantur, constat ex serie rerum in sensu interno; agitur enim in Versu præcedente de Perceptione Domini in qua fuit; in hoc Versu, quod animadverteret Perceptionem ex Divino; hic nunc quod propius

pius accesserit ad eam, repræsentatur & sic significatur per quod cucurrit obviam illis.

2152. A janua tentorii, quod significet a sancto quod tunc Domino, constat a significatione tentorii, quod sit sanctum; & a significatione januæ, quod sit introitus ad sanctum, de quibus supra n: 2145.

2153. Et incurvavit se versus terram, quod significet effectum humiliationis ex gaudio inde, constat ex significatione incurvare se, quod sit humiliare: sicut omnes affectiones interiores, correspondentes sibi gestus habent in externis seu in corporeis, qui gestus sunt effectus affectionum ut suarum causarum efficientium, ita affectio humiliationis habet humiliationem ut & prostrationem; quod hoc fuerit ex gaudio, constat, quia appercepit, ut dictum, Perceptionem ex Divino. De statu humiliationis Domini cum fuit in Humano, passim prius actum est, & in sequentibus hujus Capituli, ex Divina Domini Misericordia, agendum.

2154. Vers: 3. *Et dixit, Domine mi, si quaeso inveni gratiam in oculis tuis, ne quaeso transeas desuper servo tuo.* Et dixit, significat quod ita cogitavit: Domine mi, significat trinum in uno: si quaeso inveni gratiam in oculis tuis, significat respectivum status Domini, cum perceptionem illam animadvertit: ne quaeso transeas desuper servo tuo, significat quod impense desideraverit, ne illud quod incepit percipere, transiret; Servus est humanum apud Dominum, antequam Divinum factum.

2155. Quod dixit, significet quod ita cogitavit, constat ex significatione dicere in sensu historico, quod sit percipere, de qua prius n: 1898. 1919. 2008.

2156. Domine mi, quod significet Trinum in Uno, nempe Divinum Ipsum Humanum Divinum, Sanctum procedens, quod Trinum in Uno est, quare hic dicitur Dominus in singulari; similiter Vers: 27. 31: "Ecce quaeso suscepi ad loquendum cum Domino meo": & Vers: 30. 32. "Ne quaeso succenseatur Domino meo". Tum etiam Tres illi Viri dicuntur Jehovah, Vers: 13. "Dixit Jehovah ad Abraham": Vers: 14. "Num mirabile erit pro Jehovah quicquam": Vers: 22. "Abraham adhuc stans coram Jehovah": Vers: 33. "Et ivit Jehovah, quando absolvit loqui ad Abrahamum": inde constat, quod Tres Viri, hoc est, Divinum ipsum, Humanum Divinum, & Sanctum procedens, sint idem ac Dominus, & Dominus idem ac Jehovah: in Christiana Fide, quæ Symbolica appellatur, idem agnoscitur, ubi hæc apertis verbis, "Non tres Increati sunt, non tres Infiniti, non tres Æterni, non tres Omnipotentes, non tres Domini, sed Unus. Non alii sunt, qui separant hoc Trinum quod in Uno, quam qui dicunt se agnoscere unum Ens Supremum, Creatorem Universi, quod ignoscitur illis qui extra Ecclesiam sunt; sed qui ita intra Ecclesiam dicunt, ne quidem agnoscunt aliquem Deum, tamen id aiunt, & quandoque putant; minus agnoscunt Dominum.

2157. Si quaeso inveni gratiam in oculis tuis, quod significet respectivum status Domini cum perceptionem illam animadvertit, constare potest ab affectione

fectione humiliationis, quæ in ipsis his verbis, tum quoque in mox sequentibus his, *ne quæso transeas desuper servo tuo*, in quibus etiam humiliatio: in singulis, quæ in Verbo, inest & Affectio & Res; Cœlestes Angeli Verbum percipiunt, quale est in sensu interno, quoad Affectionem; at Spirituales Angeli quale est in sensu interno quoad Rem; qui percipiunt Verbum in sensu interno quoad Affectionem, nihil attendunt ad voces, quæ sunt Rei, sed formant sibi ideas ex Affectione, & ejus serie, & hoc cum varietate indefinita; ut hic ad verba, "*Si quæso inveni gratiam in oculis tuis, ne quæso transeas desuper servo tuo*," percipiunt statum humiliationis Domini in Humano, sed unice affectionem humiliationis, inde ineffabili modo, varietate & copia, formant sibi ideas cœlestes, quæ vix dici queunt ideæ, sed totidem affectionum & perceptionum luces, quæ in continua serie sequuntur secundum seriem affectionis rerum, quæ in Verbo, quod legitur; inde constare potest, quod perceptio, cogitatio & loquela Angelorum cœlestium, sit ineffabilior & multo opulentior perceptione, cogitatione & loquela Angelorum spiritualium, nam hæc modo determinatur ad rem secundum seriem dictionum; de loquela Angelorum Cœlestium quod talis, videatur in Parte Prima, n: 1647; inde est, quod hæc, "*Si quæso inveni gratiam in oculis tuis*, in sensu cœlesti, significant respectivum status Domini cum perceptionem illam animadvertit: præterea, invenire gratiam in oculis tuis, fuit formula solennis in omni respectivo; ut constare potest ex Labanis respectivo ad Jacobum, "*Dixit ad eum Laban, si quæso inveni gratiam in oculis tuis*," Gen: xxx: 27. Jacobi ad Esavum, "*Dixit Jacobus, ne quæso, si quæso inveni gratiam in oculis tuis*"; & similiter alibi in Verbo.

2158. Ne quæso transeas desuper servo tuo, quod significet quod impense desideraverit, se habet similiter, sicut modo dictum, quod nempe sit respectivum quoque hic, quod ita exprimitur, & simul affectio desiderii, ne illud, quod incepit percipere, transiret.

2159. Quod Servus sit Humanum apud Dominum, antequam Divinum factum, constare potest ex pluribus locis apud Prophetas; causa est, de qua aliquoties prius, quod Humanum apud Dominum non aliud fuerit, antequam illud exuerit, & Divinum fecerit: Humanum apud Ipsum fuit ex Matre, ita infirmum, secum habens inde hæreditarium, quod per tentationum pugnas evicit, & prorsus expulit, usque adeo, ut nihil reliqui de infirmo & hæreditario ex Matre habuerit; imo tandem nec quicquam a Matre; sic ut exuerit prorsus Maternum, ut non amplius filius ejus; quemadmodum etiam Ipse dicit, apud Marcum, "*Dixerunt Jesu, ecce Mater tua, & fratres tui*; "*fores quærunt te*; & respondit illis, dicens, quæ est Mater mea, aut fratres mei; & circumspiciens circumcirca, qui circum Ipsum sedebant, dixit, "*ecce Mater mea, & fratres mei*; quisquis namque fecerit voluntatem Dei, "*hic frater meus, & soror mea, & Mater mea*," III: 32. 33. 34. 35. Matth: XII: 46. 47. 48. 49. Luc: VIII: 20. 21. Cumque exuerit hoc Humanum, induit Humanum Divinum, ex quo appellavit se *Filium hominis*, ut pluries in Verbo Novi Testamenti, tum etiam *Filium Dei*; & per *Filium hominis*

hominis significavit ipsum Verum, & per Filium Dei ipsum Bonum, quod fuit Humanæ Ipsius Essentiæ cum facta Divina; prior status fuit Humiliationis Domini, hic autem Glorificationis Ipsius, de quo prius, n: 1999: in statu priori, nempe Humiliationis, cum adhuc habuit apud se Humanum infirmum, adoravit Jehovaham sicut alium a se, & quidem sicut Servus, nam Humanum non aliud est respective; quare etiam in Verbo de Humano illo prædicatur servus; ut apud Esaiam, “Protegam super Civitatem hanc ad servandum illam propter Me, & propter *Davidem Servum meum*,” xxxvii: 35; ubi de Assyriis, in quorum castris ab Angelo percussi sunt Centum & Octoginta quinque millia; David pro Domino, qui quia venturus, quoad Humanum dicitur servus; quod David in Verbo pro Domino, videatur n: 1888: apud Eundem Prophetam, “Ecce, *Servus Meus*, cui innitar, E-
2y est
 “lectus meus, beneplacet anima mea; dedi spiritum meum super illum; “judicium gentibus proferet,” xlii: 1: ubi manifeste de Domino, de quo servus & electus, cum fuit in humano, prædicatur: apud Eundem, “Quis cæcus, nisi *servus meus*, & surdus sicut Angelus, mittam: quis cæcus “sicut perfectus, & cæcus sicut *Servus Jehovahæ*,” xlii: 19: ubi etiam de Domino, de quo similiter servus & angelus, cum fuit in humano, prædicatur: apud Eundem, “Vos testes mei, dictum Jehovahæ, & *Servus meus*, “quem elegi; propterea ut sciatis & credatis Mihi, & intelligatis, quod Ego “Ipse,” xliii: 10: apud Eundem, “Dixit Jehovah formator meus ab “*utero in Servum sibi*, ad reducendum Jacobum ad Ipsum, & Israel Ipse con-
 “gregetur: & dixit, leve *es*, ut *sis Mihi Servus* ad erigendum tribus Ja-
 “cobi, dedi te in lucem gentium, ad esse salutem meam usque ad extremi-
 “tatem terræ,” xlix: 5. 6; ubi etiam manifeste de Domino, ac de Humano
 Ipsius, antequam factus Lux gentium, & Salus ad extremitatem terræ; apud Eundem, “Quis inter vos timens Jehovahæ, audiens vocem *Servi Ipsius*, “qui ambulat in tenebris, & non splendor ei, confidat in Nomine Jehovahæ, “& innitatur Deo suo,” l: 10: Servus etiam pro Humano apud Domi-
 num, in quo cum fuit & docuit viam veritatis, est vox servi Jehovahæ: apud Eundem, “Vadens coram vobis Jehovah, & colligans vos Deus Israelis, “ecce prudenter aget *Servus meus*, extollarur, & exaltabitur, & evehetur
 “valde,” lii: 12. 13; quod de Domino, cum fuit in Humano, prædice-
 tur servus, constat, nam de illo dicitur, quod extolletur, exaltabitur, & evehetur apud Eundem, “Non forma illi, & non honor, vidimus illum, “sed non aspectus, contemptus, *vir dolorum, notus morbo*; Jehovah voluit
 “conterere illum, *infirmum fecit*: si posuerit reatum animam suam, videbit
 “femen, prolongabit dies, & voluntas Jehovahæ per manum Ipsius prospera-
 “bitur: *ex labore animæ suæ* videbit, saturabitur, per cognitionem suam
 “justificabit iustus *Servus meus* multos; & iniquitates eorum Ipse portavit,”
 l. 111: 2. 3. 10. 11. ubi aperte, sicut in toto hoc Capite, agitur de statu
 humiliationis Domini, quod tunc in infirmo humano, etiam dicitur, nempe
 quod vir dolorum, notus morbo, infirmus, in labore animæ suæ fuerit,
 præter plura, in quo statu prædicatur servus.

2160. Versf:

2160. Vers: 4. *Accipiatur queso parum aquæ, & lavate pedes vestros, & incumbite sub arbore.* Accipiatur queso parum aquæ, significat quod accederent, seque demitterent a Divinis ad intellectualia illius propius: & lavate pedes vestros, significat quod induerent aliquid naturale, ut in statu illo, in quo tunc fuit, melius perciperet: & incumbite sub arbore, significat ad perceptionem sui status, in quo erat; arbor est perceptio.

2161. Quod accipiatur queso parum aquæ, significet quod accederent seque demitterent a Divinis ad intellectualia illius propius, non ita constare potest ex his verbis solum, quod acciperent parum aquæ, sed ex serie rerum quæ in hoc Versu, & earum nexu cum illis quæ antecedunt & sequuntur; ex his, quæ in hoc Versu, nusquam aliquis sciret, quod, *accipiatur queso parum aquæ, & lavate pedes vestros, & incumbite sub arbore*, significarent, quod Divinum se demitteret propius ad perceptionis statum, in quo tunc fuit Dominus, ac indueret aliquid naturale, ut melius perciperet; non enim patet vestigium hujus arcani in vocibus historice intellectis; sed quod usque significant illa in sensu interno, ac ita illa percipiant Angeli, pro certo scio; exinde constare potest, quanta & quam alte arcana in Verbo latent; præterea patere potest a significatione Vocum in sensu interno, nempe ex significatione *Aquæ*, quod sint intellectualia; a significatione *Pedum*, quod sint naturalia; & a significatione *Arboris*, quod sit perceptio; ex quibus intellectis, quid in sensu interno significant, a serie rerum, & earum nexu cum antecedentibus & consequentibus constare potest, nempe quod illa quæ dicta sunt. Quod *Aquæ* significant scientifica & rationalia, proinde intellectualia, in Parte Prima, n: 38. 680, ostensum est, & ex per plurimis aliis locis in Verbo, constare potest, quæ producere, prolixum nimis foret.

2162. Quod lavate pedes vestros, significet quod indueret aliquid naturale, ut in statu illo, in quo tunc fuit, melius perciperet, constare potest a significatione *Pedum*, quod sint naturalia, tum similiter ex serie rerum; quod arcana hic lateant, aliquantum constare potest ex eo, quod Abrahamus precatus tres Viros, ut acciperent parum aquæ, & lavarent pedes, utque initterentur sub arbore, cum tamen novit quod Dominus seu Jehovah esset; etiam ex eo, quod talia aliquin non memorata fuissent. Quod *Pedes* significant Naturalia, constare potest a Repræsentativis in altera vita, & inde repræsentativis apud Antiquissimos, ac ita in Verbo; Cœlestia & Spiritualia repræsentantur per Caput, & per quæ capitis sunt; per Pectus, & quæ pectoris sunt, Rationalia & quæ rationalium sunt; per Pedes, & quæ pedum sunt, Naturalia & quæ naturalium; inde est, quod planta & calcaneum pedis significet infima naturalia, de quibus videatur n: 259; & quod calceus, omnium infima, quæ sordent, de quo n: 1748: similia significantur per illa, quæ repræsentata sunt in somniis & visionibus apud Prophetas; ut Statua visa Nebuchadnezzari, cujus Caput aurum bonum, Pectus & Brachia argentum, Venter & Femora æs, Crura ferrum, *Pedes ex parte ferrum ex parte argilla*; Dan: 11: 32. 33: ubi Caput significat cœlestia, quæ intima, & sunt aurum, ut ostensum n: 113. 1551. 1552; Pectus & Brachia, spiritualia seu rationalia,

nalía, quæ sunt argentum, ut ostensum n: 1551; Pedes autem inferiora quæ sunt naturalia, quorum vera significantur per ferrum, & bona per argillam seu lutum, quod ferrum sit verum, videatur n: 425. 426, & quod lutum sit bonum, n: 1300, utrumque hic naturale; ita quoque sibi succedunt in Regno Domini in cœlis, inque Ecclesia quæ est Regnum Domini in terris, tum in unoquoque qui est regnum Domini. Similiter se habet cum Visione, quæ Danieli, de qua hæc, "Sustuli oculos meos, & vidi, ecce vir " unus indutus linteis, & lumbi illius cincti auro Uphasi, & corpus sicut " Tharschisch, & facies illius sicut aspectus fulguris, ac oculi illius sicut lam- " pades ignis, & brachia & *Pedes illius, sicut splendor æris levigati,*" x: 5. 6: per hæc significantur in specie interiora Verbi quoad bona & vera; Brachia & Pedes sunt ejus exteriora, quæ sunt sensus literæ, quia ibi naturalia, a naturalibus enim desumpta: præterea quid unumquodvis significat, nempe lumbi, corpus, facies, oculi, & plura quæ apud hominem, constare potest a representativis in altera vita, de quibus, ex Divina Domini Misericordia, dicitur, ubi de Maxime Homine, qui est Cœlum Domini, ac de Representativis inde in Mundo spirituum. Quod legitur " de Mose, Aharone, Na- " dab, Abihu, & septuaginta Senioribus, quod viderint Deum Israelis, *sub " cujus Pedibus erat quasi opus lapidis sapphiri,* & quasi substantia Cœli quoad " puritatem," Exod: xxiv: 9. 10. significant quod viderint modo Externa Ecclesiæ, representata in naturalibus; tum etiam sensum literalem Verbi, in quo etiam externa representantur per naturalia, ut dictum, quæ sunt Pedes, sub quibus sicut opus lapidis sapphiri, & quasi substantia cœli; quod Dominus fuerit, qui illis visus, sed solum in illis inferioribus seu naturalibus, constat, nam dicitur Deus Israelis, quem omnia Ecclesiæ representabant, & omnia Verbi in sensu interno significabant; nam Dominus sistitur videndus secundum illa quæ tunc significantur, sicut apud Johannem, sic ut Vir super Equo albo, ibi quod significaverit Verbum, claris verbis dicitur, Apoc: xix: 11. 13. Animalia visâ Ezechieli, quæ fuerunt Cherubi, sunt descripti quoad Cœlestia & spiritualia per facies & alas, ut & plura, at quoad naturalia ita, "*Pedes " eorum, Pes rectus, & planta pedum illorum, quasi planta pedis vituli, & " micantes sicut splendor æris levigati,*" Ezech: 1: 7: quod pedes dicantur micasse instar æris levigati, hoc est, naturalia, est quia æs significat bonum naturale, de quo n: 425. 1551. Similiter quod apparuit Johanni, ut Filius " hominis, cujus oculi essent sicut flamma ignis, & *Pedes similes chalcoboli- " bano,*" Apoc: 1: 14. 15. Cap: 11: 18. Quod Pedes significant Naturalia, porro patet a sequentibus; apud Johannem, "Vidit Angelum fortem de- " scendentem e cœlo, circumdatum nube, & iris circum caput, & facies il- " lius sicut sol, & *Pedes illius sicut columnæ ignis;* habentem in manu sua li- " bellum apertum, & ponentem Pedem suum dextrum super Mare, sinistrum " super Terram," Apoc: x: 1. 2: per quem Angelum similiter significatur Verbum, quale est in interno sensu, per iridem circum caput, & per faciem sicut sol; at sensus externus seu literæ, per Pedes; mare sunt naturalia vera, terra naturalia bona, inde constat quid significat, quod posuerit Pedem dextrum

dextrum super Mare, & sinistrum super terram. Memoratur passim in Verbo *Scabellum pedum*, sed ignoratur quid in sensu interno significat; ut apud Esaiam, “Dixit Jehovah, Cœli Thronus meus, & *Terra Scabellum Pedum meorum*; ubi illa Domus, quam ædificabitis Mihi, & ubi ille locus quietis “meæ,” LXVI: 1: Cœli sunt cœlestia & spiritualia, ita intima, tam Regni Domini in cœlis, quam Regni Domini in terris, seu in Ecclesia, tum apud unumquemvis hominem qui est Regnum Domini seu Ecclesia; ita etiam Cœlestia & Spiritualia in se spectata, quæ sunt amoris & charitatis & inde fidei; ita omnia quæ sunt Cultus interni, similiter omnia quæ sunt sensus interni Verbi, hæc sunt cœli, & vocantur Thronus Domini: Terra autem sunt inferiora omnia illis correspondentia, ut sunt inferiora rationalia, & naturalia, de quibus ex correspondentia etiam cœlestia & spiritualia prædicantur, qualia sunt illa quæ in Cœlis inferioribus, tum quæ in Ecclesia, quæque in cultu externo, tum quæ in sensu literali Verbi, verbo omnia quæ procedunt ab internis, & sistuntur in externis, hæc quia Naturalia, vocantur Terra, & Scabellum Pedum Domini; quid Cœlum & terra in sensu interno, videatur etiam, n: 82. 1733: quid novum Cœlum, & nova terra, n: 2117. 2118 fin: & quod homo sit exiguum cœlum, n: 911. 978. 1900. Similiter apud Jeremiam, “Obnubilat in ira sua Dominus filiam Zionis, projicere fecit e “cœlis in terram decorem Israelis, & non recordatus *Scabelli Pedum suorum* “in die iræ suæ,” Thren: 11: 1. Tum etiam apud Davidem, “Exaltate “Jehovam Deum nostrum, & incurvate vos *Scabello Pedum Ipsius*, sanctus “ille,” Psalm: xcix: 5. alibi apud Eundem, “Intrabimus in habitacula “Ipsius, incurvabimus nos *Scabello Pedum Ipsius*,” Psalm: cxxxii: 7. putarunt in Ecclesia Repræsentativa, ita Judæi, quod Domus Dei & Templum esset Scabellum pedum, nescientes quod per Domum Dei & Templum significatus sit Cultus repræsentativus externus; quid interna Ecclesiæ, quæ significabantur per cœlum, seu Thronum Dei, prorsus ignorabant: apud Eundem, “Dixit Jehovah Domino meo, sede ad dextram meam, usque dum “posuero inimicos tuos *Scabellum Pedibus tuis*,” Psalm: cx: 1. Matth: xxii: 42. Marc: xii: 36. Luc: xx: 42. 43; per scabellum pedum hic similiter significantur naturalia, tam sensuality, quam scientifica, & inde rationalia hominis, quæ inimici dicuntur, quando pervertunt cultum, & hoc ex sensu literalis Verbi, sic ut sit cultus solum in externis, & nullus seu fœdus internus, de quo n: 1094. 1175. 1182; cum ita perversa sunt & fœdata, vocantur inimici; at quia in se spectata se referunt ad cultum internum, qui cum restituitur, sunt, ut prius dictum, tam illa quæ sunt cultus externi, quam quæ sunt sensus literæ Verbi, Scabellum pedum. Apud Esaiam, “Gloria Libani “ad Te veniet; abies, tæda, buxus simul, ad decorandum locum Sanctuarii “mei, & *locum Pedum meorum honorabilem reddam*,” LX: 13; ibi agitur de Regno Domini, & Ecclesiæ, cujus Cœlestia spiritualia sunt gloria Libani seu cedri, cœlestia autem naturalia sunt abies, tæda, buxus, sicut etiam alibi in Verbo, ita quæ externa cultus sunt, de quibus dicitur, quod locum pedum meorum honorabilem reddam, qui non honorabilis fieri potest per abietem,

tædam, buxum, sed per illa quæ significant. Quod Pedes illa significant, constat quoque ex repræsentativis in Ecclesia Judaica, ut per quod *lavarent* Aharon & filii ejus *Manus & Pedes*, antequam intrarent in Tabernaculum," Exod: xxx: 19. 20. Cap: xl: 31. 32; quæ quod repræsentaverint arcana, nullus non videre potest, nam quid Lavatio manuum & pedum, nisi externum quid, quod nihil facit nisi internum sit mundum & purum, nec internum per lavationem illam mundari & purificari potest; sed quia omnes Ritus istius Ecclesiæ significabant interna, quæ sunt cœlestia & spiritualia, ita hic quoque, nempe munditiam Externi cultus, qui tunc mundus est, quando in externo internus est, inde lavacra eorum fuerunt ex ære, ut quoque magnum illud, quod Mare æneum dictum, cum decem labris minoribus ex ære, circa templum Salomonis, 1 Reg: vii: 23. 38; quia æs repræsentabat bonum externi cultus, quod idem est, ac bonum naturale; de qua æris significatione videatur n: 425. 1551. Similiter repræsentativum fuit, quod vir, in quo esset *fractura Pedis*, aut *fractura manus*, e femine Aharonis, non accederet ad offerendum ignita Jehovah," Lev: xxi: 19. 21; per fractos pedibus & manibus, repræsentabantur illi, qui in cultu perverso externo sunt. Quod Pedes significant Naturalia, patet etiam alibi passim apud Prophetas, ut prophetica hæc apud Mosen, "Benedictus præ filiis Ascher, sit acceptus fratrum suorum, & intingens in oleum *Pedem suum*, ferrum & æs *calcei tui*," Deut: xxxiii: 24. 25; hæc nulli intellecta erunt, nisi sciatur quid in sensu interno significant Oleum, Pes, Ferrum, Æs, Calceus, quod Pes sit naturale, Calceus adhuc inferius naturale, quale est sensuale corporeum, videatur n: 1748; & quod Oleum sit cœlestis, n: 886; Ferrum verum naturale, n: 425. 426; & Æs bonum naturale, n: 425. 1551, inde patet, quid involvunt. Apud Nahum, "Jehovæ in procella & tempestate via, & *nubes pulvis Pedum Ipsius*," i: 3. ubi pulvis pedum significat naturalia & corporea, quæ apud hominem, ex quibus nubes: idem etiam apud Davidem significatur per hæc "Jehovah inclinavit cœlos, atque descendit, & *caligo sub Pedibus Ipsius*," Psalm: xviii: 10. Quando bona & vera fidei, per naturale lumen, ut vocant, pervertuntur, in Verbo describitur per Pedes & Ungulas bestiarum, quibus turbantur aquæ, & quibus cibi proculcantur, ut apud Ezechielem, "Prodiisti in flumina, & *turbasti aquas Pedibus tuis*, & proculcavit flumina earum; perdam omnem bestiam ejus desuper aquis multis, & non *centurbabit eas*" "Pes homines amplius, nec *ungula bestiarum*," xxxii: 2. 13. agitur hic de Ægypto, per quam quod significata sint scientiæ, ostensum est, n: 1164. 1165. 1462; ita per pedes & ungulas, quibus turbantur flumina & aquæ, scientificæ ex sensibilibus & ex naturalibus, ex quibus ratiocinantur de arcanis fidei, nec prius, quam per illa capiuntur, credunt, quod est nusquam credere, nam quo magis ratiocinantur tales, eo minus credunt; videantur quæ n: 128. 129. 130. 215. 232. 233. 1072. 1385. Ex his omnibus nunc patet, quod per Pedes in Verbo, significantur naturalia; sed quid significatur amplius, ex serie rerum patet.

2163. In-

CAPUT DECIMUM OCTAVUM. 21

2163. Incumbite sub arbore, quod significet ad perceptionem sui status, in quo fuit, constat ex significatione Arboris, quod sit perceptio, de qua n: 103; ipse sensus inde ex serie rerum, quod sit ille. Quod Arbores significaverint Perceptiones, inde fuit, quia cœlestis homo comparatus & assimilatus fuit Paradiso seu Horto in Edene, inde Perceptiones Cœlestium apud eum Arboribus ibi.

2164. Verſ: 5. *Ei accipiam frustum panis, & fulcite cor vestrum; postea tranſeatis; nam quamobrem tranſiſtiſtis ad ſervum veſtrum; & dixerunt, ita facias quemadmodum loquutus es.* Accipiam frustum panis, significat aliquid cœleste adjunctum: fulcite cor vestrum, significat quantum convenit: postea tranſeatis, significat cum abſolverit percipere, quod sic contentus eſſet: nam quamobrem tranſiſtiſtis ad ſervum veſtrum, significat quod ideo venerint: & dixerunt, ita facias quemadmodum loquutus es, significat quod ita fieret.

2165. Accipiam frustum panis, quod significet aliquid cœleste adjunctum, constat a significatione Panis, quod sit cœleste, de qua prius, n: 276. 680. 681. 1798; quod Panis significet Cœleste, est quia Panis significat in genere omnem Cibum, ita in sensu interno omnem Cibum cœlestem; Cibum cœlestis quid sit, in Parte Prima n: 56. 57. 58. 680. 681. 1480. 1695, dictum est: quod Panis significet in genere omnem Cibum, ex his locis Verbi consistare potest; de Josepho legitur, "quod dixerit ad illum, qui super domum suam, quod deduceret viros, hoc est, fratres suos, domum, & mactaret mactanda, & præpararet; & postea, cum præparata erant, & comederent, dixit, *ponite Panem*," Gen: XLIII: 16. 30, quod erat, ut præpararent mensam, ita panis pro omnibus cibis: de Jethro legitur, quod "Veniret Aharon & omnes seniores Israel ad comedendum Panem cum socero Moſis, coram Deo," Exod: XVIII: 12, ibi etiam Panis pro omnibus cibis: de Manocho in Libro Judicum, "Dixit Manoachus ad Angelum Jehovæ, detineamus quæſo te, & faciamus coram te hædum caprarum; & dixit Angelus Jehovæ ad Manoachum, si detinueris me, non comedam Panem tuum," xiii: 15. 16, ibi Panis pro hædo caprarum. "Cum Jonathan comedit de favo mellis, dixerunt ei, quod Schaul adjuraverit populum, dicendo, maledictus vir, qui comederit Panem hodie," 1 Sam: XIV: 27. 28, ubi Panis pro omni cibo: alibi de Schaule, "Cum Schaul affedit ad comedendum Panem, dixit ad Jonathan, quare non venit filius Jisſachai, etiam heri, etiam hodie, ad Panem," 1 Sam: XX: 24. 27, pro ad mensam, ubi omnis generis cibi: de Davide, qui dixit ad Mephiboschem filium Jonathanis, "Tu comes Panem super mensa mea jugiter," 2 Sam: IX: 7. 10: similiter de Evilmerodocho, qui dixit, quod Jehojachin Rex Jehudæ comederet Panem jugiter coram illo, omnibus diebus vitæ suæ, 2 Reg: XXV: 29. De Salomone ita, "Erat Panis Schelomonis in diem quemvis, 30 cori similaginis, & 60 cori farinæ, 10 boves faginati, & 20 boves pascui, & 100 pecudes, præter cervum & capream & damam, & gallos faginosos," 1 Reg: V: 2. 3, ubi manifeste Panis pro omnibus illis; nunc quia Panis significat in genere omnes cibos, inde significat in sensu

sensu interno omnia illa, quæ Cibi Cœlestes vocantur; quod adhuc melius constare potest ab Holocaustis & Sacrificiis, quæ fiebant ex agnis, (bovibus, capris, hædis, hircis, juvencis, bovis, quæ una voce vocabantur *Panis Igniti Jehovæ*, ut ab his locis manifeste constat, apud Moſen, ubi agitur de variis Sacrificiis, de quibus dicit, "quod illa adoleret Sacerdos super altari, *Panis Igniti Jehovæ*, in odorem quietis," Levit: III: 11. 16; omnia illa sacrificia & holocausta ita vocabantur: apud Eundem, "Filii Aharonis sancta erunt Deo suo, neque prophanabunt Nomen Dei sui, quia *Ignita Jehovæ, Panem Dei sui*, illi offerentes. Sanctificabis illum, quia *Panem Dei tui* ille offerens. Vir de semine Aharonis, in quo fuerit macula, non accedet ad offerendum *Panem Dei sui*," Levit: XXI: 6. 8. 17. 21; ubi etiam Sacrificia & Holocausta sunt Panis; ut quoque Lev: XXII: 25. Alibi "Præcipe filiis Israelis, & dicas ad eos, oblationem meam, *Panem meum*, in ignita odoris quietis, observabitis, ut offeratis Mihi in stato tempore suo," Num: XXVIII: 2. ibi etiam Panis pro Sacrificiis omnibus, quæ ibi recensentur: apud Malachiam, "Offerentes super Altari meo *Panem pollutum*," 1: 7, ubi etiam de Sacrificiis: Sanctificata ex Sacrificiis, quæ comedebant, etiam Panis dicebantur, ut constat ab his apud Moſen, "Qui tetigerit immundum, non comedit de sanctificatis, quin imo lavabit carnem suam in aqua, & occideret sol, mundus erit, & postea comedit de sanctificatis, *quia Panis ejus hoc*," Levit: XXII: 6. 7. Holocausta & Sacrificia in Ecclesia Judaica, nihil aliud repræsentabant, quam Cœlestia, quæ Regni Domini in cœlis, & Regni Domini in terris seu in Ecclesia, tum quæ Regni Domini seu Ecclesiæ apud unumquemvis, in genere omnia illa quæ sunt amoris & charitatis, nam hæc sunt cœlestia; ac unumquodvis genus sacrificii aliquid peculiare; hæc omnia vocabantur tunc temporis PANIS: cum itaque Sacrificia abolebantur, & loco illorum pro Externo Cultu succederent alia, mandatum est, ut Panis & Vinum adhiberentur; quid itaque Panis significat, inde nunc constat, nempe omnia illa quæ repræsentabant Sacrificia, ita in sensu interno Ipsum Dominum, & quia Ipsum Dominum, significat ipsum amorem erga universum genus humanum, & quæ amoris sunt; ut & reciprocum hominis in Dominum, & erga proximum; ita significat omnia Cœlestia, & sic Vinum omnia spiritualia; quod etiam clarijs verbis Dominus docet apud Johannem, "Dixerunt, Patres nostri Man comederunt in deserto, sicut scriptum, *Panem e cælo* dedit illis ad edendum; dixit illis Jesus, amen amen dico vobis, non Moſes dedit vobis *Panem e cælo*, sed Pater meus *dat vobis Panem e cælo* verum, *Panis namque dedit, qui descendit e cælo*, & vitam dat mundo: dixerunt Ipsi, Domine, semper da nobis *Panem* hunc; dixit illis Jesus, *Ego sum Panis vitæ*, qui venit ad Me, non esuriat, & qui credit in Me, non sitiet unquam," VI: 31 ad 35: & apud Eundem, "Amen dico vobis, qui credit in Me, habet vitam æternam, *Ego sum Panis vitæ*, patres vestri comederunt Man in deserto, & mortui sunt; *hic est Panis* qui e cælo descendit, ut quis ex eo comedat, non morietur: *Ego sum Panis vivens*, qui e cælo descendit," 4

“ si quis comederit ex hoc Pane, vivet in æternum,” vi: 47 ad 51. Quia Panis nunc est Dominus, est Cœlestium quæ sunt amoris, & sunt Domini, Dominus enim est ipsum Cœleste, quia est ipse Amor, hoc est, ipsa Misericordia: & quia ita, est etiam Panis omne cœleste, hoc est, omnis amor & charitas apud hominem, sunt enim a Domino; quare qui non in amore & charitate sunt, non habent Dominum apud se, ita non donantur bonis & felicibus, quæ per Panem in sensu interno significantur: Externum hoc symbolicum mandatum est, quia maxima pars generis humani in externo cultu sunt, ideo absque Externo aliquo, vix sanctum aliquid apud eos foret; quare cum in Amore in Dominum vivunt, & in charitate erga proximum, usque internum apud se habent, tamen non sciunt, quod hoc ipsissimum internum cultus sit; ita in Externo suo cultu confirmantur in bonis, quæ per Panem significantur. Apud Prophetas quoque per Panem significantur cœlestia, quæ sunt amoris, ut apud Esai: Cap: iii: 1. 7. Cap: xxx: 23. Cap: xxxiii: 15. 16. Cap: lv: 2. Cap: lviii: 7. 8. Thren: v: 9. Ezech: iv: 16. 17. Cap: v: 16. Cap: xiv: 13. Amos Cap: iv: 6. Cap: viii: 11. Psalm: cv: 16. similiter per Panes facierum super Mensam, de quibus Levit: xxiv: 5 ad 9. Exod: xxv: 30. Cap: xl: 23. Num: iv: 7. i Reg: vii: 48.

2166. Fulcite cor vestrum, quod significet quantum convenit, non ita constare potest a proxima significatione verborum in sensu interno, sed usque ex serie rerum; agitur enim de perceptione Divina, ut hæc propius accederet ad perceptionem humani, quod tunc apud Dominum, utque se demitteret ad intellectalia Ipsius, per id quod indueret aliquid naturale, tum aliquid cœleste ei adjunctum, quantum convenit, quod est fulcire cor; in sensu proximo, fulcire cor per panem, est recreari, ita frui tantillo cœlesti, quantum convenit.

2167. Postea transitis, quod significet cum absolverit percipere, quod sic contentus esset, ex serie similiter constat.

2168. Nam quamobrem transistis ad servum vestrum, quod significet quod ideò venerint, etiam absque explicatione constat.

2169. Quod dixerunt, ita facias, quemadmodum loquutus es, significet quod ita fieret, pariter nec opus habet explicatione.

2170. Vers: 6. *Et festinavit Abraham versus tentorium ad Sarah, & dixit, festina tria sata farinæ similaginis, pince, & fac placentas.* Festinavit Abraham versus tentorium, significat rationale bonum Domini conjunctum vero Ipsius; Abraham est hic Dominus in illo statu quoad bonum; Sarah quoad verum; tentorium quoad sanctum amoris: & dixit, significat perceptionis statum tunc respective: festina tria sata farinæ similaginis, pinse, & fac placentas, significat cœleste amoris Ipsius in illo statu: tria sunt sancta; farina similaginis, est spirituale & cœleste Rationalis, quod tunc apud Dominum; placentas similiter cum utrumque conjunctum.

2171. Festinavit Abraham versus tentorium ad Sarah, quod significet rationale bonum Domini conjunctum vero Ipsius, constat ex representatione Abrahami,

Abrahami, tum Saræ, & a significatione tentorii, de qua mox. Sicut omnia & singula se habent ad rem, de qua agitur in sensu interno, ita hæc, nempe ad Perceptionem Divinam, in quam venit Dominus, cum esset in perceptione humani; sed qui ignorant, quid Perceptio, nec scire possunt, quomodo se cum Perceptione habet, minus quod detur perceptio interior magis & magis, nempe perceptio naturalis, tum perceptio rationalis, demum perceptio interna, quæ Divina & sola fuit Domino; qui in Perceptione sunt, ut Angeli, sciunt quamoptime in qua sunt, num in naturali, vel in rationali, vel in interiore adhuc, quæ illis est Divina; quid non Dominus, cui fuit perceptio ab Ipso Supremo & Infinito Divino, de qua n: 1616, ad f: 1791, in qua nusquam aliqui Angeli, nam in illos influit perceptio a Supremo aut Infinito Divino Domini per Humanam Ipsius Essentiam. Quod describatur Perceptio Domini, causa est, quia cum fuit in Humano, ita notum Ipse factum, quomodo in Ipso uniretur Divinum Ipsum, Humanum divinum, & sanctum procedens, dein quomodo Rationale Ipsius fieret Divinum, demum quale sit genus humanum, quod per Ipsum, hoc est, per unionem Humanæ Essentiæ cum Divina in Ipso, salvaretur, de quibus in hoc Capite agitur; propter hæc describitur primum Perceptio Domini, tum etiam propter ipsam unionem, quæ fieret.

2172. Quod Abraham sit hic Dominus in illo statu quoad bonum, constat ex representatione Abrahami; Abraham repræsentat Dominum in humano, quando loquitur cum Jehovah, ut hic, sicut etiam prius n: 1989, ubi repræsentabat Dominum in illo statu & in illa ætate, quia tunc etiam cum Jehovah loquutus; alioquin repræsentat Abraham Divinum Bonum Domini, & Sarah Divinum Verum, inde nunc rationale bonum.

2173. Quod Sarah sit hic Dominus quoad verum, constat ex representatione Saræ, quod sit verum intellectuale adjunctum bono, hic quod sit verum rationale, ex eadem causa, ut modo de Abrahamo dictum; quod Sarah repræsentat verum, videatur prius n: 1468. 1901. 2063. 2065: Bonum & Verum in historicis Verbi, non aliter possunt quam repræsentari per Conjugium; se enim ita habent, est enim Divinum Conjugium inter cœlestia & spiritualia; seu quod idem, inter illa quæ sunt amoris & quæ sunt fidei; seu quod adhuc idem, inter illa quæ sunt voluntatis & intellectus; illa sunt Boni, hæc sunt veri: tale Conjugium est in Regno Domini in Cœlis, tale etiam in Regno Domini in terris seu in Ecclesia, tale in unoquoque homine, in singulis ejus, imo in omnium singularissimis; quæ non in tali Conjugio sunt, non vivunt; imo tale Conjugium inde est in universa natura, inque singulis ejus, sed sub alia forma & specie, alioquin nihil usquam ibi subsisteret: quia tale conjugium est in singulis, apud Prophetas unaquævis res duplici modo exprimitur, imprimis apud Esaiam, & una expressio se refert ad cœleste seu bonum, altera ad spirituale seu verum, de quo n: 683. 793. 801: quod sit instar conjugii in singulis, videatur n: 718. 747. 917. 1432; inde est, quod per Abrahamum repræsentetur bonum Domini, & per Sarah verum.

2174.

2174. Quod tentorium sit quoad sanctum amoris, constat ex significatione tentorii, quod sit sanctum, de qua prius n: 414. 1102. 1506. 2145.

2175. Et dixit, quod significet perceptionis statum tunc respective, constat ex significatione Dicere in sensu historico, quod sit percipere, de qua prius n: 1898. 1919. 2080.

2176. Festina tria fata farinæ similaginis, pinse, & fac placentas, quod significet cœleste amoris Ipsius in illo statu, constat ex significatione farinæ, similaginis & placentæ, de quibus in mox sequentibus; quod hæc involvantur, nusquam aliquis, qui in sensu literali seu vocom, minus qui in historicis per illas descriptis, animum tenet, credere potest, nam cogitat non solum de paratu hoc, sed etiam de Viris qui ad Abrahamum venerunt, non autem de eo, quod arcaniora involvant; quæ causa est, quod minus credere possit, quod in singulis Verbi historicis recondita sint arcana, æque ac in Propheticiis; historica enim maxime ad se mentem attrahunt, & interiora obfupcunt; sed usque quod arcana illis insint etiam penitus abscondita, ex eo solo constare potest, quod Verbum Domini sit, scriptum non solum pro homine, sed etiam simul pro cœlo, & quidem ita, ut cum homo illud legit, Angeli tunc habeant inde cœlestes ideas, ut sic per Verbum conjunctum sit Cœlum cum humano genere. Quid per farinam, similaginem, & placentas, intelligatur in sensu interno, hunc sequitur.

2177. Quod farina similaginis sit spirituale & cœleste quod tunc apud Dominum, & quod placentæ similiter cum utrumque conjunctum, constat manifeste ex sacrificiis Ecclesiæ Repræsentativæ, & ex Mincha, quæ tunc adhibebatur, quæ constabat ex similagine mixta oleo, & facta in placentas; primum cultus repræsentativi consistebat in holocaustis & sacrificiis, quæ quid repræsentaverunt, dictum est supra, ubi de Pane, n: 2165, nempe quod Cœlestia, quæ sunt Regni Domini in cœlis, & Regni Domini in terris seu in Ecclesia, tum quæ Regni Domini seu Ecclesiæ apud unumquemvis, in genere omnia illa quæ sunt amoris & charitatis, quia hæc sunt cœlestia, quæ omnia tunc temporis vocabantur Panis; his Sacrificiis adjungebatur etiam Mincha, quæ, ut dictum, constabat ex similagine; mixta oleo, cui quoque thus adiciebatur, tum quoque libamen ex vino; quid hæc repræsentabant, etiam constare potest, nempe quod similia, ac sacrificia, sed in minori gradu, ita quæ sunt Ecclesiæ Spiritualis, tum quæ sunt Ecclesiæ Externæ; unicusque constare potest, quod talia nusquam mandata fuissent, nisi repræsentarent Divina, tum quod unumquodvis aliquid peculiare; nam nisi repræsentavissent Divina, non aliud fuissent, quam similia, quæ apud Gentiles, apud quos quoque sacrificia, minchæ, libamina, thura, tum quoque ignes perpetui, & plura, quæ ad illos derivata fuerunt ab Ecclesia Antiqua, imprimis ab Hebræa; a quibus, quia separabantur interna, hoc est Divina, quæ repræsentabantur, nihil aliud fuerunt, quam idololatrica; sicut etiam apud Judæos facta sunt, quare etiam in omnia idololatriæ genera lapsi sunt: inde manifestum cuius esse potest, quod arcana cœlestia unicuique ritui, imprimis Sacrificiis, & singulis eorum, inessent. Quod Mincham attinet,

Nº III.

D

descri-

describitur illa qualis esset, & quomodo præpararetur in placentas, in toto Capite apud Moſen, Levit : 11, ut & Num : xv, ac alibi ; Lex Minchæ his verbis describitur in Levitico, “ Ignis jugiter accensus erit super altari, non “ exstinguetur : & hæc *lex Minchæ* ; afferre illam filios Aharonis coram “ Jehovah ad facies altaris, & tollet ab illa pugillo suo *de similagine Minchæ* ; “ & de oleo ejus, & omne thus quod super *mincha*, & adolebit super altari ; “ odor quietis, in memoriale Jehovah ; & residuum de illa comedent Aharon “ & filii ejus ; azyma comedentur in loco sancto ; in atrio tentorii conventus “ comedent eam ; non coquetur fermentata ; partem illorum dedi eam de “ ignitis meis, sanctum sanctorum illa,” vi : 6. 7. 8. 9. 10. Ignis, qui jugiter accensus erit super altari representabat Amorem, hoc est, Misericordiam Domini, perpetuam & æternam, quod ignis significet amorem in Verbo, videatur n : 934, inde Ignita in odorem quietis significant Domini beneplacitum in illis quæ sunt amoris & charitatis, quod odor sit beneplacitum, hoc est, gratum, videatur n : 925. 1519 : quod acciperent pugillo, representabat quod omnibus viribus, seu omni anima, amarent, manus enim seu vola significat potentiam, ut ostensum n : 878, inde etiam pugillus ; Similago cum oleo & thure, representaverunt omnia charitatis, similago spirituale ejus, oleum autem cœleste, thus quod ita gratum ; quod similago spirituale, ex his & sequentibus patet ; quod oleum cœleste seu bonum charitatis, videatur n : 886, quodque thus ab odore gratum & acceptum, n : 925 ; quod azymum seu non fermentatum esset, significat quod sincerum, ita ex corde sincero, & absque immundis ; quod residuum comedent Aharon & filii ejus, representabat reciprocum hominis, & ad appropriationem, ita conjunctionem per amorem & charitatem, quare mandatum ut comederent illud in loco sancto ; inde appellatur sanctum sanctorum ; hæc fuerunt quæ representata sunt per mincham, ac ipsa representativa ita percepta fuerunt in cælo ; cumque homo Ecclesiæ ita capiebat illa, tunc fuit in idea simili perceptioni angelorum, ita in ipso Regno Domini in cœlis, tametsi erat in terra. De Mincha porro agitur, qualis esse debuit circa unumquodvis genus sacrificii, tum quomodo in placentas coqueretur, ut & qualis offerretur ab illis qui mundabantur, etiam in aliis occasionibus, quæ omnia adducere & explicare, nimis prolixum foret, videantur quæ de illa, Exod : xxix : 39. 40. 41. Levit : v : 11. 12. 13. Cap : vi : 9. 10. 12. 13. 14. Cap : x : 12. 13. Cap : xxiii : 10. 11. 12. 13. 16. 17. Numer : v : 15 seq : Cap : vi : 15. 16. 17. 19. 20. Cap : vii, passim. Cap : xxviii : 5. 7. 9. 12. 13. 20. 21. 28. 29. Cap : xxix : 3. 4. 9. 10. 14. 15. 18. 21. 24. 27. 30. 33. 37. Similago facta in placentas in genere idem representabat ac panis, nempe cœleste amoris, & farina ejus spirituale, ut a locis supra citatis constare potest : Panes, qui dicebantur Panis facierum aut Panis propositionis, fiebant ex similagine, quæ præparabatur in placentas, & ponebantur super mensa, in representationem jugem Amoris, hoc est, Misericordiæ Domini erga universum genus humanum, & reciprocum hominis, de quibus ita apud Moſen, “ Sumes Si- “ milaginem, & coques illam duodecim Placentas ; duarum decimarum erit “ Placenta

“ *Placenta una*; & pones eas in duos ordines, fenos ordine, super mensa munda, coram Jehovah; & dabis super ordinem Thus purum; & erit ad “ *Panes* in memoriale, ignitum Jehovah: in die sabbathi unoquoque ordinabit cum coram Jehovah jugiter, a cum filiis Israelis feedere aternitatis, & “ erit Aharoni & filiis ejus, & comedent eum in loco sancto, quia sanctitas “ sanctitatum illi, de ignitis Jehovah, statuto aternitatis,” Lev: xxiv: 5. 6. 7. 8. 9. singula & singularissima representabant sanctum amoris & charitatis, & similago idem ac farina similaginis, nempe coeleste & ejus spirituale, ac placenta utrumque conjunctum. Inde constat, qualis sanctitas Verbi est illis, qui in Coelestibus ideis sunt; imo qualis sanctitas ipsi huic ritui representativo inerat; inde est, quod dicatur sanctitas sanctitatum; ac vicissim, qualis nulla sanctitas illis, qui putant nihil coeleste illis inesse, ac in externis solum manent, ut qui hic farinam percipiunt ut mere farinam, similaginem ut similaginem, & placentam ut placentam, ac quod dicta ea fuissent, absque quod singula aliquid Divini involverent; ii similiter faciunt, ac qui putant Panem & Vinum Sacrae Coenae non esse nisi quendam ritum, in quo non sanctum intus, cum tamen tale sanctum est, ut mentes humanae per Illam conjungantur mentibus coelestibus, cum cogitant ex affectione interna, quod illa significant amorem Domini, & reciprocum hominis, & ex interiori sic in sanctitate sunt. Simile involvebat, quod filii Israelis, cum venient in terram, de primitiis massarum, darent *Placentam*, sublationem Jehovah, Num: xv: 20. quod talia significantur, constare etiam potest apud Prophetas, e quibus pro tempore solum licet adducere, quod apud Ezechielem, “ Ornata “ es aura & argento, & vestis tua byssus & sericum, & acupictum; *similaginem*, mel, & oleum comedisti, & pulchra facta es in valde valde, & pro “ sperata es ad regnum,” xvi: 13, ubi agitur de Hierosolyma, per quam significatur Ecclesia, quae tali ornatu fuit in suo primo tempore, nempe Ecclesia Antiqua, quae describitur per vestes, & plures ornatus; tum ejus affectiones veri & boni, per similaginem, mel & oleum; unicusque constare potest, quod omnia illa significant in sensu interno prorsus alia, quam in sensu literae; ita etiam haec, quod Abrahamus dixerit ad Sarah, festina tria fata farinae similaginis, pinse, & fac placentas; quod Tria significant sancta, prius n: 720. 901, ostensum est.

2178. Vers: 7. *Et ad armentum cucurrit Abraham, & accepit filium bovis tenerum & bonum, & dedit ad puerum, & festinavit ad faciendum illum.* Ad armentum cucurrit Abraham, significat bonum naturale: & accepit filium bovis tenerum & bonum, significat coeleste naturale quod conforme, quod Rationale sibi addixit, ut perceptioni ex Divino sibi conjungeret: & dedit ad puerum, & festinavit ad faciendum illum, significat conjunctionem hujus boni cum bono rationali; puer est hic homo naturalis.

2179. Ad armentum cucurrit Abraham, quod significet bonum naturale, constat a significatione boum & juvencorum, qui sunt armenti, de qua mox: quod Bestiae, quae fuerunt armenti, & quae fuerunt gregis, significant talia quae sunt apud hominem, constare potest ab illis, quae in Parte Prima, n: 45.

46. 142. 143. 246. 714. 715. 719. 776, ostensa sunt, & præterea videantur, quæ de bestiis in sacrificiis, n: 1823, dicta. Quisque mirari potest, quod Animalia nominata in Verbo, tum oblata in Sacrificiis significaverint bona & vera, seu quod idem cœlestia & spiritualia, sed paucis licet dicere, unde est: Repræsentativa sistuntur in Mundo spirituum varia; & ibi coram oculis Spirituum multoties etiam animalia, sicut equi varie phalerati, boves, oves, agni, & diversi generis alia, quandoque quæ nusquam visa in tellure, sed sunt modo repræsentativa; talia quoque visa sunt Prophetis, de quibus in Verbo, quæ etiam fuerunt inde; animalia, quæ ibi apparent, sunt repræsentativa affectionum boni & veri, tum etiam mali & falsi; Spiritus boni quam optime sciunt quid significant, tum etiam colligunt inde, quid inter se loquuntur Angeli, nam sermo Angelorum, cum delabitur in mundum spirituum, aliquoties ita sistitur; ut pro exemplis, cum apparent Equi, sciunt quod sermo Angelis sit de intellectualibus; cum Boves ac Juvenci, quod de bonis naturalibus; cum Oves quod de bonis rationalibus ac de probitate; cum Agni, quod de bonis adhuc interioribus ac de innocentia, & sic porro: Antiquissime Ecclesiæ homo, quia communicabat cum Spiritibus & Angelis, ac Visiones, tum Somnia jugiter habuit, qualia Propheta, inde ut primum viderunt aliquam Bestiam, obvenit illis idea, quid significaret; ex illis orta sunt primum Repræsentativa & Significativa; post illorum tempora manserunt illa diu; & tandem venerata ex Antiquitate ita, ut per mera repræsentativa scriberent, & qui libri non ita scripti nullius æstimationis essent, imo, qui intra Ecclesiam, nullius sanctitatis; inde, ut & ex arcanis aliis causis, de quibus, ex Divina Domini Misericordia, alibi, etiam Libri Verbi ita scripti sunt.

2180. Quod accepit filium bovis tenerum & bonum, significet cœleste naturale quod Rationale sibi adscivit, ut Perceptioni ex Divino se conjungeret, constat ex significatione Juvenci seu filii bovis in Verbo, quod sit bonum naturale; & quia agitur de Rationali Domini, dicitur tener ex Cœlesti spirituali seu boni vero, ac bonus ex ipso cœlesti seu ipso bono; in Rationali genuino est affectio veri, & est affectio boni, sed primum ejus est affectio veri, ut prius n: 2072 ostensum, inde tenerum præmittitur; at usque utrumque dicitur, ut solitum est in Verbo, propter conjugium veri & boni, de quo supra n: 2173. Quod Juvencus seu filius bovis significet cœleste naturale, seu quod idem est, bonum naturale, imprimis constare potest a Sacrificiis, quæ præcipua repræsentativa cultus Ecclesiæ Hebrææ, & postea Judaicæ, fuerunt; Sacrificia illorum fiebant vel ex Armento, vel ex Grege, ita ex varii generis animalibus, quæ munda fuerunt, ut ex bovis, juvenis, hircis, ovibus, arietibus, capris, hædis, & agnis, præter a turturibus & pulis columbarum: omnia illa significabant interna cultus, hoc est, cœlestia & spiritualia, n: 2165. 2177, & quidem illa, quæ de Armento, Cœlestia naturalia, & quæ de Grege Cœlestia rationalia; illa & hæc, nempe naturalia & rationalia, quia interiora magis & magis sunt ac varia, ideo tot genera ac tot species illorum Animalium in sacrificiis adhibebantur; quod etiam inde constare

constare potest, quod præscriptum, ut in Holocaustis, tum in Sacrificiis diversi generis, ut in quotidianis, sabbathorum & festorum, in voluntariis, eucharisticis & votivis, expiatoriis reatus & peccati, tum in purificatoriis & mundatoriis, ut & in inauguratoriis, quænam animalia offerrentur, & quod expresse nominata sint, tum quot illorum, in unoquoque genere sacrificii; quod nusquam factum, nisi unumquodvis aliquid peculiare significavisset, ut manifeste patet ab illis locis, ubi de Sacrificiis agitur, ut Exod: xxix. Levit: i. Cap: iiii. Cap: iv. Cap: ix. Cap: xvi. Cap: xxiii. Num: vii. Cap: viii. Cap: xv. Cap: xxix: quid autem unumquodvis significavit, non hujus loci est exponere; similiter se habet apud Prophetas, ubi nominantur; ex illis constare potest, quod juveni significaverint cælestia naturalia: quod non alia quam Cælestia significata sint, constare potest etiam ex Cherubis visis Ezechieli, & ex Animalibus coram throno visis Johanni; de Cherubis ita Propheta, "Similitudo facierum illorum, facies Hominis, & facies "Leonis, ad dextram quatuor illis, & facies Bovis ad sinistram quatuor illis, ac facies Aquilæ quatuor illis," Ezech: i: 10: de quatuor Animalibus coram Throno, ita Johannes, "Circa Thronum quatuor Animalia, primum "Animal simile Leoni, alterum Animal simile Juvenco, tertium Animal habens faciem sicut Homo, quartum Animal simile Aquilæ volanti; dicentia, "Sanctus, Sanctus, Sanctus Dominus Deus, Omnipotens, qui erat, & qui "est, & qui venturus," Apoc: iv: 7. 8. quod per Cherubos, & per Animalia illa, repræsentata sint sancta, unusquisque videre potest, ita quoque per boves & juvencos ibi: similiter quæ in prophetia Moïse de Josepho, de quo ita "Veniat Capiti Josephi, & vertici Naziræi fratrum illius: primogenito "Bovis ejus, honos illi, & cornua monocerotis cornu ejus, his populos feriet una, ad fines terræ," Deut: xxxiii: 16. 17. hæc nulli intelligibilia forent, nisi sciatur quid in sensu interno significat Bos, Monoceros, cornua, & plura. Quod in genere Sacrificia attinet, fuerunt quidem mandata per Moïsem populo Israelitico; sed Antiquissima Ecclesia, quæ ante diluvium, nusquam aliquid novit de Sacrificiis, nec in mentem eorum usquam venit, ut permacætiones Animalium colerent Dominum; Antiqua Ecclesia, quæ post diluvium, etiam ignoravit, hæc quidem in Repræsentativis fuit, sed non in sacrificiis, verum primum instituta sunt in Ecclesia sequente, quæ Hebræa dicta, ac inde emanavit ad gentes; inde etiam ad Abrahamum, Isaacum, & Jacobum, & sic ad hujus posteros; quod gentes in cultu sacrificiorum fuerint ostensum est n: 1343, & quod Jacobi posterius, antequam egressi Ægypto, ita antequam Sacrificia per Moïsem super monte Sinai mandata, constare potest ex Exod: v: 3. Cap: x: 25. 27. Cap: xviii: 12. Cap: xxiv: 4. 5; imprimis ex Idololatrico illorum coram Vitulo aureo, de quo ita apud Moïsem, "Aharon ædificavit Altare coram Vitulo, & proclamavit Aharon, " & dixit, festum Jehovahæ cras; & surrexerunt mane a crastino, & obtulerunt Holocausta, & adduxerunt Pacifica; & sedit populus ad edendum & bibendum, & surrexerunt ad ludendum," Exod: xxxii: 5. 6, & hoc factum, cum Moïses fuit super monte Sinai, ac ita antequam mandatum ad eos

eos pervenit de Altari & Sacrificiis; quod mandatum idcirco venit, quia cultus sacrificiorum apud eos, sicut apud Gentiles, in idololatricum versus erat, a quo cultu non removeri potuerunt, quia principale sanctum in illo posuerunt, & quod ut sanctum semel implantatum est ab infantia, magis a patribus, & sic irradicatum, hoc, nisi sit contra ipsum ordinem, Dominus nusquam frangit sed flectit; illa causa fuit, quod præscriptum fuerit, ut ita instituerentur, sicut in Libris Moïsis legitur; quod Sacrificia nusquam accepta fuerint Jehovah, ita quod modo permixta & tolerata ob causam, de qua dictum, patet manifeste apud Prophetas; de illis ita apud Jeremiam, "Dixit Jehovah Zebaoth, Deus Israelis, Holocausta vestra addite supra Sacrificia vestra, & comedite carnem; non loquutus sum cum Patribus vestris, & non præcepi eis in die, quo eduxi eos e terra Egypti, super verbis Holocausti & Sacrificii; sed verbum hoc præcepi iis, dicendo, obedite voci meæ, & ero vobis in Deum," viii: 21. 22. 23. apud Davidem, "Jehovah, Sacrificium & munus non voluisti, Holocaustum & Sacrificia peccati non petisti, facere voluntatem tuam, Deus mi, desideravi," Psalm: xl: 7. 9. apud Eundem, "Non delectaris Sacrificio ut dem, Holocaustum non acceptas; Sacrificia Dei, spiritus contritus," Psalm: li: 18. 19. apud Eundem, "Non accipiam e domo tua juvenicum, e caulis tuis bircoas, sacrificia Deo confessionem," Psalm: l: 9. 13. cvii: 21. 22. cxvi: 17. Deut: xxxiii: 19. apud Hoseam, "Misericordiam volo, & non Sacrificium, & cognitiones Dei præ Holocaustis," vi: 6. Samuel ad Schaulem, "Num complacentia Jehovah in Holocaustis & Sacrificiis, ecce obtemperare præ Sacrificio boum, obedientia præ adipe arietum," i Sam: xv: 22. apud Micham, "In quo præveniam Jehovah, incurvabo me Deo excelsi, num præveniam Ipsum Holocaustis, vitulis filiis anni, num complacebit Jehovah in millibus arietum, in myriadibus rivorum olei; indicavit tibi, homo, quid bonum, & quid Jehovah requirens a te, tantum facere iudicium, & amare misericordiam, & humiliare se, ambulando cum Deo tuo," vi: 6. 7. 8. Inde nunc patet, quod Sacrificia non mandata sint, sed permixta; tum quod in Sacrificiis nihil aliud spectatum quam internum; & quod internum fuerit, non autem externum, quod placuit; quare etiam Dominus illa abrogavit, sicut etiam prædictum per Danielem, his verbis, "In medio Septimanæ cessare faciet Sacrificium & Oblationem," ix: 27, ubi de adventu Domini, videantur quæ de illis dicta sunt in Parte Prima, n: 922. 923. 1128. 1823. Quod attinet filium bovis, quem Abraham pro Tribus Viris fecit seu paravit, similiter se habuit ac cum illo in sacrificiis; quod similia significaverit, etiam inde constare potest, quod dixerit ad Sarah, ut acciperet Tria Sata similaginis; de similagine ad unum Juvenicum, ita apud Moïsen, "Cum venerint in terram; cum feceris filium bovis holocaustum aut sacrificium, nuncupando votum, aut pacifica Jehovah, offeres super filium bovis mincham de similagine tres decimas mixtas oleo," Num: xv: 8. 9; ubi similiter Tria, hic tres decimæ, ibi tria sata; ad vero ad arietem modo duæ decimæ, ad agnum decima, ib: v: 4. 5. 6.

2181. Et dedit ad puerum, & festinavit ad faciendum illum, quod significet conjunctionem hujus boni cum bono rationali, & quod puer sit homo naturalis, constat ex significatione Pueri, quod sit qui ministrat & administrat, & quod ministratur aut sit, est facere, nempe filium bovis, quo significatur bonum naturale, ut ostensum est. Ut percipiatur melius, quomodo hoc se habeat, sciatur quod apud unumquemque hominem detur Internum, detur Rationale quod medium, & detur Naturale, & quod hæc distincta inter se sint, de quibus n: 1889. 1940, & quod conformanda ut unum faciant, ita bonum rationale cum bono naturali, & quod absque conformatione, & sit conjunctione, Perceptio Divina dari nequeat; quia de Perceptione Divina Domini hic agitur, in sensu interno per hæc significatur conformatio & conjunctio utriusque.

2182. Vers: 8. *Et accepit butyrum & lac, & filium bovis, quem fecit, & dedit coram illis, & ille stans ante illos sub arbore; & comederunt.* Accipit butyrum & lac, & filium bovis, quem fecit, significat omnia illa ita conjuncta; butyrum est cœleste rationalis; lac est spirituale inde; filius bovis est naturale correspondens: & dedit coram illis, significat quod sic præparavit se ad recipiendum: & ille stans ante illos sub arbore, significat perceptionem inde; arbor, ut prius, est perceptio: & comederunt, significat communicationem sic.

2183. Accipit butyrum & lac & filium bovis quem fecit, quod significet omnia illa sic conjuncta, constare potest a significatione butyri, lactis & filii bovis, de quibus sequitur. In Versibus, qui præcedunt, actum est, de Rationali Domini, quod instructum cœlesti & inde spirituali, quæ significata sunt per farinam similaginis factam in placentam, n: 2176. 2177; tum de cœlesti naturali, quod significatum est per filium bovis, n: 2180; eadem nunc aliis vocibus exprimuntur, nempe per butyrum, lac, & filium bovis, per quæ significantur omnia illa conjuncta: sed ad intellectum vulgarem hæc ægre possunt describi, ex causa, quia ignotum est plerisque, quod homini unicuique sit internum, sit rationale, & sit naturale, & quod hæc in se distinctissima sint, imo tam distincta, ut dissidere queat unum ab altero, nempe rationale, quod Rationalis homo vocatur, a naturali quod est homo Naturalis, imo ut Rationalis homo possit videre & percipere malum quod in Naturali, & si genuinum Rationale est, id castigare, videatur n: 1904: antiquam hæc bina conjuncta sunt, homo non potest esse integer homo, nec in tranquillitate pacis, nam unum pugnat cum altero; Angeli enim, qui apud hominem sunt, ejus Rationale regunt, sed Spiritus mali qui apud eundem, ejus Naturale, inde est pugna; si *Rationale* tunc vincit, Naturale subjugatur, & sic donatur homo conscientia; at si *Naturale* vincit, tunc nihil conscientie recipere potest: si *Rationale* vincit, tunc sit ejus Naturale tanquam etiam illud esset rationale; at si vincit *Naturale*, tunc sit Rationale tanquam illud esset naturale: adhuc, si vincit *Rationale*, tunc Angeli propius in hominem accedunt, & insinuant ei Charitatem, quæ est cœleste, quod per Angelos a Domino, ac tunc spiritus mali se ad distantiam remouent; si vero *Naturale* vincit,

vincit, tunc Angeli longius se remouent, hoc est, versus ejus interiora magis, at spiritus mali propius versus rationale accedunt, & illud continue oppugnant, ac inferiora ejus opplent odiis, vindictis, dolis, & similibus: si *Rationale* vincit, tunc venit homo in tranquillitatem pacis, ac in altera vita in pacem coeli; at si *Naturale* vincit, tunc, cum vivit, apparet sicut in tranquillitate sit, sed in altera vita in irrequiem & cruciatum inferni venit: inde qualis est status hominis quoad ejus *Rationale*, & quoad ejus *Naturale*, sciri potest: quare nihil aliud est, quod facere possit hominem beatum & felicem, quam ut *Rationali* sit conforme *Naturale*, & utrumque conjunctum, quod unice sit per charitatem, & charitas unice est a Domino.

2184. Quod butyrum sit cœleste rationalis, quod lac sit spirituale inde, & quod filius bovis sit naturale correspondens, constat a significatione butyri, & a significatione lactis, tum a significatione filii bovis; quod Butyrum attinet, illud in Verbo significat cœleste, & hoc ex pinguedine; quod Pingue sit cœleste, in Parte Prima, n: 353, ostensum est; & quod Oleum, quia pingue, sit ipsum cœleste, n: 886; quod etiam Butyrum, constare potest apud Esaiam, "Ecce virgo pariens filium, & vocabit nomen ejus Immanuel, *"Butyrum & Mel* comedet, ad sciendum ipsum reprobare malum, & eligere *"bonum,"* vii: 14, 15, ubi agitur de Domino, qui est Immanuel; & quod per butyrum non significetur butyrum, nec mel per mel, quisque videre potest, sed per butyrum significatur cœleste Ipsius, & per Mel, illud quod ex cœlesti: apud Eundem, "Et erit prae multitudine faciendi *Lac* *"comedet Butyrum,* nam *Butyrum & Mel* comedet omnis residuus in medio *"terræ,"* vii: 22, ubi de Regno Domini, & de illis qui in terris qui in Regno Domini sunt, *Lac* ibi pro bono spirituali, *Butyrum* pro bono cœlesti, & *Mel* pro felici inde: apud Moysen, "Jehovah solus ducit eum, & non *"cum illo Deus alienus, equitare facit illum super excelsis terræ, & cibatur* *"proventibus agrorum, & fugere facit eum Mel e petra, & oleum e filice* *"rupis: Butyrum armenti, & Lac gregis,* cum adipe agnorum, & arietum *"filiorum Baschanis, & hircorum, cum adipe renum tritici, & sanguinem* *"uvæ bibes merum,"* Deut: xxxii: 12. 13. 14. quid hæc sunt, nemo intelligere potest, nisi sciat sensum internum cujusvis, apparet sicut congeries expressionum, quales sunt eloquiorum apud sapientes mundi, sed usque unumquodvis significat cœleste, & ejus spirituale, tum inde beatum & felix, & hæc in concinna serie; butyrum armenti est cœleste naturale, lac gregis est cœleste spirituale Rationalis. Quod autem *Lac* attinet, ut dictum, hoc significat Spirituale ex cœlesti, seu cœleste spirituale; quid cœleste spirituale, videatur in Parte Prima, n: 1577. 1824, & alibi passim; quod *Lac* sit spirituale quod ex cœlesti, inde est, quia aqua significat spirituale, n: 680. 739. lac autem, quia in illo pingue, cœleste spirituale, seu quod idem boni voluntatis intellectuale, adhuc idem affectionem veri in qua intus affectio boni, & adhuc quod idem affectionem cognitionum ac scientiarum ex affectione charitatis erga proximum, qualis est apud eos qui amant proximum,

mum, & se confirmant in eo ex cognitionibus fidei, tum ex scientificis, & hæc inde amant; hæc omnia eadem sunt ac Cœleste spirituale, & prædicantur secundum rem de qua agitur: quod illud significetur, patet etiam ex Verbo, ut apud Esaïam, “Omnis sitiens, ite ad *aquas*, & cui non argenteo tum, ite, emite, & comedite; & ite, emite absque argento, & sine pretio *vinum* & *Lac*; cur appenditis argentum pro non pane,” LV: 1: 2: ubi vinum pro spirituali quod est fidei, lac pro spirituali quod est amoris: apud Mosen, “Lavit in vino vestimentum suum, & in sanguine uvarum” operimentum suum: ruber oculis præ vino, & *albus dentibus præ Lacte*,” Gen: XLIX: 12: ubi prophetia Jacobi, tunc Israelis, de Jehuda, & per Jehudam ibi describitur Dominus; & per album dentibus præ lacte significatur cœleste spirituale quod Ipsius Naturali: apud Joëlem, “Erit in die illo, “stillabunt montes mustum, & *colles ibunt lacte*; & omnes rivi Jehudæ “ibunt *aquis*,” IV: 18: ubi de Regno Domini, & lac ibi pro cœlesti spirituali: in Verbo etiam terra Canaan, per quam repræsentatur & significatur Regnum Domini, dicitur terra Lactis & Melle fluens, ut Num: XIII: 27. Cap: XIV: 8. Deut: XXVI: 9. 15: Cap: XXVII: 3. Jerem: XI: 5; Cap: XXXII: 22. Ezech: XX: 6. 15, & ibi per Lac nihil aliud intelligitur quam abundantia cœlestium spiritualium, & per Mel abundantia felicitatum inde, Terra est ipsum cœleste Regni, ex quo illa. Quod filium bovis concernit, quod per illum significetur cœleste naturale, mox supra n: 2180, ostensum; cœleste naturale est idem ac bonum naturale, seu bonum in naturali; Naturale hominis, sicut ejus Rationale, habet suum bonum, & suum verum, nam ubivis est conjugium boni & veri, ut supra n: 2173, dictum; bonum Naturalis est jucundum, quod percipitur ex charitate, seu ex amicitia quæ charitatis est, ex quo jucundo existit volupe seu voluptas, quæ proprie est corporis; Verum Naturalis est scientificum, quod illi jucundo favet; inde constare potest, quid cœleste naturale.

2185. Quod dedit coram illis, significet quod sic præparaverit se ad recipiendum, constare potest a significatione dare coram illis, in sensu interno, cum agitur de præparatione Rationalis ad recipiendum perceptionem ex Divino, ita absque ulteriore explicatione.

2186. Et ille stans ante illos sub arbore, quod significet perceptionem inde, sequitur ex significatione Arboris, quod sit perceptio, de qua n: 103. 2163. Supra Vers: 4, dictum, quod tres Viri, qui venerunt ad Abrahamum, incurrerent sub arbore, quibus significatum, quod Divinum accederet ad perceptionem illius status, in quo tunc fuit Dominus, hic autem dicitur, quod Abraham steterit sub arbore, quo significatur, quod Dominus accesserit ad perceptionem Divinam, postquam se præparaverit; quod reciprocum est: quisque videre potest, quod non absque causa sit, quod dictum de tribus Viris, & de Abrahamo, quod steterint sub arbore, proinde quod dictum propter arcana illa, quæ in illis latent.

2187. Et comederunt, quod significet communicationem sic, constare potest a significatione comedere, quod sit communicari, tum conjungi, quod

Nº. III.

E

EX

ex Verbo quoque patet: quod comederent sanctificata sacrificiorum, in loco sancto, Aharon, filii ejus, Levitæ, tum populus, nihil aliud significavit, quam communicationem, conjunctionem, & appropriationem, ut dictum ad locum Levit: vi: 9. 10, supra n: 2177, erat enim cibus cœlestis & spiritualis, qui significabatur per sanctificata, quæ comedeabant, ita appropriatio ejus; Sanctificata erant ex Sacrificiis, quæ non adolebantur super Altari, & comedeabantur vel a Sacerdotibus, vel a populo qui obtulit, ut constare potest a pluribus locis, ubi de Sacrificiis agitur; quæ comederentur a Sacerdotibus, Exod: xxix: 32. 33. Lev: vi: 9. 19. Cap: vii: 6. 15. 16. 18. Cap: viii: 31. Cap: x: 12. 13. Num: xviii: 9. 10. 11: quæ comederentur a Populo, Levit: xix: 5. 6. Deut: xii: 27. Cap: xxvii: 7, & alibi; & quod immundi non comederent de illis, Lev: vii: 19. 20. 21. Cap: xxi: 4. 5. 6. 7: convivia illa fiebant in loco sancto, juxta altare, vel ad ostium, aut in atrio tentorii; nec aliud significabant, quam communicationem, conjunctionem & appropriationem bonorum cœlestium; nam per illa repræsentabatur Cibus cœlestis, quid Cibus cœlestis, videatur n: 56. 57. 58. 680. 681. 1480. 1695; & dicebantur omnia illa PANIS, per quem quid significatur, videatur supra n: 2165; simile repræsentabatur, per quod Aharon & filii ejus comederent Panes propositionis seu facierum in loco sancto; Levit: xxiv: 9: Lex pro Naziræ lata, quod ex omni quod ex uva, unde vinum, ab acinis usque ad cutem, diebus naziræatus sui, non comederet, Numb: vi: 4, erat quia Naziræus repræsentabat cœlestem hominem, & Cœlestis homo talis est, ut spiritualia ne quidem nominare velit, ut in Parte Prima n: 202. 337. 880 ad fin: 1647 videatur, & quia vinum & uva, tum quicquid ex uva significabat spirituale, inde Naziræo prohibitum fuit, de illis comedere, hoc est, communicationem cum illis habere, se illis conjungere, ac sibi illa appropriare: simile per comedere intelligitur apud Esaiam, "Omnis sitiens, ite ad aquas, & cui non argentum, ite, emite, & *Comedite*; & ite, emite absque argento, & absque pretio, Vinum & Lac: "quare appenditis argentum pro non *Pane*, & laborem pro non ad *satieta-tem*; audite audiendo ad Me, & *Comedite bonum*, & deliciabitur in fine *guedine* anima vestra," LV: 1. 2: tum quoque quod apud Johannem, "Qui vincit, dabo ut *comedat de Arbore vitæ*, quæ est in medio Paradisi Dei," Apoc: ii: 7. Arbor vitæ est ipsum cœleste, & in supremo sensu Ipse Dominus, quia ab Ipso omne cœleste, hoc est, omnis amor & charitas; ita comedere de arbore vitæ, est idem ac manducare Dominum; & manducare Dominum, est donari amore & charitate, ita illis quæ sunt vitæ cœlestis; sicut Ipse Dominus loquitur apud Johannem, "Ego sum *Panis vivens*, qui e *cœlo* descendit, si quis *comederit ex hoc Pane*, vivet in æternum; qui *manducat Me*, ille vivet per Me," vi: 51. 57. "Sed dixerunt, durus est hic sermo; verum dixit Jesus, verba quæ Ego loquor vobis, spiritus sunt, & vita sunt," ibid: Vers: 60. 63: inde patet, quid per Comedere intelligitur in Sacra Cœna, Matth: xxvi: 26. 27. 28. Marc: xiv: 22. 23. Luc: xxii: 19. 20, nempe communicationem habere, conjungi, & appropriare

priare sibi. Inde etiam liquet quid intelligitur per quod Dominus dixit, “Quod multi ab oriente & occidente venient, & *accumbent* cum Abrahamo, Isaco & Jacobo,” Matth: viii: 11: non-quod cum illis in Regno Dei comesturi sint; sed quod fruituri bonis cœlestibus, quæ per Abrahamum, Isacum & Jacobum, significantur; nempe cœlestibus amoris tam intimis, quæ sunt Abrahamus, quam inferioribus, quæ sunt media, ut sunt Rationalis, quæ sunt Isacus; & adhuc inferioribus, quæ sunt cœlestia naturalia, qualia sunt in primo cœlo, quæ per Jacobum intellecta sunt; hæc sunt sensus interni horum verborum; quod hæc Abrahamus, Isacus & Jacobus sint, videatur n: 1893, & ubivis alibi, ubi de illis agitur; nam sive dicatur, frui cœlestibus illis, sive dicatur frui Domino, qui per illos repræsentatur, idem est, nam a Domino omnia illa, & Dominus est omne in omnibus illorum.

2188. Vers: 9. *Et dixerunt ad illum, ubi Sarah uxor tua, & dixit, ecce in tentorio.* Dixerunt ad illum, ubi Sarah uxor tua, significat Rationale verum, quod tunc non apparuit, quia in bono rationali fuit: & dixit ecce in tentorio, significat quod in sancto.

2189. Dixerunt ad illum, ubi Sarah uxor tua, quod significet Rationale verum, quod tunc non apparuit, quia in bono rationali fuit, constat a repræsentatione Saræ hic, quod sit Rationale verum, de qua supra n: 2173. Quomodo hæc se habent, tum quoque sequentia, ubi de statu Rationalis apud Dominum, qui repræsentatur per Sarah, non ita ad intellectum explicari potest, nisi sciatur, qualis in genere sit status Rationalis, quoad bonum & quoad verum; tum apud Dominum quoad Divinum, & quoad humanum in quo tunc fuit: primum Rationalis apud hominem est Verum, ut prius n: 2072, dictum, proinde est affectio veri; ob causam, ut reformari possit homo, & sic regenerari, quod fit per cognitiones & scientifica, quæ sunt Veri; quæ continue implantantur in bono, hoc est, in charitate, ut sic accipiat vitam charitatis; ideo est, quod affectio veri apud hominem prædominetur in ejus Rationali; se enim ita habet cum vita charitatis, quæ est ipsa vita cœlestis, quod apud illos qui reformantur & regenerantur, illa continue nascatur & adolescat, & incrementa capiat, & hoc per Veram, ideo quo plus veri insinuat, eo plus perficitur vita charitatis; quare *secundum Veri qualitatem & quantitatem, se habet charitas apud hominem.* Ex his constare aliquatenus potest, quomodo se habet cum Rationali hominis: at in Vero non est vita, sed in Bono; Verum est modo recipiens vitæ, hoc est, boni; Verum est sicut indumentum aut vestimentum Boni; ideo etiam Vera in Verbo vocantur indumenta, ut & vestes; cum autem Bonum constituit Rationale, tunc disparatur Verum, & fit sicut fit bonum, bonum tunc transluet per verum, quemadmodum fit apud Angelos, qui cum induti apparent, est splendor inducens speciem Vestis, quales etiam apparuerunt Angeli coram Prophetis. Hæc nunc sunt, quæ intelliguntur, per quod Rationale verum tunc non apparuerit, quia in Bono rationali fuit, quæ significata per quod dixerunt ad illum, ubi Sarah uxor tua: sed quia Bonum Rationale Domini tunc fuit Divinum, quale apud nullum Angelum potest esse, non describi

potest aliter ac per comparisonem, ita per illustrationem a quodam simili, quod non est idem.

2190. Quod dixit, ecce in tentorio, significet quod in sancto, constat a significatione Tentorii, quod sit sanctum, de qua n: 414. 1102. 1566. 2145; in sancto dicitur, quia in bono; omne bonum vocatur sanctum, ex eo quod sit amoris & charitatis, quæ unice a Domino: sed sicut sunt bona, ita sunt sancta; bona formantur, hoc est, nascuntur & adolefcunt per vera fidei, sequæ habent ideo secundum qualitatem & quantitatem veri fidei implantati in charitate, ut mox supra n: 2189, dictum; inde constare potest, quod bona seu sancta differant apud unumquemvis; & tametsi apparent in externa forma sicut similia, usque in internis formis sunt dissimilia, & hoc tam apud illos qui sunt extra Ecclesiam, quam qui intra Ecclesiam: in bono charitatis apud hominem plura insunt, quam usquam homo credere potest; insunt omnia fidei ejus; proinde in sancto cultus ejus; sanctum cultus ejus Angelis apparet sicut in clara die, quale est, tametsi homo nihil sciat præter quod in quodam sancto sit; myriades myriadum cogitationum ejus de bonis & veris fidei, & affectionum inde, sunt in sancto ejus: sed de Sancto cultus, quale sit in genere, ex Divina Domini Misericordia, alibi.

2191. Vers: 10. *Et dixit, revertendo revertar ad te juxta tempus hoc vitæ; & ecce filius Saræ uxori tuæ: & Sarah audiens ad januam tentorii, & ea post illum.* Et dixit, significat perceptionem: revertendo revertar ad te juxta tempus hoc vitæ, significat conjunctionem Divini cum humano Domini: & ecce filius Saræ uxori tuæ, significat Rationale Divinum futurum: & Sarah audiens ad januam tentorii, significat verum rationale tunc juxta sanctum: & ea post illum, significat juxta bonum, in quo tunc rationale, ita separatum ab illo, quantum humani ei inerat.

2192. Et dixit, quod significet perceptionem, constat a significatione dicere, in sensu historico, quod sit percipere, de qua prius n: 1898. 1919. 2080.

2193. Revertendo revertar ad te juxta tempus hoc vitæ, quod significet conjunctionem Divini cum humano, constat ex eo, quod adventus Jehovah ad Abrahamum representaverit Perceptionem Divinam, ad quam recipendam se preparavit Dominus, ita conjunctionem, ut supra ostensum; ita per quod revertendo reverteretur ad ipsum, significatur simile, nempe conjunctio Divini cum Humano. Ad tempus hoc vitæ, est ad tempus præsens sequentis anni.

2194. Ecce filius Saræ uxori tuæ, quod significet Rationale Divinum futurum, constat ex significatione filii, tum Saræ, ut & Isaci qui ei nasceretur; tam filius, quam Sarah; tum quoque Isacus, significat illud quod est Rationalis Domini, quod filius verum, videatur n: 489. 491. 533. 1147; quod Sarah verum rationale, n: 2173; quodque Isacus Rationale Divinum, n: 1893. 2066. 2083. Humanum apud unumquemvis hominem inchoat in intimo ejus Rationalis, ut n: 2106, dictum, ita quoque Humanum Domini; quod supra illud, fuit Ipse Jehovah, secus ac apud alium quemlibet hominem:

nem : quia in intimo Rationalis inchoat humanum, & Dominus omne Humanum apud se Divinum fecit, ita ipsum Rationale primo ab intimo ejus ; quod cum Divinum factum, repræsentatur & significatur, ut dictum, per illucum.

2195. Et Sarah audiens ad januam tentorii, quod significet verum rationale tunc juxta sanctum, constat ex repræsentatione Saræ, quod sit verum rationale, de qua n : 2173. 2194 ; tum a significatione tentorii, quod sit sanctum, de qua n : 414. 1102. 1566. 2145 ; & sic a significatione januæ tentorii, quod sit introitus ad sanctum, ita juxta sanctum, de qua supra n : 2145 : quomodo hæc se habent, nunc sequitur.

2196. Ac ea post illum, quod significet juxta bonum in quo tunc rationale, & separatum ab illo quantum humani ei inerat, constat inde, quod dicatur de janua, ubi Sarah, quod fuerit post illum ; esse post illum, significat non conjunctum esse, sed a tergo ejus ; quod separatur ab aliquo, hoc repræsentatur per rejectionem quandam quasi in tergum, ut constare potest a repræsentativis in altera vita, de quibus ab experientia n : 1393. 1875 ; hoc nunc exprimitur per quod janua, ubi Sarah, esset post illum. Quod verum rationale mere humanum, quod tunc apud Dominum, ab Ipso separatum sit, cum se conjunxit cum Divino, ita se habet ; Verum rationale humanum non capit Divina, quia hæc supra ejus intellectus sphaeram sunt, Verum enim hoc communicat cum scientificis quæ in naturali homine, & quantum ex his intuetur illa quæ supra se sunt, tantum non agnoscit ; est enim Verum hoc in apparentiis, quas exuere nequit ; & apparentiæ sunt illa quæ nata sunt ex sensualibus, quæ inducunt fidem, sicut ipsa Divina quoque talia sint, cum tamen sunt omnibus apparentiis exempta, quæ cum dicuntur, rationale hoc verum nusquam potest credere, quia non potest capere ; sicut pro exemplis ; Quod nulla vita homini, nisi quæ a Domino, Rationale ex apparentiis putat tunc non vivere posse sicut a se, cum tamen tunc primum vere vivit, cum percipit quod a Domino : Rationale ex apparentiis putat, bonum, quod facit, esse ex semet ; cum tamen nihil boni a se, sed a Domino : Rationale ex apparentiis putat, quod mereatur salutem cum bonum facit, cum tamen homo nihil a se mereri possit, sed omne meritum esse Domini : Homo ex apparentiis putat, quod, cum detinetur a malo, & tenetur in bono a Domino, nihil nisi bonum, & justum, imo sanctum apud eum, cum tamen in homine nihil nisi malum, injustum, & prophanum : Homo ex apparentiis putat, cum facit bonum ex charitate, quod ex voluntario in se faciat, cum tamen non ex voluntario ejus, sed ex intellectuali, cui implantata est charitas : Homo ex apparentiis putat, non dari posse gloriam ; absque gloria mundi, cum tamen in gloria cœli ne hilum gloriæ mundi sit : Homo ex apparentiis putat, quod nemo possit amare proximum plus quam se, sed quod omnis amor incipiat a se, cum tamen in amore cœlesti nihil amoris sui insit : Homo ex apparentiis putat, quod nulla lux dari queat, nisi quæ ex luce mundi, cum tamen in cœlis ne hilum lucis mundi sit, & usque tanta lux, ut lucem meridianam mundi millies excedat : Homo ex apparentiis putat, quod

quod Dominus non lucere possit coram universo cœlo sicut sol, cum tamen omnis lux cœli ab Ipso: Homo ex apparentiis non capere potest, quod progressionis sint in altera vita, cum tamen apparent sibi progredi, prorsus sicut homo in terris, ut in suis habitaculis, atriis, paradisis; minus si dicitur, quod hæc sint mutationes status, quæ sic apparent: Homo ex apparentiis nec capere potest, quod spiritus & angeli, quia inconspicui coram oculis, non videri queant, nec quod possint loqui cum homine, cum tamen apparent manifestius coram visu interno seu spiritus, quam homo homini in terra; & quoque audiuntur loquelæ eorum similiter; præter millia millia talium, quæ Rationale hominis nusquam ex suo lumine nato ex sensibilibus, & inde obfuscat, potest credere: imo in ipsis naturalibus cæcutit Rationale, sicut quod capere nequeat, quomodo illi, qui e diametro oppositi sunt incolæ, possint pedibus insistere & ambulare, præter in per plurimis aliis, quid non in spiritalibus & cœlestibus, quæ longe supra naturalia sunt. Quia Rationale humanum tale est, hic dicitur de tali, quod separatum fuerit, cum Dominus unitus Divino in Perceptione Divina fuit, quod significatur per quod Sarah, quæ hic est tale verum rationale, steterit ad januam tentorii, & ea esset post illum.

2197. Verf: II. *Et Abraham & Sarah senes, intrantes in dies, desit esse Saræ via sicut mulierum.* Abraham & Sarah senes, significat humanum apud Dominum, quod exueretur: intrantes in dies, significat quod tempus adesset: desit esse Saræ via sicut mulierum, significat statum veri rationalis, quod amplius non posset ita manere.

2198. Abraham & Sarah senes, quod significet humanum apud Dominum, quod exueretur, constat ex repræsentatione Abrahami & Saræ, tum a significatione Senum seu Senectutis; Abraham hic repræsentat Dominum quoad Bonum rationale, & Sarah repræsentat Dominum quoad Verum rationale, ut passim supra in hoc Capite dictum; ita uterque repræsentat hic Humanum apud Dominum, ex causa, ut dictum supra, quod nunc Jehovah adesset, & loquutus cum Abrahamo, & Jehovah erat ipsum Divinum Domini, & non separatum ab Ipso, tamen ut separatum in repræsentativis historicis sistitur, per historica non repræsentari aliter potest. Quod autem dicatur, quod Abraham & Sarah senes essent, significat quod Humanum illud exueretur; Senectus non aliud involvit quam ultimum tempus; in Verbo passim memoratur Senectus, tum etiam quod mortui sint, sed in sensu interno nusquam aliqua senectus, nec mors, qualis est corporis, percipitur, sed aliud quod ex serie rerum constat, nam quid senium, & quid mors, ignorant in altera vita; quid hic, constat, ut dictum, ex serie, nempe quod Dominus exueret humanum.

2199. Quod intrantes in dies, significet quod tempus adesset, sequitur nunc inde; dies in Verbo, sicut etiam annus, imo in genere tempus, significat statum, ut n: 23. 487. 488. 493. 893, ostensum; ita hic intrare in dies, significat in sensu interno, in illum statum, quod exueret humanum, ita quod tempus adesset.

2200. Quod

2200. Quod defuit esse Saræ via sicut mulierum, significet quod amplius non posset ita manere, constat ex illis quæ nunc dicta sunt, ita absque explanatione.

2201. Vers: 12. *Et risit Sarah intra se, dicendo, postquam consensui, num erit mihi voluptas, & Dominus meus senex.* Risit Sarah intra se, significat affectionem veri istius rationalis, quod ita fieret: dicendo, postquam consensui num erit mihi voluptas, significat quod veri illius affectio non esset ut mutaret statum: & Dominus meus senex, significat, quod affectio veri mirata quod rationale bonum cui adjunctum verum etiam exueret humanum.

2202. Risit Sarah intra se, quod significet affectionem veri istius Rationalis quod ita fieret, constat a significatione ridere seu risus, quod sit affectio veri, de qua prius n: 2072: quid hæc involvunt, nunc sequitur.

2203. Dicendo, postquam consensui num erit mihi voluptas, quod significet quod veri illius affectio non esset, ut mutaret statum, constat a significatione consensescere, quod sit exuere humanum, ita mutare statum, de qua supra n: 2198; & ex significatione num erit mihi voluptas, quod sit non desiderare, ita quod illud non esset affectio ejus. Quomodo hæc se habent, constare potest ab illis, quæ supra n: 2196 dicta de Sarah, quod steterit ad janua tentorii, & ea post illum, nempe quod Rationale humanum quoad verum tale sit, ut non intelligere possit quid Divinum est, ex causa quia Verum illud in apparentiis est, quare quod non intelligere potest, nec credit, & quod non credit, eo nec afficitur; apparentiæ, in quibus Rationale est, tales sunt, ut afficiant, nam in ipsis apparentiis est delectatio; quare sic privarentur apparentiis, putat nihil delectationis plus esse; cum tamen cœlestis affectio non est in apparentiis, sed in ipso bono & vero; quia Verum rationale tale est, etiam ignoscitur ei, & admittitur ut in apparentiis sit, & in illis delectationem habeat. Tale verum, quod in apparentiis fuit, representatur per Sarah, cum Dominus conjunxit se cum Divino; quare dicitur, quod illa steterit ad janua, & quod riserit & dixerit, postquam consensui, num erit mihi voluptas, quibus significatur, quod non illius affectio esset, ut mutaret statum.

2204. Quod Dominus meus senex, significet quod affectio veri mirata, quod rationale bonum cui adjunctum verum etiam exueret humanum, constat ex representatione Abrahami, qui hic est Dominus meus, quod hic sit rationale bonum; & ex representatione Saræ, quod sit rationale verum, de qua supra n: 2198, & alibi; tum a significatione consensescere, quod sit exuere humanum, de qua etiam, n: 2198. Bonum rationale humanum tale est, quod habeat in se multum ex jucundis mundanis, nam formatum est non solum ex veris, sed etiam ex jucundis sensualium, & ex pluribus jucundis quæ in mundo; quibus jucundis, cum reformatur & regeneratur homo, Bonum spirituale a Domino insinuat, & tunc per id mundanum temperatur, & sic in illo dein suum felix habet. At Dominus prorsus expul-

lit omne mundanum e rationali, & sic Divinum fecit; quod est, quod verum rationale, per Sarah intellectum, miratum.

2205. Vers: 13. *Et dixit Jehovah ad Abraham, cur hoc risit Sarah, dicendo, num etiam vere pariam, & ego consenui.* Dixit Jehovah ad Abraham, significat perceptionem Domini ex Divino: cur hoc risit Sarah, significat cogitationem veri rationalis ex ejus affectione: num etiam vere pariam, significat quod miratum quod Rationale fieret Divinum: & ego consenui, significat postquam non amplius tale esset.

2206. Dixit Jehovah ad Abrahamum, quod significet perceptionem Domini ex Divino, constat ex significatione Dicere, quod sit percipere, de qua prius n: 1898. 1919. 2080; & ex eo, quod Jehovah dixit, quod est percipere ex Divino, nam, ut sæpius prius ostensum est, ipsum Internum Domini fuit Jehovah.

2207. Cur hoc risit Sarah, quod significet cogitationem veri rationalis ex ejus affectione, constat ex significatione ridere seu risus, quod sit affectio quæ est veri, de qua supra n: 2072; & ex repræsentatione Saræ, quod sit verum rationale, de qua aliquoties prius in hoc Capite. Hæc interrogatio involvit, quod Dominus perceperit, quod in Rationali Ipsi adhuc humanum esset.

2208. Num etiam vere pariam, quod significet quod miratum quod Rationale fieret Divinum, constat ex significatione Parere hic in sensu interno, nempe quia Divinum Rationale Domini repræsentatur per Isacum, ut prius dictum, & ex sequentibus patebit, ita parere hic significat Isacum, hoc est, Rationale quod Divinum fieret; quod verum rationale per Sarah repræsentatum non comprehendere potuit.

2209. Et ego consenui, quod significet postquam non amplius tale esset, nempe non Divinum sed humanum, & quod hoc exueretur, constat a significatione consensescere, quod sit exuere humanum, de qua supra n: 2198.

2203. Quod Rationale in genere attinet, cum cogitat de Divinis, imprimis ex vero quod ei, nusquam credere potest, quod talia sint, tam quia illa non capit, quam quia apparentiæ, quæ natæ a fallaciis sensuum, adherent, per quas, & ex quibus cogitat, ut constare potest ex illis exemplis, quæ allata sunt supra n: 2196; quibus etiam illustrationis causa sequentia addere licet; an Rationale, si consulatur, credere potest, quod sensus internus Verbi detur, & is tam remotus a sensu literali, ut ostensum est; & sic quod Verbum sit, quod conjungit cælum cum terra, hoc est, Regnum Domini in cælis cum Regno Domini in terris: an Rationale credere possit, quod Animæ post mortem inter se loquantur distinctissime, & tamen absque loquela vocum, & usque tam plene, ut per minutum plura exprimant, quam homo per suam loquelam per horam; & quod Angeli similiter, sed loquela adhuc perfectiori, & spiritibus imperceptibili; tum quod omnes Animæ, dum in alteram vitam veniunt, ita loqui sciant, tametsi nusquam ad ita loquendum instruantur: num Rationale credere potest, quod in una affectione hominis,

imo

imo in uno ejus suspirio, tam indefinita insint, quæ Angeli percipiunt, ut nusquam describi possint; & quod unaquævis affectio hominis, imo unaquævis idea cogitationis ejus, sit imago ejus, & talis ut ei insint mirabiliter omnia vitæ ejus; præter millia millia talium; Rationale, quod ex sensu- libus sapit, & sensualium fallaciis imbutum est, dum cogitat de illis, non credit ita esse posse, quia sibi formare aliquam ideam nequit, nisi ex talibus, quæ aliquo sensu externo & interno percipit; quid non cum cogitat de Divinis cœlestibus & spiritualibus, quæ adhuc superiora sunt; erunt enim semper aliquæ apparentiæ ex sensualibus, quibus innitura cogitatio, quæ apparentiæ cum abstrahuntur, perit idea; quod etiam constare mihi potuit a spiritibus novitiis, qui maximopere apparentiis, quas e mundo secum traxe- runt, delectantur, dicentes, si illæ eis subducerentur, quod non scirent an cogitare possent: tale est Rationale in se spectatum.

2210. Vers: 14. *Nam mirabile erit pro Jehovah quicquam; ad tempus statum revertat ad te, juxta tempus hoc vitæ, & Saræ filius.* Num mirabile erit pro Jehovah quicquam, significat quod omne sit possibile Jehovah: ad tempus statum revertat ad te, significat statum futurum: juxta tempus hoc vitæ, & Saræ filius, significat quod tunc Dominus exueret rationale humanum, & in- dueret Rationale Divinum.

2211. Quod num mirabile erit pro Jehovah quicquam, significet quod omne sit possibile Jehovah, constat absque explicatione.

2212. Ad tempus statum revertat ad te, quod significet statum futurum, constat ex significatione temporis, quod sit status, ut supra n: 2199, dictum: hic dicitur quod Jehovah reversurus ad tempus statum, mox ad tempus hoc vitæ, seu quod idem ad tempus præsens sequentis anni; utrumque aliquid peculiare involvit, nempe tempus statum commune illius status, qui signifi- catur per tempus hoc vitæ; commune est quod futurum, quomodo autem futurum, significatur per tempus hoc vitæ: in Verbo, imprimis apud Pro- phetas, solenne est describere status per binas expressiones quasi similes, cum tamen unum involvit commune, alterum determinatum quoddam in com- muni.

2213. Quod juxta tempus hoc vitæ, & Saræ filius, significet quod tunc Dominus exueret rationale humanum, & indueret Rationale Divinum, constat ex significatione revertendi ad tempus hoc vitæ, seu ad tempus hoc præsens sequentis anni, quod sit conjunctio Divini cum Humano Domini, de qua supra n: 2193; & ex significatione filii Saræ, quod sit Rationale Divinum futurum, de qua etiam supra n: 2194: tempus hoc vitæ seu tempus præsens sequentis anni denotat tempus quando Abraham ingrederetur in centesimum annum, per quem annum significatur unio Humani Domini cum Divino ac Divini cum Humano, ut supra n: 1988, ostensum est; intercessit tunc annus, quia per annum in Verbo non significatur annus, sed integrum tem- pus, ita tota periodus, sive mille annorum sit, sive centum, sive decem, sive horarum, ut quoque ostensum prius, n: 482. 487. 488. 493. 893: sicut etiam septima, de qua n. 2044.

Nº III.

F

2214. Vers:

2214. Vers: 15. *Et negavit Sarah dicendo, non risi, quia timuit, & dixit, non, quod risisti.* Et negavit Sarah, dicendo, non risi, quia timuit, significat quod verum rationale humanum vellet excusare se, quia appercepit quod non esset tale, quale esse deberet: & dixit, non, quod risisti, significat quod usque esset tale.

2215. Quod negavit Sarah, dicendo, non risi, quia timuit, significet quod verum rationale humanum vellet excusare se, quia appercepit, quod non esset tale, quale esse deberet, constare potest absque explicatione.

2216. Quod dixit, non, quod risisti, significet quod usque tale esset, constar etiam absque explicatione. Quomodo hæc se habent, constare potest ab illis, quæ supra n: 2072 de significatione ridere seu risus, dicta sunt, quod nempe sit affectio Rationalis, & quidem affectio veri aut falsi in rationali, inde est omnis risus; quamdiu talis affectio id Rationali est, quæ se in risum exferit, tamdiu est aliquid corporeum aut mundanum, ita mere humanum; bonum cœleste & bonum spirituale non ridet, sed jucundum & hilare suum in facie, loquela & gestu alio modo depromit; in risu enim sunt permulta, ut plurimum aliquid contentus, qui tamen non apparet, usque sublatet; seque distinguit facile ab hilaritate animi, quæ quoque aliquid simile risus producit. Describitur status Rationalis humani apud Dominum per quod Sarah risit, & significatum per id qua affectione Verum Rationalis tunc a bono separatum spectaret illud quod dicebatur, quod exueretur, & Divinum indueretur; non quod riserit, sed quod ex Divino perceperit quale adhuc esset, & quantum humani adhuc inesset, quod expelleret; hoc significatur per risum Saræ in sensu interno.

2217. Vers: 16. *Et surrexerunt inde Viri, & prospexerunt ad facies Sodomæ: & Abraham vadens cum illis ad dimittendum illos.* Surrexerunt inde Viri, significat quod perceptio illa finiretur: & prospexerunt ad facies Sodomæ, significat statum humani generis; Sodoma est omne malum ex amore sui: & Abraham vadens cum illis, significat quod etiam Dominus adhuc cum illis in perceptione maneret, sed de genere humano: ad dimittendum illos, significat quod vellet discedere ab illa.

2218. Quod surrexerunt Viri, significet quod perceptio illa finiretur, constare potest a significatione surgere, quod sit abire; & a Virorum, de quibus supra: per adventum Trium Virorum seu Jehovæ ad Abrahamum representata fuit Perceptio Divina Domini, ut supra ostensum; Perceptio Domini ex Divino tunc fuit primum de Trino Divino, quod est Divinum ipsum, Humanum Divinum & Procedens; postea fuit de Humano Ipsum quod indueret Divinum; nunc sequitur Perceptio ex Divino de genere humano quale esset: hæc tria sunt, de quibus in hoc Capite agitur; & sequuntur ordine, nempe quod Divinum assumeret Humanum, & hoc faceret Divinum, ut salvaret genus humanum: de prioribus binis dicitur, quod Perceptio finita, quod in sensu interno intelligitur per quod surrexerunt Viri; at Perceptio de genere humano quale esset, significatur in sensu interno per quod prospexerunt ad facies Sodomæ, & Abraham vadens cum illis; & quod in illa perceptione non vellet

vellet manere, significatur per quod vaderet cum illis ad dimittendum illos; quomodo se hæc habent, melius videri potest a Contentis quæ præmissa sunt, tum ab explicatione sequentium.

2219. Prospexerunt ad facies Sodomæ, quod significet statum humani generis, constat a significatione prospicere ad facies, & hic ad facies Sodomæ: per facies significantur omnia interiora hominis, tam mala quam bona, ex causa quia illa elucent ex facie, ut in Parte Prima, n: 358, ostensum; hic itaque facies, quia prædicantur de Sodoma, significant interiora mala, quæ sunt amoris sui, quæ mala in genere per Sodomam intelliguntur, ut a mox sequentibus patebit. Quod omnium pessima mala ex amore sui originem trahant, est quia amor sui est destructivus Societatis humanæ, ut ostensum supra n: 2045, & destructivus Societatis cœlestis, n: 2057; & quia per-versitas generis humani inde cognoscitur, hic per facies Sodomæ significatur status generis humani: ostensum præterea est in Parte Prima variis in locis, qualis amor sui est, quod nempe prorsus contrarius sit ordini, in quem creatus est homo; homini præ bestiis rationale datum est, ob finem ut quisque alteri bene velit & bene faciat, sic in particulari ut in communi; hic est ordo in quem creatus est homo; proinde est amor in Deum, & amor erga proximum, quæ vita foret hominis, per quam distingueretur a brutis animalibus; hic etiam est ordo cœli, in quo foret cum vivit in mundo, & sic in Regno Domini; ac in idem transiret, cum exiit corpus, quod ei inservit super terram, & ibi in statum continue perfectiorem cœlestem assurgeret: sed amor sui est primarium, imo unicum quod destruit hæc, non ita amor mundi, nam hic quidem spiritualibus fidei, sed amor sui cœlestibus amoris e diametro oppositus est; qui enim se amat, omnes alios non amat, sed quoscunque, qui illum non colunt, destruere conatur, nec alicui bene vult & bene facit, nisi qui in illo est, aut captare potest, ut in illo sit, sicut quoddam ejus cupiditatibus & phantasiis quasi inoculatum; inde patet, quod ex amore sui scaturiant omnia odia, omnes vindictæ & crudelitates, tum omnes infames simulationes & doli, ita omnia nefanda contra ordinem societatis humanæ, & contra ordinem societatis cœlestis: quin imo tam nefandus est amor sui, ut cum vincula ei relaxantur, hoc est, cum ei datur copia exspatiandi, etiam apud eos, qui infimæ sortis sunt, ruat ita, ut non solum dominari velit super proximos & vicinos, sed etiam super universum, imo super ipsum Supremum Divinum, quod quidem ignorat homo, quia in vinculis non ita sibi notis tenetur, sed quantum hæc vincula, ut dictum, remittuntur, tantum ruit; quod a multa experientia in altera vita mihi scire datum est: quia in amore sui illa latent, etiam illi qui in amore sui sunt, & non donati vinculis conscientiæ, præ omnibus aliis odio habent Dominum, ita omnia vera fidei, nam hæc sunt ipsæ leges ordinis in Regno Domini, hæc tales respuunt ita ut abominentur, quod etiam se manifestat coram in altera vita; hic amor etiam est caput serpentis, quod Semen mulieris, hoc est, Dominus proculcat, de quo videatur in Parte Prima, n: 257. Sed amor sui non est semper ille, qui in externa forma apparet sicut fastus & superbia, quandoque enim ii possunt charitate

habere proximum; quibusdam enim tale externum connascitur, & a quibusdam in ætate puerili adsciscitur, sed postea subjugatur, remanente usque externo; sed sunt illi, qui alios præ se contemnunt, ac præ se nihili faciunt, nec commune bonum quicquam curant, nisi sit pro illis, & ii quasi sint illud; imprimis qui omnes illos, qui sibi non favent & serviunt, odio habent, illos persequuntur, & quantum possunt, deprivant possessionibus, honore, fama, imo vita; qui talia spirant animo, illi sciant quod in amore sui sint præ aliis.

2220. Quod Sodoma sit omne malum ex amore sui, constat ex significatione Sodomæ in Verbo; tametsi in Capite sequente appareat sicut per Sodomam significetur malum pessimi adulterii, usque tamen per eam in sensu interno, nihil aliud quam malum ex amore sui significatur; in Verbo etiam abominaciones ex Amore sui scaturientes, per adulteria diversi generis representantur. Quod Sodoma significet in genere omne malum ex amore sui, & Amora omne falsum inde, in Parte Prima n: 1212. 1663. 1682. 1689, ostensum est; & porro constare potest ex his locis in Verbo; apud Jeremiam, "Gladus super Chaldaeos, & super habitatores Babelis, dictum Jehovah, non habitabit ibi Sodoma & Amora, & vicinas ejus, dictum Jehovah, non habitabit ibi vir, & non commorabitur in ea filius hominis," L: 35. 40; agitur ibi de illis, qui significantur per Chaldaeos, qui sunt in quorum cultu falsum prophanum, ut prius n: 1368, ostensum; tum de illis qui per Babeliam, qui sunt in quorum cultu est malum prophanum, n: 1182. 1326; illorum damnatio describitur per everisionem Sodomæ, hoc est, mali in genere, & per everisionem Amoræ, hoc est, falsi in genere, quia etiam in illorum cultu est malum amoris sui, & falsum inde: apud Amos, "Subverti vos juxta everisionem Dei, Sodoma & Amora, & facti sicut torris erutus ex incendio," IV: 11; ubi de Samaria, per quam significatur perversa Ecclesia spiritualis, quæ quoad mala in genere contra bona charitatis vocatur Sodoma, & quoad falsa in genere contra vera fidei vocatur Amora; & quoad utrumque, hic ut prius, everio Dei: apud Zephaniam, "Moab sicut Sodoma erit, & filii Ammonis sicut Amora, locus derelictus urticae, & fovea falsis, & desolatio usque in æternum: hoc illis propter superbiam eorum, quod opprobrio affecerunt, & dilatarunt super populum Jehovah Zebaoth," II: 9. 10; ubi Sodoma pro malo ex amore sui, & Amora pro falso inde, de quibus hic prædicatur desolatio, sicut prius everio; superbia est amor sui; opprobrio afficere populum Jehovah Zebaoth est malum inferre veris, & dilatare super populum est falsum: apud Ezechielem, "Soror tua major Samaria, ipsa & filiae ejus, habitans ad sinistram tuam; & soror tua minor præ te, habitans a dextra tua, Sodoma & filiae ejus: non fecit Sodoma soror tua, ipsa & filiae ejus, quemadmodum secisti tu & filiae tuæ: ecce hæc fuit iniquitas Sodoma sororis tuæ, Superbia, Saturitas panis, & Securitas otii, fuit illi & filiabus ejus, & manum miseri & egeni non confirmavit; & elatae factae sunt; & fecerunt abominationem coram te," XVI: 46. 48. 50: agitur ibi de abominationibus Hierosolymæ, & describitur per Samariam & Sodomam,

mam, per Samariam quoad falsa loco Amoræ, & per Sodomam quoad mala; & dicitur quid in specie per *Sodomam* significatur; nam ait, *hec fuit iniquitas Sodomæ*, nempe quod amor sui, qui significatur ibi per *superbiam*; qui quod averfati bona charitatis, significatur per *saturitatem panis*; & quod in illis acquieverint, significatur per *securitatem olivæ*; & quod illis non misericordia, describitur per quod non *confirmaverint manum miseri & egeni*; & quod omnes cupiditates inde sint amore sui imbutæ, per quod *elate factæ filie*; cupiditates sunt *filie*; inde constat manifeste quid Sodomæ, ita quod non fit secundum sensum historicum in Capite sequente, sed quod per illum ibi significantur in sensu interno talia, quæ hic apud Prophetam describuntur, nempe quæ sunt amoris sui; sed Sodoma mitius hic describitur, quia de abominationibus Hierosolymæ agitur, quod hujus fuerint majores quam Sodomæ; ut patet quoque a Domini verbis apud Matthæum, "Amen dico vobis, tolerabilius erit terræ *Sodomæ & Amoræ*, in die judicii, quam urbi illi," x: 15. Marc: vi: 11. Luc: x: 12: apud Johannem, "Corpora eorum super platea urbis magnæ, quæ vocatur *spiritualiter Sodomæ & Ægyptus*," Apoc: xi: 8; ibi quod per Sodomam non intelligatur Sodoma, nec per Ægyptum Ægyptus, constat, nam dicitur quod vocetur spiritualiter Sodoma & Ægyptus; Sodoma pro omni malo ex amore sui, & Ægyptus loco Amoræ pro omni falso inde.

2221. Quod Abraham vadens cum illis, significet quod Dominus adhuc cum illis in perceptione maneret, sed de genere humano, constare potest ex serie rerum in sensu interno, nam vadere cum tribus Viris, hoc est, cum Jehovah, est in perceptione adhuc esse.

2222. Quod ad dimittendum illos, significet quod vellet discedere ab illa, constat absque explicatione; causa quoque patet, nempe quod perceptio ex Divino, & inde cogitatio de genere humano, quod tale esset, horrorem incuteret; amor enim Domini fuit erga universum genus humanum tantus, ut omnes per unionem Essentiæ Humanæ cum Divina, & Divinæ cum Humana, salvare in æternum vellet; quare cum perciperet tale esse, a perceptione & cogitatione inde voluit discedere, quod significatur per quod vellet dimittere illos.

2223. Vers: 17. *Et Jehovah dixit, num celans Ego ab Abrahamo, quod Ego faciens.* Et Jehovah dixit, significat perceptionem: num celans Ego ab Abrahamo, quod Ego faciens, significat quod nihil celari debuit coram Domino.

2224. Jehovah dixit, quod significet perceptionem, constat a significatione dicere, quod fit percipere, de qua prius n: 1898. 1919. 2080; hic quia Jehovah dixit, est quod Dominus percepit ex Divino.

2225. Quod num celans Ego ab Abrahamo quod Ego faciens, significet quod nihil celari debuit coram Domino, constat a repræsentatione Abrahami, quod fit Dominus in illo statu, de qua aliquoties supra in hoc Capite; quod cætera significant, non celari debere, patet; sensus literæ hic similis est cum sensu interno, ut alibi passim, imprimis ubi agitur de essentialibus fidei, quæ quia

quia necessaria sunt ad salutem, ita dicuntur in litera, qualia sunt in sensu interno, sicut hoc apud Moysen, "Jehovah Deus noster Jehovah unus; & amabis Jehovah Deum tuum ex toto corde tuo, & ex tota anima tua, & ex omnibus viribus tuis; & erunt verba illa super corde tuo," Deut: vi: 5. 6; præter similia alia.

2226. Vers: 18. *Et Abraham essendo erit in gentem magnam & numerosam; & benedicentur in illo omnes gentes terræ.* Abraham essendo erit in gentem magnam & numerosam, significat quod a Domino erit omne bonum & omne verum inde: & benedicentur in illo omnes gentes terræ, significat quod ab Ipso omnes, qui in charitate sunt, salvabuntur.

2227. Quod Abraham dicendo erit in gentem magnam & numerosam, significet quod a Domino erit omne bonum, & omne verum inde, constat a representatione Abrahami, quod sit Dominus, de qua sæpius supra; tum a significatione gentis, quod sit bonum, de qua n: 1159. 1258. 1259. 1260. 1416. 1849, hic gentis magnæ & numerosæ, quæ significatur bonum & verum inde; quod magnum prædicetur de bono, & numerosum de vero, ex locis aliis in Verbo constare potest, sed illa nunc adducere, superfluum: Verum inde, seu verum ex bono, in sensu genuino, est bonum spirituale: sunt duo bona inter se distincta, nempe bonum cœleste, & bonum spirituale; bonum cœleste est amoris in Dominum, bonum spirituale est amoris erga proximum; ex illo bono seu cœlesti est hoc seu spirituale, nam nemo amare potest Dominum, nisi etiam amet proximum; in amore in Dominum est amor erga proximum; nam amor in Dominum est a Domino, ita ab Ipso Amore erga universum genus humanum; in amore in Dominum esse, est idem ac esse in Domino, & qui in Domino, non potest aliter quam esse in amore Ipsius, qui est erga genus humanum, ita erga proximum; ita est ille in utroque bono, nempe in cœlesti & spirituali, illud est ipsissimum bonum, hoc autem verum ejus seu verum inde, quod verum est bonum spirituale, ut dictum; illud est quod significatur per magnum, hoc autem per numerosum.

2228. Quod benedicentur in illo omnes gentes terræ, significet quod ab Ipso omnes, qui in charitate sunt, salvabuntur, constat a significatione Benefici, quod sit donari omnibus bonis, quæ sunt a cœlesti origine, de qua n: 981. 1096. 1420. 1422: qui donantur bonis a cœlesti origine, hoc est, bonis cœlestibus & bonis spiritualibus, de quibus mox supra, n: 2277, illi quoque donantur salute æterna, hoc est, salvantur: per omnes gentes terræ, intelliguntur in sensu interno, illi qui in bonis amoris & charitatis sunt, ut constat a significatione gentis, quod sit bonum, n: 1159. 1258. 1259. 1260. 1416. 1849: quod per omnes gentes terræ, non significantur omnes in universo terrarum orbe, constare potest cuivis, quia permulti inter illos sunt, qui non salvantur, sed modo illi, qui in charitate sunt, hoc est, qui charitatis vitam adepti sunt. Ne quemquam lateat, quomodo se habet cum salvatione hominum post decessum, paucis dicendum; sunt plures qui dicunt, quod salvetur homo per fidem, aut, ut ajunt, si modo fidem habeat, sed inter illos plurima

plurima pars est, qui non sciunt quid fides, putant aliqui quod sit mera cogitatio, aliqui quod sit agnitio alicujus credendi, alii quod sit tota doctrina fidei quæ credenda, alii aliter, ita in sola cognitione, quid sit fides, errant; consequenter in eo, quid sit, quo salvetur homo: sed usque non est mera cogitatio, nec est agnitio credendi, nec cognitio omnium quæ sunt doctrinæ fidei: ex illis nemo salvari potest, nam non altius radicem possunt agere, quam in cogitationem; cogitatio non aliquem salvat, sed est vita, quam sibi in mundo comparavit per cognitiones fidei; hæc vita manet, at omnis cogitatio, quæ non convenit vitæ ejus perit, usque adeo ut fiat nulla; Confociationes cœlestes sunt secundum vitas, & nusquam secundum cogitationes quæ non sunt vitæ, cogitationes quæ non sunt vitæ, sunt simulatoriæ, quæ prorsus rejiciuntur: in genere duplex est vita, una infernalis, altera cœlestis; vita infernalis contrahitur ex omnibus illis finibus, cogitationibus & operibus, quæ fluunt ex amore sui, consequenter ex odio contra proximum; vita cœlestis ex omnibus illis finibus, cogitationibus, & operibus, quæ sunt amoris erga proximum; hæc vita est, quam spectant omnia quæ, fides, vocantur, & comparatur per omnia fidei: inde constare potest, quid fides, nempe quod sit charitas, nam ad illam ducunt omnia quæ doctrinæ fidei vocantur, in illa sunt omnia illa, & ex illa derivantur omnia illa: anima post vitam corporis est, qualis ejus amor.

2229. Vers: 19. *Quia novi illum, propterea quod præcipiet filiis suis, & domui suæ post se, & custodient viam Jehovæ ad faciendum justitiam & judicium, propterea ut adducat Jehovah super Abrahamum, illud quod loquutus est super illum.* Quia novi illum, significat verum esse: propterea quod præcipiet filiis suis, & domui suæ post se, & custodient viam Jehovæ ad faciendum justitiam & judicium, significat quod ab Ipso omnis doctrina charitatis & fidei; filii sunt qui in veris; domus qui in bonis; via est doctrina; justitia est de bono; judicium de vero: propterea ut adducat Jehovah super Abrahamum illud quod loquutus est super illum, significat quod ideo Humana Essentia adjuncta erit Divinæ.

2230. Quia novi illum, quod significet verum esse, constare potest a significatione nosse, cognoscere aliquem est proprie scire, quod talis sit, similiter applicate ad rem, seu ad aliud aliquod, est scire quod tale sit, quare nosse se refert ad illud quod prædicatur, & significat illud quod secundum seriem rerum intelligitur, quod ita sit, vel quod verum sit.

2231. Propterea quod præcipiet filiis suis, & domui suæ post se, & custodient viam Jehovæ, ad faciendum justitiam & judicium, quod significet quod ab Ipso omnis doctrina charitatis & fidei, constare potest a significatione filii, domus, vitæ, justitiæ, & judicii, quæ in summam seu in unum sensum reducta significant omnem doctrinam charitatis & fidei, per filios enim significantur omnes qui sunt in veris, per domum omnes qui in bonis, per viam doctrina qua instruuntur, quæ doctrina de bono significatur per justitiam, & de vero per judicium; doctrina de bono est doctrina charitatis, & doctrina de vero est doctrina fidei: in genere est modo una Doctrina, nempe doctrina chari-

charitatis, nam Charitatem, ut dictum n : 2228, spectant omnia fidei; inter Charitatem & Fidem non alia intercedit differentia, quam quæ est inter velle bonum & cogitare bonum, qui vult bonum is quoque cogitat bonum, ita quæ est inter voluntatem & intellectum; qui reflectunt, sciunt quod aliud sit voluntas & aliud intellectus, in orbe erudito hoc etiam notum est, & appareret manifeste apud eos, qui volunt male & tamen ex cogitatione loquuntur bene; ex quibus cuius patet, quod aliud sit voluntas & aliud intellectus, & sic quod Mens humana sit in binas partes distincta, quæ non unum faciunt; homo tamen ita creatus est, quod illæ binæ partes unam mentem constituerent, nec alia distinctio esset, quam ut comparativa dicatur, qualis est inter flammam & lucem inde, amor in Dominum & charitas erga proximum foret sicut flamma, & omnis perceptio & cogitatio foret sicut lux inde, ita quod amor & charitas foret omne perceptionis & cogitationis, hoc est, in omnibus & singulis ejus; perceptio aut cogitatio de qualitate amoris & charitatis est quod vocatur fides: sed quia genus humanum cepit malum velle, odio habere proximum, & exercere vindictas & crudelitates, usque adeo, ut illa pars mentis, quæ voluntas dicitur, prorsus deperdita sit, ceperunt distinguere inter charitatem & fidem, & ad fidem referre omnia doctrinalia, quæ religionis illorum fuerunt, & illa una voce appellare fidem; & tandem eo usque processerunt, ut dicerent, quod salvari possent per solam fidem, per quam intellexerunt doctrinalia sua, si modo illa crederent, utcunque viverent: ita separata est charitas a fide, quæ tunc usque non aliud est, ut comparative dicatur, quam lux quædam absque flamma, qualis solet esse lux solis tempore hyemis, quæ frigida & gelida est in tantum ut vegetata telluris torpescant & emoriantur; cum tamen fides ex charitate est sicut lux tempore veris & æstatis, per quam omnia germinant & florent: hoc sciri potest etiam ex eo, quod amor & charitas sit flamma cœlestis, & quod fides sit lux spiritualis inde; similiter etiam se sistunt percipienda & videnda in altera vita, nam ibi cœleste Domini se manifestat coram angelis per flammeum jubar sicut solis, & spirituale Domini per lucem inde, quibus etiam afficiuntur angeli & spiritus quoad interiora secundum amoris & charitatis vitam apud eos; inde gaudia & felicitates cum illorum differentis in altera vita: ex his constare potest, quomodo se habet cum hoc, quod dicitur, quod sola fides salvet.

2232. Quod filii sint, qui in veris, constat a significatione filii in Verbo, quod sit verum, de qua n : 489. 491. 533. 1147; per filios in sensu abstracto significantur vera, sed applicate ad hominem, sunt filii omnes qui in veris sunt.

2233. Quod domus sint qui in bonis, constat a significatione domus, quod sit bonum, de qua n : 710. 1708. 2048: per domum, seu natos domus, similiter in sensu abstracto significantur bona, sed applicate ad hominem, sunt omnes qui in bonis sunt.

2234. Quod via sit doctrina, constat a significatione viæ; via prædicatur in Verbo de veris, quia vera ducunt ad bonum, & procedunt a bono, ut constare potest a locis allatis in Parte Prima, n : 627; & quia via prædicatur

de

de illis, est via doctrina, quia doctrina in uno complexu omnia illa comprehendit quæ ducunt ad bonum, hoc est, ad charitatem.

2235. Quod iustitia sit de bono, & iudicium de vero, constare potest a significatione Iustitiæ, & a significatione Iudicii: pluries in Verbo Iustitia & Iudicium simul nominantur, sed quid in sensu interno significant, nondum notum est; in sensu proximo Iustitia prædicatur de iusto, & Iudicium de recto; iustum est cum aliquid iudicatur ex bono, & hoc secundum conscientiam, rectum autem cum iudicatur ex lege, & sic ex iusto legis, ita quoque secundum conscientiam, quia lex illi pro norma est; in sensu autem interno est Iustitia quod ex bono, & Iudicium quod ex vero; bonum est omne quod est amoris & charitatis, verum est omne quod est fidei inde; verum ducit essentiam suam a bono, & vocatur verum ex bono, sicut fides ex amore, ita quoque iudicium a iustitia. Quod Iustitia & Iudicium illa significant, constat ex his locis in Verbo; apud Jeremiam, “Sic dixit Jehovah, facite *Iudicium & Iustitiam*; & eripite spoliatum e manu oppressoris. Væ ædificanti domum suam in non *Iustitia*, & hyperoa sua in non *Iudicio*. Pater tuus nonne comedit & bibit, & fecit *Iudicium & Iustitiam*, tunc bonum illi,” xxii: 3. 13. 15. iudicium pro illis quæ sunt veri, & iustitia quæ sunt boni: apud Ezechielem, “Si impius reversus fuerit a peccato suo, & fecerit *Iudicium & Iustitiam*, omnia peccata eius, quæ peccavit, non memorabuntur ei, *Iudicium & Iustitiam* fecit, vivendo vivet; in revertendo se impio ab impietate sua, & fecerit *Iudicium & Iustitiam*, propter illa is vivet,” xxxiii: 14. 16. 19; similiter iudicium pro vero, quod est fidei, & iustitia pro bono quod est charitatis: apud Amos, “Fluat sicut aquæ *Iudicium*, & *Iustitia* sicut fluvius fortis,” v: 24; similiter: apud Esaiam, “Sic dixit Jehovah, custodite *Iudicium*, & facite *Iustitiam*, quia propinqua salus mea ad veniendum, & *Iustitia* mea ad revelandum se,” lvi: 1: apud Eundem, “Paci non erit finis, super throno Davidis & super regno Ipsius, ad stabiliendum illud, & ad fulciendum illud in *Iudicio & Iustitia*, a nunc & usque in æternum,” ix: 6; pro quod in veris fidei, & in bonis charitatis: apud Eundem, “Exaltatus Jehovah, quia inhabitat altum, implevit Zionem *Iudicio & Iustitia*,” xxxiii: 5: Iudicium pro fide, Iustitia pro amore Zion, pro Ecclesia; præcedit iudicium, quia per fidem amor, at cum præcedit iustitia est quod ex amore fides; sicut apud Hofcheam, “Desponsabo te Mihi in æternum, & desponsabo te Mihi in *Iustitia & Iudicio*, & in Misericordia & in miserationibus; & desponsabo te Mihi in *fide*, & cognosces Jehovah,” ii: 19. 20; ubi Iustitia præcedit, sicut etiam Misericordia, quæ sunt amoris, & sequitur Iudicium, sicut etiam Miserationes, quæ sunt fidei ex amore, utrumque vocatur Fides seu Fidelitas: apud Davidem, “Jehovah, in cælis est Misericordia tua, Veritas tua usque ad ætheres; *Iustitia* tua sicut montes Dei, *Iudicia* tua abyssus magna,” Psalm: xxxvi: 6. 7: ibi & Misericordia & Iustitia similiter sunt amoris, ac Veritas & Iudicia sunt fidei: apud Eundem, “*Veritas* e terra germinet, & *Iustitia* e cælo prospiciat; etiam Jeho-

Nº. III.

G

“vahl

“vah dabit bonum, & terra nostra dabit proventum suum,” Psalm: LXXXV: 12. 13; ibi Veritas quæ fidei, pro Judicio, & Justitia pro amore seu misericordia: apud Sachariam, “Adducam eos, & habitabunt in medio Hierosolymæ, & erunt Mihi in populum, & Ego ero iis in Deum in *Veritate*” & in *Justitia*,” VIII: 8; inde etiam patet, quod iudicium sit verum, & iustitia bonum, quia loco iudicii hic veritas: similiter apud Davidem, “Qui ambulat integer, & operans *Justitiam*, & loquens *Veritatem*,” Psalm: XV: 2: Fides quia est charitatis, seu verum quia est boni, inde vera boni passim vocantur iudicia Justitiæ, & sic iudicia pæne simile significant ac præcepta, ut apud Esaiam, “Me die die quærant, & scientiam viarum mearum desiderent, quasi gens quæ *Justitiam* facit, & *Judicium* Dei sui non derelinquit, interrogent Me *Judicia Justitiæ*, appropinquationem Dei desiderant,” LVIII: 2: quod Præcepta, apud Davidem, “Septies in die laudavi Te super *Judiciis Justitiæ* tuæ, omnia *Præcepta* tua *Justitia*,” Psalm: CXIX: 164. 172: de Domino imprimis dicitur quod faciat iudicium & Justitiam, cum hominem e novo creat, ut apud Jeremiam, “De hoc gloriatur qui gloriatur, intelligere & nosse Me, quod Ego Jehovah faciens Misericordiam, *Judicium* & *Justitiam* in terra, quia in illis beneplacet Mihi,” IX: 23, ibi Misericordia, quæ est amoris, describitur per iudicium & Justitiam: apud Eundem, “Suscitabo Davidi germen iustum, & regnabit Rex, & intelligenter aget, & faciet *Judicium* & *Justitiam* in terra,” XXIII: 5. Cap: XXXIII: 15. hinc apud Johannem, “Si abivero, mittam Paracletum ad vos, cumque venerit ille, arguet mundum de Peccato, de *Justitia*, & de *Judicio*: de Peccato quod non credunt in Me; de *Justitia* quod ad Patrem meum abeo, & non amplius videbitis Me; de *Judicio*, quod princeps hujus mundi iudicatus est,” XVI: 7. 8. 9. 10. 11. Peccatum ibi pro omni infidelitate; quod arguet de Justitia, est de omni quod est contra bonum, cum tamen Dominus Humanum univit Divino, ut salvaret Mundum, quod est quod ad Patrem abeo & non videbitis Me amplius; de iudicio, est de omni quod est contra verum, cum tamen dejecta sunt mala in sua inferna, ut illa non possint amplius damnum inferre, quod est quod princeps mundi iudicatus est: in genere quod arguet de Peccato, Justitia & iudicio, est quod de omni infidelitate contra bonum & verum, ita quod nulla charitas & fides, nam per Justitiam & iudicium intellecta fuit antiquis temporibus, quoad Dominum omnis Misericordia & Gratia, & quoad hominem omnis Charitas & Fides.

2236. Propterea ut adducat Jehovah super Abrahamum illud quod loquutus est super illum, quod significet quod ideo Humana Essentia adjuncta erit Divinæ, non ita constet ex significatione vocum, sed ex eo, quod omnia illa quæ in Verbo dicta sunt, involvant adventum Domini, ut uniret Humanam Essentiam Divinæ, per quam unionem salvaret genus humanum; hæc sunt quæ significantur in sensu interno per quod adduceret super Abrahamum illud quod loquutus est super illum.

2237.

2237. Vers. 20. *Et dixit Jehovah, clamor Sodomæ & Amoræ, quod magnus factus sit, & peccatum eorum quod grave factum valde.* Dixit Jehovah, significat perceptionem: clamor Sodomæ & Amoræ quod magnus factus sit, & peccatum eorum quod grave factum valde, significat quod falsum & malum amoris sui usque ad consumationem creverit; clamor est falsum, peccatum est malum.

2238. Dixit Jehovah, quod significet perceptionem, constat a significatione dicere in sensu historico, quod sit percipere, de qua aliquoties prius: cum dicere Jehovah in historicis Verbi occurrit, significat perceptionem, quæ non prorsus continua est cum priori, sed aliqua sequens, & quandoque nova; videtur etiam n: 2061.

2239. Quod clamor Sodomæ & Amoræ quod magnus factus sit, & peccatum eorum quod grave factum valde, significet quod falsum & malum amoris sui usque ad consumationem creverit, constat a significatione Sodomæ, quod sit malum ex amore sui, & Amoræ quod sit falsum inde, quod supra n: 2220, ostensum; tum a significatione clamoris quod sit falsum, & peccati quod sit malum, de quibus mox sequitur; ex quibus patet, quod magnus factus sit nempe clamor, & grave factum sit nempe peccatum, significet quod falsum & malum ad summum seu ad consumationem venerit: id melius patet a sequentibus, ubi dicitur, si inventi fuerint ibi decem, quod parceretur urbs, Vers. 32, per quæ significatur, si aliquæ reliquæ usque essent, hoc est, si aliquid boni & veri; cum enim non aliquid boni & veri amplius intus apud hominem, tunc vastitas & desolatio, proinde consumatio; de qua in Versu mox sequente.

2240. Quod clamor sit falsum, & peccatum sit malum, constare potest a significatione Clamoris in Verbo; quod Clamor falsum significet, nemini constare potest, nisi internum sensum Verbi sciat; aliquoties occurrit apud Prophetas, & ibi cum agitur de vastatione & desolatione, dicitur quod ejulent & clament, & significat quod bona & vera vastata sint, estque ibi vox, per quam in sensu interno describitur falsum, ut apud Jeremiam, "*Vox Clamoris* pastorum, & *ejulatus* potentum gregis, quia *vastans* Jehovah pacem eorum," xxv: 36: ubi clamor pastorum est quod sint in falso, ex quo vastatio: apud Eundem, "Ecce aquæ ascendentes a septentrione, & erunt in flumen inundans, & inundabunt terram & plenitudinem ejus, urbem & habitantes in ea, & *Clamabunt* homo & *ejulabit* omnis habitator terræ, super diem venientem ad *vastandum*," xlvii: 2. 4: ubi agitur de desolatione fidei, quæ sit per falsa; flumen inundans est falsum, ut in Parte Prima ostensum n: 705. 790: apud Zephaniam, "*Vox Clamoris* a porta pisicis, & *ejulatio* a secundaria, & confractio magna a collibus, & erunt opes eorum in direptionem, & domus eorum in *desolationem*," i: 10. 13; ubi etiam clamor prædicatur de falsis quæ vastant: apud Esaiam, "Via Choronaim *Clamorem* confractionis excitabunt, quia aquæ Nimrim *desolationes* erunt, quoniam aruit gramen, consumata est herba, olus non est, xv: 5. 6." Jer: xlviii: 3: ibi desolatio fidei, & consumatio describitur per clamorem:

“rem: apud Jeremiam, “Luxit Jehudah, & portæ ejus languescentes
 “factæ, atrati sunt in terram, & *Clamor Hierosolymæ* ascendit; & illustres
 “eorum miserunt minores suos ad aquas, venerunt ad foveas, non invene-
 “runt aquas, reversi sunt vasis eorum vacuis,” xiv: 2. 3. ubi clamor Hie-
 rosolymæ pro falsis, nam quod non invenerint aquas est quod non cognitiones
 veri, quæ quod aquæ sint, in Parte Prima, n: 28. 680. 739, ostensum est:
 apud Eſaiam, “Exultabo in Hierosolyma, & letabor in populo meo, & non
 “audietur in ea amplius vox fletus, & *vox Clamoris*,” lxxv: 19, ubi quod
 non audietur vox fletus est quod non malum, & non vox clamoris est quod
 non falsum; pleraque hæc ex sensu literæ non intelligi possunt, nec quid sit
 clamor, sed ex sensu interno apud Eundem, “Expectavit Jehovah judicium,
 “sed ecce scabies, justitiam sed ecce *Clamor*,” v: 7: ubi etiam de vasta-
 tione boni & veri agitur; hic est reciprocationis species, ut passim quoque
 apud Prophetas, quæ talis, quod loco veri inveniatur malum, quod est quod
 pro judicio scabies, & loco boni falsum, quod est quod pro justitia clamor,
 nam quod judicium sit verum & justitia bonum, supra n: 2235 ostensum
 est; similis reciprocatio est, ubi de Sodoma & Amora agitur apud Moſen,
 “De vite *Sodomæ* vitis eorum, & de agris *Amoræ* uvæ eorum; uvæ fellis,
 “botri amaritudinum illis,” Deut: xxxii: 32; ubi similis loquutio, nam
 vitis prædicatur de veris & falsis, ac agri & uvæ de bonis & malis, ita quod
 vitis Sodomæ sit falsum ex malo, ac agri & uvæ Amoræ sint mala ex falsis,
 nam sunt duo genera falsi, de quibus in Parte Prima, n: 1212, ita etiam
 sunt duo genera mali; utrumque genus falsi & mali in hoc Versu per cla-
 morem Sodomæ & Amoræ quod magnus factus, & peccatum eorum quod
 grave factum valde, significatur, quod inde constat, quia primo loco Cla-
 mor & secundo peccatum nominatur, & usque primo dicitur Sodoma quæ
 est malum ex amore sui; & secundo Amora quæ est falsum inde.

2241. Vers: 21. *Descendam quæſo, & videbo, num secundum clamorem ejus, qui venit ad Me, fecerint consumationem, & si non, cognoscam.* Descendam quæſo & videbo, significat visitationem: num secundum clamorem ejus, qui venit ad Me, fecerint consumationem, & si non, cognoscam, significat num malum ad summum pervenerit.

2242. Descendam quæſo, & videbo, quod significet visitationem, constare potest ex significatione descendere ad videndum, quod sit judicium, de qua in Parte Prima, n: 1311, proinde quod sit Visitatio; ultimum tempus Ecclesiæ in communi, & ultimum tempus cujusvis in particulari, in Verbo vocatur Visitatio, ac præcedit Judicium, estque sic Visitatio non aliud quam exploratio qualis est, nempe qualis Ecclesia in communi, vel homo in particulari, quæ exploratio exprimitur in sensu literæ, per quod descendat Jehovah & videat; sensus literæ qualis sit, inde constare potest, non enim descendit Jehovah, nam de Domino non prædicari potest descendere, quia semper in supremis est; nec videt Jehovah num ita sit, nam nec de Domino prædicari potest videre num ita sit, quia omnia & singula ab æterno novit; sed usque ita dicitur, quia apud hominem apparet sicut ita fieret; homo enim est

est in inferioribus, & cum ibi aliquid existit, non cogitat, ne quidem scit, quomodo se superiora habent, ita nec quomodo influunt, non enim ultra quam ad proxima cogitatio ejus vadit, inde non potest aliter percipere, quam quod sit aliquid tale quod simile est descendere & videre; & eo magis cum putat, quod nemo, sciat quod cogitat; præter quod non aliam ideam habeat quam quod sit ab alto, & cum a Deo quod sit ab altissimo, cum tamen non ab altissimo sed ab intimo; inde constare potest, qualis sit sensus literæ, quod nempe sit secundum apparentias, qui si non foret secundum apparentias, Verbum nemo intelligeret & agnosceret, ita non reciperet; sed Angeli non ita in apparentiis sunt, sicut homo, quare Verbum cum quoad literam est pro homine, quoad sensum internum est pro Angelis, tum etiam pro illis hominibus, quibus, ex Divina Domini Misericordia, donatum est, cum vivunt in mundo, esse facti angeli. Visitatio passim memoratur in Verbo, & per eam significatur vel Vastatio quæ est Ecclesiæ aut cujusvis, vel Liberatio, ita exploratio qualis est; pro *Vastatione*, apud Esaiam, “Quid facietis die *Visitationis*, e longinquo veniet, ad quem fugietis pro auxilio, & ubi relinquetis gloriam vestram,” x: 3: apud Eundem, “Stellæ cœlorum & sidera eorum non lucebunt luce sua, obtenebrabitur sol in egressu suo, & luna non splendere faciet lucem suam, & *Visitabo* super orbem malum, & super impios iniquitatem eorum,” xiii: 10. 11. quod per stellæ & sidera quæ non lucebunt, & solem qui obscurabitur, & lunam quæ non splendere faciet lucem suam, significetur quod nullus amor & nulla charitas, videatur, n: 2120, & quia id est vastatio, est dies visitationis: apud Jeremiam, “Cadent inter cadentes, & tempore *Visitationis* eorum impingent,” viii: 12. pro tempore cum vastati sunt, seu cum nulla charitas & fides: apud Ezechielem, “Appropinquarunt *Visitationes* urbis, & vir instrumentum perditionis ejus in manu ejus,” ix: 1; ibi etiam de vastatione agitur, inde instrumentum perditionis viro: apud Hoseam, “Venerunt dies *Visitationis*, venerunt dies retributionis,” ix: 7: similiter: apud Micham, “Dies speculatorum tuorum, *Visitatio* tua venit, nunc erit perplexitas eorum,” vii: 4; etiam pro vastata charitate: apud Moysen, “In die *Visitandi* Me, & *Visitabo* super eos peccatum eorum,” Exod: xxxii: 34, ubi de populo in deserto, postquam fecerunt sibi vitulum aureum. Quod per Visitationem significetur *Liberatio*, patet a sequentibus locis, Exod: iii: 16. Cap: iv: 31. Jerem: xxvii: 22. Cap: xxix: 10. Luc: i: 68. 78. Cap: xix: 41. 42.

2243. Num secundum clamorem ejus, qui venit ad Me, fecerint consulationem; & si non, cognoscam, quod significet num malum ad summum pervenerit, constat ex significatione clamoris, quod sit falsum, de qua mox supra n: 2240; sunt duo genera falsi, ut ibi ad fin: dictum, nempe falsum quod ex malo, & falsum quod producit malum; falsum quod est ex malo, est omne quod cogitat homo dum in malo est, nempe quod favet malo, ut pro exemplo, cum in adulterio est, quod tunc cogitat de adulterio, quod licitum, quod decorum, quod jucundum vitæ, quod procreatio sobolis inde promoveatur, & plura talia, illa sunt omnia falsa ex malo: falsum autem quod

quod producit malum, est cum homo aliquod principium ex religioso suo capit, & inde credit quod sit bonum aut sanctum, cum tamen in se est malum, ut pro exemplo, qui ex religioso suo credit, quod aliquis homo possit salvere, & illum ideo colit & adorat, is ex falso illo facit malum; ita ex quovis alio religioso, quod in se est falsum; quia falsum est ex malo, & falsum producit malum, ideo hic clamor dicitur, ac ut commune quoddam significat id quod involvit, nempe malum, quod etiam patet ex eo, quod dicitur, num secundum clamorem *ejus*, qui venit ad Me, *fecerint* consumationem, ubi *ejus* clamor in singulari dicitur, & *fecerint* consumationem in plurali. Quid sit Consumatio, in Parte Prima n: 1857, ostensum est; præterea quid Consumatio, comprehendi potest ab Ecclesiis; Antiquissima Ecclesia, quæ Homo dicta, omnium cœlestissima fuit, hæc temporis tractu a bono amoris ita degeneravit, ut tandem nihil cœleste remanserit, & tunc fuit ejus Consumatio, quæ describitur per statum eorum ante diluvium. Antiqua Ecclesia, quæ post diluvium, & Noachus vocata est, & fuit minus cœlestis, illa quoque temporis tractu a bono charitatis ita defecit, ut nihil charitatis remanserit, versa enim est partim in magiam, partim in idololatriam, partim in quoddam dogmaticum separatam a charitate, & tunc fuit ejus Consumatio. Successit alia Ecclesia, quæ Hebræa vocata est, & adhuc minus cœlestis & spiritalis fuit, in externis ritibus aliquem sanctum cultum ponens, hæc temporis tractu varie deformata fuit, & cultus ille externus versus est in idololatricum, & tunc fuit ejus Consumatio. Quarta Ecclesia dein restaurata fuit apud Jacobi posteros, quæ nihil cœleste & spirituale habuit, sed modo repræsentativum ejus, quare illa Ecclesia erat Ecclesia repræsentativa cœlestium & spiritalium, nam quid ritus repræsentabant & significabant, non sciebant; sed instituta fuit, ut usque aliquis nexus esset inter hominem & cœlum, qualis esset inter repræsentativa boni & veri & inter ipsum bonum & verum; hæc Ecclesia in falsa & mala ita demum abivit ut omnis ritus factus sit idololatricus, & tunc fuit ejus consumatio; quare cum post Ecclesias ita successive decrecentes, in ultima prorsus disruptus esset, nexus inter humanum genus & cœlum, usque adeo, ut perisset humanum genus, quia nulla Ecclesia, per quam nexus & vinculum, videatur n: 468. 637. 931. 2054, tunc venit Dominus in mundum, & per unionem Essentiæ Divinæ cum Humana in Se, conjunxit cœlum cum terra, & simul tunc novam Ecclesiam quæ dicta Ecclesia Christiana, instauravit, quæ primitus in bono fidei fuit, ac inter se ut fratres in charitate vixerunt; sed hæc temporis successu diversimode abscissit, & hodie talis facta, ut nequidem sciant, quod fundamentale fidei sit amor in Dominum & charitas erga proximum, & tametsi ex doctrina dicant Dominum esse Salvatorem generis humani, eos resurrecturos post mortem, cœlum & infernum esse, usque tamen pauci credunt; quia talis facta est hæc Ecclesia, non procul est ejus consumatio. Ex his constare potest, quid Consumatio, nempe quod sit cum malum ad summum pervenit: similiter se habet in particulari, nempe apud unumquemvis hominem; sed quomodo se consumatio in particulari apud unumquemvis habeat, ex Divina Domini

Domini Misericordia, in sequentibus dicitur. In Verbo passim agitur de Consumatione, & describitur status, qui præcedit, per vastationem & desolationem, quam sequitur Visitatio.

2244. Vers: 22. *Et prospexerunt inde Viri, & iverunt versus Sodomam, & Abraham adhuc ille stans coram Jehovah.* Prospexerunt inde Viri, significat cogitationem Domini ex Divino: & iverunt versus Sodomam, significat de humano genere, quod in tanto malo: & Abraham adhuc ille stans coram Jehovah, significat cogitationem Domini ex humano quod adjunctum, modo ut supra dictum.

2245. Prospexerunt inde Viri, quod significet cogitationem Domini ex Divino, constat ex significatione prospicere, quod sit cogitare, videre enim in sensu interno, sicut in communi sermonis, est intelligere, est enim intellectus visus internus; ita prospicere est cogitare, quod est visus, interni seu intellectus: tum ex significatione Virorum, quod sit Divinum: in hoc Capite passim Viri, passim pro Viris Jehovah nominatur, cum Viri, significatur Trinum, nempe Divinum Ipsum, Divinum Humanum, & Procedens; Cogitatio Domini ex hoc Divino significatur per quod prospexerunt inde Viri: cogitatio fuit ex Humano conjuncto cum Divino, de qua conjunctione in principio hujus Capituli actum, at Perceptio ex qua cogitatio fuit ex Divino, quare dicitur mox, in eodem hoc Versu, Jehovah, quod *stans ille coram Jehovah*; cumque Humanum conjunctum Divino etiam fuit una Procedens.

2246. Iverunt versus Sodomam, quod significet humanum genus quod in tanto malo, constat a significatione Sodomæ, quod sit malum ex amore sui, de qua supra n: 2220, & prospicere ad facies Sodomæ, quod sit ad statum generis humani, n: 2219: quod Sodoma significet statum humani generis quod in tanto malo, inde est, quia per Sodomam non intelligitur Sodoma, sed omnes illi in universo terrarum orbe, qui sunt in amore sui, & per descriptionem Sodomæ repræsentatur status omnium qui in illo malo sunt, ut a sequentibus constare potest: quod amor sui sit omnium malorum fons, ita ipsum malum, constat ab iis quæ de illo prius n: 2045. 2057. 2219, dicta & ostensa sunt; quare hic dicitur quod in tanto malo.

2247. Abraham adhuc ille stans coram Jehovah, quod significet cogitationem Domini ex Humano, quod adjunctum modo ut dictum, constat ex repræsentatione Abrahami in hoc Capite, quod sit Dominus quoad Humanum; & quod steterit coram Jehovah, inde sequitur absque explicatione, quod fuerit cogitatio ex Humano quod adjunctum, modo quo dictum in principio hujus Capituli, tum supra n: 2045.

2248. Vers: 23. *Et accessit Abraham, & dixit, num etiam delebis justum cum impio.* Accessit Abraham, & dixit, significat cogitationem Domini ex Humano quæ propius adjunxit se Divino: num etiam delebis justum cum impio, significat dolorem Domini ex amore erga genus humanum, & intercessionem, quod usque bonum sit adjunctum, tametsi malum.

2249.

2249. Accessit Abraham & dixit, quod significet cogitationem Domini ex Humano quæ propius adjunxit se Divino, sequitur ex illis quæ præcedunt, ubi agitur de cogitatione Domini de genere humano, ita absque explanatione. Quod in hoc Capite in sensu interno tantum describatur status cogitationis & perceptionis Domini, & in principio tantum status conjunctionis Humani cum Divino Domini, quidem coram homine forte appariturum, sicut non foret tanti; sed usque maximi momenti est; nam coram Angelis, quibus sensus internus est Verbum, sistuntur hæc ad vivum cum suis repræsentativis in pulcherrima forma, præter innumerabilia, quæ consequentia sunt, & similitudinem ducentia, de conjunctione Domini cum cælo, & receptione Divini Ipsius in eorum humano, ideæ enim angelicæ tales sunt, quod illa præ omni alio sapiant, ac ut amœnissima percipiant; inde etiam illustrantur & confirmantur magis & magis de unitione Humanæ Domini Essentiæ cum Divina, Angeli enim sunt qui homines fuerunt, & cum homines, non potuerunt aliter quam cogitare de Domino ut homine, & de Domino ut Deo, tum de Trino Divino, & sibi varias ideæ, tamen non sciverunt tunc quales, formare; arcana enim cœlestia hoc secum habent, quæ tamen superant omnem captum, usque quisque de illis aliquam ideam sibi facit, nam nihil usquam memoria teneri potest, minus intrare in aliquid cogitationis, nisi per aliquam ideam utcumque, formatam; & quia ideæ non potuerunt aliter quam ex illis quæ in mundo sunt, vel ex analogis eorum quæ in mundo, formari, & tunc ex non intellectis fallaciæ se insinuarunt, quæ in altera vita cogitationis ideæ tunc interiores abalienant a vero & bono fidei; ut talia discutiantur, tantum in hoc Capite, in sensu ejus interno, agitur de conjunctione Humani cum Divino Domini, deque Ipsius Perceptione & Cogitatione, & tunc, cum legitur Verbum, sistuntur illa ad perceptionem Angelorum ita, ut priores ideæ ex alienis & inde nascentibus facile scrupulis formatæ sensim dissipentur, & novæ, quæ luci veritatis, in qua Angeli, conformes sunt, insinuentur: hæc magis apud angelos spirituales, quam cœlestes; nam secundum purificationem idearum perficiuntur ad receptionem cœlestium; quod cœlum non sit purum coram Domino, notum est; & quod continue perficiantur, verum est.

2250. Num etiam delebis justum cum impio, quod significet dolorem Domini ex amore erga genus humanum, & intercessionem, quod usque bonum sit adjunctum, tamen malum, constare potest ex zelo amoris qui elucet, & magis in Vers: seq: 25, ubi dicitur, "absit Tibi a faciendo secundum rem hanc, ad mori faciendum justum cum impio, & sit sic justus sicut impius, absit Tibi, num judex totius terræ non faciet judicium," constat præterea ex significatione Justii, quod sit bonum, de qua n: 612, 2235; & ex significatione Impii, quod sit oppositum justo, hoc est, oppositum bono, ita malum: patet etiam ex his verbis, tum a sequentibus hujus Capituli, quod sit Intercessio: Intercessio Domini pro humano genere, fuit tunc cum in mundo fuit, & quidem cum in statu humiliationis, tunc enim, ut prius dictum,

CAPUT DECIMUM OCTAVUM. 57

dictum, loquutus est cum Jehovah sicut cum alio; at vero in statu Glorificationis, cum Essentia Humana Divinæ unita facta, & illa quoque Jehovah, tunc non intercedit, sed miseretur, & ex Divino suo opem fert, & salvat; est ipsa Misericordia quæ est Intercessio, nam illius essentia talis est.

2251. Vers: 24. *Fortē sint quinquaginta iusti in medio urbis, num etiam delebis, & non parces loco propter quinquaginta iustos, qui in medio ejus.* Forte sint quinquaginta iusti in medio urbis, significat quod vera possint esse plena bonis: num etiam delebis, & non parces loco propter quinquaginta iustos qui in medio ejus, significat intercessionem ex amore, quod tunc non perirent.

2252. Quod forte sint quinquaginta iusti in medio urbis, significet quod vera possint esse plena bonis, constat ex significatione Quinquaginta, quod sit plenum; ex significatione iusti, quod sit bonum, de qua n: 612. 2235; ex medii, quod sit intus, n: 1074; & ex urbis quod sit verum, n: 402; ita quinquaginta iusti in medio urbis, sunt in sensu interno, quod vera possint intus esse plena bonis: quod ille sensus in his verbis sit, nemo ex litera potest videre, nam historica sensus literalis prorsus aliunde, seu aliter cogitare, ferunt mentem, at usque quod hæc verba ita percipiantur ab illis, qui in sensu interno sunt, pro certo scio; ipsi etiam numeri, ut hic quinquaginta, & insequentibus, quadraginta quinque, quadraginta, triginta, viginti & decem, ab illis, qui in sensu interno sunt, nusquam percipiuntur ut numeri, sed ut res aut status, ut n: 482. 587. 575. 647. 648. 755. 813. 1963. 1988. 2075, ostensum est: Antiqui enim, Ecclesiæ suæ status etiam per numeros designabant, qui eorum computus qualis fuit, constare potest a significatione numerorum in locis citatis; numerorum significationem habuerunt ex repræsentativis, quæ existunt in mundo spirituum, ubi cum aliquid apparet sicut numeratum, non significat aliquod determinatum per numeros, sed rem aut statum, ut constare potest ex illis quæ allata sunt n: 2129 & 2130, tum n: 2089, de Duodecim, quod sint omnia fidei; similiter se habet cum numeris, qui nunc sequuntur; inde patet, quale est Verbum in sensu interno. Quod Quinquaginta significant *plenum*, est inde, quod sit numerus, qui sequitur post septem in septem, seu quadraginta novem, sic ut is sit Impletio eorum; quare in Ecclesia Repræsentativa septem sabbathorum festum erat die Quinquagesimo, & Jubilæum anno Quinquagesimo; de septem Sabbathorum festo ita apud Moſen, "Numerabitis vobis a crastino sabbathi, a die "asserre vos manipulum motitationis, *septem sabbatha* integra erunt, usque "ad a crastino Sabbathi Septimi, numerabitis *Quinquaginta dies*, & offeretis "munus novum Jehovah," Lev: xxiii: 15: de Jubilæo apud Eundem, "Numerabis tibi septem Sabbatha annorum, septem annos septem vicibus, " & erunt tibi dies septem sabbathorum annorum, *Novem & quadraginta* "anni, & sanctificabitis *Annum Quinquagesimum*, & proclamabitis libertatem "in terra omnibus habitatoribus ejus, Jubilæus ille erit vobis," Levit: xxv: 8. 10: inde patet quod quinquagesimum sit plenum sabbathorum; præterea, ubicunque nominantur Quinquaginta in Verbo, significant Plenum; ut quod recensiti Levitæ a filio triginta annorum & supra, usque ad filium *Quinquaginta*

Nº III.

H

ginta

ginta annorum, Num: iv: 23. 25. 39. 43. 47. Cap: viii: 22, pro pleno seu ultimo statu obeundi tunc ministerii: quod vir concubens cum puella virgine, daret patri puellæ *Quinquaginta* argenti, & esset illi in uxorem, nec posset repudiare eam, "Deut: xxii: 29; pro plena multa & plena restitutione: quod David Arasnae pro area, ubi altare Jehovahæ extruxit, dederit *Quinquaginta* ficlos argenti," 11 Sam: xxiv: 24; pro pleno pretio, & pleno empto: quod Absalom fecerit sibi currum & equos, & habuerit *Quinquaginta* viros currentes ante illum, 11 Sam: xv: 1: similiter Adonia currus & equites, & *Quinquaginta* viros currentes ante illum: 1 Reg: i: 5, pro plena excellentia & magnitudine; ab Antiquis enim habuerunt certos numeros repræsentativos & significativos, quos observabant, qui etiam in ritibus eorum mandati sunt, sed plerique nesciebant quid significarent; & sic quia *Quinquaginta* significant plenum, & is numerus etiam repræsentativus fuit, ut dictum, significatur per illum idem in parabola Domini de Œconomo, qui dixit ad debitorem olei, quantum debes Domino meo, hic dixit, centum batos olei; tum dixit ei, fume syngrapham tuam, & sedens ocius scribe *Quinquaginta*," Luc: xvi: 6, quinquaginta pro plena solutione; quia est numerus, quidem apparet, quod nihil præter numerum involvat, cum tamen in sensu interno ubivis per illum numerum, plenum, sit intellectum: sicut etiam apud Haggæum, "Venit ad torcular ad hauriendum *Quinquaginta* e" "torculari, fuit viginti," 11: 16, nempe quod pro pleno non fuerit multum; quinquaginta ibi apud Prophetam non dicta fuissent, nisi illa significavissent.

2253. Num etiam delebis, & non parces loco propter quinquaginta iustos, qui in medio ejus, quod significet intercessionem ex amore, quod non perirent, constat ex significatione quinquaginta tum iusti, ut & medii ejus seu urbis, de qua mox supra n: 2252, quæ omnia involvunt intercessionem ex amore, & quod illi non perirent; quod intercessionem attinet, videatur supra n: 2250; quod ex amore etiam patet: apud Dominum, cum fuit in mundo, non fuit alia vita, quam vita amoris erga universum genus humanum, quod in æternum salvere arderet; illa vita est ipsissima coelestis, per quam univit se Divino, & Divinum sibi; ipsum enim Esse seu Jehovah, non aliud est quam Misericordia, quæ est amoris erga universum genus humanum; & vita illa fuit puri amoris, quæ nusquam dabilis est apud aliquem hominem: qui nesciunt quid vita, & quod talis vita sit, qualis amor, id non capiunt: inde patet, quod quantum aliquis amat proximum, tantum a vita Domini habeat.

2254. Vers: 25. *Abst* Tibi a faciendo secundum rem hanc, ad mori faciendum justum cum impio, & sit sic justus sicut impius; *abst* Tibi, num Judex totius terræ non faciet judicium. *Abst* Tibi a faciendo secundum rem hanc, significat horrorem Domini: ad morificandum justum cum impio, & sit sic justus sicut impius, significat quod bonum non mori possit, quia malum inde separari potest: *abst* Tibi, significat horrorem gradum majorem num Judex

Judex totius terræ non faciet judicium, significat quod Divinum bonum non possit secundum verum separatum a bono hoc facere.

2255. Absit Tibi a faciendo secundum rem hanc, quod significet horrorem Domini, constat absque explicatione.

2256. Quod ad mori faciendum justum cum impio, & sit sic justus sicut impius, significet quod bonum non mori possit, quia malum inde separari potest, constat ex significatione justī, quod sit bonum, ac impij quod sit malum, de qua supra n: 2250; inde ad mori faciendum justum cum impio, est bonum cum malo; hæc, quia fieri non debent, tum quia id cogitare horrorem facit, remouentur in sensu interno, & tunc sistuntur hæc, quod bonum non mori possit, quia malum inde separari potest: quomodo hæc se habent, paucis, si ullis, notum est; sciendum quod omne bonum, quodcumque cogitavit & fecit homo ab infantia usque ad ultimum vitæ ejus, remaneat; similiter omne malum, adeo ut ne minimum ejus prorsus pereat; inscripta sunt ejus libro vitæ, hoc est, ejus memoriæ utrique, & ejus naturæ, hoc est, ejus indoli & genio; ex illis vitam sibi formavit, ac ut ita dicatur, animam, quæ talis post mortem; sed bona nusquam commiscetur ita cum malis, & mala cum bonis, quin separari possint; si enim commiscerentur, periret homo in æternum; hoc providet Dominus; cum homo in alteram vitam venit, si in bonis amoris & charitatis vixit, tunc separat Dominus mala, & per bona apud eum elevat illum in cœlum: si autem in malis vixit, nempe in contrariis amoris & charitatis, tunc separat Dominus bona ab illo, & mala eum ferunt in infernum; talis est fors cujusvis post mortem; sed est separatō, nusquam plenaria ablatio. Præterea etiam, quia voluntas hominis, quæ est altera pars vitæ ejus, prorsus deperdita est, separat Dominus partem illam deperditam, a parte altera quæ intellectualis ejus, & in hoc bonum charitatis, & per hoc novam voluntatem, apud illos qui regenerantur, implantat, hi sunt qui conscientiam habent; sic etiam Dominus in communi separat malum a bono: hæc sunt arcana, quæ in sensu interno intellecta sunt per quod bonum non possit mori, quia malum inde separari potest.

2257. Absit Tibi, quod significet horrorem gradum majorem, nam iterum dicitur, ita hoc quoque nec eget explicatione.

2258. Quod num Judex totius terræ non faciet judicium, significet quod Divinum bonum non possit secundum verum separatum a bono hoc facere, constat a significatione Judicis totius terræ, tum a significatione judicii; Judex totius terræ in sensu interno significat ipsum bonum ex quo verum, quod etiam representabatur per Sacerdotes qui simul Judices fuerunt, in Ecclesia representativa, illi ut Sacerdotes representabant Divinum bonum, ac ut Judices Divinum verum; at Judex totius terræ utrumque, & hoc ex significatione terræ, de qua in Parte Prima passim; sed hæc confirmare nunc ex representativis illius Ecclesiæ, prolixum nimis foret: Judicium autem significat verum, ut supra n: 2235, ostensum; ex significatione horum, simul ac ex serie rerum in sensu interno, constare potest, quod num Judex totius terræ non faciet judicium, significet quod Divinum bonum non possit

secundum verum separatum a bono hoc facere. Quomodo hæc intelligenda, sciendum, quod duo sint, quæ constituunt ordinem universi Cœli, & inde in Universo, nempe Bonum & Verum; Bonum est essentiale ordinis, cujus omnia sunt Misericordiæ; Verum est secundarium ordinis, cujus omnia sunt veritates; Divinum bonum omnes judicat ad cœlum; Divinum autem Verum omnes damnat ad infernum; quare nisi Misericordia Domini æterna foret, quæ est boni, omnes, quotcunque sunt, homines, damnati forent; id est quod significatur per quod Divinum bonum non possit secundum verum separatum a bono, hoc facere; videantur etiam quæ de his in Parte Prima, n: 1728: quod tamen mali damnati sint ad infernum, hoc non est ex eo, quod Divinum bonum sit separatum a Divino vero, sed quia homo seipsum separat a Divino bono; Dominus enim nusquam aliquem in infernum demittit, sed homo semet, ut aliquoties prius dictum: tum quoque in eo Divinum bonum conjunctum est Divino vero, quod nisi separarentur mali a bonis, mali inferrent damnum bonis, & continue ordinem destruere conarentur; ita ne boni lædantur, est Misericordiæ: se habet hoc sicut in Regnis terræ, nisi mala punirentur, totum Regnum inficeretur malis, & sic periret, quare apud Reges & Judices plus misericordiæ est punire mala, & eos e societate expellere, quam intempestiva clementia pro iisdem uti.

2259. Vers: 26. *Et dixit Jehovah, si invenero in Sodoma, quinquaginta justos in medio urbis, & parcam toti loco propter eos.* Dixit Jehovah, significat perceptionem: si invenero in Sodoma quinquaginta justos, significat, hic ut prius, si vera sint plena bonis: & parcam toti loco propter eos, significat quod salvabuntur.

2260. Dixit Jehovah, quod significet perceptionem, constat a significatione dicere Jehovah, in sensu historico, quod repræsentativum sit perceptionis Domini ex Divino; & quod sit quoddam sequens cogitationis inde, ac quoddam responsum; de dicere Jehovah, videatur quod supra n: 2238.

2261. Si invenero in Sodoma quinquaginta justos in medio urbis, quod significet si vera sint plena bonis, constat a significatione quinquaginta, quod sit plenum, & a significatione medii urbis, quod sit intus in vero, seu in vero, de qua supra, n: 2252, quæ videantur, nam sunt eadem verba. Autumari potest, quod homo non possit non salvari, si vera sint plena bonis, sed sciendum, quod apud hominem paucissima vera sint, & si quæ sunt, quod nullam vitam habeant, nisi in illis sint bona, & si in illis bona, quod salvetur, sed ex Misericordia; nam ut dictum, paucissima vera sunt apud hominem, & bona, quæ in illis, secundum vera & vitam hominis, suam qualitatem habent. Vera in se spectata, non dant vitam, sed bona, sunt vera modo recipientia vitæ, hoc est, boni; quare nusquam aliquis dicere potest, quod per vera, seu ut communis sermo est, per fidem solam, salvari possit, nisi in veris, quæ sunt fidei, sit bonum; bonum, quod inerat, erit bonum charitatis, inde ipsa fides, in sensu interno, non aliud est quam charitas, ut supra n: 2231 ostensum; quod dicant, quod agnitio veri sit fides, quæ sal-

vat,

vat, sciendum quod apud eos, qui in contrariis charitati vivunt, nusquam dari queat agnitio, sed aliqua persuasio, cui adjuncta est vita amoris sui aut mundi, ita in agnitione illa non est vita fidei, quæ est charitatis; omnium pessimi ex amore sui aut mundi, seu ex causa præ aliis eminendi intelligentia & sapientia, ut vocatur, & sic aucupandi honores, famam, lucra, possunt arripere vera fidei, & illa multis confirmare, sed usque apud eos, vera illa sunt mortua: vita veri, ita fidei, unice est a Domino, qui est ipsa vita, vita Domini est Misericordia, quæ est amoris erga universum genus humanum, ex vita Domini nusquam possunt habere illi, qui tametsi vera fidei profitentur, alios contemnunt præ se, & cum vita amoris sui & mundi eorum tangitur, odio habent proximum, & jucundum percipiunt in ejus opum, honoris, famæ, & vitæ, jactura: sed ita se habet cum veris fidei, quod per illa regeneretur homo, nam sunt ipsissima vasa recipientia boni; qualia itaque sunt vera, & qualia sunt bona in veris, & qualis conjunctio & inde facultas, ut illa perficiantur in altera vita, talis est status beatitudinis & felicitatis post mortem.

2262. Quod parcam toti loco propter eos, significet quod salvabuntur, sequitur ex serie, ut conclusum, ita absque explicatione: Locus significat statum, ut n: 1273. 1378, ostensum, ita hic pro urbe dicitur locus, ut significetur, quod, qui in tali statu sunt, salvarentur.

2263. Vers: 27. *Et respondit Abraham, & dixit, ecce quæso suscepi ad loquendum ad Dominum meum, & ego pulvis & cinis.* Respondit Abraham, & dixit, significat cogitationem Domini ex humano: ecce quæso suscepi ad loquendum ad Dominum meum, & ego pulvis & cinis, significat humiliationem humani quale esset respective.

2264. Respondit Abraham & dixit, quod significet cogitationem Domini ex humano, constat ex repræsentatione Abrahami in hoc Capite, quod sit Dominus quoad humano, de qua aliquoties supra.

2265. Ecce quæso suscepi ad loquendum ad Dominum meum, & ego pulvis & cinis, quod significet humiliationem humani, quale esset respective: de statu Domini in humano, seu statu humiliationis Ipsius, & de statu Domini in Divino, seu glorificationis Ipsius, prius aliquoties actum est; tum quod in statu humiliationis loquutus cum Jehovah sicut cum alio, ut in statu glorificationis cum Se Ipso, videatur n: 1999: hic quia Abrahamus repræsentat Dominum in humano, ut dictum, in illo statu dicitur, quod humanum sit respective ad Divinum, at pulvis & cinis, quare etiam status ille vocatur status Humiliationis; humiliatio est ex agnitione sui, quod respective talis sit. Per Humanum hic non intelligitur Humanum Divinum, sed humanum quod traxit a matre, quod prorsus expulit, & loco ejus induit Humanum Divinum; illud Humanum, nempe maternum, est, de quo hic prædicatur pulvis & cinis; videantur quæ supra n: 2159, dicta sunt.

2266. Vers: 28. *Fortè defuerint quinquaginta justis quinque, num disperdes in quinque totam urbem, & dixit, non perdam, si invenero ibi quadraginta quinque.* Fortè defuerint quinquaginta justis quinque, significat si aliquid minus esset: num disperdes in quinque totam urbem, significat num pro parvo quod deest,

deest, peribit homo : & dixit, non perdam, si invenero ibi quadraginta quinque, significat quod non periret, si conjungi possint.

2267. Forte defuerint quinquaginta iustis quinque, quod significet si aliquid minus esset, constat ex significatione quinque, quod sit parum, seu minus, de qua illius numeri significatione in Parte Prima n : 649 ; quid quinquaginta iusti, supra n : 2252, ostensum est.

2268. Num disperdes in quinque totam urbem, quod significet num pro parvo quod deest, peribit homo, constat ex significatione quinque, quod sit parum, de qua mox supra ; & ex significatione urbis, quod sit verum, de qua etiam prius : mens humana quoad vera in Verbo comparatur urbi, & appellatur quoque urbs ; & quoad bona, quæ in veris, comparatur habitatoribus ibi, & vocantur etiam habitatores ; similiter enim se habent, si vera, quæ in memoriis hominis, inque mentis ejus cogitationibus, sunt sine bonis, sunt sicut urbs sine incolis, ita vacua & inanis : imo etiam de Angelis prædicari potest, quod habitent quasi in veris hominis, & insinuent affectiones boni a Domino, cum homo in amore in Dominum, & in charitate erga proximum, vivit, nam ita delectantur habitare, hoc est, vivere apud tales homines : aliter apud eos, qui in veris aliquibus sunt, & in nullis bonis charitatis.

2269. Et dixit non perdam, si invenero ibi quadraginta quinque, quod significet, quod non periret si conjungi possint, constat ex significatione numeri quadraginta quinque, quod sit conjunctio ; ostensum prius est, quod numeri simplices significationem retineant, etiam cum multiplicentur, & sic majores numeri similem ac minores ; ita quoque quadraginta quinque, qui numerus per multiplicationem compositus est ex quinque in novem, & quia compositus est ex quinque in novem, significat idem ac quinque & novem ; quod quinque significant parum, n : 649 ostensum est, & quod novem conjunctionem seu conjunctum, n : 2075, ita hic si aliquantum bona sint conjuncta veris : quod Numeri in Verbo significant res aut status, constat ex illis, quæ supra n : 2252, de Quinquaginta, dicta sunt, tunc ex illis quæ de numeris prius n : 482. 487. 575. 647. 648. 755. 813. 1963. 1988, ostensa : quia quinque significant parum, & quadraginta quinque conjunctionem, ipsa expositio numerorum istorum in hoc Versu talis est ; dicitur enim, *forte defuerint quinquaginta iustis quinque*, quo significatur si aliquid minus esset ; & dein, *num disperdes in quinque totam urbem*, quo significatur, num pro parvo quod deest, peribunt ; quia enim quinque significant parum, non assumuntur dein quinque, sed dicitur, *non perdam si invenero ibi quadraginta quinque*, quo significatur quod non perirent, si conjungi possent ; quod hic dicantur quadraginta quinque, & non, si defint quinque in quinquaginta, etiam causa est, quia quinque non solum significant parum, ut ostensum n : 649, sed etiam disjunctionem, ut quoque ostensum in Parte Prima, n : 1686, quare ne significaretur disjunctio, sed conjunctio, hic numerus, nempe quadraginta quinque, nominatur, nam quadraginta quinque est aliqua conjunctio, ut supra dictum ; ita pulchre sequuntur singula in sua serie in sensu interno. Quod conjunctionem

junctionem boni cum vero attinet, est arcanum, quod non ita describi potest, ut capto vulgari comprehendi queat; paucis modo dicendum; quo Verum magis genuinum est & purum, eo bonum quod a Domino, ei ut vasi recipienti melius inaptari potest; at quo verum minus genuinum & purum est, eo bonum a Domino minus inaptari potest, correspondebunt enim sibi mutuo, secundum correspondentiam fit conjunctio; bona nusquam possunt insinuari falsis, nec mala possunt veris, ut vasis recipientibus, nam sunt contrariæ indolis & naturæ, rejicit unum alterum ut suum inimicum; imo si conarentur se conjungere, exspueret unum alterum, bonum nempe malum sicut venenum, & malum bonum sicut quoddam vomitale; talis inimicitia inter malum & bonum a Domino provisâ est, ne unquam commiscerentur, nam si commiscerentur, periret homo: in dolosis & hypocritis non procul abest, quin conjuncta sint, sed usque a Domino præcavetur ne conjungantur; quæ causa est, quod dolosi & hypocritæ in altera vita præ omnibus aliis dira patiantur.

2270. Vers: 29. *Et addidit adhuc loqui ad Ipsum, Et dixit, forte inventi fuerint ibi quadraginta, Et dixit, non faciam propter quadraginta.* Addidit adhuc loqui ad Ipsum, significat cogitationem: & dixit, forte inventi fuerint ibi quadraginta, significat illos qui in tentationibus fuerint: & dixit, non faciam propter quadraginta, significat quod salvabuntur.

2271. Addidit adhuc loqui ad Ipsum, quod significet cogitationem, constat a significatione loqui, in sensu interno; loqui seu loquutio non aliud est, quam illud quod ex cogitatione fluit, & quia interna significatur per externa, sicut intelligere per videre, intellectus per oculum, obedientia per aurem, & sic porro, ita cogitare per loqui.

2272. Et dixit, forte inventi fuerint ibi quadraginta, quod significet qui in tentationibus fuerunt, constat a significatione numeri Quadraginta, quod sint tentationes, de qua in Parte Prima, n: 730. Quomodo hæc in serie sequuntur, constare potest a tentationibus; Tentationes existunt ob finem, non solum ut confirmetur homo in veris, sed etiam ut vera bonis artius conjungantur, pugnat enim tunc pro veris contra falsa; & quia tunc in interiori dolore est, & in cruciatu, jucunda vitæ cupiditatum & inde voluptatum cessant, & tunc influunt bona a Domino, & tunc simul mala spectantur ut abominabilia, inde novæ & prioribus contrariæ cogitationes, ad quas postea flecti potest, & sic a malis ad bona, & hæc conjungi veris; & quia per tentationes conjunctio boni cum vero fit, & in priori Versu dictum est, quod salvarentur ii, apud quos bona conjungi possunt veris, ideo hoc sequitur, & quidem ita, quod conjungi possint per tentationes; hic nexus rerum est illis qui in sensu interno sunt.

2273. Quod dixit, non faciam propter quadraginta, significet quod salvabuntur, constat absque explicatione. De illis, qui significantur per quadraginta quinque in Versu præcedente, dictum est, quod *non perdam* si invenero quadraginta quinque, & significatum, quod non perirent si bona veris conjungi possent; hic nunc sequitur de quadraginta, & dicitur, *non faciam propter*

ter quadraginta, quo non significatur, quod salarentur propter tentationes, nam quidam etiam tentationes subeunt, qui in iis succumbunt, ita non conjunguntur apud eos bona; imo nec propter tentationes salvatur homo, si aliquid meriti in iis ponit, nam si aliquid meriti in tentationibus ponit, est ex amore sui, quod se inde jactet, & credat se præ aliis meruisse cœlum, & simul de præeminentia sui præ aliis cogitat, contemnendo alios præ se, quæ omnia amoris mutui & inde beatitudini cœlesti contraria sunt; Tentationes, in quibus homo vincit, secum habent, quod omnes alios se digniores credat, & quod potius infernalis sit, quam cœlestis, talia enim ei obveniunt in tentationibus; cum itaque post tentationes in contrarias illis cogitationes venit, indicium est, quod non vicerit, nam cogitationes quas habuit in tentationibus, sunt ad quas flecti possint cogitationes, quas habet post tentationes; & si hæc ad illas non flecti possint, vel succubuit in tentatione, vel recurrit in similes, & quandoque in graviore, usque dum redactus sit ad illam sanitatem, quod credat se nihil meruisse: inde constat, quod per Quadraginta hic significantur illi, apud quos per tentationes bona conjuncta sint veris.

2274. Verſ: 30. *Et dixit, ne quæſo ſuccenſeatur Domino meo, & loquar; forte inventi fuerint ibi triginta; & dixit, non faciam, ſi invenero ibi triginta.* Et dixit, ne quæſo ſuccenſeatur Domino meo, & loquar, ſignificat anxietatem de genere humano: forte inventi fuerint ibi triginta, ſignificat aliquid pugnæ: & dixit, non faciam, ſi invenero ibi triginta, ſignificat quod illi ſalvabuntur.

2275. Et dixit, ne quæſo ſuccenſeatur Domino meo, & loquar, quod ſignificet anxietatem de ſtatu generis humani, non ita ex verbis, ſed ex affectione eorundem conſtare poteſt: ſunt bina in ſenſu interno Verbi, nempe ſpirituale & cœleſte; ſpirituale eſt, quod comprehendantur res abſtractæ a litera, quibus literalis ſenſus inſervit pro objecto, ſicut ſunt illa quæ videt oculus, cum inſerviunt pro objectis cogitandi de ſublunioribus; cœleſte eſt, quod ſolum, percipiatur affectio rerum quæ in ſenſu interno; in illo ſunt angeli ſpirituales, in hoc autem Angeli cœleſtes; qui in hoc ſunt, ſeu in affectione, percipiunt illico quid litera involvit, cum legitur ab homine, ex ſola affectione, & ex ea formant ſibi ideas cœleſtes, & hoc cum innumerablem varietate, & ineffabili modo ſecundum conſenſum ſuccedentem cœleſtium amoris qui in affectione; inde conſtare poteſt, quid Verbum Domini in reſſu habet; cum itaque hæc leguntur, *ne quæſo ſuccenſeatur Domino meo, & loquar*, Angeli cœleſtes illico percipiunt anxietatem quandam, & quidem anxietatem amoris erga genus humanum, & ſimul tunc innumerablem & ineffabilem de anxietate amoris, quæ Domino, cum cogitavit de ſtatu generis humani, illis inſinuatur.

2276. Forte inventi fuerint triginta, quod ſignificet aliquid pugnæ, conſtat ex ſignificatione Numeri Triginta: quod Triginta ſignificent aliquid pugnæ, ita parum pugnæ, eſt inde, quia numerus ille per multiplicationem, compoſitus eſt ex *Quinque*, quibus ſignificatur aliquid parum, & ex *Sex*, quibus ſignificatur labor ſeu pugna, ut in Parte Prima, n: 649. 737. 720.

900.

900. 1709, ostensum est: inde etiam Numerus ille, ubicunque in Verbo legitur, significat aliquid parum respective, sicut apud Sachariam, "Dixi ad illos, si bonum in oculis vestris, date mercedem, & si non, omittite, & appenderunt mercedem meam, *Triginta argenteos*; & dixit Jehovah ad me, projice illud ad figulum, magnificentiam pretii, qua æstimatus sum ab apud eos; & sumsi *Triginta argenteos*, & projecit illud in domum Jehovæ ad figulum," xi: 12: 13, pro quod tam parum æstimaverunt Meritum Domini, ac Redemtionem & Salvationem ab Ipso; figulus pro reformatione & regeneratione: inde de iisdem Triginta argenteis apud Matthæum, "Sumserunt *Triginta argenteos*, quem emerant a filiis Israelis, & dederunt pro agro figuli, sicut præcepit mihi Dominus," xxvii: 10, ex quibus manifeste constat, quod Triginta ibi pro pretio æstimati parvo: æstimatio servi, qui pro vili habebatur, erat Triginta scilorum, ut constat apud Moſen, "Si servum ferierit bos, aut ancillam, *argentum Triginta scilorum*" dabit domino ejus, & bos lapidabitur," Exod: xxi: 32; quam vilis habebatur servus, constat ibi Vers: 20, 21; servus in sensu interno pro labore: quod Levitæ assumerentur ad obeundum ministerium, quod describitur per venientem ad exercendum militiam, & faciendum opus in tentorio, a filio *Triginta annorum* ad quinquaginta, Num: iv: 3. 23. 30. 35. 39. 43, erat quia per Triginta significabantur illi qui initiarentur, ita qui parum adhuc exercere militiam in spiritali sensu intellectum possent; præter alibi, ubi Triginta in Verbo nominantur; sicut quod offerrent super filium bovis mincham *tres decimas*, Numb: xv: 9, quod erat qui sacrificium de bove repræsentabat bonum naturale, ut supra n: 2180, ostensum, & bonum naturale parum est respective ad bonum spirituale, quod repræsentabatur per sacrificium arietis, & adhuc minus respective ad bonum cœleste, quod repræsentabatur per sacrificium agni, circa quæ alia ratio decimarum minchæ fuit, ut constat ibi, Vers: 4: 5. 6: tum Num: xxviii: 12. 13. 20. 21. 28. 29. Cap: xxi: 3. 4. 9. 10. 14. 15; quæ rationes decimarum, seu proportionum, nusquam mandatæ fuissent, nisi involvisſent arcana cœlestia: Triginta pro parvo etiam apud Marcum, "Semen, quod cecidit in terram bonam, dedit fructum ascendentem, & crescentem, & tulit unum *Triginta*, & alterum *sexaginta*, & alterum *centum*," iv: 8, Triginta pro parvo proventu, & pro quod parum laboravit; numeri illi non designati fuissent, nisi involvisſent illa, quæ significant.

2277. Quod dixit, non faciam, si invenero ibi triginta, significat quod illi salvabuntur, constat ex serie rerum in sensu interno, absque explicatione.

2278. Vers: 31. *Et dixit, ecce quæso suscepi ad loquendum ad Dominum meum, forte inventi fuerint ibi viginti, & dixit, non perdam propter viginti.* Dixit, ecce quæso suscepi ad loquendum ad Dominum meum, significat, hic ut prius, Humani humiliationem coram Divino: forte inventi fuerint ibi viginti, significat si non aliquid pugnæ, sed usque bonum: & dixit, non perdam propter viginti, significat quod salvabuntur.

Nº. III.

I

2279.

2279. Dixit, ecce quæso suscepi ad loquendum ad Dominum meum, quod significet humani humiliationem coram Divino, constat ex illis, quæ supra n: 2265, dicta sunt, ubi eadem verba.

2280. Forte inventi fuerint ibi viginti, quod significet si non aliquid pugnæ, sed usque bonum, constat ex significatione viginti: sicut omnes numeri, qui in Verbo nominantur, significant res & status ut prius passim dictum & ostensum, videatur n: 2252; ita quoque Viginti, quæ quid significant, constare potest a derivatione ejus, nempe a bis Decem: Decem in Verbo, sicut etiam Decimæ, significant Reliquias, per quas significatur omne bonum & verum, quod Dominus apud hominem ab infantia usque ad ultimum ejus ætatis, insinuat, de quibus in Versu sequente; bis decem seu binæ decimæ, hoc est, viginti, simile significant, sed in superiori gradu, nempe bonum. Triplicis generis bona per Reliquias significantur, nempe Bona infantie, Bona ignorantie, & Bona intelligentie; Bona infantie sunt, quæ insinuantur homini a prima ejus nativitate, usque ad ætatem, qua incipit instrui & aliquid scire; Bona ignorantie sunt, quando instruitur, & aliquid scire incipit; Bona intelligentie sunt, quando reflectere potest quid bonum & quid verum: Bonum infantie est ab infantia hominis usque ad decimum annum ætatis ejus; Bonum ignorantie ab hac ætate usque ad annum ejus vigesimum; ab hoc anno incipit homo rationalis fieri, & facultatem reflectendi super bonum & verum habere, & sibi bonum intelligentie comparare: Bonum ignorantie est, quod significatur per Viginti, quia illi, qui in bono ignorantie sunt, non in aliquam tentationem veniunt, nemo enim tentatur priusquam reflectere potest, & percipere suo modo quid bonum & verum, de his qui bona acceperunt per tentationes, actum est in Versibus binis qui proxime præcedunt, de illis nunc in hoc Versu, qui non in tentationibus, & usque bonum habent: quia per Viginti significantur hi, qui hoc bonum, quod bonum ignorantie vocatur, habent, inde est, quod omnes illi, qui exierunt Ægypto, recensiti sint a *filio viginti annorum* & supra, ac, ut dicitur, omnis exiens in exercitum, per quos intellecti illi, qui non amplius in bono ignorantie essent, de quibus, Num: 1: 20. 24. 26. 28. 30. 32. 34. 38. 40. 42. 45. Cap: xxvi: 4; & quod omnes illi, qui *supra viginti annos*, mortui sint in deserto, Lev: xxxii: 10. 11, quia illis imputari potuit malum, & representabant eos, qui succumbunt in tentationibus: tum quod æstimatio facta sit masculi a filio quinque annorum, ad *filium viginti annorum*, *viginti scli*, Lev: xxvii: 5; & alia æstimatio a *filio Viginti annorum* ad Sexaginta, quinquaginta scli, ibid: Vers: 3: Cum bonis illis, nempe infantie, ignorantie & intelligentie, ita se habet; Bonum intelligentie est optimum, nam hoc est sapientie; Bonum, quod præcedit, nempe ignorantie, est quidem bonum, sed quia parum intelligentie inest, non vocari potest bonum sapientie; bonum autem infantie est quidem in se bonum, sed usque est minus bonum quam priora, nam adhuc non adjunctum est ei aliquid verum intelligentie.

telligentiæ, ita non factum aliquod bonum sapientiæ, sed est, modo planum ut fieri possit, cognitiones boni & veri faciunt, ut homo sicut homo sapiat: ipsa infantia, per quam significatur innocentia, non est infantie, sed est sapientiæ, ut melius constare potest ex illis, quæ de infantibus in altera vita, ad finem hujus Capitis, dicuntur: per Viginti in hoc Versu, non aliud bonum, ut dictum, significatur, quam bonum ignorantie; quod bonum non solum prædicatur esse apud eos, qui sunt intra annum vigesimum, ut dictum, sed etiam apud omnes, qui in bono charitatis sunt, & simul in ignorantia veri, ut sunt illi intra Ecclesiam, qui in bono charitatis, nec sciunt quid verum fidei, ex quacunque causa, ut sunt perplurimi ex illis qui sancte de Deo, & bene de proximo, cogitant; tum quoque sunt omnes extra Ecclesiam, qui Gentes appellantur, & similiter in bono charitatis vivunt; hi & illi, tametsi in veris fidei non sunt, usque, quia in bono, in facultate sunt recipiendi vera fidei, in altera vita, æque ac infantes; intellectualem enim eorum nondum infectum est principiis falsi, nec voluntarium vita mali ita confirmatum quia ignorant quod falsum & malum; & charitatis vita secum habet, quod falsum & malum ignorantie possit facile flecti ad verum & bonum; non ita apud eos, qui in contrariis vero se confirmarunt, & simul in contrariis bono vitam egerunt. Alioquin *binæ decimæ* in Verbo, bonum tam cœleste quam spirituale significant; bonum cœleste & inde spirituale per *duas decimas*, ex quibus unusquisque panis dispositionis & facierum, conscribatur, Levit: xxiv: 5: & bonum spirituale per *duas decimas* minchæ super sacrificium arietis, Num: xv: 6. Cap: xxviii: 12: 20. 28. Cap: xxxix: 3. 9. 14; de quibus, ex Divini Domini Misericordia, alibi.

2281. Quod dixit, non perdam propter viginti, significet quod salvabuntur, constat ex serie rerum in sensu interno, ita absque explicatione.

2282. Vers: 32. *Et dixit, ne quæso succenseatur Domino meo, Et loquar tantum hac vice, forte inventi fuerint ibi decem, Et dixit, non perdam propter decem.* Dixit, ne quæso succenseatur Domino meo, & loquar tantum hac vice, significat anxietatem adhuc de statu generis humani: forte inventi fuerint decem, significat si reliquiæ usque essent: & dixit, non perdam propter decem, significat quod salvabuntur.

2283. Dixit, ne quæso succenseatur Domino meo, & loquar tantum hac vice, quod significat anxietatem adhuc de statu generis humani, constat ex affectione horum verborum, de qua supra n: 2275, ubi eadem verba.

2284. Forte inventi fuerint ibi decem, quod significet si reliquiæ usque essent, constat a significatione numeri decem, quod sint reliquiæ, de qua in Parte Prima, n: 576. 1738: quid autem Reliquiæ sunt, in variis locis prius, ut n: 488. 530. 560. 561. 660. 661. 1050. 1738. 1906, dictum & ostensum est, nempe quod sit omne bonum, & omne verum apud hominem, quod reconditum latet in ejus memoriis, & in ejus vita; notum est, quod nihil bonum, & nihil verum, nisi a Domino; tum quod bonum, & verum continue a Domino apud hominem influat, sed quod recipiatur diffimide,

verfimode, & quidem hoc secundum vitam mali, & secundum principia falsi, in quibus se homo confirmavit, hæc sunt quæ bona & vera a Domino continue influentia vel exstinguunt, vel suffocant, vel pervertunt; ne itaque bona malis, & vera falsis commisceantur, si enim commiscerentur periret homo in æternum, Dominus separat illa, & bona ac vera, quæ accepit, recondit in interiore ejus homine, unde Dominus nusquam permittet ut prodeant, quamdiu in malo & falso est, sed tunc solum, cum in aliquo statu sancto est, vel in quadam anxietate, vel in morbis, & similibus; hæc quæ Dominus ita recondidit apud hominem, sunt quæ vocantur reliquæ, quarum mentio plurima fit in Verbo, sed nondum alicui notum, quod illa significant; homo secundum qualitatem & quantitatem reliquiarum, hoc est, boni & veri apud eum, fruitur beatitudine & felicitate in altera vita, nam, ut dictum, recondita sunt in interiore ejus homine, & tunc patent, cum homo corporea & mundana reliquit: Dominus solus novit, quales & quantæ hominis reliquæ sunt, homo nusquam hoc scire potest; nam hodie homo talis est, ut mentiri possit bonum, cum tamen intus nihil nisi malum est; tum quoque homo apparere potest sicut malus, cum tamen intus habeat bonum; quare nusquam homini licet judicare de altero, qualis ejus vita spiritualis est, solus enim Dominus, ut dictum, hoc novit; sed unicuique licet judicare de altero, qualis est quoad vitam moralem & civilem, hoc enim societatis interest: communissimum est, quod illi qui opinionem captarunt de aliquo vero fidei de aliis judicent, quod salvari nequeant, nisi similiter credant ac illi, quod tamen Dominus prohibuit, Matth. vii: 1. 2; cum tamen ex multa experientia mihi notum factum sit, quod ex omni religione salventur, modo per charitatis vitam reliquias boni & apparentis veri receperint; hæc sunt, quæ intellecta, per, si inventi fuerint decem quod non perderentur propter decem, quibus significatum, si reliquæ essent quod salvarentur. Charitatis vita est, bene cogitare de alio, & ei bene velle, & percipere apud se gaudium ex eo, quod alii etiam salventur; at charitatis vitam non habent, qui volunt quod nulli alii salventur, quam qui credunt sicut ii, & magis qui indignantur quod aliter sit: hoc constare potest solum ex eo, quod plures ex gentibus, quam ex Christianis, salventur; qui enim eorum bene cogitarunt de proximo, & ei bene voluerunt, melius, quam qui Christiani vocantur, vera fidei in altera vita recipiunt, & præ Christianis agnoscunt Dominum; Angelis enim nihil jucundius & felicius est, quam instruere illos, qui ex tellure in alteram vitam veniunt.

2285. Quod non perdam propter decem, significet quod salvabuntur, constat ex serie rerum in sensu interno, ita absque explicatione.

2286. Vers: 33. *Et ivit Jehovah, quando absolvit loqui ad Abrahamum; & Abraham reversus ad locum suum.* Ivit Jehovah, quando absolvit loqui ad Abrahamum, significat quod hic status perceptionis, in quo fuit Dominus, tunc absolverit talis esse: & Abraham reversus ad locum suum, significat quod Dominus in statum, in quo fuit antequam næc perceperit, rediret.

2287.

2287. Quod ivit Jehovah, quando absolvit loqui ad Abrahamum, significet quod hic status perceptionis, in quo fuit Dominus, tunc absolverit talis esse, constat ex significatione loqui, & ex representatione Abrahami; loqui in sensu interno significat cogitare, ut ostensum supra n: 2671, hic autem percipere, quia prædicatur de Jehovah, quod absolvit loqui ad Abrahamum; cogitatio enim fuit ex perceptione, ut prius dictum, & perceptio ex interno Domini, quod fuit Jehovah: Abrahamus autem representat in hoc Capite Dominum in statu humano, ut sæpius supra dictum; inde constare potest per quod ivit Jehovah, quando absolvit loqui ad Abrahamum, nihil aliud in sensu interno significetur, quam quod ille status perceptionis, in quo fuit Dominus, tunc absolverit esse. Causa, cur in hoc Capite tam multum in sensu interno agatur de Perceptione & Cogitatione Domini, videatur supra n: 2249.

2288. Quod Abraham reversus ad locum suum, significet quod Dominus in statum, in quo fuit antequam hæc percepit, rediret, constat ex representatione Abrahami in hoc Capite, quod sit Dominus in statu humano; & ex significatione Loci, quod sit status, de qua in Parte Prima, n: 1273. 1378; ita hic reverti ad locum suum, in sensu interno, est redire ad statum, in quo prius fuit. Quod bini status fuerint Domino, cum vixit in mundo, nempe status Humiliationis, & status Glorificationis, prius dictum & ostensum est; status Humiliationis Ipsi fuit cum in Humano quod traxit hæreditario a matre; status Glorificationis cum in Divino, quod habuit a Jehovah Patre Ipsi; illum statum, nempe Humanum a matre prorsus exiit Dominus, & induit Humanum Divinum, cum transivit e mundo, & rediit ad Ipsum Divinum, in quo fuit ab æterno, Joh: xvii: 5, una cum Humano Divino factò, ex quo utroque est Sanctum, quod universum Cælum implet; ita ex Divino Ipso, Humano Divino per Sanctum procedens regit universum.



De Statu Infantum in altera vita.

2289. *PRO certo scire datum, quod omnes infantes qui moriuntur, in universo terrarum orbe, a Domino resuscitentur, & in cælum auferantur, & ibi apud Angelos, qui curam eorum habent, educuntur, ac instruuntur, tum sicut intelligentia & sapientia proficiunt, adolefcent: exinde constare potest, quam immensum sit cælum Domini solum ex Infantibus; nam omnes illi instruuntur in veris fidei, & bonis amoris mutui, & sunt angeli.*

2290.

2290. Qui nihil de statu vitæ post mortem sciunt, opinari possunt, quod infantes, illico, dum in alteram vitam veniunt, in intelligentia & sapientia angelica sint; sed quod aliter se habeat, per multam experientiam instructus sum; qui non diu post natiuitatem obeunt, sunt infantili mente pæne sicut in terra, nec quicquam plus sciunt; modo enim secum habent facultatem sciendi, ex hac intelligendi, & ex hac sapiendi, quæ facultas perfectior est, quia non in corpore sunt, sed sunt spiritus: quod tales sint, cum primum in cælum veniunt, non modo mihi dictum est, sed etiam ostensum; aliquibus enim vicibus, ex Divina Domini Misericordia, ad me Infantes in choris missi sunt, & concessum quoque prælegere illis Orationem Domini, & simul tunc datum percipere, quomodo Angeli, in quorum consortio fuerunt, in teneras & novitias illorum ideas, sensum rerum, quæ in Oratione Domini, insinuarent, & illas, quantum recipere potuerunt, implere; & dein quomodo illis data copia cogitandi similia sicut ex se.

2291. Qualis illorum tener intellectus sit, etiam ostensum mihi, cum ego Orationem Domini orarem, & illi tunc in ideas cogitationis meæ ex suo intellectu influerent, quod tam tenerum fuit, ut vix illis aliquid præter sensum verborum; sed usque quod ideæ eorum in illa teneritudine essent apertiles usque ad Dominum, hoc est, usque a Domino; nam Dominus in Infantum ideas præprimis ab intimis influit; nihil enim adhuc illorum ideas clausit, sicut apud adultos, nulla principia falsi ad intelligendum verum, nec vita mali ad recipiendum bonum, & sic ad sapiendum.

2292. Ex his constare potest, quod Infantes non illico post mortem in statum Angelicum veniant, sed quod per cognitiones boni & veri successive introducantur, & hoc secundum omnem ordinem cælestem; nam omnium minima eorum indolis ibi exquisitissime percipiuntur, & secundum omnia & singula momenta eorum inclinationis aguntur ad recipiendum vera boni, & bona veri, & hoc sub continuo Domini auspicio.

2293. Inprimis initiantur jugiter in id, quod non alium Patrem sciant, & dein agnoscant, quam solum Dominum, & quod ab Ipso vitam habeant; nam quod vitæ sint, nempe vere humanæ & angelicæ, est ab intelligentia veri & sapientia boni, quam unice habeat a Domino: inde est, quod non sciant aliter, quam quod nati sint in cælo.

2294. Pluries cum Infantes apud me fuerint in choris, cum adhuc prorsus infantiles essent, auditi sunt sicut tenerum inordinatum, sic ut nondum sicut unum agerent, quemadmodum dein cum adultiores facti; & quod

quod miratus, spiritus apud me non potuerunt se retinere, quin eos ducerent, nempe ad cogitandum & ad loquendum; innata est spiritibus talis cupidō, sed observatum toties, quod infantes repugnarent, non volentes ita cogitare nec ita loqui; renuentiam & repugnantiam cum quadam specie indignationis, sepius appercepi, cumque illis datum esset aliquid copie loquendi, dicebant modo quod non ita sit; instructus sum, quod talis sit Infantum tentatio in altera vita, ut adsuescant & inaugurentur non solum ad resistendum falso & malo, sed etiam ut non ab alio cogitent, loquantur & agant, ita non ab alio patiantur se duci, quam a solo Domino.

2295. Quando Infantes non in illo statu sunt, sed in interiore sphaera, nempe angelica, tunc nihil usquam infestari possunt a spiritibus, imo tametsi in medio eorum. Quandoque etiam Infantes, qui in altera vita sunt, a Domino mittuntur ad infantes in terra, tametsi infans in terra id prorsus nescit; his quam maxime delectantur.

2296. Quomodo omnia illis insinuantur per jucunda & amœna, quæ genio eorum conveniunt, mihi etiam ostensum est; datum enim videre Infantes decoratissime amictos, circum pectus sertis florum ex amœnissimis & cœlestibus coloribus splendentium, & præterea circum tenera eorum brachia: quondam etiam videre Infantes cum virginibus eorum educatricibus in borto paradisiaco, non ita ex arboribus, sed ex transiris quasi laureis, & sic porticibus, ornatissimo cum viis adituum versus interiora; & ipsos Infantes similiter tunc amictos, & cum intrabant, floretum supra introitum lætissime exsplendescibat; inde quales illis delitiæ, constare potest, tum quod per amœna & jucunda introducuntur in bona innocentiae & charitatis, quæ jucundis illis & amœnis jugiter a Domino insinuantur.

2297. Præterea Infantes, sicut perficiuntur, etiam circumdantur atmosphaera secundum statum perfectionis eorum; quod atmosphaera in altera vita datur innumerabili varietate, & ineffabili pulchritudine, ab experientia videatur in Parte Prima, n: 1621; illis imprimis sistuntur atmosphaera sicut ludantium Infantum in minimis inconspicuis, sed perceptibilibus modo intima idea formis, ex quibus ideam capiunt illam cœlestem, quod omnia & singula circum eos vivant, & quod sint in vita Domini, quæ intima eorum afficit felicitate.

2298. Ostensum mihi per modum communicationis in altera vita familiarem, quales Infantum ideæ sunt, cum vident aliqua objecta, erant sicut omnia & singula viverent; sic ut in cogitationis suæ ideis singulis haberent vitam: & perceptum, quod similes fere ideæ sint infantibus in tellure,

tellure, cum in suis lusoriis sunt, nam nondum iis reflexio qualis adultis, quid inanimalum.

2299. Instruuntur Infantes imprimis per repræsentativa genii eorum adæquata, quæ quam pulchra, & simul sapientia ab interiori plena sint, nusquam aliquis credere potest; ita illis insinuat per gradus intelligentia, quæ suam animam trahit a bono: unum solum Repræsentativum, quod videre datum, licet hic referre, ex quo concludi potest ad reliqua; repræsentabant Dominum e sepulchro ascendentem, & simul Humani Iphius unionem cum Divino, quod fiebat modo tam sapiente, ut excederet omnem sapientiam humanam, & simul modo innocente infantali; sissebant etiam ideam sepulchri, sed non simul ideam Domini nisi ita remote, ut vix perciperetur quod Dominus nisi quasi e longinquo, ex causa quia ideæ sepulchri inest aliquid funeris, quod sic removebant postea admittebant prudentissime in sepulchrum quoddam atmosphæricum apparens usque ut tenue aqueum, quo significabant, etiam per remotionem decentem, vitam spirituales in baptismo: postea vidi repræsentari ab iis Domini descensum ad viventes, & ascensum cum viventes in cælum, & hoc incomparabili prudentia & pietate; & quod infantile erat, cum repræsentarent Dominum apud viventes in inferiore terra, funiculos fere inconspicuos, molliusculos, & tenerrimos demittebant, quibus Dominum allevarent in ascensu; semper in sancto timore, ne quicquam in repræsentativo attingeret aliquid in quo non spirituale cæleste: præter alia repræsentativa, in quibus sunt, & per quæ in cognitiones veri, & affectiones boni, sicut per ludos infantum animis conformes, perducuntur.

2300. Præterea sunt Infantes diverso genio & diversa indole, & hoc ex hereditario, quod trahunt a parentibus, & per successionem ab avis & atavis; actuale enim parentum assuetudine confirmatum, induit naturam, & implantatur hereditario infantibus, inde illorum inclinationes diversæ.

2301. In genere sunt Infantes genio vel cælesti vel spirituali; qui genio cælesti sunt, probe dignoscuntur ab illis qui genio spirituali; illi molliuscule cogitant, loquuntur & agunt, sic ut vix quidquam appareat nisi fluens quid ex amore boni in Dominum & erga infantes alios; hi autem non ita molliter, sed quoddam quasi alatum vibratile se manifestat in singulis illorum; tum etiam patet ab indignatione eorum; præter alia; ita unusquisque infans ab alio quocunque diversæ indolis est, & quisque secundum indolem educatur.

2302. Sunt certæ & plures Societates Angelorum, quæ curam habent Infantum, imprimis sunt ex sexu fæminino, quæ in vita corporis eorum
tener-

tenerrime amarunt infantes : Infantes, qui probiores aliis sunt, certo more offerunt Domino.

2303. Spiritus Angelici, qui superne antrorsum, mecum loquuti loquela angelica, non distincta in voces, dicentes quod status eorum esset status tranquillitatis pacis, & quod apud eos essent quoque infantes, & quod ab eorum consortio perciperent beatitudinem; erant quoque illi Spiritus ex sexu fœminino. Loquuti porro de Infantibus in tellure, quod apud eos statim post natiuitatem sint Angeli e cœlo Innocentiæ; succedente ætate angeli e cœlo tranquillitatis pacis; postea qui e societatibus cbaritatis; & dein sicut innocentia & cbaritas apud infantes liberos decrescit, alii Angeli; & tandem cum adulescentibus sunt, & intrant in vitam a cbaritate alienam, quod quidem Angeli adsint, sed remotius, & hoc secundum fines vitæ, quos Angeli imprimis regunt, bonos iugiter insinuando, & malos auertendo; at quantum hoc possunt aut non possunt, proprius aut remotius influunt.

2304. Multi autumare possunt, quod Infantes maneant infantes in altera vita, & quod sint sicut infantes inter angelos; qui in ignorantia sunt quid Angelus, in opinione illa potuerint confirmari a simulacris hic & ibi in Templis, ac alibi, ubi Infantes ut Angeli exhibentur; sed res se prorsus aliter habet; intelligentia & sapientia facit, angelum, quam quamdiu infantes nondum habent, sunt quidem apud Angelos, sed non sunt Angeli; cum vero intelligentes & sapientes facti sunt, tunc primum sunt Angeli; imo, quod miratus, tunc non apparent sicut Infantes, sed sicut adulti; nam tunc non amplius infantili genio sunt, sed angelico adulescentiori; intelligentia & sapientia hoc secum habet, nam quod intellectus & iudicium, & inde vita faciant, ut quisque appareat sibi & aliis sicut adultus, cuius constare potest. Quod ita sit, non solum ab Angelis informatum sum, sed etiam cum quodam loquutus qui infans mortuus est, & dein usque ut adultus apparuit; idem quoque loquutus est cum fratre suo, qui in adulta ætate decessit, & hoc ex tanto amore fraterno mutuo, ut frater nequaquam potuisset resistere quin lacrymaret, dicens quod non aliud perceperit, quam quod ipse amor esset, qui loqueretur; præter alia exempla, quæ memorare non opus.

2305. Quidam sunt, qui autumant Innocentiam idem esse cum Infantia, ex causa quia Dominus de Infantibus dixit, quod talium sit cœlum, & qui non sunt sicut infantes, non possint intrare in Regnum cœlorum; sed qui ita autumant, non sciunt internum sensum Verbi, & sic quid per Infantiam intelligitur; per infantiam intelligitur innocentia intelligentiæ & sapientiæ, quæ talis est, ut agnoscant se a Domino solum

K

vitam

vitam habere, & Dominum esse unicum eorum Patrem, nam quod homo sit homo, est ab intelligentia veri & sapientia boni, quam unice habent à Domino; ipsa Innocentia, quæ vocatur in Verbo Infantia, nusquam est & habitat, quam in sapientia, usque adeo, ut quo sapientior quis est, eo sit innocentior; quare Dominus est Ipsa Innocentia, quia Ipsa Sapientia.

2306. Quod infantum innocentiam attinet, illa, quia absque intelligentia & sapientia adhuc, est modo planum quoddam ad recipiendum genuinam Innocentiam, quam recipiunt secundum gradus prout sapientes fiunt. Repræsentatum est mihi, qualis est Innocentia infantum, per ligneum quoddam fere expers vitæ, quod vivificatur, sicut per cognitiones veri & affectiones boni perficiuntur: & postea repræsentatum, qualis est genuina Innocentia, per pulcherrimum Infantem prorsus virum, & nudum; ipsi enim Innocentes, qui sunt in intimo cælo, & sic proximi Domino, coram oculis aliorum Angelorum non apparent aliter ac Infantes, & quidem nudi, nam Innocentia repræsentatur per nuditatem quam non pudent, ut legitur de primo Homine & ejus uxore in Paradiso. Verbo, quo sapientiores Angeli, eo innocentiores, & quo innocentiores, eo plus apparent sibi sicut infantes; inde est, quod Innocentia in Verbo significetur per Infantiam: sed de Innocentiæ statu, ex Divina Domini Misericordia, in sequentibus.

2307. Loquutus cum Angelis de Infantibus, num puri sint a malis, quia illis nullum actuale malum, sicut adultis; sed dictum mihi, quod illi æque in malo sint, imo quod illi quoque nihil nisi malum sint, sed quod ii, sicut omnes Angeli, detineantur a malo, & teneantur in bono a Domino usque adeo, ut appareat iis sicut in bono ex se sint; quare etiam infantes, postquam adulti facti in cælo, ne in falsa opinione de se sint, quod bonum apud eos, sit ex iis, & non ex Domino, remittuntur quandoque in mala sua, quæ hæreditario acceperunt, & in illis relinquuntur, usque dum sciunt, agnoscunt, & credunt, quod ita se habeat: quidam etiam, qui infans mortuus, sed qui adolevit in cælo, in simili opinione fuit, quare in vitam malorum sibi innatam remissus, & tunc percipere mihi datum ex sphaera ejus, quod animum haberet imperandi aliis, & quod lasciva pro nibilo æstimaret, quæ fuerunt mala ei hæreditario ex parentibus; at postquam agnovit quod talis esset, tunc iterum receptus inter angelos, inter quos prius fuit.

2308. Nusquam aliquis in altera vita luit pœnam propter malum hæreditarium, quia ejus non est, ita non in culpa quod talis sit; sed propter malum actuale, quod ipse est, ita quoque quantum ex malo hæreditario

ditario per actualem vitam sibi appropriavit, ut prius n : 966, dictum est: quod Infantes adulti facti remittantur in statum mali sui hæreditarii, non est ideo ut pœnam luant, sed ut sciant quod ex se non nisi malum sint, & quod ab inferno, quod apud eos, ex Misericordia Domini in cælum auferantur, & quod in cælo non sint ex merito sui, sed ex Domino; & sic ne ex bono, quod apud eos, se coram aliis jactent; nam hoc est contra bonum amoris mutui, sicut est contra verum fidei.

2309. Ex his, quæ allata, constare potest, qualis est educatio Infantum in cælo, nempe quod per intelligentiam veri & sapientiam boni, introducantur in vitam angelicam, quæ est amor in Dominum, & amor mutuus, in quibus est Innocentia: sed quam contraria sit Educatio Infantum in terra, apud plures, constare potuit ab unico hoc exemplo; eram in platea urbis magnæ, & vidi puerulos inter se dimicantes, affluebat turba, quæ hoc multa voluptate aspectabat, & instructus quod ipsi parentes excitent puerulos liberos ad tales pugnas; spiritus boni & angeli, qui illa per oculos meos videbant, illa ita aversebantur, ut horrorem perciperem, & maxime ex eo, quod parentes eos ad talia incitent; dicentes, quod sic in prima ætate extinguant omnem amorem mutuum, & omnem innocentiam, quæ Infantibus a Domino, & illos in odia & vindictas initient, consequenter quod liberos suos suo studio ex cælo excludant, ubi nihil nisi amor mutuus: caveant itaque a talibus parentes, qui infantibus suis bonum volunt.

Ad finem Capituli præcedentis xvii Genes: agitur de ultimo Judicio, ad finem hujus Capituli xviii Genes: de statu infantum in altera vita, utrumque ab experientia illorum, quæ visa & audita sunt in mundo spirituum & cælo angelorum.

F I N I S.

SW.138
HY 569

Arcana Cœlestia,
QUÆ IN
SCRIPTURA SACRA,
SEU
VERBO DOMINI

SUNT, DETECTA:

Hic quæ in

G E N E S I

Capite Decimo Nono:

Una cum Mirabilibus,

Quæ visa & audita sunt

In Mundo Spirituum, & Cœlo Angelorum ;

Hic ad finem, quæ de

Memoria remanente hominis post mortem, & reminiscencia
eorum, quæ egerat in vita corporis.

IV.

MDCCL.



PARS SECUNDA.
LIBRI GENESEOS.

CAPUT DECIMUM NONUM.

2310. **D**E SENSU INTERNO Verbi pluries prius actum est ; sed scio, quod pauci possint credere, quod talis sensus sit in singulis Verbi, non solum in *Propheticis*, sed etiam in *Historicis* : quod talis sensus sit in *Propheticis*, facilius credi potest, quia in illis non talis series est, & simul in illis sunt loquutiones peregrinæ ; inde quod aliquod arcanum involvant, quisque autumare potest : sed quod similiter in *Historicis*, non ita facile apparet, tam quia hæcenus nemini in mentem venit, quam quia *Historica* talia sunt, ut animum detineant in se, & sic abstrahant mentem ad cogitandum quod altius quoddam ibi reconditum sit ; tum quoque quia *Historica* vere talia sunt, qualiter relata : at usque nullus non concludere potest, quod interius etiam in illis cœleste & Divinum sit, quod non elucet, ex eo *Primo*, quod Verbum sit a Domino per cœlum ad hominem demissum, & sic quod aliud sit in sua origine ; qualis origo sit, & quod hæc differat & distet a literali sensu ita ; ut ne quidem videatur, proinde ab illis qui mere mundani sunt, non agnoscat, multis in sequentibus ostendetur : *Secundo*, quod Verbum, quia Divinum, non solum scriptum sit pro homine, sed etiam pro Angelis apud hominem, ut inserviat, non modo usui Generi Humano, sed etiam usui

A 2

Cœlo ;

Cœlo ; & quod sic Verbum sit Medium uniens Cœli & Terræ ; unio est per Ecclesiam, & quidem per Verbum in Ecclesia, quod ideo tale est, & ab omni alio scripto distinguitur. Quod in specie Historica attinet, nisi ea similiter Divina & Cœlestia abstracte a litera contingerent, nusquam agnosci potuissent ab aliquo, qui ultra cogitat, pro Verbo inspirato, & hoc quoad unamquamvis jotham ; an quisquam diceret, quod memoraretur in Divino Verbo de re abominabili filiarum Lothi, de quibus ad finem hujus Capitis ; de Jacobo, quod baculos decorticaverit & denudaverit ad album, & posuerit in aqualiculis, ut pareret grex diversiccolores, punctatos & maculosos, præter plura alia in Libris cæteris Moïsi, in Josuæ, Judicum, Samuelis, & Regum, quæ nullius rei forent, & perinde si scirentur vel non scirentur, nisi Divinum arcanum altius involverent ; nisi hoc, nihil differrent ab historicis aliis, quæ quandoque ita scripta sunt, ut plus videantur posse efficere. Quia Orbis Eruditus ignorat, quod Divina & cœlestia intus etiam in Historicis Verbi lateant, nisi foret ex sancta veneratione quæ ab infantia illis pro Libris Verbi impressa est, etiam facile animo dicerent, quod Verbum non sit sanctum, nisi solum inde, cum tamen non inde est, sed quia sensus internus, & is cœlestis & Divinus, inest, qui facit ut uniat Cœlum cum Terra, hoc est, mentes angelicas cum humanis, & sic has cum Domino.

2311. Quod Verbum tale sit, & sic distinctum ab omni alio scripto, constare potest etiam ex eo, quod non solum omnia Nomina significant res, ut ostensum prius n: 1224. 1264. 1876. 1888, sed etiam omnes Voces sensum spiritualem habeant, ac ita quod aliud significant in Cœlo, quam in terra, & hoc constantissime tam in Prophetis quam in Historicis ; quæ Nomina & quæ Voces cum in sensum cœlestem, secundum significationem eorum in toto Verbo constantem, exponuntur, prodit Sensus Internus, qui est Verbum Angelicum ; duplex hic sensus Verbi se habet instar Corporis & Animæ, Sensus literalis est instar corporis, & Sensus Internus instar animæ ; & sicut corpus per animam vivit, ita Sensus literalis per internum, per hunc vitam Domini influit in illum, secundum affectionem illius qui legit : inde patet, quam sanctum sit Verbum, tametsi coram mundanis mentibus non ita appareat.

CAPUT

CAPUT XIX.

1. **ET** venerunt duo Angeli Sodomam in vesp̄era, & Loth sedens in porta Sodomæ, & vidit Loth, & surrexit obviam illis, & incurvavit se facies in terram.

2. Et dixit, ecce quæso, Domini mei, declinate quæso ad domum servi vestri, & pernoctate, & lavate pedes vestros, & mane surgatis, & eatis in viam vestram; & dixerunt, non, quia in platea pernoctabimus.

3. Et urgebat eos valde, & declinaverunt ad eum, & venerunt ad domum ejus, & fecit eis convivium, & azyma coxit, & comederunt.

4. Vix adhuc cubuerunt, & viri urbis, viri Sodomæ, circumdederunt domum, a puero & usque ad senem, omnis populus ab extremo.

5. Et clamaverunt ad Loth, & dixerunt ei, ubi Viri qui venerunt ad te noctu, educ eos ad nos, & cognoscamus eos.

6. Et exivit ad eos Loth ad januam, & ostium clausit post se.

7. Et dixit, ne quæso, fratres mei, malefaciatis.

8. Ecce, quæso, mihi duæ filiæ, quæ non cognoverunt virum, educam, quæso, eas ad vos, & faciatis eis sicut bonum in oculis vestris; tantum Viris illis ne faciatis quicquam, quia propterea venerunt in umbra trabis meæ.

9. Et dixerunt, accede ultra, & dixerunt, num unus venit ad peregrinandum, & judicabit judicando, nunc malefaciemus tibi præ illis, & urserunt in virum, in Loth valde, & accefferunt ad effringendum ostium.

10. Et emiserunt Viri manum suam, & introduxerunt Lothum ad se in domum, & ostium clauferunt.

11. Et viros, qui januæ domus, percusserunt cæcitatibus, a parvo & usque ad magnum, & laboraverunt ad inveniendum januam.

12. Et dixerunt Viri ad Lothum, adhuc quis tibi hic, generum, & filios tuos, & filias tuas, & omnem qui tibi in urbe, educ e loco.

13. Quia perdentes Nos locum hunc, quia magnus factus est clamor eorum coram JEHOVAH, & misit Nos JEHOVAH ad perdendum eum.

14. Et exivit Loth, & loquutus est ad generos suos accipientes filias suas, & dixit surgite, exite e loco isto, quia perdens JEHOVAH urbem; & fuit sicut ludens in oculis generorum ejus.

15. Sicuti aurora ascendit, & ad festinandum adigebant Angeli Lothum, dicendo, surge, accipe uxorem tuam, & duas filias tuas inventas, ne forte consumaris in iniquitate urbis.

16. Et moratus, & apprehenderunt Viri manum ejus, & manum uxoris ejus, & manum duarum filiarum ejus, in clementia JEHOVÆ super eum, & eduxerunt eum, & statuerunt eum extra urbem.

17. Et fuit, cum educerent ii illos foras, & dixit, eripe te super anima tua, ne respicias post te, & ne consistas in omni planitie, in montem eripe te, ne forte consumaris.

18. Et dixit Loth ad eos, ne quæso, Domini mei.

19. Ecce, quæso, invenit servus tuus gratiam in oculis tuis, & magnam fecisti misericordiam tuam, quam fecisti mecum, ad vivificandum animam meam, & ego non potero eripere me in montem, ne forte adhæreat mihi malum, & moriar.

20. Ecce, quæso, urbs hæc propinqua ad fugiendum illuc, & ea parva, eripiam me quæso illuc, annon parva ea, & vivat anima mea.

21. Et dixit ad eum, ecce acceptavi faciem tuam etiam quoad verbum hoc, quod non evertam urbem, de qua loquutus.

22. Festina, eripe te illuc, quia non possum facere quicquam usque venire te illuc; propterea vocavit nomen urbis Zoar.

23. Sol egressus super terram, & Loth venit Zoarem.

24. Et JEHOVAH pluere fecit super Sodomam & super Amoram sulphur & ignem a cum JEHOVAH e cælo.

25. Et evertit urbes illas, & omnem planitiem, & omnes habitatores urbium, & germen agri.

26. Et respexit uxor ejus post eum, & facta statua salis.

27. Et surrexit Abraham in matuta, ad locum quo steterat ibi coram JEHOVAH.

28. Et prospexit contra facies Sodomæ & Amoræ, & contra omnes facies terræ planitie, & vidit, & ecce ascendit fumus terræ, sicut fumus fornacis.

29. Et fuit in perdendo DEUS urbes planitie, & recordatus est DEUS Abrahami, & emisit Lothum e medio everfionis, in evertendo urbes, in quibus habitavit Loth.

30. Et ascendit Loth e Zoar, & habitavit in monte, & duæ filiae ejus

ejus cum eo, quia timuit habitare in Zoar, & habitabat in spelunca is & duæ filiæ ejus.

31. Et dixit Primogenita ad minorem, pater noster senex, & vir nullus in terra, ad veniendum ad nos, secundum viam totius terræ.

32. Veni, propinemus patri nostro vinum, & cubemus cum eo, & vivificemus de patre nostro semen.

33. Et propinaverunt patri suo vinum in nocte illa, & venit primogenita, & cubuit cum patre suo, & non cognovit in cubare ejus & in surgere ejus.

34. Et fuit a castino, & dixit primogenita ad minorem, ecce cubui heri cum patre meo, propinemus ei vinum etiam nocte hac, & veni, cuba cum eo, & vivificemus de patre nostro semen.

35. Et propinaverunt etiam in nocte illa patri eorum vinum, & surrexit minor, & cubuit cum eo, & non cognovit in cubare ejus, & in surgere ejus.

36. Et conceperunt binæ filiæ Lothi de patre suo.

37. Et peperit primogenita filium, & vocavit nomen ejus Moab, is pater Moabi usque ad diem hunc.

38. Et minor etiam illa peperit filium, & vocavit nomen ejus Benammi, is pater filiorum Ammonis usque ad diem hunc.

C O N T E N T A.

2312. **I**N hoc Capite, in Sensu Interno, per Loth describitur Status Ecclesiæ Spiritualis, quæ in bono charitatis est, sed in cultu externo, quomodo illa progressu temporis decrescit.

2313. *Primus Status* Ecclesiæ illius, quod in bono charitatis sint, & Dominum agnoscant; & quod ab Ipso in bono confirmantur, Verf: 1. 2. 3. & salventur, Verf: 12. *Secundus Status*, quod apud eos mala incipiant agere contra bona, at quod detineantur potenter a malis, & teneantur in bonis, a Domino, Verf: 14. 15. 16. Imbecillitas eorum describitur, Verf: 17: quod salventur, Verf: 19. *Tertius Status*, quod non amplius ex affectione boni, sed ex affectione veri, cogitent & agant, Verf: 18. 19. 20; & quod salventur, Verf: 23. *Quartus Status*, quod affectio veri pereat, quod est uxor Lothi facta statua falis, Verf: 26. *Quintus Status*, quod bonum impurum seu bonum falsi succedat, quod est Loth in spelunca montis, Verf: 30. *Sextus status*, quod etiam hoc bonum adhuc magis adulteretur & falsificetur, Verf: 31. 32. 33. Pariter verum, Verf: 34. 35. Quod inde
conci-

concupiatur & nascatur quoddam instar Ecclesiæ, cujus bonum ita vocatum est Moab, & cujus verum etiam ita vocatum est filius Ammonis.

2314. Porro in Sensu Interno per Habitatores Sodomæ describitur Status eorum intra eandem Ecclesiam, qui contra bonum charitatis sunt; & quomodo malum & falsum apud eos progressu temporis accrescit, usque dum iis nihil nisi malum & falsum.

2315. *Primus Status* eorum, quod contra bonum charitatis sint, & contra Dominum, Vers: 4. 5. *Secundus Status*, quod tametsi informati de bono charitatis, & de affectionum ejus jucundis, quibus fruituri, usque obstringunt se, & bonum rejiciant, Vers: 6. 7. 8. Quod etiam ipsum bonum charitatis destruere conentur, sed quod Dominus illud tutetur, Vers: 9. 10. *Tertius Status*, quod tandem tales fiant, ut ne quidem videre possint verum & bonum, minus quod verum ducat ad bonum, Vers: 11. Quod sit occupati a malo & falso, ut non possint non perire, Vers: 13. *Quartus Status*, Interitus eorum, Vers: 24: Et quod ab iis separentur omnia bona & vera.

2316. Quod boni a malis separentur, & quod boni salventur, per Humanum Domini factum Divinum, Vers: 27. 28. 29.

SENSUS INTERNUS.

2317. **V**ERS: 1. *Et venerunt duo Angeli Sodomam in vespera, & Loth sedens in porta Sodomæ, & vidit Loth, & surrexit obviam illis, & incurvavit se facies in terram.* Venerunt duo Angeli Sodomam in vespera, significat visitationem, quæ præcedit judicium; duo Angeli, significant Divinum Humanum & Sanctum procedens Domini, cui judicium; Sodoma malos, imprimis qui intra Ecclesiam; Vespera est tempus visitationis: & Loth sedens in porta Sodomæ, significat illos qui in bono charitatis, at in cultu externo, qui hic sunt Loth; qui inter malos, sed separati ab illis, quod est sedere in porta Sodomæ: & vidit Loth, significat conscientiam eorum: & surrexit obviam illis, significat agnitionem, & charitatis affectum: & incurvavit se facies ad terram significat humiliationem.

2318. Venerunt duo Angeli Sodomam vespera, quod significet visitationem quæ præcedit judicium, constare potest ab illis quæ a tribus Viris seu Jehovah dicta sunt in Capite præcedente; tum ab illis quæ in hoc Capite sequuntur; ut & a significatione vesperæ: in Capite præcedente dixit Jehovah, "Descendam & videbo, num secundum clamorem, qui venit ad Me, fece-

fecerint habitatores Sodomæ & Amoriæ confumptionem, & si non, cognoscam,” Verſ: 20. 21; per quæ verba quod ſignificetur Viſitatio quæ præcedit iudicium, ibi oſtenſum eſt: in hoc Capite deſcribitur ipſe Viſitationis actus, dein Iudicium, ut a ſequentibus patet: quod Veſpera ſignificet tempus viſitationis, videbitur infra: quid Viſitatio, & quod Viſitatio præcedat Iudicium, videatur n: 2242. In Capite præ: actum eſt de ſtatu perverſo Generis humani, & de dolore ac interceſſione Domini pro illis qui in malo, ſed uſque in aliquo bono & vero; quare nunc ſequitur de ſalvatione eorum, qui in aliquo bono & vero ſunt, hi ſunt qui in hoc Capite repræſentantur per Lothum; tum ſimul de interitu eorum qui prorſus in malo & falſo ſunt, hi ſunt qui hic ſignificantur per Sodomiam & Amoram.

2319. Duo Angeli, quod ſignificant Divinum Humanum & Sanctum procedens Domini, Cui iudicium, conſtat tam a ſignificatione Angelorum in Verbo, quam ex eo quod hic duo Angeli dicantur: quod Angeli in Verbo ſignificant quoddam eſſentiale Divinum apud Dominum, ſed quid, ex ſerie, conſtare poſſe, prius n: 1925, oſtenſum eſt; quod hic ſignificant Divinum Humanum & Sanctum procedens Domini, ex eo patet, quia per tres Viros, qui fuerunt apud Abrahamum, intellectum eſt Divinum Ipſum, Humanum Divinum, & Sanctum procedens Domini, n: 2149. 2156. 2288; inde, & ex eo quod Jehovah dicantur, Verſ: 24, tum ex ſignificatione Angelorum, n: 1925, liquet, quod per duos Angelos hic intelligatur Divinum Humanum & Sanctum procedens Domini.

2320. Cur hic modo bini Angeli eſſent, cum apud Abrahamum tres Viri, eſt arcanum quod paucis non poteſt exponi; conſtare poteſt aliquatenus ex eo, quod in hoc Capite agatur de Iudicio, nempe de Salvatione Fidelium, & Damnatione Infidelium; & ex Verbo conſtat, quod Divino Humano & Sancto procedenti Domini, ſit iudicium; quod Divino Humano, apud Johannem, “Non Pater iudicat quemquam, ſed iudicium omne dedit Filio,” V: 22, per Filium intelligitur Divinum Humanum, videatur n: 2159: quod Sancto procedenti a Domini Divino Humano iudicium, etiam apud Johannem, “Si abivero, mittam Paracletum ad vos; cumque venerit Ille, arguet mundum de peccato, & de iuſtitia, & de iudicio,” xvi: 8: & quod Sanctum procedat a Domino, apud Eundem, “Non loquetur ex ſe, ſed de Meo accipiet, & annuntiabit,” xvi: 13. 15; & hoc cum Humanum Divinum factum, hoc eſt, cum Dominus glorificatus eſt, apud Eundem, “Nondum erat Spiritus Sanctus, quia Jeſus nondum glorificatus eſt,” vii: 29.

2321. Quod iudicium ſit Divino Humano & Sancto procedenti Domini, ita ſe habet; quod ſalvari non potuerit Genus humanum amplius, niſi Dominus venerit in mundum, & univerſit eſſentiam Divinam eſſentiae Humanæ; nam abſque Humano Domini Divino facto non ad hominem magis pertingere potuit ſalus, n: 1999. 2016. 2034. 2035: ipſum Sanctum procedens a Divino Humano Domini, eſt quod ſeparat malos a bonis, mali enim timet & horrent adeo Sanctum Domini, ut non approximare poſſint ad

No. IV.

B

illud,

illud, sed inde longe fugiunt, quisque secundum prophanum apud illos, in sua inferna.

2322. Quod Sodoma significet malos, imprimis qui intra Ecclesiam, constat a significatione Sodomæ, quod sit malum amoris sui, de qua n : 2220. 2246, proinde quod sint illi, qui in isto malo sunt. Qui Verbum ex solo sensu literæ capiunt, putare possunt, quod per Sodomam intelligatur scditas quæ contra naturæ ordinem est, sed in sensu interno per Sodomam significatur malum amoris sui, ex hoc malo omnia mala cuiuscunque generis scaturiunt; & quæ inde scaturiunt, vocantur in verbo adulteria, & describuntur per illa, quod constabit ab illis locis Verbi, quæ ad finem hujus Capituli adducentur.

2323. Quod Vespera sit tempus visitationis, constat a significatione Vesperæ: Status Ecclesiæ in Verbo comparantur & temporibus Anni, & temporibus Diei; temporibus Anni, nempe ejus æstati, autumnus, hyemi, & veri; temporibus Diei, nempe ejus meridiei, vespere, nocti & mane; similiter enim se habent: status Ecclesiæ, qui Vespera dicitur, est cum nulla amplius charitas, proinde cum nulla fides incipit esse, ita cum Ecclesia definit esse; hæc Vespera est quam sequitur nox, videatur n : 22; & est quoque cum Charitas elucet, proinde cum fides, ita cum Ecclesia nova, exoritur, hæc Vespera est diluculum ante mane, videatur n : 883; ita Vespera significat utrumque: providetur enim a Domino, cum Ecclesia definit esse, quod nova exoritur, & hoc eodem tempore, nam absque Ecclesia alibi in orbe, non subsistere potest Genus humanum, quia nulla foret ejus conjunctio cum Cælo, ut n : 468. 637. 931. 2054, ostensum est. In hoc Capite agitur de utroque statu Ecclesiæ, nempe de ortu novæ Ecclesiæ, quæ representatur per Lothum, ac de interitu veteris, quæ significatur per Sodomam & Amoram, ut constare potest a Contentis; inde est, quod hic dicatur, quod duo Angeli venerint Sodomam in Vespera; & quod memoretur, quid factum in Vespera, a Vers: 1 ad 3, quid in Nocte a Vers: 4 ad 14, quid Mane seu surgente Aurora a Vers: 15 ad 22, & quid postquam Sol egressus a Vers: 23 ad 26. Quia Vespera illos status Ecclesiæ significat, etiam significat Visitationem quæ præcedit judicium, nam cum imminet judicium, hoc est, salvatio fidelium, & damnatio infidelium, tunc præcedit Visitatio seu exploratio quales sunt, hoc est, num aliqua charitas & fides; hæc Visitatio fit in Vespera, quare etiam ipsa Visitatio vocatur Vespera, ut apud Zephaniam, “Væ habitatoribus tractus maris, genti Kerethim, verbum Jehovah contra vos, Canaan, terra Philistæorum, & perdere faciam” te, usque ut nullus habitator; reliquæ domus Jehudæ pascant in domibus Askelonis, in Vespera cubabunt, quia *Visitabit* eos Jehovah Deus eorum, “& reducet captivitatem eorum,” 11 : 5. 7.

2324. Et Loth sedens in porta Sodomæ, quod significet illos qui in bono charitatis sunt, at in cultu externo, qui hic sunt Loth, qui inter malos, sed separati ab illis, quod est sedere in porta Sodomæ, constare potest a representatione Lothi, & a significatione portæ, tum Sodomæ: a representatione Lothi,

Lothi, Loth, quando fuit cum Abrahamo, repræsentavit Sensuale Domini, ita Ipsiūs Externum, ut in Parte Prima, n: 1428. 1434. 1547, ostensum; nunc cum separatus est ab Abrahamo, non amplius retinet repræsentationem Domini, sed repræsentationem eorum, qui apud Dominum sunt, nempe Externum hominem Ecclesiæ, qui sunt illi qui in bono charitatis sunt, at in cultu externo; imo Loth in hoc Capite non solum repræsentat Externum hominem Ecclesiæ, seu quod idem, Ecclesiā Externam, qualis est in principio, sed etiam qualis est in progressu, tum quoque in fine, finis illius Ecclesiæ est, qui significatur per Moabum & Filium Ammonis, ut a sequentium serie, ex Divina Domini Misericordia, constabit; in Verbo commune est, quod unus repræsentet plures status qui succedunt, qui describuntur per vitæ ejus successivos actus. A significatione Portæ, porta est per quam intratur in urbem, & per quam exitur ab urbe, proinde sedere in porta significat hic quidem esse apud malos, sed usque separatum esse ab illis; sicut solent homines Ecclesiæ, qui in bono charitatis sunt, ii tamen cum malis sunt, usque sunt ab illis separati, non quoad societatem civilem, sed quoad vitam spiritualem. Quod Sodoma significet malum in genere, seu quod idem, malos, imprimis intra Ecclesiam, supra n: 2322, dictum.

2325. Et vidit Loth, quod significet conscientiam, nempe eorum qui in bono charitatis sunt, at in cultu externo, constare potest a significatione Videre; videre in Verbo significat intelligere, videatur n: 897. 1584. 1806. 1807. 2150; in sensu autem interno significat fidem habere, de qua ejus significatione, ex Divina Domini Misericordia, ad Vers: 32, Cap: xxix Genes: dicitur: quod hic Conscientiam, inde est, quia qui fidem, etiam conscientiam habent, illa ab hac inseparabilis est, & quidem ita inseparabilis, ut sive dicas fidem, sive conscientiam, perinde sit: per fidem intelligitur fides, per quam charitas, & quæ ex charitate, ita ipsa charitas, nam fides absque charitate nulla fides est; & sicut fides non dabilis est absque charitate, ita nec conscientia.

2326. Et surrexit obviam illis, quod significet agnitionem, ut & charitatis affectum, constare potest ex eo, quod Loth, cum venerunt, agnovit illico quod Angeli essent; non autem viri Sodomæ, de quibus ita, "Clamaverunt ad Loth, & dixerunt, ubi Viri, qui venerunt ad te noctu, adduc eos ad nos, ut cognoscamus eos," Vers: 5: in sensu interno significant hæc, quod, qui in bono charitatis sunt intra Ecclesiam, agnoscant Divinum Humanum & Sanctum procedens Domini, per duos Angelos intellectum, non autem illi qui non in bono charitatis. Quod etiam eadem verba involvant charitatis affectum, constat, etiam inde quod Loth, per quem repræsentantur illi qui in bono charitatis sunt, imo significatur ipsum bonum charitatis, invitaverit illos in domum suam.

2327. Incurvavit se facies in terram, quod significet humiliationem, constare potest absque explicatione. Quod olim, imprimis in Ecclesiis repræsentativis, incurvaverunt se usque adeo, ut demiserint faciem in terram, causa fuit, quia facies significabat interiora hominis, n: 358. 1999, & quod

in terram, quia terræ pulvis significabat prophanum & damnatum, n: 278, proinde sic repræsentabant, quod ex se prophani & damnati essent, ideo prosternebant se faciem premendo in terram, imo se in pulvere & cinere volutando, tum quoque pulverem aut cinerem super caput spargendo, ut constare potest ex Thren: 11: 10. Ezech: xxvii: 30. Mich: 1: 10. Jos: vii: 6. Apoc: xviii: 19, & alibi. Per hæc repræsentabant statum veræ humiliationis, qui nusquam dari potest, nisi agnoscant, quod ex se prophani & damnati sint, & sic quod non spectare possint ex se ad Dominum, ubi nihil nisi Divinum & Sanctum; quare quantum homo in agnitione sui est, tantum potest in vera humiliatione esse, & tantum in adoratione cum est in cultu, nam in omni cultu erit humiliatio, quæ si inde separatur, nihil adorationis est, ita nihil cultus. Quod status humiliationis sit essentialis ipsius cultus, inde est, quia quantum cor humiliatur, tantum amor sui, & omne malum inde, cessat, & quantum hoc cessat, tantum insluit bonum & verum, hoc est, charitas & fides, a Domino; nam quod obstat, quin recipiantur, est principaliter amor sui, in hoc enim est contemptus aliorum præ se, est odium & vindicta si non colatur, estque immisericordia & crudelitas, ita omnium pessima mala, in quæ nusquam inferri potest bonum & verum, sunt enim opposita.

2328. Vers: 2. *Et dixit, ecce quæso, Domini mei, declinate quæso ad domum servi vestri, & pernoctate, & lavate pedes vestros; & mane surgatis, & eatis in viam vestram: & dixerunt, non, quia in platea pernoctabimus.* Et dixit, ecce quæso Domini mei, significat interiorē agnitionem & confessionem Divini Humani & Sancti procedentis Domini: declinate quæso ad domum servi vestri & pernoctate, significat invitationem ut apud se mansionem habeat; ad domum servi, est in bono charitatis: & lavate pedes vestros, significat applicationem ad ejus naturale: & mane surgatis & eatis in viam vestram, significat confirmationem sic in bono & vero: & dixerunt, non, significat dubitationem, quæ solet esse tentationis: quia in platea pernoctabimus, significat quod ex vero quasi vellet judicare.

2329. Dixit, ecce quæso Domini mei, quod significet interiorē agnitionem & confessionem Divini Humani & Sancti procedentis Domini, constat ex agnitione & humiliatione, de qua mox prius, hic confessio immediate sequitur, nam confessio est quod dicat, "ecce quæso Domini mei:" confessio interior est cordis, & existit in humiliatione, & simul in affectione boni; confessio autem exterior est oris, & existere potest in ficta humiliatione, & in ficta affectione boni, quæ est nulla, ut apud eos, qui consentunt Dominum sui honoris, seu potius sui cultus, ac sui lucri, causa, ii quod consentunt ore, negant corde. Quod dicatur in plurali, Domini mei, est ex eadem causa, ex qua in præcedente Capite dicuntur Tres Viri, quia sicut ibi Tres significant Ipsum Divinum, Humanum Divinum, & Sanctum procedens, ita hic Duo significant Divinum Humanum, & Sanctum procedens Domini, ut supra dictum est; illa quod unum sint, unicuique intra Ecclesiam notum est, & quia unum sunt, etiam in sequentibus nominantur in singu-

singulari, ut Vers: 17, "Fuit cum educerent ii illos, & dixit, eripe te super anima tua:" Vers: 19, "Ecce quæso, invenit servus tuus gratiam in oculis tuis, & magnam fecisti misericordiam tuam, quam fecisti mecum:" Vers: 21, "Et dixit ad eum, ecce acceptavi faciem tuam etiam quoad verbum hoc, quod non evertam urbem:" Vers: 22, "Quia non possum facere quicquam, usque venire te illuc." Quod Divinum Ipsum, Divinum Humanum & Sanctum procedens sit Jehovah, constat ex Capite præcedente, ubi Tres Viri passim dicuntur Jehovah, nempe ibi Vers: 13, "Dixit Jehovah ad Abrahamum:" Vers: 14, "Num mirabile erit pro Jehovah quicquam:" Vers: 22, "Abraham adhuc stans coram Jehovah:" Vers: 33, "Ivit Jehovah, quando absolvit loqui ad Abrahamum:" Consequenter est Divinum Humanum & Sanctum procedens Jehovah, ut quoque nominatur in hoc Capite, Vers: 24, "Et Jehovah plure fecit super Sodomam & Amoram sulphur & ignem a cum Jehovah e caelo;" de quorum sensu interno videbitur in sequentibus; quod Dominus sit ipse Jehovah, qui toties nominatur in Historicis & Prophetis Veteris Testamenti, videatur n: 1736. Qui vere homines Ecclesiæ sunt, hoc est, qui in amore in Dominum & in charitate erga proximum sunt, Trinum norunt & agnoscunt, sed usque coram Domino se humiliant, & Ipsum solum adorant, ex causa quia sciunt, quod nullus accessus sit ad ipsum Divinum, quod Pater dicitur, quam per Filium, & quod omne Sanctum, quod Spiritus Sancti est, ab Ipso procedat; in qua idea cum sunt, non alium adorant, quam per quem, & a quo, omnia, ita Unum, nec diffundunt ideas in Tres, ut multi alii intra Ecclesiam solent; quod constare potest a pluribus in altera vita, etiam ab Eruditis, qui præ aliis fidei arcana se possedisse in vita corporis putarunt; ii in altera vita explorati, quam ideam habuerint de Deo uno, num Tres Increati, num Tres Infiniti, num Tres Æterni, num Tres Omnipotentes, & num Tres Domini, & apperceptum manifeste, quod ideam Trinum habuerint, nam idearum datur ibi communicatio; cum tamen ex fide symbolica, ubi apertis verbis dicitur, sit, quod non Tres Increati, non Tres Infiniti, non Tres Æterni, non Tres Omnipotentes, non Tres Domini, sed Unus, sicut etiam est; ita falsi, quod ore quidem dixerint, Unum esse Deum, sed usque cogitaverint, & quidam crediderint Tres, quos separare idea, non conjungere, possent; causa inde est, quia arcana quæcunque, imo arcanissima, secum habent ideam, nam absque idea nihil cogitari potest, ne quidem aliquid memoria teneri: inde in altera vita, sicut in clara die, patet, qualem unusquisque sibi cogitationem, & inde fidem, de Uno Deo formavit. Imo Judæi in altera vita, cum audiunt Dominum esse Jehovah, & non esse nisi Unum Deum, nihil possunt dicere; at cum percipiunt, Christianorum ideas partitas esse in Tres, dicunt se colere Unum Deum, sed illos Tres; ac eo magis, cum Tres in idea separatos non possint alii conjungere, quam qui in fide charitatis sunt, nam horum mentem Dominus applicat Sibi.

2330. Declinate quæso ad domum servi vestri, & pernoctate, quod signi-

significet invitationem, ut apud se mansionem habeat, constat absque explanatione.

2331. Ad domum servi, quod sit in bono charitatis, constat a significatione Domus, quod sit bonum cœleste, quod solius est amoris & charitatis, de qua n : 2048. 2234.

2332. Lavate pedes vestros, quod significet applicationem ad ejus naturale, constat ab illis, quæ in Capite præc ; n : 2162, dicta sunt, ubi eadem verba. Olim cum viderunt Angelum Jehovah, crediderunt se morituros, Ex : xix : 12. 21. 24. Cap : xx : 16. Judic : vi : 22. 23. Cap : xiii : 22. 23 ; ex causa, quia Sanctum Divinum influens in propheta, quod apud hominem, talis efficacie est, ut sit sicut ignis edens & consumens ; quapropter Dominus coram homine, cui se sistit videndum, etiam coram Angelis, miraculose moderatur & temperat Sanctum ab Ipso procedens, ut sustinere possint, seu quod idem, applicat ad eorum naturale : hoc nunc est, quod in sensu interno significatur per hæc quæ dixit Loth ad Angelos, "Lavate pedes vestros : " inde qualis sensus internus est, patet, nam quod hæc significatio sit, a sensu literæ non videri potest.

2333. Et mane surgatis & eatis in viam vestram, quod significet sic confirmationem in bono & vero, constare potest a significatione mane surgere, tum a significatione ire in viam ; Mane in Verbo significat Regnum Domini, & quicquid est Regni Domini, ita principaliter bonum amoris & charitatis, quod ex Verbo confirmabitur ad Verf : 15 : Via autem significat Verum, videatur n : 627 ; inde sequitur, quod postquam fuerint in domo ejus & ibi pernoctaverint, quo significatum quod mansionem in bono charitatis apud eum haberent, mane surgerent & irent in viam suam quo significatur ita confirmatum esse in bono & vero. Ex his, sicut ex reliquis, patet, quam remotus est sensus internus a sensu literæ, & inde quam inconspicuus, imprimis in Historicis Verbi, & quod non pateat nisi singulæ voces secundum constantem earum in Verbo significationem explicentur ; quare cum in sensu literæ tenentur ideæ, sensus internus non aliter apparet quam obsecrum & tenebrosum quid ; at, vicissim cum in sensu interno tenentur ideæ, apparet similiter sensus literæ obscurus, imo ab Angelis sicut nihil, nam Angeli non amplius sunt in mundanis & corporeis, quales sunt hominis, sed in spiritualibus & cœlestibus, in quas mirabiliter mutantur voces sensus literæ, cum ab homine, qui legit Verbum, ad sphaeram, in qua sunt Angeli, hoc est, ad Cœlum, ascendit, & hoc ex correspondentia Spiritualium cum mundanis, & cœlestium cum corporeis, quæ correspondentia constantissima est, sed qualis, nondum detectum, modo nunc in explicatione vocum, nominum & numerorum, quoad sensum internum, in Verbo : ut sciatur, qualis illa correspondentia est, si quod idem, quomodo ideæ mundanæ & corporeæ transeunt in correspondentes ideæ spirituales & cœlestes, cum illæ elevantur ad cœlum, sit pro exemplo *Mane*, & *Via* ; cum legitur Mane, ut hic, mane surgere, tunc Angeli non ideam alienius Mane diei capient, sed ideam Mane in

in sensu spirituali, ita similem ac apud Samuelem, "Petra Israelis, Ille sicut lux *Mane*, cum oritur sol, *Mane* non nubes," 2 Sam: xxiii: 4: & apud Danielelem, "Sanctus dixit ad me, usque ad vesperam, cum sit *Mane*, bis mille trecenta," ix: 14: 26: ita pro *Mane* percipiunt Dominum, aut Regnum Ipse, aut celestia amoris & charitatis, & quidem illa cum varietate secundum seriem rerum in Verbo quod legitur. Similiter ubi legitur *Via*, ut hic ire in viam vestram, non habere possunt aliquam ideam *Viæ*, sed spiritualem aut celestem aliam, nempe similem ac apud Johannem, quod Dominus dixit, "Ego sum *Via & Veritas*," xiv: 6; & quæ apud Davidem, "*Vias tuas* Jehovah notas fac mihi, duc *Viam* meam in veritate," Psalm: xxv: 4. 5: & apud Eundem, "*Viam intelligentiarum* nosse fecit ipsi," Psalm: xl: 14: ita pro *Via* percipiunt verum, & hoc tam in Historicis quam Prophetis Verbi; Historica enim non amplius curant Angeli, quia ideis eorum prorsus non adæquata sunt, quare loco eorum talia quæ sunt Domini & Ipse Regni percipiunt, quæ etiam in pulchro ordine & concinna serie in sensu interno consequuntur; propterea, ut quoque pro Angelis sit Verbum, omnia Historica ibi sunt representativa, & singula verba significativa talium, quod peculiare habet Verbum præ omni alio scripto.

2334. Et dixerunt, non, quod significet dubitationem quæ solet esse tentationis, constare potest a negatione, & quod usque iverint in domum ejus; in omni tentatione est dubitativum de præsentia & misericordia Domini, deque salvatione, & similibus; sunt enim in anxietate interiore, usque ad desperationem, in qua ut plurimum tenentur, ob causam, ut confirmentur tandem in eo, quod omnia sint Misericordiæ Domini, quod per Ipsum solum salventur, & quod apud se nihil nisi malum sit, de quibus per pugnas, in quibus videntur, confirmantur: manent post tentationem inde plures status veri & boni, ad quos flecti dein possunt a Domino cogitationes, quæ alioquin ruerent in vesana, & contra verum & bonum traherent mentem. Quia hic per Lothum agitur de primo statu Ecclesiæ, quæ in bono charitatis est, at in cultu externo, & antequam homo in hunc statum venit, reformandus est, quod sit etiam per quandam speciem tentationis, sed qui in cultu externo, ii modo levem tentationem subeunt, ideo hæc dicta sunt, quæ involvunt tentationis quoddam, nempe quod Angeli primum dicerent, quod pernoctarent in platea, & quod Loth urgeret illos, & sic quod declinaverint ad illum, & venerint in domum ejus.

2335. Quia in platea pernoctabimus, quod significet quod ex vero quasi vellet judicare, constare potest a significatione Plateæ, & a significatione pernoctare in Verbo passim nominatur, & in sensu interno simile significat ac *Via*, nempe verum, nam platea est via in urbe, ut a locis mox frequentibus constabit: quod pernoctare hic sit judicare, constare potest a significatione Noctis; ostensum est supra, n: 2323, quod Vespera significet statum Ecclesiæ ante ultimum, cum nulla fides incipit esse, tum quoque visitationem quæ præcedit iudicium, inde patet, quod nox quæ succedit, sit status ultimus, quando nulla fides, tum quod sit iudicium; inde liquet, quod

in

in platea pernoctare in sensu interno sit ex vero judicare. Quod Judicium attinet, est illud duplex, nempe ex bono, & ex vero; fideles judicantur ex bono, at infideles ex vero; quod fideles ex bono constat manifeste apud Matthæum Cap: xxv, a Vers: 34 ad 40; & quod infideles ex vero, ibi a Vers: 41 ad 46; judicari ex bono, est salvari, quia illud receperunt; at judicari ex vero, est damnari, quia bonum rejecerunt; bonum est Domini, hoc qui agnoscunt vita & fide, sunt Domini, quare salvantur; at qui non agnoscunt vita proinde non fide, illi non possunt esse Domini, ita nec salvari; judicantur ideo secundum vitæ suæ acta & secundum cogitationes & fines, & cum secundum hæc, non possunt non damnari, nam verum est, quod homo ex se non nisi malum faciat, cogitet & intendat, & ex se ruat ad infernum, quantum non inde detinetur a Domino. Sed ita se habet judicium ex vero, Dominus nusquam aliquem judicat quam ex bono, omnes enim, quotcumque sunt, in cœlum attollere vult, imo si posset usque ad Semet, est enim Dominus ipsa Misericordia, ac ipsum Bonum; ipsa Misericordia & ipsum Bonum, nusquam potest aliquem damnare, sed est homo, quia rejicit bonum, qui se damnat; sicut homo in vita corporis fugerat bonum, ita in altera vita fugit, proinde cœlum & Dominum; Dominus enim non nisi quam in bono potest esse, in vero quoque est, sed non in vero separato a bono; quod Dominus non aliquem damnat, seu judicet ad infernum, Ipse dicit apud Johannem, “Non misit Deus Filium suum in mundum, ut *judicet* mundum, “sed ut *salvetur* mundus per Ipsum: hoc est *judicium*, quod Lux venit in “mundum, sed dilexerunt homines magis tenebras quam lucem, erant enim “opera eorum mala,” 111: 17. 19: & apud Eundem, “Si quis mea audi- “verit verba, non tamen crediderit, *Ego non judico* illum; non enim veni “ut *judicem* mundum, sed ut *salvem* mundum,” x11: 47; præterea videantur quæ de his prius, n: 223. 245. 592. 696. 1093. 1683. 1874. 2258. Ubi de Judicio supra n: 2320. 2321, actum, ostensum est, quod Humano Divino & Sancto procedenti Domini sit omne judicium, secundum Domini verba apud Johannem, “Non Pater *judicat* quemquam, sed *judicium* omne dedit Filio,” V: 22, & tamen nunc dicitur, quod Dominus non *judicet* damnando aliquem, inde patet, quale Verbum est in litera, quod nisi intelligeretur ex alio sensu, nempe ex interno, non comprehenderetur, ex sensu interno solo patet, quomodo se habet cum judicio.

2336. Quod Platea significet verum, constare potest a pluribus locis in Verbo, ut apud Johannem, ubi de Nova Hierosolyma, “Duodecim portæ, “duodecim margaritæ, unaquævis porta erat margarita una, & *Platea civi- “tatis* aurum purum sicut vitrum pellucidum,” Apoc: xxi: 21. Nova Hierosolyma est Regnum Domini, quod quia describitur quoad bonum & verum, describitur per muros, portas, plateas; per has, nempe per Plateas, intelliguntur omnia veri quæ ducunt ad bonum, seu omnia fidei, quæ ducunt ad amorem & charitatem, & quia vera tunc fiunt boni, ita pellucetia a bono, dicitur platea aurum quasi vitrum pellucidum: apud Eundem, “*E medio plateæ* ejus & fluvii, hic illic arbor vitæ faciens fructus duode- “cim,”

“cim,” Apoc: xxi: 2. Ubi etiam de Nova Hierosolyma seu Regno Domini; medium plateæ est verum fidei, per quod bonum, & quod dein a bono; fructus duodecim sunt qui vocantur fructus fidei, nam duodecim significant omnia fidei, ut ostensum n: 577. 2089. 2129. 2130. Apud Danielem, “Scito & percipito ab exitu Verbi, ad restituendum & ad ædificandum Hierosolymam, usque ad Messiam Ducem, septimanæ septem, & septimanæ septuaginta & duæ, & restituetur & ædificabitur Platea & Fossa,” ix: 25; ubi de adventu Domini; quod restituetur platea & fossa, est quod tunc verum & bonum; quod Hierosolyma tunc non restituta sit & ædificata, notum est, & quod non restituenda & ædificanda denuo, quisque etiam nosse potest, si non detineat ideas in Regno mundano, sed in Regno cælesti per Hierosolymam in sensu interno intellecto. Apud Lucam, “Paterfamilias dixit servo suo, abi ocus in Plateas & Vicos urbis, & pauperes, mancos, claudos, & cæcos, introduc illuc,” xiv: 21; qui manent in sensu literæ, non aliud inde capiunt, quam quod servus iret ubivis, & quod hoc significetur per plateas & vicos; quodque adduceret quoscunque, & quod hoc significetur per pauperes, mancos, claudos & cæcos, sed singula verba involvunt arcana, sunt enim Domini; quod iret in plateas & vicos, significat quod quaereret ubicunque aliquod verum genuinum, seu verum quod lucet ex bono, seu per quod pellucet bonum; quod introduceret pauperes, mancos, claudos & cæcos, significat quod tales, qui in Antiqua Ecclesia ita vocati sunt, & tales fuerunt quoad fidem, sed in vita boni, qui sic informarentur de Regno Domini, ita Gentes quæ nondum instructæ. Quia Plateæ significabant vera, inde ritus repræsentativus apud Judæos, docere in plateis, ut patet apud Matthæum, Cap: vi: 2. 5: & apud Lucam, Cap: xii: 26. 27. Apud Prophetas, Plateæ, ubicunque nominantur, in sensu interno significant vel vera, vel contraria veris, ut apud Esaiam, “Rejectum est retro judicium, & justitia e longinquo stetit, nam impegit in Platea Veritas, & Restitudo non potest advenire,” lxi: 14: apud Eundem, “Filli tui defecerunt, & jacuerunt in capite omnium platearum,” li: 20: apud Jeremiam, “Ascendit mors, in fenestras, venit in palatia nostra, ad excindendum parvulum e Platea, juvenes e Vicis,” ix: 20: apud Ezechielem, “Nebuchadnezar per ungulas equorum suorum conculcabit omnes Plateas tuas,” xxvi: 11; ubi de Tyro, per quam cognitiones veri significantur, n: 1201, ungulæ equorum sunt scientifica pervertentia verum: apud Nahum, “In plateis insaniunt currus, discurrent in vicis,” ii: 5; currus pro doctrina veri, qui insanire in plateis dicitur, quando falsum loco veri: apud Sachariam, “Adhuc habitabunt senes-mares, & senes mulieres in Plateis Hierosolymæ, & Plateæ civitatis implebuntur pueris & puellis, ludentibus in Plateis,” viii: 4. 5, de affectionibus veri, & inde lætitiis & gaudiis: præter alibi, ut Esai: xxiv: 11. Jerem: v: 1. Cap: vii: 34. Cap: xlix: 26. Thren: ii: 11. 19. Cap: iv: 8. 14. Zeph: iii: 6.

Nº IV.

C

2337-

2337. Verſ: 3: *Et urgebat eos valde, & declinaverunt ad eum, & venerunt ad domum ejus, & fecit eis convivium, & azyma coxit, & comederunt.* Urgebat eos valde, ſignificat ſtatum tentationis cum vincit: & declinaverunt ad eum, ſignificat manſionem: & venerunt ad domum ejus, ſignificat confirmationem in bono: & fecit eis convivium, ſignificat cohabitationem: & azyma coxit, ſignificat purificationem: & comederunt, ſignificat appropriationem.

2338. Urgebat eos valde, quod ſignificet ſtatum tentationis cum vincit, non conſtare poteſt niſi illis qui in tentationibus fuerunt: Tentationes ſecum habent, ut dictum, dubitationem de præſentia & miſericordia Domini, tum de ſalvatione; ſpiritus mali, qui tunc apud hominem & inducunt tentationem, negativum fortiter inſpirant, ſed ſpiritus boni & angeli a Domino dubitativum hoc omni modo diſcutiunt, & in ſpe continuo tenent, ac demum affirmativum confirmant; inde homo, qui in tentatione, hæret inter negativum & affirmativum; qui ſuccumbit, in dubitativo manet, & in negativum cadit; at qui vincit, in dubitativo quidem eſt, ſed uſque qui ſpe patitur ſe erigi, in affirmativo perſtat: quia in pugna illa, homo urgere videtur Dominum, imprimis per preces, ut adſit, miſereatur, opem ferat, a damnatione liberet, hic, ubi de tentatione illorum, qui ſunt homines Eccleſiæ, agitur, deſcribitur illa, per quod Angeli dixerint primum, non, & quod pernoſtarent in platea, at quod Loth urgeret eos valde, & ſic quod declinaverint ad eum, & venerint in domum ejus.

2339. Et declinaverunt ad eum, quod ſignificet manſionem, conſtat a ſignificatione eorundem verborum ſupra n: 2330, ita abſque ulteriore explicatione.

2340. Et venerunt ad domum ejus, quod ſignificet confirmationem in bono, conſtat ex ſignificatione domus, quod ſit cœleſte bonum, de qua prius, n: 2234. 2331; & inde, tum a ſerie rerum in ſenſu interno, quod ſit confirmari in bono.

2341. Et fecit eis convivium, quod ſignificet cohabitationem, conſtat a ſignificatione Convivii: in Verbo memorantur paſſim Convivia, & ibi in ſenſu interno ſignificant cohabitationem, ut apud Jeremiam, “Verbum Je-
“hovæ ad illum; *domum convivii* non intrabis, ad ſedendum cum illis, ad
“comedendum & ad bibendum,” xvi: 8, ubi ad Prophetam dicuntur
plura, per quæ reprefentaret, quod bonum cum malo, & verum cum falſo,
nullam communicationem haberet, & inter alia, quod non intraret in do-
mum Convivii, quo ſignificabatur, quod bonum & verum non cohabitarent
cum malo & falſo: apud Eſaiam, “Faciet Jehovah Zebaoth omnibus po-
“pulis in monte hoc *Convivium* pinguium, *Convivium* vinorum ſuavium,
“pinguium medullatorum, vinorum defecatorum,” xxv: 6: ibi Mons pro-
anore in Dominum, n: 795. 1430, in quo qui ſunt, cohabitant cum Do-
mino in bono & vero, quod ſignificatur per Convivium; pingua & me-
dullata ſunt bona, n: 353, vina ſuavia & defecata ſunt vera inde, n: 1071.
Convivia ex ſanctificatis, cum ſacrificabant, in Eccleſia Judaica, nec aliud
repræ-

repræsentabant, quam cohabitationem Domini cum homine, in sanctis amoris significatis per sacrificia, n: 2187; similiter dein per Sacram Cœnam, quæ in Primitiva Ecclesia Convivium dicebatur. In Cap: seq: xxi, Gen: memoratur, quod Abrahamus fecerit convivium magnum die, quo ablactatus est Isaac, Vers: 7. per illud repræsentabatur, & inde significabatur cohabitatione & prima conjunctio Divini Domini cum Humano Rationali Ipsius. Idem etiam aliis in locis per Convivia in sensu interno significatur; quod etiam concludi potest inde, quod Convivia sint inter plures, qui in amore & charitate simul sunt, seque animis conjungunt, & mutuo lætitiis, quæ sunt affectus amoris & charitatis, confociant.

2342. Et azyma coxit, quod significet purificationem, constat a significatione azymi seu infermentati: Panis in Verbo significat in genere omnem cibum cœlestem & spiritualem, ita in genere omnia cœlestia & spiritualia, videatur n: 276. 680. 1798. 2165. 2177; quæ ut essent absque impuris, repræsentabatur per Panem azymum; fermentum enim significat malum & falsum, ex quibus impura & prophana redduntur cœlestia & spiritualia; ob hanc repræsentationem mandatum est illis, qui ab Ecclesia Repræsentativa erant, quod in Sacrificiis non offerrent alium panem, seu mincham quam infermentatam seu azymam, ut constat apud Mosen, "Omnis *Mincha*, "quam adferetis Jehovæ, non conficietur *fermentata*," Lev: 11: 11: apud Eundem, "Non sacrificabis super *fermentato* sanguinem Sacrificii mei," Exod: xxiii: 18. Cap: xxxiv: 25. Ac ideo quoque mandatum, quod diebus septem Paschatis, non ederent alium Panem quam infermentatum seu azymum, de quo ita apud Mosen, "Septem diebus *Azyma comedetis*, etiam "in die primo cessare facietis *Fermentum* e domibus vestris, quia quisque "comedens *Fermentatum*, excindetur anima ea ex Israele, a die primo usque "ad septimum. In primo, in die quarto decimo mensis in vespere, *comedetis Azyma*, usque ad diem primum & vigesimum mensis in vespere: "septem diebus *Fermentum* non invenietur in domibus vestris, quia quisque "comedens *Fermentatum*, & excindetur anima ea e cœtu Israelis, in peregrino & indigena terræ," Exod: xii: 15. 18. 19. 20: præter alibi, ut Exod: xiii: 6. 7. Cap: xxi: 15. Cap: xxxiv: 18. Deut: xvi: 3. 4. inde Pascha est dictum Festum Azymorum, Levit: xxi: 6. Num: xxviii: 16. 17. Matth: xxvi: 17. Luc: xxii: 1. 7. Quod Pascha repræsentaret Glorificationem Domini, & sic conjunctionem Divini cum humano genere, alibi, ex Divini Domini Misericordia, ostenditur; & quia conjunctio Domini cum humano genere fit per amorem & charitatem, ac inde fidem, cœlestia & spiritualia illa repræsentabantur per panem azymum, quem diebus Paschatis comederent, quæ ideo ne contaminarentur ullo prophano, tam severe interdictum fuit fermentatum, ut qui illud comederent, excinderentur; qui enim cœlestia & spiritualia prophanant, non possunt non perire: quisque videre potest, quod absque hoc arcano, nusquam hoc ceremoniale, cum tam severa injuncta poena, latum esset: omnia, quæ in Ecclesia illa, mandata fuerunt, arcanum repræsentabant, imo ipsa *Coctio*; sicut

singula illa, quæ fecerunt filii Israelis, cum exirent Ægypto, nempe, “ Quod comederent nocte illa; carnem aſſam igne, & *Azyma super amaro-ribus*, non comederent crudum, *neq; coctum aquis*; caput super crura; “ quod non relinquerent de eo usque ad mane, residuum igne comburent,” Exod: xii: 8. 9. 10: singula hæc representabant, nempe quod Nocte comederent, quod carnem aſſam igne, azyma super amaroribus, caput super crura, non crudum, non coctum aquis, quod non relinquerent ad mane, & quod residuum igne comburent; sed arcana illa nusquam patent, nisi detecta per sensum internum; inde quod omnia Divina sint, solum constare potest. Similiter rituale cum Naziræo, “ Quod Sacerdos acciperet armum *Coctum* de ariete, & *placentam azymam* unam e canistro, & *laganum azymum* unum, & daret super volas Naziræi, postquam totonderit naziræa- tum ejus,” Num: vi: 19; qui nescit quod Naziræus representaret ipsum coelestem hominem, nescit quoque quod omnia & singula illa involvant celestia, ita arcana, quæ non apparent in litera, nempe armus coctus de ariete, placeata azyma, laganium azymum, tonsio capillorum; inde constare potest, qualem opinionem possunt capere de Verbo illi, qui non credunt sensum internum dari, nam absque interno sunt singula nullius momenti; at remoto ceremoniali seu rituali, fit ibi omne Divinum & Sanctum; ita quoque se habet cum reliquis, ac ita cum Azymo, quod fit sanctum amoris, seu sanctum sanctorum, ut quoque vocatur apud Moſen, “ *Azyma* residua, ab Aharone & filiis ejus comedentur in loco sanctitatis, quia *sanctum sancto- rum illa*,” Lev: vi: 9. 10. Panis azymus itaque, est amor purus, & coctio azymi, purificatio.

2343. Et comederunt, quod significet appropriationem, constat a significatione Comedere, quod sit communicari & conjungi, ita appropriari, de qua prius n: 2187. Ex dictis nunc & explicatis constare potest, quomodo illa, quæ in Versu præced: & in hoc continentur, se in sensu interno habent & coherent, ex eo, quod per Angelos significetur Divinum Humanum & Sanctum procedens Domini; per declinare ad eum, mansionem habere; per venire ad domum ejus, confirmari in bono; per facere convivium, cohabitare; per azyma coquere, purificari; & per comedere, appropriari; inde qualis sit series rerum in sensu interno, patet, tamen nihil prorsus ejus apparet in sensu historico; talis est ordo & series in omnibus & singulis Verbi, sed ipsa series non potest elucescere, qualis est, in explicatione singularum vocum, inde enim ut discreta apparent, & dissipatur continuum sensus, sed cum omnia simul spectantur una idea, aut percipiuntur uno intuitu cogitationis, sicut fit apud illos qui in sensu interno sunt, & simul in luce cælesti a Domino; apud hos sistitur in illis verbis videndus integer processus reformationis ac regenerationis eorum, qui sunt homines Ecclesiæ: hic per Lothum representati; nempe quod primum percipiant aliquid temptationis, sed cum persistunt & vincunt, quod Dominus mansionem apud eos habeat, & confirmet eos in bono, introducat eos ad Se in Regnum suum, & cum iis cohabitabit, ac ibi eos purificet & perficiat, & simul appropriet iis bona

bona & felicia, & hoc per Divinum Humanum & Sanctum procedens Ipfius. Quod a solo Domino omnis regeneratio seu nova vita, proinde falus, notum quidem est in Ecclesia, fed a paucis creditur; quod non credatur, est caufa, quia non in bono charitatis funt, qui non in hoc funt, illis tam impossibile est hoc credere, quam est camelo intrare per foramen acus, nam bonum charitatis est ipsa humus feminum fidei; verum & bonum concordant, fed verum & malum nusquam, funt contrarie indolis, & averfatur unum alterum; quare quantum homo est in bono, tantum potest esse in vero, seu quantum in charitate, tantum in fide, cumprimis in hoc principali fidei, quod a Domino omnis falus; quod hoc principale fidei fit, constat a pluribus in Verbo; ut apud Johannem, “Adeo dilexit Deus mundum, ut *Filium suum unigenitum* dederit, ut omnis qui *credit in Ipsum*, non pereat, fed habeat vitam æternam,” III: 16: apud Eundem, “Qui *credit in Filium*, habet vitam æternam, qui vero non credit Filio, non videbit vitam, fed ira Dei manet super illo,” III: 36: apud Eundem, “Hoc opus Dei, ut *credatis in Ipsum*, quem misit Pater,” VI: 29: apud Eundem, “Hæc est voluntas Ipfius, qui misit Me, ut omnis qui *videt Filium*, & *credit in Ipsum*, habeat vitam æternam, & refuscitem illum in extremo die,” VI: 40: apud Eundem, “Nisi *credideritis quod Ego fim*, moriemini in peccatis vestris,” VIII: 24: apud Eundem, “Ego sum resurrectio & vita, qui *credit in Me*, etsi moriatur, vivet; omnis vero, qui vivit, & *credit in Me*, non morietur in æternum,” XI: 25-26. Quod nemo credere possit in Dominum, nisi in bono fit, hoc est, quod nullus possit habere fidem, nisi fit in charitate, constat etiam apud Johannem, “Quotquot receperunt, dedit illis potestatem, ut filii Dei essent, *credentibus in Nomen Ipfius*, qui non ex sanguinibus, neque e voluntate carnis, neque e voluntate viri, fed ex Deo nati funt,” I: 12. 13: & apud Eundem, “Ego sum vitis, vos palmites, qui manet in Me, & Ego in illo, hic fert fructum multum, quia sine Me non potestis facere quicquam; nisi quis manserit in Me, eiectus est foras, sicut palmes & arefactus: quemadmodum *amavit* Me Pater, ita Ego *amavi vos*, manete in *amore meo*; hoc est mandatum meum, ut *amatis vos invicem*, sicut *amavi vos*,” XV: 5. 6. 9. 12: ex his constare potest, quod amor in Dominum, & charitas erga proximum, sit vita fidei: qui autem in malo funt, hoc est, in vita mali, quod nusquam credere possint, quod a Domino omnis falus, constare mihi potuit ab illis, qui e Christiano orbe in alteram vitam venerunt, etiam ex illis, qui in vita corporis, secundum doctrinale fidei, ore fassi, imo docuerunt, quod absque Domino nulla falus, & tamen vitam mali egerunt; illi, cum modo nominatus est Dominus, illico oppleverunt sphaeram meris scandalis; nam quod solum cogitant in altera vita, appercipitur, & diffundit a se sphaeram, in qua se manifestat quali fide funt, videatur n: 1394: apud eisdem cum modo nominatus amor seu charitas, perceptum ab illis sicut tenebrososum quoddam, & simul grumofum, ex amore quodam spurco, quod talis naturæ erat, ut exstingeret, suffocaret & perverteret omne perceptivum amoris in Dominum,

minum, & charitatis erga proximum; talis est fides hodie, quam dicunt salvare absque bonis charitatis: iidem quoque interrogati, quam fidem habuerint, cum non illam, quam in vita corporis fassi, dixerunt, (nam celare quod cogitat in altera vita nemo potest:) quod crediderint in Deum Creatorem universi, sed explorati num ita esset, & compertum, quod non in aliquem Deum crediderint, sed cogitaverint omnia naturæ esse, ac vana quæcunque de vita æterna dicta sunt; talis fides est omnium illorum intra Ecclesiam qui non credunt in Dominum sed dicunt se credere in Deum Creatorem universi; aliunde enim non influere potest verum, quam a Domino, nec potest verum infeminari quam in bono quod a Domino. Quod Humanum Divinum & Sanctum procedens Domini, sit, per quod & ex quo vita & salus, scitur manifeste a verbis Sacræ Coenæ, "Hoc est Corpus meum, Hic est Sanguis meus," quod est Divinum Humanum Domini, & quod inde sit omne Sanctum, constat: siue dicas Divinum Humanum, siue Corpus, siue Carnem, siue Panem, siue Divinum Amorem, idem est; Divinum enim Humanum Domini, est purus Amor, & Sanctum est solius amoris, at Sanctum fidei est inde.

2344. Verf: 4. *Vix adhuc cubuerunt, & viri urbis, viri Sodomæ, circumdederunt domum, a puero & usque ad senem, omnis populus ab extremo.* Vix adhuc cubuerunt, significat tempus primum visitationis: viri urbis, significant illos qui in falsis: viri Sodomæ, significant illos qui in malis: circumdederunt domum, significat quod contra bonum charitatis: a puero & usque ad senem, significat falsa & mala recentia & confirmata: omnis populus ab extremo, significat omnia & singula eorum.

2345. Vix adhuc cubuerunt, quod significat tempus primum visitationis, constat ab illis quæ de Vespera & Nocte supra n: 2323. 2325, dicta sunt, quod nempe per illas in Verbo significetur Visitatio & Judicium; hic quidem non nominatur vespere aut nox, sed dicitur vix dum cubuerunt, ac ita significatur tempus procedentis vespere ad noctem, seu inchoantis noctis, proinde tempus primum visitationis super malis, ut quoque a sequentibus patet; nam inquisitio de malis intra Ecclesiam per Sodomam intellectus hic inchoat.

2346. Viri urbis, quod significet illos qui in falsis, & viri Sodomæ illos qui in malis, constat a significatione Urbis & Sodomæ; quod Urbs significet vera, tum falsa seu contraria veris, prius n: 402, & quod Sodomæ omnis generis mala, n: 2220. 2246, ostensum est: quia fuerunt tam falsa quam mala, de quibus inquisitum seu visitatum, dicitur, viri urbis viri Sodomæ, si non utrumque intellectum, modo dictum fuisset, viri Sodomæ.

2347. Quod circumdederunt domum, significet quod contra bonum charitatis, constat a significatione Domus, quod sit bonum cœleste, quod non aliud est quam bonum amoris & charitatis, de qua n: 2048. 2234: tum a significatione circumdare, quod sit contra illud esse, seu hostili animo illud aggredi & impugnare.

2348.

2348. A puero & usque ad senem, quod significet falsa & mala recentia & confirmata, constare potest a significatione Pueri & Senis cum prædicantur de falsis & malis, quod nempe pueri sint, quæ nondum adoleverunt, ita recentia, senes quæ ad multam ætatem pervenerunt, ita confirmata; alibi etiam puer & senex in simili sensu in Verbo occurrunt, ut apud Sachariam, "Adhuc habitabant *senes mares*, & *senes mulieres* in plateis Hierosolymæ, & "plateæ civitatis implebuntur *pueris* & *puellis* ludentibus in plateis," VIII: 4. 5: ubi Hierosolyma pro Regno Domini & Ecclesia, n: 402. 2117; plateæ pro veris ibi, n: 2336, ita senes mares pro confirmatis veris, senes mulieres pro confirmatis bonis; pueri ludentes in plateis, pro recentibus veris, & puellæ pro recentibus bonis, æ eorum affectionibus, & inde lætitiis; inde patet, quomodo cœlestia & spiritalia mutantur in historica, dum in mundana, quæ sunt sensus literæ, delabuntur, in quo sensu vix aliter apparet, quam quod intelligendi sint senes, pueri, mulieres, puellæ: apud Jeremiam, "Effunde super *parvulum* in platea Hierosolymæ, & super cætum juvenum pariter, quia etiam vir cum muliere capiuntur, *senex* cum "pleno dierum," VI: 11; ibi platea Hierosolymæ pro falsis quæ regnant in Ecclesia, n: 2336, quorum recentia & adulta vocantur parvulus & juvenes, vetusta & confirmata vocantur senex & plenus dierum: apud Eundem, "Dispergam in te equum & equitem ejus, & dispergam in te currum & vectum in eo, & dispergam in te virum & mulierem, & dispergam in te "senem & puerum," LI: 21. 22, ibi similiter senex & puer pro vero confirmato & recenti: apud Eundem, "Ascendit mors in fenestras, venit in palatia nostra, ad excindendum *parvulum* in platea, *juvenes* e vicis," IX: 20; ubi parvulus pro veris, quæ primum nascuntur, quæ excinduntur, cum mors venit in fenestras & palatia, hoc est, in intellectualia & voluntaria, quod fenestræ sint intellectualia, videatur n: 655. 658; quod palatia seu domus voluntaria, n: 710.

2349. Omnis populus ab extremo, quod significet omnia & singula eorum, constat ab illis quæ præcedunt, quod per pueros & senes significantur falsa & mala tam recentia quam confirmata, inde nunc populus ab extremo omnia & singula eorum; populus in genere etiam significat falsa, videatur n: 1259. 1260. Hic nunc describitur primus status eorum intra Ecclesiam, qui contra bonum charitatis sunt, & consequenter contra Dominum, nam unum involvit alterum, nemo enim conjungi potest Domino, nisi per amorem & charitatem, amor est ipsa conjunctio spiritualis, ut constare potest ab essentia amoris, & qui Ipsi non conjungi potest, Ipsum nec potest agnoscere, quod qui non in bono sunt, nec possint Dominum agnoscere, hoc est, fidem in Ipsum habere, constat apud Johannem, "Lux venit in mundum, sed dilexerunt homines tenebras magis quam Lucem, *erant enim opera eorum mala*; qui *mala facit*, odit Lucem, & non venit ad "Lucem, ne coarguantur *opera ejus*; qui autem facit veritatem, venit ad "Lucem, ut manifestentur *opera ejus*, quoniam in Deo facta sunt," III: 19. 20. 21: ex quibus patet, quod qui contra bonum charitatis sunt, contra.

Do-

Dominum sint, seu quod idem, qui in malo sunt, quod odio habeant lucem, nec veniant ad lucem; quod Lux sit fides in Dominum, & Ipse Dominus, patet apud Johannem, Cap: 1: 9. 10. Cap: xii: 35. 36. 46. Similiter alibi apud Eundem, "Non potest mundus odisse vos, Me autem odit, quia Ego testor de illo, quod opera ejus mala sint," vii: 7: manifestius adhuc apud Matthæum, "Dicet iis, qui e sinistris, discedite a Me, maledicti; nam esurivi & non dedistis Mihi quod ederem; sitivi, & non potastis Me; Peregrinus eram, & non collegistis Me; Nudus, & non circumindistis Me; Ægrotus, & in custodia, & non visitastis Me; amen dico vobis, in quantum non fecistis uni ex istis minimis, neque Mihi fecistis," xxv: 41. 42. 43. 45: inde patet, quomodo contra Dominum sunt, qui contra bonum charitatis; tum quod unusquisque judicetur secundum bonum quod est charitatis, non secundum verum quod est fidei, dum hoc separatum est a bono; ut quoque alibi apud Matthæum, "Venturus Filius hominis in gloria Patris sui cum angelis suis, & tunc reddet unicuique juxta facta ejus," xvi: 27; facta pro bonis quæ procedunt a charitate, quæ charitatis sunt, etiam fructus fidei vocantur.

2350. Vers: 5. *Et clamaverunt ad Loth, & dixerunt ei, ubi Viri, qui venerunt ad te noctu, educ eos ad nos, & cognoscamus eos.* Clamaverunt ad Loth, & dixerunt ei; significat falsum ex malo irascens contra bonum: ubi Viri qui venerunt ad te, significat negationem Divini Humani & Sancti procedentis Domini: noctu, significat ultimum tempus quando amplius non agnoscuntur: educ eos ad nos, & cognoscamus eos, significat quod ostendere vellent quod sit falsum agnoscere quod sint.

2351. Clamaverunt ad Loth, & dixerunt ei, quod significet falsum ex malo irascens contra bonum, constare potest ex significatione clamare, tum Lothi, & sic ab affectu; quod vox Clamare, prædicetur de falso, n: 2240, ostensum est; quod Loth repræsentet homines Ecclesiæ qui in bono, ita ipsum bonum, n: 2324; inde, & ex affectu iræ qui in his verbis, constat, quod sit falsum ex malo irascens contra bonum. Quod plura genera falsi sint, in genere autem duo, nempe falsum quod producit ex malo, & quod producit malum, videatur n: 1188. 1212. 1295. 1679. 2243: falsum ex malo, quod intra Ecclesiam, imprimis est falsum quod favet malis vitæ, ut est illud, quod bonum, hoc est, charitas, non faciat hominem Ecclesiæ, sed verum, hoc est, fides; & quod salvetur homo, utcumque per omnem vitæ suæ cursum in malis vixerit, modo in statu sospitionis corporeorum, ut solet fieri brevi ante mortem, aliquid fidei cum apparente affectione, enuntiaverit; hoc falsum est, quod imprimis irascitur contra bonum, & significatur per quod clamaverint ad Loth. Causa iræ est omne id quod destruere conatur jucundum alicujus amoris; ira vocatur quando malum impugnat bonum, Zelus autem quando bonum increpat malum.

2352. Ubi Viri qui venerunt ad te, quod significet negationem Divini Humani & Sancti procedentis Domini, constat ex significatione duorum Virorum, de qua supra n: 2320, tum etiam ex affectu, qui in hujus iræ verbis

verbis latet; exque mox sequentibus, ubi dicitur, educ eos ad nos & cognoscamus eos: inde quod negatio involvatur, patet: Qui contra bonum charitatis sunt, quod sint contra Dominum, ac Ipsum negent corde, tamen, amoris sui & mundi causa, profitentur ore, videatur supra n: 2343. 2349.

2353. Noctu, quod significet ultimum tempus quando amplius non agnoscuntur, constat a significatione Noctis, quod sit tempus tenebrarum, quando non amplius conspiciuntur illa quæ lucis sunt: Angeli non venerunt noctu, sed vespere, sed quia sunt viri Sodomæ, qui loquuti & clamaverunt, hoc est, qui in falso & malo sunt, non dicitur vespere sed noctu; Nox enim in Verbo significat tempus & statum, quando nulla amplius lux veri, sed mere falsum & malum, ita ultimum, quando iudicium; in qua significatione legitur passim, ut apud Micham, "Contra Prophetas seducentes populum; Nox vobis ex visione, & obtenebrescit vobis ex divinatione, & occidit sol super prophetis, & nigrescit super iis dies." III: 5. 6; prophetæ hic pro iis qui docent falsa; nox, obtenebratio, occasus solis, nigrescens dies, pro falsis & malis: apud Johannem, "Si quis ambulat in die non offendit, si quis autem ambulat in Nocte, offendit, quia lux non est in illo," XI: 9. 10; ubi nox pro falso ex malo; lux pro vero ex bono; sicut enim omnis lux veri est ex bono, ita omnis nox falsi est ex malo: apud Eundem, "Me oportet operari opera Ipsius, qui misit Me, quousque dies est, venit Nox quando nemo potest operari," IX: 4; dies pro tempore & statu, quando bonum & verum, nox autem quando malum & falsum: apud Lucam, "Dico vobis, ea Nocte erunt duo super lecto uno, unus acceptabitur, alter deferetur," XVII: 34, ibi nox pro ultimo tempore, quando non amplius verum fidei. Quia in Ægypto, cum exibant inde filii Israelis, repræsentabatur vastatio boni & veri intra Ecclesiam, & quod amplius nihil nisi falsum & malum regnaret, mandatum erat, ut media nocte exirent, Exod: XI: 4; & factum, quod media nocte omnia primogenita Ægypti occisa sint, Exod: XII: 12. 29. 30: & quia illi, qui in bono & vero, repræsentati per Filios Israelis, inter falsa & mala, sicut Loth Sodomæ, custoditi sunt, nox illa, respective ad eos, Nox custodiarum Jeboræ dicitur, ibid: Vers: 42.

2354. Quod educ eos ad nos, & cognoscamus eos, significet quod ostendere vellent, quod sit falsum agnoscere quod sint, nempe Divinum Humanum & Sanctum procedens Domini, constat a significatione duorum Angelorum, de qua supra n: 2320; tum etiam ab affectu iræ, in quo hæc dicta sunt, in quo quod dicitur est negativum. Hic primus status Ecclesiæ vastatæ, hoc est, cum nulla fides, quia nulla charitas, incipit esse, describitur qui status est, ut dictum, quod, quia contra bonum charitatis sunt, etiam in nulla fide sint, imprimis in nulla agnitione Divini Humani & Sancti procedentis Domini; hoc corde negant omnes illi, qui in vita mali sunt, nempe omnes illi, qui alios præ se contemnunt, odio habent omnes qui se non colunt, qui in vindictis contra eosdem, imo in crudelitate, jucundum sentiunt, quique adulteria pro nihilo reputant; melius suo tempore fecerunt Pharisei, qui negarunt aperte Divinum Domini, quam tales hodie, qui sui cultus &

No. IV.

D

fædi

fœdi lucris causa, Ipsum exterius sancte colunt, at interius prophanum illud recondunt; hi quales successive fiunt, describitur in sequentibus per viros Sodomæ, & demum per everfionem ejus, Verſ: 24. 25: se habet cum homine, ut prius aliquoties dictum, quod sint apud eum spiritus mali, & simul angeli; per spiritus malos communicat ille cum inferno, & per angelos cum cœlo, n: 687. 697; quantum itaque vita ejus accedit ad malum, tantum influit infernum, quantum autem vita accedit ad bonum, tantum influit cœlum, ita Dominus; inde constat, quod qui in vita mali, non possint agnoscere Dominum, sed quod innumera sibi fingant contra Ipsum, quia influant phantasiæ inferni, quas recipiunt; at qui in vita boni sunt, ii agnoscunt Dominum, quia influit cœlum, in quo amor & charitas principale est, quia cœlum est Domini, a quo omnia amoris & charitatis, videatur n: 537. 540. 547. 548. 551. 553. 685. 2130.

2355. Verſ: 6. 7. *Et exiit ad eos Loth ad januam, & ostium clauſit post se. Et dixit, ne quæſo, fratres mei, malefaciatis.* Exiit ad eos Loth ad januam, significat quod prudenter se applicaret: & ostium clauſit post se, significat ne violarent bonum charitatis, & negarent Divinum Humanum & Sanctum procedens Domini: & dixit, significat exhortationem: ne quæſo fratres mei malefaciatis, significat ne violent illa; fratres dicit, quia ex bono, ex quo exhortatus.

2356. Quod exiit ad eos Loth ad januam, significet quod prudenter se applicaret, constat ab interiori sensu Januæ, & exire ad januam; Janua in Verbo significat id quod introducit seu intromittit vel ad Verum, vel ad Bonum, vel ad Dominum; inde est, quod etiam Janua significet ipsum Verum, tum ipsum Bonum, ut & Ipsum Dominum, nam Verum ducit ad Bonum, & Bonum ad Dominum; talia repræſentabant Janua & Vela Tentorii, tum quoque Templi, videatur n: 2145. 2152. 2576; quod illa significatio sit Januæ, patet a Domini verbis apud Johannem, "Qui non est ingrediens per *Januam* in caulam ovium, sed ascendit aliunde, is est fur & latro; qui vero ingrediens est per *Januam*, pastor est ovium, huic *Janitor* aperit. Ego sum *Janua ovium*, per Me si quis introverit, salvabitur" x: 1. 2. 3. 7. 9: ibi Janua pro Vero & Bono, ita pro Domino, qui est ipsum Verum, & Bonum. Inde patet, quid significatur per intromitti per januam in cœlum, proinde quid per claves quibus aperitur. Hic autem per januam significatur aliquod bonum, genio eorum, qui obſiderunt domum, adæquatum, nam janua distinguitur hic ab ostio, & erat ante domum, quod patet ex eo, quod Loth exiverit, & quod ostium clauſerit post se; & quod bonum illud eſſet beatum vitæ, constat ab illis quæ mox sequuntur, quo perſuaderet illis, qui in falso & malo erant; nam tales non perſuaderi se patiuntur per ipſiſſimum bonum, id enim rejiciunt; ex quibus patet, quod per exire ad januam, hic significetur, quod prudenter se applicaret.

2357. Et ostium clauſit post se, quod significet ne violarent bonum charitatis, & negarent Divinum Humanum & Sanctum procedens Domini, constat ab illis quæ nunc dicta sunt; claudere ostium est ne intrent, hic ne in bonum

bonum significatum per domum, ac ita ad Divinum & Sanctum Domini. Involvunt hæc etiam arcaniora, in quorum sensum & ideam veniunt Angeli, cum hæc leguntur; nempe quod illi, qui in vita mali sunt, non ulterius admittantur quam ad cognitionem boni & Domini, non autem usque ad ipsissimam agnitionem & fidem; ex causa, quia quamdiu in malo sunt, non simul in bono esse possint, servire simul duobus Dominis nemo potest; qui semel agnoscit & credit, si redit ad vitam mali, prophanat bonum & sanctum, qui autem non agnoscit & credit, is nec prophanare potest; ideo ex Providentia Domini cavetur, ut homo admittatur ulterius in ipsam agnitionem & fidem cordis, quam quantum dein teneri in illa potest; & hoc ob causam pænæ prophanationis, quæ in inferno gravissima est; hæc causa est, quod tam paucis hodie concedatur ex corde credere, quod bonum amoris & charitatis sit coelum in homine, & quod omne Divinum sit in Domino, in vita enim mali sunt: hoc nunc est, quod interius significatur, per quod Loth clausit ostium post se; ostium enim erat interior janua, per quam in ipsam domum, ubi Angeli, intrabatur, hoc est, in bonum in quo Dominus.

2358. Et dixit, quod significet exhortationem, constat ex illis, quæ nunc sequuntur, ita absque ulteriore explicatione.

2359. Ne quæso fratres mei malefaciatis, quod significet ne violarent illa, nempe bonum charitatis ac Divinum Humanum & Sanctum procedens Domini, constat a significatione malefacere, quod sit violare. Ex his, quod agatur de illis qui intra Ecclesiam, & quod ii sint, qui per viros Sodomæ intelliguntur, patet, nam violare illa nemo potest, nisi qui Verbum habet. Quod hæc sanctissima sint, constare potest ex eo, quod nemo admitti queat in Regnum Domini, hoc est, in Cælum, nisi sit in bono amoris & charitatis, & nemo in bono amoris & charitatis esse potest, nisi agnoscat Domini Divinum & Sanctum, ab Ipso Solo illud influit, & quidem in ipsum bonum quod ab Ipso; Divinum non potest influere nisi in Divinum, nec communicari homini nisi per Divinum Humanum & inde Sanctum Domini; inde intelligi potest, quid sit, quod Dominus sit omne in omnibus sui Regni; tum quod nihil boni, quod apud hominem, sit hominis, sed Domini.

2360. Quod fratres dicat, quia ex bono, ex quo exhortatus, constat a significatione fratris, frater significat idem in Verbo ac Proximus, ex causa, quia quisque amare debet proximum sicut seipsum, ita fratres dicti ex amore, seu quod idem ex bono; hæc nominatio & salutatō proximi venit inde, quod Dominus in Cælo omnium Pater sit, & quod omnes amet ut filios; & sic quod amor sit conjunctio spiritualis; refert inde universum cælum sicut unam generationem ex amore & charitate, n: 685. 917: ideo omnes filii Israelis, quia Regnum Domini cœleste, hoc est, amoris & charitatis, repræsentabant, inter se Fratres dicti sunt, tum quoque Socii, sed hoc, seu socii, non ex bono amoris, sed ex vero fidei; ut apud Esaiam, “*Vir socium suum*” adjuvant, & *Fratri suo* dicit, confirma te,” xli: 6: apud Jeremiam, “*Sic dicetis vir ad socium suum*, & vir ad *Fratrem suum*, quid re-

“Spondit Jehovah, & quid loquutus est Jehovah,” xxiii: 35: apud Davidem, “Propter *Fratres meos* & *Socios meos* loquar, age pacem in te,” Psalm: cxxi: 8: apud Moſen, “Non urgebit *Socium suum* & *Fratrem suum*, quia proclamata intermiſſio Jehovah,” Deut: xv: 2. 3. apud Eſaiam, “Confundam *Aegyptum cum Aegypto*, & pugnabunt vir contra *Fratrem suum*, & vir contra *socium suum*,” xix: 2: apud Jeremiam, “Vir a *socio suo* cavete, & super ullo *Fratre* ne fidatis, omnis namque *Frater* ſupplantando ſupplantabit, & omnis *socius* calumniabitur. Quod omnes ab Eccleſia illa, dicti ſunt uno nomine fratres, apud Eſaiam, “Adducent omnes *Fratres vestros* de omnibus gentibus munus Jehovah, “super equis, & super curru, & super rhedis cameratis, & super mulis, & “super dromadibus, ad montem ſanctitatis meae, Hieroſolymam,” lxxvi: 20; qui non ſciunt praeter ſenſum literae, ut Judaei, non alios ſignificari credunt, quam Jacobi poſteros, tum quod illi ſuper equis, & ſuper curru, & ſuper rhedis cameratis, ſuper mulis, reducentur ab illis, quos Gentes vocant, ad Hieroſolymam, ſed per fratres intelliguntur omnes qui in bono; & per equos, currus, rhedas, illa quae ſunt veri & boni, & per Hieroſolymam Regnum Domini: apud Moſen, “Cum fuerit inter te egenus de uno *Fratrum tuorum*, in una portarum tuarum, non obfirmabis cor tuum, & non claudes manum tuam e *Fratre tuo* egeno,” Deut: xv: 7. 11: apud Eundem, “E medio *Fratrum tuorum* pones ſuper te Regem, non poteris dare ſupra te virum alienigenam, qui non *Frater* tuus ille; & non efferet ſe cor ejus praeter *Fratribus suis*,” Deut: xvii: 15. 20: apud Eundem, “Prophetam e medio tui, de *Fratribus tuis*, ſicut me, ſuſcitabit tibi Jehovah Deus tuus, Huic obedietis,” Deut: xviii: 15. 18. Exinde patet, quod Judaei & Iſraelitae ſe omnes dixerint fratres, foederatos autem ſocios; at quia illi nihil praeter historica & mundana Verbi ſapiebant, inde fratres ſe dixiſſe credebant, quia omnes filii unius patris ſeu Abrahami eſſent; at in Verbo non dicti ſunt fratres iade, ſed a bono quod repraeſentabant; Abrahamus etiam in ſenſu interno non aliud eſt, quam ipſe amor, hoc eſt, Dominus, n: 1893. 1965. 1989. 2011, Cujus filii, & ſic fratres, ſunt qui in bono, imo omnes, qui Proximus dicuntur, ut Dominus docet, apud Matthaeum, “Unus eſt veſter Magiſter, Chriſtus, omnes vos *Frates eſtis*,” xxiii: 8: apud Eundem, “Quiſquis iraciſcit *Fratri suo* temere, obnoxius erit iudicio; quicumque dixerit *Fratri suo* raka, obnoxius erit ſynedrio. “Si obtuleris munus tuum ſuper altari, & apud hoc recordatus fueris, quod *Frater tuus* habeat aliquid contra te, relinque ibi munus coram altari, & “abi prius reconciliare *Fratri*,” v: 22. 23. 24: apud Eundem, “Cur cernis feſtucam, qui in oculis *Fratris tui*; quomodo dices *Fratri tuo*, ſine feſtucam ejiciam ex oculo tuo,” vii: 2. 3. 4: apud Eundem, “Si peccaverit in te *Frater tuus*, abi & argue eum inter te & ipſum ſolum: ſi te “audiverit, lucratus es *Fratrem tuum*,” xviii: 15: apud Eundem, “Accedens Petrus ad Ipſum, dixit, Domine, quoties peccabit in me *Frater meus*, & remittere debeo,” xviii: 21: apud Eundem, “Sic & Pater
“meus

“meus cœlestis faciet vobis, si non remiseritis suo quisque *Fratri* ex cordibus delicta eorum,” xviii: 35: ex his liquet, quod omnes in universo dicantur fratres, qui proximus, & hoc inde, quia quisque amare debet proximum ut seipsum, ita ex amore seu bono: & quia Dominus est ipsum Bonum, & omnes spectat ex bono, & est ipse Proximus in supremo sensu, Ipse quoque illos vocat fratres, ut apud Johannem, “Dixit Jesus ad Mariam, abi ad *Frates meos*,” xx: 17: & apud Matthæum, “Respondens Rex dicit illis, amen dico vobis, in quantum fecistis uni ex his *Fratribus meis* minimis, Mihi fecistis,” xxv: 40: Inde nunc constat, quod Frater sit vox amoris.

2361. Verſ: 8: *Ecce quæſo mihi duæ filiæ, quæ non cognoverunt virum, educam quæſo eas ad vos, & faciatis eis ſicut bonum in oculis veſtris; tantum viris illis ne faciatis quicquam, quia propterea venerunt in umbram trabis meæ.* Ecce quæſo mihi duæ filiæ quæ non cognoverunt virum, ſignificat affectiones boni & veri: educam quæſo eas ad vos, ſignificat beatitudinem ex illis: & faciatis eis ſicut bonum in oculis veſtris, ſignificat fruitionem quantum perciperent ex bono: tantum Viris illis ne faciatis quicquam, ſignificat quod non Divinum Humanum & Sanctum procedens Domini violarent: quia propterea venerunt in umbram trabis meæ, ſignificat quod in bono charitatis ſint; umbra trabis, eſt in ejus communi obſcuro.

2362. Ecce mihi duæ filiæ quæ non cognoverunt virum, quod ſignificet affectiones boni & veri, conſtat a ſignificatione filiarum, quod ſint affectiones, de qua n: 489. 490. 491, quod non cognoverint virum, ſignificat quod non falſum contaminaverit illas, vir enim ſignificat rationale verum, tum quoque in oppoſito ſenſu falſum, n: 265. 749. 1007: ſunt binæ affectiones, nempe boni & veri, videatur n: 1997; illa ſeu affectio boni conſtituit Eccleſiam cœleſtem, & vocatur in Verbo Filia Sionis, ut & Filia Virgo Sionis; hæc autem ſeu affectio veri conſtituit Eccleſiam ſpiritualem, & vocatur in Verbo Filia Hieroſolymæ; ut apud Eſaiam, “Sprevit te, ſubſannavit te *Filia Virgo Sionis*, poſt te caput movit *Filia Hieroſolymæ*,” xxxvii: 22: 2 Reg: xix: 21: apud Jeremiam, “Quid aſſimilabo tibi o *Filia Hieroſolymæ*; quid æquabo tibi, & conſolabor te, *Virgo Filia Sionis*,” Thren: 11: 13: apud Micham, “Tu o turris gregis, clive *Filiæ Sionis*, uſque ad te veniet, & veniet dominium prius, regnum *Filiæ Hieroſolymæ*,” iv: 8; apud Zephaniam, “Jubila *Filia Sionis*, clangite Iſrael, lætare & exulta in toto corde *Filia Hieroſolymæ*,” 111: 14: apud Sachariam, “Exulta valde *Filia Sionis*, clange *Filia Hieroſolymæ*, ecce Rex tuus veniet tibi,” ix: 19. Matth: xxi: 5. Joh: xii: 15: quod Eccleſia cœleſtis, ſeu Regnum cœleſte Domini, ex affectione boni, hoc eſt, ex amore in Ipſum Dominum, dicatur Filia Sionis, videatur adhuc, Eſai: x: 32: Cap: xvi: 1: Cap: lxi: 2: Cap: lxii: 11: Jer: iv: 31: Cap: vi: 2. 23: Thren: 1: 6: Cap: 11: 1. 4. 8. 10. Mich: iv: 10. 13. Sachar: 11: 14. Pſalm: ix: 15: & quod Eccleſia ſpirituális, ſeu Regnum ſpirituale Domini, ex affectione veri, & ſic ex charitate erga proximum, dicatur Filia Hier-

Hierosolymæ, Thren: 11: 15, De utraque illa Ecclesia, qualis una, & qualis altera, pluries in Parte Prima actum est. Ecclesia Cœlestis ex eo quod ex amore in Dominum sit in amore erga proximum assimilatur imprimis Filiz in nuptæ seu virgini, imo etiam vocatur virgo, ut apud Johannem, “Hi sunt qui cum mulieribus non polluti sunt, *Virgines* enim sunt: hi sunt qui sequuntur Agnum, quo vadit, immaculati enim sunt coram throno Dei,” Apoc: xiv: 4: 5: ut quoque repræsentaretur hoc in Ecclesia Judaica, inunctum fuit sacerdotibus, ut non viduas, sed virgines in uxores acciperent, Levit: xxi: 13. 14. 15. Ezech: xlii: 22. Ex his, quæ in hoc Versu sunt, constare potest, quam purum sit Verbum in sensu interno, tametsi aliter in litera apparet; dum enim hæc leguntur, “Ecce quæso mihi duæ filiz, quæ non cognoverunt virum, educam quæso eas ad vos, & faciat is eis sicut bonum in oculis vestris, tantum Viris illis ne faciat is quicquam,” non aliud quam quoddam impurum subit ideas, imprimis in illorum, qui in vita mali sunt; sed usque quam casta hæc sint in sensu interno, patet ab explicatione, nempe quod significant affectiones boni & veri, ac beatitudinem quam perciperent ex fruitione earum, illi, qui Divinum & Sanctum Domini non violant.

2363. Educam quæso eas ad vos, quod significet beatitudinem ex illis, nempe ex affectionibus boni & veri, constat a sensu eorum verborum, cum prædicantur de affectionibus, quæ per filias hic intelliguntur. Quod ipsam rem attinet, nempe quod beatitudo & felicitas solum sit in affectione boni & veri, alte ignorant omnes qui in malo & ejus jucundo sunt, beatitudo in affectione boni & veri illis apparet vel sicut quoddam nullum, vel sicut quoddam triste, quibusdam ut quoddam dolorificum, imo ut mortiferum; genii & spiritus infernales tales sunt, putant hi & credunt, si illis auferretur jucundum amoris sui & mundi, consequenter malorum inde, quod nihil vitæ iis superesse possit; at cum iis ostenditur, quod tunc ipsa vita cum beato & felici incipiat, triste quoddam ex jactura sui jucundi sentiunt, & cum adducuntur inter eos qui in tali vita sunt, dolor & cruciatus eos occupat; præter quod tunc quoque sentire incipiant in se cadaverosum quoddam, ac dirum infernale, quare vocant cœlum, in quo illud beatum & felix, suum infernum, & quantum se a facie Domini remove & abscondere possint, aufugiunt: quod tamen usque omne beatum & felix consistat in affectione boni quod est amoris & charitatis, ac veri quod fidei, quantum hoc ducit ad illud, constare potest ex eo, quod cœlum, hoc est, vita angelica in eo consistat, tum quod ab intimis afficiat, quia per intima influit a Domino, videatur n: 540. 541. 545; tunc etiam sapientia & intelligentia intrat & opplet ipsius mentis adyta, & incendit bonum cœlesti flamma, & verum cœlesti luce, & hoc cum perceptione beati & felicitis, de qua non nisi quam ineffabile prædicari potest; qui in hoc statu sunt, ii percipiunt, quam nulla, & quam tristis, & quam lamentabilis vita sit illorum, qui in malis amoris sui & mundi sunt. Sed ut sciat homo, qualis hæc vita sit respective, nempe vita amoris sui & mundi, seu quod idem, vita fastus, avaritiæ, invidiæ,

vidiæ, odii, vindictæ, immisericordiæ, adulterii, qui aliqua ingenii dote pollet, characterem alicujus illorum sibi faciat, aut si possit, coram se, secundum ideas, quas ab experientia, scientia & ratione de illis capere possit, depingat, tunc videbit, quantum instat describendo vel depingendo, quam horrenda sint, & quod sint formæ diabolicæ, in quibus nihil humanum; ejuscemodi formæ sunt omnes illi post mortem, qui jucundum vitæ in talibus percipiunt, ac eo horribiliores, quo plus jucundi: vicissim autem si characterem sibi faciat amoris & charitatis, aut quoque per formam sibi illum exprimat, videbit, quantum instat describendo aut delineando, quod forma sit angelica, plena beatis & pulchris, in qua cœlestis & Divinum; an quisquam credere possit, quod binæ illæ formæ simul esse possint; & quod exui diabolica illa forma, & transcribi in formam charitatis queat, & hoc per fidem, cui contraria est vita; post mortem enim manet unumquemvis vita, seu quod idem, affectio, secundum hanc est tunc omnis cogitatio, proinde fides, quæ se sic manifestat, qualis corde fuerat.

2364. Et faciatis eis sicut bonum in oculis vestris, quod significet fructuonem quantum ex bono, etiam constare potest ex sensu verborum, tum a serie, cum ea prædicantur de affectionibus, quæ per filias significantur. Quod prudenter se applicuerit, significatum est per quod exivit ad eos Loth ad januam, n: 2356, ipsa prudentia ex his dictis & reliquis in hoc Versu patet, nempe quod fruerentur beatitudine affectionum boni & veri, quantum ex bono, quod significatur per quod facerent eis sicut bonum in oculis eorum; frui quantum ex bono, hic est, quantum scirent quod sit bonum, ultra nemo obligatur; sicutuntur enim omnes a Domino ad bonum vitæ per bonum fidei eorum, ita aliter gentes quam Christiani, aliter simplices quam docti, aliter infantes quam adulti; qui malo imbuerunt vitam, ii sicutuntur per quod abstineant a malo, ac intendant bonum, & hoc faciant secundum captum eorum; intentio seu finis tunc apud eos spectatur, & tametsi actus non sint boni in se, usque a fine trahunt aliquid boni ac inde vitæ, quod facit beatum eorum.

2365. Quod tantum Viris illis ne faciatis quicquam, significet quod non Divinum Humanum & Sanctum procedens Domini violarent, constat ex significatione virorum & angelorum, de qua supra.

2366. Quia propterea venerunt in umbram trabis meæ, quod significet quod in bono charitatis sint, constat ex significatione domus, quod sit bonum, n: 710. 2233. 2234, quæ hic vocatur umbra trabis, ex causa, de qua mox.

2367. Quod umbra trabis sit in communi obscuro, ita se habet, perceptio boni & veri, non est nisi in obscuro apud hominem, etiam regeneratum, magis apud eum qui in externo cultu est, qui per Lothum hic representatur; affectiones sicut perceptiones, quando in corporeis est homo, hoc est, cum in corpore vivit, sunt communissimæ, preinde obscurissimæ, utique homo putat, quod non ita sit, sunt myriades myriadum in unaquavis ejus affectuuncula, etiam in unaquavis ejus perceptionis idea, quæ
sicut

sicut una ei apparet, quod ex Divina Domini Misericordia, ostendendum venit, ubi de affectionibus & ideis agetur; homo pauca ex iis quæ insunt, per reflexionem, quandoque potest explorare ac describere, sed innumerabilia, imo indefinita latent, quæ nusquam ad ejus cognitionem veniunt, nec venire possunt, quamdiu in corpore vivit, sed patent postquam corporea & mundana extincta sunt; quod satis constare potest ex eo, quod homo, qui in bono amoris & charitatis fuit, cum in alteram vitam transit, a vita obscura in clariorem, sicut a quadam nocte in diem, veniat, & quantum in cælum Domini, tantum in clariorem, usque ad lucem, in qua sunt Angeli, quorum lux intelligentiæ & sapientiæ ineffabilis est; ipsum lumen, in quo est homo respective, est sicut tenebricosum: inde hic dicitur, quod venerint in umbram trabis suæ, quo significatur, quod in suo communi obscuro sint, hoc est, quod parum sciat de Divino & Sancto Domini, sed usque quod agnoscat & fidem habeat, quod sit, & quod illud in bono charitatis sit, hoc est, apud eos qui in illo bono sunt.

2368. Vers: 9. *Et dixerunt, accede ultra, & dixerunt, num unus venit ad peregrinandum, & judicabit judicando; nunc malefaciemus tibi præ illis; & urserunt in virum, in Loth valde; & accesserunt ad effringendum ostium.* Et dixerunt, significat responsum ex ira: accede ultra, significat minas iræ eorum: & dixerunt num unus venit ad peregrinandum, significat qui alia doctrina & alia vita: & judicabit judicando, significat num illi docebunt nos: nunc malefaciemus tibi præ illis, significat quod bonum charitatis magis rejicerent quam Divinum Humanum & Sanctum procedens Domini: & urserunt in virum, significat quod vim inferre vellent vero: in Loth valde, significat quod maxime bono charitatis: & accesserunt ad effringendum ostium, significat quod venirent usque ad conatum destruendi utrumque.

2369. Et dixerunt, quod significet responsum ex ira, constare potest ab illis quæ præcedunt & quæ sequuntur, ita absque explicatione.

2370. Accede ultra, quod significet minas iræ, nempe contra bonum charitatis, constat a significatione Lothi, quod sit bonum charitatis, ad quem & de quo hæc dicta sunt; quæ quod minæ iræ sint, ab ipsis verbis patet; & a sequentibus, quod etiam involvant, quod prorsus illud rejicerent, si plura de eo loqueretur, & suaderet, quod est, accede ultra.

2371. Et dixerunt, num unus venit ad peregrinandum, quod significet qui alia doctrina, & alia vita, sunt, constat a significatione peregrinari, quod sit instrui & vivere, ita doctrina & vita, de qua n: 1463. 2025. Hic, status Ecclesiæ describitur, qualis est circa ultima tempora, quando nulla amplius fides quia nulla charitas, quod nempe bonum charitatis, quia secessit prorsus e vita, etiam rejiciatur ex doctrina. Hic non de illis agitur, qui bonum charitatis falsificant, in sui favorem explicando, & propter se, ut maximi sint, & propter mundi bona ut omnia possideant, ac dispensationes mercedum sibi arrogant, & sic bonum charitatis variis artibus & illorioris modis conspurcant: sed de illis, qui nihil de bonis charitatis seu de bonis operibus, sed solum de fide ab illis separata, audire volunt, & hoc ex

ratio-

ratiocinatione, quod non nisi quam malum sit in homine, & quod bonum quod ab ipso etiam in se malum sit, in quo sic nihil salutis; & quod mereri cœlum per aliquod bonum nemo possit, ita non per illud salvari, sed solum per fidem qua agnoscant meritum Domini; hæc doctrina est, quæ ultimis temporibus, quando expirare incipit Ecclesia, viget, & ardentem docetur, & faverit arripitur; sed concludere inde, quod aliquis vitam habere possit malam, & fidem bonam, falsum est; tum quoque quia non nisi malum in homine, non dari queat bonum a Domino, in quo quia Dominus est, cœlum est, & quia cœlum, est beatum & felix: demum quia nemo per aliquod bonum mereri queat, quod non detur bonum cœlestē a Domino, in quo spectatur meritum ut quoddam enorme; in tali bono sunt omnes angeli, in tali omnes regenerati, & in tali qui jucundum, imo beatum in ipso bono, seu in ejus affectione, percipiunt; de hoc bono, seu de hac charitate ita Dominus apud Matthæum, “Audivistis, quod dictum sit, “amabis proximum tuum, & odio habebis inimicum tuum: Ego dico vobis, benefacite odio vos habentibus, & orate pro lædentibus & persecutibus vos, ut sitis filii Patris vestri qui in cœlis: nam si amaveritis amantes vos, quod præmium habetis; & si salutatis fratres vestros tantum, quid abundantius facitis, nonne etiam publicani sic faciunt,” v: 45. 46. 47. 48; similiter apud Lucam cum his adjectis, “Benefacite atque mutuo date nihil inde sperantes, tunc erit merces vestra multa, & eritis filii Altissimi,” vi: 27 ad 36: ubi describitur bonum quod a Domino, & quod sit absque omni fine retributionis, quare qui in illo, vocantur filii Patris qui in cœlis, ac filii Altissimi; & quia in illo est Dominus, etiam est merces, apud Lucam, “Quando feceris prandium aut cenam, ne voca amicos tuos, neque fratres tuos, neque cognatos tuos, neque vicinos divites, ne forte illi te vicissim vocent, fiatque tibi retributio: sed quando feceris convivium, voca pauperes, mancos, cæcos, tunc beatus eris, quia non habent ad retribuendum, retribuetur tibi in resurrectione mortuorum,” xiv: 12. 13. 14: prandium, cœna, convivium, est bonum charitatis, in quo cohabitatio Domini cum homine, n: 2341, quare per illud describitur, & manifeste patet, quod retributio sit in ipso bono, quia in illo Dominus, nam dicitur, retribuetur in resurrectione mortuorum. Qui bonum ex se, quia Dominus ita mandavit, facere student, ii sunt qui tandem accipiunt hoc bonum, & qui dein instructi agnoscunt fide, quod omne bonum sit a Domino, n: 1712. 1937. 1947, & tunc averlantur ita meritum sui, ut cum modo cogitant de merito, contristentur, & percipiant beatum & felix apud eos in tantum diminui; aliter qui id non faciunt, sed agunt vitam mali, docendo & profitendo, quod in fide separata sit salus, ii nec sciunt quod tale bonum dabile sit; & quod mirum, iidem in altera vita, quod a multa experientia scire datum, ex bonis quibuscunque, quorum reminiscuntur, mereri volunt cœlum, quia tunc primum sciunt, quod in fide separata a charitate non sit salus; sed tunc sunt illi, de quibus Dominus apud Matthæum, “Dicent Mihi in illa die, Domine, Domine, nonne per Nomen tuum pro-

Nº. IV. E pheta-

“phetavimus, & per Nomen tuum dæmonia eiecimus, & in Nomine tuo virtutes multas fecimus, sed tunc confitebor illis, non novi vos, discedit a Me, operantes iniquitatem,” vii: 22. 23: apud eosdem etiam apparet, quod nihil prorsus attenderint ad omnia illa, quæ Ipse Dominus de bono amoris & charitatis toties docuit, sed quod illa fuerint sicut nubes quæ prætervolant, aut sicut visa in nocte, ut quæ apud Matthæum, iii: 8. 9. Cap: v: 7 ad 48. Cap: vi: 1 ad 20. Cap: vii: 16 ad 20: 24 ad 27. Cap: ix: 13. Cap: xii: 33. Cap: xiiii: 8. 23. Cap: xviii: 21. 22. 23. ad f. Cap: xix: 19. Cap: xxii: 34 ad 39. Cap: xxiv: 12. 13. Cap: xxv: 34 ad f. Marc: iv. 18. 19. 20. Cap: xi: 13. 14. 20. Cap: xii: 28 ad 35. Luc: iii: 8. 9. Cap: iv: 43 ad 49. Cap: vi: 27 ad 39. 43 ad f. Cap: vii: 47. Cap: viii: 8. 14. 15. Cap: x: 25 ad 28. Cap: xii: 58. 59. Cap: xiii: 6 ad 10. Joh: iii: 19. 21. Cap: v: 42. Cap: xiiii: 34. 35. Cap: xiv: 14. 15. 20. 21. 23. Cap: xv: 1 ad 8. 9 ad 19. Cap: xxi: 15. 16. 17. Hæc nunc & similia sunt, quæ significata sunt per quod viri Sodomæ, hoc est, illi qui in malo, n: 2220. 2246. 2322, dixerint ad Lothum, Num unus venit ad peregrinandum, & judicabit judicando, hoc est, qui alia doctrina & alia vita, num illi docebunt nos.

2372. Et judicabit judicando, quod significet num illi docebunt nos, constat a significatione judicare, quod sit docere; quod Justitia prædicetur de exercitio boni, Judicium autem de instructione veri, n: 2235, ostensum est, inde est, quod Judicare in sensu interno sit instruere seu docere: docere verum est idem ac docere quid bonum, quia omne verum spectat bonum.

2373. Quod nunc malefaciemus tibi præ illis, significet quod bonum charitatis magis rejicerent, quam Divinum Humanum & Sanctum procedens Domini, constare potest a significatione Lothi, quod sit bonum charitatis, Loth enim repræsentat eos, qui in bono charitatis sunt, n: 2324. 2351. 2371: & a significatione Virorum seu Angelorum, quod sit Dominus quoad Divinum Humanum & Sanctum procedens, de qua supra; inde patet, quod malefacere tibi præ illis, sit ille sensus. Quod illi qui in malo sunt intra Ecclesiam, rejiciant magis charitatem, quam negent Dominum, causa est, quod sic concupiscentiis suis favere possint per religiosum quoddam, ac habere cultum externum interno nullo, hoc est, cultum oris non cordis, quem cultum quo magis Divinum & Sanctum faciunt, eo magis in dignitate sunt & in lucro; præter plures alias causas, quæ latent, sed usque patent: cum tamen ita se res habet, quod qui rejicit unum, nempe doctrinam & simul vitam, etiam rejiciat alterum, si non ausit ore, usque facit corde; quod etiam exprimitur in sensu literæ, per quod accesserint ad effringendum ostium, quo significatur, quod venerint usque ad conatum destruendi utrumque; sed quod conatum inhibet, quin in actum erumpat, nec latet.

2374. Quod userunt in virum, significet quod vim inferre vellent vero, constat a significatione viri, quod sit intellectuale & rationale apud hominem, & quia hoc, est verum, de qua n: 158, 1007. Vim inferre vero, est pervertere

tere illa quæ sunt fidei, quæ pervertuntur cum separantur a charitate, & cum negatur quod non ducant ad bonum vitæ.

2375. Quod in Loth valde, significet quod maxime bono charitatis, constat a significatione Lothi, quod sit bonum charitatis, de qua supra n: 2324. 2351. 2371. 2373: ex ipsis his verbis, quod urserint in virum, in Loth valde, constare potest, quod aliud quid significetur per virum, & aliud per Loth valde, alioquin unum satis fuisset.

2376. Quod accefferunt ad effringendum ostium, significet quod venirent usque ad conatum destruendi utrumque, constat ex significatione accedere, quod sit conari; & a significatione ostii, quod sit id quod introducit ad bonum & ad Dominum, tum quod sit ipsum bonum, & Ipse Dominus, de qua n: 2356. 2357. hæc quomodo se habent, videatur supra n: 2373.

2377. Veri: 10. *Et emiserunt Viri manum suam, & introduxerunt Lothum ad se in domum, & ostium clausurunt.* Emiserunt Viri manum suam, significat Domini potentem opem: & introduxerunt Lothum ad Se in domum, significat quod Dominus tutetur eos qui in bono charitatis sunt: & ostium clausurunt, significat quod etiam omnem aditum ad eos præcludat.

2378. Emiserunt Viri manum, quod significet Domini potentem opem, constat a significatione Virorum, quod sit Dominus, de qua supra; & a significatione manus, quod sit potentia, de qua n: 878.

2379. Quod introduxerunt Lothum ad se in domum, significet quod Dominus tutetur eos qui in bono charitatis sunt, constat a repræsentatione Lothi, quod sint qui in bono charitatis sunt, de qua supra; & a significatione introducere ad se in domum, quod sit tutari; introduci in domum, est in bonum, & qui in bonum, introducuntur in cælum, & qui in cælum, est ad Dominum, inde tuti ab omni infestatione quoad animas: quod homo qui in bono, quoad animam sit in societate cum Angelis, & sic cum vivit in corpore, usque in cælo, tametsi id tunc non novit, nec potest angelicum gaudium percipere quia est in corporeis & in præparatione, videatur n: 1277.

2380. Quod ostium clausurunt, significet quod etiam omnem aditum ad eos præcludat, constat a significatione Ostii, quod sit id quod introducit, n: 2356. 2357. 2376, ita aditus; inde est quod claudere ostium sit præcludere aditum: in altera vita præcluditur aditus, per quod separantur boni a malis, ut a sphaeris persuasionum falsi & cupiditatum mali, non infestari queant, nam penetrare exhalatio inferni ad cælum nequit; in vita corporis præcluditur aditus, quod principia & persuasiones falsi nihil efficere possint apud eos qui in bono, angeli qui apud eos, illico dum infunditur aliquod falsum mali aut malum falsi, sive in sermone ab homine malo; sive in cogitatione a spiritu seu genio malo, avertunt, & ad aliquod verum & bonum, in quo confirmati sunt, flectunt; & hoc utcumque infestarentur quoad corpus, quia hoc nihili æstimant respective ad animam. Homo, dum in corporeis adhuc est, in tam communi obscura idea & perceptione est, n: 2367, ut vix sciat, num in bono charitatis sit, vel non, etiam ex causa, quia non

scit quid charitas, & quid proximus; sed sciendum, quoniam sunt; omnes illi in bono charitatis sunt, qui Conscientiam habent, hoc est, qui a iusto & æquo, bono & vero, nihil discedere volunt, propter ipsum iustum & æquum, bonum & verum; hoc enim est ex conscientia; ac qui inde bene cogitant de proximo, & ei bene volunt, etiam si foret inimico, & hoc absque omni retributione; hi sunt qui in bono charitatis sunt, sive extra Ecclesiam sive intra Ecclesiam sunt; qui intra Ecclesiam, iidem adorant Dominum, & libenter audiunt & faciunt illa quæ docuit. Vicissim, qui in malo, nullam Conscientiam habent: iustum & æquum non curant nisi quantum inde lucrari possint famam, quod tales videantur; quid bonum & verum, quod vitam spiritualem afficiat, non sciunt, etiam rejiciunt sicut nullam; præterea male cogitant de proximo, & ei male volunt, etiam male faciunt, etiam si foret amico si ei non sciat, & iucundum in eo percipiunt; si quid boni, est ex fine retributionis; tales intra Ecclesiam Dominum negant in occulto, & quantum honor, lucrum, fama aut vita non periclitantur, aperte. Sed usque sciendum, quod quidam putent se non esse in bono cum sunt, & quidam se esse in bono cum non sunt; quod quidam putent se non esse in bono cum sunt, est causa, quia dum reflectunt super id apud se, illico ab Angelis tunc, in quorum societate sunt, insinuat quod non in bono, ne sibi bonum tribuant, & flectatur cogitatio in sui meritum, & sic in præferentiam sui præ aliis, si aliter, caderent in tentationes: quod autem quidam putent se esse in bono cum non sunt, est causa, quia dum reflectunt super id, illico a malis genibus & spiritibus, in quorum consortio sunt, infunditur quod sint in bono, iucundum enim mali credunt bonum, imo suggeritur, quicquid boni aliis fecerint ex causis amoris sui & mundi, bonum esse quod retribuendum, etiam in altera vita, ita quod mereantur præ aliis, quos contemnunt præ se, imo nihili æstimant; & quod mirum, si si cogitarent aliter, caderent in tentationes, in quibus succumberent.

2381. Vers: 11. *Et viros, qui januæ domus, percusserunt cæcitatibus, a parvo usque ad magnum, & laboraverunt ad inveniendum januam.* Viros qui januæ domus, significat rationalia & inde doctrinalia, per quæ vis infertur bono charitatis: percusserunt cæcitatibus, significat quod opplerent falsitatibus: a parvo usque ad magnum, significat in particulari & communi: & laboraverunt ad inveniendum januam, significat usque ut non videre possent aliquid verum quod duceret ad bonum.

2382. Et viros qui januæ domus, quod significet rationalia & inde doctrinalia, per quæ vis infertur bono charitatis, constat a significatione viro-
rum, quod sint rationalia, de qua n: 158. 1007; a significatione januæ, quod sit introductio seu aditus, qui ducit vel ad verum vel ad bonum, ita doctrinale, de qua supra n: 2356; & a significatione domus, quod sit bonum charitatis, de qua supra passim: hic quia agitur de illis, qui accesserunt ad effringendum ostium, hoc est, qui conati destruere tam bonum charitatis quam Divinum & Sanctum Domini, n: 2376, intelliguntur rationalia mala, & inde doctrinalia falsa, per quæ vis infertur bono charitatis.

2383. Quod percusserunt cæcitibus, significet quod opplerentur falsitatibus, constat a significatione Cæcitatibus: Cæcitas prædicatur in Verbo de iis qui in falso sunt, tum quoque de iis qui in ignorantia veri, utrique vocantur cæci, sed quinam intelliguntur, a serie rerum, imprimis in sensu interno, constare potest: quod Cæci vocentur qui in falso, constat ab his locis; apud Esaiam, "*Speculatores ejus Cæci*, omnes ii non sciunt, omnes ii canes muti, " non possunt latrare," LVI: 10: speculatores cæci pro iis qui ex ratiocinatione sunt in falso: apud Eundem, "Exspectamus lucem, & ecce tenebræ; " splendores, in caliginibus ambulamus; palpamus sicut *Cæci* parietem," LIX: 9. 10: apud Jeremiam, "Errarunt *Cæci* in plateis, polluerunt se " sanguine, ea quæ non possunt, tangunt vestimentis," Thren: IV: 14; pro quod omnia vera polluta sint, platea pro veris, in quibus errarunt, n: 2336: apud Sachariam, "In die illo percutiam omnem equum stupore, & equitem ejus furore, omnem equum populorum percutiam *Cecitate*," XII: 4; equus hic & alibi in Verbo pro intellectuali, inde dicitur quod equus percuteretur stupore, & quod equus populorum percuteretur cecitate, hoc est, oppleretur falsitatibus: apud Johannem, "In judicium Ego in mun- " dum veni, ut *non videntes* videant, videntes vero *cæci* fiant: audiverunt " ex Phariseis hæc, dixerunt, num etiam nos *Cæci* sumus, dixit illis Jesus, " si *Cæci* essetis, non haberetis peccatum; jam autem dicitis, quod videamus, ideo peccatum vestrum manet," IX: 39. 30. 41: hic Cæci in utroque sensu, qui nempe in falso, & qui in ignorantia veri; qui intra Ecclesiam & sciunt quid verum, Cæcitas apud eos est falsitas; at qui non sciunt quid verum, ut qui extra Ecclesiam, cæcitas apud eos est ignorantia veri, qui inculpati: apud Eundem, "*Occæcavit eorum oculos*, & obturavit eorum cor, " ut *non videant oculis suis*, & intelligant corde, & sanem eos," XII: 40. Es: VI: 9. 10. 11; pro quod satius foret, ut in falsitatibus essent, quam in veris, quia in vita mali, qui si instruerentur in veris, ea non solum adhuc falsificarent, sed etiam malis conspurcarent; ex simili causa, qua viri Sodomæ percussi sunt cæcitibus, hoc est, doctrinalia opplerentur falsitatibus; cur hoc fiat, ostensum est, n: 301. 302. 303. 593. 1008. 1010. 1059. 1327. 1328. 2426: quia cæcum significabat falsum, ideo in Ecclesia repræsentativa Judaica prohibitum fuit sacrificare aliquod cæcum, Levit: XXI: 22. Deut: XV: 21. Mal: 1: 8: tum vetitum, quod cæcus ex sacerdotibus accederet ad offerendum super altari, Levit: XXI: 18. 21. Quod Cæcitas prædicetur de ignorantia veri, in quali sunt gentes, constat apud Esaiam, "Audient in die " illa surdi verba Libri, & ex caligine, eque tenebris *oculi cæcorum videbunt*," XXIX: 18: cæci pro illis qui in ignorantia veri, præcipue qui extra Ecclesiam; apud Eundem, "Educ *populum cæcum*, & oculi erunt; & " surdos, & aures eis," XLIII: 8; ubi de Ecclesia Gentium: apud Eundem, "Ducam *Cæcos* in via non noverunt, ponam tenebras coram iis in lucem," XLII: 16: & apud Eundem, "Dabo Te in lucem populi, ad aper- " riendum *oculos cæcos*, ad educendum e claustro vincitum, e domo carceris " sedentes tenebris," XLII: 6: 7: ubi de adventu Domini, quod tunc in-
strue-

struerentur illi, qui in ignorantia veri; qui enim in falsitate sunt, ii se non ita patiuntur instrui, quia norunt verum, & confirmarunt se contra illud, & verterunt lucem in tenebras, quæ non discutiuntur: apud Lucam, "Dixit "Paterfamilias servo suo, abi ocyus in plateis & vicos urbis, ac pauperes & "mancos, & claudos, & *Cæcos*, introduc huc," xiv: 21; ubi de Regno Domini, quod pauperes, manci, claudi, cæci, non significantur, patet, seu qui in sensu spirituali tales sunt: apud Eundem, "Dixit Jesus, ut renun- "tiarent Johanni, quod *Cæci* videant, *Claudi* ambulent, *Leprosi* mundentur," "Sardi audiant, *Mortui* resurgant, *Pauperibus* evangelium prædicetur," vii: 22; secundum sensum literæ, per cæcos, claudos, leprosos, surdos, mortuos, pauperes, non alii intelliguntur quam tales, quia ita etiam factum, nempe quod cæci receperint visum, surdi auditum, leprosi sanitatem, mortui vitam, sed usque in sensu interno intelliguntur iidem, qui apud Esaiam, "Tunc aperientur *Oculi Cæcorum*, & aures *Surdorum* aperientur, & saliet "sicut cervus *Claudus*, & cantabit lingua *Mutus*," xxxv: 5, 6: ubi de adventu Domini, & de nova tunc Ecclesia, quæ vocatur gentium, de quibus prædicatur, quod essent cæci, surdi, claudi, muti, ita dicti quoad doctrinam & vitam; nam sciendum, quod omnia Miracula, quæ a Domino facta sunt, semper involverint talia, & inde significaverint, quæ per cæcos, claudos, leprosos, surdos, mortuos, pauperes, in sensu interno intelliguntur, inde Miracula Domini fuerunt Divina, sicut etiam illa, quæ facta sunt in Ægypto, in deserto, & reliqua, de quibus in Verbo; quod est arcanum.

2384. A parvo usque ad magnum, quod significet in particulari & communi, constat a significatione eorum in sensu interno, quando prædicantur de rationalibus & inde doctrinalibus, quæ per viros qui januæ domus significantur; particularia enim & communia similiter se habent, sunt enim particularia sicut parva, & communia particularium sicut magna, quid particularia respective ad communia, & quomodo se habent, videatur n: 920. 1040. 1316.

2385. Et laboraverunt ad inveniendum januam, quod significet usque ut non videre possent aliquid verum quod duceret ad bonum, constat a significatione Januæ, quod sit introductio & aditus, & quod sit ipsum verum, quia hoc introducit ad bonum, de qua supra n: 2356; hic autem per Januam significantur cognitiones quæ introducant ad verum, nam janua, ut supra n: 2356, dictum, erat ante domum, nam dicitur quod Loth exiverit ad januam, & ostium clausit post se, Verf: 6, inde laborare ad inveniendum januam, est non videre aliquid verum quod duceret ad bonum: tales sunt illi, imprimis ultimis temporibus, qui ex ratiocinatione excludunt doctrinalia, ac nihil credunt nisi prius capiant, vita mali tunc continue in rationale eorum insluit, & quoddam lumen fallax ex igne affectionum mali infundit, & facit ut videant falsa sicut vera, quemadmodum solent qui in lumine nocturno vident phantasmata; eadem dein confirmantur multis, & sunt doctrinalia; sicut sunt illorum, qui dicunt quod vita quæ est affectionis nihil faciat, sed solum fides quæ est cogitationis: quod principium unumquodvis,

quodvis, qualecunque sit, si vel foret ipsum falsum, semel captum, innumeris possit confirmari, ac ita in externa forma fisci, sicut foret ipsum verum, cuius notum esse potest; inde hæreses, a quibus semel confirmatis nusquam receditur; sed ex falso principio non nisi quam falsa prosunt, quibus si interjecta sunt vera, usque, cum principium falsum per illa confirmatur, sunt vera falsificata, quia inquinata ab essentia principii: aliter prorsus, si ipsum verum pro principio accipitur, & hoc confirmatur, ut pro exemplo, quod amor in Dominum, & charitas erga proximum, sint a quibus pendet omnis lex, & de quibus loquantur omnes prophetæ, ac ita quod illa sint essentialia omnis doctrinæ & cultus, tunc illuminaretur mens ab innumerabilibus quæ in Verbo, quæ alioquin latent occultata in obscuro principii falsi; ito tunc dissiparentur hæreses; & ex pluribus fieret una Ecclesia, utunque doctrinalia inde fluentia aut illuc ducentia, tum ritualia, differrent; talis fuit Antiqua Ecclesia, quæ per plura Regna erat extensa, nempe per Assyriam, Mesopotamiam, Syriam, Æthiopiam, Arabiam, Lybiam, Ægyptum, Philisthæam usque ad Tyrum & Zidonem, per terram Canaanem eis & trans Jordanem; apud eos doctrinalia & ritualia differebant, sed usque Ecclesia una fuit, quia Charitas iis essentialis; & tunc fuit Regnum Domini in terris sicut in cælis, nam cælum tale est, videatur n: 684. 690; si ita, regerentur omnes sicut unus homo a Domino, forent enim sicut membra & organa unius corporis, quæ tametsi non simili forma, nec simili functione, usque se referunt ad unum cor, a quo omnia & singula in sua forma, quæ ubivis varia, pendunt; tunc quisque diceret, in quacunque doctrina, & in quocunque cultu externo foret, hic frater meus, video quod colat Dominum, & quod sit bonus.

2386. Vers: 12. *Et dixerunt Viri ad Lothum, adhuc quis tibi hic, generum filios tuos & filias tuas, & omnem qui tibi in urbe, educ e loco.* Dixerunt Viri ad Lothum, significat quod Dominus advertat eos qui in bono charitatis sunt; adhuc quis tibi hic, generum, & filios tuos, & filias tuas, & omnem qui tibi in urbe, educ e loco, significat quod omnes qui in bono charitatis, & omnia quæ ejus, salvarentur, etiam qui in vero fidei, si a malo recederent; generi, sunt vera associata affectionibus boni, hic associanda; filii sunt veri; filice, affectiones boni & veri; omnis qui in urbe, est quicquid trahit aliquid de vero; locus, est status mali.

2387. Quod dixerunt Viri ad Lothum, significet quod Dominus advertat eos qui in bono charitatis sunt, constat a significatione Virorum, quod sit Dominus, de qua n: 2378; a significatione dicere, quod sit advertere; & a representatione Lothi, quod sint illi qui in bono charitatis sunt, de qua n: 2324. 2351. 2371; inde quod Viri dixerint ad Lothum, significat quod Dominus advertat eos qui in bono charitatis sunt.

2388. Adhuc quis tibi hic, generum, & filios tuos, & filias tuas, & omnem qui tibi in urbe, educ e loco, quod significet quod omnes qui in bono charitatis, & omnia quæ ejus, salvarentur, etiam qui in vero fidei, si recederent a malo, constat ex significatione generorum, filiorum, filiarum, urbis.

urbis, & loci, de qua sequitur. Quod illi qui in vero fidei sunt, si recedant a malo, salventur, ita se habet; vera fidei sunt ipsa vasa recipientia boni, n: 1900. 2063. 2261. 2269, & recipiunt bonum, quantum homo recedit a malo; bonum enim continue influit a Domino, sed est malum vitæ quod impedit, quin recipiatur in veris quæ apud hominem in ejus memoria vel scientia; inde quantum recedit homo a malo, tantum intrat bonum, & inapplicat se ejus veris; tunc verum fidei apud eum fit bonum fidei: homo quidem scire verum potest, etiam confiteri incitante quadam causa mundana, imo etiam persuaderi quod sit verum, sed usque hoc verum non vivit, quamdiu est in vita mali; est enim talis homo sicut arbor, in qua folia, sed nihil fructus; & est verum illud sicut lux in qua nullus calor, qualis est tempore hyemis quando nihil crescit; at cum calor inest, tunc fit lux qualis tempore veris, quando omnia crescent; verum in Verbo comparatur luci, & vocatur lux, calor autem comparatur amori, & vocatur quoque calor spiritualis; in altera vita etiam verum se manifestat per lucem, bonum autem per calorem; at verum absque bono per lucem frigidam, sed cum bono per lucem vernali similem; inde patet, quid verum fidei absque bono charitatis; exinde est, quod generi & filii, per quos significata sunt talia vera, non salvati sint, sed solum Loth cum filiabus. Quia hic dicitur, quod etiam qui in vero fidei, si a malo recedant, salventur, sciendum, quod sint illi, qui profitentur fidem, ac nihil cogitant de charitate, ex causa quod sit instructi, & quod non sciant quid charitas, putantes quod solum sit, dare aliis quod suum est, & misereri cujusvis, tum quod non sciant quid proximus erga quem charitas, putantes quod sint in genere omnes fere absque discrimine, & usque iidem in vita charitatis erga proximum vivunt, quia in vita boni; iis nihil nocet, quod fidem cum cæteris profiteantur, nam eorum fidei inest charitas, hæc enim significat omne bonum vitæ in genere & in specie; quid itaque charitas, & quid proximus, in sequentibus, ex Divina Domini Misericordia, dicitur.

2389. Quod generi sint vera associata affectionibus boni & veri, hic associanda, constat a significatione generorum; vir in Verbo significat verum, & uxor bonum, n: 265. 749. 915. 1007, ex causa, quia est instar conjugii inter verum & bonum, n: 1432. 1904. 2173, inde generi significant cognitiones veri, quibus associande affectiones boni, quæ sunt filiar, hic autem associandæ, nam dicitur Veri: seq: 14, quod exivit Loth, & loquutus est ad generos accipientes, hoc est, accepturos filias suas.

2390. Quod filii sint vera, seu quod idem, sint illi qui in veris, constat a significatione filiorum, quod sint vera, de qua n: 489. 491. 533. 1147.

2391. Quod filiar sint affectiones boni & veri, seu quod idem, sint ii qui in affectionibus illis sunt, constat a significatione filiarum, quod sint affectiones illar, de qua n: 2362.

2392. Quod omnis qui in urbe, sit quicquid trahit aliquid de vero, constat a significatione urbis, quod sit doctrinale, ita verum in suo complexu, de qua n: 402. 2268.

2393.

2393. Quod locus sit status mali, constat a significatione loci, quod sit status, de qua n: 1273. 1274. 1275. 1377; hic status mali, quia erat Sodomā, per quam significatur malum in genere, n: 2220. 2246. 2322.

2394. Vers: 13. *Quia perdes nos locum hunc, quia magnus factus est clamor eorum coram Jehovah, & misit nos Jehovah ad perdendum eum.* Quia perdes nos locum hunc, significat quod status mali, in quo erant, damnaret eos: quia magnus factus est clamor eorum coram Jehovah, significat quia falsum ex malo tantum est: & misit nos Jehovah ad perdendum eum, significat quod non possint quin perirent.

2395. Quia perdes nos locum hunc, quod significet quod status mali, in quo erant, damnaret eos, constat a sensu perdere cum prædicatur de Domino, quod in significato interno sit perire a malo, hoc est, damnari; tum a significatione loci, quod sit status mali, n: 2393. Multoties in Verbo occurrit, quod Jehovah perdat, sed in sensu interno intelligitur, quod homo semet perdat, Jehovah enim seu Dominus nullum perdit, sed quia apparet sicut foret a Jehovah seu Domino, quia omnia & singula videt, & omnia & singula regit, ita passim loquutum est in Verbo, ob causam ut inde homines teneantur in communissima idea, quod omnia sub oculis Domini sint, & omnia sub Ipsius auspicio, in qua idea cum primum tenentur, dein possunt facile instrui; explicationes enim Verbi quoad sensum internum, non sunt nisi quam singularia quæ communem ideam elucidant: causa etiam est, quod qui in nullo amore sunt, teneantur in timore, & sic vereantur Dominum, & ad Ipsum propter liberationem fugiant; inde patet, quod nihil noceat, quod credatur sensui literæ, tametsi internus aliud docet, modo illud fiat ex simplici corde; sed de his plenius in sequentibus ad Vers: 24, n: 2447, ubi dicitur, quod Jehovah plueret super Sodomam & Amoram sulphur & ignem. Tantum abest, ut Angeli, quia in sensu interno sunt, cogitant, quod Jehovah seu Dominus aliquem perdat, ut solam ejus rei ideam non sustineant, quare cum hæc & similia in Verbo ab homine leguntur, rejicitur quasi ad tergum sensus literæ, & abit tandem in illum, quod ipsum malum sit quod perdit hominem, & quod Dominus neminem perdat, ut constare potest ab exemplo, de quo n: 1875.

2396. Quia magnus factus est clamor eorum coram Jehovah, quod significet quia falsum ex malo tantum est, constare potest ex significatione Clamoris, de qua n: 2240. quod prædicetur de falso, & hic quod de falso ex malo n: 2351.

2397. Quod misit nos Jehovah ad perdendum eum, significet quod non possint quin perirent, se habent similiter ac illa, quæ supra n: 2395 dicta sunt. Quod Nos, seu Viri aut Angeli, sint Divinum Humanum & Sanctum procedens Domini, supra ostensum est, per illud salvati sunt boni, & perierunt mali, at hi illa lege quod ipsum malum eos perderet: & quia inde perierunt, & hoc per adventum Domini in mundum, secundum apparentiam dicitur, quod missi ad perdendum eos. Aliquoties in Verbo de Domino dicitur quod missus a Patre, ut quoque hic, *misit nos Jehovah, at ubi vis per*

Mitti significatur in sensu interno *Exire*, ut apud Johannem, “ Illi acceperunt & cognoverunt vere, quod a *Te Exiverim*, ac crediderunt, quod *Tu Me Miseris*,” xvii: 8; similiter alibi, ut apud Eundem, “ Non *Misit Deus Filium suum* in mundum, ut judicet mundum, sed ut salvetur mundus per Ipsum,” iiii: 17: apud Eundem, “ Qui non honorat Filium, non honorat Patrem, *Qui Misit Ipsum*,” v: 23, præter multoties alibi, ut Matth: x: 40. Cap: xv: 24. Joh: iiii: 34. Cap: iv: 34. Cap: v: 30. 36. 37. 38. Cap: vi: 29. 39. 40. 44. 57. Cap: vii: 16. 18. 28. 29. Cap: viii: 16. 18. 29. 42. Cap: ix: 4. Cap: x: 36. Cap: xi: 41. 42. Cap: xii: 44. 45. 49. Cap: xiii: 20. Cap: xiv: 24. Cap: xvii: 18. Cap: xx: 21. Luc: iv: 43. Cap: ix: 48. Cap: x: 16. Marc: ix: 37. Esai: lxi: 1. Similiter dicitur de Sancto Spiritus, quod missum, hoc est, quod exeat a Divino Domini, ut apud Johannem, “ Jesus dixit, quando venerit Paracletus, quem *Ego Missurus sum* vobis a Patre, spiritus veritatis qui a Patre *Exit*, ille testabitur de Me,” xv: 26: apud Eundem, “ Si abivero, *Mittam* Paracletum ad vos,” xvi: 5. 7. Inde Missi dicebantur Prophetæ, quia verba, quæ loquuti, ex Sancto Spiritus Domini exiverunt. Et quia ex Divino Bono omne Divinum Verum exit, vox Mitti proprie de Divino Vero prædicatur. Quid autem sit *Exire*, etiam patet, nempe quod ille qui exit, seu illud quod exit, sit illius, a quo exit.

2398. Vers: 14. *Et exivit Loth, & loquutus est ad generos suos, accipientes filias suas, & dixit, surgite, exite e loco isto, quia perdens Jehovah urbem; & fuit sicut ludens in oculis generorum ejus.* Exivit Loth, significat illos qui in bono charitatis, tum ipsum bonum charitatis: loquutus est ad generos suos accipientes filias suas, significat quod cum illis qui in veris, quibus adjungi potuissent affectiones boni: & dixit, surgite, exite e loco isto, significat quod non manerent in statu mali: quia perdens Jehovah urbem, significat quod non potuissent non perire: & fuit sicut ludens in oculis generorum ejus, significat irrisiōnem.

2399. Exivit Loth, quod significet illos qui in bono charitatis, tum ipsum bonum charitatis, prius aliquoties ostensum est: qui enim representant illos qui in bono, etiam significat ipsum illud bonum, in quo sunt.

2400 2440. Quod loquutus ad generos suos accipientes filias suas, significat quod cum illis qui in veris, quibus conjungi potuissent affectiones boni, constat ex significatione generorum, quod sint cognitiones veri, proinde vera, de qua supra n: 2389, & a significatione filiarum, quod sint affectiones boni, de qua etiam supra n: 2362; & quia dicitur, quod loquutus ad generos suos accipientes filias suas, significatur quod cum illis qui in veris, quibus conjungi potuissent affectiones boni; quia conjungi potuissent, dicitur, generi sui, at quia non conjunctæ essent, dicitur, accipientes filias. Hic agitur de Tercio genere hominum qui intra Ecclesiam, nempe de illis qui vera sciunt, sed usque in malo vivunt, sunt enim triplicis generis homines intra Ecclesiam; Primum, qui in bono charitatis vivunt, hi representantur per Lothum; Alterum, qui prorsus in falso & malo, ac respuunt &

& verum & bonum, hi sunt qui repræsentantur per viros Sodomæ; Tertium, qui quidem vera sciunt, sed usque in malo sunt, hi significantur hic per Generos; sunt ii imprimis qui docent, sed verum quod docent, non altius radicem egit, quam solet scientia solius memoriæ, nam addiscitur & venditur solum honoris & lucri causa; & quia humus apud tales, in qua verum, sic est sui amor, & mundi amor, iis nulla fides veri est, nisi quædam persuasiva inde, quæ qualis sit, alibi, ex Divina Domini Misericordia, dicitur; describuntur hic per Generos, quod nihil crediderint de everfione Sodomæ, sed quod irriserint; fides eorum cordis etiam talis est.

2401. Quod dixit, surgite, exite e loco isto, significet quod non manerent in statu mali, constat a significatione surgere, & exire, tum loci: Surgere in Verbo sæpe legitur, sed parum cogitatur, quid ulterius significat, quia inter familiares voces est, sed in sensu interno involvit elevationem, ut hic a malo ad bonum, mens enim elevatur cum recedit a malo, n: 2388: Exire, est recedere, seu non manere: Locus autem est status mali, n: 2393; inde patet, quod illa significantur. Quales ii sunt, qui in cognitionibus veri, sed simul in vita mali, aliquoties prius dictum est, nempe quamdiu in vita mali, quod nihil credant, nam velle malum, & inde facere malum, ac fide agnoscere verum, nusquam datur; inde quoque patet, quod non salvari queat homo, per cogitare & loqui verum imo bonum, cum non aliud vult, & ex suo velle non aliud facit quam malum; ipsum velle hominis est, quod vivit post mortem, non ita ejus cogitare aliud quam quod fuit ex ejus velle: cum itaque talis est, qualis ejus velle, constare potest, quid cogitare possit de veris fidei, quæ hausit, imo quæ docuit, quia illa damnarent eum; tantum abest, ut tunc ex illis cogitet, ut averfetur illa, imo, quantum permittitur, sicut diaboli turba, blasphemet. Putare possunt, qui non instructi de vita post mortem, quod facile possint tunc recipere fidem, cum vident quod Dominus regat universum cælum, & cum audiunt quod cælum sit amare Ipsum, & proximum, sed tantum abest, ut mali possint recipere fidem, hoc est, ex velle id credere, quantum infernum abest a cælo; sunt enim prorsus in malo, & inde in falso; ex ipso solo adventu eorum, seu præsentia, cognoscitur & percipitur, quod contra Dominum sint, ac contra proximum, ita contra bonum & inde contra verum, est sphaera nefanda, quæ ex vita eorum voluntatis & inde cogitationis, exhalet, n: 1048. 1053. 1316. 1504. Si hoc potuisset fieri, quod crederent, & boni fierent, ex sola instructione, in altera vita, ne unus esset in inferno, nam Dominus, quotcunque sunt, ad Se in cælum vult elevare. Ipse enim Misericordia est Infinita, quia est ipsa Divina, & quidem erga universum genus humanum, ita erga tam malos quam bonos.

2402. Quia perdens Jehovah urbem, quod significet quod non potuissent non perire, constat ab explicatione eorundem fere verborum, n: 2395. 2397.

2403. Et fuit sicut ludens in oculis generorum ejus, quod significet irrisionem, constat a significatione ludere, quod sit esse quasi jocus, fabula, nu-

gæ, ita tale quod irridèrent : in oculis eorum significat quod coram rationali eorum, ut constat a significatione oculorum, n : 212 : inde patet, quales sunt, qui in vero fidei, & non simul in bono vitæ.

2404. Verſ: 15. *Et ſicut aurora aſcendit, & ad feſtinandum adigebant Angeli Lothum, dicendo, ſurge, accipe uxorem tuam, & duas filias tuas inventas, ne forte conſumaris in iniquitate urbis.* Sicuti Aurora aſcendit, ſignificat cum Regno Domini appropinquat : ad feſtinandum adigebant Angeli Lothum, ſignificat quod Dominus detineret eos a malo, & teneret in bono : dicendo, ſurge, accipe uxorem tuam, & duas filias inventas, ſignificat verum fidei, & affectiones veri & boni ; inventæ, ſunt quod ſeparatæ a malo : ne forte conſumaris in iniquitate urbis, ſignificat ne perirent a malis falſi.

2405. Sicut aurora aſcendit, quod ſignificet cum Regno Domini appropinquat, conſtat a ſignificatione Auroræ ſeu Mane in Verbo : Quia agitur in hoc Capite de ſucceſſivis ſtatibus Eccleſiæ, primum actum eſt de eo quod factum in Veſpera, dein quod in Nocte, nunc ſequitur quid diluculo, & mox quid poſtquam ſol egreſſus ; diluculum exprimitur hic per, ſicuti aurora aſcendit, & tunc eſt cum probi ſeparantur a malis, de qua ſeparatione agitur in hoc Verſu uſque ad Verſ: 22, per quod Loth cum uxore & filiabus eductus ſit, & ſalvatus : quod ſeparatio præcedat iudicium, conſtat a Domini verbis apud Matthæum, “ Congregabuntur coram Ipſo omnes “ gentes, & ſeparabit eos ab invicem, ſicut paſtor ſeparat oves ab hircis,” xxv: 32. Tempus hoc ſeu ſtatus hic, in Verbo dicitur Aurora, quia tunc venit Dominus, ſeu quod idem, tunc appropinquat Regnum Ipſius, ſe habet enim ſimiliter apud bonos, nam eſfulget tunc apud eos inſtar diluculi matutini ſeu auroræ ; inde in Verbo adventus Domini comparatur Mane ; & quoque dicitur Mane ; quod comparetur apud Hoſcheam, “ Jehovah vivificabit “ nos a biduo, in die tertio eriget nos, & vivemus coram Ipſo, & cognoscemus, & perſequemur ad cognoscendum Jehovah, ſicut Aurora “ egreſſus Ipſius,” vi: 2. 3 : biduum pro tempore & ſtatu qui præcedit ; dies tertius pro iudicio ſeu adventu Domini, ita pro appropinquatione Regni Ipſius, n : 720. 901 ; qui adventus, ſeu quæ appropinquatio comparatur Auroræ : apud Samuelem, “ Deus Iſraelis ſicut Lux Mane, oritur ſol, Mane “ non nubes, a ſplendore, a pluvia germen e terra,” 2 Sam: xxiii: 4 : Deus Iſraelis pro Domino, non enim alius Deus Iſraelis in Eccleſia illa intellectus fuit, nam is repræſentatus in omnibus & ſingulis ejus : apud Joelem, “ Venit dies Jehovah, quia propinquus, Dies tenebrarum & caliginis, dies “ nubis & obſcuritatis, ſicut Aurora expansa ſuper montes,” 11: 1. 2 ; ibi quoque de adventu Domini & Regno Ipſius ; dies tenebrarum & caliginis, quia tunc ſeparantur boni a malis, ut hic Loth a viris Sodomæ, ac poſtquam boni ſeparati ſunt, intereunt mali. Quod adventus Domini ſeu appropinquatio Regni Ipſius non comparetur Mane, ſed dicatur Mane, apud Danielelem, “ Dixit unus Sanctus, quouſque viſio, jûge, & prævaricatio vaſtans, dixit ad me, uſque ad Veſperam Mane, bis mille trecenta, & juſtificabitur Sanctus. Viſio Veſperæ & Mane, quæ dicta, veritas eſt,” viii: 13.

13. 14. 26; Mane hic manifeste pro adventu Domini: apud Davidem, "Populus tuus spontaneorum, in die fortitudinis tuæ, in honoribus sanctitatis, ab utero ex *Aurora* tibi ros nativitatis tuæ," Psalm: cx: 10; ubi in toto Psalmo de Domino, & de victoriis Ipsi in tentationibus, quæ sunt dies fortitudinis, & honores sanctitatis Ipsi; ab utero ex *Aurora* est Ipse, ita Divinus amor ex quo pugnavit: apud Zephaniam, "Jehovah justus in medio ejus, non faciet perversitatem, in *Mane*, in *Mane* judicium dabit "in lucem," III: 5; mane pro tempore & statu judicii, quod est idem cum adventu Domini, & hoc idem cum appropinquatione Regni Ipsi. Quia *Mane* illa significabat, ut idem repræsentaretur, mandatum est, ut Aharon & filii ejus ascendere facerent lucernam, & disponerent a *Vespera* usque ad *Mane* coram Jehovah, Exod: xxvii: 21; *Vespera* ibi est diluculum ante *Mane*, n: 2323: similiter quod Ignis super altari accenderetur *singulis Auroris*, Levit: vi: 5: tum quoque quod de Pecude Paschali, & de sanctificatis Sacrificiorum, nihil relinqueretur ad *Mane*, Exod: xii: 10: Cap: xxiii: 18. Cap: xxxiv: 25. Levit: xxii: 29. 30. Numer: ix: 12, quo significatum, quod cum veniret Dominus, sacrificia cessarent. In communi sensu *Mane* dicitur, tam cum *Aurora* apparet, quam cum sol exoritur, & tunc accipitur *Mane* pro Judicio tam de bonis, quam super malis, sicut in hoc Capite, "Sol egressus super terram, & Loth venit Zoarem: & Jehovah "pluere fecit super Sodomam & Amoram sulphur & ignem," Vers: 23. 24; similiter pro Judicio super malis, apud Davidem, "In *Matutinis* perdam omnes impios terræ, ad excindendum ex urbe Jehovah omnes operantes iniquitatem," Psalm: ci: 8: & apud Jeremiam, "Vir iste, sicut "urbes quas evertit Jehovah, & non pænitet Ipsum, & audiat clamorem "in *Mane*," xx: 16. Quia *Mane* in proprio sensu significat Dominum, Ipsi adventum, ita Regni Ipsi appropinquationem, constare potest, quid *Mane* præterea significat, nempe exortum novæ Ecclesiæ, nam hæc est Regnum Domini in terris, & hoc tam in communi, quam in particulari, imo etiam in singulari; in *communi*, quando exfuscitur e novo aliqua Ecclesia in orbe; in *particulari*, quando regeneratur homo, & fit novus, nam tunc in illo exoritur Regnum Domini, & ille fit Ecclesia; in *singulari*, quoties apud eum operatur bonum amoris & fidei, nam in hoc est Domini adventus: inde Resurrectio Domini die *Tertio Mane*, Marc: xvi: 2. 9. Luc: xiv: 1. Joh: xv: 1, omnia illa involvit, etiam in particulari & singulari, quod in mentibus regeneratorum quotidie, imo singulis momentis, resurgat.

2406. Quod ad festinandum adigebant Angeli Lothum, significet quod Dominus detineret eos a malo, & teneret in bono, constat a significatione festinare & adigere, quod sit urgere, per quæ quod significetur detineri a malo, constat tam ex sensu interno istorum verborum, quam ex sequentibus: sensus internus est, quod, cum Ecclesia desciscere incipit a bono charitatis, tunc a Domino fortius detineantur a malo, quam cum in bono charitatis est: a sequentibus idem patet, nempe quod tametsi Angeli adigerent Lothum ad

ad exeundum urbe, usque moratus sit, & quod apprehenderint manum ejus, uxoris & filiarum, & eduxerint, & statuerint extra urbem, per quæ significatur & describitur, qualis est homo in illo statu: hic enim agitur de Secundo Statu hujus Ecclesiæ; Primus Status descriptus est Versibus 1. 2. 3. hujus Capitis, qui talis, quod in bono charitatis sint, & Dominum agnoscant, & quod Ipso in bono confirmantur; Secundus Status hic describitur, qui est quod apud ipsos homines Ecclesiæ mala incipiant agere contra bona, & quod tunc detineantur potenter a malis, & teneantur in bonis a Domino, de quo Statu agitur in hoc Versu, & in sequentibus 15. 16. 17. Quod ipsam rem attinet, pauci, si ulli, sciunt, quod omnes, quotcumque sunt, homines detineantur a malis a Domino, & hoc vi fortiori, quam usquam homo credere possit; conatus enim cujusvis hominis perpetuus est in malum, & hoc tam ex hæreditario in quod natus est, quam ex actuali quod ipse sibi comparavit, usque adeo, ut si non detineretur a Domino, rueret quovis momento præceptis versus infimum infernum; sed Misericordia Domini tanta est, ut unoquovis momento etiam minimo elevetur, ac ne illuc ruat, detineatur; hoc quoque apud bonos, sed cum differentia secundum vitam charitatis & fidei eorum: ita continue pugnat Dominus cum homine, & pro homine cum inferno, tamen non ita apparet homini: quod ita sit, a multa experientia scire datum est, de qua, ex Divina Domini Misericordia, alibi; videatur etiam n: 929. 1581.

2407. Dicendo, surge, accipe uxorem tuam, & duas filias inventas, quod significet verum fidei, & affectiones veri & boni; & quod inventæ sint separatæ; constat a significatione surgere, quod sit elevari a malo, n: 2401; tum a significatione uxoris hic, quod sit verum fidei, de qua ad Vers: 26; ubi agitur de uxore Lothi, quod versa in statuam salis; ut & a significatione duarum filiarum, quod sint affectiones veri & boni, de qua n: 2362: quod inventæ, sint separatæ a malo, etiam constare potest, quia vindicatæ. His paucis Secundus hic Status Ecclesiæ describitur, quod nempe non ex bono se duci patiantur ad verum, ut prius, sed per verum ad bonum, sed usque quod sint in affectione obscura boni; nam quantum verum sit dux, tantum obscurefcit bonum; & quantum bonum sit dux, tantum in luce sua patet verum.

2408. Ne forte consumaris in iniquitate urbis, quod significet ne perirent in malis falsi, constat a significatione iniquitatis, quod sit malum; & a significatione urbis, quod sit doctrinale etiam falsum, de qua n: 402. Quid malum falsi, constare potest ab illis, quæ in Parte Prima n: 1212. 1679, dicta sunt.

2409. Vers: 16. *Et moratus, & apprehenderunt Viri manum ejus, & manum uxoris ejus, & manum duarum filiarum ejus, in clementia Jeshovæ super eum, & eduxerunt eum, & statuerunt eum extra urbem.* Et moratus, significat repugnantiam a natura mali: & apprehenderunt Viri manum ejus, & manum uxoris ejus, & manum duarum filiarum ejus, significat quod Dominus potenter detinuerit a malis, & sic corroboraverit bona & vera significata

[a malo]

cata per Lothum, uxorem, & filias ejus: in clementia Jehovæ super eum, significat ex gratia & misericordia: eduxerunt eum & statuerunt extra urbem, significat statum ejus tunc.

2410. Et moratus, quod significet repugnantiam ex natura mali, constat ex illis quæ supra n: 2406, dicta sunt: malum enim, quod in homine, continue reagit contra bonum quod a Domino: adhærescit malum ex hæreditario & ex actuali homini in singulis ejus cogitationibus, imo in cogitationum minimis, hoc trahit eum deorsum, Dominus autem per bonum quod insinuat, detinet eum & tollit eum; ita suspensus tenetur homo inter malum & bonum, quare si vel minimo momento non a Domino detineretur a malis, ex se rueret deorsum; & hoc magis in hoc statu, in quo homo Ecclesiæ quem Loth nunc repræsentat, quam in statu priori; status ille est, quod non ita ex bono, quam ex vero incipiat cogitare & agere, sic e distantia quadam a bono.

2411. Quod apprehenderunt Viri manum ejus, & manum uxoris ejus, & manum duarum filiarum ejus, significet quod Dominus potenter detinuerit a malis, & sic corroboraverit bona & vera significata per Lothum, uxorem ejus, & filias ejus, constat a significatione Virorum, quod sit Dominus, de qua supra; ex significatione manus, quod sit potentia, de qua n: 878; tum a significatione Lothi, quod sit bonum charitatis, de qua n: 2324. 2351. 2371. 2399; ex significatione uxoris, quod sit verum fidei, de qua in sequenti Vers: 26; & a significatione filiarum, quod sint affectiones veri & boni, de qua n: 489. 490. 491. 2362; tum denique ab illis, quæ dicta sunt n: 2388, nempe quod tantum influat bonum & verum a Domino, quantum detinetur homo a malo, proinde quod tantum corroborentur bona & vera significata per Lothum, uxorem ejus, & duas filias ejus; hoc quoque quisque ex propria experientia, si reflectit, scire potest, quantum enim removetur a corporeis & mundanis, tantum in idea spiritali est, hoc est, elevatur versus cælum, ut sit, quando est in aliquo cultu sancto, quando in aliqua tentatione, tum quando in infortuniis aut in morbis; quod tunc remota sint corporea & mundana, hoc est, amores eorum, notum est; causa est, quæ dicta, quod cœleste & spirituale a Domino continue influat, sed est malum & inde falsum, & est falsum & inde malum, quæ a corporeis & mundanis influunt, quæ obstant, quin recipiatur.

2412. In clementia Jehovæ super eum, quod significet ex gratia & misericordia, constat ex significatione clementiæ Jehovæ, quæ non alia esse potest, quam gratia & misericordia; quod homo detineatur a malo, & teneatur in bono a Domino, sit ex purâ Misericordia, videatur n: 1049. Quod dicatur & gratia & misericordia, est ex causa, de qua n: 598. 981, nempe, quod qui in vero sunt & inde in bono, modo gratiam, at qui in bono & inde in vero, Misericordiam Domini implorent; quod venit ex dissimili humiliationis & inde adorationis statu apud unum quam apud alterum.

2413. Et eduxerunt eum, & statuerunt eum extra urbem, quod significet statum ejus tunc, constat ex significatione educere, quod sit detinere, & a

fig-

sed hos vocabant Cham, quia in vita mali, videatur n: 1062. 1063. 1076. Antiquissima Ecclesia, quæ ante diluvium, & præ cæteris, Homo, dicta, in ipsa perceptione amoris in Dominum, & charitatis erga proximum fuit, ita doctrinale amoris & charitatis habuit sibi inscriptum; sed fuerunt etiam tunc, qui fidem excoluerunt, quam cum tandem separabant a charitate, dicti sunt Cain, nam per Cain significatur tales fides, & per Habel, quem occidit, charitas, videatur explicatio ad Cap: iv Genes. Inde constare potest, quod duplex Doctrinale sit, unum charitatis, alterum fidei, tamen utrumque unum est in se, nam Doctrinale charitatis involvit omnia fidei; at cum Doctrinale sit ex illis solis quæ sunt fidei, tunc dicitur doctrinale duplex, quia separatur fides a charitate; quod hodie separata sint, constare potest inde, quod nesciatur prorsus quid sit charitas, & quid proximus; qui in solo doctrinali fidei sunt, nihil aliud charitatem erga proximum sciunt esse, quam dare ex suo aliis, & misereri cujuscvis, nam unumquemvis dicunt proximum absque distinctione; cum tamen Charitas sit omne bonum quodcunque apud hominem, in ejus affectione, & in ejus Zelo, & inde in ejus vita; & Proximus omne bonum apud alios quo afficitur, proinde illi qui in bono sunt, & hoc cum omni distinctione; ut pro exemplo, ille in charitate & misericordia est, qui justitiam & judicium exercet, puniendo malos, & remunerando bonos; in puniendo malos est charitas, nam sic Zelo fertur emendandi illum, & simul tutandi alios, ne inde iis malum; sic enim consultit & bene vult ei qui in malo seu inimico, ac sic consultit & bene vult aliis, ac ipsi Reipublicæ, & hoc ex charitate erga proximum; similiter se habet cum reliquis bonis vitæ, bonum enim vitæ nusquam dabile est, nisi sit ex charitate erga proximum, nam hanc spectat, & hanc involvit. Quia in tanto obscuro est, ut dictum, quid Charitas & quid Proximus, inde liquet quod Doctrinale charitatis, postquam primas occupavit Doctrinale fidei, inter res perditas sit; cum tamen illud solum erat, quod excolebatur in Ecclesia Antiqua, usque adeo ut referrent in classes omnia bona, quæ charitatis erga proximum, hoc est, omnes qui in bono, erant, & hoc cum multa distinctione, quibus etiam nomina indebant, & vocabant, Pauperes, Miseros, Oppressos, Ægrotos, Nudos, Esurientes, Sitientes, Captivos seu in carcere, Peregrinos, Pupillos, Viduas; quosdam etiam claudos, Cæcos, Surdos, Mutos, Mancos, præter alia plura; secundum hoc Doctrinale loquutus est Dominus in Verbo Veteris Testamenti, quare toties ibi talia occurrunt; & secundum idem loquutus est Ipse Dominus, ut apud Matth: xxv: 35. 36. 38. 39. 40. 42. 43. 44. 45. Luc: xiv: 13. 21; ac multoties alibi; inde est, quod nomina illa aliud in sensu interno significant. Ut itaque Doctrinale Charitatis restitueretur, in sequentibus, ex Divina Domini Misericordia, dicitur, quinam illi sunt, ac in genere & in specie quid Charitas & quid Proximus.

2418. Quod ne consistas in omni planitie, significet quod non in ullo eorum moraretur, constat a significatione Planitie, quod sit omne doctrinalis, de qua mox: quomodo se habet, quod non moraretur in ullo eorum, dicitur ad Vers: 26, ubi de uxore Lothi, quod respexerit post eum. Quod

No. IV.

G

Pla-

Planities in Verbo significet omnia Doctrinalis, constat apud Jeremiam, "Veniet vastator ad omnem urbem, & urbs non evadet, & peribit vallis, & & perdetur *Planities*," XLVIII: 8; urbs pro doctrinali falso, planities pro omnibus quæ sunt istius doctrinalis: apud Johannem, "Quando consumiti fuerint mille anni, solvetur Satanæ e custodia sua, & exhibit ad seducendum gentes, Gogum & Magogum, ut congreget eos in bellum, quorum numerus sicut arena maris; ascenderunt itaque super omnem *Planitiem terræ*, & circumdederunt castra sanctorum, sed descendit ignis a Deo e coelo, & consumit eos," Apoc: xx: 7. 8. 9; ubi Gogus & Magogus pro iis qui in cultu externo absque interno, sic facto idololatrico, n: 1151, planities terræ pro Ecclesiæ doctrinalibus, quæ illi vastant, castra sanctorum pro bonis amoris & charitatis, consumiti igne a Deo e coelo similiter se habet ac cum viris Sodomæ & Amoræ, Vers: 24: præterea doctrinalia charitatis vocantur urbes montis, & doctrinalia fidei urbes planitiei, apud Jerem: XXXIII: 13.

2419. In montem eripe te, quod significet ad bonum amoris & charitatis, constat a significatione montis, quod sit amor & charitas, de qua n: 795. 1430.

2420. Ne forte consumaris, quod significet si aliter, periret, constat absque explicatione.

2421. Vers: 18. 19. *Et dixit Loth ad eos, ne quæso Domini mei. Ecce quæso invenit servus tuus gratiam in oculis tuis, & magnam fecisti misericordiam tuam, quam fecisti mecum ad vivificandum animam meam; & ego non potero eripere me in montem, ne forte adhæreat mihi malum, & moriar. Dixit Loth ad eos, ne quæso Domini mei, significat imbecillitatem quod non posset: ecce quæso invenit servus gratiam in oculis tuis, significat humiliationem ex affectione veri: magnam fecisti misericordiam tuam, significat humiliationis instar ex affectione boni: quam fecisti mecum ad vivificandum animam meam, significat pro eo quod vellet salvare eum: & ego non potero eripere me in montem, significat dubitationem quod non posset habere bonum charitatis: ne forte adhæreat mihi malum, & moriar, significat tunc non aliter fieri posset quam quod simul ex malo, & sic damnaretur.*

2422. Quod dixit Loth ad eos, ne quæso Domini mei, significet imbecillitatem quod non posset, constat ex affectione in ipsis verbis, tum a sequentibus. Hic nunc agitur de Tertio Statu Ecclesiæ, quæ per Lothum in hoc Capite representatur; qui est, quod non amplius cogitent & agant ex affectione boni, sed ex affectione veri; qui Status succedit, quando affectio boni incipit diminui, & quasi recedere; bonum quidem adest, sed retrahit se magis versus interiora, inde in obscuro est, at se manifestat in quadam affectione, quæ dicitur affectio veri; quid affectio boni, & quid affectio veri, videatur n: 1997, & in mox seq: n: 2425: Status hi quod sint, non apparent homini, minus quales sunt, sed apparent Angelis ut in clara luce, nam Angeli sunt in omni bona affectione hominis; apparent etiam ipsi homini,

*Compare with
n. 2425*

mini, dum in alteram vitam venit; secundum affectiones illas, & secundum quale earum, distincti sunt boni in societates, n: 685.

2423. Ecce quæso invenit servus tuus gratiam in oculis tuis, quod significet humiliationem ex affectione veri; & magnam fecisti misericordiam tuam, quod significet humiliationis instar ex affectione boni, constare potest ex illis quæ de Gratia & Misericordia, prius n: 598. 981, dicta sunt: qui enim in affectione veri sunt, non possunt eo usque se humiliare, ut ex corde agnoscant omnia esse Misericordiæ, quare loco ejus Gratiam dicunt; imo quo minus affectiones veri apud eos est, eo minus humiliationis in nominatione gratiæ inest; vicissim autem, quo plus affectionis boni apud aliquem est, eo plus humiliationis est ei in nominatione Misericordiæ: ex eo patet, quantum differt adoratio; proinde cultus, apud eos qui in affectione veri sunt, ab eorum qui in affectione boni; nam ut cultus sit, erit adoratio, & ut adoratio erit humiliatio, & hoc in omnibus & singulis cultus; inde patet, cur hic dicatur & gratia & misericordia.

2424. Quam fecisti mecum ad vivificandum animam meam, quod significet pro eo, quod vellet salvare eum, constat absque explicatione.

2425. Et ego non potero eripere me in montem, quod significet dubitationem quod posset habere bonum charitatis, hoc est, cogitare & agere ex illo bono, constat a significatione Montis, quod sit amor & charitas, de qua n: 795. 1430. Quod dubitationem attinet, ita se habet; qui in affectione veri sunt, apud eos in affectione eorum veri inest affectio boni, sed tam obscure ut non percipiant, ita nec sciunt quid affectio boni, & quid genuina charitas, putant quidem se scire, sed ex vero, ita ex scientia, non autem ex ipso bono; sed usque faciunt bona charitatis, non ut inde aliquid mereantur, sed ex obedientia, & hoc quantum capiunt quod verum sit, se enim duci patiuntur a Domino ex obscuro boni per verum quod iis apparet ut verum: ut pro exemplo, quia ignorant quid Proximus, unicuique faciunt bonum, quem putant proximum esse, imprimis Pauperibus, quia hi quod destituti opibus mundanis se pauperes vocant; Pupillis & Viduis, quia ita nominantur; Peregrinis, quia tales sunt; ita in cæteris; & hoc quamdiu ignorant quid significatur per pauperes, pupillos, viduas, peregrinos, & plures; veruntamen, quia in affectione eorum veri apparentis latet obscure, ut dictum, affectio boni, per quod Dominus eos ducit ad ita faciendum, simul quoad interiora in bono sunt, in quo apud eos sunt Angeli, & ibi delectantur eorum veri apparentiis quibus afficiuntur. At qui in bono charitatis sunt, & inde in affectione veri, si faciunt omnia cum distinctione, sunt enim in luce, nam aliunde non lux veri quam ex bono, quia per bonum insuit Dominus, i pauperibus, pupillis, viduis, peregrinis, non beneficiantur ex causa solum quia ita nominantur, sciunt enim, quod, qui boni sunt, sive pauperes sint sive divites, Proximi sint præ aliis, nam a bonis bonum fit aliis, & ideo quantum iis beneficiantur, tantum per illos aliis; sciunt etiam distinguere inter bona, ita inter bonos: ipsum commune bonum adhuc magis Proximum suum dicunt, nam in eo adhuc plurimum bonum spectatur: Regnum Domini

in terris, quod est Ecclesia, adhuc magis pro Proximo suo agnoscunt, erga quem charitas: ipsum Regnum Domini in cælis, adhuc magis: qui autem Dominum præferunt omnibus illis, Ipsum Solum adorant, & super omnia amant, ii ab Ipso derivatione Proximi deducunt; nam in supremo sensu Solus Dominus est Proximus; ita omne Bonum, quantum ab Ipso est. Qui autem in contrariis sunt, ii Proximi derivationes deducunt a seipsis, & pro Proximo agnoscunt solum illos, qui sibi favent & serviunt, nec alios fratres & amicos appellant, & hoc cum differentia, quantum cum illis unum faciunt. Inde constare potest, quid Proximus, nempe cuique secundum amorem in quo est; & quod vere Proximus, qui in amore in Dominum, & in charitate erga proximum, & hoc cum omni differentia; ita ipsum bonum est apud unumquemvis, quod determinat.

2426. Ne forte adhæreat mihi malum & moriar, quod significet tunc non aliter fieri posset, quam quod simul in malo, & sic damnaretur, constat absque explicatione. Quid hæc involvunt, sciri potest ab illis, quæ prius n: 301. 302. 303. 571. 582. 1001. 1327. 1328, dicta & ostensa sunt, nempe quod Dominus jugiter provideat, ne malum cum bono commisceatur, sed quantum homo est in malo, tantum removetur a bono; satius enim est, ut prorsus in malo sit, quam in malo & simul in bono; si enim in malo, & simul in bono, non potest quin damnatus sit in æternum: sunt dolosi & hypocritæ intra Ecclesiam, qui in hoc periculo præ aliis sunt: hoc nunc est in sensu interno, ne adhæreat mihi malum, & moriar.

2427. Verſ: 20. *Ecce quæſo urbs hæc propinqua ad fugiendum illuc, & ea parva, eripiam me quæſo illuc, annon parva ea, & vivat anima mea.* Ecce quæſo urbs hæc propinqua ad fugiendum illuc, significat quod liceret ex vero fidei: & ea parva, significat quod ex parvo quod haberet: eripiam me quæſo illuc, significat quod ex illo liceret spectare bonum: annon parva ea, significat annon aliquantulum haberet: & vivat anima mea, significat quod sic fortassis salvaretur.

2428. Ecce quæſo urbs hæc propinqua ad fugiendum illuc, quod significet quod liceret ex vero fidei, constat a significatione Urbis, quod sit doctrinale, ita verum fidei, de qua n: 402. 2268: propinqua dicitur, quia verum affine est bono; quare fugere illuc, significat quod liceret ex illo, quia non posset ex bono, n: 2422.

2429. Quod ea parva, significet quod ex parvo quod haberet, constare potest a significatione urbis, quod sit verum, de qua mox supra; quæ quod parva, significat quod parum veri, hic quod ex parvo quod haberet, ut constat ab illis quæ præcedunt, & quæ sequuntur. Quod ipsam rem attingit, nempe quod parum veri sit illis qui in affectione veri, respective ac illis qui in affectione boni, constare potest ex eo, quod ex pusillo & obscuro bono, quod apud illos, spectent verum; Verum apud hominem se prorsus habet secundum bonum apud eum, ubi parum boni ibi parum veri, in similitudine sunt, & in simili gradu, seu pari passu, ut dicitur, ambulant; quod quidem ut paradoxon videri potest, sed usque ita se habet; bonum est ipsa
essentia

essentia veri, verum absque sua essentia non est verum, tametsi apparet sicut foret, est modo sonans quid, & sicut vas vacuum; ut quis Verum apud se habeat, non solum debet scire illud, sed etiam agnoscere, & ei fidem habere, cum hoc, tunc primum habet verum, quia tunc id afficit eum, & manet; aliter cum modo scit verum, & non agnoscit, ac ei fidem habet, tunc non habet in se verum; ut fit apud plures qui in malo sunt, ii scire possunt vera, & quandoque præ aliis, sed usque non habent illud, imo tanto minus habent, quia corde suo illud negant: providetur a Domino, ut nemo plus veri habeat, hoc est, agnoscat & credat, quam quantum boni recipiat: inde est, quod hic dicatur de urbe, per quam significatur verum, quod ea parva, ac iterum in hoc Versu, "Annon parva ea," tum Vers: 22, quod vocavit nomen urbis Zoar, per quod in lingua originali significatur parvum, ex causa, quia hic agitur de illis, qui in affectione veri sunt, & non ita in affectione boni.

2430. Quod eripiam me quaeso illuc, significet quod ex illo liceat spectare bonum, constare potest ex iis quæ antecedunt, & quæ sequuntur; dictum est, quod se eriperet ad montem, per quem significatur bonum amoris & charitatis, n: 2419, at responsum, quod hoc non posset, sed quod ad urbem, per quam significatur verum fidei, n: 2428, ita quod ex vero spectare posset bonum, seu quod idem, ex fide charitatem; urbs etiam illa sita erat sub monte, & ex illa dein ascendit & habitavit in monte, sed in spelunca ibi, Vers: 30.

2431. Annon parva ea, quod significet annon aliquantulum habeat, constat ab illis, quæ supra n: 2429 dicta sunt, ita absque ulteriore explicatione. Hæc interrogatio est ideo, quia solus Dominus novit, quantum boni est in vero, ita quantum veri est apud hominem.

2432. Quod vivat anima mea, significet quod sic fortassis salvaretur; constat quoque absque explicatione; quod etiam salvatus sit, quia in vero ejus esset bonum, constat ab illis quæ sequuntur, nempe a responso, "Ecce acceptavi faciem tuam etiam quoad verbum hoc, quod non evertam urbem, de qua loquutus," Vers: 21; & dein, "Sol egressus super terram, & Loth venit Zoarem," Vers: 23, per quæ intelligitur, quod salventur illi qui in affectione veri, hoc est, qui in fide, modo fit fides boni.

2433. Vers: 21. *Et dixit ad eum, ecce acceptavi faciem tuam, etiam quoad verbum hoc, quod non evertam urbem, de qua loquutus.* Dixit ad eum, ecce acceptavi faciem tuam etiam quoad verbum hoc, significat annuentiam, si interiora in vero trahant aliquid ex bono: quod non evertam urbem de qua loquutus, significat quod sic non periret.

2434. Dixit ad eum, ecce acceptavi faciem tuam etiam quoad verbum hoc, quod significet annuentiam si interiora in vero trahant aliquid a bono, constat a significatione Faciei; Facies in Verbo pluries occurrit, & ibi significat interiora, ut n: 358. 1999, ostensum; etiam cum Facies tribuitur Jehovahi seu Domino, significat Misericordiam, Pacem, Bonum, n: 222. 223: hic itaque bonum quod interius est in vero; quare accipere faciem, est annuere,

nuere, si interiora in vero trahant aliquid de bono: quoad verbum hoc, est quoad hanc rem. Quod Verum non sit, nisi intus in eo sit bonum, videatur, n: 1496. 1832. 1900. 1904. 1928. 2063. 2173. 2269. 2434. 2503. 2429; & quod beatitudo & felicitas homini post mortem non sit ex vero, sed ex bono quod in vero, n: 2261, inde tanto beatius & felicius ei, quanto plus boni in vero. Quod bonum sit intus in vero, & faciat ut verum sit, constare etiam potest ex bonis & veris in ipsis mundanis; cum homo in his aliquid ut bonum arripit & agnoscit, tunc quicquid huic bono favet, hoc dicit verum; quicquid autem non favet, hoc rejicit & vocat falsum: dicere etiam potest, quod verum non sit quod non favet isti bono, sed tunc simulat, & aliud cogitat: ita quoque in spiritualibus.

2435. Quod non evertam urbem de qua loquutus, significet quod sic non periret, nempe homo apud quem verum in quo intus est bonum, constat a significatione Urbis, quod sit verum, de qua n: 402. 2268. 2428. Ab antiquissimis temporibus controversum est, quid Primogenitum Ecclesiæ, an Charitas vel an Fides, ex causa, quia per vera fidei regeneratur homo, & sit Ecclesia; sed qui prætulerunt Fidem, & eam Primogenitum fecerunt, lapsi sunt omnes in hæreses & falsitates, & tandem Charitatem prorsus exstinxerunt; sicut legitur de Caino, per quem talis fides significatur, quod tandem occiderit fratrem Habelem, per quem significatur Charitas; similiter post de Rubene, filio primogenito Jacobi, per quem quoque significatur Fides, sed is polluit Patris sui cubile, Gen: xxxv: 22. Cap: xlix: 4, quare indignus factus, & Primogenitura data Josepho, Genes: xlix: 5. 1 Chron: v: 1. Inde lites omnes, tum leges, de Primogenitura in Verbo. Causa, quod ita controversum fuerit, erat, quia nesciebant, sicut hodie etiam nescitur, quod tantum fidei sit homini, quantum charitatis, & dum regeneratur homo quod Charitas occurrat Fidei, seu quod idem, bonum occurrat vero, & singulis ejus se insinuet & inaptet, ac faciat quod fides sit fides; & sic quod charitas sit ipsum Primogenitum Ecclesiæ, tamen coram homine aliter apparet, videatur etiam n: 352. 367. Sed quia de his agitur multum in sequentibus, plura, ex Divini Domini Misericordia, ibi.

2436. Vers: 22. *Festina, eripe te illuc, quia non possum facere quicquam, usque venire te illuc; propterea vocavit nomen urbis Zoar.* Festina, eripe te illuc, significat quod maneat in illo, quia ulterius non potest: quia non possum facere quicquam usque venire te illuc, significat antequam judicium super malos quod salvandi qui in affectione veri: propterea vocavit nomen urbis Zoar, significat affectionem veri.

2437. Quod festina, eripe te illuc, significet quod maneat in illo quia ulterius non potest, nempe in vero fidei & ejus affectione, quia in ipso bono charitatis & ejus affectione non posset, constat ab iis quæ præcedunt.

2438. Quia non possum facere quicquam usque venire te illuc, quod significet quod antequam judicium super malos salvandi qui in affectione veri, constare potest ex eo, quod non facere possum quicquam significet judicium super malos, quod describitur mox per everfionem Sodomæ & Amorræ, & quod

quod usque venire te illuc significet quod prius salvandi qui in affectione veri, qui per Lothum hic representantur, quod & intelligitur per quod Loth venit Zoarem, Verf: 23. Quod prius salventur boni & iusti, quam pereunt mali & iniusti, constat etiam alibi in Verbo, ut ubi agitur de Ultimo Iudicio apud Matthæum, "quod separatæ sint oves ab hircis, & prius dictum ovibus quod intrarent in Regnum Domini, quam dictum hircis quod discederent in ignem æternum," xxv: 32. 34. 41. Simile etiam representatum fuit per filios Israelis cum exirent Ægypto, quod illi prius salvati sint, quam Ægyptii in mari Suph submersi. Idem quoque significatur per illa, de quibus passim Prophetæ, quod postquam a captivitate reducti sunt fideles, hostes eorum dein lucent pœnas ac perirent: hoc etiam continue fit in altera vita, quod nempe primum salventur fideles, & dein puniantur infideles, seu quod idem, illi in cœlum a Domino eleventur, hi autem se dein in infernum præcipitent: quod non simul fiat, causa est, nisi boni surripereantur a malis, a cupiditatibus mali & persuasionibus falsi, quæ mali sicut venena continue circumspargunt, facile perirent; in genere autem, antequam hoc fit, ut apud bonos separentur mala, & apud malos separentur bona, ut illi per bona attollantur in cœlum a Domino, & hi per mala se dejiciant in infernum, de qua re in sequentibus, ex Divina Domini Misericordia, ad n: 2449. 2451, dicitur.

2439. Propterea vocavit nomen urbis Zoar, quod significet affectionem veri, constat a significatione ejus, quod sit affectio boni nempe scientiæ, hoc est, affectio veri, de qua n: 1589; & a significatione vocare nomen, quod sit nosse qualis est, de qua n: 144. 145. 1754. 2009, hic nempe quod sit parum veri, nam per Zoar in Lingua originali significatur parum seu parvum; qui enim in affectione veri sunt, parum veri quia parum boni habent respective ad illos qui in affectione boni sunt, videatur supra n: 2429. Quod & Vera, quæ in se vera sunt, apud unum magis vera sint, apud alium minus vera, apud quosdam prorsus non vera, imo falsa, constare potest pœne ab omnibus quæ in se vera sunt, nam illa apud hominem, apud quem sunt, variantur secundum ejus affectiones; ut pro exemplo, facere bonum opus seu bonum charitatis, hoc in se verum est quod faciendum; id apud unum est bonum charitatis quia procedit a charitate, apud alium est opus obedientiæ quia procedit ab obedientia, apud aliquos est meritum quia per illud mereri volunt & salvari, apud quosdam autem est hypocriticum ut sic videantur, & sic porro; ita in omnibus reliquis quæ vera fidei vocantur; inde quoque constare potest, quod multum veri sit apud eos qui in affectione boni sunt, & minus veri apud eos qui in affectione veri, nam hi spectant bonum ut remotius a se, illi autem bonum ut præsens in se.

2440. Verf: 23. *Sol egressus super terram, & Loth venit Zoarem.* Sol egressus super terram, significat tempus ultimum, quod ultimum iudicium vocatur: & Loth venit Zoarem, significat illos qui affectione veri quod salvati.

2441. Sol egressus super terram, quod significet tempus ultimum, quod ultimum iudicium vocatur, constat ex significatione exortus solis, cum agitur de temporibus & statibus Ecclesiæ; quod tempora dei, sicut quoque tempora anni significant in sensu interno successivos status Ecclesiæ, prius n: 2323, ostensum est; & quod Aurora seu Mane adventum Domini, seu appropinquationem Regni Ipsi, n: 2405; ita nunc Exortus solis, seu Egressus ejus super terram, ipsam præsentiam; & hoc ex causa, quia tam Sol quam Oriens significat Dominum, quod Sol, videatur n: 31. 32. 1053. 1521. 1529. 1530. 1531. 2120; & quod Oriens, n: 101. Quod præsentia Domini, sit idem cum ultimo tempore, quod iudicium vocatur, inde est, quia præsentia Ipsi separat bonos a malis, & secum habet, quod boni eleventur in cælum, & mali se conijciant in infernum; nam in altera vita ita se habet, Dominus est Sol universo cælo, videatur n: 1053. 1521. 1529. 1530. 1531, est enim Divinum Cœleste Amoris Ipsi, quod ita coram oculis eorum apparet, & ipsam Lucem Cœli effectivè facit; quantum itaque in cœlesti amore sunt, tantum in cœlestem illam lucem, quæ a Domino, eleventur; quantum autem a cœlesti amore remoti sunt, tantum inde a luce in infernales tenebras se conijciunt: inde nunc est, quod Exortus solis, per quem significatur præsentia Domini, involvat tam salvationem bonorum, quam damnationem malorum; & nunc dicatur primum, quod Loth venit Zoarem, hoc est, quod salvati sint qui per Lothum hic repræsentantur, & mox quod Jehovah plueret super Sodomam & Amoram sulphur & ignem, hoc est, quod mali damnati sint. Qui in malis amoris sui & mundi sunt, hoc est, qui in odiis contra omnia amoris in Dominum, & charitatis erga proximum, illis Lux cœli effectivè apparet sicut caligo, quare dicitur in Verbo quod Sol iis atratus sit, per quod significatur, quod rejecerint omne amoris & charitatis, & receperint omne quod contrarium est; ut apud Ezechielem, “*Obtegā, cum exstinxero te, Cælos, & atrabo Stellas eorum, Solem nube obtegā, & Luna non lucere faciet lucem suam, omnia Luminaria lucis in cœlis atrabo super te, & dabo tenebras super terrā tuā,*” xxxii: 7. 8: quisque videre potest, quod per obtegere cælos, atrare stellas, obtegere solem, atrare luminaria lucis, alia significantur: similiter apud Esaia, “*Obtenebratus Sol in egressu suo, & Luna non splendere faciet lucem suam,*” xlii: 9. 10: & apud Joelem, “*Sol & Luna atrantur, & Stelle retrahunt splendorem suum,*” ii: 2. 10. constare itaque potest, quid per hæc Domini verba significatur, ubi de ultimo tempore Ecclesiæ, quod iudicium vocatur, apud Matthæum, “*Statim post afflictionem dierum istorum, Sol obscurabitur, & Luna non dabit lucem suam, & Stelle cadent de cælo,*” xxiv: 29; quod nempe non sol per solem, non luna per lunam, nec stellæ per stellas, sed quod per solem amor & charitas, per lunam fides inde, perque stellas cognitiones boni & veri, significantur, quæ tunc obscurata dicuntur, amittere lucem, & cadere de cælo, cum nulla amplius agnitio Domini, & nullus amor in Ipsum, & nulla charitas erga proximum, quibus factis

factis nullis, occupat hominem amor sui cum falsis inde, unum enim est consequens alterius: inde etiam apud Johannem ita, "Quartus Angelus effudit phialam suam in Solem, & datum illi est aestu adurere homines per ignem," itaque aestuarunt homines aestu magno, & blasphemarunt Nomen Dei," Apoc: xvi: 8. 9; ubi etiam de ultimis temporibus Ecclesiae agitur, cum extinguitur omnis amor & charitas, aut, secundum communem modum loquendo, quando nulla amplius fides; extinctio amoris & charitatis intelligitur per quod effusa sit phiala in solem, ac inde tunc amor sui & ejus cupiditates per quod adurerentur homines per ignem, & quod aestuarent aestu magno; blasphematio Nominis Dei inde est. Antiqua Ecclesia nihil aliud per Solem intellexit, quam Dominum, & Divinum coeleste amoris Ipsius, quare ritus iis orandi fuit versus orientem Solis, tunc ne quidem cogitando de sole; at postquam posterius perdiderunt cum reliquis repræsentativis & significativis etiam hoc, tunc ceperunt ipsum solem & lunam colere, qui cultus emanavit ad plures gentes, usque adeo ut illis templa dicarent, & statuas ponerent; & quia tunc sol & luna oppositum sensum acceperunt, significant amorem sui & mundi, qui prorsus contrarii sunt amoris coelesti & spirituali; inde in Verbo per cultum solis & lunæ intelligitur cultus sui & mundi, ut apud Moysen, "Ne forte tollas oculos tuos ad coelum, & videas Solem & Lunam, & Stellæ, omnem exercitum cælorum, & impellaris, & incurves te illis, & servias illis," Deut: iv: 19: & apud Eundem, "Si iverit, & serviverit diis aliis, & Soli aut Lunæ, aut omni exercitui cælorum, quod non præcepi, tunc lapidabis eos lapidibus, & morientur," Deut: xvii: 3. 5, in tale idololatricum versus est cultus antiquus, cum nihil internum significari in ritibus Ecclesiae amplius crediderunt, sed modo externum: similiter apud Jeremiam, "In tempore isto ossa Regum Jehudæ, principum Sacerdotum, Prophetarum, & habitatorum Hierosolymæ, expandent Soli & Lunæ, & omni exercitui cælorum, quæ amaverunt, & quibus serviverunt," viii: 1. 2: sol pro amore sui & ejus cupiditatibus; quod expandent ossa, significat infernalitatem quæ talibus: apud Eundem, "Confringet statuas domus solis, quæ in terræ Ægypti, & domos deorum Ægypti comburent igne," xliiii: 13, statuas domus pro cultu sui.

2442. Et Loth venit Zoarem, quod significet illos qui in affectione veri, quod salvati, constat a significatione Zoaris, quod sit affectio veri, de qua n: 2439: inde quoque constare potest, quod salventur etiam qui in fide sunt, modo in fide eorum sit bonum, hoc est, afficiantur veri fidei propter bonum, quod est ex bono; omnis vita fidei non est aliunde: quod charitas sit essentiale fidei, imo ut sit ipsa fides, quia est ipsum fidei, videatur, n: 379. 389. 654. 724. 809. 916. 1162. 1176. 1789. 1799. 1834. 1844. 2049. 2116. 2189. 2190. 2228. 2261. 2340. 2349. 2419.

2443. Vers: 24. Et Jehovah pluvie fecit super Sodomam & super Amoram sulphur & ignem a cum Jehovah e celo. Jehovah pluvie fecit super Sodomam & super Amoram sulphur & ignem, significat infernum quod iis qui in malis amoris sui, & falsis inde; pluvie est dampnari; sulphur est infernum amoris

Nº. IV.

H

fui;

sui; ignis est infernum falsorum inde: a cum Jehovah e cœlo, significat quod ex legibus ordinis quoad verum, quia se separant a bono.

2444. Jehovah pluvie fecit super Sodomam & super Amoram sulphur & ignem, quod significet infernum quod iis qui in malis amoris sui & falsis inde, constat a significatione pluvie, quod sit damnari, sulphuris quod sit infernum malorum amoris sui, & ignis quod sit infernum falsorum inde, de quibus mox sequitur; tum a significatione Sodomæ, quod sit malum amoris sui, & Amora; quod sit falsum quod inde, de qua n: 2220. 2246. 2322. Hic etiam Amora memoratur, cujus mentio prius in hoc Capite non facta est, ex causa, quia Amora significat falsum quod ex malo amoris sui; intra Ecclesiam enim, de cujus ultimo tempore, seu iudicio, hic agitur, hoc malum est quod præcipue agit contra bonum, & inde falsum quod agit contra verum; quæ duo ita conjuncta sunt, ut qui in uno, etiam sit in altero, & quidem in simili ratione, & simili gradu; apparet quidem aliter, sed tamen se manifestat quod ita sit, si non in mundo, usque in altera vita. De amore sui, quales sit, & quanta inde mala, & quod inde inferna, videantur n: 693. 694. 760. 1307. 1308. 1321. 1594. 1691. 2041. 2045. 2051. 2057. 2219.

2445. Quod pluvie sit damnari, constat a significatione pluvie; Pluvia in Verbo in genuino sensu significat benedictionem, inde etiam salvationem, sed in opposito sensu maledictionem, inde etiam damnationem; quod benedictionem & inde salvationem ex pluribus locis constat, at quod in opposito sensu maledictionem & inde damnationem, patet ab his; apud Esaïam, "Tabernaculum erit in umbram interdiu ab æstu, & in refugium & in "latibulum ab *Inundatione*, & a *Pluvia*," iv: 6: apud Ezechielem, "Dic "ad incrustantes ineptum, & cadet, erit *Pluvia inundans*, qua vos lapides "grandinis cadetis: *Pluvia inundans* in ira mea erit, & lapides grandinis in "excandescencia ad consummationem," xiii: 11: 13: apud Davidem, "Dedit *Pluvias* eorum grandinem, *ignem flammarum* in terra eorum, & "percutit vitem eorum, & ficum eorum," Psalm: cv: 32. 33; ubi de Ægypto, de qua ita apud Moysen, "Jehovah dedit tonitrua & grandinem, & "vibrabat se *ignis* super terra, & *Pluvie fecit* Jehovah grandinem super terra "Ægypti," Exod: ix: 23. 24.

2446. Quod sulphur sit infernum malorum amoris sui, & ignis sit infernum falsorum inde, constat a significatione sulphuris, & inde ignis in Verbo, quod sit amor sui cum ejus cupiditatibus & inde falsitatibus, ita quod sit infernum, hoc enim a talibus consistit: quod sulphur & ignis illa significant, constat apud Davidem, "*Jehovah pluit* super impios, laqueos, *ignem* & "*sulphur*," Psalm: xi: 6; quod hic non sit ignis & sulphur, sed quod aliud quid, quod per ignem & sulphur significatur, constare potest, etiam ex eo quod dicatur, quod Jehovah pluit laqueos: apud Ezechielem, "Dis- "ceptabo cum eo peste & sanguine, & *pluviam inundantem*, & lapides "grandinis, *ignem & sulphur pluvie faciam* super eum, & super alas ejus, & "super populos multos, qui cum eo," xxxviii: 22: ubi de Gogo, qui vastat

vastat terram Israelis, hoc est, Ecclesiam, quid Gogus videatur n: 1151; ignis pro falsis, sulphur pro malis inde, & simul pro infernis eorum, qui vastant: apud Johannem, "Qui adorabant bestiam, coniecti sunt in *stagnum ardens sulphure*," xix: 20, pro inferno, apud Eundem, "Diabolus coniectus est in *stagnum ignis & sulphuris*, ubi bestia & pseudopropheta, & cruciabuntur dies & noctes in sæcula sæculorum," Apoc: xx: 10; manifeste pro inferno: apud Eundem, "Abominabilibus, & homicidis, & adulteris, & incantatoribus, & idololatriis, & omnibus mendacibus, pars eorum in *stagno ardente igne & sulphure*," Apoc: xxi: 8; etiam ignis & sulphur manifeste pro inferno. Quod pro malis amoris sui & falsis inde, ex quibus inferna, apud Esaïam, "Dies ultionis Jehovæ, annus retributionum" ad litem Zionis, & convertentur flumina ejus in picem, & pulvis ejus in *sulphur*, & erit terra ejus in *picem ardentem*" xxxi: 8. 9; ubi pix ardens pro densis & diris falsis loco ignis, sulphur pro malis, quæ ex amore sui: apud Eundem, "Rogus ejus, *Ignis* & ligna multa, status Jehovæ sicut *flumen sulphuris ardentis* in ea," xxx: 33: ubi de Topheth, flumen sulphuris ardentis pro falsis ex malis amoris sui. Apud Lucam, "*Qua die egressus est Lothus a Sodoma, pluit igne & sulphure e cælo*, perdiditque omnes: juxta hæc fiet, qua die Filius Hominis revelabitur," xvii: 29. 30; quod tunc non ignis & sulphur pluent, quisque videre potest, sed quod regnaturæ falsitates & cupiditates amoris sui, quæ per ignem & sulphur significantur, & faciunt inferna. Quod Ignis in Verbo significet cupiditates, & simul inferna, sed tunc fumus qui ab igne, significat falsum quod inde, & quod est in illis infernis, videatur n: 1861; & apud Johannem, "Vidi equos in visione, & sedentes super iis, habentes thoraces *igneos & sulphureos*; & capita equorum, sicut capita leonum, & ex ore eorum exibat *Ignis, Fumus, & Sulphur*: a tribus his occisi sunt tertia pars hominum, ab *Ignis*, & a *Fumo*, & a *Sulphure*," Apoc: ix: 17. 18; ignis, fumus & sulphur, pro malis & falsis omnis generis, ex quibus, ut dictum, inferna.

2447. Quod a cum Jehovah e cælo, significet quod ex legibus ordinis quoad verum, quia se separant a bono, non constare potest, nisi a sensu interno, per quem detegitur, quomodo se habet cum punitionibus & damnationibus, quod nusquam a Jehovah, hoc est, a Domino veniant, sed ab ipso homine, malo spiritu, & diabolo, & hoc ex legibus ordinis quoad verum, quia se separant a bono: omnis ordo est a Jehovah, hoc est, Domino, secundum quem ab ipso reguntur omnia & singula, sed cum multiplici differentia, nempe ex *Voluntate*, ex *Beneplacito*, ex *Venia*, & ex *Permissione*; quæ ex Voluntate & Beneplacito, illa sunt ex legibus ordinis quoad Bonum, etiam plura quæ ex Venia, aliqua etiam quæ ex Permissione; at cum homo separat se a Bono, tunc conjicit se in leges ordinis, quæ sunt Veri separati a Bono, quæ tales sunt ut damnent, nam omne Verum damnat hominem & dejicit in infernum, at Dominus ex Bono, hoc est, ex Misericordia salvat, & attollit in cælum; inde constat, quod ipse homo sit, qui semet damnat: quæ ex permissione sunt, pleraque talia sunt, ut pro exemplo, quod unus

diabolus punit & cruciat alterum, præter innumerabilia alia, hæc sunt ex legibus ordinis quoad verum separatum a bono, nam aliter non potuissent in vinculis teneri, nec retineri, quin ruerent in omnes probos & bonos, & eos in æternum perderent; hoc ne fiat, est Bonum quod spectatur a Domino; se similiter hoc habet, ac in tellure, ubi Rex clemens & mitis, qui nihil nisi bonum intendit & facit, nisi toleraret quod leges ejus punirent malos & scelestos, tametsi ille neminem punit, sed potius dolet quod tales sint ut mala eos punire debeant, ipsum suum Regnum in prædam talibus relinqueret, quod summæ inclementiæ, & summæ immisericordiæ foret: inde patet, quod Jehovah nusquam pluire fecerit sulphur & ignem, hoc est, damnaverit ad infernum, sed quod ipsi, qui in malo & inde in falso fuerunt, id fecerint, ex causa quia se separarunt a bono, & sic conjecerunt in leges ordinis ex solo vero: inde nunc sequitur, quod ille sit sensus internus horum verborum: quod in Verbo tribuatur Jehovah seu Domino, malum, punizio, maledictio, damnatio, & plura, ut hic, quod pluire fecit sulphur & ignem: apud Ezechielem, “Disceptabo cum eo peste & sanguine, *ignem & sulphur pluire faciam super eum*,” xxxviii: 22: apud Esaiam, “Flatus Jehovah sicut *flumen sulphuris ardentis*,” xxx: 33: apud Davidem, “Jehovah pluit super impios, laqueos, *ignem & sulphur*,” Psalm: xi: 6: apud Eundem, “Ascendit *fumus e naso Ipsius, & ignis ex ore Ipsius, prunæ arserunt ex Ipso*,” Psalm: xvi: 9. 10: apud Jeremiam, “Ne exeat sicut *ignis furor meus*, & ardeat, & nemo extinguens,” xxi: 12: apud Moïsem, “*Ignis accensus in ira mea, & ardebit usque ad infernum infimum*,” Deut: xxxii: 22; præter similia multis aliis in locis; quod talia in Verbo, tribuantur Jehovah seu Domino, ut dictum, explicatum est in Parte Prima, n: 223. 245. 592. 589. 696. 735. 1093. 1638. 1683. 1874; tantum enim abest, ut talia a Domino veniant, quantum abest bonum a malo, seu cælum ab inferno, seu Divinum a diabolico; malum, infernum, & diabolus, illa faciunt, nusquam Dominus, Qui est ipsa Misericordia, & ipsum Bonum, sed quia ita apparet, inde ex causis, de quibus in locis citatis, tribuuntur. Quod in hoc Versu dicatur, quod Jehovah pluire fecit a cum Jehovah e cælo, apparet in sensu literæ, sicut quod duo essent, unus in terra, & unus in cælo; sed sensus internus docet, quomodo etiam hoc intelligendum, nempe quod per Jehovah primo nominatum intelligatur Divinum Humanum & Sanctum Procedens Domini, in hoc Capite intellectum per duos Viros; & quod per Jehovah secundo nominatum intelligatur Ipsum Divinum quod Pater dicitur, de quo in Capite præcedente, tum quod hoc Trinum in Domino sit, sicut Ipse dicit apud Johannem, “Qui vidit Me, vidit Patrem; credite Mihi, quod Ego in Patre, & Pater in Me,” xiv: 9. 10. 11: & de Sancto procedente, apud Eundem, “Paracletus non loquetur a seipso, ex Meo accipiet & annuntiabit vobis,” xvi: 13. 14. 15, ita unus Jehovah, tametsi duo hic nominantur, quod duo, est causa, quia omnes leges Ordinis sunt ex Divino Ipso, Divino Humano, & Sancto procedente Domini.

2448. Verſ: 25. *Et evertit urbes illas, & omnem planitiem, & omnes habitatores urbium, & germen humi.* Evertit urbes illas, ſignificat quod ab illis ſepararentur omnia vera, ut modo falſa iis eſſent: & omnem planitiem, ſignificat omnia quæ ad vera pertinerent: & omnes habitatores urbium, ſignificat quod ab illis ſepararentur omnia bona, ut non niſi quam mala iis eſſent: & germen humi, ſignificat omne quod Eccleſia.

2449. Quod evertit urbes illas, ſignificet quod ab illis ſepararentur omnia vera, ut modo falſa iis eſſent, conſtat ex ſignificatione urbium, quod ſint doctrinalia, ita vera, nam hæc ſunt doctrinalium, de qua n: 402. 2268. 2428, quæ everti dicuntur, cum falſa pro veris ſunt, hic cum ſeparata ab illis omnia vera, tum quoque omnia bona, de quibus etiam in hoc Verſu, quia agitur de ſtatu ultimo eorum qui intra Eccleſiam in falſis & malis ſunt; ſtatus eorum quoque talis fit: ut ſciatur qualis, paucis dicendum; qui in alteram vitam veniunt, omnes in ſimilem vitam, quam habuerunt in corpore, reducentur; & dein apud bonos ſeparantur mala & falſa, ut per bona & vera eleventur a Domino in cælum; at apud malos ſeparantur bona & vera, ut per mala & falſa ferantur in infernum, videatur n: 2119, prorſus ſecundum verba Domini apud Matthæum, “Quicumque habet, dabitur illi, ut abundantius habeat; quicumque vero non habet, etiam quod habet, auferetur ab eo,” xiii: 22: & alibi apud Eundem, “Habenti omni dabitur, ut abundet; ab eo autem qui non habet, auferetur ab eo,” xxv: 24. Luc: viii: 18. Cap: xix: 24. 25. 26. Marc: iv: 24. 25: quæ etiam ſignificantur per hæc quæ apud Matthæum, “Sinite una crefcere utraque uſque ad meſſem, & erit in tempore meſſis dicam meſſoribus, colligite prius Zizania, & colligite ea in faſciculos ad comburendum ea; triticum vero congregate in horreum meum: meſſis conſummatio ſæculi eſt, quemadmodum colliguntur Zizania, & igne comburuntur, ſic erit in conſummatione ſæculi,” xiii: 30. 39. 40. Tum quæ dicta ſunt de ſagena jacta in mare, & varii generis piſces contrahante, quod dein colligerent bona in vaſa, & mala foras ejicerentur, & quod ſic futurum in conſummatione ſæculi, ibid: Verſ: 47. 48. 49. 50: quid conſummatio, & quod ſimile involvat quoad Eccleſiam, videatur n: 1857. 2243. Cauſa ſeparationis malorum & falſorum apud bonos, eſt ne pendeant inter mala & bona, ſed ut per bona eleventur in cælum; & cauſa ſeparationis bonorum & verorum apud malos, eſt ne per aliqua bona quæ apud eos, ſeducant probos, utque ſecedant per mala inter malos qui in inferno; nam talis eſt communicatio omnium idearum cogitationis & affectionum in altera vita, ut bona communicentur cum bonis, mala cum malis, n: 1388. 1389. 1390, quare niſi ſepararentur, inde damna innumerabilia, præter quod aliter nulla conſociatio fieret; cum tamen exquisitiſſime omnia conſociata ſunt, in Cœlis ſecundum omnes differentias amoris in Dominum ac amoris mutui, & inde fidei, n: 685. 1394; & in infernis ſecundum omnes differentias cupiditatum, & inde phantaſiarum, n: 695. 1322. Sed ſciendum, quod ſeparatio non ſit plenaria ablatio, nulli enim prorſus auferetur quod habuit.

2450. Et omnem planitiem, quod significet omnia quæ ad vera illa pertinerent, constat a significatione Planitiæ, quod sit omne doctrinalis, ita omne quod ad vera pertinet, de qua n: 2418.

2451. Quod omnes habitatores urbium, significet quod ab illis separarentur omnia bona, ut non nisi quam mala iis essent, constat a significatione Habitatorum cum prædicantur de Urbe, quod sint bona; ut a pluribus in Verbo confirmari potest; etiam inde patet, quod cum urbs significat Verum, ut ostensum, habitator sit bonum, nam verum est in quo bonum habitat; & verum in quo non bonum, est sicut urbs vacua, seu absque habitatore. Præterea quod a malis separantur etiam omnia bona, ut non nisi quam mala iis sint, videatur supra n: 2449.

2452. Quod germen humi significet omne quod est Ecclesiæ, constat a significatione germinis; per germen intelligitur tam seges, quam viride quodcunque, per quæ quod significantur bona & vera, ex Verbo ubivis patet: & ex significatione Humi, quod sit Ecclesia, de qua n: 566. 1068. Quod bona & vera sint omne Ecclesiæ, notum est.

2453. Vers: 26. *Et respexit uxor ejus post eum, & facta statua salis.* Respexit uxor ejus post eum, significat quod verum averterit se a bono, & spectaverit ad doctrinalia: & facta statua salis, significat quod omne bonum veri vastatum sit.

2454. Quod respexit uxor ejus post eum, significet quod verum averterit se a bono, & spectaverit ad doctrinalia, constat a significatione respicere post eum, & a significatione uxoris; Respicere post eum quod sit ad doctrinalia, quæ sunt veri, non autem ad vitam secundum doctrinalia, quæ est boni, supra n: 2417, dictum est; id enim dicitur post eum, quod posterius, & id ante eum quod prius; quod verum sit posterius, & bonum prius, sæpius ostensum est; verum enim est boni, nam essentia & vita veri est bonum; quare respicere post eum, est ad verum quod est doctrinalis, non autem ad bonum, quod est vitæ secundum doctrinale: quod hæc significantur, constat manifeste a Domini verbis, ubi etiam de ultimo tempore Ecclesiæ, seu consummatione sæculi loquitur, apud Lucam, "In ista die, quicumque erit super domo, & vasa illius in domo, ne descendito ad tollendum ea: & quicumque in agro, similiter ne revertatur ad post eum: mementote uxoris Lotbi," xvii: 31, 32; hæc Domini verba nusquam intelligibilia sunt absque sensu interno, ita nisi sciatur, quid significant, esse super domo, quid vasa in domo, quid descendere ad tollendum ea, & quid ager, & demum quid reverti ad post eum; secundum sensum internum, esse super domo est esse in bono, quod domus sit bonum, videatur n: 710. 2233. 2234; vasa in domo sunt vera quæ sunt boni, quod vera sint vasa boni, videatur n: 1496. 1832. 1900. 2063. 2269; descendere ad tollendum ea, est se avertere a bono ad verum, quod patet, bonum enim sicut est prius etiam est superius, & verum sicut est posterius etiam est inferius; quod ager sit Ecclesia, ita dicta a semine quod recipit, proinde quod illi sint agri qui in bono doctrinae sunt, ex multis in Verbo locis constat; inde patet, quid significat
reverti

reverti ad post eum, nempe avertere se a bono, & spectare ad doctrinalia, quare quia illa significantur per uxorem Lothi, additur, mementote uxoris Lothi, non dicitur, respexit post se, sed post eum, quia Loth significat bonum, videatur n: 2324. 2351. 2371. 2399, inde est, cum dicebatur ad Lothum, Vers: 17, quod dictum, ne respicias post te; quod apud Lucam dicitur, ne revertatur *ad post eum*, non ad illa quæ post eum, est quia cœlestes ne quidem nominare volunt aliquid quod est doctrinalis, videatur n: 202. 337, quæ causa est quod nec nominatum, sed dictum *ad post eum*. Eadem hæc ita describuntur apud Matthæum, "Cum videritis abominationem desolationis, prædictam a Daniele Propheta; tunc qui in Judæa sunt, fugiant in montes: qui super domo est, ne descendat ad tollendum quid e domo sua; & qui in agro, *ne revertatur retro* ad tollendum vestimenta sua," xxiv: 15. 16. 17; ubi abominatio desolationis, est status Ecclesiæ cum nullus amor & nulla charitas, quibus desolatis regnant abominabilia; quod Judæa sit Ecclesia, & quidem cœlestis, a Verbo tam historico quam prophetico Veteris Testamenti ubivis patet; quod Montes, in quos fugerent, sint amor in Dominum & inde charitas erga proximum, videatur n: 795. 1430. 1691; qui super domo, quod sit bonum amoris, mox supra dictum; descendere ad tollendum quid e domo sua, quod sit se avertere a bono ad verum, etiam supra dictum; qui in agro, quod sint illi qui in Ecclesia spirituali, patet a significatione agri in Verbo; ne revertatur retro ad tollendum vestimenta, quod sit ne avertat se a bono ad verum quod doctrinalis, quod vestimenta significant vera, quia vera induunt bonum ut vestes, videatur n: 1073: quisque videre potest, quod omnia illa, quæ Dominus de consummatione sæculi ibi loquutus est, significant prorsus alia, ac involvant arcana, ut quod qui in Judæa fugerent in montes, quod qui super domo non descenderet ad tollendum quid e domo, & quod qui in agro non reverteretur retro ad tollendum vestimenta sua; similiter quod Loth non respiceret post se, Vers: 17, & hic quod uxor ejus respexerit post eum. Porro constat hoc a significatione uxoris, quod sit verum, de qua n: 915. 1468; & a significatione Lothi, quod sit bonum, de qua n: 2324. 2351. 2371, 2399; inde dicitur post eum. Verum dicitur avertere se a bono, & spectare ad doctrinalia, cum non amplius cordi est, quali vita sit homo Ecclesiæ, sed quali doctrina, cum tamen vita secundum doctrinam faciat hominem Ecclesiæ, non autem doctrina separata a vita; cum enim doctrina separatur a vita, tunc quia vastatum est bonum, quod est vita, etiam vastatur verum quod est doctrinæ, hoc est, fit statua falis; quod quisque scire potest, qui solum doctrinam spectat non vitam, num, tametsi doctrina docet, credat resurrectionem, coelum, infernum, imo Dominum, ita reliqua quæ sunt doctrinæ.

2455. Quod facta statua falis, significet quod omne bonum veri vastatum sit, constare potest a significatione statuar, & a significatione falis: statua in lingua originali exprimitur per vocem, qua significatur statio, non qua statua quæ erigebatur vel in cultum, vel in signum, vel in testem, sic ut
per

per statum salis hic significetur, quod consisteret vastatum, nempe verum, quod significatur per uxorem Lothi, n: 2454; verum tunc dicitur vastatum, quando non bonum amplius in illo est; ipsa vastatio significatur per salem; sicut pleraque in Verbo duplicem sensum habent, nempe genuinum & ei oppositum, ita etiam Sal, hoc in genuino sensu significat affectionem veri, in opposito vastationem affectionis veri, hoc est, boni in vero; quod affectionem veri, videatur Exod: xxx: 35. Levit: 11: 13. Matth: v: 13. Marc: ix: 49. 50. Luc: xiv: 34. 35: quod vastationem affectionis veri, seu boni in vero, constat ex his locis; apud Moysen, "Sulphur erit, & Sal, combustio tota terra, non feretur, non germinabit, nec ascendet in ea" ulla herba, juxta everfionem Sodomæ & Amoræ, Admæ & Zeboim," Deut: xxix: 22; ubi sulphur est vastatio boni, & sal vastatio veri, quod vastatio sit, patet a singulis: apud Zephaniam, "Moab sicut Sodomæ erit, & filii Ammonis sicut Amora, locus derelictus urticæ, & fovea salis, ac desolatio in æternum," 11: 9; ubi locus derelictus urticæ pro vastato bono, & fovea salis pro vastato vero; locus enim urticæ se refert ad Sodomam, per quam malum seu vastatum bonum, & fovea salis ad Amoram, per quam falsum seu vastatum verum, significari, ostensum est, quod vastatio sit, patet, nam dicitur desolatio in æternum: apud Jeremiam, "Qui ponit carnem brachium suum, erit sicut virgultum nudatum in solitudine, & non videbit cum venit bonum, & habitabit exultis locis in deserto, terra falsa, & non habitatur," xvi: 6; ibi exulta loca pro vastatis bonis, terra falsa pro vastatis veris: apud Davidem, "Jehovah ponit fluviis in desertum, & exitus aquarum in siccitatem, terram fructus in falsugineam, ob malitiam habitantium in ea," Psalm: cvii: 33. 34; terram fructus in falsugineam pro vastatione boni in vero: apud Ezechielem, "Cœnosa ejus & paludes ejus, & non sanantur, in salem dabuntur," xlvii: 11; in salen dari, pro vastari prorsus quoad verum: quia sal significabat vastationem, & urbes doctrinalia veri, ut ostensum n: 402. 2268. 2428. 2450, olim urbes destructas, non reedificarentur, conferebant sale, Jud: ix: 45. Hic nunc est Quartus Status Ecclesiæ, quæ per Lothum representatur, qui est, quod omne verum quoad bonum vastatum sit.

2456. Vers: 27. 28. 29. *Et surrexit Abraham in matuta, ad locum, quo steterat ibi coram Jehovah. Et prospexit contra facies Sodomæ & Amoræ, & contra omnes facies terræ planitie; & vidit, & ecce ascendit fumus terræ, sicut fumus fornacis. Et fuit in perdendo Deus urbes planitie, & recordatus est Deus Abrahami, & emisit Lothum e medio everfionis, in evertendo urbes, in quibus habitavit Loth.* Surrexit Abraham in matuta, significat Domini cogitationem de ultimo tempore; Abraham, est, hic ut prius, Dominus in illo statu: ad locum quo steterat ibi coram Jehovah, significat statum perceptionis & cogitationis in quo fuit prius; locus, est status: & prospexit contra facies Sodomæ & Amoræ, significat cogitationem & statu eorum interiori quoad malum & falsum: & contra omnes facies terræ planitie, significat status omnes interiores qui inde: & vidit, & ecce fumus terræ sicut

sicut fumus fornacis, significat statum falsi, qui est fumus, ex statu mali, qui est fornax, intra Ecclesiam quæ est terræ: & fuit in perdendo Deus urbes planitie, significat cum perirent per falsa mali, quæ sunt urbes planitie: & recordatus est Deus Abrahami, significat salvationem per unionem Essentiæ Divinæ Domini cum Humana Ipsius: & emisit Lothum e medio everfionis, significat salvationem eorum qui in bono, & qui in vero in quo bonum, qui omnes hic sunt Loth: in evertendo urbes, significat cum perirent illi qui in falsis a malis: in quibus habitavit Loth, significat tamen in talibus etiam essent qui salvati.

2457. Singula hæc explicare non opus est, quia quoad maximam partem in Capite præcedente, & prius, explicata sunt: hæc addita & interjecta sunt ob finem, ut constaret, quod separati sint boni a malis, ac illi salvati, hi autem damnati, unice per unionem Essentiæ Divinæ Domini cum Humana Ipsius; alioquin omnes illi, qui per Lothum hic repræsentantur, etiam una perirent; quod intelligitur per hæc verba, "Fuit in perdendo Deus urbes planitie, & recordatus est Deus Abrahami, & emisit Lothum e medio everfionis, in evertendo urbes, in quibus habitavit Loth," quod est in sensu interno, quod salvati sint per unionem Essentiæ Divinæ Domini cum Humana Ipsius, omnes qui in bono, ut & qui in vero in quo bonum, hic repræsentati per Lothum, cum perirent illi, qui in falsis a malis, tamen illi, qui salvati sunt, etiam in falsis & malis essent. Ita nunc conjuncta sunt hæc quæ in hoc Capite, cum illis quæ in præcedente, nempe quod Abrahamus, hoc est, Dominus in illo statu, intercesserit pro illis Sodomæ & Amoræ, qui significantur per quinquaginta, per quadraginta quinque, per quadraginta, per triginta, per viginti, & per decem, qui quod sint omnes illi in suo ordine, qui in bono sunt, tum qui in vero in quo aliquid boni, ibi explicatum est.

2458. Vers: 30. *Et ascendit Loth e Zoar, & habitavit in monte, & duæ filię ejus cum eo, quia timuit habitare in Zoar; & habitabat in spelunca is & duæ filię ejus.* Ascendit Loth e Zoar, significat cum non amplius in affectione veri essent: & habitavit in monte, significat quod tunc ad quoddam bonum se conferrent: & duæ filię ejus cum eo, significant quod affectiones inde similiter: quia timuit habitare in Zoar, significat quia ex affectione veri non amplius spectare bonum possent: & habitabat in spelunca is, significat bonum falsi: & duæ filię ejus, significat affectiones inde, quæ sunt talis boni & talis falsi.

2459. Ascendit Loth e Zoar, quod significet cum non amplius in affectione veri essent, constat a significatione Zoaris, quod sit affectio veri, de qua n: 2439, & quia sequitur, quod habitavit in monte, quoniam timuit habitare in Zoar, significatur, cum non amplius in affectione veri essent, & hoc quia omne bonum veri vastatum est, ut constat a Vers: 26. Hic nunc Quintus Status Ecclesiæ, quæ per Lothum repræsentatur, describitur, qui
No. IV. I est,

est, quod, postquam nulla amplius affectio veri, bonum quoddam impurum, seu bonum falsi, se infundat.

2460. Quod habitavit in monte, significet quod tunc ad quoddam bonum se conferrent, constat a significatione Montis, quod sit amor in omni sensu, nempe amor cælestis & spiritualis, n: 795. 1430, ut & amor sui & mundi, n: 1698, & hoc quia pleraque in Verbo etiam sensum oppositum habent; & quia omne bonum est cuiusdam amoris, per montem hic significatur bonum, sed quale bonum, in sequentibus describitur, nempe quod esset obscurum, & factum impurum, nam mox dicitur, quod habitaret in spelunca, & dein, quod prophana ibi facta sint.

2461. Quod duæ filiae ejus cum eo, significet quod affectiones ejus similiter, constat a significatione filiarum, quod sint affectiones, de qua n: 489. 490. 491; sed quale bonum, tales affectiones, etiam bonum spurium & impurum suas affectiones habet, omnes enim afficiuntur illis quæ bona esse autumant, qualiacunque sunt, nam sunt eorum amoris.

2462. Quia timuit habitare in Zoar, quod significet qui ex affectione veri non amplius spectare bonum posset, constat a significatione Zoaris, quod sit affectio veri, n: 2439; quæ cum vastata, inde non amplius spectare bonum potest; timor etiam tunc est pro omni vero, nam hoc contrariatur bono amoris impuri.

2463. Et habitabat in spelunca is, quod significet bonum falsi, constat a significatione speluncæ; spelunca est quoddam domicilium in monte, sed obscurum; & quia domicilia quæcunque, sicut domus, significant bona, n: 2233. 2234, sed talia bona, qualia sunt, hic itaque spelunca, quia domicilium obscurum, significat bonum tale. Speluncæ montium etiam passim nominantur in Verbo, ac ibi in sensu interno similiter significant talia, ut Es: 11: 19. Cap: xxxii: 14; etiam in Historicis, ut quod Elias fugiens Hablem venerit ad *speluncam* in monte Chorebo, quo pernoctavit, ac ibi verbum Jehovah ad eum, quod exiret & confisteret in *Monte* ante Jehovah; & quod tunc obvolverit facies toga sua, & exiverit, & steterit ad *osium speluncæ*, 1 Reg: xix: 9. 13; ibi per speluncam in sensu interno significatur bonum obscurum, sed quale est in tentationibus, quod quia non sustineret Divinum, obvolvit facies toga: similiter alibi in Historicis, quod filii Israelis propter Medianem fecerint sibi speluncas in montibus, Jud: vi: 2, tum propter Philistæos, 1 Sam: xiii: 6; historica ibi, similiter se habent ac historica hæc apud Moysen, quod alia in sensu interno significant.

2464. Et duæ filiae ejus, quod significant affectiones inde, quæ sunt talis boni & talis falsi, constat a significatione filiarum, quod sint affectiones, n: 2461. Bonum ex quo affectiones, seu Pater ex quo filiae, est Loth; at Verum ex quo illæ, seu Mater, erat uxor Lothi, quæ cum facta statua salis, hoc est, cum bonum veri vastatum, tunc tale bonum quod significatur per Lothum in spelunca, & tales affectiones inde quæ significantur per filias, existunt.

2465.

2465. Verſ: 31. 32. 33. 34. 35. 36. *Et dixit Primogenita ad minorem, Pater noſter ſenex, & vir nullus in terra, ad veniendum ad nos, ſecundum viam totius terræ. Veni, propinemus patri noſtro vinum, & cubemus cum eo, & vivificemus de patre noſtro ſemen. Et propinaverunt patri ſuo vinum in nocte illa, & venit primogenita, & cubuit cum patre ſuo, & non cognovit in cubare ejus & in ſurgere ejus. Et fuit a craſtino, & dixit primogenita ad minorem, ecce cubui heri cum patre meo, propinemus ei vinum etiam nocte hac, & veni, cuba cum eo, & vivificemus de patre noſtro ſemen. Et propinaverunt etiam in nocte illa patri eorum vinum, & ſurrexit minor, & cubuit cum eo, & non cognovit in cubare ejus, & in ſurgere ejus. Et conceperunt binæ filiæ Lothi de patre ſuo. Dixit primogenita ad minorem, ſignificat, hic ut prius, affectiones, primogenita affectionem talis boni, minor affectionem talis falſi: pater noſter ſenex, & vir nullus in terra, ſignificat quod non ſciatur amplius quid bonum, & quid verum: ad veniendum ad nos, ſignificat quibus conjungerentur: ſecundum viam totius terræ, ſignificat ſecundum doctrinalia; terra eſt Eccleſia: veni, propinemus patri noſtro vinum, ſignificat quod imbuerent bonum tale falſis, quæ ſunt vinum: & cubemus cum eo, ſignificat quod ſic conjungerentur: & vivificemus de patre noſtro ſemen, ſignificat quod ſic novum cujuſdam Eccleſiæ: & propinaverunt patri ſuo vinum, ſignificat quod imbuerint tale bonum falſis: in nocte illa, ſignificat cum omnia eſſent in tanto obſcuro: & venit primogenita, ſignificat affectionem talis boni: & cubuit cum patre ſuo, ſignificat quod ſic adaptarentur: & non cognovit in cubare ejus & in ſurgere ejus, ſignificat quod bonum tale commune non ſciverit aliter quam quod ita eſſet: & fuit a craſtino, ſignificat poſtea: & dixit primogenita ad minorem, ſignificat quod affectio talis boni perſuaderet falſum: ecce cubui heri cum patre meo, ſignificat quod ita conjuncta eſſent: propinemus ei vinum etiam nocte hac, ſignificat, hic ut prius, quod imbuerent tale bonum falſis cum ſingula eſſent in tanto obſcuro: & veni, cuba cum eo, ſignificat quod hæc quoque conjungerentur: & vivificemus de patre noſtro ſemen, ſignificat, hic ut prius, quod ſic novum cujuſdam Eccleſiæ: & propinaverunt etiam in nocte illa patri eorum vinum, ſignificat quod in obſcuro illo ſtatu imbuerint tale bonum falſis: & ſurrexit minor & cubuit cum eo, ſignificat quod affectio falſi ſimiliter fecerit, ut falſa ſicut vera apparerent, & ſic conjungebantur: & non cognovit in cubare ejus & in ſurgere ejus, ſignificat quod bonum tale commune non ſciverit aliter quam quod ita eſſet: & conceperunt binæ filiæ Lothi a patre ſuo, ſignificat quod inde origo talis religioſi, quod per Moabum & filium Ammonis ſignificatur.*

2466. Quod in ſenſu interno ſignificentur illa, quæ expoſita ſunt, confirmari poteſt, & quidem quoad ſingula verba, ſed præter quod pleraque prius confirmata ſint, etiam ſunt talia, quæ lædunt ideas, & caſtas aures; ex ſummaria explicatione id conſtare poteſt, quod per illa deſcribatur origo talis religioſi, quod per Moabum & filium Ammonis in Verbo ſignificatur; quod quale ſit, in ſequentibus, ubi de Moabo & filio Ammonis, dicitur; quod

fit adulteratum bonum, & falsificatum verum, constar: Adulterationes boni, & falsificationes veri, in Verbo communiter describuntur per Adulteria & Scortationes, ac ita quoque vocantur; causa inde est, quod Bonum & Verum inter se conjugium forment, n: 1904. 2133; imo quod vix aliquis credere potest, inde ut a suo genuino principio est sanctitas conjugiorum in terra, etiam sunt Leges conjugiorum, de quibus in Verbo: nam ita se habet, Cœlestia cum Spiritualibus, cum e Cœlo descendunt in spheram inferiorem, prorsus ibi vertuntur in simile conjugiorum, & hoc ex correspondentia quæ est inter spiritualia & naturalia, de qua Correspondentia, ex Divina Domini Misericordia, alibi; cum autem illa pervertuntur in sphaera inferiore, ut fit, ubi mali genii & mali spiritus sunt, tunc eadem vertuntur in talia, qualia adulteriorum & scortationum sunt; inde est, quod contaminationes boni & perversiones veri describuntur in Verbo per adulteria & scortationes, ac quod ita quoque appellentur; ut manifeste constare potest ab his locis; apud Ezechielem, "*Scortata es propter nomen tuum, & efudisti Scortationes tuas*" "super omnem transeuntem: sumisti de vestibus tuis, & fecisti tibi excelsa
 "variegata, & *Scortata es* super illis: accepisti vasa ornatus tui ex auro meo
 " & ex argento meo, quod dederam tibi, & fecisti tibi imagines masculi, &
 " *Scortata es cum eis*: sumisti filios tuos, & filias tuas, quas peperisti Mihi,
 " & sacrificasti illos eis; num parum de *Scortationibus* tuis; *scortata es* cum
 " filiis Ægypti vicinis tuis, magnis carne, & multiplicasti *Scortationem* tuam,
 " ad irritandum Me; *Scortata es* cum filiis Aschuris, & *Scortata es*, &
 " non saturata: & multiplicasti *Scortationem* tuam, usque ad terram negotiationis, Chaldæam, & tamen in hoc non satiata es," xvi: 15. 16. 17. 20. 26. 28. 29, seq: ubi de Hierosolyma, per quam ibi significatur Ecclesia perversa quoad vera; quod omnia illa prorsus alia significant, quisque videre potest; quod perversum Ecclesiæ dicatur scortatio, patet; Vestes ibi sunt vera quæ pervertuntur; inde falsa, quæ coluntur, sunt excelsa variegata, cum quibus scortatio; quod vestes sint vera, videatur n: 1073, & quod Excelsa sint cultus, n: 796; vasa ornatus ex auro & argento quod dederam, sunt cognitiones boni & veri a Verbo per quas confirmant falsa, quæ cum apparent sicut vera, vocantur imagines masculi, cum quibus scortatio; quod vasa ornatus ex auro & argento sint cognitiones boni & veri, patet a significatione auri quod sit bonum n: 113. 1551. 1552, & argenti quod sit verum n: 1551. 2048; imagines masculi, quod appareant sicut vera, n: 2046; quod filii & filiæ, quas pepererunt & sacrificarunt eis, sint vera & bona quæ perverterunt, patet a significatione filiorum & filiarum, n: 489. 490. 491. 533. 2362; quod scortari cum filiis Ægypti, sit pervertere illa per scientifica, patet a significatione Ægypti, quod sit scientificum, n: 1164. 1165. 1186. 1462; scortari cum filiis Aschuris, quod sit pervertere per ratiocinia, patet a significatione Aschuris, quod sit ratiocinatio, n: 119. 1186; multiplicare scortationem usque ad terram Chaldæam, quod sit usque
 ad

ad prophanationem veri, quæ est Chaldaea, n: 1368; inde liquet qualis sensus internus Verbi est in ipso sensu literæ. Similiter alibi apud eundem Prophetam, "Dux mulieres, filia: unius matris, *Scortatæ* sunt in Ægypto, " in adolescentia sua *scortatæ* sunt; Ohola Samaria, Oholiba Hierosolyma; " *Scortata* est Ohola sub me, & dilexit amafios suos, Assyrios propinquos, " dedit *Scortationes* suas super illos, delectum filiorum Aschuris omnium; " *Scortationes* suas ex Ægypto non deferuit, nam cum illa *concubuerunt* in " adolescentia ejus. Oholiba corrumpit amorem suum præ illa, & *Scortationes* suas supra *scortationes* fororis suæ, filios Aschuris adamavit; addit " ad *Scortationes* suas, & vidit imagines *Chalæorum*, adamavit eos ad " aspectum oculorum suorum; venerunt ad illam filii Babelis ad *concubium* " *amorum*," xxiii: 2. 3. 4. 7. 8. 11. 12. 14. 16. seq: Samaria est Ecclesia, quæ in affectione veri, Hierosolyma quæ in affectione boni, quarum *scortationes* cum Ægyptiis, & filiis Aschuris, sunt perversiones boni & veri per scientifica & ratiocinia, quibus falsa confirmantur, ut patet a significatione Ægypti, n: 1164. 1165. 1186. 1462; & Aschuris n: 119. 1186; & quod usque ad prophanum cultum, qui quoad verum est Chaldaea, n: 1368, & quoad bonum sunt filii Babelis, n: 1182. 1326. Apud Esaiam, "Et erit a " sine septuaginta annorum, visitabit Jehovah Tyrum, & redibit ad *questum* " *meretricium* suum, & *scortabitur* cum omnibus regnis terræ," xxiiii: 17; est venditio falsi, quæ per *questum* meretricium & *scortationem* Tyri significatur; quod Tyrus sint cognitiones veri, videatur n: 1201, quod regna sint vera, cum quibus *scortatio*, n: 1672: apud Jeremiam, "Tu *Scortata* " es cum sociis multis; & revertere ad Me; tolle oculos tuos ad colles, & " vide ubi non *constuprata* fueris, super viis sedisti eis sicut Arabs in deserto, " & prophanasti terram *Scortationibus* tuis, & malitia tua," iii: 1. 2: *scortari* & *scortationibus* prophanare terram, est pervertere & falsificare vera Ecclesiæ, quod terra sit Ecclesia, videatur n: 662. 1066. 1067: apud Eundem, "A voce *Scortationis* suæ prophanavit terram, *mæchata* cum lapide & " ligno," iii: 9; *mæchari* cum lapide & ligno, est pervertere vera & bona cultus externi; quod lapis sit tale verum, videatur n: 643. 1298, quod lignum tale bonum, n: 643: apud Eundem: "Propterea quod fecerunt " stultitiam in Israele, & *adulterati* sunt cum uxoribus sodalium suorum, & " loquuti sunt verbum in nomine meo, falsum, quod non præcepi," xxix: 23; adulterari cum uxoribus sodalium est docere falsum sicut ab illis: apud Eundem, "In prophetis Hierosolymæ vidi turpitudinem, *adulterando*, & " eundo in falso," xxiiii: 14; ubi adulterari spectat bonum quod contaminatur, ire in falso spectat verum quod pervertitur: apud Eundem, "A- " *dulteria* tua, & hinnitus tui, foeditas *scortationis* tuæ super collibus, in " agro, vidi abominaciones tuas; vae tibi Hierosolyma, non mundatis post- " hac, quousque adhuc," xiii: 27: apud Hofeam, " *Scortatio*, & *Vi-* " *num*, & mustum, occupavit cor; populus meus lignum interrogat, & " baculus ejus indicabit id, quia *spiritus scortationis* seduxit; & *scortati* sunt " de-

“de sub deo suo; super verticibus montium sacrificant, & super collibus suffiunt, sub quercu, populo & robore; propterea *scortantur* filiae vestrae, & nurus vestrae *adulterantur*; nonne visitavero super filias vestras quia *scortantur*, & super nurus vestras quia *adulterantur*, quia hi cum *scortis* dividunt, & cum *prostitulis* sacrificant,” IV: 11. 12. 13. 14; quid singula hæc in sensu interno significant, constare potest a significatione vini quod sit falsum, musti quod sit malum inde, ligni quod interrogatur quod sit bonum jucundi alicujus cupiditatis, baculi qui indicabit quod sit potentia imaginaria sui intellectus, tum montium & collium quod sint amores sui & mundi, quercus, populi & roboris quod sint totidem crassæ, quibus fidunt, perceptiones inde, filiarum & nurrum quod sint affectiones tales, inde patet quid per *scortationes*, adulteria, & prostituta ibi significantur. Apud Eundem, “*Israël scortatus* est super deo tuo, dilexisti *quæstum meretricium* super omnibus areis frumenti,” IX: 1, quæstus meretricius pro venditione falsi. Apud Mosen, “Ne pangas fœdus habitatori terræ, & *scortentur post deos* eorum, ac faciant fœdus diis eorum, & vocet te, & comedas de sacrificiis ejus, & accipias de filiabus ejus filiis tuis, & *scortentur filiae ejus post deos eorum*, & *scortari faciant filios tuos post deos eorum*,” Exod: xxxiv: 15. 16: apud Eundem, “Exscindam omnes *scortantes post eum*, *scortando post Molechum*, & medio populi eorum: & anima, quæ respicit ad pythones & ad harolos, ad *scortandum post eos*, dabo facies meas contra animam hanc, & exscindam eum e medio populi ejus,” Levit: xx: 5. 6: apud Eundem, “Filiis vestri erunt pascentes in deserto quadraginta annis, & portabunt *Scortationes* vestras; usque ad consumi corpora vestra in deserto,” Num: xiv: 33: apud Eundem, “Recordemini omnium præceptorum Jehovæ, & faciatis ea, & non pervestigetis post cor vestrum, & post oculos vestros, *post quos vos scortamini*,” Num: xv: 39. Adhuc manifestius apud Johannem, “Unus Angelus dixit, veni, monstrabo tibi *judicium Meretricis* & *magnæ* sedentis super aquis multis, cum qua *scortati* sunt reges terræ, & inebriati sunt *Vino scortationis ejus* inhabitantes terram,” Apoc: xvii: 1. 2: meretrix magna pro iis qui in prophano cultu sunt, aquæ multæ super quas sedet, sunt cognitiones, n: 28. 739, reges terræ qui cum ea *scortati*, sunt vera Ecclesiæ, n: 1672. 2015. 2069; vinum quo inebriati est falsum, n: 1071. 1072; quia Vinum & inebriatio illa significant, de filiabus Lothi dicitur, quod propinaverint patri suo vinum, Vers: 32. 33. 35. Apud Eundem, “Babylon ex *vino furoris scortationis* suæ potavit omnes gentes, & reges terræ cum ea *scortati* sunt,” Apoc: xviii: 3; Babylon seu Babel, pro cultu cujus externa apparent sancta, sed interiora sunt prophana, n: 1182. 1295. 1326; gentes quas potat sunt bona quæ prophananantur, n: 1259. 1260. 1416. 1849, reges qui cum ea *scortati* sunt vera, n: 1672. 2015. 2069: apud Eundem, “Vera & iusta judicia Domini Dei, quia *judicavit Meretricem magnam*, quæ corrupit terram *scortatione sua*,” Apoc:

XIX:

xix: 2; terra pro Ecclesia, n: 566. 662. 1066. 1067. 2117. 2118. Quia scortationes talia significabant, ac filiae affectiones, ideo tam severe prohibitum erat, ut filia sacerdotis scortaretur, de qua ita apud Moſen, “Filia viri ſacerdotis, quod cæperit ad ſcortandum, patrem ea prophanans, igne comburetur,” Levit: xxi: 9. Tum quod non inferrent quæſtum meretricium in domum Jehovah, quia abominatio, Deut: xxi: 19: Et ideo talis proceſſus inquiſtorius de uxore, de qua vir ſuſpicionem adulterii captavit, Num: v: 12 ad 31, in quo omnia & ſingula ſe referunt ad adulterationes boni. Præterea adulteriorum & ſcortationum plura ſunt genera, & adhuc plures ſpecies, de quibus in Verbo; hoc Genus, quod deſcribitur per concubitum filiarum Lothi cum patre, eſt quod vocatur Moabus & filius Ammonis, de quo mox ſequitur.

2467. Verſ: 37. 38. *Et peperit primogenita filium, & vocavit nomen ejus Moab; is pater Moabi uſque ad diem hunc. Et minor etiam illa peperit filium, & vocavit nomen ejus Benammi, is pater filiorum Ammonis uſque ad diem hunc.* Peperit primogenita filium, ſignificat religioſum Eccleſiæ iſtius quoad bonum: & vocavit nomen ejus Moab, ſignificat quale ejus: is pater Moabi uſque ad diem hunc, ſignificat quod inde tales: & minor etiam illa peperit filium, ſignificat Eccleſiæ iſtius falſificatum verum: & vocavit nomen ejus Benammi, ſignificat quale ejus: is pater filiorum Ammonis uſque ad diem hunc, ſignificat quod inde tales.

2468. Hæc nec opus eſt confirmare, ab ipſa enim explicatione, & ab illis quæ præcedunt, & quæ ſequuntur, patet, quod talia ſignificentur: quid autem & quale religioſum eſt, quod per Moabum & filios Ammonis ſignificatur, conſtare poteſt ab origine illorum, quæ deſcripta eſt, tum a pluribus locis in Verbo tam Hiſtorico quam Prophetico, ubi nominantur; ſunt in genere illi, qui ſunt in externo cultu, qui apparet aliquoſiter ſanctus, ſed non in interno, & qui illa, quæ externi cultus ſunt, arripiunt pro bonis & veris, at qui interni cultus, rejiciunt & contemnunt: talis cultus, & tale religioſum cadit in eos, qui in bono naturali ſunt, ſed qui contemnunt alios præ ſe: ſunt illi non abſimiles fructibus in externa forma non impulchris, ſed qui intus mucidi vel putidi ſunt; & non abſimiles vaſis marmoreis, in quibus impura, quandoque ſœda; aut non abſimiles ſæminis, quæ facie, corpore, & geſtibus, non indecoræ, ſed intus morboſæ, & ſœdis oppletæ; eſt enim Commune bonum, quod apud eos, quod non impulchrum apparet, ſed particularia quæ intrant, ſunt ſpurca; principio quidem non ita, ſed ſucceſſive, nam facile ſe imbui patiuntur quibuſcunque quæ bona vocantur, & inde quibuſcunque falſis, quæ, quia confirmant, vera putant, & hoc quia interiora cultus contemnunt, & hæc quia in amore ſui ſunt: exiſtunt & derivantur, illi ab iis, qui in ſolo externo cultu ſunt, qui in hoc Capite per Lothum re præſentantur, & hoc quando bonum veri deſolatum eſt. Deſcribuntur in Verbo, tam quales ſunt in principio, quando adhuc bonum eorum non ita conſpurcatum eſt; quam dein quando conſpurcatur; ut & poſtea quando proſuſ

profus conspurcatum est; & quod interiora cultus & doctrinæ rejiciant. *Quales sunt in principio quando adhuc bonum eorum non ita conspurcatum est*, apud Daniele, "In tempore finis collidetur cum eo Rex meridiei, ideo
 "quasi procella irruet in eum Rex septentrionis, curru, & equitibus, &
 "navibus multis, & veniet in terras, & inundabit, & transibit, & veniet in
 "terram decoris, & multæ curruent: hæ eripientur e manu ejus, Edom, &
 "*Moab, & Primitiæ filiorum Ammonis*," xi: 40. 41: Rex meridiei pro illis
 qui in bonis & veris sunt, Rex septentrionis pro illis qui in malis & falsis,
 Rex septentrionis curru, equitibus, navibus, veniens in terras, inundans, &
 transiens, pro quod mala & falsa significata per currus, equites, naves, præ-
 valitura, eripiendi e manu ejus Edom, Moab, & primitiæ filiorum Am-
 monis, pro illis qui in tali bono sunt nondum ita falsis conspurcato, quare
 vocantur Primitiæ filiorum Ammonis: apud Mosen, "Transivimus via de-
 "serti, & dixit Jehovah ad Mosen, *ne angustes Moabum*, nec misceas te cum
 "eis bello, quia non dabo tibi de terra ejus hæreditatem, quia *Filii Lotbi*
 "dedi Ar hæreditatem," Deut: 11: 8. 9; & de filiis Ammonis, "Lo-
 "quutus Jehovah ad Mosen, tu transiens hodie *terminum Moabi* Arem,
 "& accedes e regione *filiorum Ammonis*, nec angusta illos, nec misceas
 "te cum illis, quia non dabo de *terra filiorum Ammonis* tibi hæredita-
 "tem, quia *Filii Lotbi* dedi eam hæreditatem," Deut: 11: 17. 18: Ar
 pro bono tali, Moabus & filii Ammonis pro illis qui in tali bono, sed
 in principio, quare jubetur ut non angustentur. Inde est, quod Moabus
 expulerit Emim, & Rephaim qui sicut Enakim, & quod filii Ammonis
 expulerint etiam Rephaim quos Samsumim vocarunt, Deut: 11: 9. 10.
 11. 18. 19. 21: per Emim, Rephaim, Enakim, Samsumim, significantur
 qui imbuti persuasionibus mali & falsi, videatur n: 581. 1673, per Moabum
 & filios Ammonis hic illi qui nondum imbuti sunt; sed hi cum quoque
 imbuti, hoc est, bonum eorum falsis conspurcatum, etiam expulsi sunt,
 Num: xxi: 21 ad 31. Ezech: xxv: 8. 9. 10. 11. *Describuntur quales sunt*,
 quando bonum eorum conspurcatur, apud Jeremiam, "*Ad Moabum* sic dicit
 "Jehovah; vae super Nebo, quia devastata est, pudefacta est, capta est
 "Kiriathaim, pudefacta est Misgab & consternata; non amplius *laus Moabi*:
 "date alam Moabo, quia avolando avolabit, & urbes ejus in desolationem
 "erunt, nemo habitans in iis. Relinquitte urbes, & habitate in petra *babi-*
 "*tores Moabi*, & estote sicut columba, nidificat in transitibus oris foveæ.
 "Ego novi, dictum Jehovah, iram ejus, & non firmus, falsa ejus, non
 "rectum fecerunt. Propterea super *Moabo* ejulabo, & ad *Moabum* totum
 "clamabo. A fletu Jaferis flebo tibi, vitis Sibmæ; propagines tuæ tran-
 "siverunt mare, usque ad mare Jaferis pertigerunt; super fructus æstivos
 "tuos, & super vindemiam tuam vastator cecidit. Propterea cor meum
 "super *Moabo*, sicut tibiæ, movetur. Vae tibi *Moabe*, perit populus Ke-
 "moski, nam capti sunt filii tui in captivitatem, & filiæ tuæ in captivita-
 "tem. Et reducam captivitatem *Moabi* in posteritate dierum," xlviii: 1.

9. 28. 30. 31. 32. 36. 46. 47: ibi in toto Capite de Moabo, sed per eum de illis qui in bono tali sunt, quomodo se patiuntur imbui falsis, quare dicitur, ut dent aliam Moabo ut avolet, & quod urbes ejus in desolationem erunt; at quod relinquerent urbes, & habitarent in petra, & sicut columba nidificarent in transitibus oris fovearum, & plura, quibus suadentur ut in communibus suis bonis & veris manerent; & si tunc a falsis ignorantiae deducerentur, quod in posteritate dierum a captivitate reducerentur, sed apud quos hoc non fit, dicitur, super Moabo ejulabo, & ad Moabum totum clamabo, & cor meum super Moabo movetur; falsa, quibus imbuuntur, significantur per Nebo, Kiriathaim, Misgab, Sibmam, Jaferem, Kemofch, & plura nomina, quæ in illo Capite. Apud Esaiam, “Nidus emissus erunt *filie Moabi*: proferte consilium, facite iudicium; pone totam umbram tuam in medio meridiei; absconde expulsores, vagum ne revela, commorentur in te expulsi mei, *Moabe*, esto latibulum iis coram vastatore. Audivimus elationem *Moabi*, elatus valde, superbia ejus, & elatio ejus, & ira ejus, non sic mendacia ejus: ideo ejulabit *Moabus*, *Moabo*, totus ejulabit. Ideo viscera mea propter *Moabum* sicut cithara commoventur, & medium meum propter urbem Cherez. Erit cum visus fuerit, quod defatigatus, *Moabus* super excelso, & veniet ad sanctuarium suum ad orandum, & non poterit. In tribus annis, tanquam annis mercenariis, & evilescet laus *Moabi*, in “omni multitudine magna, & residuum parum pusillum, non validum,”

* XVI: 1. 2. 11. 12. 13. 14. 15. 16. 20. 21. 23: etiam in toto hoc Capite de Moabo, & per illum de iis qui in tali bono sunt, & ibi describuntur passim similibus verbis, ac apud Jeremiam Cap: XLVIII, ac suadentur pariter ut in communibus suis bonis & veris manerent, nec falsis se imbui patiuntur; communibus bona & vera, significantur per quod proferent consilium, facerent iudicium, absconderent expulsores, vagum ne revelarent, erunt latibulum expulsi pro vastatore, quæ omnia significant externa cultus; sed quia se falsis imbui patiuntur, dicitur, in tribus annis, tanquam annis mercenariis, evilescet laus *Moabi* in omni multitudine magna, & residuum parum pusillum, non validum. Quia facile seducuntur, vocatur Moabus emissio manus Philistarum, & filii Ammonis obedientia eorum, apud Esaiam, “Radix Jischai, quæ stans in signum populorum, illam gentes quærent, & erit quies Ipsi gloria, recedet æmulatio Ephraimi, & hostes Jehudæ excidentur, Ephraim non æmulabitur cum Jehuda, & Jehudah non angustabit Ephraim; & involabunt in humerum Philistarum versus mare, una deprædabuntur filios orientis, Edomum, *Moabum emissionem manus eorum*, & “*filios Ammonis obedientiam eorum*,” XI: 10. 13. 14: Radix Jischai pro Domino; Jehudah pro iis qui in cœlesti bono, Ephraim pro illis qui in spiritali vero, Philistæi pro illis qui in scientia cognitionum veri, & non in charitate, filii orientis pro iis qui in scientia cognitionum boni etiam non in charitate, quorum emissio manus dicitur Moabus, & obedientia filii Ammonis, quia falsis ab iis imbuuntur. *Quales autem sunt, qui Moabus & filii Ammonis vocantur, quando bonum eorum falsis prorsus conspurcatum est*, describitur apud Davidem,

No. IV.

K

“Deum

Schmidius; sole. Latine.

"Deus locutus in sanctitate sua, Mihi Gilead, & Mihi Menasche, &
 "Ephraim robur capitis mei, Jehudah legislator meus, *Moabus pelvis*
"lotionis mee," Psalm: LX: 8. 9. 10: similiter apud Eundem Psalm: cviii:
 8. 9. 10: pelvis lotionis pro bono conspurcato falsis: apud Jeremiam,
 "Non amplius *laus Moabi*, in Chesbone cogitarunt super eum malum, ite
 "excindamus eum de gente: pacatus erat *Moabus* ab adolescentiis suis, &
 "quiescens ille *in fecibus suis*, nec evacuatus e vase in vas, & in exilium non
 "abivit; propterea constitit *gustus ejus* in eo, & *odor ejus* non mutatus. Super
 "omnibus tectis *Moabi*, totus luctus, quia fregi *Moabum* sicut vas, in quo
 "non beneplacitum," XLVIII: 2. 11. 38, falsa, quibus conspurcatur bonum,
 quod Moabus, hic vocantur feces, in quibus consistit gustus & odor, si non
 reformatur, quod hic est evacuari e vase in vas; ipsum bonum vocatur
 vas in quo non beneplacitum, sicut apud Davidem, pelvis in quo lotio:
 apud Esaïam, "Requiescit manus Jehovæ in monte hoc, & triturbabitur
 "*Moabus* sub eo, sicut conculcatur *palea in sterquilino*," xxiv: 10. *Quod*
qui in tali bono, solum externa curent, & interna cultus & doctrinae contem-
nant, rejiciant, imo respuant, inde falsa iis pro veris, apud Ezechielem,
 "Fili hominis, pone facies tuas ad *filios Ammonis*, & propheta super eos, & dicas
filios Ammonis, audite verbum Domini Jehovih, sic dixit Dominus Jehovih,
 propterea quod dicis, euge ad sanctuarium meum quod prophanatum est, & ad
 humum Israelis quia desolata est, & ad domum Jehudæ quia abiverunt in
 captivitatem, dabo Rabbam in habitaculum Camelorum, & *filios Ammonis* in
 cubile gregis. Dixit Dominus Jehovih, quia complosisti manum, & plau-
 fisti pede, & lætata es in omni contemptu tuo in anima, ad humum Israelis,
 idcirco ecce Ego extendam manum meam super te, & dabo te in prædam
 gentibus, & excindam te de populis, & perdam te de terris," xxv: 2 ad
 11; euge ad sanctuarium quod prophanatum, ad humum Israelis quia
 desolata, ad domum Jehudæ quia abiverunt in captivitatem, complosisti
 manum, plausisti pede, & lætata in omni contemptu in anima ad humum
 Israelis, sunt verba contemptus, irrisio, & rejectionis interiorum cultus &
 doctrinæ quibus rejectis Externa nihil valent, sed in prædam dantur gen-
 tibus hoc est, occupantur a malis, & excinduntur de populis, hoc est, a falsis,
 & perduntur de terris, hoc est, sunt nullius Ecclesiæ: apud Zephaniam,
 "Audi *opprobrium Moabi*, & *blasphemias filiorum Ammonis*, qui oppro-
 "brio affecerunt populum meum, dilatarunt super terminum eorum;
 "propterea vivens Ego, quod *Moab* sicut Sodoma futura sit, & *filii Am-*
monis sicut Amora, locus derelictus urticæ, & fovea salis, ac desolatio
 "erunt in æternum: hoc illis propter superbiam eorum, quod opprobrio
 "affecerunt, & dilatarunt super populum Jehovæ Zebaoth," 11: 8. 9. 10;
 opprobrio afficere populum, & dilatare super terminum eorum, & super
 populum Jehovæ Zebaoth, est vilipendere & rejicere interiora vera, quæ
 sunt populus Jehovæ Zebaoth; inde bona sunt mala falsi, quæ sunt Sodoma
 & locus derelictus urticæ, & vera sunt falsa, quæ sunt Amora & fovea
 salis; ab internis enim habent externa ut sint bona & vera; apud Davidem,
 "Hostes

“ Hostes super populum tuum insidiosè cogitant arcanum, consultant super absconditos tuos, ite, excindamus eos de gente, & non memoretur nomen Israelis amplius, nam consultant corde una, super te fœdus excidunt tentoria Edomi, & Jischmaelitæ, *Moabus*, & Hagræi, Gebal & *Ammon*, & Amaleck, Philistæa cum habitatoribus Tyri, etiam Aschur associatur illis, sunt brachium *filii Lothi*,” Psalm: LXXXIII: 3 ad 9; consultare super absconditos, excindere eos de gente, ut non memoretur nomen Israelis amplius, est interiora prorsus respuere; tentoria Edomi, Jischmaelitæ, Moabus, Hagræi, Gebal & Ammon, sunt ii qui in cultus & doctrinæ externis, Philistæa cum Tyro sunt quæ de internis loquuntur sed in iis non sunt, Aschur qui brachium filii Lothi, est ratiocinatio qua pugnant pro externis & impugnant interna: apud Moysen, “ Non accipiet vir uxorem patris sui, & non violabit alam patris sui, non veniet contritus contritione, aut contusus teste, in congregationem Jehovæ; non veniet *Moabita* & *Ammonita* in congregationem Jehovæ, etiam Generatio decima non veniet illi in congregationem Jehovæ in æternum,” Deut: XXXIII: 1 ad 8; inde quid Moabus & Ammon, in fine dierum, seu cum prorsus falsis imbuti sunt, patet, nempe illi apud quos adulteratur bonum & falsificatur verum, per id quod contemnunt, rejiciant, & tandem respuant omnia interiora, quare etiam hic nominantur post fœda adulteria, quæ sunt accipere uxorem patris, violare alam patris, pæne sicut de filiabus Lothi, a quibus Moabus & Ammon, memoratur; tum post contritos contritione, & contusos teste, per quos significantur qui respuunt quicquid est amoris & charitatis; congregatio Jehovæ est cœlum, in quod venire nequeunt, quia non iis reliquiæ, quæ solum ab interioribus bonis & interioribus veris sunt, quæ per decimam generationem significantur, n: 576. 1738. 2280. Illi etiam erant inter gentes, qui sacrificabant filios & filias Molecho, per quæ in sensu interno significatur, quod exstinxerint vera & bona, Deus enim Moabi fuit Kemofch, & deus filiorum Ammonis Molech & Milchom, 1 Reg: XI: 7. 33. 2 Reg: XXIII: 13, quibus sacrificarunt, 2 Reg: III: 17, quod per filios & filias significantur vera & bona, videatur n: 489. 490. 491. 533. 1147. Hæc nunc sunt Moab & Ammon, sed genera eorum falsi, quibus adulterant bona, & extinguunt vera, sunt plura, quæ recensentur apud Jeremiam, sed per mera nomina hæc nempe, “ Judicium venit ad terram planitiei, & ad *Cholonem*, & ad *Jabzam*, & ad *Mephaatam*. Et super *Dibonem*, & super *Nebonem*, & super *Bethdiblathaim*. Et super *Kiriathaim*, & super *Bethgamul*, & super *Bethmeon*. Et super *Kerioth*, & super *Bozram*, & super omnes urbes *terræ Moabi*, longinquas & propinquas. Excisum est cornu *Moabi*, & brachium ejus contractum est. *Inebriate* eum, quia super Jehovam se magnificavit; & complodat *Moabus* in vomitu suo,” XLVIII: 21 ad 26: hæc genera falsi sunt, quæ concurrunt in illis, qui Moabus & Ammon vocantur; quæ nam autem sunt, & qualia, constare potest a significatione sin-

gulorum nominum in sensu interno ; quod Nomina in Verbo nihil aliud significant quam res, pluries ostensum est.



De Memoria remanente hominis post mortem, & remissionem eorum, quæ egerat in vita corporis.

2469. *VIX* adhuc alicui notum est, quod unicuique homini sint binæ Memoriam, una Exterior, altera Interior ; & quod Exterior sit propria ejus Corporis, at Interior propria ejus Spiritus.

2470. Homo dum vivit in corpore, vix scire potest, quod Memoriam Internam habeat, quia tunc Memoria interior pæne unum agit cum Memoria ejus exteriore ; ideæ enim cogitationis, quæ sunt Memoriam interioris, influunt in res quæ in Memoria exteriore, sicut in sua vasa, ac ibi conjunguntur : se habet hoc similiter, ac cum Angeli & Spiritus loquuntur cum homine, tunc ideæ eorum, per quas inter se loquuntur, influunt in voces linguæ hominis, & cum iis se conjungunt ita, ut non sciant aliter quam quod ipsi loquantur vernacula homini propria, cum tamen ideæ sunt illorum, & voces, in quas influunt, sunt hominis : de qua re cum Spiritibus aliquoties loquutus sum.

2471. Sunt hæc binæ Memoriam prorsus inter se distinctæ ; ad Memoriam Exteriorem, quæ hominis propria est cum vivit in mundo, pertinent omnes voces linguarum, tum objecta sensualium externorum, ut & scientifica quæ mundi sunt : ad Memoriam Internam pertinent ideæ loquelæ Spirituum, quæ sunt visus interioris, & omnia rationalia, ex quorum ideis ipsa cogitatio existit. Quod hæc distincta inter se sint, homo non novit, tam quia non reflectit super id, quam quia in corporeis est, & tunc abducere ab eis mentem non ita potest.

2472. Inde est, quod homines, dum vivunt in corpore, non inter se loqui possint, quam per linguas in sonos articulatos, hoc est, in voces, discretas, & se mutuo intelligere nequeant, nisi linguas istas calleant, ex causa, quia hoc fit ex Memoria exteriore : at quod Spiritus inter se loquantur per Linguam universalem, in ideam, quales sunt ipsius cogitationis, distinctam, & sic quod conversari possint cum unoquoque spiritu, cujusque linguæ & nationis in mundo fuerat, ex causa,
quia

quia hoc fit ex Memoria interiore: in hanc Linguam venit unusquisque homo, statim post mortem, quia in hanc Memoriam, quæ, ut dictum, est propria ejus spiritus; videantur n: 1637. 1639. 1757. 1876.

2473. Memoria interior, præ Exteriore, immensum excelsit, & se habet sicut aliquot myriades ad unum, aut sicut lucidum ad tenebrosus; myriades enim idearum Memoriam interioris influunt in unum Memoriam exterioris, & ibi sistunt aliquod commune obscurum, inde omnes facultates Spirituum, & magis Angelorum, in perfectiori statu sunt, nempe tam eorum sensationes, quam cogitationes, & perceptiones. Qualis excellentia sit Memoriam interioris præ Exteriore, constare potest ab exemplis; aliquis homo, qui quoad ejus quale ex plurium annorum conversatione, notus est, amicus vel inimicus, dum homo ejus recordatur, sistitur illud quod tunc cogitat de illo, ut unum obscurum, & hoc quia ex Memoria exteriori; at cum idem homo factus spiritus, ejus recordatur, sistitur illud, quod tunc cogitat de illo, quoad omnes ideas, quas usquam cepit de illo, & hoc quia ex Memoria interiore: similiter se habet cum unaquavis re, ipsa res, de qua plura novit, se sistit in Memoria exteriori, ut unum quoddam commune; at in Memoria interiore quoad singula, quorum ideam usquam de illa re sibi comparavit, & hoc in forma mirabili.

2474. Quæcumque homo audit & videt, & quibus afficitur, hæc quoad ideas & fines insinuantur, homine nesciente, in Memoriam ejus interiorem, & in illa remanent, sic ut non pereat quicquam; tamen eadem obliterantur in Memoria Exteriori: talis itaque est Memoria interior, ut ei inscripta sint singula, imo singularissima, quæ usquam homo cogitavit, loquutus est, & egit, imo quæ ei sicut umbra apparuerunt, cum minutissimis, a prima infantia ad ultimum senectæ. Omnium horum memoriam secum habet homo cum venit in alteram vitam, & in omnem illorum recordationem successive perducitur; hic est LIBER ejus VITÆ, qui aperitur in altera vita, secundum quem judicatur; hoc vix homo credere potest, sed usque est verissimum; omnes fines, qui ei in obscuro fuerunt, & omnia cogitata, tum omnia loquuta & facta inde, ad omnium minimum apicem, in Libro illo, hoc est, in Memoria interiore sunt, & patent, quoties Dominus concedit, coram Angelis sicut in clara die: hoc mihi aliquoties ostensum est, & tam multis experientiis testatum, ut ne minimum dubii relictum sit.

2475. Nulli adhuc notum est, quis status animarum post mortem
quoad

quoad Memoriam, ex multa & diuturna nunc per plures annos experientia, scire datum est, quod homo post mortem ne hilum amittat ab illis, quæ in ejus Memoriis, tam quæ in Exteriore, quam quæ in Interiore, fuerunt, adeo ut nusquam tam pusillum aut tam minimum cogitari possit, quod non homo secum habeat; sic ut nihil prorsus post mortem relinquat, quam solum Ossâ & Carnem, quæ, dum vixit in mundo, non animata fuerunt a se, sed a vita spiritus ejus, quæ purior ejus, substantia annexa corporeis fuit.

2476. Sed ita se habet cum Memoria ejus Exteriore, quod omnia & singula ejus secum habeat, sed illa ei tunc uti non licet, verum modo interiore: causæ sunt plures; Prima est, quæ dicta, quod ex Memoria interiore in altera vita loqui & conversari possit cum omnibus in universo: Secunda, quod hæc Memoria propria sit spiritus, & adæquata ejus statui, in quo tunc est; nam Exteriora, nempe scientifica, mundana, & corporea, adæquata sunt homini, & correspondent ejus statui, cum est in mundo & corpore; at vero Interiora, nempe rationalia, spiritualia & cælestia, adæquata sunt & correspondent spiritui.

2477. Quondam audiui Spiritus inter se loquentes de eo, quod quicquid pro principio arripitur, qualecunque sit, possit innumeris confirmari, & tandem apud eum, qui se confirmavit, usque ut appareat prorsus sicut verum, tametsi falsum sit, & quod de falso potius quam de vero possint persuaderi; ut de eo convincerentur, proponebatur illis hoc ut inter se cogitarent & loquerentur, num conducatur Spiritibus uti Memoria Exteriore: (Spiritus inter se de talibus loquuntur multo excellentius, quam homo credere, imo capere potest, sed quisque secundum suam affectionem:) Spiritus, qui pro corporeis & mundanis erant, confirmabant hoc multis, ex his causis, quod sic nihil amisissent, quin post mortem æque forent homines ac fuerunt ante; quod sic potuissent iterum per hominem venire in mundum; quod in Memoria Exteriore sit jucundum vitæ; quodque in nulla alia facultate & dote sit intelligentia & sapientia; præter plura alia, quibus se confirmabant in principio suo, usque ut hoc apparet illis ut verum. Sed alii tunc ex principio opposito cogitarunt & loquuti sunt, scientes quod verum, quia ex ordine Divino; dicebant, si liceret Spiritibus uti Memoria Exteriore, quod tunc in simili imperfectione forent, in qua prius cum fuerunt homines; quod sic in crassis & obscuris ideis, præ illis qui sunt in Memoria Interiore; & sic non modo stultescerent magis & magis, sed etiam descenderent non ascenderent, ita nec viverent in æternum; immer-

immergere enim se iterum mundanis & corporeis, foret se iterum dare in statum mortis; tum si spiritibus uti liceret Memoria Exteriore, quod humanum genus periret, unusquisque enim homo regitur a Domino per spiritus & angelos, si Spiritus ex Memoria exteriori influerent in hominem, non potuisset homo ex sua memoria, sed ex spiritus, cogitare, ita homo non suæ vitæ & sui juris fieret amplius, sed foret obsessus; obfessiones olim non aliud fuisse; præter plura.

2478. *Ut scirem, quomodo se haberet, quod homo ex sua memoria non possit cogitare, si spiritus influerent ex Memoria exteriori; bis & ter permissum erat ut hoc fieret; & tunc non aliter sciri, quam quod id meum esset, quod non erat meum sed spiritus, & quod cogitavisset illa prius quæ non cogitari; & hoc non potui appercipere, priusquam recefferunt.*

2479. *Quidam recens Spiritus, indignatus, quod non meminisset plurimum, quæ in vita corporis novit, dolens ob jucundum quod amisit, quo maxime delectatus fuerat; sed dictum ei, quod prorsus nihil amiserit, & quod sciat omnia & singula, sed quod in altera vita non liceat ei talia depromere; & quod satis sit, quod nunc possit multo melius & perfectius cogitare & loqui, nec rationale suum immergere, ut prius, densis obscuris, materialibus & corporeis, quæ nullius usus sunt in Regno in quod nunc venit, & quod illa quæ in Regno mundi fuerunt, relicta sint, & nunc habeat quicquid ad usum vitæ æternæ conducatur, & quod sic non aliter possit beatus & felix fieri: ita quod ignorantia sit credere, quod in altera vita cum non usurpatione Memoriae corporeæ intelligentia pereat, cum tamen ita se habet, quod quantum abduci potest mens a sensualibus & corporeis, tantum elevetur ad spiritualia & cælestia.*

2480. *Quia homines post mortem in Memoria interiore, quæ eorum rationalis fuit, sunt, inde est, quod qui Linguas præ aliis calluerunt in mundo, ne quidem unam voculam earum possint depromere; qui in Scientiis præ aliis, non quicquam ex scientificis, & quod hi quandoque stupidiore sunt aliis: sed quicquid imbuerunt per linguas, & quicquid per scientias, hoc quia Rationale eorum formavit, in usum producit; rationale inde comparatum, est ex quo cogitant & loquuntur; qui falsa per linguas & scientias hausit, & in iis se confirmavit, non nisi ex falsis ratiocinatur, qui autem vera, ille ex veris loquitur; ipsa affectio est quæ vitam dat, affectio mali quæ vitam falsi, & affectio boni quæ vitam veris, ex affectione unusquisque cogitat, & absque affectione nullus.*

2481. Quod homines post mortem, hoc est, spiritus, ne bilum amiserint ex illis, quæ sunt Memoria eorum Exterioris seu Corporeæ, sed quod omnia ejus, seu quod omnem, secum habeant, tametsi ex illa particularia vitæ suæ producere non licet, ex multa experientia mihi nosse datum est: ut constare potest a sequentibus; bini, quos novi in vita corporis eorum, convenerunt, qui inter se inimici, audiui unum describentem alterius genium cum multis circumstantiis, tum qualem opinionem de eo habuerat, recitans integram epistolam, quam ad eum scripsit, & plura in serie, quæ particularia & memoriæ exterioris erant, quæ alter agnovit, & ad quæ conticuit.

2482. Audiui quendam increpantem alterum, quod pecunias suas reservaverit, & quod noluerit reddere, & hoc cum circumstantiis, quæ erant Memoria exterioris, usque ad pudorem alterius; audiui etiam alterum respondentem, ac causas recensentem, cur id fecerit, quæ omnia particularia mundana erant.

2483. Quædam in statum missa, in quo fuit dum in mundo cum molita facinus, & tunc singula cogitationum, & singula colloqui cum alia, sicut in claram diem, prodibant. Quædam ex Sirenium turba, quia sustinuit negare, quod talis fuerat in vita corporis, in statum memoriæ corporeæ missa est, & tunc adulteria & flagitia ejus, quæ vix alicui nota fuerunt dum vixit, aperiebantur, & recitabantur in serie, pæne ad centena, ubinam fuerat, cum quibus adulterata, quid tunc molita, & hæc omnia ita ad virum sicut in aperta die, ita convicta: talia producuntur, cum quis se exculpate vult quod talis fuerit, & quidem ad virum cum singulis circumstantiis.

2485. Quidam apud me fuit, quem in vita corporis ejus non novi, cum quærerem, num sciret undenam esset, hoc nesciebat, sed per interiorem visum ducebatur a me per urbes ubi fueram, & tandem per urbem, unde ille, & tunc per plateas & fora, quæ omnia cognovit, & tandem in plateam, ubi ille habitavit, sique novissem domos, quomodo fitæ, potuissem etiam scivisse domum.

2486. Quod homines omnia & singula Memoria corporeæ secum habeant, constare mihi sæpissime etiam potuit ex illis, quos notos habui in vita corporis eorum, quod, cum loquutus cum iis, recognoverint omnia & singula, quæ me præsentem fecerant, quæque loquuti sunt, & quæ tunc cogitaverunt. Ex his, & pluribus aliis experientiis, pro certo scire datum est, quod homo omnia Memoria exterioris seu corporeæ secum in alteram vitam ferat.

2487.

2487. *Instructus sum, quod Memoria Exterior in se spectata, non sit nisi quoddam organicum formatum ex objectis sensuum, cum primis visus & auditus, in substantiis quæ sunt principia fibrarum, & quod secundum impressiones ab illis fiant variationes formæ, quæ reproducentur, & quod formæ illæ varientur & mutantur secundum mutationes status affectionum & persuasionum. Tum quod Memoria Interior sit similiter organicum, sed purius & perfectius, formatum ex objectis visus interioris, quæ objecta in certas series ordine incomprehensibili disposita sunt.*

2488. *Autumavi, antequam per vivas experientias instructus fui, ego sicut alii, quod nusquam aliquis Spiritus posset scire, quæ in memoria mea, & quæ in cogitatione, sed quod illa solum penes me essent, & abscondita; sed asserere possum, quod Spiritus, qui apud hominem, minima ejus memoriæ & cogitationum sciant & animadvertant, & hoc multo clarius quam ipse homo; & quod Angeli ipsos fines, quomodo se flectunt a bono in malum, & a malo in bonum, & multo plura quam homo novit, prout illa quæ immergit jucundis, & sic quasi natura & indoli, quod cum sit, non amplius apparent, quia supra ea non amplius reflectit. Ne itaque credat homo amplius, quod cogitationes ejus sint occultæ, & quod non cogitationum rationem redditurus; & factorum quantum & quale cogitationum in illis fuerunt; facta enim a cogitationibus habent suum quale, & cogitationes a finibus.*

2489. *Quæ sunt Memoriæ Interioris, se manifestant in altera vita per sphæram quandam, ex qua ad distantiam cognoscuntur Spiritus, quales sunt, qua nempe affectione, & qua persuasionem; illa sphæra existit ex activitate rerum in Memoria interiore; de Sphæris istis videatur n: 1048. 1053. 1316. 1504, seq:*

2490. *Cum Memoria Interiore ita se habet, quod non solum in illa retineantur omnia & singula, quæ usquam homo ab infantia vidit & audivit, ac quæ cogitavit, loquutus est, & egit, sed etiam illa quæ in altera vita videt & audit, ac quæ cogitat, loquitur, & agit; sed sit cum differentia; qui in persuasionem falsi & cupiditate mali sunt, bauriunt & retinent omnia quæ illis conveniunt, intrant enim sicut aquæ in spongas, cætera quidem etiam alluunt, sed retinentur tam leviter, ut vix sciant quod aliquid: at qui in fide veri & affectione boni sunt, retinent omnia quæ vera & bona sunt, & inde continue perficiuntur; inde est, quod instrui possint, & instruuntur in altera vita.*

No. IV.

L

2491.

2491. Sunt Spiritus, de quorum natali solo, ex Divina Domini Misericordia, alibi dicendum, qui referunt Memoriam interiorem, hi per cohortes circumvagantur, & modis mirificis eliciunt, quicquid alii sciunt, & quicquid audiunt, cum suis communicant.

2492. Quales sunt Memoriae, quandoque in altera vita sistitur videndum, in formis ibi solum apparentibus, (ad visum ibi plura sistuntur, quæ aliouin apud homines solum cadunt in ideas :) Memoria exterior sistitur ita ad apparentiam instar Calli, Interior instar Substantiæ medullose qualis in Cerebro humano; inde quoque scire datur, quales sunt. Qui in vita corporis soli memoriæ studuerunt, & sic rationale suum non excoluerunt, callositas eorum apparet dura, ac intus friata. Qui impleverunt memoriam falsitatibus, apparet capillacea & hirsuta, & hoc ex congerie inordinata rerum. Qui memoriæ studuerunt amoris sui & mundi causa, apparet conglutinata & indurata. Qui per scientifica, imprimis per philosophica, in arcana Divina penetrare voluerunt, nec prius credere quam cum per illa persuaderentur, apud eos apparet ille tenebrosa, quæ talis naturæ est, ut radios lucis absorbeat, & in tenebras vertat. Qui dolosi, & hypocritæ fuerunt, apud eos apparet illa sicut ossæ & ebena, quæ reflectit radios lucis. Qui autem in bono amoris & vero fidei fuerunt, apud eos talis callus non apparet, quia Memoria eorum interior lucis radios transmittit in Exteriorem, in cuius objectis seu ideis, sicut in sua basi aut sicut in sua humo, radii terminantur, & ibi delitiosa receptacula inveniunt; nam Memoria exterior est ultimum ordinis, in quo spiritualia & cœlestia molliter terminantur & resident, quando ibi bona & vera.

2493. Loquutus cum Angelis de Memoria præteritorum, & inde anxietate futurorum, & instructus sum, quod quo interiores & perfectiores Angeli sunt, eo minus præterita curent, & de futuris cogitent, & quod inde etiam felicitas eorum; dicendo, quod Dominus iis quovis momento det quid cogitent, & hoc cum beato & felici, & quod sic absque curis & sollicitis sint, tum quod hoc in sensu interno intellectum sit, per quod Mannam Quotidie acceperint e cælo; & per Quotidianum panis in Oratione Domini; tum quod non solliciti erunt quid edant & bibant, & quibus vestiuntur: at tametsi præterita non curant; & de futuris non solliciti sunt, quod usque perfectissimam reminiscantiam præteritorum, & intuitionem futurorum, habeant, quia in omni eorum præsentī, inest tam præteritum quam futurum; ita

ita habent Memoriam perfectiorem, quam usquam cogitari & exprimi potest.

2494. *Homines cum vivunt in mundo, qui in amore in Dominum, & in charitate erga proximum sunt, apud se, & in se, habent intelligentiam & sapientiam angelicam, sed reconditam in intimis eorum memoriæ interioris; quæ intelligentia & sapientia eis nusquam apparere potest, priusquam corporea exuunt, tunc memoria particularium, de qua dictum, sopitur, & evigilantur in Memoriam interiorem, & successive dein in ipsam Angelicam.*

F I N I S.

Errata in Parte Secunda, N. I.

~~P~~ RÆF. pag. 4, lin. 24. *aliis, lege, illis.* pag. 5, lin. 9. *unaquavis, lege, unaquavis.* p. 6, l. 7. *aliquod, absque comati.* p. 6, l. 29. *significant, lege, significat.* p. 9, l. 32. *rationalis, absque comati.* p. 10, l. 13. *significatur quod adhuc non.* p. 11, l. 26. *vita instituta, lege, vitæ instituta.* p. 14, l. 34. *vero intellectuale, lege, vero intellectu.* p. 15, l. 42. *nequid, lege, nequit.* p. 18, l. 10. *vilipendet, lege, vilipendebat.* p. 20, l. 14. *ut cogitant, lege, ut cogitent.* ibid. l. 38. *capiunt, lege, capiant.* p. 21, l. 8. *inprimum, lege, in primum.* p. 23, l. 36. *Angelos, lege, Angelus.* p. 25, l. 21. *pereant, lege, pereunt.* p. 27, l. 10, 11. *interni, lege, inferni.* p. 28, l. 1. *proprium, lege, proprium.* ib. l. 8. *liberis, lege, liberi.* ib. l. 27. *libra, lege, libero.* ib. l. 32. *jucundus, lege, jucundis.* p. 30, l. 9. *& semen, lege, est semen.* ib. l. 13. *magnum, lege, magnam.* ib. l. 16. *hoc minimo, lege, ex minimo.* ib. l. 26. *Jebova, lege, Jebovæ.* ib. l. 31. *rationale, lege, rationali.* p. 31, l. 7. *& sensualibus, lege, ex sensualibus.* p. 32, l. 39. *atymum, lege, azymum.* p. 40, l. 11. *spiritus, lege, spiritus habet.*

correcti

SW138
Hy 570

Arcana Cœlestia,
QUÆ IN
SCRIPTURA SACRA,
SEU
VERBO DOMINI

SUNT, DETECTA:

Hic quæ in

G E N E S I

Capite Vigesimo:

Una cum Mirabilibus,

Quæ visa & audita sunt

In Mundo Spirituum, & Cœlo Angelorum ;

Hic ad finem, quæ de

Gentium & Populorum, qui extra Ecclesiam nati sunt,
flatu & forte in altera vita.

V.

MDCCL.



P A R S S E C U N D A
L I B R I G E N E S E O S.
C A P U T V I G E S I M U M.

2495. **Q**UOD in Verbo Sensus Internus sit, qui non apparet in litera, prius multis in locis dictum & ostensum est, & qualis est, patet ex illis quæ a Primo Capite Geneseos huc usque explicata sunt: verumtamen, quia pauci illi hodie, qui credunt Verbo, usque non sciunt, quod talis sensus sit, licet adhuc idem confirmare: Dominus Consummationem sæculi, hoc est, ultimum tempus Ecclesiæ, ita describit, “ *Statim post afflictionem dierum istorum Sol obscurabitur, & Luna non dabit lumen suum, & Stellæ cadent de cælo, & virtutes cælorum commovebuntur,*” Matth: xxiv: 29. Marc: xiii: 24; quod Sol hic non significet Solem, non Luna Lunam, nec Stellæ stellas, sed quod Sol amorem in Dominum, & charitatem erga proximum, Luna amoris & charitatis fidem, & Stellæ cognitiones boni & veri, ostensum est, n: 31. 32. 1053. 1521. 1529. 1530. 1531. 2120. 2441; ita per illa Domini verba significatur, quod in consummatione sæculi, seu in ultimo tempore, nullus amplius amor, & nulla charitas, proinde nulla fides, erit: quod ille sensus sit, patet a similibus Domini verbis apud Prophetas, ut apud Esaïam, “ Ecce dies Jehovæ venit, “ ad ponendum terram in solitudinem, & peccatores ejus perdet ex

“ ea ; nam *Stellæ cælorum*, & *Sidera eorum* non lucebunt luce sua ;
 “ *obtenebrabitur Sol* in ortu suo, & *Luna non splendēre faciet lucem*,”
 XIII : 9. 10 ; ubi etiam de ultimo tempore Ecclesiæ, seu quod idem,
 de Consummatione sæculi, agitur : apud Joëlem, “ Dies tenebrarum
 “ & caliginis, dies nubis & obscuritatis, coram Ipso commota est
 “ terra ; contremuerunt cæli, *Sol & Luna*, atrati sunt, & *Stellæ* col-
 “ legerunt splendorem suum,” II : 2. 10, similiter : alibi apud Eun-
 dem, “ *Sol* vertetur in tenebras, & *Luna* in sanguinem, antequam
 “ venit dies Jehovah magnus & terribilis,” III : 4 : adhuc apud Eun-
 dem, “ Propinquas dies Jehovah, *Sol & Luna* atrati sunt ; & *Stellæ*
 “ retraxerunt splendorem,” IV : 14. 15 : apud Ezechielem, “ Obte-
 “ gam, cum existinero te, cælos, & atrabo *Stellas* eorum, *Solem* nu-
 “ be obtegā, & *Luna non lucere faciet lumen suum*, omnia *Lumi-*
 “ *naria lucis* in cælis atrabo, & dabo tenebras super terra tua,”
 XXXII : 7. 8. Pariter apud Johannem, “ Vidi, cum aperuit sigillum
 “ sextum, cum cecce terræ motus magnus factus, & *Sol* factus niger
 “ sicut saccus pilosus, & *Luna* tota facta sicut sanguis, & *Stellæ ceci-*
 “ *derunt in terram*,” Apoc : VI : 12. 13 : apud Eundem, “ Quartus
 “ Angelus clauxit, ita ut percussa sit tertia pars *Solis*, & tertia pars
 “ *Lunæ*, & tertia pars *Stellarum*, & obtenebraretur tertia pars eorum,”
 Apoc : VIII : 12 ; ex his locis constare potest, quod Domini verba
 apud Evangelistas, simile involvant ac Domini verba apud Prophetas,
 quod nempe ultimis temporibus nulla charitas, seu fides erit ; & quod
 ille sit sensus internus ; ut quoque patet adhuc apud Esaiam, “ Eru-
 “ bescet *Luna*, & pudesiet *Sol*, quia regnabit Jehovah Zebaoth in
 “ monte Sionis, & in Hierosolyma,” XXIV : 23 ; hoc est, quod eru-
 bescet fides, quæ est luna, & pudesiet Charitas, quæ est sol, quia
 talis ; de luna & sole non dici potest quod erubescant & pudesiant :
 & apud Danielelem, “ Hircus cornu crevit versus meridiem, & versus
 “ ortum, & crevit usque ad *Exercitum cælorum*, & dejecit in terram
 “ de Exercitu, & de *Stellis*, & conculcavit eas,” VII : 9, 10, ubi
 quod Exercitus cælorum non significet Exercitum, nec stellæ stellas,
 cuius patet,



CAPUT XX.

1. **E**T profectus est inde Abraham versus terram meridiei, & habitavit inter Kadeth & inter Schur, & peregrinatus est in Gerar.

2. Et dixit Abraham ad Sarah uxorem suam, Soror mea hæc; & misit Abimelech rex Geraris, & accepit Saram.

3. Et venit DEUS ad Abimelech in somnio noctu, & dixit ei, ecce tu morieris propter mulierem, quam accepisti, & illa maritata marito.

4. Et Abimelech non appropinquaverat ad illam, & dixit, DOMINE, num gentem etiam justam occides.

5. Nonne ille dixit mihi, soror mea hæc, & ipsa etiam illa dixit, frater meus ille; in rectitudine cordis mei, & in immunitate manuum mearum, feci hoc.

6. Et dixit ad eum DEUS in somnio, etiam Ego novi, quod in rectitudine cordis tui feceris hoc, & prohibui etiam Ego te a peccando Mihi, propterea non dedi tibi ad attingendum ad illam.

7. Et nunc reduc uxorem viri, quia propheta ille, & orabit pro te, & vives; & si non tu reducas, scito, quod moriendo moriaris tu, & omnis qui tibi.

8. Et mane surrexit Abimelech in matutino, & vocavit omnes servos suos, & loquutus est omnia verba illa in auribus eorum, & timerunt viri valde.

9. Et vocavit Abimelech Abrahamum, & dixit illi, quid fecisti nobis, & quid peccavi tibi, quod adduxisti super me, & super regnum meum, peccatum grande; facta, quæ non fiunt, fecisti mecum.

10. Et dixit Abimelech ad Abrahamum, quid vidisti quod feceris verbum hoc.

11. Et dixit Abraham, quia dixi, veruntamen nullus timor DEI in loco hoc, & occident me propter verbum uxoris meæ.

12. Et etiam vere soror mea, filia patris mei illa, veruntamen non filia matris meæ, & facta mihi in uxorem.

13. Et factum, quando fecerunt discedere me Deus e domo patris mei, & dixi illi, hæc bonitas tua, quam facias mecum, ad omnem locum quo venerimus, dic mihi, frater meus ille.

14. Et accepit Abimelech gregem & armentum, & servos & ancillas, & dedit Abrahamo, & restituit illi Saram uxorem ejus.

15. Et dixit Abimelech, ecce terra mea coram te, in bono in oculis tuis habita.

16. Et Saræ dixit, ecce dedi mille argenti fratri tuo, ecce illud tibi velamen oculorum omnibus qui tecum, & cum omnibus, & vindicata.

17. Et oravit Abraham ad DEUM, & sanavit DEUS Abimelechum, & uxorem ejus, & ancillas ejus, & pepererunt.

18. Quia claudendo clausit JEHOVAH propterea omnem uterum domus Abimelechi, propter verbum Saræ, uxoris Abrahami.

C O N T E N T A.

2496. **I**N Capite Duodecimo supra, actum est de Peregrinatione Abrahami in Ægypto, per quam significata fuit instructio Domini in scientificis, quando adhuc puer: hic nunc agitur de Peregrinatione Abrahami in Gerar, ubi Abimelech, per quam significatur similiter instructio Domini, verum in doctrinalibus charitatis & fidei. Agitur hic imprimis de Doctrina Charitatis & Fidei, ex qua origine, quod nempe sit Spiritualis ex origine cœlesti, non autem ex rationali.

2497. Agitur de statu Domini, in quo fuit, cum se primum instrueret in doctrinalibus charitatis & fidei; ipse status significatur per Kadesch & Schur; Doctrina fidei per Abimelechum regem Geraris, Verf: 1. 2. Quod primum cogitaverit de rationali, quod consulere-tur, Verf: 2. Quod usque non consultum fuerit, Verf: 3. 4. 8. 9. Causæ, quod sic cogitaverit, Verf: 5. 6. 10. 11. 12. 13. Quod Doctrina charitatis & fidei sit spiritualis ex origine cœlesti, Verf: 7. Quod sic instructus; & inserverint Ipsi tunc omnia rationalia, ut & scientifica, instar velaminis seu amictus, Verf: 14. 15. 16. Et sic Doctrina perfecta, Verf: 17. Quod secus factum, si ex rationali, Verf: 18.

S E N-

CAPUT VIGESIMUM.



SENSUS INTERNUS.

2498. **Q**UOD hæc Historica, sicut omnia reliqua quæ sunt Verbi, arcana Divina involvant, constare potest ex eo, quod Abraham nunc iterum dixerit Uxorem suam esse Sororem, nam simile factum fuit, cum venit in Ægyptum, dixit enim tunc ad Saram, "*Dic quæso Soror mea tu,*" Gen: xii: 13: nec solum Abraham, sed etiam Isaac cum venit Gerarem, dixit etiam ille, quod Rebecca uxor ejus esset soror, "*Quæsierunt viri loci de uxore ejus, & dixit Soror mea est,*" Gen: xxvi: 6. 7: in quibus Capitibus etiam plura similia occurrunt; sic ut ter talia Historica relata sint; quod absque arcana causa in sensu interno, nusquam factum fuisset.

2499. Verf: 1. *Et profectus est inde Abraham versus terram meridiei, & habitavit inter Kadesch & inter Schur, & peregrinatus est in Gerar.* Profectus est inde Abraham versus terram meridiei, significat progressionem Domini in bonis & veris fidei; Abraham, est Dominus in illo statu: & habitavit inter Kadesch & inter Schur, significat statum Ipsius in specie; Kadesch est affectio veri interioris procedentis a rationalibus; Schur est affectio veri exterioris procedentis a scientificis: & peregrinatus est in Gerar, significat instructionem inde in spiritualibus fidei.

2500. Profectus est inde Abraham versus terram meridiei, quod significet progressionem Domini in bonis & veris fidei, constat a significatione Proficisci, quod sit progredi, de qua n: 1457; & a significatione terræ meridiei, quod sit bonum & verum fidei, de qua n: 1458. Prius in Capite Duodecimo dictum est de Abrahamo, quod profectus eundo & proficiscendo versus meridiem, cum in Ægyptum, ibi Verf: 9. 10, quibus significatum in sensu interno, quod Dominus, cum puer, progressus in bona & vera quoad scientiam cognitionum, n: 1456. 1459; hic nunc quod profectus versus terram meridiei, quibus significatur ulterior & interior progressio, quæ est in bona & vera quoad doctrinam fidei, quare hic dicitur terra meridiei, quia terra in suo proprio sensu significat Ecclesiam, pro qua doctrina, n: 566. 662. 1067. 2117. 2118. Quod instructionem Domini in genere attinet, qualis fuerit, ex hoc Capite, in sensu interno, elucet, nempe quod fuerit per continuas revelationes, & sic per Divinas perceptiones & cogitationes ab Ipso, hoc est, a Divino Ipso, quas implantavit Divinæ intelligentiæ & sapientiæ, & hoc usque ad perfectam unionem Ipsius Humani cum Ipso Divino; hæc via sapiendi nusquam habilis est apud aliquem hominem, nam influxit ab Ipso Divino, quod erat intimum Ipsius, quia Patris, a quo conceptus: ita ab ipso Divino Amore, qui Soli Domino fuit, qui fuit quod universum Genus humanum salvare vellet: est arcanum, quod vix adhuc alicui notum est, quod.

quod in ipso amore insit sapientia & intelligentia, sed qualis amor talis est ; quod in amore insit sapientia & intelligentia, inde est, quia omnis influxus fit in amorem, seu quod idem, in bonum, ita in ipsam vitam hominis ; inde est sapientia & intelligentia Angelorum, quæ ineffabilis ; inde etiam sapientia & intelligentia hominum, qui in amore in Dominum, & charitate erga proximum ; hi tamen eam apud se non apperipiunt, dum vivunt in corpore, usque in illam post obitum veniunt, ex causa, quia illa in ipso amore, & in ipsa charitate, inest, videatur n : 2494. Quod autem Amorem Domini attinet, ille fuit infinite supra amorem, in quo sunt Angeli, fuit enim ipse Divinus, quare in se habuit supereminens omnis sapientiæ & intelligentiæ, in quod tamen, quia natus homo, & progressurus sicut homo secundum ordinem Divinum, successive se induxit, ut Humanum suum ita uniret Divino, & faceret Divinum, & hoc propria potentia.

2501. Quod Abraham sit Dominus in illo statu, constat ex representatione Abrahami, quod sit Dominus, hic Dominus in illo statu, ut quoque prius, n : 1893. 1965. 1989. 2111. 2172. 2198.

2502. Et habitavit inter Kadesch & inter Schur, quod significet statum Ipsius in specie, constat a significatione habitare, quod sit vivere, de qua n : 1293 ; quod præcedit, hoc etiam indicat, nempe quod profectus inde Abraham versus terram meridiei, quo significatur progressio Domini in bona & vera fidei, & nunc dicitur, quod habitaverit inter Kadesch & inter Schur, per quod non aliud significari sequitur, quam status Domini in specie, qui describitur per Kadesch & Schur, de quibus nunc.

2503. Quod Kadesch sit affectio veri interioris procedentis & rationalibus, & Schur affectio veri exterioris procedentis a scientificis, constare potest a significatione Kadesch & Schur, quod Kadesch significet verum de quo contenditur, n : 1678 ostensum est, ita contentionem de vero, ex qua origine, num ex rationali, ut patet a sequentibus ; sed quia apud Dominum omne verum fuit ex origine celesti, hinc Kadesch significat affectionem veri. Sunt apud unumquemvis hominem Ecclesiæ, vera rationalia, & vera scientifica ; vera rationalia sunt interiora, vera autem scientifica sunt exteriora ; hæc inter se distincta sunt, prorsus sicut binæ memoriæ hominis, de quibus n : 2469. ad 2473 seq : inde sequitur, quod affectiones veri etiam sint binæ, una interior quæ est rationalium, altera exterior quæ est scientificorum ; affectio veri interioris procedentis a rationalibus hic significatur per Kadesch ; at affectio veri exterioris procedentis a scientificis per Schur ; quod Schur illud verum significet, videatur n : 1928. Quod Nomina in Verbo nusquam aliud significant quam res, prius n : 1224. 1264. 1876. 1888, & multis alibi, demonstratum est.

2504. Peregrinatus est in Gerar, quod significet instructionem inde in spiritualibus fidei, constat a significatione Peregrinari, quod sit instrui, de qua n : 1463. 2025 ; & a significatione Geraris, quod sit spirituale fidei : Gerar nominatur aliquibus in locis in Genesi, ut Cap : x : 19. Cap : xxvi :

1. 6. 17. 20. 26, ac in illis significat fidem, & hoc ex causa, quia Gerar erat in Philistæa, & per Philistæam significatur scientia cognitionum fidei, videatur n: 1197. 1198; & Gerar erat, ubi ipse Rex Philistæorum habitabat, inde est quod per Gerarem significetur ipsa fides, n: 1209; perque Regem Geraris ipsum verum fidei, nam Rex in sensu interno est Verum, n: 1672. 2015. 2069; ita per Abimelech, Doctrina fidei, de quo in sequentibus. Sunt in genere intellectualia fidei, sunt Rationalia fidei, & sunt Scientifica fidei; ordine sibi ita ab interioribus ad exteriora procedunt; quæ fidei intima sunt, vocantur Intellectualia; quæ ex illis aut inde procedunt, sunt fidei Rationalia; quæ ex his iterum, sunt fidei Scientifica; se habent illa, ut cum Eruditis loquendum, sicut prius ad posterius, aut quod idem, sicut superius ad inferius, hoc est, sicut interius ad exterius: apparet quidem homini, sicut scientificum fidei sit primum, & ex illo dein existat rationale, & demum intellectuale, & hoc ex causa, quia homo ita a pueritia procedit, sed usque intellectuale continue influit in rationale, & hoc in scientificum, quod homo nescit; sed in pueritia obscure, in adultiore ætate evidentius, & tandem cum regeneratus est homo luculenter, apud hunc apparet quod talis ordo sit, & adhuc plenius in altera vita; videatur n: 1495: hæc omnia vocantur Spiritualia, quæ distinguuntur ita in gradus, & ordine tali succedunt; Spiritualia fidei sunt omnia vera, quæ ex bono, hoc est, ex origine cœlesti; quicquid est ex cœlesti derivatum, est spirituale fidei.

2505. Verf: 2. *Et dixit Abraham ad Sarah uxorem suam, soror mea hæc; & misit Abimelech rex Geraris, & accepit Saram.* Dixit Abraham, significat cogitationem Domini: ad Sarah uxorem, significat verum spirituale conjunctum cœlesti: soror mea hæc, significat verum rationale: & misit Abimelech rex Geraris, significat doctrinam fidei; Abimelech est doctrina fidei spectans rationalia: & accepit Saram, significat affectionem consulendi rationale.

2506. Dixit Abraham, quod significet cogitationem, constat ex significatione dicere in historicis, quod sit percipere, tum quoque cogitare, de qua, n: 1898. 1919. 2061. 2080. 2238. 2260. 2271. 2187.

2507. Ad Sarah uxorem, quod significet verum spirituale conjunctum cœlesti, constat a significatione Saræ uxoris, quod sit Verum intellectuale conjunctum Divino Bono, seu quod idem, Verum spirituale conjunctum cœlesti, de qua n: 1468. 1901. 2063. 2065. 2172. 2173. 2198. Quid Spirituale, & quid Cœleste, prius sæpius dictum est, videatur n: 1155. 1577. 1824. 2046. 2088; illud Cœleste vocatur, quod est boni, hoc est, quod est amoris in Dominum, & charitatis erga proximum; & Spirituale, quod est Veri, hoc est, quod est fidei inde.

2508. Soror mea hæc, quod significet verum rationale, constat ex significatione Sororis, quod sit verum intellectuale rationale, de qua n: 1495. Quod Verum rationale sit Soror, non aliunde constare potest, quam ex Conjugio cœlesti; quæ enim inde descendunt, proximitates inter se habent, sicut consanguinitates & affinitates in terra, de quibus videatur n: 685. 917, & hoc cum varietate indefinita: ipsum Conjugium cœleste est solum inter Divinum

No. V.

B

Bo.

Bonum & Divinum Verum; inde apud hominem concipitur intellectuale, rationale, & scientificum, nam absque conceptione ex Conjugio cœlesti nusquam homo potest intellectu, nec ratione, nec scientia imbuti, proinde non potest esse homo; quantum itaque ex Conjugio cœlesti ducit, tantum est homo: in Ipso Domino est Conjugium Cœleste, ita ut Dominus sit ipsum illud Conjugium, est enim Ille ipsum Divinum Bonum & simul Divinum Verum; Angeli & Homines in Conjugio cœlesti sunt, quantum in amore in Dominum, & in Charitate erga proximum, & quantum inde in fide, hoc est, quantum in Bono Domini ac inde in vero, & tunc dicuntur filiae & filii, ac inter se sorores & fratres, sed hoc cum differentia. Quod Verum rationale dicatur soror, est causa quia concipitur ab influxu Divini Boni in affectionem verorum rationalium, bonum quod inde in rationali vocatur frater, & verum quod inde, soror; sed hoc melius constabit ex illis, quæ in Vers: 12 hujus Capitis ab Abrahamo dicuntur, “ Et etiam vere soror mea, filia patris mei illa, veruntamen non filia matris meæ, & facta mihi “ in uxorem.”

2509. Et misit Abimelech rex Geraris, quod significet doctrinam fidei, constat ex illis, quæ supra n: 2504, dicta sunt, nempe quod per Philistæam significetur scientia cognitionum fidei, n: 1197. 1198; per Gerarem, quæ erat in Philistæa, Fides, n: 1209. 2504; per regem, ipsum verum fidei, n: 1672. 2015. 2069, inde per Abimelechum significatur doctrina fidei, sed doctrina fidei spectans rationalia, ut patebit ab illis quæ nunc sequuntur.

2510. Quod Abimelech, sit doctrina fidei spectans rationalia, constare potest ex eo, quod spectaverit ad Saram, non ut Abrahami uxorem, sed ut sororem, & per Saram ut sororem significatur verum rationale, n: 2508; idem quoque a sequentibus patet, nam agitur ibi de doctrina fidei, num originem trahat a rationali, vel num ex cœlesti; inde Abimelech significat doctrinam fidei spectantem rationalia. Doctrina dicitur spectare rationalia, cum nihil aliud verum doctrinæ agnoscitur, quam quod ratione capi potest, sic ut intuitio omnium, quæ sunt doctrinæ, sit ex rationali; at quod doctrina fidei non sit ex rationali, sed ex origine cœlesti, in sequentibus, in sensu interno, docetur.

2511. Et accepit Saram, significat affectionem consulendi rationale, constat ex significatione Saræ ut sororis, quod sit verum rationale, de qua n: 2508, tum ex accipere illam, quod sit affectionis erga illam, ita in sensu interno, affectionis consulendi rationale. Quæ in hoc Versu continentur, involvunt primam cogitationem Domini de Doctrina fidei, num conducirer consulere rationale, vel non; quod prima talis cogitatio esset, causa est, quia Dominus secundum omnem ordinem Divinum progressus est, & quicquid fuit humanum, in quod natus, & quod traxit a matre, hoc exuere debuit, ut indueret Divinum; ita etiam hoc humanum, num in doctrinalibus fidei consuleretur rationale.

2512. Vers: 3. *Et venit Deus ad Abimelech in somnio noctu, & dixit ei, ecce tu morieris propter mulierem, quam accepisti, & illa maritata marito. Venit Deus*

Deus ad Abimelech, significat perceptionem Domini de doctrina fidei: in somnio noctu, significat obscuram: & dixit ei, significat inde cogitationem: ecce tu morieris propter mulierem, significat quod doctrina fidei nulla foret, si quoad illa quæ ibi, confunderetur rationale: & illa maritata marito, significat quod doctrina veræ fidei sit, & quæ ibi, conjuncta cœlesti.

2513. Venit Deus ad Abimelech, quod significet perceptionem Domini de doctrina fidei, constat a significatione venire Deus, & a significatione Abimelechi; quod venire Deus, significet percipere, patet, nam perceptio non aliud est quam adventus seu influxus Divinus in facultatem intellectuales: quod Abimelech significet doctrinam fidei, supra n: 2504. 2509. 2510, ostensum.

2514. In somnio noctu, quod significet obscuram, nempe perceptionem, constare potest a significatione somni, & simul noctis; somnium, cum agitur de perceptione, significat obscurum quid respective ad vigiliam, & magis cum dicitur somnium noctu: quod obscura dicatur perceptio prima Domini, causa est, quia in humano quod exueret, & cujus umbras discuteret; perceptivum Domini, tamen ex Divino, usque fuit in humano, quod tale est, ut ipsam lucem non statim recipiat, sed successive sicut discutiuntur umbræ, quæ ibi; quod se redegerit in minus obscurum quoad doctrinam fidei, significatur per quod iterum venerit Deus ad Abimelechum in somnio, ubi non memoratur nox, Vers: 6; & quod dein in claram perceptionem, significatur per quod mane surrexit Abimelech in matutino, Vers: 8.

2515. Et dixit ei, quod significet inde cogitationem, nempe ex perceptione, constat a significatione dicere, quod sit percipere, tum cogitare, de qua supra n: 2506. Quia hic dicitur, quod cogitatio fuerit inde, paucis licet dicere, quomodo se habet cum cogitatione: sunt cogitationes ex perceptione, cogitationes ex conscientia, & cogitationes ex nulla conscientia; *Cogitationes ex perceptione* dantur solum apud cœlestes, hoc est, apud illos qui in amore in Dominum sunt, estque intima quæ datur apud hominem, & est apud Angelos cœlestes in cœlo; perceptio ex Domino est, per quam, & ex qua eorum cogitatio; contra perceptionem cogitare est impossibile *Cogitationes ex conscientia* sunt inferiores, & dantur apud spirituales, hoc est, apud eos qui in bono charitatis & fidei sunt quoad vitam & quoad doctrinam; contra conscientiam cogitare iis quoque est impossibile, nam hoc foret contra bonum & verum, quod iis a Domino dictatur per conscientiam. *Cogitationes autem ex nulla conscientia* sunt apud illos, qui se intus non regi patiuntur a bono & vero, sed a malo & falso, hoc est, non a Domino, sed a semet: hi credunt, quod cogitent tantum intra se, quantum ii qui ex conscientia & perceptione, ex causa quia non sciunt quid conscientia, minus perceptio, sed tanta est differentia, quanta inter infernum & cœlum; qui absque conscientia cogitant, ex quibusvis cupiditatibus & phantasiis cogitant, ita ab inferno; dum vero aliter, est ex decoro externo propter famam; qui vero a conscientia cogitant, ex affectionibus boni & veri cogitant, ita a cœlo. Quod

autem Domini cogitationem attingit, ea transcendit omnem intellectum humanum, fuit enim immediate ex Divino.

2516. Quod ecce tu morieris propter mulierem, significet quod doctrina fidei nulla foret, si quoad illa quæ ibi, consuleretur rationale, constat ex significatione Abimelechi, qui hic est tu, quod sit doctrina fidei; ex significatione mori, quod sit nullum fieri; & a significatione fororis, quæ hic vocatur mulier, quod sit rationale, de qua n: 2508; exhinc nunc, quod Abimelech moreretur propter mulierem, significatur quod doctrina fidei nulla fieret, si consuleretur rationale. Quod nulla doctrina fidei ex rationali, causa est, quia rationale est in apparentiis boni & veri, quæ apparentiæ non sunt vera in se, ut ostensum prius n: 2053. 2196. 2203. 2309; præterea rationale sub se habet fallacias, quæ sunt ex sensualibus externis confirmatis per scientifica, quæ umbram inducunt istis veri apparentiis; est rationale quoad maximam partem mere humanum, ut quoque ex ejus nativitate constare potest; inde nunc est, quod ex illo nullum doctrinale fidei auspiciari, minus condi possit; sed erit ex Ipso Divino & Divino Humano Domini, inde ejus origo, & quidem in tantum, ut Dominus sit ipsa Doctrina, quare etiam in Verbo nominatur Verbum, Veritas, Lux, Via, Janua; & quod arcanum, omne Doctrinale est ex Divino Bono & Divino Vero, & habet in se Conjugium cœleste; doctrinale quod id in se non habet, non est doctrinale genuinum fidei; unde est, quod in singulis Verbi, unde doctrina, sit instar conjugii, videatur n: 683. 793. 801. Apparet quidem Doctrina fidei, in sensu literali seu externo Verbi, quod ex rationali multa habeat, imo ex naturali, sed hoc est ex causa, quia Verbum est pro homine, cui sic accommodatum est, sed usque in se est spirituale ex origine cœlesti, hoc est, ex Divino Vero conjuncto Divino Bono. Quod doctrina nulla fieret, si quoad illa quæ ibi, consuleretur rationale, ab exemplis illustrabitur in sequentibus.

2517. Quod illa maritata marito, significet quod Doctrina veræ fidei spiritualis sit, & quæ ibi, conjuncta cœlesti, constat a significatione maritari marito, maritus cum nominatur in Verbo, significat bonum, & tunc uxor verum, secus dum maritus vocatur vir, tunc vir significat verum, & uxor bonum, videatur n: 915, & alibi; hic ideo maritata marito significat quod verum sit conjunctum bono, ita, ut quoque Verum sit Bonum; constat etiam ex significatione Saræ uxoris, quod sit Verum spirituale, & Abrahami, quod sit Bonum cœleste, utrumque Divinum, de qua n: 2501. 2507; & quia Sarah significat verum spirituale Divinum; ipsa Doctrina veræ fidei etiam per Saram uxorem intelligitur, nam Doctrina est ex veris: inde patet, quod maritata marito, sit quod Doctrina veræ fidei spiritualis sit, & quæ ibi, conjuncta cœlesti.

2518. Veri: 4. *Et Abimelech non appropinquaverat ad illam; & dixit, Domine, num gentem etiam justam occides.* Abimelech non appropinquaverat ad illam, significat quod in doctrina fidei non consultum sit verum rationale ullo

ullo modo : & dixit, Domine, num gentem etiam justam occides, significat num bonum & verum doctrinæ exstingueretur.

2519. Quod Abimelech non appropinquaverat ad illam, significet quod in doctrina fidei non consultum sit verum rationale ullo modo, constat ex significatione Abimelechi, quod sit doctrina fidei, de qua n : 2504. 2509. 2510 ; & a significatione appropinquare ad illam, nempe Saram ut sororem, quod sit attingere ; seu consulere aliquo modo verum rationale, quod est foror, n : 1495. 2508. Quod rationale non consultum sit ullo modo, causa est, quæ prius dicta, quod doctrinalia fidei sint omnia ex Divino, quod infinite supra rationale humanum est ; ex Divino accipit rationale suum bonum & suum verum ; intrare potest Divinum in rationale, non autem vicissim ; sicut anima intrare in corpus potest, & hoc formare, non autem corpus in animam ; aut sicut lux potest intrare in umbram, & hanc modificare varie in colores, non autem umbra in lucem : sed quia apparet primum, quasi rationale adeste debeat, quia hoc est ipsum illud quod recipit, hic primum cogitationis fuit, annon etiam simul consuleretur ; sed Dominus sibi Ipse revelavit & respondit, quod sic doctrina nulla fieret ; quare nec consultum fuit, quod hic significatur per quod Abimelech non appropinquaverat ad illam.

2520. Et dixit, Domine, num gentem etiam justam occides, quod significet num bonum & verum exstingueretur, constat a significatione gentis, quod sit bonum, de qua n : 1259. 1260. 1416 ; & quia prædicatur de gente Abimelechi, per quem significatur doctrina fidei, per gentem justam hic intelligitur tam bonum quam verum, utrumque enim est doctrinæ. Quod hæc dicta sint ex zelo affectionis seu amoris erga universum genus humanum, patet ; amor ille cogitationes Domini, cum adhuc in humano materno fuit, dirigebat ; & tamen percipiebat ex Divino, quod Doctrina fidei non nisi ex origine cælesti sit, usque tamen, ut consuleretur Generi humano, quod non recipit aliquid, cujus non aliquam ideam ex rationali suo habere potest, ideo dictum, num gentem etiam justam occides, quo significatur num bonum & verum doctrinæ exstingueretur ; quod homo non recipiat aliquid, cujus non aliquam ideam ex rationali suo habere potest, constare potest ab ideis, quas homo fovet de arcanis Divinis, semper iis aliqua idea ex mundanis aut analogis mundanorum adhæret, per quam retinetur in memoria, & per quam reproducitur in cogitationem, nam homo absque idea ex mundanis nihil usquam cogitare potest ; ideo si Vera nude ex Divina origine proponerentur, nusquam reciperentur, sed excederent omnem ejus captum, ita quoque fidem, maxime eorum qui in externo cultu sunt : hæc ut illustrentur, sint hæc exempla : Ipsum Divinum non potest esse nisi in Divino, ita non nisi quam in Divino Humano Domini, & per hoc apud hominem ; rationale si consuleretur, diceret quod Ipsum Divinum possit esse in humano cujusvis. Adhuc, quod non sit aliquod sanctum, quod non procedit a Domino, ita a Divino quod unum ; rationale si consuleretur, diceret quod etiam aliunde. Adhuc, quod homo non vivat ex se, non bonum

aciat

faciat ex se, non verum credat ex se, imo non cogitet ex se, sed bonum & verum ex Domino, malum autem & falsum ab inferno; & quod magis, infernum, hoc est, qui in inferno, nec cogitant a se, sed recipiunt ita bonum & verum Domini; rationale fit consuleretur, hæc rejiceret quia non caperet. Tum quod nullus remuneretur propter quod faciat bonum, & doceat verum, & quod externum nihil faciat, sed internum, quantum affectionis boni sit in facere bonum, & quantum inde affectionis veri in docere verum, & hoc quantum non ex se: ita in mille aliis. Quia rationale humanum tale est, ideo loquutum est in Verbo secundum hominis captum, etiam secundum genium; ideo est quod alius sit sensus Verbi internus, quam est ejus literalis; quod satis constare potest a Verbo Veteris Testamenti, ubi pleraque dicta sunt secundum captum & genium populi, qui tunc vivebat; idcirco tam pauca, ut vix aliqua, de vita post mortem, de salute æterna, deque interno homine; talis enim erat populus Judaicus & Israeliticus, apud quem tunc Ecclesia, ut si illa detegerentur, non solum non intelligerent, sed etiam subsannarent; similiter si iis detectum fuisset, quod Messias seu Christum venturus ad salvandum animas eorum in æternum, hoc quoque ut nullum rejecissent, sicut etiam ab eadem gente constare potest hodie, coram qua si adhuc nominatur internum, aut spirituale, ac Messias quod non Rex erit maximus in terra, irridetur; hæc causa fuit, quod Dominus similiter ac Prophetæ passim loquutus sit, & cætera per parabolas, ut Ipse dicit apud Matthæum, “Jesús dixit, per parabolas loquor illis, quia videntes non vident, & audientes non audiunt, nec intelligunt,” xiii: 13; videntes & audientes sunt ii qui intra Ecclesiam, qui tamen vident & audiunt, usque non intelligunt: & apud Johannem, “Occæcavit eorum oculos, & obturavit eorum cor, ut non videant oculis suis, & intelligant corde, & convertant se, & sanem illos,” xii: 40; quod se converterent & sanarentur, involvit, quod usque dein rejicerent, & sic prophaniarent, quod secum habet damnationem æternam, videatur n: 301. 302. 303. 582. 1008. 1010. 1059. 1327. 1328. 2051. 2426: sed usque Dominus interiora Verbi multis in locis detexit, at solum pro sapientibus.

2521. Verſ: 5. *Nonne ille dixit mihi, soror mea hæc; & ipsa etiam illa dixit, frater meus ille; in reſtitutione cordis mei, & in immunitate manuum mearum, feci hoc.* Nonne ille dixit mihi, significat exculpationem quod ita cogitaverit: soror mea hæc, significat quod rationale eſſet quod conſuleretur: & ipsa etiam illa dixit, frater meus ille, significat quod ipsum rationale ita dictaret, quod bonum cœleſte ſibi adjunctum foret: in reſtitutione cordis mei, significat quod ita cogitatum ex innocentia & ſimplici bono: & in immunitate manuum mearum feci hoc, significat ex affectione veri, & ſic ex omni facultate.

2522. *Nonne ille dixit mihi, quod ſignificet exculpationem quod ita cogitaverit, conſtat a ſingulis in hoc verſu, tum a ſignificatione dicere, quod ſit cogitare, de qua n: 2506.*

2523. Quod foror mea hæc, significet quod rationale esset quod consulere-
retur, nempe quod ita cogitaverit, constat ex significatione fororis in hoc
Capite, quod sit verum rationale, de qua n : 1495. 2508. In sensu interno
Verbi tota vita Domini, qualis futura in mundo, describitur, etiam quoad
perceptiones & cogitationes, prævisa enim hæc fuerunt & provisæ quia a Di-
vino, ob causam etiam, ut illa præsentia sisterentur angelis tunc, qui Ver-
bum secundum sensum internum percipiunt, & sic coram illis Dominus, &
simul quomodo exiit successive humanum & induit Divinum; nisi hæc per
Verbum, tum quoque per omnes ritus in Ecclesia Judaica, sicut præsentia
fuissent Angelis, debuisset Dominus in mundum venire statim post lapsum
Antiquissimæ Ecclesiæ, quæ homo seu Adam vocatur, propheticum enim
tunc statim fuit de adventu Domini, Gen : III : 15; & quod magis, non
salvari potuisset Genus humanum quod tunc. Quod ipsam vitam Domini
spectat, illa fuit continua progressio Humani ad Divinum, usque ad abso-
lutam unionem, ut pluries prius dictum; ut enim pugnaret cum infernis, &
vinceret illa, debuit ex Humano, nam nulla pugna cum infernis est ex
Divino, idcirco placuit Ipsi induere humanum sicut alius homo, infans esse
sicut alius, adolescere in scientias & in cognitiones, quæ repræsentata & sig-
nificata sunt per peregrinationem Abrahami in Ægypto, Cap : XII, & nunc
in Gerare, ita sicut alius homo excolere rationale, & sic umbram ejus dis-
cutere, & illud in lucem mittere, & hoc ex propria potentia: quod talis
fuerit progressio Domini ab Humano ad Divinum, nulli dubium potest esse,
si modo expendat, quod infans fuerit, & dixerit loqui sicut infans, ac sic
porro; sed illa erat differentia, quod Ipsum Divinum in Ipso fuit, qui a Je-
hovah conceptus.

2524. Quod ipsa etiam illa dixit, frater meus ille, significet quod ipsum
rationale dictaret quod bonum cœleste sibi adjunctum foret, constare potest a
significatione sororis, quæ est hic *ipsa illa*, quod sit rationale, n : 1495.
2508; & a significatione fratris, quod sit bonum veri, n : 367. 2508: ita
enim se res habet, Divinum Bonum & Divinum Verum sibi unita sunt quasi
conjugio, inde enim Conjugium Cœleste, & inde etiam usque ad inferiorem
naturam amor conjugalis; at bonum & verum rationalis non conjuncta sunt
sibi quasi conjugio, sed consanguinitate quali frater & soror; quia rationale
quoad verum concipitur ab influxu Divini Boni in affectionem scientiarum &
cognitionum, videatur n : 1895. 1902. 1910; bonum autem rationalis per
influxum Divini Boni in illud verum, quod ibi sit ipsum bonum charitatis,
quod est frater fidei, seu quod idem, veri n : 367. Sed cum bono & vero
rationalis ita comparatum est, quod Bonum ejus sit ex Bono Divino, Verum
autem non ex Vero Divino, nam Verum rationalis comparatur per scientias
& cognitiones, quæ insinuantur per sensuality externa & interna, ita per viam
externam, inde est quod veris illius adhaereant ex sensualitybus plures fallaciæ,
quæ faciunt quod vera non sint vera; sed usque dum Divinum Bonum in-
fluit in illa, & concipit illa, tunc apparent sicut vera, & agnoscuntur sicut
vera, tamen non sunt nisi quam apparentiæ veri: ipsum bonum tunc in istis
veris

veris modificatur secundum unibras ibi, & fit tale bonum, quale est verum; hoc est arcanum unum, quod in his verbis latet, quod rationale ita diceret quod Bonum coeleste sibi adjunctum foret.

2525. Quod in rectitudine cordis mei, significet quod ita cogitatum ex innocentia & simplici bono, constare potest a significatione rectitudinis, tum cordis: rectitudo in Lingua originali exprimitur per vocem, quæ significat etiam integritatem & perfectionem, tum quoque simplicitatem; cor autem significat amorem & charitatem, quæ sunt boni, ut notum est; inde est, quod ex rectitudine cordis sit ex innocentia & simplici bono.

2526. Et in immunitate manuum mearum feci hoc, quod significet ex affectione veri, & sic ex omni facultate, constat ex significatione immunitatis, tum manuum; immunitas in Lingua originali exprimitur per vocem, quæ etiam significat munditiam & puritatem; manus prædicantur de vero, & significant potentiam, ita facultatem, n: 878. Quod itaque ex rectitudine cordis & immunitate manuum feci hoc, significant quod cogitatum ex innocentia & simplici bono, & ex affectione veri, sic ex omni facultate, inde est, quia ex innocentia bonum est bonum, & ex bono verum est verum, quæ cum insunt suo ordine, tunc est omnis facultas; quod hæc involvantur illis verbis, patet, nam rectum seu integrum aut perfectum cor, quo significatur bonum, non est nisi innocentia sit in bono, ut dictum, inde fit simplex bonum; ac immunes seu mundæ aut puræ manus, quæ prædicantur de veris, non sunt nisi bonum sit in veris, ut quoque dictum, hoc est, nisi sit affectio veri; cum ex his, etiam est ex omni facultate seu potentia, quæ quoque per manus significatur, n: 878.

2527. Vers: 6. *Et dixit ad eum Deus in somnio, etiam Ego novi, quod in rectitudine cordis tui feceris hoc, & prohibui etiam Ego te a peccando Mihi, propterea non dedi tibi ad attingendum ad illam.* Dixit ad eum Deus in somnio, significat perceptionem minus obscuram: etiam Ego novi quod in rectitudine cordis tui feceris hoc, significat, hic ut prius, quod ita cogitatum ex innocentia & ex simplici bono, ita quod non in culpa: & prohibui etiam Ego te a peccando Mihi, significat quod nihil noxæ illatum: propterea non dedi tibi ad attingendum ad illam, significat quod nihil rationale consultum.

2528. Dixit ad eum Deus in somnio, quod significet perceptionem minus obscuram, constat ab illis quæ supra n: 2514, dicta & explicata sunt. Quod in hoc Capite dicatur Deus, non autem Jehovah, modo in Versu ultimo, est causa quia agitur de spiritualibus, hoc est, doctrinalibus fidei, tunc enim Deus nominatur, cum autem agitur de coelestibus, seu amore & charitate, tunc nominatur Jehovah, videatur n: 709. 732. 2001.

2529. Etiam Ego novi quod in rectitudine cordis tui feceris hoc, quod significet quod ita cogitatum ex innocentia & ex simplici bono, constat ab illis quæ supra n: 2525. 2526, dicta sunt, ubi eadem verba. Quod non etiam dicatur, ut supra, ex immunitate manuum, est ex arcana causa, quia in affectione veri, quæ per immunitatem manuum significatur, aliquid humani

mani ineffet; Verum enim Domino etiam per humanum nativitatis ejus innuatum fuit, Bonum autem a solo Divino, ut constare potest ab existentia rationalis quoad bonum & quoad verum, n: 2524.

2530. Quod prohibui etiam Ego te a peccando Mihi, significet quod nihil noxæ illatum, nempe quod in Doctrina fidei rationale non sit consultum, ut quoque mox sequitur, constare potest absque explicatione.

2531. Quod propterea non dedi tibi ad attingendum ad illam, significet quod nihil rationale sit consultum, constat a significatione dare ad attingendum, quod sit consulere, ut quoque appropinquare ad illam supra Vers: 4, n: 2519; & a significatione Saræ ut sororis, quæ hic est *illa*, quod sit rationale, de qua n: 1495. 2508. Ut ulterius sciatur, quomodo se habet cum doctrina fidei, quod illa sit spiritalis ex origine cœlesti, sciendum, quod illa sit Verum Divinum ex Bono Divino, ita in totum Divina: quod Divinum est, incomprehensibile est, quia supra omnem intellectum, etiam angelicum; sed usque hoc Divinum, quod in se incomprehensibile, per Divinum Humanum Domini, influere potest in rationale hominis, & dum influit in ejus rationale, ibi recipitur secundum vera quæ ibi, ita diversimode & aliter apud unum quam apud alterum; quantum itaque vera, quæ apud hominem, sunt magis genuina, tantum etiam perfectius recipitur Divinum quod influit, & tantum illustratur intellectuale hominis: in Verbo Domini, sunt ipsa Vera; at in sensu ejus literali sunt Vera, quæ accommodata sunt ad captum eorum qui in externo cultu sunt; at in sensu ejus interno, sunt Vera accommodata iis qui interni homines sunt, qui nempe quoad doctrinam & simul vitam sunt angelici, eorum rationale inde illustratur in tantum, ut illustratio comparetur splendori stellarum & solis, Dan: xii: 3. Matth: xiii: 43; inde patet, quanti interest, ut interiora vera sciantur & recipiantur; hæc Vera sciri quidem possunt, sed nusquam recipi, nisi ab illis qui in amore aut in fide in Dominum sunt; Dominus enim sicut est Divinum Bonum, ita est Divinum Verum, proinde est ipsa Doctrina, nam quicquid est in Doctrina veræ fidei, Dominum spectant, spectant etiam Regnum cœleste, & Ecclesiam, & quæ sunt Regni cœlestis & Ecclesiæ, sed illa sunt omnia Ipse, ac sunt fides intermediæ, per quos spectatur ultimus, hoc est, Dominus: quod Dominus sit ipsa Doctrina quoad verum & bonum, ita qui solus spectatur in doctrina, Ipse docet apud Johannem, "Jesús dixit, Ego sum Via, Veritas, & Vita," xv: 26. 27, ubi Via est doctrina, Veritas omne quod est doctrinæ, Vita ipsum bonum quod vita est veri; & quod amor aut fides in Ipsum recipiat, apud Johannem, "Proprii Ipsum non receperunt; quotquot vero receperunt, dedit illis potestatem, ut filii Dei essent, credentibus in Nomen Ipse, qui non ex sanguinibus, neque e voluntate carnis, neque e voluntate viri, sed ex Deo nati sunt," i: 11. 12. 13, a Deo nati sunt illi qui in amore & inde in fide.

2532. Vers: 7. *Et nunc reduc uxorem viri, quia propheta ille, & orabit pro te, & vires; & si non tu reducas, scito quod moriendo moriaris tu, & omnis*
Nº. V. C qui

qui tibi. Nunc reduc uxorem viri, significat quod spirituale verum doctrinæ immune redderet a rationali: quia propheta ille, significat quod sic doceretur: & orabit pro te, significat quod sic revelabitur: & vives, significat quod sic vita doctrinæ: & si non tu reducas, significat, hic ut prius, si non spirituale verum doctrinæ immune redderet a rationali: seito quod moriendo moriaris tu, significat quod nulla doctrina veri & boni: & omnis qui tibi, significat omnia, quæ ejus, una.

2533. Quod nunc reduc uxorem viri, significet quod spirituale verum doctrinæ immune redderet a rationali, constat a significatione uxoris, quod sit spirituale verum, de qua n: 2509. 2510; & a significatione viri, quod sit ipsa doctrina, Abrahamus enim, per quem Dominus in illo statu representatur, cum nominatur Vir, significat cœleste Verum, quod idem est ac Doctrina ex origine cœlesti, nam vir in sensu interno est intellectualem, videatur n: 158. 265. 749. 915. 1007. 2517; inde patet, quod reducere uxorem viri, sit spirituale verum doctrinæ immune reddere; quod sit a rationali, est quia Abimelech, qui reduceret, significat doctrinam spectantem rationalia, seu quod idem rationalia doctrinæ, n: 2510. Supra dictum, quod tamen doctrina fidei in se sit Divina, & sic supra omnem captum humanum, etiam angelicum, usque tamen in Verbo secundum captum hominis rationali modo dictata est; hoc se habet sicut parens, qui docet infantes pueros & puellas, is cum docet, exponit omnia & singula secundum genium eorum, tamen si ex interiori aut altiori cogitat, alioquin foret docere quod non discitur, aut sicut projicere semen in petram: etiam sicut Angeli, qui in altera vita instruunt simplices corde, tamen Angeli in sapientia cœlesti & spirituali sunt, usque tamen non supra captum eorum, quos docent, se elevat, sed loquuntur simpliciter cum illis, at assurgendo per gradus sicut instruuntur; si enim ex Angelica sapientia loquerentur, simplices ne hilum caperent, ita nec ducerentur ad vera & bona fidei; similiter foret, si Dominus non secundum captum hominis rationali modo in Verbo docuisset; sed usque Verbum est elevatum ad intellectum angelicum in sensu ejus interno; attamen in summa illa elevatione, in qua est coram Angelis, est infinite infra Divinum; inde patet, quale Verbum est in sua origine, ac sic in se, ac ita quod plura ubi involvat, quam universum cœlum quoad parum ejus capax sit comprehendere, tamen tam leve & tam rude apparet & litera. Quod Dominus sit Verbum, quia ab Ipso Verbum, & Ipse in Verbo, constat apud Johannem, “In principio erat Verbum, & Verbum erat apud Deum, & Deus erat Verbum; in Ipso vita erat, & vita erat lux, hominum: Verbum Caro factum est, & habitavit in nobis, & vidimus gloriam Ipsius, gloriam sicut “Unigeniti a Patre, plenus gratia & veritate,” 1: 1. 4. 14: videatur etiam Apoc: xix: 11. 13. 16: & quia Dominus est Verbum, etiam est Doctrina, nam alia Doctrina, quæ est ipsa Divina, non datur.

2534. Quod quia propheta ille, significet quod sic doceretur, constat a significatione Prophetæ; propheta in Verbo multoties legitur, & in sensu literæ significat illos quibus revelatio, tum abstracte ipsam revelationem, sed

in

in sensu interno significat docentem, tum abstracte ipsam doctrinam; & quia Dominus est, ut dictum, ipsa doctrina, seu Verbum quod docet, Ille Propheta nominatur, sicut etiam apud Moſen, “*Prophetam* e medio tui, e fra-
 “tribus, sicut me, suscitabit Jehovah Deus tuus, huic obedietis,” Deut: xviii: 15. 18; sicut me, dicitur, quia Dominus per Moſen, æque ac per Abrahamum, Isaacum, Jacobum, Davidem, & plures representatus est; & quia expectaverunt Ipsum, ideo apud Johannem, “Homines videntes, quod
 “fecit signum Jesus, dixerunt, quia hic est revera *Propheta*, qui venturus
 “est in mundum,” vi: 14. Quia Dominus in supremo sensu est Propheta, & testimonium Jesu est spiritus *prophetia*, Apoc: xix: 10, inde est, quod Propheta in sensu interno Verbi significet docentem, tum abstracte doctrinam, quod ab his locis manifeste constare potest; apud Lucam, “Tu
 “puer *Propheta Altissimi* vocaberis,” i: 7; ita Sacharias de Johanne Baptista filio, qui quod non fuerit Propheta, sed præparans viam docendo & evangelizando de adventu Domini, ipse dicit, “Quæſiverunt illum quid es,
 “an Elias es tu, sed dixit non sum; an *Propheta* es tu, respondit non;
 “quare dixerunt illi, quis es, dixit, ego vox clamantis in deserto, rectam
 “facite viam Domini,” Joh: i: 21. 22. 23: apud Matthæum, “Multi
 “dicent in die illo, Domine, Domine, nonne per Nomen tuum *Propheta-
 “vimus*,” vii: 22, ubi quod prophetare sit docere, patet: apud Johannem,
 “Oportet te rursus *Prophetare* super populos, & gentes, & linguas, & reges
 “multos,” Apoc: x: 11; prophetare pro docere; quid populi, gentes, linguæ, reges, passim dictum & ostensum est: apud Eundem, “Gentes
 “Civitatem sanctam concubabunt menses 40, dabo autem duobus testibus
 “meis, ut *Prophetent* dies 1260, induti faccis,” xi: 2. 3; ubi etiam prophetare pro docere: apud Moſen, “Dixit Jehovah ad Moſen, vide, dedi te
 “deum Pharaoni, & Aharon frater tuus erit *Propheta* tuus,” Exod: vii: 1, ubi propheta pro docente aut dicente quod Moſes dicturus: apud Joëlem,
 “Effundam spiritum meum super omnem carnem, & *Prophetabunt* filii
 “vestri & filia vestra,” iii: 1, prophetabunt pro docebunt: apud Eſaiam, “Effudit super vos Jehovah spiritum soporis, & occlusit oculos
 “vestros, *Prophetas* & capita vestra, videntes obtexit, & facta vobis visio
 “omnium, sicut verba libri obſignati, quem dant scienti literas, dicendo,
 “lege quæſo istum, & dicet, non possum, quia obſignatus est,” xxix: 10. 11; ubi per prophetas intelliguntur illi, qui verum docent, & videntes qui verum vident, qui obtegi dicuntur, cum nihil veri sciunt, & nihil veri vident; quia prophetæ antiquis temporibus dicebantur qui docebant, ideo quoque Videntes dicti, quia Videre significabat intelligere, n: 2150, 2325; quod dicti *Videntes*, videatur 1 Sam: ix: 9. 2 Sam: xxiv: 11; tum quoque *Viri Dei*, ex significatione Viri, n: 158. 265. 749. 915. 1007. 2517, quod dicti Viri Dei, videatur 2 Reg: i: 9 ad 16. Cap: iv. 7. 9. 16. 21. 22. 25. 27. 40. 42. Cap: v: 8. 14. 20. Cap: xiii: 19. Cap: xxii: 16. 17. Cap: xxiii: 17. 18. Quod per Prophetas in sensu interno significantur docentes, constat apud Jeremiam toto Capite xxiii; & apud Ezechielem toto Capite

xiii, ubi de Prophetis in specie agitur, tum etiam multis in locis alibi, ubi nominantur: inde etiam per Pseudoprophetas significantur illi qui falsa docent, ut apud Matthæum, “In consummatione sæculi, multi *Pseudoprophete* exsurgent, & seducunt multos, surgent falsi Christi, & falsi *Prophete*, & dabunt signa magna, & in errorem inducent, si possibile, etiam “electos,” xxiv: 11. 24, ubi per Pseudoprophetas & falsos prophetas non alii significantur; similiter per *Pseudopphetam* in Apoc: xvi: 13. Cap: xix: 20. Cap: xx: 10. Quantum obscuratur sensus internus Verbi ab ideis, quæ captæ sunt ex repræsentativis Ecclesiæ Judaicæ, inde quoque constare potest, quod quoties memoratur Propheta in Verbo, illico obveniat idea prophetarum, quales fuerunt illo tempore, quæ idea multum obstat, ut apperipiatur quid per illos significatur; at quo quis sapientior est, eo facilius idea ex repræsentativis illis capta removetur; ut pro exemplo, ubi Templum memoratur, qui sapientius cogitant, non percipiunt templum quod Hierosolymæ, sed Templum Domini; ubi mons Sionis vel Sion, non illud quod fuit Hierosolymæ, sed Regnum Domini; & ubi Hierosolyma, non illam quæ fuit in tribu Benjaminis & Jehudæ, sed Hierosolymam sanctam & cœlestem.

2535. Quod orabit pro te, significet quod sic revelabitur, constat a significatione Orare: Oratio in se spectata est loquutio cum Deo, & tunc aliqua intuitio interna eorum quæ sunt orationis, cui correspondet quoddam simile influxus in perceptionem seu cogitationem ejus mentis, sic ut sit quædam aperitio interiorum hominis versus Deum; sed hoc cum differentia secundum statum hominis, & secundum rei essentiam, quæ est orationis; si ex amore & fide, & modo cœlestia & spiritualia sunt, de quibus & pro quibus oratur, tunc in oratione existit aliquid instar revelationis, quod manifestatur in orantis affectione quoad spem, solatium, aut internum quoddam gaudium; inde est, quod orare in sensu interno significet revelari; hic adhuc magis, quia dicitur de propheta, & per Prophetam intelligitur Dominus, cujus Oratio non aliud fuit quam loquela interna cum Divino, & simul tunc revelatio; quod revelatio, patet apud Lucam, “Factum est, cum Jesus baptizaretur, & Oraret, quod aperiretur cœlum,” 111: 21: apud Eundem, “Factum est, cum Jesus assumens Petrum, Jacobum, & Johannem, ascendit in montem ad *Orandum*; cum Ipse *Oraret*, facta est species faciei Ipsius alia, & vestimentum Ipsius album fulgurans,” 1x: 28. 29: apud Johannem, “cum oraret dicendo,” “Pater glorifica tuum Nomen; exiit tunc vox ex cœlo, & glorificavi, & rursus glorificabo,” x11: 27. 28; ubi quod Oratio Domini fuerit loquela cum Divino, ac tunc revelatio, patet.

2536. Et vives, quod significet quod sic vita doctrinæ, constare potest absque explicatione.

2537. Et si non tu reducas, quod si non spirituale verum immune redderet a rationali, constat ex illis quæ mox supra n: 2533, dicta sunt, ubi eadem verba.

2538. Scito quod moriendo moriaris, quod significet quod nulla doctrina veri.

veri & boni, etiam constare potest ab illis quæ supra n: 2516 dicta sunt, ubi quoque similia verba: pariter, quod omnis qui tibi, significet omnia quæ ejus, nempe doctrinæ, una; quod omnis significet omne seu omnia in sensu interno, inde est, quia personæ in Verbo significant res, ita omnis qui Abimelecho, omne seu omnia quæ doctrinæ. Ex his nunc patet, quis sensus internus est verborum, quæ in hoc Versu, nempe quod spirituale verum doctrinæ immune redderet a rationali, & quod ita doceretur, ac Ipsi revelabitur, & sic vita doctrinæ; at si non spirituale verum immune redderet a rationali, quod doctrina veri & boni nulla foret quoad omnia & singula ejus: Se habet ita cum Doctrina, quantum humani, hoc est, quantum sensualis, scientifici, & rationalis est, ex quibus creditur quod ita sit, tantum est nulla doctrina; at quantum sensuale, scientifico, & rationale removetur, hoc est, absque illis creditur, tantum vivit doctrina, nam tantum influit Divinum; sunt humani propria quæ impediunt influxum & receptionem: sed aliud est credere ex rationali, scientifico & sensuali, seu consulere illa ut credatur; & aliud est confirmare & corroborare illud quod creditur, per rationalia, scientifica, & sensuality; quæ differentia sit, patebit in sequentibus, de illis enim in sensu interno in hoc Capite, etiam agitur.

2539. Vers: 8. *Et mane surrexit Abimelech in matutino, & vocavit omnes servos suos, & loquutus est omnia verba illa in auribus eorum, & timuerunt viri valde.* Mane surrexit Abimelech in matutino, significat perceptionem claram, & confirmationis lucem ex cœlesti bono: & vocavit omnes servos suos, significat rationalia & scientifica: & loquutus est omnia verba illa in auribus eorum, significat exhortationem ad confirmantia inde, usque ut obedirent: & timuerunt viri valde, significat quod etiam usque ut averfarentur.

2540. Mane surrexit Abimelech in matutino, quod significet perceptionem claram, & confirmationis lucem ex cœlesti bono, constat a significatione mane surgere; tum Abimelechii, ut & matutini; quid mane significat, ostensum est n: 2333. 2405, hic quod perceptionem claram patet inde, tum a serie, quod perceptio primum fuerit obscura, n: 2513. 2514; ac dein quod minus obscura, n: 2528: quid Abimelech, quod significet doctrinam fidei spectantem rationalia, videatur supra n: 2509. 2510: & quid matutinum, patet a significatione mane; hic quia dicitur, surrexit mane in matutino, non modo significat perceptionem claram, sed etiam confirmationis lucem a cœlesti bono; est enim cœlestis bonum ex quo lux veri confirmans; inde nunc constare potest, quod illa significantur. Quod tantum in sensu interno agitur de Perceptione quæ Domino cum in Humano fuit, ac de cogitatione de rationali in doctrina fidei, est causa quæ supra quoque dicta, tum quod Angelicum sit distincte varia cogitare de vita Domini in mundo, & quomodo exuerit rationale humanum, & id Divinum ex propria potentia fecerit; ac simul de doctrina charitatis & fidei qualis est cum rationale se immiscet, præter plura quæ interiora Ecclesiæ & hominis sunt, & inde dependent; hæc homini, cui curæ & cordi mundana & corporea, apparent sicut levia, & fortassis sicut ad nihilum ei conducentia, at eadem.

eadem hæc Angelis, quibus curæ & cordi cœlestia & spiritualia, sunt pretiosa; eorum ideæ & perceptiones de his ineffabiles sunt: inde patet, quod plurima, quæ levia sunt homini, quia captum ejus transcendunt, sint æstimatissima Angelis, quia intrant in lucem, eorum sapientiæ; & vicissim, quæ æstimatissima homini, quia mundana ac ita intrant in captum ejus, levia sunt Angelis, egrediuntur enim e luce, sapientiæ eorum: sensus internus Verbi se habet respectively ita multis in locis.

2541. Et vocavit servos suos, quod significet rationalia & scientifica, constat ex significatione Servorum in Verbo, de qua in sequentibus ad Vers. 14, n: 2567. Sunt in homine, qui in Regno Domini, seu qui Regnum Domini est, cœlestia, spiritualia, rationalia, scientifica, & sensualia, hæc inter se subordinata sunt; cœlestia & spiritualia primas tenent, ac Domini sunt, rationalia illis subordinata sunt & inserviunt, scientifica his iterum subordinata sunt & serviunt, sensualia demum his seu scientificis; quæ inserviunt seu serviunt sunt respective servi, & vocantur in Verbo servi; quod talis subordinatio sit, homo qui ex sensualibus & scientificis solum cogitat, ignorat, & qui aliquid de iis scit, usque obscurissimam ideam habet, quia in corporeis adhuc est, Angeli autem distinctissimam, millia enim imo myriades idearum distinctarum apud Angelos non nisi quam unam obscuram apud homines sistunt, ut pro exemplo de his, quod Abimelech vocavit servos suos, & loquutus est omnia verba in auribus eorum, & quod timuerint viri valde, percipiunt Angeli arcaniora, quam usquam homo capit, imo quam credere potest, nempe quomodo Dominus redegerit rationalia & scientifica ad obedientiam, & quidem ita, quod non ipsa rationalia & scientifica, sed affectiones assurgentes adversus doctrinæ cœlestia & spiritualia, nam his subjugatis rationalia & scientifica ad obedientiam redacta sunt; & simul tunc in ordinem: hæc sunt Angelis inter communissima, quæ fortassis homini sunt inter ejus obscurissima, aut non intelligibilia.

2542. Et loquutus est omnia verba illa in auribus eorum, quod significet adhortationem ad confirmantia inde, usque ut obedirent, constare potest a serie rerum in sensu interno, tum a significatione aurium; ex serie rerum, sunt plura confirmantia, quæ accedunt ad quodcunque quod rationale agnoscit, aliunde enim non agnoscit quam ex confirmantibus, inde est cum rationalia ad obedientiam rediguntur, ad confirmantia fit exhortatio, ea enim semper usque instant & quasi exsurgunt: ex significatione aurium, aures in sensu interno Verbi significant obedientiam, ex causa etiam correspondentiæ, quæ est inter audire & obedire, quæ quoque correspondentia latet in ipsa voce Audire, & magis in Auscultare, cujus correspondentia origo est ex altera vita, ubi qui obedientes sunt & obtemperantes, ad Auris provinciam pertinent, imo ipsi Auditui correspondent, quod est arcanum nondum notum; sed hæc melius patebunt, ubi de Correspondentia, ex Divina Domini Misericordia, in sequentibus agetur: quod Aures illa significant, ex pluribus locis in Verbo constare potest, pro tempore licet modo asserere, quod apud Esaiam, "Impingua cor populi hujus, & Aures ejus aggrava, & oculos
ejus

“ ejus obline, ne forte videat oculis suis, & auribus suis audiat, & cor ejus intelligat,” vi: 10, ibi videre oculis est intelligere, & audire auribus, est percipere affectione, proinde obedire: ac ubi Dominus dicit, “ Qui habet aurem ad audiendum, audiat,” Matth: xi: 15. Cap: xiii: 9. 43. Luc: viii: 8. Cap: xiv: 35, non aliud significatur.

2543. Quod timuerunt viri valde, significet quod usque ut averfarentur, constat ex significatione timere hic, & a significatione virorum: timere seu timor plura in se, sicut omnis affectus, involvit, tametsi apparet simplex, nempe jacturam vitæ, famæ, honoris, lucri in mundanis; at jacturam boni & veri, & inde vitæ, in cœlestibus; & quia hæc, etiam involvit averfationem pro illis quæ destruere ea conantur, & hoc quo magis homo in affectione boni & veri est; ipsi affectioni opposita est averfatio, quare hic per timere significatur averfari; quanta averfatio fuerit Domino, constat ex zelo, in quo dicta sunt illa quæ in Versu nunc sequente, qui zelus fuit pro Doctrina ut incontaminata esset ab omni rationali & scientifico: quod Viri significant rationalia & scientifica, seu intellectualia quæcunque, n: 158. 265. 749. 915. 1007, ostensum est.

2544. Vers: 9. *Et vocavit Abimelech Abrahamum, & dixit illi, quid fecisti nobis, & quid peccavi tibi, quod adduxisti super me & super regnum meum peccatum grande; facta quæ non sient fecisti mecum.* Vocavit Abimelech Abrahamum & dixit illi, significat cogitationem Domini ex doctrina fidei: quid fecisti nobis, & quid peccavi tibi, significat redargutionem sui quod sic cogitaverit: quod adduxisti super me & super regnum meum peccatum grande, significat quod sic doctrina fidei & omnia doctrinalia in discrimine essent: facta quæ non sient fecisti mecum, significat horrorem.

2545. Vocavit Abimelech Abrahamum & dixit illi, quod significet cogitationem Domini ex Doctrina fidei, constare potest ex repræsentatione Abimelechi, tum Abrahami, & a significatione dicere, de quibus aliquoties prius. Quid sit cogitare ex doctrina fidei, non potest ad captum exponi, nam perceptio ejus rei non cadere potest quam in ideas angelicas, quibus id sistitur in tanta luce cum repræsentativis cœlestibus, ut vix aliquid describi possit; ut constare potest, si diceretur, quod Cogitatio fuerit ex intellectuali vero, quod supra rationale quod inde spectavit; sed quod perceptio, ex qua cogitavit, fuerit ex Divino Vero.

2546. Quod fecisti nobis, & quid peccavi tibi, quod significet redargutionem sui quod sic cogitaverit, constare potest ex affectu & zelo in his verbis, de quo mox prius n: 2543, propter id quod rationale & scientificum vellet exurgere & intrare, & sic aliquid commune habere in doctrina fidei, quæ est Divina.

2547. Quod adduxisti super me & super regnum meum peccatum grande, quod significet quod sic doctrina fidei & omnia doctrinalia in discrimine essent, constat a significatione Abimelechi, qui hic est *me*, quod sit doctrina fidei, & ex significatione regni, quod sit verum doctrinæ seu doctrinale. Quod Regnum in sensu interno significet vera doctrinæ, & in sensu

sensu opposito falsa doctrinæ, constat a Verbo, ut apud Jeremiam, "Formator omnium ille, & sceptrum hæreditatis Ipsi, Jehovah Zebaoth nomen Ipsi; malleus Tu Mihi, arma belli, & dispergam in Te gentes, & perdam in Te Regna," LI: 19. 20; ubi de Domino, qui quod non dispersonus gentes, nec perditurus regna, constat, sed quod illa quæ per gentes & regna significantur, nempe mala & falsa quæ sunt doctrinæ: apud Ezechielem, "Ecce accepturus filios Israelis ab inter gentes quo abiverunt, & congregabo eos e circuitu, & adducam eos in terram suam, faciam eos in Gentem unam in terra, in montibus Israelis, & Rex unus erit omnibus illis in Regem, & non erunt amplius in duas Gentes, & non dividuntur amplius in duo Regna," xxxvii: 21. 22; Israel pro Ecclesia spirituali, Gens pro bono istius Ecclesiæ seu doctrinæ, quod gentes sint bona, videatur n: 1259. 1260. 1416. 1849; Regnum pro veris illius; quod per gentes & regna ibi aliud quam gentes & regna significetur, patet, nam dicitur de filiis Israelis seu Israelitis, quod congregandi & adducendi super terram, qui tamen dispersi inter gentes abiverunt in gentes: apud Esaiam, "Confundam Ægyptum cum Ægypto, & pugnabunt vir contra fratrem suum, & vir contra socium suum, urbs contra urbem, Regnum contra Regnum," xix: 2, ubi Ægyptus pro ratiociniis ex scientificis de veris fidei, n: 1164. 1165. 1186; urbs pro doctrinali, hic hæretico, n: 402. 2268. 2450, Regnum pro falso doctrinali, inde urbs contra urbem, & regnum contra regnum, pro quod hæreses & falsa inter se pugnat; similiter ac per hæc quæ Dominus de Consummatione sæculi loquutus, apud Mattheum, "Excitabitur Gens contra Gentem, & Regnum contra Regnum," xxiv: 7: pro quod mala contra mala, & falsa contra falsa. Quæ Daniel prophetavit de quatuor Regnis, Cap: II: 37 ad 46, Cap: VII: 17 ad f: & de Regnis Mediæ & Persiæ, Cap: VIII: 20 ad f: de Regnis Regis meridici & regis septentrionis, Cap: XI: & quæ Johannes in Apocalypsi etiam de Regibus & Regnis, nihil aliud significant, & per Regna ibi modo status Ecclesiæ quoad vera & falsa intelliguntur; status monarchici & regnorum terræ in sensu literæ, sunt status Ecclesiæ & Regni Domini in sensu interno, in quo sensu nihil nisi quam spiritualia & cœlestia sunt, Verbum enim Domini in se spectatum non est nisi spirituale & cœleste, sed ut legatur & capiatur ab homine quocunque, illa quæ cœli sunt per talia quæ in terra, traduntur.

2548. Facta quæ non fient fecisti mihi, quod significet horrorem, constat ex affectu in his verbis, tum a serie, quod nempe averfatus n: 2543; tum quod ex zelo redarguerit, n: 2546; hic nunc quod horruerit.

2549. Vers: 10. 11. Et dixit Abimelech ad Abrahamum, quid vidisti, quod feceris verbum hoc. Et dixit Abraham, quia dixi, verumtamen nullus timor Dei in loco hoc, & occident me propter verbum uxoris meæ. Dixit Abimelech ad Abrahamum, significat ulteriorem cogitationem ex doctrina fidei: quid vidisti quod feceris verbum hoc, significat intuitionem in causam: dixit Abraham, significat perceptionem quæ responsum: quia dixi, verumtamen nullus timor Dei in loco hoc, significat cogitationem inde, quod nullum respectum

spēctum haberent veri spiritalis in eo statu in quo sunt : & occident me propter verbum uxoris meæ, significat quod sic cœlestia fidei quoque perirent si cogitarent quod solum spirituale verum conjungi potuisset cœlesti bono.

2550. Dixit Abimelech ad Abrahamum, quod significet ulteriorem cogitationem ex doctrina fidei, constat ex illis supra n : 2545, ubi pæne eadem verba ; hic quia iterum dictum est, significat ulteriorem cogitationem, & quidem de causa : quid cogitatio ex doctrina fidei, videatur etiam ibi.

2551. Quid vidisti quod feceris verbum hoc, quod significet intuitionem in causam, patet absque explicatione, tum ab iis quæ sequuntur, ubi causa dicitur. Quod ita ordine in sensu interno sistatur, quomodo Dominus perceperit & cogitaverit de doctrina fidei, & de rationali num consuleretur, causa est, quia angelicum est de illis in tali serie cogitare, Verbi sensus internus est imprimis pro Angelis, ita eorum perceptionibus & cogitationibus adaptatus ; in suis delectabilibus, imo beatis & felicibus sunt, cum de Domino, Ipsi Divino & Humano, & de hoc quomodo Divinum factum, cogitant, nam circumfunduntur sphaera cœlesti & spiritali, quæ plena est Domino, ita ut dici queat quod sint in Domino, inde nihil beatius & felicius est illis, quam secundum illa quæ sphaeræ sunt & affectionis inde, cogitare ; simul etiam tunc instruuntur & perficiuntur, in eo imprimis, quomodo Dominus per gradus, sicut adolevit, humanum, in quod natus, Divinum ex propria potentia fecerit, ita quomodo per scientias & cognitiones, quas Sibi Ipsi revelavit, rationale suum perfecit, umbras ejus successive discussit, & illud in Divinam lucem immisit : hæc & innumerabilia alia, sistuntur coram Angelis cœlesti & spiritali modo cum mille & mille representativis in luce vitæ, cum Verbum legitur. Sed hæc, quæ Angelis tam pretiosa, sunt hominibus sicut levia, quia supra captum, ita in umbra eorum intellectus ; & vicissim, quæ sunt hominibus pretiosa, ut sunt illa in quibus mundana, sunt Angelis levia, quia infra statum, ita in umbra eorum sapientiæ ; ita, quod mirum, quæ veniunt in umbram hominis, & pæne in ejus contentum, illa transeunt in lucem Angelorum, & in affectionem, ut sunt plura quæ sensus interni Verbi sunt.

2552. Dixit Abraham, quod significet perceptionem quæ responsum, constat ex significatione dicere in historicis Verbi, de qua multoties prius, ut n : 1791. 1815. 1819. 1822. 1898. 1919. 2061. 2080. 2238. 2260. 2271. 2287. Quod cogitatio Domini ex doctrina fidei, significetur per quod dixit Abimelech ad Abrahamum, at perceptio quæ responsum, per quod dixit Abrahamus, ita se habet, Perceptio est superius & fuit Domino ex ipso Divino, sed Cogitatio est inferius, & fuit Domino ex ipso intellectuali ; & quia perceptio erat ex qua cogitatio, ita responsum cogitationis erat ex perceptione ; hoc illustrari potest per aliquod instar apud hominem, homo cœlestis non potest cogitare nisi ex perceptione, & homo spiritalis non nisi ex conscientia, n : 2515 ; perceptio illius sicut conscientia est ex Domino, & non ipsi apparet unde est, sed cogitatio ejus est ex rationali & apparet ei

Nº V.

D

ficut

sicut ex se; ita quoque cum cogitat de aliqua re ex rationali, tunc conclusio cogitationis seu responsum venit ex perceptione seu ex conscientia; proinde respondetur ei a Domino secundum statum ejus vitæ, affectionem, & doctrinæ verum conformiter implantatum seu impressum.

2553. Quia dixi, verumtamen nullus timor Dei in loco hoc, quod significet cogitationem inde, quod nullum respectum haberent veri spiritualis in eo statu in quo sunt, constat ex significatione timoris Dei, quod sit respectus Veri Divini seu spiritualis; & a significatione loci, quod sit status, de qua n: 1273. 1274. 1275. 1377. Ipsa res ita se habet; homo non capere potest aliquod doctrinæ pure spirituale & cœleste, hoc est, Divinum, quia transcendit infinite captum ejus, ita quoque fidem; omnes cogitationes hominis terminantur in naturalibus quæ sunt ejus sensualium, quicquid non ex his & secundum hæc dicitur, hoc non comprehenditur, sed perit, sicut visus interminatus, in quodam oceano aut universo; quare si doctrinalia coram homine exponerentur aliter, prorsus non reciperentur, ita nullus respectus pro illis haberetur, quod satis constare potest ex singulis in Verbo, ibi ipsa pure Divina ob eandem causam naturaliter imo sensualiter exponuntur, ut quod Jehovah sint aures, sint oculi, sint facies, sint affectiones sicut homini, sit ira, & plura; hoc adhuc magis eo tempore cum Dominus venit in mundum, tunc ne quidem sciebant quid cœleste & spirituale, ne quidem quod internum; solum terrestria & mundana, & sic externa, mentis eorum omnia tenebant, sicut ipsorum Apostolorum, qui Regnum Domini sicut Regnum mundi fore autumabant, & ideo petierunt, ut unus a dextris, alter a sinistris, sederet, & diu putarunt, quod super duodecim thronis sederent iudicaturi duodecim tribus Israelis, non adhuc scientes quod in altera vita illi ne quidem minimum unius hominis possent judicare n: 2129 ad f: intuitio in hunc statum generis humani, fuit causa quod a Domino primum cogitatum sit, num rationale esset consulendum in doctrina fidei, & hoc ex amore, qui fuit, ut consuleretur omnium saluti, & quod Verbum non periret.

2554. Quod occident me propter verbum uxoris meæ, significet quod sic cœlestia fidei quoque perirent, si cogitarent quod solum spirituale verum conjungi potuisset cœlesti bono, constat ex significatione occidere, quod sit perire; & a significatione uxoris, quod sit spirituale verum conjunctum cœlesti bono, de qua n: 2507. Hæc altera causa est cur ita cogitatum, quæ ita se habet, Divinum Bonum, quod hic cœleste bonum vocatur, Divino Vero, quod hic spirituale verum dicitur, unitum est quasi conjugio, n: 2508; & tametsi Divinum Bonum soli Divino Vero ita unitum est, usque influit in Vera inferiora, & cum illis se conjungit, sed non sicut conjugio, influit enim in vera rationalia, quæ modo sunt apparentiæ veri, & cum illis se conjungit; imo etiam in vera scientifica & sensualia, quæ vix aliud sunt quam fallaciæ, & cum iis se conjungit; nisi ita, nusquam aliquis homo salvari potuisset, videatur de his in Parte Prima n: 1831. 1832: ut Divinum Bonum cum illis & his posset conjungi, & sic salvari homo, etiam causa fuit

fuit adventus Domini in mundum, nam absque Humano Domini Divino factio nusquam aliqua conjunctio, sed per Ipsum est conjunctio. Præter hoc arcanum, etiam plura adhuc arcana sunt in his verbis, “Quod occident me propter verbum uxoris meæ,” quibus significatur quod sic cœlestia fidei perirent, si cogitarent quod solum spirituale verum conjungi potuisset cœlesti bono, nempe hoc, cum nullum respectum haberent veri spiritualis quod sic, etiam bonum cœleste periret, illo enim rejecto perit hoc: tum quoque hoc, nisi dictum, quod adorarent Patrem, tamen nullus aditus ad Ipsum quam per Filium, & qui videt Filium videt Patrem, Joh: xiv: 8 ad 12, nec receptum fuisset; præter adhuc alia.

2555. Vers: 12. 13. *Ei etiam vere soror mea, filia patris mei illa, verumtamen non filia matris meæ; & facta mihi in uxorem. Et factum, quando fecerunt, discedere me Deus e domo patris mei, & dixi illi, hæc bonitas tua, quam facias mecum, ad omnem locum quo venerimus, dic mihi, frater meus ille.* Et etiam vere soror mea est, significat quod verum rationale talem affinitatem haberet: filia patris mei illa, verum non filia matris meæ, significat quod rationale conceptum sit ex bono cœlesti ut a patre, non autem ex spirituali vero ut a matre: & facta mihi in uxorem, significat quod verum spirituale conjunctum sit cœlesti media rationalitate: & factum quando fecerunt discedere me Deus e domo patris mei, significat cum relinqueret scientificum & apparentias inde, cum jucundis eorum, quæ hic sunt domus patris sui: & dixi illi, significat cogitationem tunc: hæc bonitas tua quam facias mecum, significat quod inde tunc haberet hoc solatium: ad omnem locum quo venerimus, significat omnia quæ concluderet postea de vero rationali: dic mihi frater meus ille, significat quod diceretur quod rationale verum adjunctum esset cœlesti bono.

2556. Quod etiam vere soror mea, significet quod verum rationale talem affinitatem haberet, constat a repræsentatione Saræ ut sororis, quod sit verum rationale, de qua n: 2508, tum a nunc sequentibus, quod agatur de nativitate rationalis, & ejus inde affinitate. In genere tenendum, quod omnia & singula apud hominem vere rationalem, hoc est, regeneratum, omnia ejus affectionum, ejus perceptionum, & ejus cogitationum, sint quasi consanguinitate & affinitate, inter se conjuncta; ita enim disposita sunt, ut se mutuo spectent sicut familiæ unus domus, & hoc distinctissime, inde secundum affinitates, in quibus sunt, reproducuntur; hoc trahunt ab influxu cœli, hoc est, Domini per cœlum; apud hominem, qui vere rationalis est, hoc est, regeneratus, omnia disposita sunt in ordinem, qualis est in cœlo, & hoc ab influxu; inde homini facultas cogitandi, concludendi, judicandi, & respec-tendi, quæ tam mirabilis est, ut excedat omnem scientiam & sapientiam humanam, & indefinite analyses, quas humana industria inde deprompsit. Quod hæc ignorata sint huc usque, est quia non creditum fuit, quod omnia affectionum, perceptionum, & cogitationum, influant, malarum ab inferno, & probarum e cœlo, ita quod nexum habeant cum illis quæ extra sunt, cum tamen ita se habet, quod homo quoad spiritum suum ita conjunctus sit cum

illis qui extra eum, ut si privaretur nexu inde, ne quidem momento viveret; quod etiam sciri potest inde, quod inconnexum nusquam detur, & quod inconnexum pereat momento.

2557. Quod filia patris mei illa, verumtamen non filia matris meae, significet quod rationale conceptum sit ex bono coelesti ut a patre, non autem ex spiritali vero ut a matre, constare potest a conceptione rationalis, quod nempe fiat per influxum boni coelestis Divini in affectionem scientiarum, de qua n : 1895. 1902. 1910. Hic duo arcana sunt, unum quod rationale hominis concipiatur a Bono coelesti Divino ut a patre, & quod aliter nullum rationale existat; alterum est, quod rationale non concipiatur a spiritali vero ut a matre: quod Primum attinet, nempe quod rationale hominis concipiatur a Bono coelesti Divino ut a patre, & quod aliter nullum rationale existat, constare potest ab illis quae prius n : 1895. 1902. 1910, dicta sunt, tum ab illis quae unicuique homini nota esse possunt, si reflectit; notum enim est, quod homo in nullam scientiam, nec in ullum rationale nascatur, sed modo in facultatem recipiendi illa; tum quod dein per gradus omnia discat & imbuat, & hoc imprimis per sensuality auditus & visus, & sicut discit & imbuat, ita rationalis fiat; quod haec fiant per viam corporis, hoc est, externam, quia per auditum & visum, patet: at quod homo non novit, quia super id non reflectit, est, quod jugiter aliquid ab interiori influat, quod recipit illa quae ita intrant & insinuantur, & disponit in ordinem; quod insluit, & recipit, ac disponit, est Bonum coeleste Divinum, quod a Domino, inde vita eorum, inde ordo, & inde consanguinitates & affinitates inter singula, ut dictum est; ex his constare potest, quod rationale hominis sit a Bono coelesti Divino ut a patre, secundum verba in hoc versu, "est filia patris mei illa." Alterum quod attinet, nempe quod rationale non conceptum sit ex spiritali vero ut a matre, constare potest ex illis quae n : 1902 dicta sunt: si enim verum spirituale influeret ab interiori, sicut bonum, tunc nasceretur homo in omne rationale, & simul in omne scientificum, sic ut non opus haberet quicquam addiscere; sed quia homo talis est, quod ex haereditario sit in omni malo, & inde in omni falso, at ita, si ipsa vera quoque influerent, illa adulteraret & falsificaret, ac sic homo periret in aeternum, provisum est a Domino, ut nihil veri influat per internum hominis, sed modo per externum ejus; ex his constare potest, quod rationale hominis non sit ex spiritali vero, ut a matre, secundum verba in hoc Versu, verumtamen non filiae matris meae. Secundum similem ordinem placuit Domino, ut quoque Rationale Ipsius formaretur, ob causam, ut Humana apud se Divina ex propria potentia faceret, & Divinum spirituale Verum Divino coelesti Bono, & Divinum coeleste Bonum Divino spiritali Vero, implantaret & uniret.

2558. Quod facta mihi in uxorem, significet quod verum spirituale conjunctum sit coelesti media rationalitate, constat a representatione Saræ ut uxoris Abrahami, quod sit verum spirituale conjunctum bono coelesti, de qua n : 2507; & ex representatione ejusdem, ut sororis, quod sit verum rationale,

rationale, de qua n: 2508; inde significatur, per quod ex sorore facta sit uxor, quod media rationalitate verum spirituale conjunctum sit coelesti: quomodo hæc se habent, constare potest ex illis quæ mox supra n: 2557, dicta sunt.

2559. Factum quando fecerunt discedere me Deus e domo patris mei, quod significet cum relinqueret scientificum & apparentias inde, cum jucundis eorum, quæ hic sunt domus patris, constat a significatione discedere, quod sit relinquere; & a significatione domus, quod sit bonum, n: 2233. 2234, hic bonum jucundi ex scientificorum & rationalium apparentiis, omne enim jucundum apparet ut bonum: quod hic per domum patris significantur jucunda scientificorum & rationalium, proinde apparentiarum eorum, ex eo venit, quia prædicantur de Abrahamo, cum discessit e domo patris sui, tunc enim Abraham cum domo patris sui coluit alios deos, videatur n: 1356. 1992, inde est, quod dicatur in plurali, *fecerunt discedere me Deus*; dicendum, quod etiam secundum linguam originalem, *fecerunt errare me dii*, sed quia Dominus representatur per Abrahamum, dicitur, *fecerunt discedere me deus*: quia prima scientifica & inde rationalia apud Dominum fuerunt humana, imbuta hæreditario ex matre, ita non pure Divina, inde est quod per primum statum Abrahami represententur; sed quousque representationes vadunt, videatur n: 665. 1097. fin: 1361. 1992.

2560. Et dixi illi, quod significet cogitationem tunc, constat a significatione dicere, quod sit cogitare, de qua prius aliquoties.

2561. Quod hæc bonitas tua quam facies mecum, significet quod inde tunc haberet hoc solatium, constare potest ab illis quæ præcedunt, & ab illis quæ sequuntur, ita absque ulteriore explicatione.

2562. Ad omnem locum quo venerimus, quod significet omnia quæ concluderet postea de vero rationali, constat a significatione loci, quod sit status, de qua n: 1273. 1274. 1275. 1377; status rei, de qua hic agitur, est status concisionis de vero rationali, quod diceretur rationale verum adjunctum esse coelesti bono, ut sequitur.

2563. Quod dic mihi frater meus ille, significet quod diceretur quod rationale verum adjunctum esset coelesti bono, constare potest ab illis supra. n: 2524, ubi pene eadem verba.

2564. Vers: 14. *Et accepit Abimelech gregem & armentum, & servos & ancillas, & dedit Abrahamo; & restituit illi Sarah uxorem ejus.* Accipit Abimelech, significat quod doctrina fidei: gregem & armentum, significat locupletata sit bonis rationalibus & bonis naturalibus: & servos & ancillas, significat quod etiam veris rationalibus & veris naturalibus tum affectionibus eorum: & dedit Abrahamo, significat quod Domino: & restituit illi Sarah uxorem ejus, significat quando Divinum spirituale adjunctum erat Divino coelesti.

2565. Quod accepit Abimelech, significet quod doctrina fidei, constat a significatione Abimelechi, quod sit doctrina fidei, de qua n: 2504. 2509. 2510. 2566.

bid. cap.

2566. Quod gregem & armentum, significet quod locupletata sit bonis rationalibus & bonis naturalibus, constat a significatione gregis & armenti; grex vocatur illi intra Ecclesiam, qui vere rationales sunt, hoc est, interni homines; inde est, quod per gregem significatur quoque abstracte ipsa bona rationalia seu interna, de qua significatione gregis, videatur n: 343. 415. 1565: Armentum autem vocatur illi intra Ecclesiam, qui naturales sunt, hoc est, externi homines; inde etiam per armentum significatur quoque abstracte ipsa bona naturalia seu externa, de qua significatione armenti, videatur n: 2180; quod per Bestias talia significata sunt, n: 45. 46. 142. 143. 246. 714. 715. 776. 1823. 2179, ostensum est: quod accepit Abimelech & dedit, significat quod doctrina fidei locupletata sit, nam, ut dictum, per Abimelechum significatur doctrina fidei.

2567. Quod servos & ancillas, significet quod etiam veris rationalibus & veris naturalibus, tum affectionibus eorum, constat ex significatione servorum & ancillarum; servi & ancillæ passim nominantur in Verbo, & per illa in sensu interno significantur ea quæ inferiora & viliora sunt respective, ut sunt rationalia & naturalia respective ad spiritualia & cœlestia; per vera naturalia intelliguntur scientifica omnis generis, nam hæc sunt naturalia: quod per servos & ancillas in Verbo illa significantur, patet a sensu interno verborum ubi nominantur, ut apud Esaiam, "Miserebitur Jehovah Jacobi, & eliget adhuc Israel, & ponet eos super humo sua, & adhærebit peregrinus eis, & adjungent se domui Jacobi, & accipient eos populi, & deducunt eos ad locum suum, & hæreditabunt sibi illos domus Israel super humo Jehovah in *Servos & Ancillas*," xiv: 1. 2; ibi Jacobus pro Ecclesia externa, Israel pro interna, peregrini pro illis qui instruuntur in veris & bonis, n: 1463. 2025; servi & ancillæ pro veris naturalibus & rationalibus cum affectionibus eorum, quæ servitura Ecclesiæ per Jacobum & Israel intellectæ; quod non hic Jacob & Israel, seu Judæi & Israelitæ, intellecti sunt, patet, hi enim dispersi inter gentes facti sunt gentes, Judæi adhuc hoc sovenit & expectant, & quidem secundum literam, quod nempe peregrini adhærebunt, quod populi eos deducunt, & erunt illis in servos & ancillas, cum tamen ne quidem minimum de Judæis & Israelitis in prophetis Verbi, ubi nominantur, intelligitur; quod manifestum iis esse potest etiam ex eo, quod de Israele æque ac de Jehuda passim dicatur quod reducerentur. Apud Eundem, "Ecce Jehovah evacuans terram, & exinanienti eam, & depravabit facies ejus, & dispergere faciet habitatores ejus, & erit sicut populus" ita sacerdos, sicut *Servus* ita dominus ejus, sicut *Ancilla* ita domina ejus," xxiv: 1. 2: hic Terra pro Ecclesia, n: 662. 1066. 1067. 1850, quæ evacuatur & exinanitur, & ejus facies depravatur, & habitatores disperguntur, cum amplius non vera & bona interiora, quæ sunt populus & sacerdos, nec vera & bona exteriora, quæ sunt servus & ancilla, quod fit cum externa dominantur super interna: apud Eundem, "Producam e Jacobo semen, & ex Jehuda hæredem montium meorum, & possidebunt eam electi mei," &

“ & *Servi* mei habitabunt ibi,” *Lxv*: 9; ibi *Jacobus* pro Ecclesia externa, *Jehudas* pro Ecclesia interna cœlesti, electi pro bonis, servi pro veris ejus: apud *Joëlem*, “ Effundam spiritum meum super omnem carnem, & propheta-
 “ tabunt filii vestri & filiae vestrae; etiam super *Servos & Ancillas* in diebus
 “ illis effundam spiritum meum,” *III*: 1. 2; ubi de Regno Domini, propheta-
 re pro docere, n: 2534, filii pro ipsis veris, n: 489. 491. 533. 1147, filiae pro ipsis bonis, n: 489. 490. 491; servi & ancillae pro veris & bonis inferioribus, super quæ spiritus effundi dicitur, quando accedunt & confirmant; hic & alibi, quod per servos & ancillas talia significantur, non ita apparet, tam ex idea communi servorum & ancillarum, quam ex historico apparente: apud *Johannem*, “ Vidi unum Angelum stantem in sole, qui
 “ clamavit voce magna dicens avibus volantibus in medio cœlo; come-
 “ datis carnes Regum, & carnes chiliarchorum, & carnes fortium, & carnes
 “ equorum & sedentium super illis, & carnes omnium liberorum & *Ser-
 “ vorum & parvorum & magnorum*,” *Apoc*: *xix*: 17. 18; quod hic non
 sint carnes regum, chiliarchorum, fortium, equorum, sedentium super iis, liberorum & servorum, quas comederent, patet, sed quod vera Ecclesiæ interna & externa, quæ iis carnes facta. Quod *Servi* significant vera, & ancillae bona, quæ inferviunt, & sic serviunt veris & bonis spiritualibus & cœlestibus, manifestius constat a Legibus in Ecclesia representativa latis pro *Servis & Ancillis*, quæ Leges omnes spectant statum Ecclesiæ & Regni Domini in communi & particulari, & quomodo vera & bona inferiora, quæ sunt naturalia & rationalia, servitura sint spiritualibus & cœlestibus, ita Divinis: ut quod *Servus Hebraeus & Serva Hebraea*, septimo anno esset liber, & quod tunc donaretur de grege, de area, & torculari; *Exod*: *xxi*: 2. 6. *Deut*: *xv*: 12 ad 15. *Jerem*: *xxxiv*: 39 ad 43. Quod uxor esset libera, si cum eo in servitium intraverit, si autem dominus dederit ei uxorem, quod uxor & liberi essent domini, “ *Exod*: *xxi*: 3. 4. Quod frater pauper emtus non serviret serviliter, sed sicut mercenarius & inquilinus, jubilæo, una cum liberis exiret,” *Levit*: *xxv*: 39 ad 43. Si frater emeretur a peregrino inquilino, quod posset redimi, & quod exiret anno jubilæi, *Levit*: *xxv*: 47 seq: Quod ex gentibus circum, emerentur *Servi & Ancillae*, & ex filiis inquilinorum peregrinantium, quodque ii essent possessio eorum perpetua, quibus imperarent, non autem filiis Israelis, *Levit*: *xxv*: 44. 45. 46. Quod servus si non vellet exire servitio, subula per aurem ejus ad ostium daretur, & esset servus perpetuus; similiter etiam si ancilla, *Exod*: *xxi*: 6. *Deut*: *xv*: 16. 17. Si quis percusserit Servum suum aut Servam suam baculo, ut moreretur, quod vindicaretur; at si supervixerit die vel diebus, quod liber esset, quia argentum ejus, *Exod*: *xxi*: 20. 21. Si percusserit oculum aut dentem servi, quod exiret liber, *Exod*: *xxi*: 26. 27. Si bos Servum aut Ancillam feriret, ut moreretur, quod penderet 30 siclos domino ejus, & bos lapidaretur, *Exod*: *xxi*: 32. Quod non concluderetur Servus, qui se eriperit a Domino, sed habitaret in loco ubi volupe, nec affligeretur, *Deut*: *xxiii*: 16. 17. Quod Servus emtus argento & circumciscus comederet

deret Pascha, Exod: xii: 45. Quod filia alicujus emta non exiret servitio, sicut servi; si mala, quod dominus non venderet eam alienigenæ: si desponsaretur filio, quod esset sicut filia; si alteram acceperit, quod alimentum, tegumentum, & debitum conjugiale non diminueret; si hæc non fecerit, quod gratis servitio exiret, Exod: xxi: 7 ad 12: Hæ omnes Leges originem ducunt a legibus veri & boni in coelo, & ad illas se in sensu interno referunt, sed partim per correspondentia, partim per repræsentativa, & partim per significativa, at postquam Ecclesiæ repræsentativa & significativa, quæ extrema ac infima cultus fuerunt, abolita sunt, etiam illarum necessitas cessavit; si itaque Leges istæ, ex Legibus ordinis veri & boni, & ex repræsentativis ac ex significativis, evolverentur, pateret, quod per Servos nihil aliud significetur, quam vera rationalia & scientifica, quæ vera inferiora sunt, ac ideo servire debet Veris spiritualibus, & quod per Ancillas bona eorum, quæ quia etiam inferiora sunt, quidem servire debent, sed alio modo, quare quædam leges latæ de Ancillis differunt a legibus latis de servis; nam vera in se spectata sunt magis servi quam bona eorum. Per *Jus Regium* apud Samuelem, nec aliud in sensu interno significatur, quam Jus veri, & quodque jus falsi, cum dominari incipit super verum & super bonum, quod constare potest ab explicatione verborum, per quæ descriptum est, "Hoc erit
 "*Jus Regis* qui regnabit super vos, filios vestros sumet, & ponet sibi ad
 "*currus suos*, & ad equites suos, & current ante currus ejus; filias vestras
 "*sumet in aromatarias*, & in coquas, & in pistrices; *servos vestros*, &
 "*Ancillas vestras*, & juvenes vestros optimos, & afinos vestros, sumet &
 "*faciet ad opus suum*; gregem vestrum decimabit; tandem *vos eritis in*
 "*servos*: & clamabitis in die isto propter Regem vestrum, quem elegistis
 "*vobis*, & non respondebit Jehovah vobis in die isto," 1 Sam: viii: 11.
 13. 16. 17. 18: quod per Regem significetur Verum, videatur n: 1672.
 2015. 2069, ita in opposito sensu, non vera, hoc est, falsa; per Filios quos
 poneret sibi ad currus & ad equites suos, significantur vera doctrinæ, quæ
 inservitura principiis falsi, quæ sunt currus & equites; per Filias, quas
 sumeret in aromatarias, coquas, & pistrices, significantur bona doctrinæ,
 per quæ jucundabit illa, & faventia faciet; per Servos & Ancillas, juvenes,
 & afinos, per quos faciet opus suum, significantur rationalia & scientifica,
 quibus confirmabit illa; per Gregem quem decimabit, significantur reliquæ
 boni quas violabit; & per quod essent in servos, significatur quod facturus,
 ut coelestia & spiritualia Verbi & doctrinæ, loco quod dominarentur, falsis
 ejus principiorum, & malis ejus cupiditatum, confirmandis, inservitura;
 nam nihil non infunditur principiis falsi ut confirmans, falsè applicando,
 sinistre interpretando, pervertendo, rejiciendo illa quæ non favent; quare
 additur, si clamaveritis in die illo propter Regem vestrum, quem elegistis
 vobis, non respondebit Jehovah in die isto.

2568. Supra in hoc Capite dictum, quod doctrina nulla fieret, si consuleretur rationale, n: 2516. 2538, & quod nec consultum fuerit, n: 2519. 2531; hic autem dicitur, quod doctrina fidei locupletata sit bonis & veris
 tam

tam rationalibus quam naturalibus; hæc primo intuitu apparent sicut forent sibi adversa & contraria, sed usque non sunt: quomodo apud Dominum fuit, dictum est; at quomodo apud hominem, dicendum; apud hominem profusus aliud est ex rationalibus spectare doctrinam fidei, & aliud ex doctrina fidei spectare rationalia; ex rationalibus spectare doctrinam fidei, est non prius credere Verbo seu doctrinæ quæ inde, quam cum ex rationalibus persuadetur quod ita sit; at ex doctrina fidei spectare rationalia, est primum credere Verbo seu doctrinæ inde, & dein eadem confirmare per rationalia; illud est inversus ordo, & facit ut nihil credatur, hoc autem est genuinus ordo, & facit ut melius credatur; illud est, quod morieris propter mulierem, quibus significatur, quod doctrina fidei nulla fieret si consuleretur rationale, n: 2516. 2538, hoc autem, quod Abimelech dedit gregem & armentum, & servos & ancillas, quibus significatur quod doctrina fidei locupletata sit bonis & veris rationalibus & naturalibus: de his multum agitur in Verbo in sensu ejus interno, imprimis ubi de Aschure & de Ægypto, ex causa, quia dum doctrina fidei spectatur ex rationalibus, hoc est, non prius creditur quam homo ex illis persuadetur quod ita sit, quod tunc non modo nulla fiat, sed etiam negetur quicquid ibi; at dum ex doctrina fidei spectantur rationalia, hoc est, quod credatur Verbo, & dein eadem confirmantur per rationalia, quod tunc doctrina vivat, & affirmetur quicquid ibi: sunt itaque duo principia, unum quod ducit ad omnem insipientiam & insaniam, alterum quod ducit ad omnem intelligentiam & sapientiam; illud principium est negare omnia, seu dicere corde suo quod non credere possit illa, priusquam convincatur ab illis quæ capere aut sentire potest, hoc principium est quod ducit ad omnem insipientiam & insaniam, & dicendum est Principium negativum; alterum principium est affirmare illa quæ doctrinæ ex Verbo sunt, seu apud se cogitare & credere quod vera sint quia Dominus dixit, hoc principium est quod ducit ad omnem intelligentiam & sapientiam, & dicendum est Principium affirmativum: qui ex Principio negativo cogitant, quo plus consulunt rationalia, quo plus scientifica, & quo plus philosophica, eo plus conjiciunt & præcipitant se in tenebras, usque tandem ut negent omnia, causæ sunt, quia nemo capere potest ex inferioribus superiora, hoc est, ex illis spiritualia & cœlestia, minus adhuc Divina, quia transcendunt omnem intellectum, & præterea involvuntur tunc singula negativis ex principio; vicissim autem, qui ex principio affirmativo cogitant, ii possunt se confirmare per quæcunque rationalia, & per quæcunque scientifica, imo per philosophica, per quæ usquam possunt, sunt enim ea omnia illis confirmantia, & dant eis ideam plenioris rei. Præterea sunt, qui in dubio sunt antequam negant, & sunt qui in dubio antequam affirmant; qui in dubio sunt antequam negant, sunt ii qui inclinant ad vitam mali, quæ vita cum aufert, tunc quantum cogitant de illis, tantum negant; qui autem in dubio sunt antequam affirmant, sunt ii qui inclinant ad vitam boni, ad quam cum flecti se patiuntur a Domino, tunc quantum tum cogitant de iis, tantum affirmant. Quia de his ulterius in Versibus qui sequuntur, agitur,

No. V.

E

licet,

ficet, ex Divina Domini Misericordia, ea ibi plenius illustrare; videatur n. 2588.

2569. Quod dedit Abrahamo, significet quod Domino, constat a repræsentatione Abrahami, quod sit Dominus, de qua multoties prius. Et restituit illi Sarah uxorem ejus, quod significet quando Divinum spirituale adjunctum esset Divino cœlesti, constat a significatione Saræ uxoris, quod sit Verum Spirituale adjunctum Bono cœlesti, de qua n. 2507: quis sensus internus verborum in hoc Versu sit, ex dictis patet, nempe quod Domino, cum unitum in Ipso Humanum Divino & Divinum Humano, fuerit Omnisscientia non modo Divinorum cœlestium & spiritualium, sed etiam infracœlestium & infraspiritualium, hoc est, rationalium & naturalium; nam ex Divino, ut ex Sole omnis lucis, singula ut præsentia videntur.

2570. Vers: 15. *Et dixit Abimelech, ecce terra mea coram te, in bono in oculis tuis habita.* Dixit Abimelech, ecce terra mea coram te, significat perceptionem Domini de doctrina amoris & charitatis: in bono in oculis tuis habita, significat quod in omni esset ubi bonum.

2571. Dixit Abimelech ecce terra mea coram te, quod significet perceptionem Domini de doctrina amoris & charitatis, constat a significatione dicere, quod sit cogitare, de qua n. 2506; & a significatione terræ, quod hic sit doctrina amoris & charitatis; Terra in sensu interno varia significat, n. 620. 636. 1067, at quid significat, ex serie rerum constat; significat enim Externum hominem Ecclesiæ, cum Cœlum Internum, n. 82. 913. 1411. 1733; significat etiam tractum ubi Ecclesia, n. 662, 1066; significat ipsam Ecclesiam, tum universaliter Regnum Domini in cœlis & in terris, ex eo quod terra Canaan seu terra sancta illud representabat, n. 1437. 1585. 1607: idem quoque Novum cœlum & nova terra, n. 1733. 1850. 2117. 2118; & quia hominem Ecclesiæ, Ecclesiam, & Regnum Domini, etiam significat illud quod essentiale eorum est, nempe amorem in Dominum & charitatem erga proximum, nam inde pendent, n. 537. 540. 547. 553. 2130; proinde doctrinam amoris & charitatis, quæ est Ecclesiæ, & quæ hic est terra Abimelechi, nam per Abimelechum ut Regem significatur doctrina fidei, ut ostensum, per terram autem ejus, unde & ubi ille, doctrina amoris & charitatis, unde & ubi fides. Quod hætenus cogitatio Domini fuerit de doctrina fidei, nunc autem de doctrina amoris & charitatis, inde est, quia Dominus Humanum adjunxit Divino per vera, quæ sunt fidei, tametsi simul per Divina Bona, quæ sunt amoris, in veris, secundum ordinem, per quem etiam homo fit spiritualis & cœlestis, sed non Divinus qui vitam habet in se, ut Dominus: at cum in Domino conjugium Divinum Veri & Boni, ac Boni & Veri, factum, quod significatur per quod Abimelechus restituit Saram uxorem Abrahamo, n. 2569, tunc cogitatio fuit de doctrina amoris & charitatis, hoc quoque secundum ordinem, cum enim homo factus est spiritualis & cœlestis, tunc non amplius cogitat ex vero sed ex bono, at non ex Divino Bono unito Divino Vero, sicut Dominus: hæc causa est, quod nunc primum nominetur doctrina amoris & charitatis, tametsi

metri doctrina fidei in se spectata eadem est, & semper perceptio, & cogitatio Domini fuerit ex Amore Divino in singulis fidei. Inde est, quod doctrina amoris & charitatis sit ipsa Doctrina Divina, & illa quæ in Antiquissimis Ecclesiis exulta, quæ quia unum faciebat cum doctrina fidei, rejecerunt illos qui separabant, videatur n: 2417.

2572. Quod in bono in oculis tuis habita, significet quod in omni esset ubi bonum, in proximo sensu quod in bono doctrinæ, constare potest a significatione oculorum, qui significant intellectuale, quod est doctrinæ; & ex significatione habitare, quod est vivere, n: 1293, hic Esse, quia prædicatur de Domino. Esse in omni ubi bonum, est esse in omniscientia omnium Divinorum, cœlestium, spiritualium, rationalium, & naturalium, & hoc ex Divino amore, Divino enim Amori inest omniscientia omnium illorum, n: 2500. Præterea Doctrinæ datur bonum & verum; doctrinæ bonum est amor & charitas, doctrinæ verum est fides; qui in doctrinæ bono sunt, hoc est, in amore & charitate, sunt in doctrinæ vero, hoc est, in fide: sed aliud est, in bono esse, seu in amore & charitate, & aliud in doctrinæ bono; infantes qui in amore erga parentes sunt & in charitate erga alios infantes, in bono sunt, non autem in doctrinæ bono, proinde non in doctrinæ vero seu fide; at in doctrinæ bono sunt illi qui per vera fidei regenerati sunt, hi quantum in bono, tantum in veris sunt, hoc est, quantum in amore & charitate, tantum in fide, proinde tantum in sapientia & intelligentia: Angeli quia in amore in Dominum & in amore mutuo, etiam in omni vero sunt, ita in omni sapientia & intelligentia, non solum rerum cœlestium & spiritualium, sed etiam rationalium & naturalium; ex amore enim, quia a Domino, sunt in ipsis principiis seu fontibus rerum, hoc est, in finibus & causis; ex principiis, seu finibus & causis, videre, est e cœlo omnia quæ infra sunt, etiam quæ in terra; se habet hoc comparative sicut qui in alto monte, ac in turri speculatoria ibi, is circumspicere potest ad plura milliaria illa quæ infra sunt, cum illi qui infra, & magis qui in valle aut in sylva, vix possunt ad totidem passus: ita se quoque habet cum illis qui in doctrinæ bono sunt, respective ad illos qui in doctrinæ vero separato a bono, tametsi hi putant se longius videre quam illi, sed usque nihil boni vident, nec quicquam veri nisi levissime in superficie, & hoc conspurcatum falsis: verumtamen sapientia & intelligentia Angelorum est finita, & respective ad Divinam Domini finitissima, & vix quicquam, ut constare potest ex eo, quod inter Infinitum & finitum non detur ratio, at usque communicatio ex Divina Omnipotentia; & ex eo quod Dominus sit ipsum Bonum, & ipse Amor, proinde ipsum Esse boni, & ipsum Esse amoris qui apud Angelos, ita ipsum Esse sapientiæ & intelligentiæ eorum. Inde etiam patet, quod Dominus in cœlo & in terra sit in omni ubi bonum; nimium falluntur, qui putant quod Dominus sit in vero separato a bono, non est nisi quam in bono, & inde in vero, hoc est, in amore & charitate, & inde in fide.

2573. Verſ: 16. *Et Saræ dixit, ecce dedi mille argenti fratri tuo, ecce illud tibi velamen oculorum omnibus qui tecum, & cum omnibus; & vindicata eſt.* Et Saræ dixit, ſignificat perceptionem ex vero ſpirituali: ecce dedi mille argenti fratri tuo, ſignificat abundantiam veri rationalis bono cœleſti ad-juncti: ecce illud tibi velamen oculorum omnibus qui tecum, ſignificat quod vera rationalia ſint inſtar velaminis aut amiſtus veris ſpiritalibus: & cum omnibus, ſignificat quod & vera quæ inde: & vindicata, ſignificat quod ſic nulla culpa & nulla noxa.

2574. Et Saræ dixit, quod ſignificet perceptionem ex vero ſpirituali, conſtat ex repræſentatione Saræ ut uxoris, quod ſit Verum ſpirituale Divinum, de qua n: 2507; & ejuldem ut ſororis, quod ſit verum rationale, de qua n: 2508; & a ſignificatione dicere, quod ſit percipere, de qua n: 2506: hic dictum Saræ ut uxori, tum ut ſorori, ut uxori quia reſtituta eſt, n: 2569, ut ſorori quia dicitur, dedi mille argenti *fratri tuo*; & quod dictum ab Abimelecho, hoc perceptum a Sarah in illo ſtatu, ideo per dicere Saræ ſignificatur percipere ex Vero ſpirituali. Hæc quod arcaniora involvant, quam ad captum poſſint exponi, patet; quæ ſi aliquid modo exponerentur, neceſſum erit ut plura prius explicentur, quæ adhuc ignorantur, ut quid Verum ſpirituale, quid perceptio ex Vero ſpirituali, quod perceptio ex Vero ſpirituali fuerit Soli Domino, quod Dominus, ſicut verum rationale implantavit bono rationali, ita verum ſpirituale bono cœleſti, ita continue Humanum Divino, ut in ſingulis eſſet Conjugium Humani cum Divino, ac Divini cum Humano; hæc & plura præcedent, antequam ad captum explicari poſſint illa quæ in hoc Verſu; ſunt hæc imprimis adæquata mentibus angelicis, quæ in intelligentia talium ſunt, pro quibus ſenſus internus Verbi; illis hæc repræſentantur cœleſti modo, & per hæc, & per illa quæ in hoc Capite, inſinuatur, quomodo Dominus humanum, quod a matre, per gradus eiecerit, uſque tandem ut ejus filius non eſſet amplius, quod pro matre nec agnoverit, patet apud Matth: xii: 46. 47. 48. 49. Marc: iiii: 31. 32. 33. 34. 35. Luc: viii: 20. 21. Joh: ii: 4; & quomodo Humanum ex propria potentia fecerit Divinum, uſque ut unus eſſet cum Patre, ut Ipſe docet apud Joh: xiv: 6. 8. 9. 10. 11, & alibi; hæc per myriades idearum & repræſentationum, omnium ineffabilium, ſiſtuntur a Domino Angelis in clara luce; cauſa eſt, quod mentibus eorum, ut dictum, adæquata ſint, ac quod in beatitudine intelligentiæ & felicitate ſapientiæ ſuæ ſint, cum in his; & præterea, quia ſunt Angeli, qui, dum homines fuerunt, ceperunt ideam de Humano Domini, ſicut de humano apud alium hominem, ut ii cum Angelis cœleſtibus in altera vita ſimul eſſe poſſint, (ideæ enim inſpiratæ affectione boni conjungunt in altera vita), talia per ſenſum internum Verbi diſcutiuntur, & ſic perſciuntur: inde conſtare poteſt, quam pretioſa ſunt Angelis, quæ in ſenſu interno Verbi, tametiſi fortaliſ ut levia apparitura homini, qui in tam obſcura idea eſt de ſimilibus, ut vix aliqua.

2575. Ecce dedi mille argenti fratri tuo, quod ſignificet abundantiam inſinitam.

fnitam veri rationalis bono adjuncti, constat ex significatione Mille, quod sit multum & innumerum, hic infinitum seu infinita abundantia, quia predicatur de Domino, de qua ejus significatione infra; a significatione Argenti, quod sit verum rationale, de qua n: 1551. 2048; & a significatione fratris, quod sit celeste bonum vero rationali, ut frater forori, adjunctum, n: 2524. 2557; inde patet, quod dedi mille argenti fratri tuo, significet abundantiam infinitam veri rationalis bono adjuncti; quod bono data, quod est frater, non autem vero, est quia a bono verum, non vicissim: de infinita illa abundantia, videatur n: 2572. Quod Mille in Verbo significant multum ac innumerum, & cum predicantur de Domino, quod infinitum, patet ab his locis; apud Mosen, "Ego Jehovah Deus tuus, Deus zelotes, visitans iniquitatem patrum super filios, super tertios, & super quartos, osoribus meis; & faciens misericordiam *Millibus* amantibus Me, & custodientibus præcepta mea," Exod: xx: 5. 6. Cap: xxxiv: 7. Deut: v: 9. 10: & apud Jeremiam, "Jehovah faciens misericordiam in *Millenis*, & retribuens iniquitatem patrum in sinum filiorum eorum post eos," xxxii: 18, ubi per millia & millenos non significatur aliquid definitum, sed infinitum, Misericordia enim Domini est infinita, quia Divina: apud Davidem, "Cursum Dei binæ *myriades*, *Milleni duplicati*, Dominus in illis, Sinai in sanctitate," Psalm: lxxviii: 18; ubi myriades & milleni pro innumerabilibus: apud Eundem, "Cadet a latere tuo *Mille*, & *Myrias* a dextra tua, ad te non accedet," Psalm: xci: 7; ubi mille & myrias etiam pro innumerabilibus; & quia de Domino, qui per Davidem in psalmis intelligitur, pro omnibus qui inimici sunt: apud Eundem, "Penuaria nostra plena depromentia de cibo ad cibum, greges nostri parientes *Mille*, & *decem Mille* in plateis nostris," Psalm: cxliv: 13; etiam ibi mille, & decem mille seu myrias, pro innumerabilibus: apud Eundem, "*Mille* anni in oculis tuis, sicut dies heri, cum transiit," Psalm: xc: 4; Mille anni pro quod absque tempore, ita pro æterno, quod est infinitum temporis: apud Esaiam, "*Mille unum* a coram increpatione unius, a coram increpatione quinque, fugietis, donec remaneatis sicut malus super capite montis," xxx: 17; ubi mille unum, seu chilias, pro multis absque definito numero, quinque pro paucis, n: 649: apud Mosen, "Jehovah Deus patrum vestrorum addat super vos, sicut vos, *Mille vicibus*, & benedicat vobis," Deut: i. ii: ubi mille vices pro innumeris, sicut in communi sermone, in quo etiam Mille pro multis dicuntur, sicut quod millies dictum, quod mille modis factum; similiter apud Josuam, "Vir unus de vobis persequetur *Mille*, quia Jehovah Deus vester pugnat vobis," xxi: 10. Quia Mille definitus est numerus in calculo, apparet in Prophetis, imprimis cum historice connexa sunt, quod mille significant mille, cum tamen significant absque certo numero multos seu innumerabiles; historica enim talis naturæ sunt, ut determinent ideas ad significationes proximas & proprias vocum, sicut etiam ad Nomina, quæ ibi, cum tamen per numeros, æque ac per nomina, in Verbo significantur res, ut constare potest ex illis, quæ de Numeris prius, n: 482. 487. 575. 647. 648.

755. 813. 1963. 1988. 2075. 2752, ostensa sunt; inde est quod etiam aliqui autem per mille annos in Apocalypsi, Cap: xx: 1. 2. 3. 4. 5. 6. 7, mille annos seu mille tempora significari, ex causa, ut dictum, quia Prophetica ibi historice descripta sunt, cum tamen per Mille annos ibi nihil nisi multum indeterminatum, tum alibi quoque infinitum temporis seu æternum, significatur.

2576. Quod ecce illud tibi velamen oculorum omnibus qui tecum, significet quod vera rationalia sint instar velaminis aut amictus veris spiritualibus, constat a significatione velaminis, de qua mox sequitur, & a significatione oculorum, quod sint intellectualia, ut patet a per plurimis locis in Verbo; tum a significatione videre, quod sit intelligere, n: 2150. 2325; quisque videre potest, quod in singulis in hoc Versu, arcana sint, quæ non patefieri possunt, nisi a sensu quodam interiori; ut, quod dederit mille argenti, & hoc dicatur non marito sed fratri ejus, quod illud esset velamen oculorum, & ei, & omnibus qui cum illa, tum cum omnibus, & quod sic vindicata; plures quidem conjecturæ historice ex sensu literæ deduci possent, sed omnes illæ non habent aliquid spirituale, minus Divinum, quale tamen est Verbum. Quod Vera rationalia sint instar velaminis seu amictus veris spiritualibus, ita se habet; quæ intima sunt hominis, illa sunt ejus animæ, quæ autem exteriora sunt, illa sunt ejus corporis; intima hominis sunt bona & vera, ex quibus anima suam vitam habet, alioquin anima non esset anima; exteriora inde trahunt suam vitam, & sunt omnia corporis instar, seu quod idem est, sunt velaminis aut amictus instar; quod imprimis constare potest ab illis quæ in altera vita apparent, ut ab Angelis cum sistuntur videndi, eorum interiora elucent a facie, exteriora repræsentantur tam in corpore, quam in amictu eorum, usque adeo, ut quilibet ibi ex solo amictu scire possit, quales sunt, sunt enim reales substantiæ, ita essentiae in forma; cum Angelis, qui visi, & quoad facies & amictus descripti in Verbo, similiter se habet, ut qui visi in sepulchro Domini, Matth: xxviii: 3. Marc: xvi: 5; & viginti quatuor seniores circum thronum, Apoc: iv: 4. 5, & alii, nec solum cum Angelis, sed etiam cum omnibus reliquis, tametsi inanimata, quæ memorantur in Verbo, eorum exteriora sunt velamen aut amictus, sicut cum Arca foederis & cum Tentorio quod circum circa, Arca ibi, quæ intimum, repræsentabat ipsum Dominum, nam ibi Testimonium, at Tentorium, quod extra, repræsentabat Regnum Domini, Velamina ibi, seu Vela & Tegumenta, omnia & singula repræsentabant exteriora cœlestia & spiritualia in Ipsius Regno, nempe in Tribus cœlis; quod constare potest inde, quod forma ejus ostensa sit Moysi in monte Sinai, Exod: xxv: 9. Cap: xxvi: 30; inde sanctitatem suam habuit, non autem ab auro, & argento, & a sculpturis, quæ ibi: quia nunc agit de veris rationalibus, quod sint instar velaminis aut amictus Veris spiritualibus, & apud Moysen describitur Tentorium, quoad *Velamina* ejus aut Tegumenta, etiam quoad Vela, quæ ante introitus, licet, illustrationis causa, exponere, quid in specie per *Vela* ibi significatum sit; quid autem per Tegumenta circum circa, alibi, ex Divina

vina Domini Misericordia, dicitur: Vela ibi fuerunt tria, Primum quod fecit discrimen inter Sanctum & Sanctum sanctorum; Alterum, quod vocatur Tegumentum pro janua tentorii; Tertium, quod Tegumentum pro porta atrii: de ipso Velo, quod Primum, ante arcam, ita apud Moſen; “Facies *Velum*, ex hyacinthino, & purpura, & coccineo dibapho, & xylino intertexto, opus excogitationis, facies illud cum Cherubis: & dabis illud super quatuor columnis Schittim, obductis auro, & unci earum ex auro; super quatuor basibus argenti; & dabis *Velum* sub anſulis; & inferes eo, intra *Velum*, Arcam Testimonii, & distinguet *Velum* vobis inter Sanctum & Sanctum sanctorum,” Exod: xxvi: 31. 32. 33. 34. Cap: xxxvi: 35. 36: hoc *Velum* repræſentabat apparentias proximas & intimas boni & veri rationalis, in quibus ſunt *Angeli Tertii Cæli*, quæ apparentiæ deſcriptæ ſunt per hyacinthinum, purpuram, coccineum dibaphum, & xylum intertextum, in quibus color ruber repræſentabat bona amoris, & albus vera ejus; ſimiliter etiam aurum & argentum, quibus obducebantur columnæ, & ex quibus unci & baſes; quod colores repræſentent, videatur n: 1042. 1043. 1053. 1624; quod aurum ſit bonum amoris, n: 113. 1551. 1552; quod argentum ſit verum, n: 1551. 2048: inde conſtare poteſt, quid ſignificat, quod *Velum* Templi diſciſſum ſit, Matth: xxvii: 51. Marc: xv: 38. Luc: xxi: 45, nempe quod Dominus intraverit in Ipſum Divinum omnibus apparentiis diſcuſſis, & quod ſimul aperuerit aditum ad ipſum Divinum per Suum Humanum Divinum factum. De Altero, ſeu Tegumento pro janua tentorii, ita apud Moſen, “Facies *Tegumentum* ad oſtium tentorii, ex hyacinthino, & purpura, & coccineo dibapho; & xylino intertexto, opus acupiſtoris: & facies ad *Tegumentum* quinque columnas ſchittim, & obduces eas auro, unci earum ex auro, & fundes iis quinque baſes æris,” Exod: xxvi: 36. 37. Cap: xxxvi: 37. 38: per hoc Tegumentum repræſentatæ ſunt apparentiæ boni & veri, quæ prioribus inferiores ſeu exteriores ſunt, ſeu mediæ rationalis, in quibus ſunt *Angeli Secundi Cæli*; quæ apparentiæ pæne ſimiliter deſcriptæ ſunt, cum diſſerentia tamen, quod pro illo Tegumento quinque columnæ & quinque baſes eſſent, per quem numerum ſignificatur parum reſpective, nam hæ apparentiæ non ita coherent, aut ita cœleſtes ſunt, ac apparentiæ intimi ſeu Tertii Cæli; de numero quinque quod parum, videatur n: 649. 1686; & quia hæ apparentiæ ſpectant naturalia, mandatum quod baſes funderentur ex ære, per æs enim repræſentabatur & ſignificabatur bonum rationale, n: 425. 1551. De Tertio, ſeu Tegumento pro porta atrii, ita apud Moſen, “Portæ atrii *Tegumentum*, viginti cubitorum, ex hyacinthino & purpura, & coccineo dibapho, & xylino intertexto, opus acupiſtoris; columnæ eorum quatuor, baſes harum quatuor, omnes columnæ atrii circumcirca cinctæ argento, unci earum ex argento, ſed baſes earum ex ære,” Exod: xxvii: 16. 17. Cap: xxxviii: 18. 19; per hoc Tegumentum repræſentatæ ſunt apparentiæ boni & veri adhuc inferiores ſeu exteriores, quæ ſunt infimæ rationalis,

in:

? naturale

in quibus sunt *Angeli Primi Celi*; hæc apparentiæ, quia correspondent interioribus, descriptæ sunt similiter, cum differentia tamen, quod columnæ non obductæ auro, sed cinctæ argento, & quod unci essent ex argento, quibus significantur vera rationalia ex scientificis ortum immediate ducentia, & bases ex ære, quibus significantur bona naturalia: inde constare potest, quod nihil non ibi repræsentativum cœlestium & spiritualium Regni Domini fuerit, seu quod ad omnem typum cœlestium & spiritualium in Tribus Cœlis facta sint; tum quod Velamina seu Tegumenta significaverint illa, quæ instar corporis seu amictus sunt circum seu extra Intimum. Præterea quod Velamina, Tegumenta, Amictus seu Vestes significant Vera inferiora respectivè, constare potest a multis locis in Verbo; ut apud Ezechielem, “Byssus in acupictura ex Ægypto fuit *Expansum* tuum, hyacinthinum & purpura ex insulis Elisha *Tegumentum* tuum,” xxvii: 7; ubi de Tyro, per quam significantur cognitiones interiores cœlestium & spiritualium, proinde qui in illis sunt, n: 1201; acupictura ex Ægypto pro scientifico, quod Ægyptus sit scientificum, n: 1164. 1165. 1186. 1462; hyacinthinum & purpura ex insulis Elisha, quod tegumentum, pro ritualibus correspondentibus cultui interno, n: 1156: apud Eundem, “Descendent desuper foliis suis omnes principes maris, & removebunt *Amicula* sua, & *Vestes acupicturæ* sue exuent, terroribus induentur, super terra fedebunt,” xxvi: 16; etiam de Tyro, amicula & vestes acupicturæ pro cognitionibus ex scientificis, ita pro veris inferioribus: apud Eundem, “*Vestivi* te acupicto, & calceavi te taxo, & *accinxi* te bysso, & *obtexi* te serico, & ornavi te ornamento, & dedi armillas super manus tuas, & torquem super guttur tuum. Sumisti de *Vestibus* tuis, & fecisti tibi ex celsa variegata, & scortata es super illis; sumisti *Vestes acupicti*, & texisti eas,” xvi: 10. 11. 16. 18; de Hierosolyma, quæ est Ecclesia spiritualis, descripta qualis antiquitus, & qualis postea cum perversa; ejus spiritualia inferiora, & doctrinalia, sunt vestes acupicti, byssi, serici: apud Esaiam, “Dominus Jehovah Zebaoth removens ex Hierosolyma omnem baculum panis, & baculum aquæ; tunc apprehendet vir fratrem suum domus patris sui, *Vestis* tibi, princeps eris nobis: excipiet in die isto, dicendo, non ero alligans, & in domo mea non panis, & non *Vestis*, ne ponatis me principem populi. Scabie afficiet Dominus verticem filiarum Zionis; & in die illo removebit Dominus ornatum compedum, & reticulorum, & lunularum, & collariorum, & catenularum, & bracteolarum: & tiaras, & periscelides, & alligamenta, & domos animæ, & inares: annulos, & ornamenta nasi, *Mutatorias Vestes*, & *Amicula*, & *pepla*, & acitaria, specula, & sindones, & cidares, & palliola,” 111: 1. 6. 7. 17 ad 24. Hierosolyma pro Ecclesia spirituali, Jehuda pro Ecclesia cœlesti, baculus panis & baculus aquæ, qui removebitur, pro bono & vero; vestis quæ principi, pro veris, quæ sunt doctrinæ; amictus & ornatus vari filiarum Zionis, qui enumerantur, sunt omnes & singuli genera & species boni & veri, quibus

quibus privarentur; nisi singula, quæ memorantur, aliquid peculiare Ecclesiæ significaret, non foret Verbi, in cuius unaquavis voce Divinum; prædicantur de filiabus Zionis, per quas quod illa quæ Ecclesiæ sunt significantur, videatur n: 2362: apud Eundem, "Excitare, excitare, induere robur tuum, Zion, induere *Vestes decoris tui*, Hierosolyma, civitas sanctitatis," quia non addet, veniat in te amplius præputiatus & immundus," LII: 1. 2. Zion pro Ecclesia cœlesti, Hierosolyma pro spirituali, vestes decoris pro sanctis fidei: apud Eundem, "Telæ eorum non sunt ad *Vestem*, neque teguntur operibus eorum, opera eorum, opera iniquitatis," LIX: 6; telæ pro fictis veris quæ non sunt ad vestem, vestis pro veris exterioribus doctrinæ & cultus, inde dicitur, neque teguntur operibus: apud Eundem, "Gaudendo gaudebo in Jehovah, exultabit anima mea in Deo meo, quia induet me *Vestibus salutis*, *Amiculo iustitiæ* textit me," LXI: 10; vestes salutis pro veris fidei, amiculum salutis pro bono charitatis: apud Johannem, "Habes pauca nomina etiam in Sardibus, quæ non polluerunt *Vestimenta* sua, & ambulantur Mecum in albis, quia digni sunt: qui vicerit, is induetur *Vestimentis albis*," Apoc: III: 4. 5: apud Eundem, "Beatus qui vigilat, & servat *Vestimenta* sua, ut non ambulet nudus," Apoc: XVI: 15: apud Eundem, "Super thronis vidi viginti & quatuor seniores sedentes, indutos *Vestimentis albis*," Apoc: IV: 4. 5; ubi quod vestimenta non sint vestimenta, patet, sed spiritualia quæ sunt veri: similiter quod Dominus dixit de consummatione sæculi, quod non reverterentur retro ad tollendum *Vestimenta*, Matth: XXII: 11. 12. Marc: XIII: 16, ubi quod vestimenta sint vera, videatur n: 2454: tum quod de non induto *veste nuptiarum*, Matth: XXII: 11. 12; & quod de Johanne, "Quid exivisti videre, num hominem *splendidis Vestimentis* indutum, qui splendida gerunt, in domibus Regum sunt," Matth: XI: 8. Luc: VII: 25; pro quod non in externis doctrinæ & cultus, sed in internis, quare addit, "quid exivisti videre, num prophetam, dico vobis, etiam magis quam propheta," ib: vers: 9, propheta pro externis doctrinæ & cultus. Quia Vestes vera, omnis generis significabant, mandatum erat, quod filii Israelis, cum exirent Aegypto, mutuo peterent aurum & argentum, & *Vestes*, & ponerent super filios, Exod: III: 22. Cap: XII: 35. 36. tum quod *Vestes plurium generum* seu mixtæ non induerentur, Levit: XIX: 19. Deut: XXII: 11: Et quod facerent sibi peniculamenta in *oris Vestium*, ponerent ibi filum hyacinthinum, & cum id viderent, recordarentur præceptorum, & facerent ea, Num: XV: 38. 39. 40: Discindebant etiam olim *Vestes*, ut patet Jos: VII: 6. Jud: XI: 35. 1 Sam: IV: 12. 2 Sam: I: 2. 11. 12. Cap: III: 31. Cap: XII: 30. 31. Cap: XV: 32. 1 Reg: XXI: 27. 2 Reg: V: 7. 8. Cap: VI: 30. Cap: XXII: 11. 14. 19. Es: XXXVI: 22. Cap: XXXVII: 1; quod significabat Zelum pro doctrina ac vero, quod sic laceratum; tum humiliationem, quod nihil apud eos, quod significatur per ornatum vestium. Quod per Velamina, Tegumenta, Amictus aut Vestes talia significantur, etiam a prophetia Jacobi, tunc Israelis, patet, "Ligabit ad vitem pullum suum, & ad vitem

No. V.

F

" nobi-

“nobilem filium asinæ suæ; lavabit in vino *Vestimentum* suum, & in sanguine uvarum *Velamen* suum,” Gen: XLIX: 11; quid hæc significant, nemo scire potest, nisi ex sensu interno, quid nempe vitis, vitis nobilis, pulchra, filius asinæ, vinum, sanguis uvarum, vestimentum, & velamen; quod de Domino, qui ibi vocatur Schiloh, manifestum est; agitur ibi de Jehudah, per quem repræsentatur Divinum cœleste Domini; per vestimentum quod lavaret in vino, & per velamen quod in sanguine uvarum, significatur Ipsi Rationalis & Naturalis, quod Divinum faceret: similiter apud Esaiam, “Quis hic veniens ex Edom, infectus *Vestes* ex Bozra, hic honorabilis in *Vestitu suo*, incedens in multitudine roboris sui: quare rubicundus” quoad *Vestem* tuam, & *Vestis* tua sicut calcantis in torculari; & torcular calcavi solus ego, & de populis non quisquam mecum: sparsa est victoria eorum super *Vestes meas*, & omne *Indumentum* meum pollui,” LXIII: 1. 2. 3; ubi etiam Vestes & Indumentum pro Humano Domini, quod per pugnas tentationum & victorias Divinum ex propria potentia fecit, quare dicitur, torcular calcavi solus ego, & de populis non quisquam Mecum: quod Ifacus odoraretur odorem *Vestium Esavi*, & sic benediceret, Gen: XXVII: 27, simile involvit. Ipsum Sanctum Divini Humani Domini, etiam fuit Vestimentum, quod apparuit sicut Lux, & sicut Album fulgurans, cum transformatus, de quo ita apud Matthæum, “Cum Jesus transformatus, splenduit facies Ipsi sicut Sol, *Vestimenta* Ipsi facta sunt sicut Lux,” XVII: 2: apud Lucam, “Jesus cum oraret, facta est species faciei Ipsi alia, Ipsi *Vestimentum album fulgurans*,” IX: 29: & apud Marcum, “Cum Jesus transformatus, *Vestimenta* Ipsi facta *splendentia*, alba valde” sicut nix, cujusmodi fullo super terra non potest dealbare,” IX: 3. Vestes sanctitatis, quibus indutus Aharon, cum intraret intra velum, quæ erant lini, simile repræsentabant, Levit: XVI: 2. 4: pariter Vestes sanctitatis quæ ad gloriam & decus, ac Ministerii, de quibus Exod: XXVIII: 2 ad f. Cap: XXXIX: 1 ad f; in illis ne hilum erat, quod non repræsentabat.

2577. Et cum omnibus, quod significet quod & vera quæ inde, nempe scientifica & sensualia, constat ab illis quæ supra dicta sunt, atque ipsa serie, dicitur enim mox supra, ecce illud tibi velamen oculorum *omnibus* qui tecum, per quæ significantur vera rationalia, quæ instar velaminis veris spiritualibus sunt, & nunc iterum dicitur, *cum omnibus*, quibus ideo significantur vera adhuc inferiora, quæ sunt ex rationalibus, hæc non alia sunt, quam quæ vocantur vera scientifica, & vera sensualia; quod ex rationalibus sint vera scientifica & vera sensualia, constat ex ordine influxus, interiora influunt in exteriora, seu quod idem, superiora in inferiora, non autem vicissim; apparet quidem aliter, nempe quod per sensualia & scientifica homo rationalis fiat, sed hoc est fallacia, Bonum a Domino per facultatem rationalem hominis jugiter influit & occurrit, & sibi adoptat scientifica, & quantum eorum sibi adoptare potest, & rite disponere, tantum rationalis fit: hoc similiter se habet, ac cum bono & veris quæ dicuntur fidei; bonum a Domino influit in vera, & ea sibi adoptat; & quantum eorum sibi adoptare potest,

tan-

tantum spiritualis fit homo; tametsi apparet, sicut vera, quæ dicuntur fidei, insuant, & hominem spirituales reddant: apparentia hæc etiam est causa, quod tantum hodie colatur verum quod est fidei, & non cogitetur de bono, quod est charitatis.

2578. Quod vindicata, significet quod sic nulla culpa, & nulla noxa, constat ab omnibus illis, quæ præcedunt, quorum hæc est clausula.

2579. Verf. 17. *Et oravit Abraham ad Deum, & sanavit Deus Abimelechum, & uxorem ejus, & ancillas ejus, & pepererunt.* Oravit Abraham ad Deum, significat revelationem: & sanavit Deus Abimelechum, significat doctrinæ integritatem quoad bonum: & uxorem ejus, significat quoad verum: & ancillas ejus, significat quoad affectiones doctrinalium: & pepererunt, significat fertilitatem.

2580. Oravit Abraham ad Deum, quod significet revelationem, constat a significatione orare eum prædicatur de Domino, quod fit revelari, de qua n: 2535; & a repræsentatione Abrahami, quod fit Dominus, de qua pluries. In sensu literæ sunt duo, nempe alius qui oravit, & alius ad quem oravit, nam dicitur oravit Abraham ad Deum, at in sensu interno, non sunt duo, sed unus, erat enim in Ipso Deus seu Jehovah, qui revelavit, nam a Jehovah conceptus: sed quantum humani materni, tantum fuit alius: hæc quomodo se habent, usque ad intellectum ægre cadere possunt in ideas, in angelicas quidem, quæ sistuntur in luce cœli, non ita in humanas, quæ nisi illuminatæ ab illis quæ sunt lucis mundi, non percipiunt; minus adhuc in illorum, quibus omne quod est lucis cœli, caligo est, ut fit nihil.

2581. Et sanavit Deus Abimelechum, quod significet doctrinæ integritatem quoad bonum, constat a significatione sanare, quod fit integrum facere; & a repræsentatione Abimelechi, quod fit doctrina fidei spectans rationalia, n: 2510: quod fit quoad bonum, patet ex eo, quod etiam uxor ejus dicatur sanata, per quod significatur doctrinæ integritas quoad verum; cum enim in Verbo maritus vocatur maritus, ut & cum nominatur, tunc ille significat bonum, & uxor verum; cum vero maritus dicitur vir, tunc is significat verum, & uxor bonum, de quo etiam n: 915. 1468. 2517.

2582. Et uxorem ejus, quod significet quoad verum, constat a significatione uxoris, quod fit verum, de qua mox supra, n: 2581.

2583. Et ancillas ejus, quod significet quoad affectiones doctrinalium inde, constat a significatione ancillarum, quod sint affectiones rationalium & scientificorum, de qua n: 1895. 2566, hic doctrinalium, quia prædicantur de doctrina fidei, fuerunt enim Abimelechi, per quem significatur doctrina fidei, n: 2509. 2510; omnia enim se prædicare habent ad illa, de quibus agitur.

2584. Et pepererunt, quod significet fertilitatem, constat a significatione parere & partus; in sensu interno Verbi non sunt nisi quam spiritualia & cœlestia, quæ significantur, quare ubi nominatur conceptio seu concipere,

partus seu parere, nativitas seu nasci, generatio seu generare, tum qui gignunt ut pater & mater, & qui gignuntur ut filii & filiae, non nisi quam in spirituali sensu intelliguntur, nam Verbum in se est spirituale & coeleste; ita hic quoque parere, quo significatur fertilitas quoad illa, quae sunt doctrinae: quod per partus in Verbo non alii partus intelligantur, constare potest ab his locis: apud Samuelem, “Saturi pane conducti sunt, & fame-
 “lici cessarunt, usque dum *sterilis peperit septem, multipropolis defecit*; Je-
 “hovah occidit & vivificat, descendere facit in infernum, & ascendere fa-
 “cit,” 1 Sam: 11: 5. 6: apud Jeremiam, “Languet *pariens septem*, ex-
 “spirat animam suam; occidit sol ejus, dum adhuc dies,” xv: 9: apud
 “Esaïam, “Canta *sterilis*, non *peperit*; persona cantu & jubila, non *partu-*
 “*rivit*, quia multi filii desolatae, prae filiis maritatae, dixit Jehovah,” LIV:
 “1: apud Davidem, “Vox Jehovah *parturire facit* cervas, & denudat sylvas;
 “& in templo Ipsius omnis Ipsi dicit gloriam,” Psalm: xxix: 9: apud
 “Esaïam, “Erubescit Zidon, quia dixit mare, munimentum maris, dicendo,
 “non *parturivi*, non *peperi*, nec educavi juvenes, & adolescere feci puellas,
 “sicut cum fama Aegyptio, *parturient*, secundum famam Tyri,” xxiii:
 “4. 5: apud Eundem, “Antequam *parturit*, *parit*, & antequam venit dolor
 “ei, *emixa est masculum*; quis audivit sicut hoc, quis vidit sicut illa, num
 “*parturit* terra die uno, & num *parere faciam*, dixit Jehovah; an Ego
 “*parere faciens*, & occludam, dixit Deus tuus,” LXVI: 7. 8. 9: apud Jeremiam,
 “Interrogate quæso, & videte, si *pariens mas*; quare vidi omnem
 “virum manus ejus super lumbis suis, sicut *parientis*,” xxx: 6: apud
 “Ezechielem, “Dabo ignem in Aegypto, & *parturiendo parturiet* Sin, & No
 “sit,” xxx: 16: apud Hofcheam, “Ephraim, sicut avis avolabit gloria
 “eorum, a *partu*, & ab *utero*, & a *conceptione*,” ix: 11: apud Eundem,
 “Dolores *parturientis* venerunt Ephraïmo, is filius non sapiens, quia tem-
 “pore non stabit in *fractura matricis* filiorum,” xiii: 13: apud Johan-
 “nem, “Mulier circumdata sole, & luna sub pedibus ejus, & super capite
 “ejus corona stellarum duodecim; *in utero gerens*, clamavit *parturiens*, &
 “cruciata ad *pariendum*: draco stetit coram muliere, quæ *paritura erat*,
 “ut quando *peperisset* filium suum, devoraret; *peperit* itaque filium mas-
 “culum, qui pasturus erat omnes gentes virga ferrea; sed raptus est puer
 “ad Deum, & thronum Ipsius,” Apoc: xii: 1. 2. 4. 5. Ex his omnibus
 locis quisque videre potest, quod non alii conceptus & partus significen-
 tur, quam qui sunt Ecclesiae; similiter ex his quæ de Abimelecho dicun-
 tur, quod sanaret Deus Abimelechum, uxorem ejus, & ancillas ejus, &
pepererunt; & quod *claudendo clauserit* Jehovah *omnem uterum* domus Abi-
 melechi, propter verbum Saræ, uxoris Abrahami; quid in sensu interno
 per hæc significatur, constare potest ab explicatione eorum, nempe quod
 status doctrinae fidei, qualis est, dum spectatur a veris Divinis, & qualis
 est dum spectatur a rationali, quod nempe, cum a veris Divinis, hoc est, a
 Verbo, tunc omnia & singula tum rationalia quam scientifica confirment;
 aliter

aliter cum ab humanis, hoc est, a ratione & scientia, quod tunc nihil boni & nihil veri concipiatur; nam spectare a Verbo, est a Domino, at spectare a ratione & scientia, est ab homine, ex illo est omnis intelligentia & sapientia, ex his est omnis insania & stultitia.

2585. Vers: 18. *Quia claudendo clausit Jehovah propterea omnem uterum domus Abimelechi, propter verbum Saræ, uxoris Abrahami.* Quia claudendo clausit Jehovah propterea omnem uterum domus Abimelechi, significat sterilitatem doctrinæ: propter verbum Saræ, significat per rationale si se conjunxisset: uxoris Abrahami, significat at verum spirituale conjungeretur bono cœlesti.

2586. Quia claudendo clausit Jehovah propterea omnem uterum domus Abimelechi, quod significet sterilitatem, nempe doctrinæ, constat a significatione claudendo claudere uterum, quod sit inhibere ipsam conceptionem; & a significatione domus Abimelechi, quod sit bonum doctrinæ fidei; inde quod sterilitas significetur, patet. Quod supra in hoc Capite dictum sit Deus, hic autem primum Jehovah, est quia Deus dicitur ubi de Vero, at Jehovah ubi de Bono, agitur; omnis conceptio doctrinæ est ex Bono ut Patre, at partus per Verum ut a Matre, ut aliquoties prius dictum est; hic agitur de Conceptione, quæ quia ex Bono, nominatur Jehovah, supra autem de partu, qui quia per Verum, dicitur Deus, ut in Versu præcedente, "*Sanavit Deus Abimelechum, uxorem ejus, & ancillas ejus, & pepererunt;*" similiter etiam alibi in Verbo, ubi agitur de Conceptione, "ut apud Esaiam, "*Jehovah ab utero vocavit me: dixit Jehovah formator meus ab utero;* tunc pretiosus ero *Jehova;* & *Deus* meus erit "robur meum," XLIX: 1. 5, robur prædicatur de vero, quare dicitur Deus: apud Eundem, "Sic dixit *Jehovah*, factor tuus, & formator tuus "ab utero," XLIV: 2. 24, & alibi; ideo quoque dicitur domus Abimelechi, per quam significatur bonum doctrinæ fidei, quod domus sit bonum, videatur n: 2048. 2233. 2234; & quod Abimelechus doctrina fidei, n: 2509. 2510. Quod arcanum Divinum sit in eo, quod pepererunt; & quod clausi sint uteri domus Abimelechi, propter Saram, patet, quod arcanum nusquam nisi per sensum internum detegitur.

2587. Propter verbum Saræ, quod significet per rationale si se conjunxisset, constat a repræsentatione Saræ, ut fororis, quod sit verum rationale, de qua n: 2508; verbum Saræ significat omnem rem transactam, quod nempe soror dicta, quod Abimelechus acceperit illam, sed quod non appropinquaverit ad illam: quid porro hæc significant, in mox sequentibus dicitur.

2588. Uxoris Abrahami, quod significet ut Verum spirituale conjungeretur Bono cœlesti, constat a repræsentatione Saræ ut uxoris, quod sit Verum spirituale conjunctum Bono cœlesti, de qua n: 1468. 1901. 2063. 2065. 2172. 2173. 2198. 2507, & a repræsentatione Abrahami, quod sit Bonum cœleste conjunctum Vero spirituali, de qua n: 2011. 2172. 2198.

2501;

2501: five dicas Verum spirituale & Bonum cœleste, five Dominum, idem est, quia Dominus est ipsum Verum & ipsum Bonum, ac ipsum Conjugium Veri & Boni ac Boni & Veri. Quomodo hæc se habent, constare quidem potest ab explicatione, sed quia inter obscura sunt, quæ hodie, licet quantum fieri potest illa illustrare: de Doctrina fidei hic agitur, de qua Dominus in pueritia cogitavit, scilicet num liceret in illam intrare per rationalia, & sic sibi de illa ideas formare; quod hoc cogitatum, erat ex amore consulendi Generi humano, quod tale est, ut quod non rationali modo capit, non credat; sed percepit ex Divino, quod hoc non fieri deberet, quare ex Divino illam sibi revelavit, & tunc inde etiam omnia in universo, quæ subiecta sunt, nempe quæ rationalium, & quæ naturalium. Quomodo se habet cum doctrinalibus fidei apud homines, supra n: 2568, dictum est, nempe quod duo principia sint, ex quibus cogitant, negativum & affirmativum; quodque ex principio negativo illi, qui nihil credunt nisi convincantur per rationalia & scientifica, imo per sensualia; & quod ex affirmativo illi, qui credunt quod vera sint, quia Dominus dixit in Verbo, ita qui fidem habent Domino: qui in negativo sunt, quod verum sit quod in Verbo, dicentes corde, quod tunc credere velint, cum per rationalia & scientifica persuadentur, cum iis ita est, quod nunquam credant, imo nec si per ipsa sensualia corporis, ut per visum, & auditum, & per tactum, convincerentur, semper enim nova ratiocinia formarent contra illa, ita tandem extinguendo prorsus omnem fidem, ac simul lucem rationalis vertendo in tenebras, quia in falsa: qui autem in affirmativo sunt, hoc est, qui credunt quod vera sint, quia Dominus ita dixit, cum illis ita est, quod per rationalia, & scientifica, etiam per sensualia, jugiter confirmantur, ac ideæ eorum illustrentur, & corroborentur; nam homo non aliunde habet lucem, quam per rationalia & scientifica, quisque etiam hoc facit; apud hos Doctrina sic vivendo vivit, & de iis dicitur, quod *sanentur & pariant*; apud illos autem Doctrina moriendo moritur, & de illis dicitur, quod *claudendo claudatur uterus*: ex his patet, quid sit per rationalia intrare in doctrinam fidei, & quid ex doctrina fidei intrare in rationalia, sed hæc per exempla illustrentur: Ex doctrina Verbi est, quod primum & principale doctrinæ sit amor in Dominum, & charitas erga proximum, illi qui in affirmativo in hoc sunt, possunt intrare in quæcunque libet rationalia, & scientifica, imo sensualia, quisque secundum suam dotem, suam scientiam, & suam experientiam, imo quo plus intrans, eo plus confirmantur, nam universa natura confirmationis plena est: at qui hoc primum & principale doctrinæ negant, & volunt prius convinci, quod ita sit per scientifica & rationalia, ii nusquam, quia negant corde, se patiuntur convinci, & continue pro alio principio, quod essentiale credunt, stant; ac iidem demum per confirmationes sui principii, tandem ita se occæcant, ut ne quidem scire possint quid amor in Dominum, & quid amor erga proximum; & quia se confirmant in contrariis, etiam tandem in eo, quod non

non alius amor dari queat, in quo jucundum, quam sui & mundi, & hoc eousque, si non doctrina, usque vita, amorem infernalem amplectantur loco amoris cœlestis: cum illis autem, qui non in negativo, nec in affirmativo sunt, sed in dubitativo antequam negant vel affirmant, se habet ut supra n: 2508, dictum, nempe quod qui ad vitam mali inclinant, in negativum cadant, qui autem ad vitam boni, in affirmativum ferantur. Sit etiam pro exemplo; inter primaria doctrinæ fidei est, quod omne bonum a Domino, & omne malum ab homine seu a seipso; qui in affirmativo sunt quod ita sit, ii confirmare se possunt per multa quæ rationalia sunt & scientifica, ut quod nusquam aliquod bonum influere possit quam ab Ipso Bono, hoc est, a fonte Boni, ita a Domino; quodque principium boni non aliunde esse possit, illustrando se per omnia, quæ in se, in aliis, in communi, imo in universo creato, vere bona sunt, at qui in negativo sunt, ii in contrariis, per omnia quæ usquam cogitant, se confirmant, usque adeo tandem, ut non sciant quid bonum, inter se disceptando quid summum, alte ignorando quod bonum cœleste & spirituale quod a Domino, sit, per quod vivificatur omne bonum quod infra est, & quod inde jucundum vere jucundum sit; quidam etiam, quod nisi a se bonum nusquam possit aliunde. Sit iterum pro exemplo, quod, qui in amore in Dominum & charitate erga proximum sunt, possint vera doctrinæ recipere, & fidem habere Verbo, non autem qui in vita amoris sui & mundi sunt, seu quod idem, quod, qui in bono sunt, possint credere, non autem qui in malo; qui in affirmativo sunt, hoc possunt innumeris rationaliter & scientificè confirmare; rationaliter quod verum & bonum concordent, non autem verum & malum, & quod sicut in malo etiam ex malo omne falsum sit, & si aliquibus usque verum, quod sit in labiis non in corde; scientificè ex multis, quod vera fugiant mala, & quod mala respuant vera: qui autem in negativo sunt, se confirmant in eo, quod unusquisque, qualiscunque sit, tametsi in continuo odio, in vindictæ jucundis, ac in dolis, vivit, possit sicut alii credere, & hoc usque dum bonum vitæ prorsus e doctrina rejiciant, quo rejecto non credunt quicquam. Ut adhuc pateat, quomodo se habet, sit exemplum, qui in affirmativo sunt, quod Verbum ita scriptum sit, ut sensum internum habeat, qui non apparet in litera; ii possunt multis se etiam per rationalia confirmare, ut quod per Verbum nexus homini cum cœlo; quod correspondentia dentur naturalium cum spiritualibus, & quod hæc non ita appareant; quod ideæ interioris cogitationis prorsus aliæ sint, quam ideæ materiales quæ cadunt in voces linguæ; quod homo dum in mundo etiam in cœlo possit esse, quia natus ad utramque vitam, per Verbum quod pro utroque; quod lux quædam Divina influat, apud quosdam, in intellectualia, & in affectiones, cum legitur Verbum; quod necessum sit, ut aliquod scriptum sit, quod descenderit e cœlo, & sic quod illud non tale possit esse in sua origine, quale in litera; quod sanctum non possit esse, nisi a sanctitate

tate quadam, quæ intus; etiam potest per scientifica se confirmare, ut quod olim fuerint in representativis, & quod Antiquæ Ecclesiæ scripta talia fuerint; etiam quod inde quoque scripta plurium inter gentes; & quod stylus inde veneratus sit ut sanctus in Ecclesiis, ac ut doctus apud gentes; plurium etiam libri possunt memorari: at qui in negativo sunt, hæc omnia, si non negant, usque non credunt; & sibi persuadent quod Verbum sit quale in litera, apparens quidem mundanum, sed usque quod spirituale sit, ubi autem spirituale latet, non curant, at volunt ex multiplici causa; & hoc confirmare possunt multis. Ut ad captum simplicium etiam sistatur, sit etiam scientificum pro exemplo; qui in affirmativo sunt, quod visus non sit oculi sed quod sit spiritus, qui per oculum, ut per sui corporis organum, videt illa quæ in mundo sunt, ii se confirmare possunt multis, ut ex loquelis quæ audiuntur quod se referant ad visum quendam interioriorem, & in illum transmutentur, quod fieri nequiret nisi visus interior esset; tum quicquid cogitatur, hoc videatur visu interiori, a quibusdam clarius & a quibusdam obscurius; præter quod imaginativa se sistant visibilibus non absumilia; ut & nisi spiritus qui in corpore, videat id quod oculus ut organum haurit, quod spiritus in altera vita nihil potuisset videre, cum tamen non aliter esse possit, quam is visurus innumeraabilia & stupenda, quæ oculus corporis nusquam potest; præterea reflectere potest super somnia, imprimis prophetarum, in quibus æque plura visa sunt, & hoc non per oculos; demum si philosophica sapiat, per hoc, quod exteriora non intrare possint in interiora, ut composita non in simplicia, ita non illa quæ sunt corporis in illa quæ sunt spiritus, sed vicissim; præter perplura alia, ut tandem persuasus sit, quod spiritui sit visus, non oculo nisi a spiritu: at qui in negativo sunt, hæc omnia vel dicunt naturalia, vel phantasias; & cum eis dicitur, quod spiritus multo perfectiori visu polleat & fruatur quam homo in corpore, irrident, & inter nugas rejiciunt, credentes quod tunc in tenebris victuri cum privantur visu oculi, cum prorsus contrarium sit, quod tunc in luce. Ab his exemplis patet, quod sit a veris intrare in rationalia & scientifica, & quid a scientificis & rationalibus in vera, quod nempe illud sit secundum ordinem, hoc autem contra ordinem; & cum sit secundum ordinem, quod illustretur homo, cum autem sit contra ordinem, quod occæcetur; inde liquet, quantum interest, ut vera sciatur, & credatur, a veris enim illustratur homo, a falsis autem occæcatur; a veris patet campus rationali immensus & fere illimitatus, a falsis autem, tametsi non ita apparet, pæne nullus respective; inde sapientia tanta Angelis, quia in veris sunt, verum enim est ipsa lux cæli. Qui se occæcarunt per id, quod nihil credere voluerint, quod non sensibus caperent, usque tandem ut nihil crediderint, olim dicti sunt Serpentes arboris scientiæ, ex sensibilibus enim & inde fallacis, quæ facile cadunt in captum & fidem hominis, multum ratiocinati sunt, & plures seduxerunt, videatur n: 195. 196: in altera vita internoscuntur facile, ab
alii

aliis spiritibus, ex eo, quod de omnibus, quæ sunt fidei; ratiocinentur
 num ita sit, quibus si millies & millies ostenditur quod ita sit, usque
 contra unumquodvis confirmans movent dubia negativa, & hoc si foret in
 æternum; sunt ideo occæcati usque adeo, ut non iis sensus communis, hoc
 est, capere possint quid bonum & verum; & tamen unusquisque eorum
 putat, quod præ omnibus in universo sapiat, in eo ponentes sapientiam,
 ut, quod Divinum est, possint infringere, & deducere a naturali; multi,
 qui fuerunt æstimati ut sapientes in mundo, præ aliis tales sunt; quo
 plus enim aliquis ingenii dote & scientia pollet, & in negativo est, eo
 plus reliquis insanit; at quo plus aliquis ingenii dote & scientia pollet,
 & in affirmativo est, eo plus sapere potest: rationale per scientias excolere,
 nusquam negatum est; sed vetitum obfirmare se contra vera fidei, quæ sunt
 Verbi. De his multum agitur in sensu interno Verbi imprimis Prophe-
 tici, ubi agitur de Aschure & Ægypto, per Aschurem enim significatur
 Ratiocinatio, n: 119. 1186; & per Ægyptum Scientia, n: 1164. 1165.
 1186. 1462: *De iis, qui per scientifica & rationalia intrare volunt in doctri-
 nalia fidei & Divina, ac inde insaniunt*, ita apud Esaiam, "Confundam
 Ægyptum in Ægypto, & pugnabunt vir contra fratrem suum, & vir
 contra focium suum, urbs contra urbem, & regnum contra regnum:
 & exhaurietur spiritus Ægypti in medio ejus, & consilium ejus absor-
 bebo: deficient aquæ a mari, & fluvius exsiccabitur & exarescet; & re-
 cedent flumina, comminuentur & exsiccabuntur fluvii Ægypti; calamus
 & ulva marcescent; omne semen fluminis exarescet. Jehovah commif-
 cuit in medio ejus spiritum perversitatum, & errare fecerunt Ægyptum
 in omni opere ejus, secundum errare ebrium in vomitu suo," xix: 2.
 3. 5. 6. 7. 14: apud Eundem, "Væ filiis refractariis, qui abeunt ad descen-
 dendum in Ægyptum, sed os meum non interrogarunt, ad roborandum
 se robore Pharaonis, & ad confidendum in umbra Ægypti: & erit vobis
 robor Pharaonis in pudorem, & fiducia in umbra Ægypti in ignomi-
 niam," xxx: 1. 2. 3: apud Eundem, "Væ descenditibus in Ægyptum
 pro auxilio, & super equis innituntur, & confidunt super curru quod
 multus, sed non respiciunt ad Sanctum Israelis, & Jehovah non quæ-
 runt. Et Jehovah extendet manum suam, impinget auxiliarios, & cadet
 adjutus, & simul omnes illi consumuntur: & cadet Aschur gladio non
 viri, & gladius non hominis comedet eum," xxxi: 1. 3. 8: apud Jere-
 miam, "Duo mala fecit populus meus, me deseruerunt, fontem aquarum
 vivarum, ad excidendum sibi foveas, foveas fractas, quæ non continent
 aquas. Nonne servus Israel, si natus domus domus ille, quare factus est
 in prædam; annon hoc facis tibi, deferendo te Jehovah Deum tuum,
 tempore cum ducit te in viam; & nunc quid tibi cum via Ægypti ad
 bibendum aquas Schichoris, aut quid tibi cum via Aschuris ad bibendum
 aquas fluvii: o generatio, vos videte Verbum Jehovah, num desertum fui
 No V. G Israeli,

" Israeli, num terra tenebrarum, quare dixerunt populus meus, domina-
 " bimur, non veniemus ultra ad te, cur abis strenue ad mutandum viam
 " tuam, etiam ab *Aegypto* pudefies, sicut pudefacta es ab *Aschure*," 11 :
 13. 14. 17. 18. 31. 36 : apud Eundem, " Audite verbum Jehovah, reliquiae
 " Jehudae, sic dixit Jehovah Zebaoth Deus Israelis, si vos ponendo posue-
 " ritis facies vestras ad veniendum in *Aegyptum*, & veneritis ad pereгри-
 " nandum ibi ; & erit, gladius, a quo vos timentes vobis, ibi prehendet
 " vos in terra *Aegypti*, & fames de qua vos verentes, ibi adhærebit vobis
 " in *Aegypto*, ut ibi moriamini : & erunt omnes viri, qui posuerunt facies
 " suas ad veniendum in *Aegyptum*, ad peregrinandum ibi, morientur gladio,
 " fame & peste, & non erit illis superstes aut evadens, a coram malo,
 " quod Ego adducens super vos," XLII : 15. 16. 17, seq : apud Eze-
 " chielem, " Et cognoscant omnes habitatores *Aegypti*, quod Ego Jehovah ;
 " propterea quod illi fuerunt baculus arundinis domui Israelis, in prehen-
 " dendo te illum in vola, confringeris, & findes illis omnem humerum,
 " & in innitendo vos super te, frangeris, & stare facies eis omnes lum-
 " bos : propterea sic dixit Dominus Jehovih, ecce Ego adducens super te
 " gladium, & excindere faciam ex te hominem & bestiam, & erit terra
 " *Aegypti* in desolationem & vastitatem, & scient quod Ego Jehovah,
 " propterea quod dixit, fluvius mihi, & ego feci," XXIX : 6. 7. 8. 9, seq :
 apud Hofcheam, " Fuit Ephraim sicut columba stulta, *Aegyptum* invoca-
 " bant, *Aschur* abiverunt ; cum ibunt, expandam super eos rete meum ;
 " vae illis, quia divagati sunt a me," VII : 11. 12. 13 : apud Eundem,
 " Ephraim pascens ventum, & persequens curum, omni die mendacium, &
 " vastationem multiplicat, & foedus cum *Aschure* pangunt, & oleum in
 " *Aegyptum* deferunt," XI : 2 : apud Eundem, " Israel scortatus est sub
 " deo suo, dilexisti quæstum super omnibus areis frumenti : revertetur
 " Ephraim in *Aegyptum*, & in *Assur* immundum comedet ; quia ecce
 " abiverunt præ devastatione, *Aegyptus* congregabit eos, Moph sepeliet eos,
 " desiderabile argento eorum spina possidebit, carduus in tentoriis eorum :
 " percussus est Ephraim, radix eorum exaruit, fructum non facient ; etiam
 " cum genuerint, & interficiam desideria ventris eorum, rejiciet eos Deus
 " meus, quia non audiverunt Ipsum, & erunt vagi inter gentes," IX : 1. 3.
 6. 16. 17 : apud Esaiam, " Vae *Aschur*, virga iræ meæ, & baculus is, in
 " manu eorum, indignationis meæ, ille non rectum cogitat, & cor ejus non
 " rectum meditatur, quia ad perdendum in corde ejus, & ad excinden-
 " dum gentes non paucas, siquidem dicit, nonne principes mei simul re-
 " ges : visitabo super fructum elationis cordis regis *Aschuris*, quia dixit,
 " in robore manus meæ feci, & in sapientia mea, quia intelligens sum,
 " & removebo terminos populorum, & thesauros eorum deprædabor, ac
 " dejiciam, ut potens, habitatores ; propterea mittet Dominus dominorum
 " Zebaoth in pingues ejus maciem, & loco gloriæ ejus incendendo incen-
 " detur incendium ignis," X : 5. 7. 8. 12. 13. 16 : in his omnibus locis,
 per

per Aschurem, ut ostensum, significatur ratiocinatio; per Ægyptum & Pharaonem scientia; per Ephraimum intellectuale, & describitur ibi & pluries alibi, quale sit rationale hominis, cum ex negativo ratiocinatur de veris fidei: simile involvit, cum Rabshake missus a Rege *Aschuris* loquutus contra Hierosolymam & Hiskiam Regem, quod Angelus Jehovæ in castris Regis *Aschuris* tunc percussisset centum & octoginta & quinque millia, de quibus apud Esaïam Cap: xxxvi & xxxvii, quibus significatur qualis strages rationalium hominis sit, cum contra Divina ratiocinatur, utcumque homo sibi apparet, quod tunc sapiens sit. Ratiocinatio hæc vocatur etiam passim *Scortatio* cum filiis Ægypti, & cum filiis Aschuris, ut apud Ezechielem, "*Scortata es cum filiis Ægypti*, vicinis tuis, magnis carne, & multiplicasti "*scortationem* tuam, & *scortata es cum filiis Aschuris*, absque ut satiata sis," xvi: 26. 28. Cap: xxiii: 3. 5 ad 21; videatur n: 2466. *De iis autem qui ex doctrina fidei intrant in rationalia & scientifica, & inde sapiunt*; apud Esaïam, "In die illo erit altare Jehovæ in medio terræ *Ægypti*, & statua, "juxta terminum ejus, Jehovæ, & erit in signum & in testem Jehovæ "Zebaoth in terra *Ægypti*; nam clamabunt ad Jehovam propter oppres- "siones, & mittet illis Servatorem & Principem, & liberabit eos, & notus "fiet Jehovah *Ægypto*, & cognoscent *Ægyptii* Jehovam in die illo, & facient sacrificium & mincham, & vovebunt votum Jehovæ, & reddent," xix: 18 ad 21: apud Eundem, "In die illo erit semita ab *Ægypto* ad "*Aschurem*, & veniet *Aschur* in *Ægyptum*, & servient *Ægyptii* *Aschuri*; in "die illo erit Israel tertius *Ægypto* & *Aschuri*, benedictio in medio terræ, "cui benedictet Jehovah Zebaoth, dicendo, benedictus populus meus "*Ægyptus*, & opus manuum mearum *Aschur*, & hæreditas mea Israel," xix: 23. 24. 25; ubi de Ecclesia spirituali, cujus Spirituale est Israel, Rationale est Aschur, & Scientificum est Ægyptus, quæ tria constituunt Ecclesiæ illius intellectualia, quæ ita succedunt, quare dicitur in die illo erit Israel tertius *Ægypto* & *Aschuri*, & benedictus populus meus *Ægyptus*, opus manuum mearum *Aschur*, & hæreditas mea Israel: apud Eundem, "Erit in die illo, clangetur in buccina magna, & venient pereuntes in terra "*Aschuris*, & expulsi in terra *Ægypti*, & incurvabunt se Jehovæ in monte "sanctitatis, in Hierosolyma," xxvii: 13: apud Eundem, "Sic dixit Je- "hovah, labor *Ægypti*, & merces Kusch & Sabæorum, virorum mensuræ, "apud te transibunt, & tibi erunt, post te ibunt, & ad te incurvabunt se, "ad te orabunt, tantummodo in te Deus, & nullus alius præterea Deus," xlv: 14; Kusch & Sabæi sunt cognitiones, n: 117. 1171. apud Sachariam, "*Ægyptus* ascendet Hierosolymam, ad adorandum Regem Jehovam "Zebaoth," xiv: 17. 18: apud Micham, "Ego in Jehovam respicio, ex- "specto Deum salutis meæ, audiet me Deus meus, dies ad ædificandum "macerias tuas, dies hic, & usque ad Te venient inde ab *Aschure*, & urbes "*Ægypti*, & inde ab *Ægypto* usque ad fluvium," vii: 11. 12: apud Eze- "chielem, "Sic dixit Dominus Jehovih, a fine quadraginta annorum congre- "gabó

“ gabo *Aegyptum* ex populis, quo dispersi fuerunt, & reducam captivitatem
 “ *Aegypti*,” xxix: 13. 14: apud Eundem, “ Ecce *Aschur* cedrus in Li-
 “ bano, pulchra ramo, & sylva umbrosa, & excelsa altitudine, & inter
 “ implexa fuit ramus ejus; aquæ crescere fecerunt eam, cum fluvii suis
 “ vadens circum plantationem ejus, & aquæductus suos emisit ad omnes
 “ arbores agri; propterea alta facta est altitudo ejus præ omnibus arboribus
 “ agri, & multiplicati sunt rami ejus, & longi facti rami ejus ab aquis
 “ multis: in ramis ejus nidificaverunt omnis avis caelorum, & sub ramis ejus
 “ pepererunt omnis fera agri, & in umbra ejus habitaverunt omnes gentes
 “ magnæ; & pulchra facta est in magnitudine sua, in longitudine ramo-
 “ rum suorum, quia fuit radix ejus apud aquas multas: cedri non occul-
 “ tarunt eam in horto Dei; abietes non pares fuerunt ramis ejus, omnis
 “ arbor in horto Dei non par fuit illi in pulchritudine ejus: pulchram
 “ feci eam in multitudine ramorum ejus, & æmulate sunt ei omnes ar-
 “ bores Eden, quæ in horto Dei,” xxxi: 3 ad 8: describitur hic Ecclesia
 Antiquissima, quæ coelestis, quale ejus rationale fuit, & sic sapientia &
 intelligentia, quia Ecclesia illa ex Divinis illa quæ infra erant, intuebatur,
 ita ex ipsis bonis vera, & inde quæ subjecta sunt; *Aschur* & *Cedrus* est Ra-
 tionale; implexa inter quæ rami sunt scientifica; fluvii & aquæ sunt bona
 spiritualia, apud quæ radix; altitudo & longitudo ramorum est extensio
 ejus; hortus Dei est Ecclesia spiritualis; arbores Eden sunt perceptiones:
 inde & ex superioribus patet, quale est Rationale, & quale Scientificum ho-
 minis, cum subordinantur veris Divinis, & inserviunt illis confirmando.
 Quod rationalia & scientifica inserviant illis qui in affirmativo sunt, pro me-
 diis sapiendi, repræsentatum & significatum est per quod mandatum filiis
 Israelis, ut mutuo peterent ab *Aegyptiis* vasa auri, & vasa argenti, & vestes,
 Exod: 111: 22. Cap: x1: 2. Cap: x11: 35. 36: Similiter per quod passim
 in Verbo dicatur, quod gentium bona, domos, vineas, & oliveta, & plura
 possiderent; ut & quod ipsum aurum & argentum, quod ereptum gentibus,
 sanctum fieret, ut apud *Esaïam*, “ Visitabit *Jehovah* Tyrum, & redibit ad
 “ quæstum meretricium suum, & scortabitur cum omnibus regnis terræ
 “ super faciebus humi; & fiet mercatura ejus, & quæstus meretricius ejus
 “ *Sanctum Jehovahæ*, non recondetur & non reponetur, quia habitantibus co-
 “ ram *Jehovah* erit mercatura ejus ad comedendum ad satietatem, & ad te-
 “ gumentum antiquum,” xx11: 17. 18; mercatura Tyri pro cognitionibus,
 n: 1201, quæ illis qui in negativo, pro quæstu meretricio, at illis, qui in
 affirmativo, pro sancto: Simile etiam intelligitur per Domini verba, “ Fa-
 “ cite vobis amicos ex mammona injustitiæ, ut quando defeceritis, fuscipiant
 “ vos in æterna habitacula: si in injusto mammona fideles non existitis, quis
 “ verum vobis concedet,” Luc: xvi: 9. 11.

De



De Gentium & Populorum, qui extra Ecclesiam nati sunt, statu & forte in altera vita.

2589. *C*ommunis opinio est, quod illi, qui extra Ecclesiam nati sunt, qui Ethnici & Gentiles vocantur, non possint salvari, ex causa, quia non habent Verbum, ac ita ignorant Dominum, absque Quo nulla salus: sed usque ex illo solo sciri potest, quod illi quoque salvantur, quia Domini Misericordia est universalis, hoc est, erga singulos; quod illi æque nascentur homines, sicut qui intra Ecclesiam, qui pauci sunt respectivè; quodque eorum culpa non sit, quod ignorent Dominum: qualis itaque eorum status & fors est in altera vita, ex Divina Domini Misericordia, mihi ostensus est.

2590. Multis instructus sum, quod Gentiles, qui moratam egerunt vitam, ac obedientes fuerunt, inque charitate mutua vixerunt, ac secundum religiosum suum acceperunt instar conscientiæ, in altera vita accepti sint, ac ibi cum sollicita cura ab Angelis instruuntur in bonis & veris fidei; illi, cum instruuntur, modeste, intelligenter, & sapienter se gerunt, & facile recipiunt, & imbuuntur, nulla enim principia contra vera fidei sibi formarunt, quæ discutienda, minus scandala contra Dominum, sicut plures Christiani qui vitam mali egerunt; præterea tales non odio habent alios, non vindicant injurias, nec machinationes & dolos nectunt, imo Christianis bene volunt, cum vicissim hi illos contemnunt, etiam, quantum possunt, violant, sed eximuntur eorum immisericordiæ a Domino, & tutantur. Ita enim se cum Christianis & Gentilibus habet in altera vita, quod Christiani, qui agnoverunt vera fidei, & simul vitam boni egerunt, præ Gentilibus recipiantur, sed tales bodie pauci sunt; Gentiles autem, qui in obedientia & charitate mutua vixerunt, recipiantur præ Christianis, qui non ita bonam vitam egerunt. Omnes enim illi, in universo terrarum orbe, ex Misericordia Domini, recipiuntur & salvantur, qui in bono vixerunt, ipsum enim bonum est quod recipit verum, bonum vitæ est ipsa humus seminis, hoc est, veri; malum vitæ nusquam recipit; quamvis illi qui in malo sunt, instruerentur mille modis, imo tametsi instructissimi

struſſimi fierent, uſque tamen vera fidei apud eos non ultra vadunt, quam in memoriam, nec penetrant ad affectionem, quæ cordis; quare etiam vera illorum memoriæ diſſipantur, & nulla ſiunt, in altera vita.

2591. *Sed ſunt inter Gentiles, ſicut inter Chriſtianos, Sapientes & ſimplices; ut inſtruerer quales ſunt, cum illis & his datum eſt loqui, quandoque per horas & dies; ſed qui ſapientes, bodie vix aliqui ſunt, ſed per plures antiquis temporibus, imprimis in Antiqua Eccleſia, a qua ſapientia emanavit ad plures gentes; ut ſcirem quales fuerunt, cum quibuſdam in familiari ſermone eſſe datum: qualis itaque eorum ſapientia præ bodierna fuit, ex his, quæ ſequuntur, conſtare poteſt.*

2592. *Fuit apud me quidam, qui olim inter ſapientiores fuit, & quoque inde notus in Orbe Erudito, cum quo de variis loquutus ſum; & quia cognovi, quod ſapiens fuerat, ſermo fuit cum illo de Sapientia, de Intelligentia, de Ordine, de Verbo, & demum de Domino: de Sapientia dixit, quod non alia ſapientia detur, quam quæ eſt vitæ, & quod de alia re ſapientia prædicari nequeat: de Intelligentia, quod illa ſit inde: de Ordine, quod Ordo ſit a Supremo Deo, & quod vivere in illo ordine, ſit ſapiens & intelligens eſſe: quod Verbum attinet, cum prælegerem illi aliquid ex Prophetiſis, delectatus eſt quam maxime, præcipue ex eo, quod ſingula Nomina, & ſingulæ voces, ſignificarent interiora, miratus valde, quod Eruditi bodie non delectentur tali ſtudio; percepi manifeſte, quod interiora ejus cogitationis ſeu mentis aperta eſſent, & tunc ſimul quibuſdam Chriſtianiſ, qui aderant, clauſa, regnabat enim apud hos invidia contra eum, & incredulitas quod Verbum eſſe tale; imo cum pergerem legere Verbum, dixit, quod non adeſſe poſſet, quia ſanctius perciperet, quam ut poſſit ſuſtinere, ita enim interius afficiebatur; contra autem Chriſtiani dicebant aperta voce, quod adeſſe poſſent, ex cauſa quia interiora iis clauſa eſſent, & ſancta eos non afficerent. Tandem fuit ſermo cum illo de Domino, quod natus ſit homo, ſed conceptus a Deo, & quod exuerit humanum, & induerit Divinum, & quod Ille ſit Qui univerſum regit, ad hæc reſpondit, quod plura ſciat de Domino, & appercepit ſuo modo, quod non aliter fieri potuiſſet, ſi ſalvaretur Genus humanum; interea quidam Chriſtiani mali inſundeabant varia ſcandala, ſed illa non curabat, dicens, quod non mirum ſit, quia imbuerunt in vita corporis de illis non talia, ſicut decet, & quod antequam talia diſcuſſa fuerint,*
non

non admittere possent illa quæ confirmant, sicut ii qui ignorant. Hic fuerat Gentilis.

2593. Loqui etiam datum est cum aliis, qui antiquis temporibus vixerunt, & qui tunc inter sapientiores fuerunt; visi primum antrosum ad distantiam, ac ibi potuerunt appercipere interiora cogitationum mearum, ita plura plene, ex una idea cogitationis potuerunt scire integram seriem, & illam delectabilibus sapientiæ cum repræsentationibus amænis implere, inde perceptum, quod inter sapientiores essent, & dictum quod ab Antiquis; ac ita propius accesserunt, cumque tunc prælegerem illis aliquid ex Verbo, summopere delectati sunt; ipsam delectationem & iucunditatem eorum percipere dabatur, quæ maxime inde erat, quod omnia & singula, quæ audiebant ex Verbo, cœlestium & spiritualium repræsentativa & significativa essent; dicebant, quod suo tempore, cum in mundo vixerunt, modus eorum cogitandi & loquendi, tum quoque scribendi, talis fuerit, & quod hoc sapientiæ eorum studium.

2594. Quod autem Gentiles, qui hodie in tellure, attinet, illi non ita sapientes sunt, sed pleraque simplices corde; at usque recipiunt sapientiam in altera vita ii ex illis, qui in cbaritate mutua vixerunt, de quibus hæc, quæ sequuntur, referre licet.

2595. Audiebam gyrum quendam sonorum, sed crassiore solito, ex sonoro illico cognovi, quod ex gentibus essent; dicebatur mihi ab angelis, quod essent gentiles, qui ante 3 vel 4 dies resuscitati sunt; audiebatur gyrys vel chorus per plures horas, & perceptum, quod etiam per breve illud tempus, quo audiebatur, magis & magis persisterent; quod cum miratus, dicebatur, quod illi in choros, ita in consensus; possint initiari per unam noctem, cum plerique Christiani vix per 30 annos: gyri seu chori sunt, cum loquuntur plures simul, omnes sicut unus, & unusquisque sicut omnes: sed de gyris seu choris, ex Divina Domini Misericordia, alibi dicitur.

2596. Unus Chorus ad distantiam a me fuit quodam mane, ex chori repræsentationibus cognoscere datum, quod essent Chineses, sissebant enim speciem hirci lanati, tum placentam ex miliis, & cochleare ebum, ut & ideam urbis natatilis; desiderabant propius ad me venire, & cum se applicarent, dicebant quod soli apud me esse vellent, ut sua cogitata aperirent; sed dicebatur eis, quod soli non essent, & quod alii, qui indignantur, quod soli esse vellent, cum tamen hospites; indignatione eorum percepta, in cogitationem lapsi sunt, num præ-

vari-

varicati sint contra proximum, & num quicquam sibi vindicaverint quod aliorum esset: (Cogitationes in altera vita omnes communicantur:) commotionem eorum percipere datum, erat agnitionis quod forte eos læserint, tum pudoris inde, & una aliarum affectionum probarum, inde quod charitate essent præditi, cognoscebatur: mox loquutus cum illis, tandem etiam de Domino, cum Ipsum nominarem Christum, repugnantia quædam apud eos percepta est, sed causa detegebatur, quod traxerint id e mundo, ex eo, quod noverint Christianos pejus vivere quam illi, & in nulla charitate; at cum Dominum simpliciter nominarem, tunc interius commoti sunt: instruebantur dein ab Angelis, quod Christiana doctrina præ omni alia in universo orbe, amorem & charitatem præscribat, sed quod pauci sint, qui secundum illam vivunt.

2597. Sunt Gentiles, qui, cum vixerunt in mundo, ex conversatione & fama cognoverunt, quod Christiani pessimam vitam agant, in adulteriis, in odiis & rixis, in ebrietate, & similibus, quæ illi horruerunt, quia talia contra eorum leges, mores, & religiosa; illi in altera vita alius timidiore sunt recipiendi vera fidei; sed instruntur ab Angelis, quod doctrina Christiana, ac ipsa fides, prorsus aliud doceat, & quod illi minus quam Gentiles secundum doctrinalia vivant; quæ cum appercipiunt, vera fidei recipiunt, & Dominum adorant, sed serius.

2598. Cum legi Cap: XVII & XVIII Judicium de Michæ, quod Danis filii abstulerint ejus sculptile, theraphim, & Levitam, tunc erat spiritus ex gentilibus, qui in vita corporis sui adoraverat sculptile; is cum attente audiret quid factum Michæ, & in quo dolore fuit propter sculptile suum, quod abstulerunt Danitæ, etiam illum superveniebat & afficiebat dolor, usque adeo, ut vix sciret præ interiore dolore quid cogitaret; qui dolor perceptus, & simul percepta innocentia in singulis ejus affectionibus: Christiani etiam spiritus aderant, & observabant, & mirati sunt, quod sculptilis adorator tanta misericordiæ & innocentiae affectione moveretur: postea boni spiritus cum eo loquuti sunt, dicentes, quod sculptile non esset adorandum, & quod hoc intelligere posset quia homo, sed quod cogitare debeat extra sculptile de Deo Creatore & Governatore universi cæli & universæ terræ, & quod ille Deus esset Dominus: cum hæc dicebantur, percipere dabatur ejus adorationis affectum interiorum, qui mecum communicabatur, multo sanctiorem, quam apud Christianos; ex quo constare potuit, quod Gentiles

tiles facilius in cælum veniant, quam Christiani hodie qui non afficiuntur, secundum Domini verba apud Lucam, Cap: XIII: 29. 30; nam in statu, in quo erat, potuit imbui omnibus fidei, & illa cum interiore affectione recipere; apud eum erat misericordia quæ est amoris, & in ejus ignorantia erat innocentia, quæ cum adsunt, omnia fidei sicut sponte recipiuntur, & hoc cum gaudio: receptus est dein inter Angelos.

2599. *Fuit etiam alius inter Gentiles, qui in bono charitatis vivebat, is cum Christianos spiritus audivit ratiocinantes de credendis (ratiocinantur multo plenius & acutius inter se spiritus quam homines, imprimis de bonis & veris, quia illa sunt alterius vitæ:) ille miratus, quod ita disceptarent, dixit se non illa velle audire, nam ratiocinabantur ex fallaciis, instruens eos ita, si sum bonus, quæ vera sunt, ex ipso bono possum scire, & quæ non scio, possum recipere.*

2600. *Gentiles probi in altera vitæ, ut plurimum secundum status eorum vitæ, & secundum eorum religiosum, quantum hoc fieri potest, instruuntur, ita diversis modis, hic solum tres licet referre.*

2601. *Quidam ex illis rediguntur in statum tranquillitatis quasi cujusdam somni, & tunc videntur sibi civitates parvas ædificare, ac in medio earum recondere aliquod arcanum, quod volunt ut a nemine violeatur; civitates illas donant aliis, cum precibus ne violent arcanum in medio earum; innocentia sic illis insinuat, tum charitas, cum idea quod arcanum sit de Domino; in hoc statu tenentur satis diu; est status ignorantie, in qua innocentia: tutantur ab infantibus, ne quisquam eis damnum inferat. Cum illis loquutus sum, & statu eorum innocentie & charitatis multum affectus, tum sollicitudine quomodo recondunt arcanum, ac timore sancto ne violeatur.*

2602. *Una Gens est, dictum quod ex Indiis, cui hoc religiosum, quod colant Maximum Deum eo ritu, ut, cum adorant illum, primum se magnificent, sed mox sicut vermiculos substernant; tum quod super universum, quod credunt circumgyrari, sit Maximus ille Deus, spectans inde quid faciant: quia religiosa illis talia fuerant, in altera vitæ reducuntur in illa; cum quibus, cum talia sibi imaginati, loquutus: sunt quoad plurimam partem modesti, obedientes, ac simplices corde. Illi successively ab illa phantasia per Angelos liberantur; instruuntur enim secundum religiosum suum, quod Maximus Deus sit Dominus, & quod se magnificare queant ex eo quod possint Ipsum adorare, & quod*

No. V.

H

usque

usque inſtar vermiculorum ſint, & quod Dominus e ſupremo videat omnia & ſingula: ita per religioſum ſuum convenienter in cognitiones boni & veri perducuntur.

2603. Sunt quidam Gentiles ex illis regionibus, ubi nigri ſunt, qui ſecum e vita e mundo trahunt, quod velint duriter tractari, credentes quod nemo in cælum poſſit venire, quam per punitiones & afflictiones; & quod dein letiora, quæ paradifiaca vocant, accipiant: illi, quia talia ex religioſo ſecum habent, in altera vita etiam primum duriter tractantur a quibusdam, quos vocant diabolos, ac poſtea feruntur in paradifiaca, de quibus n: 1622, ſed inſtruuntur ab Angelis, quod punitiones & afflictiones in bonum illis a Domino verſæ ſint, ſicut apud eos qui in tentationibus ſunt; tum quod paradifiaca non ſint cælum, ſed affectio cæleſtium & ſpiritualium, quæ in illis; & quod in quadam via veritatis fuerint, ſed in umbra ignorantie. Diu mecum loquuti ſunt; quando in ſtatu afflictionum erant, loquela eorum tunc erat quaſi cum quodam collifu, ita diſtincta ab aliorum; ſed illis peractis, cum ad paradifiaca ſublati, non illis talis loquela amplius, ſed pæne Angelica. Ex religioſo etiam ſuo habent, quod credunt, quod interiora habere velint, dicebant, cum duriter tractantur quod tunc nigri ſint, at quod poſtmodum exuant nigredinem, ac induant candorem, ſcientes quod Animæ eorum candidæ ſint, ſed corpora nigra.

2604. Commune eſt, quod Gentiles, qui adorarunt aliquem deum ſub imagine aut ſtatua, vel aliquod ſculptile, dum in alteram vitam veniunt, introducuntur ad quosdam, qui loco eorum deorum ſeu idolorum ſunt, ex cauſa, ut phantaſias ſuas exuant, apud quos tum per aliquot dies fuerunt, inde auferuntur. Qui adorarunt homines, etiam quandoque ad eos, vel ad alios qui loco eorum, introducuntur; ſicut plures ex Judæis, ad Abrahamum, Jacobum, Moſen, Davidem, ſed cum apperipiunt, quod tale humanum iis ſicut aliis, ac nihil opis ferre poſſint, pudeſunt, & ad ſua loca ſecundum vitam feruntur. Inter Gentes in altera vita diliguntur maxime Africani; hi enim facilius reliquis recipiunt bona & vera cæli: volunt imprimis dici obedientes, non vero fideles, dicunt quod Chriſtiani, quia fidei doctrinam habent, poſſint fideles nominari, ii vero non, niſi illam recipiant, aut, ut dicunt, recipere poſſint.

2605.

2605. *Loquutus sum cum quibusdam, qui in Ecclesia Antiqua fuerunt, & qui tunc noverunt de Domino quod venturus, ac imbuti bonis fidei, sed usque desciverunt, & facti idololatræ; erant antrorsum versus sinistrum, in loco tenebricoso, & in statu miserabili; loquela eorum fuit sicut tibialis, unius toni, pæne absque cogitationis rationali; dicebant, quod ibi fuerint per multa sæcula, & quod inde quandoque eximantur, ut inserviant aliis pro aliquibus usibus, qui viles sunt. Ex illis cogitare datum de pluribus Christianis, qui non exterius sed interius idololatræ sunt, ac corde negant Dominum, ita quoque vera fidei, qualis fors eos in altera vita maneat.*

F I N I S.



SW 138
HY 571

Arcana Cœlestia,
QUÆ IN
SCRIPTURA SACRA,
SEU
VERBO DOMINI

SUNT, DETECTA:

Hic quæ in

G E N E S I

Capite Vigesimo Primo:

Una cum Mirabilibus,

Quæ visa & audita sunt

In Mundo Spirituum, & Cœlo Angelorum ;

Hic ad finem

De Conjugiis, quomodo considerantur in cœlo, & de
Adulteriis.

VI.

MDCCL.



PARS SECUNDA
LIBRI GENESEOS.
CAPUT VIGESIMUM PRIMUM.

2606. **V**erbum Veteris Testamenti olim vocatum fuit *Lex & Prophetæ*, per Legem intellecta fuerunt omnia Historica, quæ sunt Libri quinque Moſis, Joſuæ, Judicum, Samuelis, & Regum; per Prophetica, omnia prophetica, quæ sunt Eſaiæ, Jeremiæ, Ezechielis, Danielis, Hoſeæ, Joelis, Amoſi, Obadiæ, Jonæ, Michæ, Nahum, Habakuk, Zephaniæ, Haggai, Sachariæ, Malachiæ, tum quoque Pſalmi Davidis. Historica Verbi etiam dicuntur Moſes, inde paſſum pro Lege & Prophetis, dicitur Moſes & Prophetæ; & Prophetica Elias, videatur Præſatio ad Cap: XVIII Genef:

2607. Quod Historica attinet, ſunt omnia hiſtorice vera, quæ ibi; præter quæ in Primis Capitibus Geneſeos, quæ hiſtorica facta ſunt, de quibus in Parte Prima: & tametſi hiſtorice vera ſunt, uſque ſenſum internum habent, & in eo ſenſu, ſicut Prophetica, agunt unice de Domino, agunt etiam de Cælo & Eccleſia, & quæ Cæli & Eccleſiæ ſunt, ſed illa, ſunt Domini, quare per illa ſpectant Dominum, inde ſunt Verbum; hiſtorica ibi omnia ſunt repræſentativa, & ſingula verba, quibus deſcribuntur, ſunt ſignificativa; quod hiſtorica ſint

A 2

repræ-

repræsentativa, constat ab illis, quæ hætenus de Abrahamo explicata sunt, & constabit ab illis, quæ de Isaco, de Jacobo, ejus duodecim filiis, de Ægypto, de peregrinatione populi in deserto, de ingressu ejus in terram Canaanem, & de reliquis, ex Divina Domini Misericordia, explicanda sunt: quod singula verba, quibus describuntur, sint significativa, patet etiam ab illis, quæ ostensa sunt, ut quod Nomina significant res, sicut Ægyptus scientiam, Aschur rationale, Ephraim intellectualem, Tyrus cognitiones, Zion Ecclesiam cœlestem, Hierosolyma Spiritualem, & sic reliqua; similiter voces, sicut quod Rex significet verum, Sacerdos bonum, & quod in suo interno significatu sint reliquæ, sicut Regnum, Urbs, Domus, Gens, Populus, Hortus, Vineæ, Olivetum, Aurum, Argentum, Æs, Ferrum, Aves, Bestiæ, Panis, Vinum, Oleum, Mane, Dies, Lux, & hoc constanter, tam in Libris historicis quam prophetis, tametsi a variis scripti sunt, & diversis temporibus; quod nusquam tam constans foret, nisi Verbum e Cœlo descenderit. Exinde sciri potest, quod sensus interius sit in Verbo, præter etiam ex eo, quod Divinum Verbum nusquam agere possit de meris hominibus, ut de Abrahamo, Isaco, Jacobo, posteritate eorum, quæ pessima gentium fuit, de regibus eorum, uxoribus, filiis, filiabus, meretricibus, rapinis, & parilibus, quæ in se spectata ne quidem digna sunt ut nominentur in Verbo, nisi per illa repræsentata & significata sint talia quæ in Regno Domini, hæc sunt Verbo digna.

2608. His similia sunt quoque plurima apud Prophetas, sicut illa, quæ n: 1888, allata sunt; & hoc apud Esaïam, "Ejulabit Moabus, " Moabus totus ejulabit, ob fundamenta Chir Charesch, lugetis veruntamen attriti, nam agri Chesbonis defecerunt, Vitis Sibmæ; domini gentium contundunt palmites, usque a Jaeser pertigerunt, errarunt deserto, propaggines ejus divulgæ sunt; transiverunt mare, " propterea deslebo fletu Jaeserem, vitem Sibmæ; rigabo te lachryma mea Chesbon & Elealeh, quia super vindemia, & quia super " messe tua, hedad cecidit," xvi: 7. 8. 9: & apud Jeremiam, " Vox clamoris in Choronaim, devastatio & contritio magna, confracta est Moab, audiri fecerunt clamorem minores ejus, quia " ascensu Luchith in fletu ascendit fletus, quia in descensu Choronaim hostes clamorem confractionis audiverunt. Judicium venit ad " terram planitie, ad Chalonem, & ad Jachzam, & ad Maphaatam, " & super Dibonem, & super Nebonem, & super Bethdiblathaim,

" &

" & super Kirjathaim, & super Bethgamul, & super Bethmeon, & " super Kerieth, & super Bozram," XLVIII: 3. 4. 5. 21. 22. 23. 24: talia sunt per plurimis in locis prophetica Verbi; quæ nisi sensum internum haberent, nullius usus forent; cum tamen necessum sit, ut Verbum quia Divinum, in se contineat leges Regni cœlestis, in quod homo venturus.

2609. Quod autem *Præcepta* vitæ attinet, ut sunt omnia Decalogi, & plura in *Lege* & *Prophetis*, illa, quia ipsi vitæ hominis inferviunt, sunt usui in utroque sensu, tam in literali quam in interno; quæ in sensu literali, fuerunt pro populo & populis istius temporis, qui interna non capiebant; quæ in sensu interno, fuerunt pro Angelis, qui externa non curant: nisi *Præcepta* decalogi etiam continerent interna, nusquam cum tanto miraculo promulgata fuissent in monte Sinai; talia enim, quæ ibi, ut quod honorandi parentes, non furandum, non occidendum, non adulterandum, non concupiscenda alterius, sunt quæ etiam gentiles norunt, & in suis legibus præscripta habent, & quæ filii Israelis quatenus homines novissè debuerunt absque tali promulgatione; sed quia *Præcepta* illa inserviebant vitæ in utroque sensu, & erant sicut formæ externæ productæ ab internis, quæ sibi correspondent, ideo e cœlo super monte Sinai cum tanto miraculo descendebant, ac in sensu interno dicta & audita in Cœlo, at in sensu externo dicta & audita in terra; ut pro exemplo, quod qui honorarent parentes iis prolongarentur dies super terra, Angeli, qui in cœlo, per parentes percipiebant Dominum, per terram Ipsius Regnum, quod in æternum sicut filii & hæredes possiderent, qui Ipsum ex amore & fide colunt; homines autem in terra, per parentes intelligebant parentes, per terram terram Canaanen, per prolongationem dierum annos vitæ; quod non furandum, Angeli, qui in cœlo, percipiebant, quod nihil adimerent Domino, & sibi iustitiæ & merito aliquid tribuerent; homines autem in terra, quod non furandum; hæc quod vera sint in utroque sensu, constat: adhuc, quod non occidendum, angeli in cœlo percipiebant, quod non odio aliquem habere, & quod non exstinguerent aliquid boni & veri apud aliquem; at homines in terra, quod non occidendi amici: ita in reliquis.



C A P U T XXI.

1. **E**T JEHOVAH visitavit Saram, quemadmodum dixit; & fecit JEHOVAH Saræ, quemadmodum loquutus est.
2. Et concepit & peperit Sarah Abrahamo filium senectuti illius, ad tempus statum, ut loquutus fuit cum illo DEUS.
3. Et vocavit Abraham nomen filii sui nati sibi, quem peperit ei Sarah, Jischak.
4. Et circumcidit Abraham Jischakum filium suum, filium octo dierum, quemadmodum præcepit illi DEUS.
5. Et Abraham filius centum annorum, cum nasceretur illi Jischak filius ejus.
6. Et dixit Sarah, risum fecit mihi DEUS, omnis audiens ridebit mihi.
7. Et dixit, quis dixisset, Abrahamo, lactabit filios Sarah, quia peperit filium senectuti illius.
8. Et crevit natus, & ablactatus, & fecit Abraham convivium magnum, in die cum ablactavit Jischakum.
9. Et vidit Sarah filium Hagaris Ægyptiæ, quem peperit Abrahamo, illudentem.
10. Et dixit Abrahamo, ejice ancillam hanc, & filium ejus, quia non hæreditabit filius ancillæ cum filio meo, cum Jischako.
11. Et malum fuit verbum valde in oculis Abrahami ob causas filii sui.
12. Et dixit DEUS ad Abrahamum, ne malum sit in oculis tuis super puerum, & super ancillam tuam; omne quod dicit ad te Sarah, audi voci ejus, quia in Jischako vocabitur tibi semen.

* * *

13. Et etiam filium ancillæ in gentem ponam eum, quia semen tuum ille.
14. Et mane surrexit Abraham in matutino, & accepit panem, & lagenam aquæ, & dedit ad Hagarem, posuit super humero ejus, & puerum, & emisit illam; & ivit & erravit in deserto Beerscheba.
15. Et consumptæ sunt aquæ e lagena, & conjecit puerum sub unum fruticum.

16.

CAPUT VIGESIMUM PRIMUM. 7

16. Et ivit, & sedit sibi e regione, elongando se circiter jactum arcus, quia dixit, ne videam mortem pueri, & sedit e regione, & sustulit vocem suam, & flevit.

17. Et audivit DEUS vocem pueri, & clamavit Angelus DEI ad Hagarem e caelo, & dixit ei, quid tibi Hagar, ne timeas, quia audivit DEUS vocem pueri, in quo ille ibi.

18. Surge, tolle puerum, & corrobora manum tuam in illo, quia in gentem magnam ponam illum.

19. Et aperuit DEUS oculos ejus, & vidit puteum aquæ, & ivit, & implevit lagenam aquæ, & potavit puerum.

20. Et fuit DEUS cum puero, & crevit, & habitavit in deserto, & fuit jaculator arcus.

21. Et habitavit in deserto Paran, & accepit illi mater ejus uxorem e terra Ægypti.

* * *

22. Et fuit in tempore illo, & dixit Abimelech, & Phicol princeps exercitus ejus, ad Abrahamum, dicendo, DEUS tecum in omnibus quæ tu faciens.

23. Et nunc jura mihi in DEUM hic, si mentitus fueris mihi, & filio meo, & nepoti meo, secundum benignitatem, quam feci tecum, facias mecum, & cum terra, in qua peregrinatus es.

24. Et dixit Abraham, ego jurabo.

25. Et redarguit Abraham Abimelechum, ob causas putei aquæ, quem eripuerunt servi Abimelechi.

26. Et dixit Abimelech, non novi, quis fecit verbum hoc, & etiam tu non indicasti mihi, & etiam ego non audiui, præterquam hodie.

27. Et accepit Abraham gregem & armentum, & dedit Abimelecho, & percusserunt ambo illi fœdus.

28. Et statuit Abraham septem agnas gregis solas eas.

29. Et dixit Abimelech ad Abrahamum, quid hæ septem agnæ illæ, quas statuisti solas.

30. Et dixit, quia septem agnas accipies e manu mea, propterea sit mihi in testimonium, quod fodi puteum hunc.

31. Propterea vocavit locum illum Beerscheba, quia ibi juraverunt ambo illi.

32. Et percusserunt fœdus in Beerscheba: & surrexit Abimelech,
&

& Phicol princeps exercitus illius, & reversi sunt ad terram Philistæorum.

33. Et plantavit lucum in Beersebea, & invocavit ibi Nomen DEI æternitatis.

34. Et peregrinatus est Abraham in terra Philistæorum diebus multis.

CONTENTA.

2610. **I**N sensu interno hic agitur primum de Divino Rationali Domini, quod repræsentatur per Jischakum, Verf: 1. 2. 3. 4. 5. 6. 7. 8.

2611. Deinde de Rationali mere humano, quod tunc separatum, quod est filius Hagaris Ægyptiæ, Verf: 9. 10. 11. 12.

2612. Postquam hoc separatum, repræsentatur per eundem, nempe per filium Hagaris, ut & per matrem, Ecclesia spiritualis, de qua & cujus statu, Verf: 13. 14. 15. 16. 17. 18. 19. 20. 21.

2613. De Rationalibus humanis adjunctis doctrinæ fidei, quæ in se est Divina, Verf: 22 ad finem.

2614. Doctrina cum illis adjunctis est Beersebea, Verf: 14. 31. 33.



SENSUS INTERNUS.

2615. **V**ERS: 1. *Et Jehovah visitavit Saram, quemadmodum dixit, & fecit Jehovah Saræ, quemadmodum loquutus est.* Jehovah visitavit Saram, significat præsentiam Divini Cœlestis in Divino spirituali: quemadmodum dixit, significat sicut perceperat: & fecit Jehovah Saræ, significat statum unionis: quemadmodum loquutus est, significat sicut cogitavit.

2616. Jehovah visitavit Saram, quod significet præsentiam Divini cœlestis in Divino spirituali, constat a significatione Jehovah, quod sit Divinum cœleste, hoc est, Divinum Bonum, seu ipsum Esse, quod quia est amoris & Misericordiæ, est ipsum Bonum: ex significatione visitare, quod sit præsens, esse: & ex significatione Saræ, quod sit Divinum Spirituale, hoc est, Divinum Verum, de qua n: 1468. 1901. 2063. 2065. 2507.

2617. Quemadmodum dixit, quod significet sicut perceperat, constat ex significatione dicere in historicis Verbi, quod sit percipere, de qua n: 2238. 2260. 2552. 2618.

CAPUT VIGESIMUM PRIMUM. 9

2618. Et fecit Jehovah Saræ, quod significet statum unionis, nempe Divini spiritualis Domini in Divino cœlesti Ipsius, constat ex significatione facere, cum prædicatur de Divino Domini, quod sit omne effectus, proinde status; & ex significatione Jehovah, tum Saræ, de qua mox supra n: 2616. Quod statum unionis Divini spiritualis Domini in Divino Cœlesti Ipsius, attinet, est ipsum Conjugium Boni & Veri, unde Conjugium Cœleste, quod Conjugium est Regnum Domini in cœlis & terris, ideo Regnum Domini toties in Verbo dicitur Conjugium, & comparatur Conjugio; causa, quæ arcanum, est, quia ex Conjugio Divino Boni & Veri, & Divini Veri & Boni in Domino, est omnis amor conjugalis, & per hunc omnis amor cœlestis & spiritualis: quæ præterea arcana involvuntur his verbis, "quod Jehovah visitavit Saram, quemadmodum dixit, & fecit Jehovah Saræ, quemadmodum loquutus est," non edici possunt, quia inexpressibilia, comprehendunt enim ipsum statum unionis Divini Domini cum Humano Ipsius; apparentiæ ejus sistuntur coram Angelis a Domino, per cœlestes lucēs, & illustrantur per representationes ineffabiles, sed nequeunt coram hominibus, quia erunt per talia, quæ sunt lucis mundi, in quæ non cadunt, imo per descriptionem ex talibus plus obscurantur.

2619. Quemadmodum loquutus est, quod significet sicut cogitavit, constat a significatione loqui, quod sit cogitare, de qua n: 2271. 2287; perceptio, quæ significatur, per Jehovah dixit, fuit ex Divino Cœlesti, cogitatio autem, quæ significatur per Jehovah loquutus, fuit ex Divino cœlesti per Divinum spirituale, ideo est quasi repetitio in sensu literæ, nempe quemadmodum dixit, & quemadmodum loquutus est: quid autem sit, percipere ex Divino cœlesti, & cogitare ex Divino cœlesti per Divinum spirituale, non cadit in captum etiam illustratissimum per illa quæ sunt lucis mundi, inde patet, quomodo infinita reliqua possunt; quod ex perceptione sit cogitatio, videatur n: 1919. 2515: apud hominem, ita se habet, bonum est ex quo percipit, verum autem per quod cogitat; bonum est amoris & ejus affectionum, proinde est inde perceptio, verum autem est fidei, proinde est hæc cogitationis; illud significatur in historicis Verbi per *dicere*, hoc autem per loqui; at cum solum Dicere legitur, tunc quandoque significat percipere, quandoque cogitare, quia dicere involvit utrumque.

2620. Veri: 2. *Et concepit & peperit Sarab Abrahamo filium senectuti illius, ad tempus statum, ut loquutus fuit cum illo Deus.* Concepit & peperit, significat quod esset & existeret: Sarah Abrahamo, significat ex unione Divini spiritualis cum Divino cœlesti Domini: filium, significat Divinum Rationale: senectuti illius, significat cum dies completi essent, ut exueretur humanum: ad tempus statum, significat cum Rationale tale esset ut reciperet: ut loquutus fuit cum illo Deus, significat sicut voluit.

2621. Quod concepit & peperit, significet quod esset & existeret, nempe, ut sequitur, Divinum Rationale ex unione Divini spiritualis cum Divino cœlesti Domini, constat ex significatione concipere & parere: quod non alii conceptus & partus in sensu interno Verbi intelligantur, quam spirituales & cœlestes,

cœlestes, videatur n: 2584; hic autem Divini, quia agitur de Rationali Domini Divino facto, de quo, nempe Domino, principaliter prædicatur Esse & Existere, nam Solus Est & Existit. Quod præterea Esse & Existere attinet, apparent sicut forent pæne idem, sed non sunt; unusquisque & unumquodvis a conceptione habet suum Esse, a partu autem suum Existere, ita, sicut conceptio est prior quam partus, est Esse prius quam Existere: Anima est ipsum Esse hominis, at sensitivum seu corporeum est illius Existere, nam illa existit in hoc: amor cœlestis & spiritualis est ipsum Esse hominis qui regeneratur, at rationale & sensitivum cum imbutum est amore illo, est illius Existere; ita se habet cum omnibus & singulis in universo, nam nihil usquam datur, quod non habet suam conceptionem ut *Sit*, & suum partum ut *Existat*; quod ex eo etiam illustrari potest, sed coram Eruditis, omnis effectus habet suam causam, & omnis causa habet suum finem, finis est Esse causæ, & causa est Existere finis; pariter causa est Esse effectus, sed effectus est Existere causæ.

2622. Sarah Abrahamo, quod significet ex unitione Divini spiritualis cum Divino cœlesti, constat ex representatione Saræ, quod sit Divinum spirituale, seu Divinum Verum, de qua n: 1468. 1901. 2063. 2065. 2172. 2193. 2198. 2507; & ex representatione Abrahami, quod sit Divinum cœleste, seu Divinum bonum, de qua n: 1989. 2011. 2172. 2198. 2501: de unitione Divini spiritualis cum Divino cœlesti, videantur quæ supra n: 2618, dicta sunt.

2623. Filium, quod significet Divinum Rationale, constat a significatione filii; filius in Verbi sensu interno significat verum, n: 489. 491. 533; & quia verum est præcipuum in rationali, n: 2072. 2189, etiam per filium significatur rationale; hic autem Divinum Rationale, in quo principaliter est bonum; quod etiam Isacus, qui hic est filius, representat, de quo in sequentibus.

2624. Senectuti illius, quod significet cum dies completi sunt ut exueretur humanum, constare potest a significatione Senectutis, quod sit status ut exueretur humanum, & indueretur Divinum, de qua n: 2198; erat enim tunc Abraham senex centum annorum, per quem numerum quod plenus status unitonis significetur, in explicatione ad Vers: 5, constabit.

2625. Ad tempus statum, quod significet cum Rationale esset tale ut reciperet, constare potest a significatione temporis: bina sunt, quæ dum homo vivit in mundo, apparent essentialia, quia sunt propria naturæ, nempe Spatium, & Tempus, inde vivere in spatio & tempore, est vivere in mundo seu natura, at hæc bina nulla sunt in altera vita; apparent usque in mundo spirituum tanquam aliqua, ex causa, quia Spiritus recentes a corpore ideam naturalium secum habent, sed usque dein percipiunt, quod non spatium & tempus ibi sint, sed pro illis Status, & quod spatiis & temporibus in natura, status in altera vita corrépondeant, spatiis status quoad esse, & temporibus status quoad existere, de spatio aut loco videatur n: 1274. 1379. 1380. 1382: inde unicuique potest evidens esse, qualem ideam habere possit homo, dum

CAPUT VIGESIMUM PRIMUM. II

dum in mundo seu natura est, de illis quæ sunt alterius vitæ, ac de pluribus arcanis fidei; quod non prius illis credere velit, quam per illa quæ sunt in mundo, imo per sensualia capiat, is enim non aliter autumare potest, quam si exueret ideam spatii & temporis, magis si ipsum spatium & tempus, quod prorsus nullus fieret, & sic quod ei nihil residuum foret, ex quo sentire & cogitare posset, nisi quoddam confusum incomprehensibile, cum tamen prorsus contrarium est; angelica vita est talis, quæ omnium sapientissima & felicissima: hæc causa est, quod per ætates in Verbo non significantur in sensu interno ætates, sed status, ita in hoc versu per senectutem, non senectus; tum quod per numeros non numeri, sed quidam status in specie, ut per numerum centum annorum, de quo in sequentibus: ex his nunc constare potest, quod per tempus statum, significetur status cum Rationale tale esset, ut reciperet. Quod ipsam rem attinet, nempe, quod esset & existeret, ex unione Divini spiritualis cum Divino cœlesti Domini, Divinum Rationale, cum dies completi essent ut exueretur humanum, & cum rationale tale esset ut reciperet, quæ in sensu interno significantur per, “concepit & peperit Sarah Abrahamo filium senectuti illius, ad tempus statum,” sciendum quod in intimo rationalis incipiat humanum, videatur n: 2106. 2194; & quod Dominus successive progressus sit ad unionem Humanæ Essentiæ cum Divina, & Divinæ cum Humana, n: 1864. 2033. 2523; & hoc propria potentia, n: 1921. 2025. 2026. 2083; per continuas tentationes & victorias, n: 1737. 1813. 1690; & per continuas revelationes ex suo Divino, n: 1616. 2500; & hoc tandem ut expulerit omne humanum maternum, n: 1414. 1444. 2574; & quod sic Humanum suum quoad Rationale Divinum fecerit, secundum illa quæ in hoc Versu: inde patet, quomodo intelligendum, cum dies completi sunt ut exueretur humanum, & cum rationale tale esset ut reciperet: aliqua idea ejus rei haberi potest ex illis quæ fiunt apud eos qui regenerantur, cœlestia quæ sunt amoris, & spiritualia quæ sunt fidei, non simul sed successive illis implantantur a Domino, & cum per illa rationale hominis tale factum est, ut recipere possit, tunc primum regeneratur, ut plurimum per tentationes in quibus vincit; hæc dum fiunt, sunt dies completi, ut exuat veterem hominem, & induat novum; de regeneratione hominis videatur, n: 677. 679. 711. 848. 986. 1555. 2475.

2626. Ut loquutus fuit cum illo Deus, quod significet sicut voluit, constare potest a significatione loqui, quod sit cogitare, de qua n: 2271. 2286. 2619; quod autem hic sit velle, est quia dicitur, quod Deus loquutus, nam cogitare Divinum est velle.

2627. Vers: 3. *Et vocavit Abraham nomen filii sui nati sibi, quem peperit ei Sarah, Jischak.* Vocavit Abraham nomen filii sui nati sibi, significat quale ejus quod Divinum: quem peperit ei Sarah, significat esse & existere ex Divino spirituali unito Divino cœlesti; Jischak, significat Divinum Rationale.

2628. Vocavit Abraham nomen filii sui nati sibi, quod significet quale ejus, quod Divinum, constat ex repræsentatione Abrahami, quod sit Domi-

nus quoad Divinum cœleste, seu Divinum Bonum, de qua multoties prius; ex significatione vocare nomen, quod sit quale, de qua n: 144. 145. 1754. 1896. 2009; & ex significatione filii, quod sit rationale, de qua n: 2623; tum a significatione nati sibi, quod sit existere a Divino; inde patet, quod vocavit Abraham nomen filii sui nati sibi, significet quale ejus quod Divinum. Ex his paucis verbis elucet tria arcana illis qui in sensu interno sunt, *Primum*, quod Divinum Humanum Domini ex Ipso Divino existerit, de quo in hoc Versu ulterius agitur. *Alterum*, quod Divinum Humanum Domini a Jehovah non modo conceptum, sed etiam natum sit, inde Dominus quoad Divinum Humanum vocatur Filius Dei, & Unigenitus, Joh: 1: 14. 18. 50. Cap: 111: 16. 18. 35. 36. Cap: v: 19 ad 27. Cap: vi: 69. Cap: 1x. 35. Cap: x: 36. Cap: xi: 27. Cap: xiv: 13. 14. Cap: xvii: 1. Cap: xx: 31, similiter aequo reliquos Evangelistas. *Tertium*, quod Divinum Humanum Domini sit Nomen Jehovah, hoc est, quale Ipsi, videatur Joh: xii: 28.

2629. Quem peperit ei Sarah, quod significet esse & existere ex Divino spirituali unito Divino cœlesti, constat ex significatione parere, quod sit existere, de qua n: 2621, & quia partus involvit conceptionem, & partus seu existere est ex Divino spirituali, & conceptio seu esse ex Divino cœlesti, quæ hic unita sunt, inde parere hic significat & esse & existere; tum ex representatione Saræ, quod sit Divinum spirituale unitum Divino cœlesti, de qua n: 1468. 1901. 2063. 2065. 2172. 2193. 2198. 2507. Hæc arcaniora sunt, quam ut possint describi, imo quam ut possint illustrari per aliqua, quæ in mundo, sunt pro mentibus angelicis, quibus hæc fiuntur per ineffabilia in luce cœli.

2630. Jischak, quod significet Rationale Divinum, constat ex illis, quæ de Abrahamo, Isaac, & Jacobo, prius n: 1893. 2066. 2073, dicta sunt, nempe quod Abrahamus representet Supremum Divinum, Isaac Divinum Rationale, & Jacobus Divinum Naturale Ipsi; ut quoque ex sequentibus constabit, ubi de Isaco.

2631. Vers: 4. *Et circumcidit Abraham Jischakum filium suum, filium octo dierum, quemadmodum præcepit illi Deus.* Circumcidit Abraham Jischakum filium suum, significat purificationem Rationalis: filium octo dierum, significat principium & continuum: quemadmodum præcepit Deus, significat secundum ordinem Divinum.

2632. Circumcidit Abraham Jischakum filium suum, quod significet purificationem Rationalis, constat a significatione Circumcidi, quod sit purificari, de qua n: 2039; & ex representatione Jischaki, quod sit Rationale Divinum, de qua n: 2630. Quod primum Rationale Domini natum sit sicut apud alios, nempe per scientifica & cognitiones, prius dictum est ubi de Ismaele, per quem illud Rationale representatur; hoc quia per scientifica & cognitiones, natum fuit, ita per viam externam, quæ est sensualium, sicut apud alios, non potuit quin plura apud se habuerit ex mundanis, idæ enim Rationalis inde comparatur, & hoc magis, quia ei hereditarium a matre;

CAPUT VIGESIMUM PRIMUM. 13

matre; illa mundana erant, & hoc hæreditarium, quæ Dominus successive a Rationali suo expulit, & hoc usque dum tale esset, ut recipere posset Divinum, n: 2624. 2625; tunc natum est Divinum Rationale Domini, quod per Isaac repræsentatur, n: 2630, & quidem non per viam externam, quæ est sensualium, ut Rationale prius, sed per viam internam ex Ipso Divino, n: 2628. 2629; hoc quia non una vice sed successive factum, n: 1690. 2033, purificatum est, & hoc continue, quod significatur per quod circumcidit Abraham filium suum, filium octo dierum: quod Dominus Rationale suum successive Divinum fecerit, & continue purificaverit, constat etiam apud Johannem, “Jesús dixit, Pater glorifica Nomen tuum, exiit igitur” vox ex cælo, & glorificavi, & rursus glorificabo,” xii: 28; quod glorificare sit Divinum facere, videatur n: 1603. 1999. Per Circumcisionem in Ecclesia Antiqua, nec aliud repræsentatum & significatum est, quam ut purificaretur homo ab amoribus sui & mundi, & hoc quoque successive & continue, videatur n: 2039. 2046. ad f. 2049. 2056, præcipue cum natus est novus, seu cum regeneratus, tunc enim per viam internam, hoc est, per bonum conscientiae, insiuit Dominus, ac separat successive & continue illa, quæ ex hæreditario & ex actuali malo adherent.

2633. Filium octo dierum, quod significet principium & continuum, constat ex significatione Octavi diei, quo circumcidebantur, quod sit principium quodcumque, ita continuum, de qua n: 2044.

2634. Quemadmodum præcepit Deus, quod significet secundum ordinem Divinum, constat ex significatione præcipere Deus, seu præceptorum; præcepta Dei, seu quæ præcepit Deus, sunt omnia & singula Divini ordinis, usque adeo, ut Divinus Ordo non sit nisi perpetuum præceptum Dei; quare secundum præcepta Dei, & in præceptis Dei, vivere, est secundum ordinem Divinum, & in ordine Divino; inde est, quod per præcepit Deus, hic significetur secundum ordinem Divinum. Secundum ordinem Divinum fuit, quod omnis masculus a nativitate octavo die circumcideretur, non quod circumciso aliquid faceret, seu qui circumcisi præ incircumcisis intrarent in Regnum Dei; sed quia talis Ritus in Ecclesia Repræsentativa correspondebat purificationi cordis, de qua correspondentia, ex Divina Domini Misericordia, alibi dicitur: quod Cor, hoc est, interiora hominis, successive & continue a malis quæ sunt cupiditatum, & a falsis quæ sunt phantasiarum inde, purificanda, est secundum ordinem Divinum, præcepta de purificatione cordis sunt omnia & singula ordinis Divini; quantum itaque homo in præceptis illis, tantum in ordine Divino, vivit; & quantum in hoc, tantum apud eum omnia a Domino disponuntur secundum ordinem qui ab Ipso in cælis, tam nempe ejus rationalia quam scientifica; inde fit homo exiguum cælum correspondens Maximo.

2635. Vers: 5. *Et Abraham filius centum annorum, cum nasceretur illi Jischak filius ejus.* Abraham filius centum annorum, significat plenum statum unionis: cum nasceretur illi Jischak filius ejus, significat cum Rationale Domini Divinum factum.

2636. Abraham filius centum annorum, quod significet plenum statum unionis, constat a significatione centum, quod sit plenum, de qua in mox sequentibus; & a significatione annorum, quod sit status, de qua n: 482. 487. 488. 493. 893, hic, status unionis. Quid plenus status unionis Divini Domini cum Humano Ipsius, seu quod idem, cum Rationali, nam Humanum incipit in intimo Rationalis, n: 2106. 2194, non ita ad captum dici potest, sed usque illustrari per illa, quæ apud hominem vocantur, plenus status cum reformatur & regeneratur: notum est, quod homo non possit regenerari quam in adulta ætate, quia tunc primum ratione & iudicio pollet, ac ita recipere potest bonum & verum a Domino; antequam in statum illum venit, præparatur ille a Domino per id, quod insinuantur ei talia, quæ inservire possint ei pro humo recipiendi semina veri & boni, quæ sunt plures status innocentia & charitatis, tum etiam cognitiones boni & veri, & inde cogitationes, quod sit per plures annos antequam regeneratur; quando homo illis imbutus est, & sic præparatus, tunc dicitur status ejus plenus, nam tunc interiora disposita sunt ad recipiendum; apud hominem appellantur omnia illa, quibus donatur a Domino ante regenerationem, & per quæ regeneratur, Reliquiæ, quæ in Verbo significantur per numerum Decem, n: 576. 1738. 2284, tum quoque per Centum, cum plenus status est regenerationi, n: 1988: hæc illustrationi esse possunt, quid significatur per plenum statum unionis Humani cum Divino in Domino, nempe, cum Ipse ex propria potentia per pugnas tentationum & victorias, & per potentias Divinæ sapientiæ & intelligentiæ, tantum Divini in Humano, hoc est, in Rationali sibi comparavit, ut Ipsum Divinum unire posset Divino acquisito in Rationali: ut hic status repræsentaretur, factum est, quod Abrahamo, tametsi per plures annos moratus in terra Canaane, non prius nasceretur Jischak, quam cum esset ætate centum annorum: hæc sunt arcana, quæ in numero Centum annorum, quæ fuerunt Abrahamo, continentur. Quod numerus Centum significet plenum, constare quoque potest ab aliis locis in Verbo, ut apud Esaïam, "Non erit inde amplius infans dierum, & senex, qui non impleverit dies suos, nam puer *filius centum annorum* morietur, & peccator *filius centum annorum* maledicetur," LXV: 20: ubi manifeste Centum pro pleno, nam dicitur, non erit amplius infans dierum & senex, qui non impleverit dies suos, & puer ac peccator centum annorum, hoc est, cum plenus status ejus: apud Matthæum, "Omnis qui reliquerit domos, aut fratres, aut sorores, aut patrem, aut matrem, aut uxorem, aut liberos, aut agros, propter Nomen meum, *Centuplum* accipiet, & vitæ æternæ sortietur hæreditatem," XIX: 29. Marc: X: 29. 30; ubi centuplum pro pleno, seu mensura bona, pressa, agitata & superfluente, Luc: VI: 38: apud Lucam, "Aliud semen cecidit super terram bonam, & enatum fecit fructum *Centuplum*," VIII: 8. Matth: XII: 8, 23. Marc: IV: 20; "ubi centum etiam pro pleno, qui numerus non dictus fuisset, nisi id significavisset: similiter ubi Dominus per parabolam loquitur de debitoribus, quod unus deberet *Centum* batos olei, & alter *centum* coros tri-

"tici,"

CAPUT VIGESIMUM PRIMUM. 15

“ tici,” Luc: XVII: 5. 6, 7: ita quoque alibi, ubi centum nominatur; similiter se habet cum mille, de quo numero videatur n: 2575.

2637. Cum nasceretur illi Jisachak filius ejus, quod significet cum Rationale Domini Divinum factum, constat ex significatione nasci, quod sit existere, de qua n: 2584. 2621. 2629; & ex representatione Jisachaki, quod sit Divinum Rationale, de qua n: 2630; hoc nasci dicitur Abrahamo, cum Divinum factum, ut quoque supra Vers: 3, “ vocavit Abraham nomen filii sui *nati sibi*,” videatur n: 2628.

2638. Vers: 6. 7. *Et dixit Sarah, risum fecit mihi Deus, omnis audiens ridebit mihi. Et dixit, quis dixisset, Abrahamo, lactabit filios Sarah, quia peperit filium senectuti illius.* Dixit Sarah, significat perceptionem ex Divino spirituali: risum fecit mihi Deus, significat affectionem veri cœlestis: omnis audiens ridebit mihi, significat quod omnia ibi affectionem habitura: & dixit, significat cogitationem: quis dixisset Abrahamo lactabit filios Sarah, significat quod Dominus propria potentia implantaverit Humanum Divino: quia peperit filium senectuti ejus, significat quod hoc fieret cum dies completi essent.

2639. Dixit Sarah, quod significet perceptionem ex Divino spirituali, constat a significatione dicere, quod sit percipere, de qua sæpius; & ex representatione Saræ, quod sit Divinum spirituale, seu Divinum verum, de qua n: 2622.

2640. Risum fecit mihi Deus, quod significet affectionem veri cœlestis, constat a significatione Risus, quod sit affectio veri, de qua n: 2072. 2216; & ex facere Deus, quod sit cœleste ex quo.

2641. Quod omnis audiens ridebit mihi, significet quod omnia ibi affectionem habitura, constat ex significatione audire & ridere; audire in Verbo prædicatur de illis quæ sunt affectionis, videre autem de illis quæ sunt cogitationis, quod constare potest ex perpluribus locis in Verbo, tum quoque a correspondentiis, videatur n: 2542; hic quia agitur de affectione veri cœlestis, dicitur omnis audiens, quo significantur omnia quæ affectionis: quod ridere sit affici vero, seu affectionem veri habere, videatur n: 2072. 2216. 2640.

2642. Et dixit, quod significet cogitationem, constat ex significatione dicere, quod sit percipere, tum quoque cogitare, de qua sæpius, videatur 2619 ad fin.

2643. Quis dixisset Abrahamo lactabit filios Sarah, quod significet quod Dominus propria potentia implantaverit Humanum Divino, constat ex representatione Abrahami, tum Saræ, & a significatione lactare & filiorum; quod Abraham representet Divinum Bonum, & Sarah Divinum Verum, ostensum est; quod lac sit spirituale ex origine cœlesti, seu verum ex bono, videatur n: 2184, ita lactare est implantare illud; quod filii sint vera, hic quæ in Rationali, constat ex significatione filiorum, n: 489. 490. 491. 533: quod hæc in sensu interno significant, quod Dominus ex propria potentia Humanum implantaverit Divino, est quia Divinum Verum est idem ac Divinum.

vinum Humanum, de quo cum dicitur, quod lactet filios Abrahamo, significatur quod Humanum implantaverit Divino, & quia Humanum, est ex propria potentia: sed hæc ægre queunt clarius ad intellectum explicari, si pluribus, obscurifcet sensus adhuc magis, nam sunt Divina, quæ solum coram Angelis per coelestia & spiritualia fisti queunt, si coram homine aliquo stylo elevatori, caderent in ideas materiales & corporeas, quas homo habet. Præterea sciendum, quod Divinum Rationale Domini quoad quale cum primo natum est, describatur his verbis, *Risum fecit mihi Deus, omnis audiens ridebit mihi: Et dixit, quis dixisset Abrahamo lactabit filios Sarab;* ex more antiquo enim fuit, cum nasceretur infans, quod nomen significativum status inderetur, & quod status tunc quoque describeretur, sicut cum Cain nasceretur Chavæ & Adamo, Gen: iv: 1: cum Scheth illis, Gen: iv: 25: cum Noach Lamecho, Gen: v: 29: cum Esavus & Jacobus Ifaco, Gen: xxv: 25. 26: cum duodecim filii Jacobo, Gen: xxix: 32. 33. 34. 35. Cap: xxx: 6. 8. 11. 13. 18. 20. 24. Cap: xxxv: 18: cum Perez & Serach Thamari, Gen: xxxviii: 29. 30: cum Menasche & Ephraim Josefho, Gen: xli: 51. 52: cum Gershom & Eliezer Mofi, Exod: 11: 22. Cap: xviii: 4: quid hi omnes repræsentant, & quid significant in sensu interno, descriptioni adjunctæ nomini, quod indebatur, involutum est; ita hic quid Jischak; quid autem involvitur patet aliquantisper a summaria explicatione, sed arcaniora usque recondita sunt, nam sunt Divina, quæ nullis formis & formulis vocum expressibilia sunt.

2644. Quod quia peperit filium senectuti illius, significet quod hoc fieret cum dies completi essent, constat ab explicatione eorundem pæne verborum in Versu 2, de quibus n: 2621. 2622. 2623. 2624.

2645. Vers: 8. *Et crevit natus, Et ablactatus, Et fecit Abraham convivium magnum in die, cum ablactavit Jischakum.* Crevit natus, significat ulteriorem perfectionem Rationalis Domini: & ablactatus, significat separationem Rationalis mere humani: fecit Abraham convivium magnum, significat cohabitationem & unionem; in die cum ablactavit Jischakum, significat statum separationis.

2646. Crevit natus, quod significet ulteriorem perfectionem Rationalis Domini, constat a significatione crescere, quod sit perfici; & ex significatione nati seu filii, quod sit Rationale Divinum Domini, de qua n: 2623.

2647. Et ablactatus, quod significet separationem Rationalis mere humani, constat ex significatione ablactari, quod sit separari, sicut infantes ab uberibus matris: quod separatum sit Rationale mere humanum, ulterius in hoc Capite describitur, & repræsentatur per filium Hagaris, quod eiectus domo.

2648. Fecit Abraham convivium magnum, quod significet cohabitationem & unionem, constat a significatione convivii, quod sit cohabitatio, de qua n: 2341; hic quoque unio, quia agitur de Domino, cujus Humanum unitum Divino, ac Divinum Humano, & quia agitur de hac unione, dicitur convivium *magnum*.

CAPUT VIGESIMUM PRIMUM. 17

2649. In die cum ablactaret Jifchakum, quod significet statum separationis, constat a significatione diei, quod sit status, de qua n: 23. 487. 488. 493. 893; & ex significatione ablactari, quod sit separari, de qua n: 2647. A versu primo hujus capitis actum est de Unitione Divinæ Essentiæ cum Humana Domini, hoc ordine; *De præsentia Divini in Humano, unitiois causa*, Vers: 1. *De præsentia Humani in Divino, ita de reciproca unitioe, de qua n: 2004*, Vers: 2. *Quod ex unitioe illa Humanum factum Divinum*, Vers: 3. *Et hoc successive & continue cum Dominus vixit in mundo*, Vers: 4. *Quodque hoc inchoaret, cum status Rationali esset, ut reciperet*, Vers: 5. *Describitur status unitiois quoad ejus quale, cum arcanis*, Vers: 6. 7: sequitur nunc de separatione humani materni, & continuatur usque ad Vers: 12; quæ separatio in hoc Versu significatur per ablactationem Isaci, & in sequentibus representatur per filium Hagaris quod emissus domo; & quia unio Divini Domini cum Humano Ipsius, & Humani cum Divino, idem ipsum Conjugium Boni & Veri, ac inde est Conjugium Cœlestis, quod idem est ac Regnum Domini, ideo memoratur Convivium magnum, quod fecit Abraham cum ablactaretur Isac, per quod primum conjugii seu prima unio significatur, quod convivium nisi significavisset arcanum, sicut etiam ablactatio, nusquam memoratum fuisset. Quia nunc sequitur de separatione humani prioris, quod fuit Domino a matre, & tandem de ejus plenaria exultatione, sciendum, quod Dominus successive & continue usque ad ultimum vitæ, cum glorificatus, separaverit a se & exuerit illud quod mere humanum fuit, quod nempe traxit a matre, usque tandem ut non amplius filius ejus esset, sed filius Dei, sicut quoad conceptionem etiam quoad nativitatem, & sic unus cum Patre, & Ipse Jehovah: quod separaverit a se & exuerit omne humanum quod a matre, ita ut amplius non esset filius ejus, patet clare a Domini verbis, apud Johannem, "Cum deficeret vinum, dixit mater Jesu "ad Ipsum, vinum non habent, dicit illi Jesus, *quid Mibi & tibi, mulier*," 11: 3. 4: apud Matthæum, "Dixit quidam, ecce mater tua, & fratres tui foris stant, quærentes tibi loqui; at Jesus respondens dixit ei qui dixerat, *quis est mater mea*, & qui fratres mei; & extendens manum suam super discipulos suos dixit, *ecce mater mea*, & fratres mei; quisquis enim fecerit voluntatem Patris mei, qui est in cœlis, ille meus frater, & foror, & mater," 11: 47. 48. 49. Marc: 111: 32. 33. 34. 35. Luc: viii: 20. 21: apud Lucam, "Tollens quædam mulier vocem ex populo, dixit Ipsi, "beatus venter qui peperit Te, & ubera quæ suxisti: at Jesus dixit, beati illi qui audiunt verbum Dei, & custodiunt illud," 11: 27. 28. ubi cum mulier de matre, Dominus de illis loquutus de quibus supra, nempe quisquis fecerit voluntatem Patris mei, ille meus frater, foror, & mater, quod idem est cum his, beati illi qui audiunt verbum Dei, & custodiunt illud; apud Johannem, "Jesus videns matrem, & discipulum astantem, quem diligebat, dixit matri suæ, *mulier*, ecce filius tuus; deinde dixit discipulo, *ecce mater tua*, quare ab ista hora accepit eam discipulus apud se," 19: 26. 27, ex quibus verbis patet, quod Dominus diceret ei, sicut illa cogitabat

Nº VI. C cum

cum videret Ipsum in cruce, sed usque non vocat illam matrem, sed mulierem, & quod transferret matris nomen ad illos qui significantur per discipulum, quare dixit discipulo, ecce mater tua: adhuc manifestius ab ipsis Dominum verbis, apud Matthæum, "Jesús interrogavit Phariseos, dicens, quid vobis videtur de Christo, cujus filius est, dicunt Ipsi, Davidis, dicit illis, quomodo ergo David in spiritu Dominum Ipsum vocat, dicens, dixit Dominus Domino meo, sede a dextris meis, donec ponam inimicos tuos scabellum pedum tuorum; si ergo David vocat Ipsum Dominum, quomodo filius ejus est; & nemo potuit Ipsi respondere verbum," xxii: 39 ad f. Marc: xii: 35. 36. 37. Luc: xx: 42. 43. 44; ita nec amplius fuit filius Davidis quoad carnem. Porro quod separationem & exuitionem humani materni, attinet, hoc non capiunt, qui mere corporeas ideas de Humano Domini habent, & cogitant de illo, sicut de humano alius hominis, inde talibus scandala; illi non sciunt, quod qualis vita talis homo, & quod Divinum Esse vitæ, seu Jehovah, fuerit Domino a conceptione, & quod simile Esse vitæ in Humano Ipsi Existitit per unionem.

2650. Vers: 9. *Et vidit Sarah filium Hagaris Ægyptiæ, quem peperit Abrahamo, illudentem.* Vidit Sarah, significat intuitionem Domini ex Divino spirituali: filium Hagaris Ægyptiæ, significat in Rationale mere humanum; Hagar Ægyptia, est affectio scientiarum, ex qua Rationale illud, ut a matre, natum: quem peperit Abrahamo, significat quod a Divino cœlesti ut a Patre existitit: illudentem, significat non congruum, & favens Divino Rationali.

2651. Et vidit Sarah, quod significet intuitionem Domini ex Divino spirituali, constat a significatione videre, quod sit intelligere, de qua n: 897. 2150. 2325, quod idem est ac ex mentis visu intueri; & ex repræsentatione Saræ, quod sit Divinum spirituale, seu Divinum verum, de qua n: 2622: vidit Sarah est quod Divinum spirituale intueretur, quod idem est, ac quod Dominus ex Divino spirituali.

2652. Filium Hagaris Ægyptiæ, quod significet in Rationale mere humanum, & quod Hagar Ægyptia sit affectio scientiarum ex qua Rationale illud ut a matre natum, constat ex significatione filii, nempe Ismaelis, quod sit primum Rationale quod Domino, de qua in Cap: xvi Gen: ubi de Hagar & Ismaele agitur; & ex repræsentatione ejus, & Hagaris Ægyptiæ quæ mater, de qua etiam ibi: quod Rationale primum seu mere humanum apud Dominum, conceptum sit a Divino cœlesti ut a Patre, & natum ab affectione scientiarum ut a matre, videatur n: 1895. 1896. 1902. 1910.

2653. Quem peperit Abrahamo, quod significet quod a Divino cœlesti ut a Patre existitit, constat a significatione parere, quod sit existere, de qua n: 2621. 2629; & ex repræsentatione Abrahami, quod sit Divinum cœlestem, de qua n: 1989. 2011. 2172. 2198. 2501: quod Rationale illud ex Divino cœlesti Domini, ut a Patre existitit, videatur n: 1895. 1896. 1902. 1910.

2654.

CAPUT VIGESIMUM PRIMUM. 19

2654. Illudentem, quod significet non congruum & favens Divino Rationali, constare potest a significatione illudere, quod sit affectionis contra id, quod non sibi congruit & favet. In Versu precedente dictum, quod crevit natus, & ab lactatus, & quod Abrahamus fecerit convivium magnum cum ab lactavit Jisfchakum, per quæ significatum, quod cum Rationale Domini Divinum fieret, Rationale, quod prius, separaretur: ideo nunc immediate sequitur de filio Hagaris Ægyptiæ, per quem quod illud Rationale intelligatur, in explicatione ad Cap: xvi Genes: ubi de Ismaele & Hagare agitur, ostensus est; inde quoque patet, quod illa, quæ in sensu interno, continua serie, consequantur. Quod autem Rationale primum Domini attinet, hoc quia natum sicut apud alium hominem, nempe per scientias & cognitiones, non potuit quin in veri apparentis esset, quæ non vera sunt in se, ut constare potest ab illis, quæ n: 1911. 1936. 2196. 2203. 2209. 2519, allata sunt; & quia in veri apparentis, non potuerunt ei congruere, nec favere vera absque apparentis, qualia sunt Divina, tam quia illa non capit, quam quia ei adversantur: sed illustrationi sint exempla; Rationale humanum, quod scilicet natura a mundanis per sensualia, & dein ab analogis mundanorum per scientifica & cognitiones, pæne irridet hoc seu illudit, si ei diceretur, quod non viveret ex se, sed quod ei appareat sicut viveret ex se; & quod plus vivat, hoc est, sapientius & intelligentius, beatus & felicius, qui minus credit, quod vivat ex se, & quod hæc vita sit Angelorum, imprimis illorum qui cœlestes sunt, ac intimi seu proximi Domino; sciunt enim quod nullus vivat a se, quam solus Jehovah, hoc est, Dominus. Rationale illud illuderet quoque, si ei diceretur, quod nullum ei proprium sit, sed quod fallacia aut apparentia sit quod habeat; & adhuc magis, si ei diceretur, quod quo plus in fallacia sit quod proprium ei, eo minus habeat, ac vicissim; pariter, quicquid ex proprio cogitat & agit, quod sit malum, tamen sit bonum; & quod non prius sapiat, quam cum credit & percipit, quod omne malum ab inferno, & omne bonum a Domino; in illa fide, imo perceptione sunt omnes Angeli, qui tamen proprium abundantius, quam omnes, habent, sed sciunt & percipiunt quod illud a Domino, at quod prorsus appareat sicut eorum. Adhuc, Rationale illud illuderet, si diceretur, quod in cœlo maximi sint qui minimi; quod sapientissimi, qui se minime sapientes esse credunt & percipiunt; quod felicissimi, qui alios maxime felices, se autem minime, esse volunt; quod cœlum sit infra omnes velle esse, at infernum supra omnes; consequenter quod in gloria cœli, sit prorsus nihil quod est in gloria mundi. Similiter illuderet Rationale illud, si diceretur, quod in altera vita nihil spatii & temporis sit, sed quod sint status secundum quos sunt apparentiæ; & quod vita eo cœlestior sit, quo longius ab illis quæ sunt spatii & temporis abest, & quo propius est ad illa quæ sunt æternum, in quo, nempe æterno, nihil prorsus ab idea temporis, nec ab analogo ejus, inest: ita in innumerabilibus aliis. Quod talia in Rationali mere humano essent, & quod ideo hoc Rationale Divina illuderet, vidit Dominus, & quidem ex Divino spiritali, quod significatur per

2 rationi

quod vidit Sarah filium Hagaris Ægyptiæ, n: 2651. 2652: quod homo ex interiori possit intueri in illa apud se, quæ infra sunt, ab experientia notum est illis qui in perceptione sunt, etiam illis qui in conscientia, nam vident eoulque, ut ipsas suas cogitationes redarguant; inde possunt regenerati videre quale eorum Rationale quod iis ante regenerationem, sit; sed talis perceptio apud hominem, est a Domino, verum Domini fuit ex Se Ipso.

2655. Verf: 10. *Et dixit Abrahamo, ejice ancillam hanc, & filium ejus, quia non hæreditabit filius ancillæ hujus cum filio meo, cum Jischako.* Dixit Abrahamo, significat perceptionem ex Divino: ejice ancillam hanc & filium ejus, significat quod exterminarentur quæ Rationalis mere humani sunt: quia non hæreditabit filius ancillæ hujus cum filio meo cum Jischako, significat quod Rationale mere humanum cum Rationali ipso Divino non posset communem vitam habere, neque quoad verum neque quoad bonum.

2656. Dixit Abrahamo, quod significet perceptionem ex Divino, constat ex significatione dicere in historicis Verbi, quod sit percipere, de qua sæpius antea; & ex representatione Abrahami, quod sit Divinum cœleste seu Divinum Bonum, de qua n: 2622.

2657. Quod ejice ancillam hanc & filium ejus, significet quod exterminarentur quæ Rationalis mere humani sunt, constat ex significatione ejicere, quod sit exterminare; ex significatione ancillæ, quod sit affectio rationalium & scientificorum, ita bonum eorum, de qua n: 2567; & ex significatione filii, quod sit verum istius Rationalis, de qua n: 264. 489. 533. 1147; sed est bonum & verum apparens, quæ prædicantur de Rationali hoc primo seu mere humano, inde est, quod ejice ancillam hanc & filium ejus, significet quod exterminarentur quæ Rationalis mere humani sunt. Quomodo hoc se habet, nempe quod primum Rationale exterminatum sit, cum Divinum successit, prius passim dictum & ostensum est, sed quia hic in specie de illo agitur, paucis adhuc explicandum. Sunt apud unumquemvis hominem, qui regeneratur, bina Rationalia, unum ante regenerationem, alterum post regenerationem: Primum, quod ante regenerationem, comparatur per experientias sensuum, per reflexiones super illa quæ in vita civili, & in vita morali, perque scientias, & per ratiocinia inde & per eas, tum per cognitiones spiritualium ex doctrina fidei seu ex Verbo; sed hæc non amplius tunc vadunt quam paululum supra ideas memoriæ corporeæ, quæ respective admodum materiales sunt; quicquid itaque tunc cogitat, est ex talibus, vel ut visu interiori seu intellectuâli simul comprehendantur, sistuntur talium similia comparative vel analogice; ejuscemodi est Rationale primum, seu quod est ante regenerationem. At Rationale post regenerationem formatur a Domino per affectiones veri & boni spiritualis, quæ affectiones mirabiliter a Domino implantantur veris Rationalis prioris, & sic vivificantur ibi illa quæ congrua sunt & favent, cætera autem, sicut nullius usus, separantur inde, usque tandem ut bona & vera spiritualia colligantur quasi in fasciculos, rejectis incongruis, quæ non vivificari possunt, quasi ad peripheriam, & hoc successive sicut bona & vera spiritualia cum
vita

CAPUT VIGESIMUM PRIMUM. 21

vita eorum affectionum crescunt; inde patet, quale Rationale alterum. Hæc quomodo se habent, illustrari potest per comparationem cum fructu arborum; Primum Rationale se habet in initio sicut fructus immaturus, qui successive maturefcit, usque dum semina intus in se ponit; qui cum illius ætatis est, ut se separare incipiat ab arbore, tunc est status ejus plenus, de quo supra n: 2636: Rationale autem alterum, quo donatur a Domino, cum regeneratur, se habet sicut idem fructus in humo bona, in qua putrescunt illa quæ sunt circumcirca semina, & hæc se extrudunt ab intimis sui, & emittunt radicem, tum super terram surculum, qui crescit in novam arborē, & explicat se, usque demum in novos fructus, dein in hortos & paradisos, secundum affectiones boni & veri, quas recipit, videatur Matth: XIII: 31. 32. Joh: XII: 24. Sed quia exempla magis convincunt, sit exemplo *Primum* quod homini ante regenerationem, & *Primum* quod ei post regenerationem; ex Primo Rationali, quod sibi comparavit per media, de quibus supra, credit homo, quod ex seipso, ita ex proprio, cogitet verum & faciat bonum, Rationale hoc primum non aliter capere potest, etiam si instructus sit, quod omne bonum amoris, & omne verum fidei, sit a Domino: at cum regeneratur, quod fit in adulta ejus ætate, ex Rationali altero, quo donatur a Domino, incipit cogitare, quod bonum & verum non sit a seipso seu a proprio, sed a Domino, at usque quod faciat bonum & cogitet verum sicut a seipso, videatur n: 1937. 1947; tunc quo plus in hoc confirmatur, eo plus in lucem veritatis de illis perducitur, usque demum ut credat, quod omne bonum & omne verum sit a Domino; tunc proprium Rationalis prioris successive separatur, & homo proprio cœlesti donatur a Domino, quod fit novi Rationalis. Sit adhuc exemplum; Primum Rationale principio non alium amorem novit quam sui & mundi, & tamen audit, quod amor cœlestis prorsus alius sit, usque id non capit; dein autem cum aliquod bonum facit, non aliud jucundum inde percipit, quam quod videatur sibi mereri gratiam alterius, vel quod audiat Christianus, vel quod obtineat inde vitæ æternæ gaudium; Alterum autem Rationale, quo donatur a Domino per regenerationem, incipit aliquod jucundum sentire in ipso bono & vero; & jucundo hoc affici, non propter suum quid, sed propter bonum & verum, ex quo jucundo cum fertur, tunc meritum rejicit, usque tandem ut respuat illud sicut enorme; hoc jucundum apud eum successive crescit, & fit beatum, & in altera vita fit felix, & ipsum ejus cœlum. Inde nunc constare potest, quomodo se habet cum utroque Rationali apud hominem, qui regeneratur. Sed sciendum, quod apud hominem, tamen si regeneratur, usque omnia & singula, quæ sunt Rationalis primi, remaneant, & modo a Rationali altero separentur, & hoc miraculose a Domino: Dominus autem Rationale primum prorsus exterminavit, ut nihil ejus remanserit, mere enim humanum & Divinum non simul esse possunt; inde non amplius filius Mariæ erat, sed Jehovah quoad utramque Essentiam.

2658. Quia non hæreditabit filius ancillæ hujus cum filio meo, cum Jischako, quod significet quod Rationale mere humanum cum Rationali ipso Divino non possit communem vitam habere, neque quoad verum neque quoad bonum, constat a significatione hæreditare, quod sit habere vitam alterius, de qua mox; ex significatione filii ancillæ, quod sit Rationale mere humanum quoad verum & quoad bonum, de qua n: 2657; & ex significatione filii mei, Jischaki, quod sit Rationale Divinum quoad verum, quod est filius meus, & quoad bonum, quod est Jischakus, de qua n: 2623. 2630; quod Jischakus sit Rationale Divinum quoad bonum, ex significatione risus, ex quo nominatus, quod sit affectio veri seu bonum veri, constat a Verf: 6. 7; n: 2640. 2641. 2643; inde patet, quod non hæreditabit filius ancillæ hujus cum filio meo cum Jischako, sit quod Rationale mere humanum cum Rationali Divino non possit communem vitam habere neque quoad verum neque quoad bonum: quod communem vitam habere nequeat, constat ex eo solo, quod Divinum sit ipsa vita, & sic habeat vitam in Se Ipso; mere humanum autem est organum vitæ, & sic non habet vitam in seipso; Humanum Domini cum Divinum factum, non amplius fuit organum vitæ, seu recipiens vitæ, sed fuit ipsa vita, qualis Ipsiush Jehovæ; ex ipsa conceptione a Jehovah hoc primum habuit, quod clare ab Ipsiush Domini verbis patet, apud Johannem, "*Quemadmodum Pater habet vitam in Se Ipso, ita dedit Filio habere vitam in Se Ipso,*" v: 26; Divinum Humanum est quod vocatur Filius, n: 1729. 2159. 2628: apud Eundem, "*In Ipso Vita erat, & Vita erat lux hominum,*" i: 4: apud Eundem, "*Dixit Jesus, Ego sum via, veritas, & Vita,*" xiv: 6: apud Eundem, "*Jesus dixit, Ego sum resurrectio & Vita, qui credit in Me, & si moriatur, vivet,*" xi: 25: apud Eundem, "*Panis Dei est, qui descendit e cœlo, & vitam dat mundo,*" vi: 33; quod autem homo non sit vita, sed organum seu recipiens vitæ, videatur n: 2021, & alibi passim; exinde evidens esse potest, quod cum Dominus etiam quoad Humanum Jehovah factus, illud, quod non vita erat in se, hoc est, quod mere humanum, ablegaretur; hoc significatur per quod filius ancillæ non hæreditare posset cum filio Jischako. Quod Hæreditare in sensu interno, cum prædicatur de Domino, sit vitam habere Patris, ita in Se Ipso; & cum prædicatur de hominibus, quod sit vitam habere Domini, hoc est, vitam accipere a Domino, constat a pluribus locis Verbi; vitam habere in Se Ipso est ipsum Esse vitæ, hoc est, Jehovah; vitam autem habere Domini, seu vitam accipere a Domino, est recipere Dominum amore & fide, & quia illi sunt in Domino, & sunt Domini, vocantur hæredes & filii Ipsiush. In Verbo Veteris Testamenti prædicatur *Hæreditas* tam de cœlesti seu bono, quam de spiritali seu vero, sed usque unum exprimitur alia voce quam alterum, illam vocem interpretari licet per *possidere hæditario*, hanc autem per *hæditare*; illa etiam vox in lingua originali involvit possessionem, hæc autem derivationem inde, sicut se habet cœleste ad spirituale, seu bonum

CAPUT VIGESIMUM PRIMUM. 23

num ad verum; in hoc Versu, ubi per Jischakum repræsentatur Divinum Rationale seu Divinum Humanum Domini, est vox possessionis ex jure hæreditario, quia Domini Divinum Humanum est Solus Possessor Hæres, ut quoque Ipse docet in parabola, Matth: *xxi*: 33. 37. 38. Marc: *xii*: 7. Luc: *xx*: 14, & passim declarat, quod omnia Patris, Ipfius sint. Quod hæreditario possidere & hæreditare in Verbo, cum prædicatur de hominibus, significet vitam accipere a Domino, proinde vitam æternam seu cælum, nam illi soli cælum accipiunt, qui vitam Domini recipiunt, constat apud Johannem, "Qui vicerit, *hæreditario accipiet omnia*, & ero illi Deus," & ille erit Mihi filius," Apoc: *xxi*: 7: apud Matthæum, "Omnis qui reliquerit domos, aut fratres, aut sorores, propter Nomen meum, cen-
"tuplum accipiet, & *vite æternæ sortietur hæreditatem*," *xix*: 29. Cap: *xxv*: 34. Marc: *x*: 17. Luc: *xviii*: 18: hic cælum vocatur vita æterna, alibi simpliciter vita, ut Matth: *xviii*: 8. 9. Cap: *xix*: 17. Joh: *iii*: 36. Cap: *v*: 24. 29, ex causa quia Dominus est ipsa Vita, & qui Ipfius vitam accipit, is est in cælo. Apud Davidem, "Deus salvabit Zionem, & ædificabit civitates Jehudæ, & habitabunt ibi, & *possidebunt hæreditario eam*, & semen fervorum Ipfius *hæreditabunt eam*, & amantes Nomen Ipfius habitabunt in ea," Psalm: *lxi*: 36. 37; ubi possidere hæreditario, prædicatur de iis, qui in amore cœlesti sunt, hæreditare de iis qui in amore spirituali: apud Elaiam, "Confidens in Me *hæreditabit terram*, & *possidebit hæreditario montem sanctitatis meæ*," *lvii*: 13, similiter: apud Moisen, "Deducam vos ad terram, super qua levavi manum meam, ad dandum eam Abrahamo, Isaco, & Jacobo, & dabo eam in *possessionem hæreditariam*," Exod: *vi*: 8; hæc in sensu literæ significant, quod terra Canaan daretur iis in possessionem hæreditariam, quod etiam factum; at in sensu interno significant quod daretur cælum illis qui in amore & fide in Dominum sunt; nam sicut Dominus per Abrahamum, Isacum, & Jacobum repræsentatur, ita significatur ipse amor & ipsa fides, proinde illi qui in amore & fide sunt, ita qui in Domino: ut quoque per Abrahamum, Isacum, & Jacobum cum quibus multi accumbent in Regno cœlorum, apud Matthæum Cap: *viii*: 11; in cælo enim prorsus ignoratur Abraham, Isac & Jacob, sed solum scitur quid per eos repræsentatur & significatur, similiter ac quid per accumbere seu comedere cum iis; quod enim omnia nomina in Verbo significant res, videatur *n*: 1224. 1264. 1876. 1888, & quod terra Canaan, sit Canaan cœlestis seu cælum, *n*: 1585. 1607. 1866, quod etiam simpliciter vocatur terra, *n*: 1413. 1607. 1733. 2571, sicut etiam apud Matthæum, "Beati miseri, quia *ii hæreditatem accipient terræ*," *v*: 5.

2659. Vers: 11. *Et malum fuit verbum valde in oculis Abrahami ob causas filii sui.* Malum fuit verbum valde in oculis Abrahami, significat statum Domini primum cum cogitaret de separando a se Rationali illo: ob causas filii sui, significat propter id quod dilexit illud.

2660. Malum fuit verbum valde in oculis Abrahami, quod significet statum Domini primum, cum cogitaret de separando a se Rationali illo, nempe quod status doloris ex amore esset, constare potest absque explanatione.

2661. Ob causas filii sui, quod significet propter id quod dilexit illud, nempe Rationale primum, constat ex significatione filii, nempe ancillæ, quod sit Rationale mere humanum, seu primum, de qua prius. Causa doloris hic quidem non memoratur, sed usque patet ab illis quæ sequuntur, quod sit ex amore, liquet, nam dicitur filii sui, & agitur de illo in sequentibus a vers: 13 ad 21; ut tamen sciatur, cur hic dolor, seu quare dicitur, quod malum fuit verbum valde in oculis Abrahami ob causas filii sui, pauca hæc sint alicui illustrationi; Dominus in mundum non venit, ut salvaret cœlestes, sed ut spirituales, Antiquissima Ecclesia, quæ homo dicta, fuit cœlestis, hæc si permansisset in integritate sua, non opus habuisset Dominus ut nasceretur homo, quare ut primum hæc deficere incepit, prævidit Dominus quod cœlestis Ecclesia prorsus ab orbe periret, ideo statim tunc prædictio facta est, de adventu Domini in mundum, Gen: 111: 15: post illius Ecclesiæ tempus non amplius fuit Ecclesia cœlestis, sed Ecclesia spiritualis; Antiqua Ecclesia, quæ fuit post diluvium, Ecclesia spiritualis fuit, de qua pluries in Parte Prima; hæc Ecclesia, seu illi qui ab Ecclesia spirituali, non salvari potuerunt, nisi Dominus venisset in mundum; hæc sunt intellecta per Domini verba apud Matthæum, "Non opus habent valedi medico, sed male habentes; non veni vocare justos, sed peccatores" ad penitentiam," 1x: 12. 13: etiam per hæc, "Et alias oves habeo, quæ non sunt ex ovili hoc; etiam illas oportet Me adducere, vocemque meam audient, & fiet unus grex, & unus Pastor, x: 16; tum quoque per parabolam de centum ovibus, apud Matth: Cap: xviii: 11. 12. 13: nunc quia per Isaacum sicut repræsentatur Divinum Rationale Domini, etiam significantur cœlestes, qui hæredes vocantur; & per Ismaelem sicut repræsentatur Rationale mere humanum Domini, etiam significantur spirituales, qui filii dicuntur, ut ex illis quæ supra n: 2658, dicta sunt, quoque patet; inde ex amore Divino dolor Ipsi, seu verba quæ in hoc Versu; inde quoque illa quæ sequuntur a Vers: 13 ad 21, ubi per filium Hagaris & matrem repræsentatur Ecclesia spiritualis, ac agitur de ejus, seu illorum qui ab Ecclesia illa, statu, n: 2612: Arcana hæc non pluribus adhuc edici possunt; solum, quod apud Dominum, cum fuit in mundo, repræsentati sint omnes status Ecclesiæ, & quomodo per Ipsum salvarentur; quare etiam iidem status Ecclesiæ per eadem nomina quoque significantur.

2662. Vers: 12: *Et dixit Deus ad Abram, ne malum sit in oculis tuis super puerum, & super ancillam tuam; omne quod dicit ad te Sarab, audi voci ejus, quia in Jisbako vocabitur tibi semen.* Dixit Deus ad Abrahamum, significat perceptionem Domini ex Divino: ne malum sit in oculis tuis super puerum, & super ancillam tuam, significat status mutationem erga

CAPUT VIGESIMUM PRIMUM. 25

erga Rationale illud: omne quod dicit ad te Sarah audi voci ejus, significat quod secundum spirituale verum ageret; quia in Jischako vocabitur tibi semen, significat quod ex Divino Humano Domini omnis salus illis qui in bono sunt.

2663. Dixit Deus ad Abrahamum, quod significet perceptionem Domini ex Divino, constat ex significatione dicere in historicis Verbi, quod sit percipere, de qua sæpius prius; & quia ex Divino, dicitur quod Deus ad Abrahamum dixit; per utrumque, tam per Deum, quam per Abrahamum, intelligitur Dominus; quod historica, quæ sunt sensus literæ, dividant ideas, at quod sensus internus uniat illas, patet ex his; in sensu literæ historico sunt duo, nempe Deus & Abrahamus, quæ colloquuntur, in sensu interno autem est unus, nempe Dominus quoad Divinum; inde quoque patet, quod qui tres sunt in sensu literæ, sit unus in sensu interno, sicut Pater, Filius, & Spiritus Sanctus, qui non tres dii sunt, sed unus, & quod in Domino omne Trinum perfectum sit, nempe in Ipso Pater ut Ipse dicit, & ex Ipso Sanctum spiritus, ut quoque Ipse dicit.

2664. Ne malum sit in oculis tuis super puerum & super ancillam tuam, quod significet status mutationem erga Rationale illud; in sensu proxime interno secundum verba, est quod non doleat de eo, quod separaret a se Rationale mere humanum, tum quod non doluerit, nam a perceptione ex Divino fuit, quod necessum esset ut separaretur, quia non aliter salvari potuisset genus humanum; hæc status mutatio est, quæ significatur.

2665. Quod, omne quod dicit ad te Sarah audi voci ejus, significet quod secundum spirituale verum ageret, constat ex repræsentatione Saræ, quod sit Divinum spirituale, seu Divinum verum, de qua n: 2622; & ex significatione audire voci, quod sit secundum id agere, de qua n: 2542. Quid sit agere secundum Spirituale verum, non ad captum ita explicari potest, sicut potest percipi ab illis qui in sensu interno sunt, quare si secundum perceptionem horum diceretur quid sit, vix agnosceretur, ex causa etiam, quia plura arcana prius evolventa, inno credenda, antequam res explicata in ideas fidei intrare possit; quid in communi significet, aliquantisper dici potest, nempe quod sit quod Dominus ex Humano Divino concluderet, & secundum id ageret, ita ex propria potentia; Divinum enim Verum fuit per quod univit Humanum Divino, ac Divinum Bonum per quod univit Divinum Humano, quod reciproca unitio fuerit, videatur n: 2004.

2666. Quod in Jischako vocabitur tibi semen, significet quod a Divino Humano Domini omnis salus illis qui in bono sunt, constat a repræsentatione Jischaki, quod sit Divinum Rationale, de qua prius, ita Divinum Humanum, nam in intimo Rationalis inchoat humanum, n: 2106; & ex significatione feminis, quod prædicatur ex Jischako, quod sit Rationale cæleste, seu quod idem, qui cælestes sunt, de qua n: 2085, 2661; ita vocari tibi semen, significat quod illi hæredes, proinde quod illis salus; Spirituales sunt etiam semen, sed ex filio ancillæ, ut dicitur in Vers: seq: "Et etiam
No. VI. D " filium

“filium ancillæ in gentem ponam eum, quia Semen tuum ille;” quare etiam illis salus, si in bono sunt, ut ab interno sensu illorum verborum constabit; idem etiam docet Dominus multis in locis, & manifeste apud Johannem, “Quotquot Ipsum receperunt, dedit illis potestatem ut filii Dei essent, credentibus in Nomen Ipsius, qui non ex sanguinibus, neque e voluntate carnis, neque e voluntate viri, sed ex Deo nati sunt,” 1: 12. 13.

2667. Actum est a Primo Versu hujus Capitis ad Septimum, de unitione Humani cum Divino, & Divini cum Humano, Domini, & quod ex unitione illa Humanum Domini Divinum factum; contenta singulorum Versuum videantur n: 2649: deinde, *actum est de Rationali mere humano, quod separaretur*, Vers: 8. *quia non congruens esset Divino Rationali*, Vers: 9; *nec cum hoc communem habere vitam posset, tam quoad verum quam quoad bonum*, Vers: 10. *quod separatio primum dolori esset Domino*, Vers: 11; *sed quod ex Divino perceperit Genus humanum aliter salvari non potuisse*, Vers: 12. Nunc sequitur de illis qui ab Ecclesia Spiritualis, qui per filium Hagaris, postquam ablegatus, significantur.

* * *

2668. Vers: 13. *Et etiam filium ancillæ in gentem ponam illum, quia semen tuum ille.* Etiam filium ancillæ in gentem ponam illum, significat Ecclesiam spiritualem quæ acceptura bonum fidei: quia semen tuum ille, significat quod ex Divino Humano Domini illis quoque salus.

2669. Etiam filium ancillæ in gentem ponam eum, quod significet Ecclesiam spiritualem, quæ acceptura bonum fidei, constat a significatione filii ancillæ, tum gentis; filius ancillæ seu Ismael, cum fuit in domo Abrahami, seu cum Abrahamo, repræsentabat primum Rationale Domini, ut n: 2652. 2653. 2657. 2658 ostensum, nunc vero cum separatus induit aliam repræsentationem, nempe Ecclesiæ Spiritualis, n: 2666; similiter ac prius Loth, qui dum fuit cum Abrahamo, repræsentabat Externum hominem Domini, n: 1428. 1429. 1434. 1547. 1597. 1598. 1698, at cum separatus ab Abrahamo, repræsentabat Ecclesiam Externam, & plures istius Ecclesiæ status, n: 2324. 2371. 2399. 2422. 2459, & in toto Cap: XIX, Gen: quod Gens significet bonum, videatur n: 1159. 1258. 1259. 1260. 1416. 1849; hic bonum fidei, quia prædicatur de Ecclesia spirituali; inde nunc, “Etiam filium ancillæ in gentem ponam eum,” significat Ecclesiam spiritualem quæ acceptura bonum fidei, hoc est, charitatem. Regnum Domini in cœlis & in terris est cœleste & spirituale, quare Angeli distincti sunt in cœlestes & in spirituales, videatur n: 202. 337; cœlestibus Angelis apparet Dominus ut Sol, spiritualibus ut Luna, n: 1053. 1521. 1529. 1530. 1531; similiter sunt homines distincti in cœlestes & in spirituales; qui ab Antiquissima Ecclesia quæ ante diluvium, fuerunt cœlestes, de quibus n: 607. 608. 780. 895. 920. 1114 ad 1125; at qui ab Antiqua, quæ post diluvium, fuerunt spirituales, de quibus n: 640. 641. 609. 765; quæ differentia inter illas Ecclesias videatur n: 597. 607; tum quæ inter cœleste & spirituale, n: 81. 1155.
1577.

CAPUT VIGESIMUM PRIMUM. 27

1577. 1824. 2048. 2069. 2088. 2227. 2507. Cœlestes sunt de quibus ita Dominus, "Proprias oves vocat nomine tenus, & educit eas, & quando proprias oves eduxerit, coram iis incedit, & oves Ipsum sequuntur, quia sciunt vocem Ipsius;" Spirituales autem sunt, de quibus hæc, "Et alias oves habeo, quæ non sunt ex ovili hoc, etiam illas oportet Me adducere, vocemque meam audient, & fiet unus grex & unus pastor," Joh: x: 3. 4. 16. Bonum amoris est quod facit Ecclesiam cœlestem; Bonum autem fidei quod facit Ecclesiam spirituales; verum fidei non facit, sed introducit.

2670. Quod quia semen tuum ille, significet quod ex Divino Humano. Domini illis quoque salus, constare potest ab illis quæ supra n: 2666 dicta sunt: quod semen sit fides sed charitatis, videatur n: 255. 880. 1025. 1447. 1610. 1949.

2671. Agitur a Vers: hoc 13 ad 21, in genere de Regno spirituali Domini, & in specie de illis qui sunt spirituales, & hoc, ordine a primo statu eorum reformationis ad ultimum; *De statu eorum ante reformationem, quod: erraticus in doctrinalibus fidei*, Vers: 14: *Quod redigantur usque ad ignorantiam, quod nihil veri sciant*, Vers: 15. *Quod dolor iis inde*, Vers: 16: *Et quod tunc solatium & auxilium a Domino*, Vers: 17; *Et illustratio*, Vers: 18: *Ac instructio ex Verbo*, Vers: 19. *Quod usque status eorum post reformationem, respective ad Cœlestes, sit obscurus*, Vers: 20. *At quod iis lux a Divino Humano Domini in eorum affectione scientiarum, & apparentium veritatum*, Vers: 21.

2672. Vers: 14. *Et mane surrexit Abraham in matutino, & accepit panem: & lagenam aquæ, & dedit ad Hagar, posuit super humero ejus, & puerum, & emisit illam, & ivit & erravit in deserto Beerschebah.* Mane surrexit Abraham in matutino, significat perceptionem claram Domini a Divino: & accepit panem & lagenam aquæ, significat bonum & verum: & dedit ad Hagar, significat implantationem in vita ejus: & posuit super humero ejus, significat quantum posset recipere: & puerum, significat verum spirituale: & emisit illam, significat quod in proprio relinqueret: & ivit & erravit in deserto Beerschebah, significat statum erraticum in doctrinalibus fidei.

2673. Mane surrexit Abraham in matutino, quod significet perceptionem claram Domini a Divino, constat a significatione mane, & surgere in matutino, quod fit percipere clare, de qua n: 2540, ubi eadem verba; & a representatione Abrahami, quod sit Divinum Domini, de qua sæpe prius. Perceptio clara Domino a Divino fuit de statu Regni spiritualis. Ipsius, nempe quales illi qui e Regno illo seu ab Ecclesia illa, in principio sunt, quales successive, & quales tandem fiunt; nam omnis status eorum adamussum & plene describitur in sensu interno a. Vers: 13 ad 21. ad hujus Capitis.

2674. Et accepit panem & lagenam aquæ, quod significet bonum & verum, constat a significatione panis, quod sit cœleste seu bonum, de qua: n: 276. 680. 2165; & a significatione aquæ, quod sit spirituale seu verum,

de qua n: 28. 680. 739: dicitur lagena aquæ, quia est perparum veri, quo in principio donantur, quantum nempe tunc possunt recipere, quod significatur per quod posuit super humero ejus, n: 2676. Quisque videre potest, quod historica hæc involvant arcana, ex eo, quod Abraham, qui dives pecore & armento, tum auro & argento, ita ablegaverit ancillam suam ex qua filium habuit, & puerum Ismaelem quem multum dilexit, solum dando eis aliquid panis, prævidere etiam potuit, quod illis consumptis morerentur, quod etiam factum nisi ab Angelo tulerint opem; & præterea hæc de pane & lagena aquæ, & quod illa posita super humero, nec tanti sunt, ut memorentur; sed usque ita factum est, ac memoratum, quia involvunt & significant statum primum eorum qui spirituales fiunt, quibus in principio aliquid boni & aliquid veri, & quidem parum suppeditatur, & dein quod aqua illis deficiat, & auxillium tunc ferant a Domino.

2675. Et dedit ad Hagar, quod significet implantationem in vita ejus, constat a significatione Hagaris, quod sit vita exterioris hominis, de qua n: 1896. 1909; vita exterioris hominis est affectio scientiarum, quæ per Hagarem Ægyptiam in specie significatur: apud illos, qui fiunt spirituales, implantatur a Domino bonum & verum in affectione scientiarum, ut nempe scire & discere velint quid bonum & verum, ob finem & usum ut rationales fiant, ac ut spirituales, nam affectio scientiarum est mater per quam nascitur Rationale in quo spirituale, n: 1895. 1896. 1902. 1910; simile quidem apud omnes a Domino influit, sed non alii recipiunt propter eum finem & eum usum, quam qui reformari possunt, cæteri propter alios fines & alios usus, qui innumerabiles sunt, & spectant se & mundum.

2676. Posuit super humero ejus, quod significet quantum posset recipere, constat a significatione humeri, quod sit omnis potentia, de qua n: 1085, ita quantum boni & veri possunt recipere.

2677. Et puerum, quod significet spirituale, constat a significatione pueri, hic quod sit illud quod spirituale dicitur; representat enim Ismael seu filius ancillæ hic spiritualis Ecclesiæ hominem, & quia hic eum in principio, dicitur puer.

2678. Quod emisit illam, significet quod in proprio relinqueret, constare potest a significatione emitti, cum hoc ab Abrahamo, per quem representatur Dominus; tum a statu eorum primo qui reformantur & spirituales fiunt; status eorum primus est, quod putent se bonum agere & verum cogitare ex semet ita ex proprio, tunc nec aliter sciunt; ac cum is dicitur, quod omne bonum & omne verum a Domino, id quidem non rejiciunt, sed non corde agnoscunt, quia non sentiunt, nec interius percipiunt quod aliquid aliunde influat quam a semet; quia in tali statu omnes sunt primum qui reformantur, ideo a Domino relinquuntur in proprio, sed usque, iis nescientibus, per proprium suum ducuntur.

2679. Et ivit & erravit in deserto Beerschebah, quod significet statum erraticum tunc in doctrinalibus fidei, constat a significatione ire & errare in deserto, quod sit status erraticus; & a significatione Beerschebah, quod sit doctrina

doctrina fidei, de qua ad finem hujus Capituli, ubi dicitur, quod Abrahamus & Abimelech percusserunt foedus in Beerschebah, Verf: 32; & quod Abrahamus plantavit lucum in Beerschebah, Verf: 33. In hoc Versu describitur, qualis in principio est status eorum qui reformantur, nempe quod in variis erroribus aufferantur; inditur enim iis a Domino, ut multum cogitent de vita æterna, ita multum de veris fidei, sed quia ex proprio, ut dictum, non possunt aliter, quam sicut doctrina ita vita errare huc illuc, arripiendo pro vero quod infeminatum est ab infantia, vel quod imprimitur illis ab aliis, vel quod cogitatur ab ipsis, præter quod affectiones variae, quas nesciunt, abducant; sunt sicut fructus adhuc immaturi, quibus non momento forma, pulchritudo, & sapor, induci queunt; aut sicut furculi teneri, qui non momento excrefcere possunt in florem aut spicam: quæ autem tunc intrant, tamen si quoad plurimam partem erronea, usque sunt talia, quæ inserviant promovendæ crescentiæ, quæ dein, cum reformantur, partim separantur, partim conducunt pro inducendis quasi alimentis & succis in vitam sequentem, partim quæ coaptari possunt bonis & veris postmodum a Domino implantandis, & partim ut inserviant spiritualibus pro ultimis planis; ita pro continuis mediis ad reformationem, quæ media in perpetuo nexu & ordine consequuntur, nam omnium minima apud hominem a Domino prævidentur, & ad futurum ejus statum in æternum providentur, & hoc ad ejus bonum, quantum usquam possibile est, & homo patitur se a Domino duci.

2680. Verf: 15. *Et consumtæ sunt aquæ e lagena, & conjecit puerum sub unum fruticum.* Consumtæ sunt aquæ e lagena, significat desolationem veri: & conjecit puerum sub unum fruticum, significat desperationem quod nihil veri & boni perciperet.

2681. Consumtæ sunt aquæ e lagena, quod significet desolationem veri, constat a significatione consumi, quod sit desolari; & ex significatione aquæ, quod sit verum, de qua n: 28. 680. 739.

2682. Et conjecit puerum sub unum fruticum, quod significet desperationem quod nihil veri & boni perciperet, constat a significatione pueri, quod sit spirituale verum, de qua n: 2669. 2677; & ex significatione fruticis seu virgulti, quod sit perceptio, sed ita parum ut vix aliquid, quare etiam dicitur sub unum fruticum, similiter sed in minori gradu ac arbores, quæ quod significant perceptiones, videatur n: 103. 2163; tum ab affectu in illo facto, qui est desperationis; inde patet, quod per conjecit puerum sub unum fruticum, significetur desperatio, quod nihil veri & boni perciperet: quod sub unum fruticum conjici, sit desolari quoad verum & bonum usque ad desperationem, patet apud Hiobum, "In egestate & in esurie solitarius; fugientes "ad accitatem, præteritam noctem, desolationem & vastitatem; carpentes "malvam super Frutice: in fissura vallium ad habitandum, foraminibus pul-"veris & petrarum; inter frutices gemebant, sub carduo conjungebantur," xxx: 3. 4. 7; ubi de desolatione veri, quæ describitur per formulas in Antiqua Ecclesia solennes, (Liber enim Hiobi est Antiquæ Ecclesiæ liber:) ut, esse

esse in egestate & esurie solitarius, fugere ad siccitatem, præteritam noctem, desolationem, vastitatem, in fissuris vallium & petrarum habitare, tum carpere malvâ super frutice, & inter frutices gemere: ut quoque apud Esaiam, "Venient & quiescent omnes in fluviis *desolationum*, in fissuris petrarum, & "in *omnibus virgultis*, & in omnibus ductibus," VII: 19; ubi etiam de desolatione, quæ per similes formulas describitur, scilicet per quiescere in fluviis desolationum, in fissuris petrarum, & in virgultis. In hoc Versu agitur de altero statu eorum, qui reformantur, qui est quod redigantur ad ignorantiam, ut nihil veri sciant, & hoc usque ad desperationem; causa ut redigantur in talem ignorantiam, est ut extinguatur lux persuasiva, quæ talis est, ut illuminet æque falsa ac vera, ac inducat fidem falsi per vera, & fidem veri per falsa, & simul sui fiduciam; tum quoque ut in cognitionem per ipsam experientiam perducantur de eo, quod nihil boni & nihil veri a seipso seu a proprio, sed ex Domino; rediguntur illi, qui reformantur, in ignorantiam usque ad desperationem, & tunc iis solatium & illustratio, ut constet ab iis quæ sequuntur; influere enim non potest lux veri a Domino, in persuasivum quod ex proprio, hoc enim talis naturæ est, ut illam lucem extinguat, appareat persuasivum in altera vita instar lucis hyemalis, sed ad approximationem lucis cœli, fit pro luce illa tenebrosus, in quo est omnis veri ignorantia: hic status vocatur desolationis veri apud eos qui reformantur, & de illo agitur quoque multum in sensu interno Verbi. Sed de eo statu pauci scire possunt, quia pauci hodie regenerantur; qui non regenerantur, illis perinde est si verum sciant vel non sciant, tum si verum sit vel non sit, quod sciunt, modo venditare aliquid pro vero possint; at qui regenerantur, multum de doctrina & vita, quia de salute æterna, cogitant, ac ideo si illis verum deficit, quia est cogitationis & affectionis eorum, dolent corde: Qualis status unius & alterius, constare potest ex hoc; Homo dum in corpore est, quoad spiritum vivit in cœlo, & quoad corpus in mundo, in utrumque nascitur; ac ita creatus est, ut possit actualiter quoad spiritum esse cum angelis, & simul per illa, quæ sunt corporis, esse cum hominibus; sed quia pauci sunt, qui credunt, quod iis spiritus qui victurus post mortem, pauci sunt qui regenerantur; qui credunt, illis altera vita est omne cogitationis & affectionis, & mundus est respective nihil; qui autem non credunt, illis mundus est omne cogitationis & affectionis, & altera vita est respective nihil; illi sunt qui regenerari possunt, hi autem qui non possunt.

2683. Vers: 16. *Et ivit, & sedit sibi e regione, elongando se circiter jactum arcus, quia dixit, ne videam mortem pueri, & sedit e regione, & suscepit vocem suam, & fleuit.* Ivit, & sedit sibi e regione, significat statum cogitationis: elongando se circiter jactum arcus, significat statum quantum abesset a doctrina veri; arcus est doctrina veri: quia dixit ne videam mortem pueri, significat dolorem quod sic periret: & sedit e regione, significat cogitationis statum: & suscepit vocem & fleuit, significat doloris ulteriorem gradum.

2684. Ivit & sedit sibi e regione, quod significet statum cogitationis, constare potest ex significatione ire, tum sedere sibi, & hoc e regione, applicate
ad:

CAPUT VIGESIMUM PRIMUM. 31

ad illa quæ præcedunt & quæ sequuntur; ire, hic abire a puero, significat remotionem a vero spirituali, quæ ulterius exprimitur & determinatur per quod elongaverit se circiter ad jactum arcus; federe sibi, significat statum solitarium qualis est cogitationis in dolore & desperatione; e regione, significat ut non prospiceret & usque prospiceret, quod prospicere sit cogitare, videatur n: 2245, quod etiam ulterius exprimitur & determinatur per quod dixerit, ne videam mortem pueri, & sedit e regione; ita illis verbis involvitur status cogitationis eorum, qui in desolatione veri ac desperatione inde sunt.

2685. Elongando se circiter jactum arcus, quod significet statum quantum abesset a doctrina veri, constat a significatione elongari, quod sit abesse; & a significatione arcus, quod sit doctrina veri, de qua mox sequitur; jactus significat, quod tantum abesset quantum usquam posset, sicut quantum jaculum ab arcu posset emitti: hic jactus arcus dicitur, quia de spirituali homine prædicatur arcus, & quod is jaculator arcus, ut de eo in Verſ: seq: 20, "Et habitavit in deserto, & fuit jaculator arcus."

2686. Quod arcus sit doctrina veri, constat a significatione ejus; in Verbo ubicunque agitur de Bellis, & memorantur bella, in sensu interno non alia significantur bella, quam spiritualia n: 1664; fuerunt etiam Libri in Antiqua Ecclesia, qui inscripti Bella Jehovahæ, ut constat apud Moſen, Num: xxi: 14. 15. 16, quæ prophetico stylo conscripta sensum internum habuerunt, & egerunt de Domini pugnis & tentationibus, tum de Ecclesiæ, & illorum qui ab Ecclesia; quod exinde patet, quia aliqua inde desumpta sunt a Moſe; tum quoque a Libris aliis Ecclesiæ istius, qui vocati Libri Enuntiatorum prophetorum, de quibus Num: xxi: 27. 28. 29. 30, in quibus eadem pæne verba sunt quæ apud Jeremiam, conferantur Num: xxi: 28, & Jerem: xlviii: 45: ex quibus etiam concludi potest, quod Antiquæ Ecclesiæ fuerint Scripta tam Historica quam Prophetica, quæ Divina & inspirata, & quæ in interno sensu agebant de Domino ac Ipsius Regno, & quod illa iis Verbum, sicut nobis Libri Historici & Prophetici, qui in sensu literæ agunt de Judæis & Israelitis, sed in sensu interno de Domino, & de illis quæ Ipsius sunt. Quia Bellum in Verbo, sicut etiam in Antiquæ Ecclesiæ Libris, significabat Bellum spirituale, ita omnia arma, ut Gladius, Hasta, Clypeus, Scutum, Tela, Sagittæ, & Arcus, significabant talia in specie, quæ sunt Belli in spirituali sensu intellecti; de singulis armis, quid in specie significant, ex Divina Domini Misericordia, alibi dicitur; hic nunc quid Arcus, quod nempe Doctrinam veri, & hoc a telis, sagittis, seu jaculis, quæ sunt doctrinalia ex quibus & cum quibus pugnant, illi imprimis qui spirituales sunt, qui inde olim dicti Jaculatores arcus: quod Arcus significet Doctrinam veri, constare potest ab his locis; apud Esaiam, "Jehovæ tela acuta, & omnes Arcus Ipsius tensi, ungu læ equorum Ipsius sicut rupes reputantur, & rotæ Ipsius sicut procellæ," v: 28, ibi de veris doctrinæ agitur, tela sunt vera spiritualia, arcus doctrina, ungu læ equorum vera naturalia, rotæ doctrina eorum; quæ quia talia significant, ideo Jehovahæ tribuuntur, cui non tribui possunt nisi in sensu spirituali, aliter forent verba inania

inania & non decentia: apud Jeremiam, “Dominus *tendit Arcum suum*”
 “sicut inimicus, constitit dextra Ipsius sicut hostis, & occidit omnia desiderabilia oculi in tentorio filiae Zionis, effudit sicut ignem iram suam,”
 Thren: 11: 4; Arcus pro doctrina veri, quæ apparet illis qui in falsis sicut inimicum & hostile, non alius arcus prædicari potest de Domino: apud Habakuk, “Jehovah equitas super equis tuis, currus tui salus, denudando”
 “denudabitur *Arcus tuus*,” 111: 8. 9; ibi arcus etiam est doctrina boni & veri: apud Mosen, “Exacerbabunt eum, & *jaculabuntur*, odio habebunt
 “eum *sagittarii*, fedebit in firmo *Arcus sui*, & roborabuntur brachia manuum Ipsius a manibus fortis Jacobi, inde Pastor, Lapis Israelis,” Genes: XLIX: 23. 24; ubi de Josepho, Arcus pro doctrina boni & veri: apud Joannem, “Vidi, cum ecce equus albus, & sedens super illo *habens Arcum*,
 “cui data est corona,” Apoc: VI: 2; equus albus pro sapientia, sedens super illo pro Verbo, ut dicitur manifeste Cap: XIX: 13, ubi de equo albo iterum agitur; & quia sedens super illo est Verbum, constat quod Arcus sit doctrina veri: apud Esaiam, “Quis excitavit ab oriente iustitiam, vocavit
 “eum ad sequelam sui, dedit coram Ipso gentes, & regibus dominari fecit,
 “dedit sicut pulverem gladio suo, sicut stipulam propulsam *arcu suo*,”
 XLI: 2; ubi agitur de Domino, gladius pro vero, arcus pro doctrina ab Ipso: apud Eundem, “Ponam in eis signum, & mittam ex eis evasores, ad
 “gentes Tharschish, Pul & Lud *trahentes arcum*, Thubal & Javan,”
 LXVI: 19; trahentes arcum, pro docentes doctrinam, quid Tharschish videatur n: 1156; quid Lud, n: 1195. 1231; quid Thubal, n: 1151, quid Javan, n: 1152. 1153. 1155: apud Jeremiam, “Præ voce equitis &
 “*jacientis arcum*, fugiens tota urbs, intrarunt in nubes, & in rupes ascenderunt, tota urbs deserta est,” IV: 29; eques pro illis qui verum dicunt,
 arcus pro doctrina veri, quam fugiunt seu timent illi qui in falsis; apud Eundem, “Disponite aciem contra Babelem circumcirca, omnes *tendentes*
 “*arcum jacite* ad eam, ne parcatis *telo*, quia Jehovah peccavit,” L: 14. 29. Cap: LI: 2. 3, ubi jacientes & tendentes arcum pro dicentibus & docentibus doctrinam veri: apud Zachariam, “Excindam *currum* ex Ephraim, &
 “equum ex Hierosolyma, & excindetur *arcus belli*, & loquetur pacem gentibus,” IX: 10; Ephraim pro intellectu veri Ecclesiæ, arcus pro doctrina: apud Samuelem, “Lamentatus David lamentationem super
 “Schaule, & super Jonathan filio ejus, & dixit ad *docendum filios Jebudæ arcum*,” 2 Sam: 1: 17; ubi de arcu non agitur, sed de doctrinalibus fidei: apud Ezechielem, “Dictum Domini Jehovih, hic dies de quo loquutus sum, & exibunt habitatores urbium Israelis, & succendent & comburent arma, & scutum, & clypeum, *Arcum & tela*, & baculum manus
 “& hastam, & succendent in illis ignem septem annis,” xxxix: 9; arma ibi nominata sunt omnia arma belli spiritualis; arcus cum telis pro doctrina & ejus veris: ipsa etiam vera separata a bonis, apparent in altera vita, cum repræsentantur ad visum, sicut tela. Prout arcus significat doctrinam veri, etiam in opposito sensu significat doctrinam falsi; similia in Verbo ut plurimum

CAPUT VIGESIMUM. PRIMUM. 33

num sensum oppositum habent, ut passim dictum & ostensum; ut apud Jeremiam, "Ecce populus veniens e terra septentrionis, & gens magna excitabitur e lateribus terræ, *Arcum* & hastam *prebendent*, crudelis illa, & non miserebuntur, vox eorum sicut mare tumultuabitur, super equis equitabunt, instructus tanquam vir ad bellum, contra te filia Zionis," vi: 22. 23, ubi arcus pro doctrina falsi: apud Eundem, "Ecce populus veniens e septentrione, & gens magna, ac reges multi excitabuntur a lateribus terræ, *Arcum* & hastam tenent, crudeles illi, & non miserebuntur," i: 42: similiter: apud Eundem, "Tendunt linguam suam, *Arcus eorum mendacium*, & non ad *veritatem*, prævalent in terra, quia e malo in malum egressi sunt, & Me non noverunt," ix: 1. 2; quod arcus sit doctrina falsi, patet manifeste, nam dicitur quod tendant linguam, arcus eorum mendacium, & non ad *veritatem*: apud Eundem, "Dixit Jehovah Zebaoth, ecce Ego *frangens Arcum Elami*, principium fortitudinis ejus," xlix: 35: apud Davidem, "Ite, videte opera Jehovah, qui ponit desolationes in terra, cessare faciens bella usque ad extremitatem terræ, *Arcum frangit*, concidit hastam, plaustra comburit igne," Psalm: xlii: 9. 10: apud Eundem, "Notus in Jehudah Deus, in Israele magnum Nomen Ipsius, & erit in Schalem tabernaculum Ipsius, & habitaculum Ipsius in Zione, ibi *fregit jacula ignita arcus*, scutum, & gladium, & bellum," Psalm: lxxvi: 2. 3. 4: apud Eundem, "Ecce impii *tendant Arcum*, præparant *sagittas suas super nervo*, ad *jaculandum* in tenebris rectos corde," Psalm: xi: 2, hic manifeste arcus & sagittæ pro doctrinalibus falsi.

2687. Quia dixit ne videam mortem pueri, significet dolorem quod sic periret, constat a significatione videre mortem, quod sit perire; & a significatione pueri, quod sit spirituale verum, de qua supra; inde & ex affectu desperationis propter desolationem veri patet quod sit interior dolor, qui his verbis inest.

2688. Et sedit e regione, quod significet cogitationis statum, constat ab illis quæ supra n: 2684 dicta sunt, ubi eadem verba. Quod iterum hoc datur in hoc Versu, causa est, quia status cogitationis usque ad ultimum doloris auctus & aggravatus est, ut patet ab illis quæ mox præcedunt, "Ne videam mortem pueri;" & ab illis quæ mox sequuntur, "Sustulit vocem & flevit."

2689. Et sustulit vocem & flevit, quod significet doloris ulteriorem gradum, constare potest a significatione tollere vocem & flere, quod sit ultimum doloris, fletus enim cum alta voce non aliud est. Status desolationis veri, tum elongationis a veris, apud eos qui sunt spirituales, in hoc Versu descriptus est; quomodo hæc se habent, paucis dicendum est; illi, qui non reformari possunt, nesciunt prorsus, quid sit dolere propter id quod depriventur veris, putant quod nusquam aliquis angere possit propter tale; solum anxietatem dari posse credunt, quod quis privetur bonis corporis & mundi, ut valetudine, honore, fama, opibus, & vita: qui autem reformari possunt,

Nº. VI.

E

aliter

aliter prorsus credunt; detinentur ii a Domino in affectione boni & in cogitatione veri, quare in anxietatem veniunt, quando illis privantur: notum est, quod omnis anxietas & dolor sit inde quod aliquis privetur illis, quibus afficitur seu quæ amat; qui solum afficiuntur corporeis & mundanis, seu solum talia amant, ii dolent quando illis privantur; qui autem afficiuntur bonis & veris spiritualibus, & hæc amant, ii dolent quando illis privantur, cujusvis vita non est nisi affectio seu amor; inde constare potest, qualis status est eorum qui desolantur quoad bona & vera, quibus afficiuntur seu quæ amant, quod nempe status doloris eorum sit gravior, quia interior, & in privatione boni & veri non spectant mortem corporis, quam nec curant, sed mortem æternam; eorum status est, qui hic describitur. Ut quoque sciatur, quinam sunt qui in affectione boni & veri a Domino teneri, ac sic reformari & fieri spirituales possunt, & quinam non possunt, etiam paucis dicendum; unusquisque in pueritia, dum primum bonis & veris imbutur, tenetur a Domino in affirmativo quod verum sit quod a parentibus & a magistris dicitur & docetur; hoc affirmativum apud eos, qui spirituales homines possunt fieri, per scientifica & cognitiones confirmantur, nam quicquid addiscunt, quod affine est, se insinuat affirmativo, & hoc corroborat, idque magis & magis usque ad affectionem, hi sunt qui spirituales homines secundum veri essentiam, cui fidem habent, fiunt, & qui in tentationibus vincunt: aliter vero se res habet cum illis, qui non spirituales fieri possunt; hi tamen in pueritia in affirmativo sunt, usque succedente ætate dubitativa admittunt, & sic infringunt affirmativum boni & veri; & cum adultam ætatem intrant, admittunt negativa, usque ad affectionem falsi; hi si in tentationes inducerentur, plane succumberent, quare etiam ab illis liberantur. Sed ipsa causa, quod admittant dubitativa, & postea negativa, ducit omnem suam originem a vita mali; qui in vita mali sunt, nusquam aliter possunt; vita cujusvis, ut dictum, est affectio seu amor, qualis affectio seu amor, talis cogitatio, affectio mali & cogitatio veri nusquam se conjungunt, ubi apparent se conjungere, usque non conjungunt, est cogitatio veri absque affectione ejus, quare apud eos verum non est verum, sed modo sonorum quoddam, seu oris, a quo cor procul abest; tale verum scire etiam possunt pessimi, & quandoque præ aliis: apud quosdam etiam datum persuasivum veri talis naturæ, ut nemo aliud scire possit, quam quod sit genuinum, sed usque non est si non sit vita boni, est affectio amoris sui vel mundi, quæ inducit tale persuasivum, quod etiam cum vehementia apparentis zeli descendunt, imo usque ut condemnent illos qui non recipiunt, aut similiter credunt; sed hoc verum est quale principium apud unumquemvis, fortius quo fortior amor sui aut mundi, id quidem adnascitur malo, sed non cum malo se conjungit, quare etiam extirpatur in altera vita. Aliter apud eos, qui in vita boni sunt, ipsum verum ibi suam humum, & suum cor, & a Domino suam vitam, habet.

2690. Vers: 17. *Et audivit Deus vocem pueri; & clamavit Angelus Dei ad Hagarem.*

CAPUT VIGESIMUM PRIMUM. 35

Hagarem e caelo, & dixit ei, quid tibi Hagar, ne timeas, quia audivit Deus vocem pueri, in quo ille est. Audivit Deus vocem pueri, significat tunc auxilium: & clamavit Angelus Dei ad Hagarem e caelo, significat consolationem: & dixit ei, quod tibi Hagar, significat perceptionem de statu ejus ne timeas, quia audivit Deus vocem pueri, in quo ille ibi, significat spem auxilii.

2691. Audivit Deus vocem pueri, quod significet tunc auxilium, constat a significatione audire Deus vocem in sensu historico, quod sit ferre auxilium in sensu interno, & a significatione pueri, quod sit spirituale verum, de qua prius, hic quod sit status in quo spirituale quoad verum esset, nam dicitur quod audivit *vocem pueri*, & mox in hoc Versu, audivit vocem pueri in *quo ille ibi*, nempe in quo statu, & in praecedentibus, quod in statu summi doloris ob privationem veri esset. Quod vocem pueri, non Hagaris dicitur audivisse, est quia de statu spiritualis hominis agitur; per puerum seu Ismaelem representatur Spiritus Ecclesiae homo, per Hagarem matrem ejus affectio cognitionum veri, quae est cui dolor: Rationale hominis nascitur ab affectione scientiarum ut a matre, n: 1895. 1896. 1902. 1910. 2694. 2524; sed Spirituale ejus ab affectione cognitionum veri ex doctrina, cumprimis ex Verbo; ipsum Spirituale est hic puer, affectio cognitionum veri est hic Hagar.

2692. Et clamavit Angelus Dei ad Hagarem e caelo, quod significet consolationem, constat a significatione clamare e caelo, tum Angeli Dei, ut & Hagaris; clamare e caelo significat influxum; Angelus Dei Dominum n: 1925. 2321; & Hagar affectionem cognitionum veri, n: 2691; influxus Domini in affectionem veri, cum haec in summo dolore ob privationem, est consolatio: quod a Domino influit apud hominem, dicitur clamari e caelo, quia per caelum est, & ibi manifestum, sed in hominis perceptione & cogitatione obscurum, modo per mutationem status affectionis se manifestans, ut hic quod consolationem acceperit.

2693. Dixit ei, quid tibi Hagar, quod significet perceptionem de statu ejus, constat a significatione dicere in historicis Verbi, quod sit percipere, de qua prius; & a significatione quid tibi Hagar, quod sit status in quo esset; hic significat quod Dominus noverit ejus statum, tamen interrogatur illa, & dicitur quid tibi Hagar; in sensu literae est interrogatio a Domino, at in sensu interno est infinita perceptio omnium; quod interrogentur homines de statu eorum, passim legitur in Verbo, sed est causa, quia homo non aliter credit, quam quod nemo sciat cogitationes, minus statum affectionis; tum quoque ut solatium inde habeant, ut aperire queant sensa animi, quod solet medellae esse, videatur n: 1701. 1931.

2694. Ne timeas, quia audivit Deus vocem pueri, in quo ille ibi, quod significet spem auxilii, constat a significatione ne timeas, quod sit non desperare, sublato enim timore spes adest; & a significatione audire vocem pueri, quod sit auxilium, de qua supra n: 2691, ubi similia verba. Actum est in Versibus qui praecedunt, de statu desolationis, in quo illi qui reformantur

mantur ac sunt spirituales; nunc agitur de restitutione eorum, hic de solatio & spe auxilii. Quod in ignorantiam veri seu desolationem, usque ad dolorem & desperationem, redigantur illi qui reformantur, & quod tunc primum iis solatium & auxilium a Domino, hodie ignotum est, ex causa quia pauci reformantur; qui tales sunt, ut reformari queant, si non in vita corporis, usque in altera, in statum hunc perducuntur, ubi ille notissimus est, & vocatur Vastatio seu desolatio, de qua aliquid in Parte Prima, ubi etiam videatur n: 1109; qui in tali Vastatione seu desolatione sunt, rediguntur usque ad desperationem, & cum in hoc statu sunt, tunc accipiunt solatium & auxilium a Domino, & tandem auferuntur inde in cœlum, ubi inter Angelos instruuntur quasi e novo in bonis & veris fidei: causa vastationis & desolationis hujus, est præcipue, ut frangatur persuasivum, quod ex proprio captarunt, videatur n: 2682; tum etiam ut perceptionem boni & veri accipiant, quam accipere nequeunt, antequam persuasivum, quod ex proprio, quasi emollitum sit; status anxietatis & doloris usque ad desperationem facit hoc; quid bonum, imo quid beatum & felix, nemo seipso exposito percipere potest, nisi in statu non boni, non beati, & non felicitis, fuerit; ex hoc capit perceptionis sphaeram; & hoc in eo gradu, in quo fuit in statu opposito, ex relativis actualiter formati sit sphaera perceptionis, & extensio limitum ejus; hæ causæ vastationis seu desolationis sunt, præter plures alias: sed sint illustrationi exempla; Qui suæ prudentiæ omnia tribuunt, & parum vel nihil Providentiæ Divinæ; illi si vel mille & mille rationibus evincerentur, quod Providentiæ Divina sit universalis, sed universalis inde quia est in singularissimis, & quod ne quidem capillus de capite decadat, hoc est, non tam minimum detur, quod non prævisum & secundum id provisum, usque tamen status eorum cogitationis de propria prudentia non inde mutatur, nisi solum illo momento cum convictos se rationibus appericiunt; imo si idem testatum iis fieret per vivas experientias, tunc cum experientias vident, aut in illis sunt, fatentur quod ita sit, sed præterlapsis aliquibus momentis redeunt ad eundem statum opinionis; talia aliquem momentaneum effectum habent in cogitationem, non autem in affectionem, & nisi affectio frangitur, manet cogitatio in suo statu, nam cogitatio suam fidem, & suam vitam habet ab affectione; at cum inducitur iis anxietas & dolor ex eo, quod nihil usquam ex se possint, & hoc usque ad desperationem, tunc frangitur persuasivum, & mutatur status; & tunc in illam fidem induci possunt, quod nihil possint ex se, sed quod omnis potentia, prudentia, intelligentia & sapientia, sit a Domino: similiter se habet cum illis, qui credunt quod fides ab ipsis, quod bonum ab ipsis. Sit adhuc illustrationi exemplum; Qui hoc persuasivum captarunt, quod cum justificati, non amplius aliquod malum apud eos sit, sed quod plane abstersum & deletum sit, & sic quod puri sint; illi si vel per millia rationum illustrarentur, quod nihil abstergetur seu deleatur, sed quod a malo detineantur, & in bono teneantur, a Domino, illi qui tales sunt a vita boni, in qua fuerunt in mundo, ut possint; & adhuc si convincerentur per experientias,

perientias, quod sint a se nihil nisi malum, imo quod impurissimæ congeries malorum; usque non recedunt a fide opinionis suæ; at vero cum reducuntur ad illum statum, ut percipiant in se infernum, & hoc eo usque, ut desperent quod usquam salvari possint, tunc primum frangitur persuasivum illud, & cum illo fastus, & contemptus aliorum præ se, tum arrogantia quod soli sint qui salvantur, ac induci possunt in veram confessionem fidei, non modo quod omne bonum sit a Domino, sed etiam quod omnia sint misericordiæ Ipsius; & tandem in humiliationem cordis coram Domino, quæ absque agnitione sui non dabilis est. Exinde nunc patet, cur illi, qui reformantur aut spirituales fiunt, rediguntur in statum vastationis seu desolationis, de quo in Versibus qui præcedunt; & quod cum in statu illo usque ad desperationem sunt, tunc primum iis solatium & auxilium a Domino.

2695. Vers: 18. *Surge, tolle puerum, & corrobora manum tuam in illo, quia in gentem magnam ponam illum.* Surge, significat elevationem mentis: tolle puerum, significat spirituale quoad verum: & corrobora manum tuam in illo, significat sustentationem inde: quia in gentem magnam ponam illum, significat Ecclesiam spiritualem.

2696. Surge, quod significet elevationem mentis, constat a significatione surgere in Verbo, quod involvat, ubi nominatur, aliquam elevationem, de qua n: 2401, hic elevationem mentis, quia illustrationem, & in Versu sequente instructionem, in veris.

2697. Tolle puerum, quod significet spirituale quoad verum, constat a significatione pueri, quod sit spirituale cum primis quoad verum, de qua n: 2677. 2687: spiritualis enim Ecclesiæ homo per vera fidei regenerari videtur, sed nescit quod per bonum veri, nam id non apparet, solum se manifestat in affectione veri, & dein in vita secundum verum; nusquam aliquis regenerari potest per verum, nisi cum vero sit bonum, nam verum absque bono est nullius vitæ; quare per verum separatum a bono non aliqua nova vita, quæ tamen homini per regenerationem.

2698. Et corrobora manum tuam in illo, quod significet sustentationem inde, constat a significatione corroborari, quod sit sustentari; & a significatione manus, quod sit potentia, de qua n: 878, quæ est sustentationis; in illo, seu puero, est inde, nempe ex spirituali quoad verum: qui in dolore interno sunt, æ in desperatione ex privatione veri, ii elevantur & sustentantur unice per verum, quia de hoc illis dolor & desperatio: qui in affectione boni sunt, bonum apud eos desiderat bonum sicut esuriens panem, qui autem in affectione veri sunt, bonum apud eos desiderat verum, sicut sitiens aquam. Quid hic corroborare manum in illo, non alicui intellectum erit, nisi a sensu interno.

2699. Quia in gentem magnam ponam illum, quod significet Ecclesiam spiritualem, constat a significatione Gentis magnæ, quod sit Ecclesia spiritualis, quæ acceptura bonum fidei, de qua supra n: 2669; gens magna dicitur.

dicitur, quia Regnum Spirituale est alterum Regnum Domini, de quo etiam in loco citato: per Ismaelem, sicut repræsentatur Ecclesiæ spiritualis homo, ita quoque repræsentatur ipsa Ecclesia spiritualis, tum quoque Regnum Spirituale Domini in cœlis, nam imago & similitudo unius est in altero. Primus status post desolationem descriptus est in Versu præcedente, qui fuit status consolationis & spei auxilii; alter eorum status post desolationem describitur in hoc Versu, qui est status illustrationis & recreationis inde: quia Status hi ignoti sunt in mundo, ex causa, quia pauci hodie, ut dictum prius, regenerantur, licet referre, qualis hic status est eorum in altera vita, ubi notissimus; ibi qui in vastatione seu desolatione fuerunt, postquam consolati spe auxilii, elewantur a Domino in cœlum, ita a statu umbræ qui est status ignorantiae, in statum lucis qui est status illustrationis & recreationis inde, ita in gaudium, quod intima eorum afficit; est actualiter lux in quam veniunt, quæ talis est, ut non solum illustret visum sed etiam simul intellectum, quæ lux quantum eos recreat, constare potest a statu opposito, e quo liberati; quidam tunc qui infantili animo fuerunt & simplici fide, apparent sibi in albis & candidis; quidam in coronis; quidam ad plures societates angelicas circumvehuntur, & ubique recipiuntur cum charitate ut fratres, & ibi quicquid boni vitæ eorum novæ gratificatur, illis exhibetur; quibusdam immensitatem cœli seu Regni Domini, videre, & simul beatitudinem eorum, qui ibi, appercipere datur; præter innumerabilia alia, quæ non describi possunt. Talis est status primæ illustrationis & inde recreationis eorum, qui e desolatione veniunt.

2700. Vers. 19. *Et aperuit Deus oculos ejus, & vidit puteum aquæ, & ivit, & implevit lagenam aquæ, & potavit puerum.* Aperuit Deus oculos ejus, significat intelligentiam: & vidit puteum aquæ, significat Verbum Domini a quo vera: & implevit lagenam aquæ, significat vera inde: & potavit puerum, significat instructionem in spiritualibus.

2701. Aperuit Deus oculos ejus, quod significet intelligentiam, constat a significatione aperire, & quod Deus aperiret, tum ab oculorum, quod sint dare intelligentiam; quod oculi significant intellectum, videatur n: 212, similiter ac visus seu videre, n: 2150. 2325: dicitur quod Deus aperiat oculos, cum interiorum visum seu intellectum, quod fit per influxum in rationale hominis, seu potius, in spirituale rationalis ejus, hoc per viam animæ seu internam, homini ignotam; hic influxus est status illustrationis ejus, in quo confirmantur ei vera, quæ audit, vel quæ legit, quadam perceptione interius in ejus intellectu: hoc credit homo ei insitum esse, & a propria facultate intellectuâ provenire, sed maximopere fallitur, est influxus per cœlum a Domino in obscurum, fallax, & apparens hominis, & per bonum inibi facit illa, quæ credit, veri æmula; sed illustratione in spiritualibus fidei solum illi beantur, qui spirituales sunt; est hoc quod significatur per quod aperiat Deus oculos. Quod oculus significet intellectum, est quia visus corporis correspondet visui spiritus ejus, qui est intellectus;

CAPUT VIGESIMUM PRIMUM. 39

lectus; & quia correspondet, per oculum in Verbo, fere ubicunque nominatur, significatur intellectus, etiam ubi aliter creditur; sicut ubi Dominus dicit apud Matthæum, "*Lucerna corporis est Oculus, si Oculus simplex, totum corpus lucidum; si Oculus malus, totum corpus obtenebratum; si ergo lumen sunt tenebræ, tenebræ quantæ,*" vi: 22. 23. Luc: xi: 34; ubi oculus est intellectus, cujus spirituale est fides, quod etiam constare potest ab explicatione ibi, si ergo lumen sunt tenebræ, tenebræ quantæ: similiter apud Eundem, "Si oculus dexter scandalizaverit, erue eum, & abjice abs te," v: 29. Cap: xviii: 9; Oculus sinister est intellectuale, oculus autem dexter est affectio ejus, quod oculus dexter eruendus, est quod domanda affectio si scandalizat: apud Eundem, "*Vestri beati sunt oculi quia vident, & aures vestræ quia audiunt,*" xiii: 16; & apud Lucam, "*Jesus dixit ad discipulos, beati oculi qui vident, quæ videtis,*" x: 23; ibi per oculos qui vident significatur intelligentia & fides; nam quod viderint Dominum, tum Ipsius miracula & opera, non quemquam beatum reddidit, sed quod intellectu ceperint & fidem habuerint, quod est videre oculis, & quod obederint est quod est auribus audire; quod videre oculis fit intelligere, tum quoque fidem habere, videatur n: 897. 2325; intellectu enim est spirituale visus, & fides est spirituale intellectus; visus oculi est a luce mundi, visus intellectus est a luce cœli influentis in illa quæ sunt lucis mundi, visus autem fidei est a luce cœli; inde dicitur videre intellectu, & videre fide; quod aure audire fit obedire, videatur n: 2542: apud Marcum, "*Jesus ad discipulos, nondum ne cognoscitis, neque intelligitis, adhuc ne obduratum habetis cor vestrum, oculos habentes non videtis, & aures habentes non auditis,*" viii: 17. 18; ubi patet, quod non velle intelligere & non credere, fit oculos habere & non videre: apud Lucam, "*Jesus de urbe, si noscitis quæ ad pacem tuam, sed absconditum est ab oculis tuis,*" xix: 41. 42; & apud Marcum, "*A Domino hoc factum, & mirabile est in oculis nostris,*" xii: 11, ubi quod absconditum ab oculis, & mirabile in oculis, fit coram intellectu, cuius ex significatione oculi, etiam in familiari sermonis usu, notum est.

2702. Et vidit puteum aquæ, quod significet Verbum Domini, e quo vera, constat a significatione Putei aquæ, & Fontis, quod sit Verbum, tum Doctrina ex Verbo, consequenter etiam ipsum Verum, de qua mox sequitur; & a significatione aquæ, quod sit verum: quod Puteus in quo aqua, & Fons, sit Verbum Domini, tum Doctrina ex Verbo, consequenter etiam ipsum verum, constare potest a plurimis locis; hic quia agitur de Ecclesia Spirituali, dicitur Puteus, non Fons, sicut etiam in sequentibus hujus Capituli, "*Redarguit Abraham Abimelechum ob causas Putei, quem eripuerunt servi Abimelechi,*" Vers: 25; tum Genes: Cap: xxvi, "*Omaes Puteos, quos foderunt servi patris Jischaki, in diebus Abrahami patris ejus, obturaverunt Philistæi. Et reversus Jischak, & fodit Puteos aquæ, quos foderant in diebus Abrahami, patris ejus, & obturabant eos Philistæi post mortem*"

“ mortem Abrahami. Et foderunt servi Jischaki in valle, & invenerunt ibi
 “ *Puteum aquarum vivarum*. Et foderunt *Puteum* alium, & non rixati
 “ sunt super eo. Et factum est in die illo; & venerunt servi Jischaki,
 “ & indicarunt illi super causas *Putei*, quem foderunt, & dixerunt illi, in-
 “ *venimus aquas*,” Vers: 15. 18. 19. 20. 21. 22. 25. 32; ibi per Puteos non
 aliud significatur, quam Doctrinalia, de quibus rixati, & de quibus non
 rixati, alioquin quod puteos foderint, & rixati sint toties de illis, non tanti
 foret ut memoraretur in Verbo Divino. Puteus similiter Verbum seu doc-
 trinam significat, de quo apud Mosen, “ Profecti sunt in *Beer*; hic *Puteus*,
 “ de quo dixit Jehovah Mosi, collige populum, & dabo illis *Aquas*: tunc
 “ cecinit Israel canticum hoc; ascende *Putee*, respondete ex eo; *Puteum*
 “ foderunt eum principes, effoderunt spontanei populi, in Legislatore, ba-
 “ culis suis,” Num: xxi: 16. 17. 18; quia Puteus significabat illa, ideo
 Canticum propheticum Israelis, in quo agitur de Doctrina Veri, ut ex sin-
 gulis in sensu interno constat: inde nomen *Beer*, & inde nomen *Beerfche-
 ba*, & ejus significatio in sensu interno quod sit ipsa doctrina: Doctrina
 autem, in qua non vera, vocatur fovea, seu puteus in quo non aqua, ut
 apud Jeremiam, “ Illustres eorum miserunt minores suos ad *Aquam*, vene-
 “ runt ad *Foveas*, non invenerunt *Aquam*, reversi sunt vasis suis vacuis,”
 xiv: 3; ubi aquæ pro veris, foveæ ubi non invenerunt aquas, pro doc-
 trina, in qua non verum: apud Eundem, “ Duo mala fecit populus meus,
 “ Me deseruerunt *Venam aquarum vivarum*, ad excidendum sibi *foveas*, *fo-
 “ veas fractas*, quæ non continere possunt *aquas*,” ii: 13; ubi similiter
 foveæ pro doctrinis non veris, foveæ fractæ pro doctrinalibus compilatis.
 Quod Fons sit Verbum, tum Doctrina, proinde Verum; apud Esaiam,
 “ Afflicti & egeni quærentes *aquas*, & nullæ; lingua eorum siti defecit:
 “ Ego Jehovah exaudiam eos, Deus Israelis non relinquet eos; aperiam
 “ super clivis *fluvios*, & in medio vallium *fontes*; ponam desertum in *la-
 “ cum aquarum*, & terram siccam in *exitus aquarum*,” xli: 17. 18; ubi de
 desolatione veri, quæ significatur per quod afflicti & egeni quærent aquas
 & nullæ, & per quod lingua eorum siti deficeret; dein de consolatione, re-
 creatione, & instructione post desolationem, ut in his Versibus ubi de Ha-
 gare, quæ significatur, per quod Jehovah aperiet super clivis fluvios, po-
 neret in medio vallium fontes, desertum in lacum aquarum, & terram sic-
 cam in exitus aquarum, quæ omnia sunt doctrinæ veri, & affectionis inde:
 apud Mosen, “ Habitavit Israel confidenter solitarius ad *Fontem Jacobi*, ad
 “ terram frumenti & musti, etiam cœli ejus stillant rorem,” Deut:
 xxxiii: 28; fons Jacobi pro Verbo, & doctrina veri inde: quia fons Ja-
 cobi significabat Verbum, & doctrinam veri inde, ideo cum Dominus venit
 ad fontem Jacobi, loquutus est cum muliere e Samaria, & docuit quid per
 fontem, & per aquam significatur; de quibus ita apud Johannem, “ Jesus
 “ venit in urbem Samariæ dictam Sichar; erat ibi *Fons Jacobi*; Jesus itaque
 “ fessus ex itinere, confedit sic apud *fontem*; venit mulier ex Samaria ad
 “ haurien-

CAPUT VIGESIMUM PRIMUM. 41

“hauriendum aquas, cui dicit Iesus, da Mihi bibere: dixit Iesus, si scires donum Dei, & quis sit qui dicit tibi, da Mihi bibere, tu peteres ab eo, ut daret tibi *aquam viventem*; omnis qui bibit ex aqua hac, sitiet iterum; qui vero biberit ex aqua, quam Ego dabo ei, non sitiet in æternum, sed aqua quam Ego dabo ei, fiet in eo *fons aquæ* salientis in vitam æternam,” **iv**: 5. 6. 7. 10. 13. 14; quia fons Jacobi significabat Verbum, Aqua verum, & Samaria Ecclesiam spirituales, ut pluries in Verbo, ideo loquutus est Dominus cum muliere e Samaria, & docuit quod Doctrina veri sit ab Ipso, & quod cum ab Ipso, seu quod idem, a Verbo Ipsius, sit fons aquæ salientis in vitam æternam, & quod ipsum verum aqua vivens: similiter apud Eundem, “Iesus dixit, si quis sitiverit, venito ad Me, & bibito, quisquis credit in Me, sicut dicit scriptura, *flumina* e ventre illius fluent *aquæ viventis*,” **vii**: 37. 38: & apud Eundem, “Agnus, qui in medio throni, pascet eos, & deducet eos ad *vivos fontes aquarum*, & delet bit Deus omnem lachrymam ab oculis eorum,” **Apoc**: **vii**: 17: apud Eundem, “Ego sitienti dabo ex *fonte aquæ vitæ gratis*,” **Apoc**: **xxi**: 6; flumina aquæ viventis, & vivi fontes aquarum, pro Veris quæ a Domino, seu a Verbo Ipsius, nam Dominus est Verbum; bonum amoris & charitatis, quod unice a Domino, est vita veri; sitiens dicitur qui in amore & affectione veri, alius non sitire potest: Vera illa vocantur etiam fontes salutis apud Esaiam, “Haurietis *Aquas* in lætitia ex *fontibus salutis*, & dicetis in die illo, “confitemini Jehovah, invocate Nomen Ipsius,” **xii**: 3. 4: quod fons sit Verbum, seu Doctrina inde, patet etiam apud Joelem, “Fiet in die illo, stillabunt montes mustum, & colles ibunt lacte, & omnes *river* Jehudæ ibunt *aquis*, & *fons* e domo Jehovah exhibit, & irrigabit flumen Schittim,” **iv**: 18; ubi aquæ pro veris, fons e domo Jehovah pro Verbo Domini: apud Jeremiam, “Ecce Ego adducens eos e terra septentrionis, & congregabo eos e lateribus terræ, inter eos cæcus & claudus; in fletu venient, & “in precibus adducam eos ad *fontes aquarum in via recti*, non impingent in ea,” **xxxii**: 8. 9: fontes aquarum in via recti manifeste pro doctrinabilibus veri; terra septentrionis pro ignorantia seu desolatione veri, fletus & preces pro eorum doloris & desperationis statu; adduci ad fontes aquarum pro recreatione & instructione in veris; sicut hic ubi de Hagare & filio ejus: de iisdem quoque ita apud Esaiam, “Gaudebunt iis desertum & siccitas, & exultabit solitudo, & florebit sicut rosa, germinando germinabit, & exultabit etiam exultatione & cantando; gloria Libani data est illi, honor Carmeli & Scharonis, illi videbunt gloriam Jehovah, honorem Dei nostri, confirmate manus remissas, & genua labentia roborate; aperientur oculi cæcorum, & aures surdorum patebunt; erumpent in *deserto aquæ*, & *fluvii* in solitudine, & erit aridus locus in *lacum*, & sticulosus in *scaturigines aquarum*,” **xxxv**: 1. 2. 3. 5. 6. 7; ubi desertum pro desolatione veri; aquæ, fluvii, lacus, scaturigines aquarum pro Veris, quæ recreationi & gaudio illis qui in vastatione fuerunt, quorum gaudia ibi multis describitur:

Nº VI.

F

apud

apud Davidem, "Jehovah emittit *fontes in vallibus*, inter montes ibunt, potum præbunt omni feræ agrorum, frangent onagri sitim suam: irrigat montes e *conclavibus* suis," Psalm: CIV: 10. 11. 13, fontes pro veris; montes pro amore boni & veri; potum præbere pro instruere; feræ agrorum pro illis qui inde vivunt, videatur n: 774. 841. 908; onagri pro illis qui solum in vero rationali sunt, n: 1949. 1950. 1951: apud Moſen, "Filius fœcundæ Joſephus, filius fœcundæ juxta *fontem*," Gen: XLIX: 22; fons pro doctrina a Domino: apud Eundem, "Jehovah Deus tuus intro-ducet te in terram bonam, terram *fluviorum, aquarum, fontium, abyſſorum* exeatium in valle & in monte," Deut: VIII: 7; terra pro Regno Domini & Eccleſia, n: 662. 1066. 1067. 1262. 1413. 2571, quæ bona dicitur ex bono amoris & charitatis; fluvii, aquæ, fontes & abyſſi pro veris inde: apud Eundem, "Terra Canaan, terra montium & vallium, ad *pluviam* cœli inbibit *aquas*," Deut: XI: 11. Quod Aquæ ſint Vera tam ſpiritualia, quam rationalia, ut & ſcientifica, patet ab his locis, apud Eſaiam, "Ecce Dominus Jehovah Zebaoth, removens a Hieroſolyma & a Jehudah, omnem baculum panis, & omnem baculum *aquæ*," III: 1: apud Eundem, "Obviam ſitienti adferre *aquas*, cum pane ejus prævenite vagantem," XXI: 14: apud Eundem, "Beati vos ſeminantes juxta *omnes aquas*," XXXII: 20: apud Eundem, "Qui ambulat in juſtitia, & loquitur rectitudines, in altis habitabit, panis illius dabitur, *aquæ* illius *fideles*," XXXIII: 15. 16: apud Eundem, "Tunc non ſitient, in deſerto ducet eos, *aquas* e petra effluere faciet illis; & findit petram, & effluunt *aquæ*," XLVIII: 21: Exod: XVII: 1 ad 8: Num: XXXIII: 13: apud Davidem, "Diffindit petras in deſerto, & bibere fecit ut *abyſſos* multum, eduxit *fluents* e petra, & deſcendere fecit ſicut *flumen aquas*," Psalm: LXXVIII: 15. 16, ubi petra pro Domino, aquæ, flumina, & abyſſi inde pro veris ab Ipſo: apud Eundem, "Jehovah ponit *fluvios in deſertum*, & *exitus aquarum* in ſiccitatem: ponit *deſertum in lacum aquarum*, & terram ſiticuloſam in *exitus aquarum*," Psalm: CVII: 33. 35: apud Eundem, "Vox Jehovah ſuper *aquis*; Jehovah ſuper *aquis multis*," Psalm: XXIX: 3: apud Eundem, "*Fluvius*, rivi ejus lætificabunt civitatem Dei, ſanctum habitaculorum Altiffimi," Psalm: XLVI: 5: apud Eundem, "Per verbum Jehovah cœli facti ſunt, & per ſpiritum oris Ipius omnis exercitus eorum, colligens ſicut cumulum *aquas maris*, dans in theſauris abyſſos," Psalm: XXXIII: 6. 7: apud Eundem, "Viſitas terram, & delectaris ea plurimum, ditas eam, *rivus Dei plenus aquis*," Psalm: LXV: 10: apud Eundem, "Viderunt Te *aquæ* Deus, viderunt Te *aquæ*, commotæ ſunt *abyſſi*; effuderunt *aquas* nubes; in *Mari* via tua, & ſemita tua in *aquis multis*," Psalm: LXVII: 17. 18. 20; hic quod non aquæ ſignificent aquas, nec quod abyſſi commotæ ſint, & quod Jehovah via in mari, & ſemita in aquis, cuius patet, ſed quod aquæ ſpirituales ſint, hoc eſt, ſpiritualia quæ ſunt veri; alioquin eſſet cumulus vocum inanium: apud Eſaiam, "Heu omnis ſitienſ

" ite

CAPUT VIGESIMUM PRIMUM. 43

“ite ad *aquas*, & cui non argentum, ite, emite,” LV: 1: apud Sachariam,
 “Fiet in die illo, exhibunt *aquæ vivæ* ex Hierosolyma, dimidia pars earum
 “ad mare orientale, & dimidia pars earum ad mare posterius,” XIV: 8.
 Præterea ubi de Ecclesia plantanda & plantata agitur in Verbo, & illa describitur per Paradisum, hortum, lucum, aut per arbores, solenne est ut quoque describitur per Aquas aut Fluvios qui irrigant, per quos significantur Spiritualia, Rationalia aut Scientifica, quæ sunt veri, sicut Paradisus, Genes: 11: 8. 9, qui quoque describitur per fluvios ibi Vers: 10 ad 14, per quos significantur illa quæ sunt Sapientiæ & Intelligentiæ, videatur n: 107 ad 121; similiter pluries alibi in Verbo; ut apud Moysen, “Sicut valles plantantur, sicut *Horti juxta fluvium*, sicut fantalos plantavit Jehovah, sicut “*cedros juxta aquas*; defluent *aquæ* e fultulis ejus, & semen ejus in *aquis multis*,” Num: XXIV: 6. 7: apud Ezechielem, “Accipit de semine “terre, & posuit id in agro sementis, accepit *juxta aquas multas*, germi- “navit, & factum est in *Vitem luxuriantem*,” XVII: 5. 6, quod Vitis & vinea significet Ecclesiam spiritualem, videatur n: 1069: apud Eundem, “Mater tua, sicut *Vitis* in similitudine tui, *juxta aquas plantata*, frugifera “& ramosa facta est ab *aquis multis*,” XIX: 11: apud Eundem, “Ecce “Aschur in Libano, *Aquæ crescere fecerunt eam*, *Abyssus* altam fecit eam, “cum *Fluviis suis* vadens circumcirca plantam ejus, & *Aquæductus suos* “*existi ad omnes arbores agri*,” XXXI: 4: apud Eundem, “Ecce *ad ripam* “*fluvii arbor multa* valde, hinc & illinc; dixit ad me, *Aquæ hæ* exeuntes “ad terminum orientalem, & descendunt super planitiem, ac veniunt versus “*Mare*, in *Mare* emissæ, & sanantur *Aquæ*; & erit, omnis anima vivens “quæ reptat, ad omne quo venit *duorum fluviorum*, vivet; & erit piscis “multus valde, quia veniunt illuc *Aquæ hæ*, & sanantur, ut vivat omne “quo venit *Fluvius*. Cænosa ejus & paludes ejus, & non sanantur, in “*salem* dabuntur,” XLVII: 7. 8. 9. 11; ibi de Nova Hierosolyma, seu Regno Spirituali Domini; aquæ exeuntes ad terminum orientalem significant spiritualia quæ a cœlestibus, quæ sunt vera ex origine cœlesti, hoc est, fidem ex amore & charitate, n: 101. 1250; descendere in planitiem significant doctrinalia quæ rationalis, n: 2418. 2450; venire versus mare significat ad scientifica, mare est collectio eorum, n: 28; anima vivens quæ reptat significat oblectamenta eorum n: 746. 909. 994, quæ vivent ex aquis fluvii, hoc est, a spiritualibus ex origine cœlesti; piscis multus pro scientificorum applicabilium abundantia, n: 40. 991; cænosa & paludes pro inapplicabilibus & impuris, abire in salem pro vastari, n: 2455: apud Jeremiam, “Benedictus vir, qui confidit in Jehovah, erit sicut *arbor plantata juxta aquas*, & *juxta rivum* emittit radices suas,” XVII: 7. 8: apud Davidem, “Erit sicut *arbor plantata juxta rivos aquarum*, quæ fructum suum dabit in “tempore suo,” Psalm: 1: 3: apud Johannem, “Ostendit mihi *purum fluvium aquæ vitæ*, splendidum sicut chrysellum, exeuntem e throno Dei & “Agni, in medio plateæ ejus & *fluvii* hinc & illinc *arbor vitæ* faciens “fructus

“fructus duodecim,” Apoc: xxii: 1. 2. Quia nunc Aquæ significant vera in sensu interno Verbi, ideo in Ecclesia Judaica, representationis causa coram angelis, apud quos ritualia spectata sunt spiritualiter, mandatum est, ut Sacerdotes & Levitæ *aquis se lavarent*, cum accederent ad ministrandum, & quidem ex *Labro* inter Tentorium & Altare, & postea ex *Mari ameo*, & cæteris labris circa Templum, quæ erant loco Fontis. Similiter propter representationem institutum de *Aqua peccati* seu purgationis quæ spargeretur super Levitas, Num: viii: 7. Tum de *Aqua separationis* ex cinere vaccæ rufæ, Num: xix: 2 ad 19. Quod spolia a Midianitis mundarentur per *Aquam*, Num: xxxi: 19 ad 25. *Aquæ quæ datæ ex Petra*, Exod: xvii: 1 ad 8. Num: xx: 1 ad 13. Cap: xxiii: 13, representabant & significant abundantiam spiritualium seu verorum fidei a Domino: *Aquæ amaræ* quæ sanata per lignum, Exod: xv: 22 ad 25, representabant & significant Vera quæ non placent, quod ex bono seu ejus affectione, accepta & grata fiant, quod Lignum significet bonum quod affectionis seu voluntatis, videatur n: 643: ex illis nunc sciri potest, quid Aqua in Verbo, & inde quid Aqua in Baptismo, de quo Dominus ita apud Johannem, “Nisi quis generatus fuerit ex *Aqua & Spiritu*, non potest ingredi in Regnum Dei,” iii: 5, quod nempe Aqua sit spirituale fidei, & Spiritus cœlestis ejus, ita quod Baptismus sit Symbolum Regenerationis hominis a Domino per vera & bona fidei; non quod per Baptismum sit Regeneratio, sed per vitam significatam in Baptismo, in quam Christiani, qui Vera fidei, quia Verbum, habent, intrabunt.

2703. Et implevit lagenam aquæ, quod significet vera inde, constat ex significatione aquæ, quod sit verum, de qua nunc supra.

2704. Et potavit puerum, quod significet instructionem in spiritualibus, constat a significatione potare, quod sit instruere in veris; & ex significatione pueri, quod sit spirituale quoad verum, de qua n: 2697. Hic Status, qui est instructionis, de quo in hoc Versu, est Tertius Status eorum, qui e vastatione seu desolatione veniunt; dum enim in statum illustrationis seu lucis cœlestis, veniunt, de quo in Versu præc: 18, videatur n: 2699, tunc in affectione sciendi & discendi vera sunt; & cum in illa affectione, imbuuntur facile & quasi sponte veris, qui in terra, a Verbo Domini aut a Doctrina, qui autem in celo, ab Angelis, qui nihil bearius & felicius percipiunt, quam novitios fratres docere & imbuere veris & bonis, quæ sunt Ordinis cœlestis, ita quæ ducunt ad Dominum.

2705. Vers: 20. *Et fuit Deus cum puero, & crevit, & habitavit in deserto; & fuit jaculator arcus.* Fuit Deus cum puero, significat præsentiam Domini apud spirituales: & crevit, significat incrementa: & habitavit in deserto, significat obscurum respective: & fuit jaculator arcus, significat spiritualis Ecclesiæ hominem.

2706. Fuit Deus cum puero, quod significet præsentiam Domini apud spirituales, constat a significatione esse Deus cum aliquo, & a pueri; quod esse

esse Deus cum aliquo, significet præsentiam Domini, constare potest absque explicatione; præsens quidem est Dominus apud unumquemvis, nam aliunde non est vita, & singularissima ejus regit, etiam apud pessimos, inque ipso inferno, sed diversimode secundum receptionem vitæ; qui vitam amoris boni & veri Ipsius recipiunt sinistre, & pervertunt in amores mali & falsi, est Dominus præsens, & regit fines eorum, quantum possibile, ad bonum, sed præsentia apud eos dicitur absentia, & quidem in tali gradu, quo malum distat a bono, & falsum a vero: apud eos autem, qui vitam amoris boni & veri Domini recipiunt, prædicatur præsentia, & quidem secundum gradum receptionis: se habet hoc comparative sicut sol, qui præsens est calore & luce in vegetatis mundi, etiam secundum receptionem. Quod puer significet spirituale quoad verum, supra dictum est, hic Spirituales, quia repræsentat hominem Ecclesiæ spiritualis, tum ipsam Ecclesiam spirituales, & in universali sensu Regnum spirituale Domini; cum enim dicitur, quod aliquis significet spirituale, ut hic puer spirituale quoad verum, involvit quod significet spirituales, nam spirituale non datur absque subiecto; ita quoque se habet cum reliquis, quæ dicuntur in sensu abstracto.

2707. Et crevit, quod significet incrementa, constat absque explicatione.

2708. Et habitavit in deserto, quod significet obscurum respective, constat a significatione habitare, quod sit vivere, de qua n: 2451; & a significatione deserti, quod sit parum vitale, de qua n: 1927, hic obscurum sed respective; per obscurum respective intelligitur status Spiritualis Ecclesiæ respective ad statum cœlestis Ecclesiæ, seu status Spiritualium respective ad statum cœlestium; Cœlestes sunt in affectione boni, Spirituales in affectione veri; cœlestes perceptionem habent, Spirituales vero dictamen conscientiæ; Cœlestibus apparet Dominus ut Sol, Spiritualibus vero ut Luna, n: 1521. 1530. 1531. 2495, illis lux sicut visualis etiam perceptiva boni & veri a Domino est sicut lux diei a sole, at lux his a Domino est sicut lux noctis a luna, ita est his obscurum respective; causa est, quia Cœlestes sunt in amore in Dominum, ita in ipsa vita Domini, Spirituales vero in charitate erga proximum & in fide, ita quidem in vita Domini, sed obscurius; inde est, quod Cœlestes nusquam ratiocinentur de fide & ejus veris, sed quia in perceptione veri a bono sunt, dicunt quod ita sit, Spirituales autem loquuntur & ratiocinantur de veris fidei, quia in conscientia boni sunt a vero, tum quia Cœlestibus implantatum est bonum amoris in parte eorum voluntaria, ubi est principalis vita hominis, at Spiritualibus in parte eorum intellectuali, ubi est secundaria vita hominis; inde causa, quod Spiritualibus obscurum respective, videatur n: 81. 202. 337. 765. 784. 895. 1114 ad 1125. 1155. 1577. 1824. 2048. 2088. 2227. 2454. 2507; hoc obscurum respective vocatur hic desertum: *Desertum* in Verbo significat parum habitatum & excultum, & significat prorsus non habitatum & excultum, ita in duplici sensu; ubi significat parum habitatum & excultum, seu ubi paucæ habitationes, ubi caule gregum, pascua, & aquæ, significat illud vel illos qui parum vitæ & lucis. respective.

respective habent, sicut spirituale seu spirituales respective ad cœleste seu cœlestes; ubi autem significat prorsus non habitatum seu excultum seu ubi nullæ habitationes, caulæ gregum, pascua & aquæ, significat illos, qui in vastatione quoad bonum sunt & in desolatione quoad verum: quod Desertum significet parum habitatum & excultum respective, seu ubi paucae habitationes, ubi caulæ gregum, pascua, & aquæ, constat ab his locis, apud Esaiam, "Cantate Jehovah canticum novum; Laus Ipsi ab extremo terræ, "descendentes mare, & plenitudo ejus, insulæ & habitatores earum, attol-
 "lent *Desertum* & *Urbes ejus*, atria habitabit Kedar, cantabunt habitatores
 "petræ, de capite montium clamabunt," XLII: 10. 11: apud Ezechielem,
 "Pangam iis fœdus pacis, & cessare faciam feram malam de terra, & *habi-*
 "*tabunt in Deserto* confidenter, & dormient in sylvis, & dabo eas, & cir-
 "cuitus collis mei benedictionem, dabit arbor agri fructum suum, & terra
 "dabit fructum suum," XXXIV: 25. 26. 27; ibi de spiritualibus: apud
 Hoscheam, "Ducam eam in *Desertum*, & loquar super cor ejus, & dabo ei
 "vineas suas inde," 11: 14. 15, ubi de desolatione veri, & postea consolati-
 "one: apud Davidem, "Stillant *caule deserti*, & exultatione colles cingunt
 "se, induunt prata gregem, & valles operiuntur frumento," Psalm: LXV:
 12. 13: apud Esaiam, "Ponam *Desertum* in lacum aquarum, & terram siti-
 "culosam in exitus aquarum; dabo in *Deserto* cedrum Schittim, & myr-
 "tum, & arboreum olei: ponam in *Deserto* abietem; ut videant, & sciant,
 "& reponant, & intelligant una, quia manus Jehovah fecit hoc, & Sanctus
 "Israelis creavit illud," XLI: 18. 19. 20; ubi de regeneratione illorum qui
 in ignorantia veri sunt, seu gentium; & de illustratione & instructione
 eorum qui in desolatione; desertum prædicatur de illis; cedrus, myrtus &
 arbor olei pro veris & bonis interioris hominis, abies pro exterioris: apud
 Davidem, "Jehovah ponit fluvios in *Desertum*, & exitus aquarum in sicc-
 "tatem: ponit *Desertum* in lacum aquarum, & terram siticulosam in exitus
 "aquarum," Psalm: CVII: 33. 35, similiter: apud Esaiam, "Gaudebunt
 "eis, *Desertum* & siccitas, & exultabit solitudo, & florebit sicut rosa, ger-
 "minando germinabit: effusæ sunt in *Deserto* aquæ, & flumina in solitu-
 "dine," XXXV: 1. 2: apud Eundem, "Eris velut hortus irriguus, & sicut
 "exitus aquarum, cujus non mentiuntur aquæ, & ædificabunt a te *Deserta*
 "faculi," LVIII: 11: apud Eundem, "Donec effundatur super nos spiritus
 "ab alto, & erit *Desertum* in Carmel, & Carmel in sylvam reputabitur; &
 "habitabit in *Deserto* iudiciû, & iustitiâ in Carmele," XXXII: 15. 16, ubi
 de Ecclesia spirituali, quæ quamvis habitata & exculta, vocatur Desertum
 respective, nam dicitur, habitabit in deserto iudiciû, & iustitiâ in Car-
 mele: quod desertum sit obscurus status respective, ex locis illis patet quod
 appelletur desertum, tum quoque sylva; manifeste apud Jeremiam, "Ge-
 "neratio, vos videte Verbum Jehovah, num *desertum* fui Israeli, num *terra*
 "*tenebrarum*," 11: 31. Quod desertum significet prorsus non habitatum seu
 excultum, seu ubi nullæ habitationes, caulæ gregum, pascua, & aquæ, ita
 illos

CAPUT VIGESIMUM PRIMUM. 47

illos qui in vastatione quoad bonum sunt, & in desolatione quoad verum, constat quoque a Verbo; hoc desertum prædicatur in duplici sensu, nempe de illis qui postea reformantur, & de illis qui reformari non possunt; de illis qui postea reformantur, ut hic de Hagare & ejus filio, apud Jeremiam, "Sic dixit Jehovah, recordatus sum tui, misericordiæ puertiarum tuarum, eundo post Me in *Deserto*, in terra non facta," 11: 2, ubi de Hierosolyma, quæ ibi est Antiqua Ecclesia quæ fuit spiritualis: apud Moysen, "Portio Jehovahæ populus Ipsi, Jacob funis hæreditatis Ipsi; invenit eum in *terra deserti*, & in vastitate, ejulatu, solitudine, circumduxit eum, intelligere fecit eum, custodivit eum, ut pupillam oculi sui," Deut: xxxii: 9. 10: apud Davidem, "Errarunt in *deserto*, in solitudine viæ, ubi habitationis non invenerunt," Psalm: cxi: 4, ubi de illis qui in desolatione veri, & reformantur: apud Ezechielem, "Adducam vos ad *desertum populorum*, & judicabo vobiscum ibi, sicut judicavi cum patribus vestris in *deserto terræ Egypti*," xx: 35. 36, ubi pariter de vastatione & desolatione eorum, qui reformantur. Profectiones & errores populi Israelitici in Deserto, nec aliud representabant quam vastationem & desolationem fidelium ante reformationem, proinde eorum tentationem, siquidem cum in tentationibus spiritualibus sunt, in vastatione & desolatione sunt, ut quoque constare potest ab his apud Moysen, "Jehovah in *Deserto* portavit eos, sicut portat vir filium, in via, usque ad hunc locum," Deut: 1: 31: & alibi, "Recorderis omnis viæ, quæ duxit te Jehovah Deus tuus jam quadraginta annis in *Deserto*, ad affligendum te, *ad tentandum te*, & sciendum quid in corde tuo, an serves præcepta Ipsi vel non, afflixit te, esurire fecit te, edere fecit te mannam, quam non nosti, nec norunt patres; ut cognoscas, quod non per panem solum vivat homo, sed per omne quod exit ex ore Jehovahæ vivat homo," Deut: viii: 2. 3: & adhuc, "Ne obliviscaris quod Jehovah duxerit te in *Deserto* magno, & terribili, ubi serpens, prester, & scorpio, siticulosum ubi non aqua, educens tibi aquam & petra silicis, cibavit te manna in *Deserto*, quam non noverunt patres tui, ut affligeret te, *tentaret te*, & ad benefaciendum in postremo tuo," ibid: Vers: 15. 16; ibi desertum pro vastatione & desolatione, in quali sunt qui in tentationibus; per profectiones & errores eorum in deserto quadraginta annis, describitur omnis status Ecclesiæ pugnantis, quomodo a se succumbit, sed a Domino vincit. Per mulierem quæ fugit in desertum apud Johannem, nec aliud quam Tentatio Ecclesiæ significatur, de qua ita, "Mulier, quæ peperit filium masculum, fugit in *Desertum*, ubi habet locum præparatum a Deo: datæ sunt mulieri duæ alæ aquilæ magnæ, ut volaret in *desertum*, in locum suum; & ejecit serpens post mulierem ex ore suo aquam sicut fluvium, ut hanc a flumine absorptam faceret, sed adjuvit terra mulierem; aperuit enim terra os suum, & deglutivit fluvium, quem ejecit draco ex ore suo," Apoc: xii: 6. 14. 15. 16. Quod desertum prædicetur de prorsus vastata Ecclesia, & de prorsus vastatis quoad bonum & verum, qui non reformari possunt, ita apud Esaiam; "Ponam flumina *desertum*, fætebit pisces

“pisces eorum a nulla aqua, & morietur in siti, induam cœlos caligine,”
 1: 2. 3: apud Eundem, “Civitates sanctitatis tuæ fuerunt *desertum*, Zion
 “*desertum* fuit, Hierosolyma desolata,” LXIV: 10: apud Jeremiam, “Vidi
 “& ecce Carmel *desertum*, & omnes urbes ejus destructæ sunt a coram Je-
 “hovah,” IV: 26: apud Eundem, “Pastores multi corruperunt vineam
 “meam, conculcarunt portionem, dederunt portionem desiderii mei in *de-*
 “*sertum desolationis*, posuit eam in desolationem, luxit super Me desolata,
 “desolata est omnis terra, quia non quisquam ponit super cor, super omnes
 “clivos in *deserto* venerunt vastatores,” XII: 10. 11. 12: apud Joelem,
 “Ignis consumpsit *caulas deserti*, & flamma succendit omnes arbores agri,
 “exsiccati sunt rivi aquarum, *ignis consumpsit caulas deserti*,” 1: 19. 20: apud
 Esaiam, “Posuit orbem sicut *desertum*, & urbes ejus destruxit,” XIV: 17,
 ubi de Lucifero: apud Eundem, “Propheticum *deserti maris*, sicut procellæ
 “in meridie, e *deserto* venit, e terra terribili,” XXI: 1 seq: desertum maris
 pro vasto vero per scientifica & ratiocinia inde: ex illis constare potest, quid
 significatur per hæc quæ de Johanne Baptista, “dictum ab Esaia, vox cla-
 “mantis in *deserto*, parate viam Domino, rectas facite semitas Ipsius,”
 Matth: 11: 3. Marc: 1: 3. Luc: 11: 4. Joh: 1: 23. Esaï: XI: 3, quod
 nempe tunc Ecclesia prorsus vastata esset, ut non amplius aliquid bonum, &
 aliquid verum, quod manifeste patet ex eo, quod tunc nullus sciret quod
 aliquid internum homini esset, nec quod aliquid internum in Verbo; ita nec
 quod Messias seu Christus venturus ad salvandum eos in æternum: inde
 etiam patet, quid significatur per quod Johannes fuerit in *desertis* usque ad
 dies apparitionis illius ad Israel, “Luc: 1: 80; & quod prædicaverit in
deserto Judææ, Matth: 11: 1 seq: & quod in deserto baptizaverit, Marc:
 1: 4, per id enim repræsentabat etiam ille statum Ecclesiæ. A significatione
 deserti etiam constare potest, cur Dominus toties secessit in *desertum*, ut
 Matth: IV: 1. Cap: XV: 32 ad f. Marc: 1: 12. 13. 35 ad 40. 45. Cap:
 VI: 31 ad 36. Luc: IV: 1. Cap: V: 16. Cap: IX: 10 seq: Joh: XI: 54:
 tum a significatione montis, cur Dominus in *Montes*, ut Matth: XIV: 23.
 Cap: XV: 29. 30. 31. Cap: XVII: 1 seq: Cap: XXVIII: 16. 17. Marc:
 11: 13. 14. Cap: VI: 46. Cap: IX: 2 ad 9. Luc: VI: 12. 13. Cap: IX:
 28. Joh: VI: 15.

2709. Et fuit jaculator arcus, quod significet Spiritualis Ecclesiæ homi-
 nem, constat a significatione jaculi, teli, seu sagittæ, quod sit verum, & a
 significatione arcus, quod sit doctrina, de quibus supra n: 2686. Spiritualis
 Ecclesiæ homo olim jaculator arcus est dictus, quia per vera se defendit, &
 de veris differit, secus ac cœlestis Ecclesiæ homo, qui ex bono tutus est, ac
 de veris non differit, videatur supra n: 2708; vera per quæ Spiritualis Ec-
 clesiæ homo se defendit, & de quibus differit, sunt ex Doctrina, quam ag-
 noscit: quod spiritualis homo olim dictus sit Jaculator & Sagittarius, &
 Doctrina dicta sit arcus & pharetra, & vera doctrinæ, seu potius doctri-
 nalia, dicta sint tela, jacula, & sagittæ, constat porro apud Davidem,
 “Filii Ephraimi armati, *Jaculatores arcus*, averterunt se in die prælii,
 Psalm:

CAPUT VIGESIMUM PRIMUM. 49

Pſalm : LXXXVIII : 9, Ephraim pro intellectu Eccleſiæ ; in Libro Judicum, “ Equitantes aſinas candidas, ſedentes ſuper Middim, & ambulantes ſuper
 “ via, meditemini, a voce *Sagittariorum* inter haurientes, ibi diſſerent juſti-
 “ tias Jehovæ, juſtitias villæ ejus in Iſrael,” v : 10. 11 : apud Eſaiam, “ Je-
 “ hovah ab utero vocavit me, & viſceribus matris meæ memorare fecit no-
 “ men meum, & poſuit os meum ſicut gladium acutum, in umbra manus
 “ ſuæ abſcondidit me, & poſuit me in *Sagittam purgatam*, in *Pharetra ſua*
 “ occultavit me, & dixit mihi, ſervus meus tu Iſrael, quia in te gloriabor,”
 XLIX : 1. 2. 3 ; Iſrael pro Eccleſia Spirituali : apud Davidem, “ Sicut *Sagitta*
 “ in manu potentis, ita filii pueritarum ; beati quiſque qui implevit *Phe-*
 “ *retram ſuam* ex illis,” Pſalm : CXXVI : 4, pharetra pro doctrina boni & veri :
 apud Habakuk, “ Sol, luna, ſtetit ſede ſua, ad *lucem Sagittarum tuarum*
 “ ibunt, ad ſplendorem fulguris hæſtæ,” 111 : 11 : quod Joas Rex Iſraelis ex
 juſſu Eliſhæ jaculatus ſit *Sagittam arcus* trans fenestram, dicente tunc Eliſhæ,
Sagitta ſalutis Jehovæ, Sagitta ſalutis Jehovæ in Syrum, 2 Sam : xiii : 16.
 17. 18, ſignificat arcana de Doctrina boni & veri. Sicut pleraque in Verbo
 etiam oppoſitum ſenſum habent, ita quoque jacula, tela, ſagittæ, arcus,
 jaculator, & ſignificant falſa, doctrinam falſi, & illos qui in falſo ſunt, ut
 apud Moſen, “ Filius ſæcundæ Joſephus, filius ſæcundæ juxta fontem filia-
 “ rum, incedit ſuper murum, & amaritudine affecerunt eum, & *jaculati*
 “ *sunt*, & oderunt eum *Sagittarii*,” Gen : xlix : 22. 23 : apud Jeremiam,
 “ *Jaculati* ſunt linguam ſuam, *arcum ſuum* mendacium, & non ad verita-
 “ tem, *Sagitta extenſa* lingua eorum, dolum loquitur,” ix : 3. 7 : apud Da-
 videm, “ Acuerunt ſicut gladium linguam ſuam, *tenderunt ſagittam ſuam*
 “ verbum amarum, ad *jaculandum* in occultis integrum, ſubito *jaculabuntur*,
 “ & non timebunt eum ; roborabunt ſibimet verbum malum, narrabunt ad
 “ occultandum laqueos,” Pſalm : LXIV : 4. 5. 6 : apud Eundem, “ Ecce
 “ mali *tendunt arcum*, parant *sagittam ſuam* ſuper nervo, ad *jaculandum* in
 “ ipſa caligine rectos corde,” Pſalm : x1 : 2 : apud Eundem, “ Scutum &
 “ clypeus veritas ejus, non timebis a pavore noctis, a *Sagitta* volat interdiu,”
 Pſalm : xci : 5.

2710. In hoc Verſu deſcriptus eſt ſtatus Eccleſiæ Spiritualis, quod nempe
 ſit obſcurus reſpectu ad ſtatum Eccleſiæ cœleſtis, & quod pugnans ſit, ex
 cauſa quia Spiritualis Eccleſiæ homo verum non aliunde novit quam ex doc-
 trina, non ex ipſo bono ſicut cœleſtis.

2711. Verſ : 21. *Et habitavit in deſerto Paran ; & accepit illi mater ejus*
uxorem e terra Ægypti. Habitavit in deſerto Paran, ſignificat vitam ſpiri-
 tualis hominis quoad bonum ; deſertum, eſt hic ut prius, obſcurum reſpec-
 tive ; Paran, eſt illuminatio ex Divino Humano Domini : & accepit illi ma-
 ter, ſignificat affectionem veri : uxorem e terra Ægypti, ſignificat affectionem
 ſcientiarum, quæ Spiritualis Eccleſiæ homini.

2712. Habitavit in deſerto Paran, quod ſignificet vitam ſpiritualis homi-
 nis quoad bonum, conſtat ex ſignificatione habitare, quod prædicetur de
 No. VI. G bone

bono veri, seu de bono spirituali, hoc est, be bono spiritualis hominis; quod quale sit, describitur per id quod habitaret in deserto Paran, de quibus mox sequitur. Quod Habitare prædicatur de bono seu affectione veri, constat a pluribus locis Verbi, ubi agitur de urbibus, per quas significatur vera, quod erunt absque habitatore, per quem significatur bonum, n: 2268. 2450. 2451; vera enim inhabitantur a bono; & sunt vera absque bono, sicut urbs in qua non habitans, ut apud Zephaniam, "Vastare feci plateas eorum, ut non transiens, desolatae sunt urbes eorum, ut non ullus habitans," 111: 6: apud Jeremiam, "Jehovah deducens nos per desertum, non transit in ea yir, & non habitavit homo ibi; posuerunt terram in solitudinem, urbes ejus exusta, ut non habitans," 11: 6. 15: apud Eundem, "Omnis Urbs derelicta, & nemo habitans in eis," 14: 29: apud Eundem, "In plateis Hierosolymæ desolatae, & nullus homo, & nullus habitator, & nulla bestia," xxxiii: 10, plateæ pro veris, n: 2336, nullus homo pro nullo bono coelesti, nullus habitator pro nullo bono spirituali, nulla bestia pro nullo bono naturali: apud Eundem, "Urbes Moabi in desolationem erunt, nullus habitans in eis," xlviii: 9: apud Prophetas in singulis expressionibus est conjugium veri & boni, quare ubi urbs desolata dicitur, etiam adjicitur quod non habitans in ea, ex causa quia urbs significat vera, & habitans bonum, alioquin superfluum foret dicere non habitans, ubi dictum quod urbs desolata sit: similiter sunt voces constantes, quæ significant illa quæ sunt boni coelestis, quæ boni spiritualis, tum quæ veri, ut apud Esaiam, "Semen tuum gentes possidebit, & urbes desolatas habitabunt," LIV: 3, ubi possidere prædicatur de bono coelesti, habitare de bono spirituali: apud Eundem, "Possidebunt eam electi mei, & servi mei habitabunt ibi," LXV: 9, similiter: apud Davidem, "Deus salvabit Zionem, & edificabit civitates Jehudæ, & habitabunt ibi & possidebunt eam, & semen servorum ejus hereditabunt eam, & amantes Nomen Ipsius habitabunt in ea," Psalm: LXXIX: 36. 37, habitare & simul possidere, prædicatur de bono coelesti, habitare de bono spirituali: apud Esaiam, "Dicens Hierosolymæ, habitaberis, & civitatibus Jehudæ, edificabimini," XLIV: 26, ubi habitare prædicatur de bono spiritualis Ecclesiæ, quæ est Hierosolyma: in tantum voces in Verbo prædicantur de suis bonis & suis veris, ut solum ex notitia prædicationis talium vocum, sciri possit, de qua re in genere agitur.

2713. Quod desertum significet obscuram respective, constat a significatione deserti, quod sit obscurum, cum prædicatur de spirituali homine, respective ad coelestem, de qua supra n: 2708.

2714. Quod Paran, sit illuminatio ex Divino Humano Domini, constat a significatione Paran, quod sit Divinum Humanum Domini, ut patet ab illis locis in Verbo, ubi nominatur, ut apud Prophetam Habakuk, "Jehovah, audiavi famam tuam, timui, Jehovah, opus tuum, in medio annorum vivifica illud, in medio annorum notum fac, in zelo misericordie recorderis. Deus e Themane veniet, & Sanctus de monte Paran, selah; texit cælos

CAPUT VIGESIMUM PRIMUM. 51

“cœlos honor Ipsi, & laude Ipsi plena est terra: est splendor & lux
 “erat, cornua de manu Ipsi Ipsi, & ibi occultatio roboris Ipsi,” 111: 2.
 3. 4, ubi manifeste de adventu Domini, qui per vivificare in medio anno-
 rum, & notum facere in medio annorum, significatur; Divinum Humanum
 Ipsi describitur, per quod Deus e Themane veniet, & Sanctus de monte
 Paran; a Themane dicitur quoad amorem cœlestem, & de monte Paran
 quoad amorem spirituales; & quod exinde illuminatio & potentia, signifi-
 catur per quod splendor & lux erat, cornua de manu Ipsi Ipsi, splendor &
 lux sunt illuminatio, cornua sunt potentia: apud Moysen, “Jehovah de
 “Sinai venit, & exortus est de *Seir* illis, exsplenduit de monte *Paran*, &
 “venit ex myriadibus sanctitatis, a dextra Ipsi ignis legis illis, etiam
 “amans populos; omnes sancti Ipsi in manu tua, & conjuncti sunt ad pe-
 “dem tuum, & feret de verbis tuis,” Deut: xxxiii: 2. 3; etiam ibi de
 Domino, cujus Divinum Humanum describitur per quod exortus e *Seir*, &
 exsplenduerit de monte *Paran*, e *Seir* dicitur quoad amorem cœlestem, de
 monte *Paran* quoad amorem spirituales; spirituales significantur per populos
 quos amat, & per conjunctos ad pedem; pes significat inferius, ita obscu-
 rius, in Regno Domini: apud Eundem, “Kedorlaomer & reges cum illo
 percusserunt Choritas in monte eorum *Seir*, usque *Elparan*, quæ super in
 “desertum,” Gen: xiv: 5. 6. quod Divinum Humanum Domini ibi signi-
 ficatur per montem *Seir*, & per *Elparan*, videatur n: 1675. 1676: apud
 Eundem, “Fuit in anno secundo in mense secundo, in vigesimo in mense,
 “se sustulit nubes desuper tabernaculo testimonii; & profecti sunt filii Is-
 “raelis secundum protectiones suas, e deserto Sinai, & resedit nubes in de-
 “serto *Paran*,” Num: x: 11. 12, quod protectiones populi in deserto omnes
 significant statum Ecclesiæ pugnantis, & ejus tentationes; in quibus homo
 succumbit, sed pro illo Dominus vincit, consequenter quod ipsas tentationes
 & victorias Domini, ex Divina Domini Misericordia, alibi ostendetur; &
 quia Dominus tentationes sustinuit ex Humano Divino suo, per desertum
Paran hic similiter significatur Humanum Divinum Domini: pariter per hæc
 apud Eundem, “Postea profecti sunt populus e Chazereth, & castrametati
 “sunt in deserto *Paran*, & loquutus est Jehovah ad Moysen dicendo, mitte
 “tibi viros, & explorent terram Canaanem, quam Ego dans filiis Israelis:
 “& misit illos Moyses e deserto *Paran* super os Jehovah. Et reversi sunt, &
 “ad Moysen, & ad Aharonem, & ad omnem cœtum filiorum Israelis, ad
 “desertum *Paran* in Cades, & retulerunt illis verbum, & ostenderunt iis
 “fructum terræ,” Num: xiii: 1. 2. 3. 4. 27, per quod ex deserto *Paran*
 profecti explorarent terram Canaanem, significatur quod per Divinum Hu-
 manum Domini, illis nempe filiis Israelis, hoc est, spiritualibus, Regnum
 cœlestes, quod terra Canaan significat; quod autem tunc etiam succubuerint,
 significat imbecillitatem eorum, & ideo quod Dominus impleveret omnia quæ
 in Lege, ac sustineret tentationes & vinceret, ac ita quod illis, qui in fide
 charitatis sunt, tum illis qui in tentationibus, in quibus Dominus vincit, ex

Divino Humano Ipsius salus; quare etiam cum Dominus tentaretur, fuit in deserto, Matth: IV: 1. Marc: I: 12. 13. Luc: IV: 1: videatur supra n: 2708.

2715. Duo hic sunt arcana, unum, quod Bonum Spiritualis hominis sit obscurum respective: alterum, quod obscurum illud illuminetur a Divino Humano Domini. Quod primum attinet, quod Bonum apud Spiritualem hominem sit obscurum respective, constare potest ex illis, quæ de statu Spiritualis hominis respective ad statum cœlestis hominis supra n: 2708, dicta sunt; a comparatione status utriusque id manifeste patet; apud cœlestes est ipsum bonum implantatum in parte eorum voluntaria, & inde lux venit in partem intellectualem eis; sed apud Spirituales deperditum est omne voluntarium, sic ut illis nihil boni sit inde, & ideo a Domino bonum implantatur in parte eorum intellectuali, videatur n: 863. 875. 895. 927. 928. 1023. 1043. 1044. 2124. 2256; pars voluntaria est, quæ principaliter vivit apud hominem, intellectualis vero vivit inde; cum itaque voluntarium apud spirituales ita deperditum est, ut non sit nisi malum, & tamen jugiter & continue inde influit malum in partem intellectualem seu cogitationem ejus, constat quod bonum ibi sit obscuratum respective: inde est, quod Spiritualibus non sit amor in Dominum, sicut est Cœlestibus, proinde nec humiliatio quæ essentialis est in omni cultu, & per quam influere potest bonum a Domino; cor enim elatum nusquam recipit, sed cor humile: Spiritualibus nec est amor erga proximum, sicut est Cœlestibus, continue enim a parte eorum voluntaria influit amor sui & mundi, & obscurat bonum istius amoris; quod constare unicuique potest, si reflectit, etiam ex eo, quod cum alicui benefacit, sit propter finem in mundo, ita tamen non manifeste, usque cogitat de remuneratione, sive ab illis quibus benefacit, sive a Domino in altera vita; sic, ut bonum ejus usque sit confurcatum meritorio; tum quoque ex eo, quod cum aliquid bonum fecerit, si illud memorare possit, & sic se præferre aliis, in suæ vitæ jucundo sit; Cœlestes vero amant proximum plusquam semet; nec usquam cogitant de retributione, neque se aliis præferunt ullo modo. Præterea bonum apud Spirituales obscuratum est persuasivis ex principiis variis, oriundis etiam ex amore sui & mundi, quale sit persuasivum etiam fidei, videatur n: 2682. 2689 ad f: hoc quoque ex influxu mali a parte eorum voluntaria. Præterea ex eo constare potest, quod bonum apud Spirituales hominem sit obscurum respective, quia non ex aliqua perceptione, ut Cœlestes, novit quid verum, sed ex instructione a parentibus & magistris, tum ex doctrina in quam natus, & cum aliquid superaddit ex se & excogitatione, tunc ut plurimum sensuale & ejus fallaciæ, ac rationale & ejus apparentiæ, prævalent, & faciunt ut vix agnoscere possit aliquid verum purum, quale agnoscunt Cœlestes, usque tamen istis quasi veris implantat Dominus bonum, etiam si fallacia vera sunt, aut apparentia veri, sed bonum sit inde obscurum, qualificatum a veris quibus conjungitur; se habet hoc sicut

sicut lux solis influens in objecta, qualitas objectorum, quæ recipiunt, facit ut appareat lux ibi sub specie coloris, pulchri si qualitas formæ & receptionis sit decens & correspondens, impulchri si qualitas formæ & receptionis sit non decens, nec ita correspondens; ita ipsum bonum qualificatur secundum verum. Etiam ex eo patet, quod Spiritualis homo non sciat quid malum, vix alia credit mala, quam quæ contra præcepta decalogi sunt, mala autem affectionis & cogitationis, quæ innumerabilia, nescit, nec reflectit super ea, nec vocat mala, jucunda cupiditatum & voluptatum quæcunque non aliter spectat ac bona, ipsaque jucunda amoris sui & affectat, & approbat, & excusat, ignorans quod talia sint quæ afficiunt spiritum ejus, & quod prorsus talis fiat in altera vita. Ex eo similiter constat, quod Spiritualis homo, tametsi in toto Verbo vix agatur nisi de bono amoris in Dominum, & amoris erga proximum, usque non sciat quod bonum sit essentiale fidei, ne quidem quid amor & charitas in sua essentia sit; & quod novit de fide, quam essentialem facit, usque differit num ita sit, nisi confirmatus per multum vitæ, quod Cœlestes nusquam faciunt, norunt enim & percipiunt quod ita sit, inde a Domino dictum apud Matthæum, "Esto sermo vester ita ita, non non, quod ultra hæc est, ex malo est," v: 37. sunt enim cœlestes in ipso vero, de quo disputant spirituales num ita sit, inde cœlestes quia in ipso vero, possunt inde videre indefinita, quæ istius veri sunt, ita ex luce quasi totum cœlum; sed spirituales quia disputant num ita sit, non possunt tamdiu venire ad primum terminum lucis cœlestium, minus ex eorum luce spectare aliquid.

2716. Quod alterum attinet, nempe quod obscurum illud apud Spirituales illuminetur a Divino Humano Domini, est arcanum quod non ad caput explicari potest, nam est influxus Divini qui describeretur; solum inde aliqua ejus idea haberi potest, si ipsum Supremum Divinum influeret in bonum tale sicut descriptum, ex tot malis & falsis conspurcatum, quod non potuisset recipi, & si quid reciperetur, sentiret cruciatum infernalem, hoc est, homo cui tale bonum, & sic periret; at Divinum Humanum Domini apud eos influere potest, ac bonum tale illuminare, sicut solet sol in densas nubes quæ variegantur matutino tempore in facies auroræ; sed usque non potest Dominus coram illis sicut lux solis, sed sicut lux lunæ apparere: exinde constare potest, quod causa adventus Domini in mundum fuerit propter Spirituales ut salvarentur, videatur n: 2661.

2717. Et accepit illi mater ejus, quod significet affectionem veri, constat a significatione matris, quod sit Ecclesia, de qua n: 289; & quia Ecclesia spiritualis, quæ hic repræsentatur, in affectione veri est, & ab affectione veri habet, ut sit Ecclesia, ideo per matrem hic significatur illa affectio.

2718. Uxorem e terra Ægypti, quod significet affectionem scientiarum, quæ Spiritualis Ecclesiæ homini, constat ex significatione uxoris, quod sit affectio seu bonum, de qua n: 915. 2517; & ex significatione Ægypti, quod

quod sit scientia, de qua n: 1164. 1165. 1186. 1462. In hoc Versu describitur Spiritualis Ecclesiæ homo, qualis est quoad bonum, hoc est, quoad essentiam vitæ suæ, quod nempe Bonum apud illum sit obscurum, sed quod illuminatum a Divino Humano Domini, ex qua illuminatione existit in ejus rationali affectio veri, & in ejus naturali affectio scientiarum: quod apud Spiritualem hominem, affectio boni, qualis est apud Cœlestem, existere nequeat, sed loco ejus affectio veri, causa est, quia bonum apud illum implantatum est in parte ejus intellectuali, & quod obscurum sit respective, ut n: 2715, ostensum est, inde produci & derivari in rationale ejus non alia affectio potest quam affectio veri, & per hanc in naturale affectio scientiarum: per verum non aliud verum intelligitur, quam tale quod credit esse verum, tamen non esset verum in se; & per scientias non intelliguntur scientiæ, quales sunt eruditæ, sed omne scientificum, quo ab experientia & per auditionem imbui possit ex vita civili, ex doctrina, & ex Verbo; in talium affectio est Spiritualis Ecclesiæ homo. Ut sciatur, quid sit in affectio veri esse, & quid in affectio boni, paucis dicendum; qui in affectio veri sunt, cogitant, disquirunt, & differunt, num hoc verum, num ita sit, & cum confirmantur quod verum sit feu quod ita sit, cogitant, disquirunt, & differunt, quid sit, ita hærent in primo limine, nec admitti possunt in sapientiam, antequam absque dubio sunt; qui autem in affectio boni sunt, ex ipso bono, in quo sunt, norunt & percipiunt, quod ita sit, ita non in primo limine sunt, sed in conclavi, admitti in sapientiam: sit pro exemplo, quod *cœlestis sit cogitare & agere ex affectione boni aut ex bono*; qui in affectio veri sunt, differunt, num ita sit, num dabile sit, & quid sit, & quamdiu dubia versant de eo, non possunt intromitti; qui autem in affectio boni sunt, ii non differunt, nec dubia versant, sed ajunt quod ita sit, quare intromittuntur, inchoant enim ibi qui in affectio boni sunt, hoc est, cœlestes, ubi subsistunt illi qui in affectio veri sunt, hoc est, spirituales, sic ut ultimus horum terminus sit primus illorum; ideo scire, nosse, & percipere illis datur, quod affectiones boni sint innumerabiles, quot nempe societates sunt in cœlo, & quod omnes a Domino in formam cœlestem conjunctæ sint, ut unum quasi hominem constituent; tum etiam cujusvis affectionis genus & speciem perceptione dignoscere datur. Vel sit hoc exemplum ita; quod *omne jucundum, beatum, & felix, unice sit amoris, sed qualis amor, tale jucundum, beatum, & felix*: spiritualis homo detinet animum in eo, num ita sit, & annon aliunde, ut ex conversatione, sermone, meditatione, eruditione, etiam annon in possessione, honore, fama, gloria inde, non se confirmans in eo, quod illa nihil faciant, sed affectio amoris, quæ & qualis in illis; cœlestis autem homo, non in præliminaribus illis hæret, sed ait, quod ita sit, quare in ipso fine est, & usu, hoc est, in ipsis affectionibus quæ sunt amoris, quæ innumerabiles sunt, & in quarum unaquavis ineffabilia, & hoc cum variatione jucundi, beati, & felicitis, in æternum. Sit etiam pro exemplo, quod *proximus*

amandus

CAPUT VIGESIMUM PRIMUM. 55

amandus ex bono quod apud illum; qui in affectione veri sunt, cogitant, disquirunt, & differunt, num hoc verum sit, seu num ita sit, quid proximus, quid bonum, nec ulterius vadunt, quare præcludunt sibi januam ad sapientiam; qui autem in affectione boni sunt, ajunt quod ita sit, quare non præcludunt sibi januam, sed intrant, ac sciunt, norunt, & percipiunt ex bono, quis proximus præ alio, etiam in quo gradu sit, & quod omnes in dissimili, ita ineffabilia præ illis qui in sola affectione veri. Porro sit pro exemplo, *quod qui proximum ex bono amat, Dominum amet*; qui in affectione veri sunt, disquirunt num ita sit, & si iis dicitur, qui proximum amat ex bono, is bonum amat, & quia omne bonum a Domino, & in bono Dominus, quando quis bonum, etiam Ipsum, ex quo illud, & in quo Ipse, amat, etiam disquirunt num ita sit, etiam quid bonum, num Dominus in bono fit magis quam in vero; quamdiu in talibus hærent, ne quidem e longinquo videre possunt sapientiam; at qui in affectione boni sunt, ii ex perceptione norunt, quod ita sit, & statum vident sapientiæ campum ducentem usque ad Dominum. Inde constare potest, unde obscurum illis qui in affectione veri sunt, hoc est, Spiritualibus, respective ad illos qui in affectione boni, hoc est, ad cœlestes: sed usque illi ab obscuro in lucem venire possunt, si modo in affirmativo velint esse, quod omne bonum sit amoris in Dominum, & charitatis erga proximum, & quod amor & charitas sit conjunctio spiritualis, & inde omne beatum & felix, ita quod in bono amoris a Domino, sit vita cœlestis, non autem in vero fidei inde separato.

* * *

2719. Actum est in hoc Capite primum de Rationali Domini, quod Divinum factum, quod Rationale est Jischakus; & de Rationali mere humano, quod separatum, quod est filius Hagaris Ægyptiæ: mox de Ecclesia Spiritualis, quæ per Divinum Humanum Domini salvata est, quæ Ecclesia est Hagar & ejus puer: nunc agitur de Doctrina fidei, infervitura isti Ecclesiæ, quod nempe adjuncta ei sunt rationalia ex scientificis humana, quæ sunt Abimelechus & Phicol; conjunctio significatur per fœdus, quod Abrahamus cum illis percussit; rationalia illa sunt apparentiæ, non ex origine Divina, sed ex humana, quæ adjunctæ sunt ob causam, quia Ecclesia spiritualis absque illis doctrinam non comprehenderet, ita nec reciperet; est enim, ut n: 2715, ostensum, spiritualis Ecclesiæ homo in obscuro respective, quare Doctrina investienda apparentiis talibus, quæ sunt cogitationis & affectionis humanæ, & non in tantum discrepant, quin Divinum bonum receptaculi instar ibi habere possit. Quia agitur in seq: Cap: xxvi iterum de Abimelecho, & de fœdere, sed cum Isaco, & in sensu interno de rationalibus & scientificis secundo adjectis doctrinæ fidei, licet solum summaria, quæ in sensu interno de hac re hic continentur, exponere, quæ clariora ab explicatione Capitis xxvi, evadent.

2720.

2720. Vers: 22. *Et fuit in tempore illo, & dixit Abimelech, & Phicol princeps exercitus ejus, ad Abrahamum, dicendo, Deus tecum in omnibus quæ tu faciens.* Vers: 23, *Et nunc jura mihi in Deum hic, si mentitus fueris mihi, & filio meo, & nepoti meo, secundum benignitatem, quam feci tecum, facias mecum, & cum terra, in qua peregrinatus es.* Vers: 24, *Et dixit Abraham, ego jurabo.* Vers: 25, *Et redarguit Abraham Abimelechum, ob causas putei aquæ, quem eripuerunt servi Abimelechi.* Vers: 26, *Et dixit Abimelech, non novi quis fecit verbum hoc, & etiam tu non indicasti mihi, & etiam ego non audivi præterquam hodie.* Vers: 27, *Et accepit Abraham gregem & armentum, & dedit Abimelecho, & percusserunt ambo illi fœdus.* Vers: 28, *Et statuit Abraham septem agnas gregis solas eas.* Vers: 29, *Et dixit Abimelech ad Abrahamum, quid hæ septem agnæ illæ, quas statuisti solas.* Vers: 30, *Et dixit, quia septem agnas accipies e manu mea, propterea sit mihi in testimonium, quod fodi puteum hunc.* Vers: 31, *Propterea vocavit locum illum Beerscheba, quia ibi juraverunt ambo illi.* Vers: 32, *Et percusserunt fœdus in Beerscheba; & surrexit Abimelech, & Phicol princeps exercitus illius; & reversi sunt in terram Philistæorum.* Fuit in tempore illo, significat statum in quo Dominus cum Rationale Divinum factum: & dixit Abimelech & Phicol princeps exercitus ejus ad Abrahamum, significat rationalia ex scientificis humana adjungenda Doctrinæ fidei, quæ in se est Divina: dicendo, Deus tecum in omnibus quæ tu faciens, significat quod Divina quoad omnia & singula. Et nunc jura mihi in Deum hic, significat affirmationem: si mentitus fueris mihi, significat abque dubitativo: & filio meo, & nepoti meo, significat de illis quæ sunt fidei: secundum benignitatem quam feci tecum, significat rationalia quibus Dominus prius instructus fuit: facias mecum, & cum terra in qua peregrinatus es, significat reciprocum. Et dixit Abraham, ego jurabo, significat affirmativum omne. Et redarguit Abraham Abimelechum, significat indignationem Domini: ob causas putei aquæ quem eripuerunt servi Abimelechi, significat doctrinam fidei, quod illam scientifica sibi tribuere vellent. Et dixit Abimelech, significat responsum: non novi quis fecit verbum hoc, significat quod rationale aliud dictaret: & etiam tu non indicasti mihi, significat quod non ex Divino illud: & etiam ego non audivi præterquam hodie, significat quod nunc primum detectum. Et accepit Abraham gregem & armentum, & dedit Abimelecho, significat Divina bona implantata Doctrinæ rationalibus per Abimelechum significatis: & percusserunt ambo illi fœdus, significat sic conjunctionem. Et statuit Abraham septem agnas gregis solas eas, significat innocentie sanctitatem. Et dixit Abimelech ad Abrahamum, quid hæ septem agnæ illæ quas statuisti solas, significat ut instrueretur & agnosceret. Et dixit, quia septem agnas accipies e manu mea, significat innocentie sanctitatem a Divino: propterea sit mihi in testimonium, significat certum: quod fodi puteum hunc, significat quod a Divino doctrina. Propterea vocavit locum illum Beerscheba, significat statum & quale doctrinæ: quia ibi juraverunt ambo illi, significat ex conjunctione. Et percusserunt fœdus in Beerscheba, significat quod rationalia humana adjuncta sint doctrinæ fidei; & surrexit

CAPUT VIGESIMUM PRIMUM. 57

furrexit Abimelech & Phicol princeps exercitus illius, & reversi sunt ad terram Philistæorum, significat quod usque nullam partem in Doctrina haberent.

2721. Vers: 33. *Ei plantavit lucum in Beerscheba; & invocavit ibi Nomen Dei æternitatis.* Plantavit lucum in Beerscheba, significat doctrinam cum ejus cognitionibus & quali: & invocavit Nomen Dei æternitatis, significat cultum inde.

2722. Plantavit lucum in Beerscheba, quod significet doctrinam inde cum ejus cognitionibus & ejus quali, constat a significatione luci, & a significatione Beerscheba. Quod *Lucos* attinet, in Antiqua Ecclesia fiebat cultus sanctus super montibus & in lucis; super montibus, quia montes significabant cœlestia cultus, & in lucis, quia luci significabant spiritualia ejus; quamdiu Ecclesia illa, nempe Antiqua, in sua simplicitate fuit, tunc cultus eorum super montibus & in lucis sanctus erat, ex causa, quia cœlestia, quæ sunt amoris & charitatis, per illa quæ alta & excelsa erant, ut sunt montes & colles, representabantur, & spiritualia, quæ inde, per fructifera & frondosa, ut sunt horti & luci: sed postquam representativa & significativa cæperunt fieri idololatrica, per id quod colerent externa absque internis, cultus ille sanctus factus est prophanus; & ideo interdictum, quod cultum haberent super montibus & in lucis: quod Antiqui cultum sanctum habuerint super montibus, constare potest ex Cap: xii: Genes. de Abrahamo, "Transtulit inde in Montem ab oriente Betheli, & tetendit tentorium, Bethel a mari, & Ai ab oriente, & ædificavit ibi altare; & invocavit Nomen Jehovah," Vers: 8; n: 1449 ad 1455; & ex significatione Montis, quod sit cœleste, amoris n: 795. 796. 1430; quod etiam cultum sanctum habuerint in lucis, constat ex illis quæ in hoc Versu, "Plantavit Abraham Lucum in Beerscheba, & invocavit ibi Nomen Dei æternitatis," tum a significatione horti, quod sit intelligentia, n: 100. 108. 1588, & Arborum, quod sint perceptiones, n: 103. 2163: quod interdictum, constat ex his quæ sequuntur; apud Moysen, "Non plantabis tibi Lucum omnis arboris juxta Altare Jehovah Dei tui, quod facies tibi; & non eriges tibi statuum, quæ odit Jehovah Deus tuus," Deut: xvi: 21. 22: apud Eundem, "Altaria gentium destruetis, statuas eorum confringetis, & Lucos eorum diruetis," Exod: xxxiv: 13; " & quod Lucos igne comburerent," Deut: xii: 3: & quia Judæi & Israelitæ, apud quos Ritus Antiquæ Ecclesiæ representativus introductus est, solum in externis fuerunt, nec nisi quam idololatricæ corde, quid internum, & quid vita post mortem, tum quod Messiae Regnum esset cœleste, nescientes, ac scire non volentes, quoties in libero fuerunt, cultum prophanum habebant super montibus & collibus, ut & in lucis & sylvis, tum quoque loco montium & collium sibi excelsa fecerunt, & loco lucorum sculptilia luci, ut constare potest a pluribus locis in Verbo, ut in Libro Judicum, "Filii Israelis fervierunt Balibus & Lucis," iiii: 7: in Libro Regum, "Israel fecit Lucos, ad irritandum Jehovah," i Reg: N° VI.

H

xiv:

xiv: 15; & alibi, “Jehudah ædificavit sibi *Excelsa*, & statuas, & *Lucos*, “super omni colle alto, & sub omni arbore frondosa,” 1 Reg: xiv: 23: alibi, “Israel ædificavit sibi *Excelsa* in omnibus urbibus, & statuerunt statuas & *Lucos* super omni Colle alto, & sub omni arbore frondosa,” 2 Reg: xvii: 9. 10: & alibi, “Menasse Rex Jchudæ erexit Altaria Bali, & fecit *Lucum*, sicut fecerat Achab Rex Israelis, & posuit *Sculptile Luci*, quod “fecerat, in Domo Dei,” 2 Reg: xxi: 3. 7; ex quo, quod etiam sculptilia luci sibi fecerint, patet; quæ quod destructa sint a Joschia Rege, ibidem, “Joschia fecit educi de Templo Jehovæ omnia vasa facta Baali & “*Luco*, & soli & lunæ, & omni exercitui cælorum, & combussit ea extra “Hierosolymam, & domos quas mulieres texuerunt ibi *Luco*: etiam succidit *Lucos*, quos fecerat Salomo, tum quoque *Lucum* in Bethel, quem “fecerat Jeroboam,” 2 Reg: xxiii: 4. 6. 7. 14. 15: præter quod a Chiskia Rege talia diruta sint, ibidem, “Chiskia Rex Jehudæ removit *Excelsa*, “& fregit statuas, & excidit *Lucum*, & confregit serpentem æris, quem fecerat Moses,” 2 Reg: xviii: 4; quod serpens æris sanctus fuerit tempore Moysi, constat, at cum externum coheretur, prophanus factus est, & contractus, ex simili causa ac interdictus cultus super montibus, & in lucis: hæc adhuc constant apud Prophetas; apud Esaiam, “Incalescentes diis sub “omni *Arbore frondosa*; mactantes natos in fluviis sub prominentiis petrarum; etiam fluviis effudisti libamen, obtulisti munus super monte alto & “elato posuisti habitaculum tuum, & ibi obtulisti ad sacrificandum sacrificium,” lvi: 5. 6. 7. apud Eundem, “In die illo aspiciet homo ad “Factorem suum, & oculi ejus ad Sanctum Israelis videbunt: & non aspiciet ad altaria opus manuum ejus, & quod fecerunt digiti ejus non videbit, & *Lucos* & statuas solares,” xvii: 7. 8: apud Michiam, “Excindam sculptilia tua, & statuas tuas e medio tui, & non incurvabis te “amplius operi manuum tuarum, & evellam *Lucos* tuos e medio tui, & perdam urbes tuas,” v: 12. 13: apud Ezechielem, “Ut sint confossi in “medio idolorum eorum, circum altaria eorum ad omnem *collem excelsum*, “in omnibus *capitibus montium*, & sub omni *arbore frondosa*, & sub omni “*quercu* implexa, locum quo dederunt odorem quietis omnibus idolis suis,” vi: 13. Exinde nunc patet, e qua origine cultus idololatricus, nempe quod objecta representantia & significantia cohererentur; Antiquissimi, qui ante diluvium, in omnibus & singulis, sicut in montibus, in collibus, in campis, in vallibus, in hortis, lucis, sylvis, in fluviis & aquis, in agris & sementibus, in arboribus omnis generis, in animalibus etiam omnis generis, in luminaribus cœli, aliquid representativum & significativum Regni Domini videbant, sed nusquam hærebant oculis, minus mentibus in objectis, sed erant illis media cogitandi de cœlestibus & spiritualibus quæ in Regno Domini; & hoc usque adeo, ut prorsus nihil esset in universa natura, quod non illis inferviret pro mediis; in se etiam ita est, quod omnia & singula in natura representent, quod hodie est arcanum, & vix ab aliquo creditur: sed post-

CAPUT VIGESIMUM PRIMUM. 59

postquam cœleste, quod est amoris in Dominum, periit, tunc non amplius genus humanum in illo statu fuit, quod nempe ab objectis ut mediis videret cœlestia & spiritualia Regni Domini; sed usque Antiqui post diluvium a traditionibus & quorundam collectaneis sciebant quod illa significarentur, & quia significabant, etiam sancta habebant, inde cultus repræsentativus Ecclesiæ Antiquæ, quæ Ecclesia, quia spiritualis, non erat in perceptione quod ita esset, sed in cognitione, nam erat in obscuro respective n: 2715, usque tamen non colebat externa, sed per externa recordati sunt interiorum, & inde cum in repræsentativis & significativis illis erant, in sancto cultus erant; potuerunt etiam, quia in spirituali amore erant, hoc est, in charitate, quam essentialem cultus fecerunt, quare sanctum a Domino in cultum eorum influere potuit: at vero cum status humani generis ita mutatus est & perversus factus, ut se removerent a bono charitatis, ita nec amplius crederent dari Regnum cœleste, aut vitam post mortem, sed quod in simili statu essent cum animalibus, præterquam solum quod cogitarent, sicut etiam, hodie, tunc cultus sanctus repræsentativus versus est in idololatrium, & colebantur externa; inde apud plures gentiles illo tempore, etiam apud Judæos & Israelitas cultus erat non repræsentativus, sed repræsentativorum & significativorum, hoc est, exteriorum absque internis. Quod Lucos in specie attinet, erant illi apud Antiquos variae significationis, & quidem secundum species arborum quæ ibi; Luci, ubi oleæ, significabant cœlestia cultus, Luci, ubi vites, significabant spiritualia ejus, Luci autem ubi ficus, ubi cedri, ubi abietes, ubi populi, ubi quercus, varia quæ cœlestium & spiritualium erant; heic Lucus seu arboretum simpliciter nominatur, & significat illa quæ sunt rationalium quæ adjuncta doctrinæ & ejus cognitionibus; arbores enim in genere significant perceptiones, n: 103. 2163, sed cum prædicantur de Ecclesia spirituali significant cognitiones, ex causa, quia Spiritualis Ecclesiæ homini non aliæ perceptiones sunt, quam quæ per cognitiones & doctrina aut Verbo, hæ enim fiunt fidei ejus, ita conscientiæ & qua perceptio.

2723. Quod autem Beerschebam attinet, significat Beerscheba statum & quale doctrinæ, nempe quod sit Divina cui adjuncta rationalia humana, quod constare potest a serie rerum de quibus agitur a Verf: 22 ad hunc, n: 2613. 2614; etiam a significatione ipsius vocis in lingua originali, quod sit *puteus juramenti & septem*; quod puteus sit doctrina fidei, videatur n: 2702. 2720; quod juramentum sit conjunctio, n: 2720, ut & fœdus quod juramento factum, n: 1996. 2003. 2021. 2037, & quod septem sit sanctum, ita Divinum, n: 395. 433. 716. 881, ex quibus constare potest, quod significet Doctrinam quæ in se Divina cum adjunctis rationalibus seu apparentiis humanis; quod inde Beerscheba, patet ex verbis Abrahami, “Dixit Abraham, quia *Septem* agnas accipies e manu mea, propterea sit mihi in testimonium, quod fodi *Puteum* hunc, *propterea vocavi locum illum Beerscheba*, quia ibi *juraverunt* ambo illi; & percusserunt *sedus in Beerscheba*,” Verf: 30. 31. 32;

H 2

fimiliter

similiter ex verbis Ifaci, Cap: seq: xxvi, "Fuit in die illo, & venerunt servi Ifchaki, & indicaverunt illi super causis *Putei*, quem foderunt, & dixerunt illi, invenimus aquas, & vocavit illum *Schibea*: (juramentum & septem:) propterea nomen urbis *Beerscheba* usque ad diem hunc," Vers: 33; ibi etiam agitur de *Puteis*, de quibus fuit contentio cum Abimelecho, & de foderere cum illo, & per *Beerschebam* significantur rationalia humana iterum adjuncta doctrinæ fidei, & quia iterum adjuncta, & sic facta doctrina ad captum humanum, dicitur urbs, quod urbs sit doctrinale in suo complexu, videatur n: 402. 2268. 2450. 2451: præterea nominatur *Beerscheba* in simili significatione quoad sensum internum, Genes: xxii: 19. Cap: xxvi: 22. Cap: xxviii: 10. Cap: xli: 1. 5. Jos: xv: 28. Cap: xix: 1. 2. 1 Sam: viii: 2. 1 Reg: xix: 3; & in sensu opposito, Amos v: 5. Cap: viii: 13. 14. Extensio cœlestium & spiritualium, quæ sunt Doctrinæ, in sensu interno significatur, ubi describitur extensio terræ Canaanis, per a Dan & usque ad *Beerschebam*; per terram enim Canaanem significatur Regnum Domini, tum Ecclesia, consequenter cœlestia & spiritualia, quæ sunt doctrinæ; ut in Libro Judicum, "Exiverunt omnes filii Israel, & congregatus est cætus tanquam vir unus a Dan & usque ad *Beerscheba*," xx: 1: in Libro Samuelis, "Omnis Israel a Dan & usque ad *Beerscheba*," 1 Sam: iiii: 20: alibi, "Transire faciendo regnum a domo Schaulis, & erigendo solum Davidis super Israelem, & supra Jehudam, a Dan & usque ad *Beerscheba*," 2 Sam: iiii: 10: alibi, "Chusai ad Absalonem, congregetur omnis Israel a Dan & usque ad *Beerscheba*," 2 Sam: xvii: 11: alibi, "Dixit David ad Joabum, ut peragraret omnes tribus Israel a Dan & usque ad *Beerscheba*," 2 Sam: xxiv: 2. 7: alibi, "Mortuum est de populo a Dan & usque ad *Beerscheba* septuaginta millia virorum," 2 Sam: xxiv: 15: in Libro Regum, "Habitavit Jehudah sub vite sua, & sub ficu sua, a Dan & usque ad *Beerscheba*, omnibus diebus Salomonis," 2 Reg: iv: 25.

2724. Et invocavit ibi Nomen Dei æternitatis, quod significet cultum inde, constat a significatione invocare Nomen Dei, quod sit cultus, de qua n: 440: qui ab Antiqua Ecclesia fuerunt, per Nomen non intellexerunt nomen, sed omne quale, videatur n: 144. 145. 440. 768. 1754. 1896. 2009; ita per Nomen Dei omne in uno complexu per quod colebatur Deus, proinde omne amoris & fidei: cum autem perit internum cultus, & modo externum remansit, tunc per Nomen Dei nihil aliud intelligere cæperunt, quam Nomen, usque adeo ut ipsum Nomen colerent, nihil curantes ex quo amore, & ex qua fide; ideo distinguere se cæperunt gentes per Nomina deorum, & se prætulerunt Judæi & Israelitæ reliquis, per quod Jehovam colerent, ponentes in nominando & invocando Nomen, essentielle cultus, cum tamen cultus solius Nominis sit nullus cultus, dabilis etiam apud pessimis, qui per id magis prophanant: at quia per Nomen Dei significatur omne cultus, hoc est, omne amoris & fidei, ex quibus colitur, inde constat, quid intelligitur per *sanctificetur Nomen tuum*, in Oratione Domini," Matth: vi: 9: & per hæc

CAPUT VIGESIMUM PRIMUM. 61

hæc quæ Dominus dixit, "Eritis odio habiti quibuscunque propter *Nomen meum*," Matth: x: 22. "Si duo consenserint in *Nomine meo* super terra, de omni re, quamcunque petierint, fiet iis a Patre meo, qui in cœlis est: ubi sunt duo aut tres congregati in *Nomine meo*, ibi sum in medio eorum," Matthi: xviii: 20. "Qui relinquit domos, aut fratres, aut sorores, aut patrem, aut matrem, aut uxorem, aut liberos, aut agros, propter *Nomen meum*, centuplum accipiet, & vitæ æternæ fortietur hæreditatem," Matth: xix: 29. "Osanna Filio Davidis, benedictus qui venit in *Nomine Domini*," Matth: xxi: 9. "Jesús dixit, non Me videbitis post hæc, donec dicatis, benedictus veniens in *Nomine Domini*," Matth: xxiii: 39. "Eritis odio habiti ab omnibus gentibus propter *Nomen meum*; imo tunc scandalizabuntur multi, & se invicem tradent, & odio habebunt se invicem, & hæc omnia propter *Nomen meum*," Matth: xxiv: 9. 10. "Quotquot Ipsum receperunt, dedit illis potestatem, ut filii Dei essent, credentibus in *Nomen Ipsius*," Joh: 1: 12. "Qui non credit, jam judicatus est, quia non credidit in *Nomen Unigeniti filii Dei*," Joh: 11: 17. 18. "Jesús dixit, quodcunque petieritis in *Nomine meo*, hoc faciam," Joh: xiv: 14. 15. Cap: xv: 16. Cap: xvi: 23. 24. 26. 27. "Jesús dixit, manifestavi *tuum Nomen* hominibus," Joh: xvii: 6. "Pater Sancte, serva illos in *Nomine tuo*, quos dedisti Mihi, ut sint unum, sicut nos," Joh: xvii: 11. 12. "Notum feci illis *Nomen tuum*, & notum faciam, ut amor, quo amasti Me, in illis sit, & Ego in illis," Joh: xvii: 26. "Ut credatis, quod Jesús sit Christus Filius Dei, & ut credentes vitam habeatis in *Nomine Ipsius*," Joh: xx: 31: præter in permultis locis in Veteri Testamento, in quibus per *Nomen* Jehovah & Dei, non intelligitur *Nomen*, sed omne amoris & fidei, ex quo cultus. Qui autem solum *Nomen* colunt, absque amore & fide, de illis ita apud Matthæum, "Multi dicent Mihi in die isto, Domine, Domine, nonne per *Nomen tuum* prophetavimus, & per *Nomen tuum* dæmonia eiecimus, & in *Nomine tuo* multas virtutes fecimus, sed confitebor iis, non novi vos, discedite a Me operantes iniquitatem," vii: 22. 23. Cum, ut dictum, homo Ecclesiæ ab Interno factus est Externus, & in solo *Nomine* cæpit ponere cultum, tunc non magis unum agnoverunt Deum, sed plures; solenne enim Antiquis fuit aliquid adicere Nomini Jehovah, ac inde recordari alicujus beneficii aut Attributi Ipsius, ut hic, "Invocavit *Nomen Dei æternitatis*:" in Cap: seq: xxi, "Vocavit Abraham *nomen loci illius, Jehovah Jirab*, hoc est, videbit," Vers: 14: "Ædificabat Moses Altare, & vocavit *nomen ejus, Jehovah Nissi*, hoc est, vexillum meum," Exod: xvi: 15: "Ædificabat Guideon Altare Jehovah, & vocavit Jehovah *Schalom*, hoc est, pacis," Jud: vi: 24, præter alia; inde factum, quod, qui in solo *Nomine* ponerent cultum, tot deos agnoscerent; & quod etiam inde, apud Gentiles, imprimis in Græcia, & Romæ, tot dii agniti & culti sint, cum tamen Antiqua Ecclesia, a qua epitheta illa emanaverunt, nusquam nisi quam unum Deum sub tot *Nominibus* veneratum, coluit, ex causa quia per *Nomen* intellexit quale.

2725.

2725. Verſ: 34: *Et peregrinatus eſt Abraham in terra Philiſtæorum diebus multis.* Peregrinatus eſt Abraham in terra Philiſtæorum diebus multis, ſignificat quod Dominus adiunxit Doctrinæ fidei ex ſcientia cognitionum humanarum plurima.

2726. Quod peregrinatus eſt Abraham in terra Philiſtæorum diebus multis, ſignificet quod Dominus adiunxerit Doctrinæ fidei ex ſcientia cognitionum humanarum plurima, conſtat ex ſignificatione peregrinari, quod ſit inſtruere, de qua n: 1463. 2025; ex repræſentatione Abrahami, quod ſit Dominus, de qua n: 1965. 1989. 2011. 2501; ex ſignificatione terræ Philiſtæorum ſeu Philiſtææ, quod ſit ſcientia cognitionum, de qua n: 1197. 1198; & a ſignificatione dierum, quod ſit ſtatus rei, de qua agitur, n: 23. 487. 488. 493. 893, hic quia agitur de cognitionibus ex ſcientificis & rationalibus, & dicitur dies multi, ſignificat reſpectivè plurima. Actum eſt a Verſ: 22, huc uſque de rationalibus ex ſcientificis humanis, adjectis Doctrinæ fidei, ut patet ab explicatione, hic eſt eorum conſluſum. Quod ipſam rem attinet, quia in ſe eſt profundior, & quia de eadem multis agitur in Cap: ſeq: xxvi, licet hic explicationem ulteriorem diſſerre.



De Conjugiis, quomodo conſiderantur in cœlis, & de Adulteriis.

2727. **Q**UID genuinus Amor conjugalis, & unde ejus origo, pauci hodie ſciunt, ex cauſa, quia pauci in illo ſunt; credunt pæne omnes, quod innatus ſit, & ſic eſſuat ex quodam, ut ajunt, naturali inſtinctu, & eo magis, quia Conjugiale etiam exiſtit penes animalia; cum tamen talis differentia ſit inter amorem conjugialem apud homines, & conjugiale apud animalia, qualis inter ſtatum hominis, & ſtatum bruti animalis.

2728. Et quia pauci hodie, ut dictum, ſciunt, quid genuinus amor conjugalis, ex illis, quæ detecta ſunt, deſcribetur: Amor Conjugalis originem ducit a Conjugio Divino Boni & Veri, ita ab Ipſo Domino: quod inde Amor conjugalis, non apparet ad ſenſum & captum, ſed uſque conſtare poteſt ex influxu & ex correſpondentia, præter ex Verbo: ab Influxu, cælum ex unionem boni & veri, quæ inſluit a Domino, comparatur conjugio, & vocatur Conjugium; ex Correſpondentia, cum Bonum unitum Vero deſluit in ſphæram inferiorem, ſiſtit illud unionem mentium, cum in adhuc inferiorem, ſiſtit conjugium: quare unio mentium ex bono unito vero a Domino, eſt ipſe Amor conjugalis.

2729.

CAPUT VIGESIMUM PRIMUM. 63

2729. *Quod inde genuinus amor conjugialis sit, ex eo etiam constare potest, quod nemo possit in illo esse, nisi sit in bono veri & vero boni a Domino: tum ex eo, quod beatitudo & felicitas cælestis sit in illo amore; & qui in illo sunt, omnes in cælum, seu in Conjugium cæleste, veniunt: etiam ex eo, cum sermo apud Angelos est de unione boni & veri, tunc in sphaera inferiore apud Spiritus bonos sistitur repræsentativum conjugii; at apud malos sistitur repræsentativum adulterii; inde est, quod in Verbo unio boni & veri dicatur conjugium; at adulteratio boni & falsificatio veri, adulterium & scortatio, videatur n: 2466.*

2730. *Antiquissimæ Ecclesiæ homines præ omnibus in hac Tellure in genuino amore conjugiali vixerunt, quia fuerunt cælestes, a bono in vero, & in Regno Domini simul cum Angelis, & in illo amore fuit illis cælum: at posteri, apud quos descendit Ecclesia, ceperunt amare liberos, non conjuges; amari enim possunt liberi a malis, sed amari conjux non potest quam a bonis.*

2731. *Auditum ab Antiquissimis illis est, quod Amor conjugialis sit talis, ut velit prorsus esse alterius, & hoc reciproce, & cum mutuo & vicissim, quod in cælesti felicitate sint; tum quod conjunctio mentium talis sit, ut hoc mutuum & vicissim sit in omnibus & singulis vitæ, hoc est, in omnibus & singulis affectionis, & in omnibus & singulis cogitationis: idcirco institutum esse a Domino, quod uxores sint affectiones boni quæ voluntatis, & viri sint cogitationes veri quæ intellectus, & quod conjugium inde sit, quale est inter voluntatem & intellectum, & inter omnia & singula eorum apud hominem, qui est in bono veri & vero boni.*

2732. *Loquutus sum cum Angelis de hoc mutuo & vicissim, quale sit, & dixerunt, quod imago & similitudo unius sit in mente alterius, & quod sic non modo in singulis sed etiam in intimis vitæ cobabent, & quod amor ac misericordia Domini in tale unum possit cum beato & felici influere. Dixerunt etiam, quod qui in vita corporis in tali amore conjugiali vixerunt, una sint & cobabent in cælo ut angeli, quandoque etiam cum liberis; sed quod paucissimi sint ex Christianismo hodie, verum ex Antiquissima Ecclesia, quæ cælestis, omnes, & ex Antiqua Ecclesia, quæ spiritualis, multi: qui autem in conjugio vixerunt non conjuncti amore conjugiali, sed amore lascivo, quod separantur in altera vita, quia nihil lasciviæ toleratur in cælo; & quod magis adhuc separantur, qui se mutuo averfati sunt; & adhuc magis qui*

qui se odio babuerunt; cum primum in alteram vitam ambo veniunt, ut plurimum conveniunt, sed postquam dura passi sunt, separantur.

2733. Erant quidam spiritus, qui ex usu in vita corporis, me solertia peculiari infestabant, & hoc per influxum molliusculum quasi undantem, qualis solet esse proborum spirituum, sed perceptum quod in illo essent astutiæ & similia, ut captarent & fallerent; tandem loquutus sum cum uno eorum, qui quod fuerit dux exercitus, cum vixit in mundo, mihi dictum est; & quia percepi, quod in ideis cogitationis ejus esset lascivum, loquutus cum illo de Conjugio sum, loquela spirituum representativis illustrata, quæ plene exprimit sensa, & momento plura; dixit quod adulteria in vita corporis pro nihilo reputaverit; sed ei dicere datum est, quod adulteria sint nefanda, tametsi apparent coram iis, qui tales, ex jucundo quod captarunt, & ex persuasivo inde, quod non talia, imo quod licita; quod etiam scire posset ex eo, quod Conjugia sint seminary generis humani, & inde etiam seminary Regni cælestis, & idcirco quod nusquam violanda, sed sancta habenda; tum ex eo, quod scire debet quia in altera vita est, ac in statu perceptionis, quod amor conjugialis a Domino per cælum descendat, & quod ab illo amore, ut a parente, derivetur amor mutuus, qui est firmamentum cæli; & ex eo, quod adulteri, dum modo approximant ad societates cælestes, quod sentiant graveolentiam suam, & se inde præcipitent versus infernum; ad minimum potuisset scire, quod violare conjugia esset contra Leges Divinas, & contra omnium leges civiles, tum contra genuinum lumen rationis, quia contra ordinem & Divinum, & humanum, præter plura: sed respondebat, quod talia nusquam sciverit in vita corporis, nec quod cogitaverit; voluit ratiocinari num ita esset, sed dictum, quod veritas non admittat ratiocinia in altera vita, patrocinantur enim jucundis, ita malis & falsis, & quod primum cogitare debeat de illis quæ dicta sunt, quia vera; aut etiam ex illo principio, quod notissimum in orbe, quod nemo alteri facere debeat quod non velit ut alter faciet sibi, & sic si quis ipse uxorem, quam amavisset, quod sit in principio omnis conjugii, tali modo decessisset, tunc cum in statu excandescentiæ super id esset, si ex illo statu loqueretur, annon quoque ipse adulteria detestaturus fuisset, & tunc, quia ingenio pollet, se confirmavisset plus quam alii contra illa, usque ut damnavisset illa ad infernum; ita quod potuisset se judicare ex semet.

2734. Qui felicitatem in vita corporis babuerunt in conjugii ex amore genuino conjugiali, illi quoque felicitatem habent in altera vita,
sic

CAPUT VIGESIMUM PRIMUM. 65

sic ut felicitas unius vitæ illis continuetur in alterius, & ibi fit unio mentium, in qua cælum: mihi dictum, quod genera felicitatum cœlestium & spiritualium inde solum universalissima, sint numero indefinita.

2735. *Genuinus amor conjugalis est imago cæli, & cum repræsentatur in altera vita, fit per pulcherrima, quæ usquam oculis videri, & mente capi possunt; repræsentatur per virginem pulchritudinis inexpressibilis cinctam candida nube, sic ut dici queat quod sit ipsa pulchritudo in essentia & forma; dictum, quod ex amore conjugalī sit omnis pulchritudo in altera vita; affectiones & cogitationes ejus repræsentantur per auras adamantinas ex quasi rubinis & pyropis scintillantes, & hæc cum delitiis quæ afficiunt intima mentium: ut primum autem aliquid lascivi intervenit, disparantur.*

2736. *Instructus sum, quod amor genuinus conjugalī sit ipsa innocentia, quæ habitat in sapientia; sunt qui in amore conjugalī vixerunt, in sapientia præ omnibus in cælo, sunt & usque conspecti ab aliis apparent sicut infantes in ætate floreante & vernali; & quicquid tunc contingit, est illis gaudium & felicitas: sunt illi in intimo cælo, quod vocatur cælum innocentie; per illud insluit Dominus in amorem conjugalem; & ex illo cælo adsunt Angeli hominibus, qui in illo amore vivunt; adsunt etiam infantibus in prima eorum ætate.*

2737. *Apud illos qui in amore conjugalī vivunt, aperta sunt interiora mentis per cælum usque ad Dominum, nam ille amor insluit a Domino per intimum hominis, inde habent Regnum Domini in se, & inde habent amorem erga infantes genuinum, propter Regnum Domini; & inde illi sunt præ omnibus receptibiles amorum cœlestium, & sunt præ omnibus in amore mutuo, hic enim inde venit ut rivus a suo fonte.*

2738. *Amor mutuus qualis est in cælo, non est sicut amor conjugalī; hic est quod velit esse in alterius vita ut unum, sed ille ut alteri melius velit quam sibi, qualis est parentum erga liberos, & qualis est illorum qui afficiuntur benefaciendo non propter se, sed propter quod hoc illis gaudium; talis amor angelicus derivatur ab amore conjugalī, ac inde nascitur sicut infans a suo parente, quare etiam apud parentes erga liberos ille est; hic amor conservatur a Domino apud parentes, tamen non in amore conjugalī sunt, ex causa, ne genus humanum pereat.*

2739. *Ex conjugio boni & veri in cælis descendunt omnes amores, qui se habent sicut amor parentum erga liberos, amor fratrum inter*
No. VI.
I
se

se, & amor erga affines, & sic porro secundum gradus in suo ordine: secundum amores illos, qui unice sunt ex bono & vero, hoc est, ex amore & fide in Dominum, formantur omnes societates cælestes, quæ a Domino ita conjunctæ sunt ut unum hominem referant, quare etiam cælum vocatur maximus homo; sunt varietates ineffabiles, quæ omnes originem ducunt & derivantur ab unione boni & veri ex Domino, quæ unio est Conjugium cæleste: inde est, quod a conjugiis in terris ducatur origo omnium consanguinitatum & affinitatum, & derivarentur similiter amores secundum gradus mutuo inter se; sed quia non est amor conjugalis hodie, consanguinitates & affinitates quidem inde recensentur, sed non sunt consanguinitates & affinitates amoris: in Antiquissima Ecclesia tales derivationes amoris etiam fuerunt, quare in cælis cohabitabant distinctæ quasi in gentes, familias, & domos, quæ omnes Dominum ut unicum suum Parentem agnoscunt.

2740. Genuinus amor conjugalis non dabilis est quam inter binos conjuges, hoc est, in Conjugio unius viri & unius uxoris, nusquam inter plures simul, ex causa quia amor conjugalis est mutuus & reciprocus, ac vita unius in alterius vicissim, sic ut quasi unum sint; talis unio datur inter binos, non autem inter plures, plures amorem illum discindunt. Antiquissimæ Ecclesiæ homines, qui fuerunt cælestes, ac in perceptione boni & veri, sicut angeli, solum unam uxorem habuerunt; dicebant quod cum una uxore cælestes delicias & felicitates perceperint, & cum modo nominaretur conjugium plurimum, quod horruerint: conjugium enim unius mariti & unius uxoris descendit, ut dictum, a conjugio boni & veri, seu a conjugio cælesti, quod est tale, ut manifeste constare potest a Domini verbis apud Matthæum, "Jesús dixit, ammon legistis, quod is qui fecit ab initio masculum & feminam fecit eos; & dixit, propterea relinquet homo patrem & matrem, & adhærebit uxori suæ, & erunt duo in carnem unam; quare non amplius sunt duo, sed caro una; quod ergo Deus copulavit, homo ne separet: Moses ob duritiem cordis vestri permisit dimittere uxores vestras; ab initio autem non fuit ita: non omnes capiunt verbum hoc, sed ii quibus datum est," XIX: 3 ad 12.

2741. Bonum & verum continue insuit a Domino apud omnes, proinde amor genuinus conjugalis, sed diversimode recipitur, & sicut recipitur, talis fit; apud lascivos vertitur in lasciviam, apud adulteros in adulteria, felicitas cælestis in jucundum immundum, ita cælum in infernum; se habet hoc sicut solis lux influens in objecta, quæ secundum formam objectorum recipitur, & fit cæruleum, rubicundum, flavum, viride, obscurum, etiam nigrum, secundum receptionem.

CAPUT VIGESIMUM PRIMUM. 67

2742. *Datur quoddam instar amoris conjugalioris apud quosdam, sed usque non est si non in amore boni & veri sunt, est amor apparens sicut conjugalioris, sed est ex causis amoris mundi aut sui, nempe ut serviantur domi, ut in securo sint, ut in otio, ut miniscentur cum non bene valent, & senescunt, ob curam liberorum quos amant; quibusdam est coactum ex timore pro conjuge, pro fama, pro malis; quibusdam est amor lascivioris qui inducit, hic apparet primo tempore sicut conjugalioris, tunc enim aliquid innocentioris æmulantur, ludunt sicut infantes, percipiunt gaudium sicut aliquid ex cœlesti, at successu temporis non uniuntur, sicut illi qui in amore conjugalioris sunt, magis & arctius, sed separantur. Amor conjugalioris etiam differt apud conjuges, apud unum potest esse plus aut minus, apud alterum parum vel nihil, & quia differt, uni potest esse cœlum, alteri infernum, affectio & receptio determinant hæc.*

2743. *Videtur mihi magnus Canis instar Cerberi, & quaeritur quid significaret, dictum, quod per talem canem significetur custodia, ne in amore conjugalioris transeat a jucundo cœlesti ad jucundum infernale, & vicissim; qui enim in amore genuino conjugalioris, in jucundo cœlesti sunt, qui autem in adulteriis, etiam in jucundo sunt quod apparet iis ut cœlestis, sed est infernale; per canem sic representatur, ne jucunda illa opposita communicent.*

2744. *Ostensum mihi quomodo progrediuntur jucunda ab amore conjugalioris, hinc ad cœlum, illinc ad infernum; progressio jucundorum versus cœlum erat in beatitudines & felicitates continue plures, usque ad innumerabiles & ineffabiles, & quo interius in innumerabiliores & ineffabiles, usque ad ipsas cœlestes cœli intimi seu innocentioris; & hoc per liberrimum, omne enim liberum est ex amore, ita liberrimum ex amore conjugalioris qui est ipse cœlestis. Ostensum dein quomodo progrediuntur jucunda amoris conjugalioris versus infernum, quod se paulatim removeant a cœlo, & hoc quoque ex apparente libero, usque dum iis vix aliquid humani remanet, mortiferum & infernale in quod desinunt, quod visum, non describi potest. Quidam spiritus, qui tunc apud me, & illa quoque vidit, festinabat antrorsum ad Sirenes, quæ tales, clamans quod ostenderet iis quale eorum jucundum, tenens primum ideam jucundi, sed cum paulatim magis antrorsum venit, continuabatur idea, sicut jucundi progressio, ad infernum, & tandem desit in talem horrorem: Sirenes sunt, quæ in persuasionem, quod honestum sit scortari & adulterari, etiam æstimatæ ab aliis quod tales, & quod in decoris vitæ; earum plurima pars in alteram vitam e Christianismo veniunt, de illis videatur n: 831. 959. 1515. 1983. 2484.*

2745. Sunt quæ non amant maritos, sed eos vilipendunt, & tandem pro nihilo æstimant; quales illæ sunt, repræsentatum est per gallum, fœlem sylvestrem, & tigridem obscuri coloris; dictum, quod tales incipiant multum loqui, dein increpare, & tandem tigridis naturam induunt; dicebatur a quibusdam, quod tales usque amant liberos, at responsum, quod amor ille non sit humanus, & quod insuat æque in malos, etiam in animalia quæcunque, usque adeo, ut quoque hæc ament prolem præ se; adjiciebatur, quod apud tales nihil amoris conjugialis sit.

2746. Erat quidam spiritus in media altitudine supra caput, qui in vita corporis lascive vixerat, delectatus varietate, sic ut nullam constanter amaverit, sed in lupinaribus, & sic scortatus cum multis, & rejecerit singulas postea, inde factum, quod plures defraudaverit, & quod inde exstinxerit desiderium pro conjugio, etiam pro infantum procreatione, & sic naturam innaturalem contraxerit: omnia illa detecta fuerunt, & is misere punitus, & hoc in conspectu angelorum; & dein in infernum conjectus. De infernis adulterorum videatur in Parte Prima n: 824 ad 830.

2747. Quia adulteria sunt contraria amoris conjugiali, adulteri non possunt esse cum angelis in cælo; tum quia in contrariis bono & vero sunt; & sic non in Conjugio cælesti, tum quia de conjugio non nisi quam spurcas ideas habent; cum modo nominatur conjugium, aut ejus idea obvenit, illico in eorum ideis sunt lasciva, obscæna, imo nefanda; similiter cum de bono & vero Angelis est sermo, tunc tales cogitant contra illa; omnes enim affectiones & cogitationes inde, quales fuerunt in mundo, remanent homini post mortem. Adulteri sunt animo destruendi societates, plures eorum sunt crudeles, n: 824, ita corde contra charitatem & misericordiam, ridentes ad aliorum misérias, cuique sua auferre volunt & faciunt quantum audent, oblectamentum iis est destruere amicitias, & struere inimicitias; religiosum eorum est, quod dicant se agnoscere Creatorem universi, & Providentiam sed modo universalem, & ex fide salvationem, ac quod iis non possit pejus fieri quam aliis; sed cum explorantur quales sunt corde, quod sit in altera vita, ne illa quidem credunt, verum pro Creatore universi naturam, pro universali Providentia nullam, de fide nihil cogitant; hæc omnia, quia adulteria sunt prorsus contra bonum & verum; inde, quomodo in cælum venire possint, quisque judicare potest.

2748. Quidam spiritus, qui adulterii vitam in mundo egerunt, ad me veniebant, mecum loquuti; appercepiebam, quod non diu in altera vita fuerunt, nesciebant enim quod ibi essent, putantes adhuc esse in mundo,

mundo, reflexio ubinam essent illis adempta fuit; iis dicere datam, quod in altera vita essent, sed mox obliti, quærebant ubinam essent domus, ubi se insinuare possent, sed dictum, annon respectum haberent spirituum, nempe amoris conjugialis, qui per similia allestamenta dissociatur, & quod contra ordinem cælestem esset, sed ad hæc nihil attendebant, nec illa intelligebant; dixi porre, annon timerent leges, & punitiones secundum leges, sed hæc contemnebant; at cum dixi, si forte a domesticis tractarentur male verberibus, hæc solum timebant. Dein percipere dabatur eorum cogitationes, nam illæ communicantur in altera vita, erant tam spurcæ & obscenæ, ut probi non possint non horrescere, quæ tamen quoad omnia & singula in altera vita propalantur coram spiritibus & angelis: inde etiam constare potest, quod tales non possint esse in cælo.

2749. *Qui per adulteria pro conjugii fastidium & nausæam ceperunt, dum aliquod jucundum, beatum & felix ex cælo angelorum pervenit, vertitur hoc iis in fastidiosum & nauseabundum, dein in dolorificum, tandem in graveolentum, usque ut inde se præcipitent versus infernum.*

2750. *Instructus sum ab angelis, quod, quando quis adulterium committit in terra, tunc ei illico cælum claudatur, & quod dein solum in mundanis & corporeis, vivat; & tunc tamen audit de illis quæ amoris & fidei sunt, usque ea non penetrent ad interiora ejus; & quæ ipse loquitur de illis, non ex interioribus ejus veniant, sed solum ex memoria & ore, excitante fastu aut amore lucri; sunt enim interiora clausa, quæ non aperiri possunt, quam per seriam penitentiam.*

2751. *Antrosum superius ante oculum sinistrum, erant conglobati tales, qui in vita corporis in occulto & callidius aliis insidiati sunt, erant adulteri, & adhuc in mundo spirituum, quia inter recentes; pro more habebant, ex globo suo emittere aliquos buc illuc, qui insidiantur non modo contra amorem conjugialem, sed etiam contra bonum & verum, & maxime contra Dominum; qui emittuntur, redeunt ad illos, & narrant, quid audiverunt, & sic consultant: ad me miserunt etiam unum, putantes quod essem spiritus, quia loquutus loquela spirituum; emissarius ille cum loqueretur, scandalosa effutiebatur, maxime contra Dominum, sic ut esset ex quasi meris scandalis compositus; sed respondi, ut abstineret a talibus, sciens ex quo globo, & ex qua fece sit; quod Dominum attinet, novi absque omni dubio, quod unus sit cum Patre, quod univrsum cælum Ipsius sit, quod ab Ipso omnis Innocentia, Pax, Amor, Charitas, Misericordia, etiam omnis Amor conjugialis, & ab Ipso omne Bonum & Verum, quæ omnia sunt Divina; & quod de Ipso*

Ipso Moſes & Prophetæ, hoc eſt, omnia & ſingula Verbi in ſenſu interno, & quod Ipſum omnes ritus Eccleſiæ Judaicæ repræſentaverint, & quia de illis ita certus ſum ut nihil dubii, quid nunc amplius vellet; his auditis cum pudore reſceſſit; dicebantur illa, ut narraret adulteris qui conſtituebant nefandum illum globum, e quo miſſus.

2752. *Qui adulteriis inſcati ſunt, præ aliis in altera vita obſidere volunt homines, & ſic per eos redire in mundum, ſed detinentur a Domino in Inferno, ne veniant inter eos ſpiritus qui apud homines; plerique tales ſunt ex orbe Chriſtiano, raro ex aliis.*

2753. *Sunt quidam in mundo, qui cupiditate feruntur pellicere virgines ad ſcortationes, ubicunque loci ſint, in monaſteriis, in familiis, apud parentes, etiam uxores, & ſe inſinuant aſtutis modis & blanditiis; ii quia talibus aſſuefacti, & inde naturam imbuerunt, in altera vita retinent quod in ſocietates ſe inſinuare poſſunt per blanda & ſimulata, ſed quia cogitata eorum patent, rejiciuntur; tranſeunt ſic ab una ſocietate ad alteram, ſed ubivis rejiciuntur, etiam mulſtantur, ſurripere enim jucunda & beata aliorum ſtudent; tandem in nullas ſocietates admittuntur, ſed poſtquam graves pœnas ſuſtinerint, aſſociantur ſimilibus in inferno.*

2754. *Doloſiſſimi apparent quandoque alte ſupra caput, ſed infernum eorum eſt profunde ſub calcaneo pedis, ſunt hodierni antediluviani, per innocentiam inſidiantur, per miſericordiam, & per varias affectiones bonas cum perſuaſione; fuerunt, dum vixerunt in mundo, adulteri præ aliis; ubi aliqua uxor pulchra, & juvenis, abſque conſcientia intrarunt, & per illa commoverunt ad ſtuprum; ſunt inviſibiles, nec volunt detegi, quia agunt incognito; ſunt quoque crudeles, ſibi ſolis ſtuderunt, & pro nihilo reputaverunt, ſi vel univerſus mundus pro iis periſſet: tales hodie ſunt magno numero etiam dictum quod ex Chriſtianismo: infernum eorum eſt omnium graviſſimum.*

2755. *Inferna adulterorum plura ſunt, ibi nihil plus amant quam ſordes & excrementa, hæc iis tunc jucunda; quod etiam conſtare poteſt a pluribus iſtius ſortis in vita corporis, quibus delectabile eſt ſordida & cogitare & memorare, ſed abſtinent modo propter decorum: jucundum adulteriis in altera vita vertitur in talia; ſe habet hoc, ſicut dum calor ſolis, etiam vernalis, inſluit in excrementum ſeu in cadaver.*

2756. *Sunt qui pro principio habuerunt communionem uxorum, ii in altera vita loquuntur ſicut boni, ſed ſunt maligni & doloſi; pœna eorum eſt horrenda, colligantur quaſi in faſciculum, & repræſentative ſicut ſerpens circumſtenditur, qui cingit omnes ſicut globum confaſciculatum, & ſic rejiciuntur.*

2757.

CAPUT VIGESIMUM PRIMUM. 71

2757. Cum perducerer per aliquot mansiones, veniebam ad unum, ubi calor occupabat pedes & lumbos, dictum, quod ibi essent, qui voluptatibus indulserunt, sed usque non exstinxerunt desiderium naturale procreandi sobolem.

2758. Quod genuinus amor conjugalitatis sit cælum, repræsentatur in regnis naturæ; nam nihil in universa natura datur, quod non aliquo modo repræsentat Regnum Domini in communi, Naturale enim omnem suam originem e Regno spirituali ducit, quod absque origine se priore est, est nihil, non datur aliquod inconnexum a causa, ita a fine, quod inconnexum dilabitur momento, & fit nihil; inde nunc repræsentativa Regni Domini in regnis naturæ: amor conjugalitatis quod cælum, ex transformatione vermiculorum in nymphas seu chrysalides; & sic in volatilia, patet, cum enim tempus eorum nuptiarum venit, quod est cum exiunt formam terrestrem, quæ est eorum vermicularis, & insigniuntur alis, ac fiunt volatilia, tunc elewantur in atmosphæram, suum cælum, ibi inter se ludunt, conjugia agunt, ponunt ova, & succis e floribus nutriuntur, in pulchritudine etiam sua tunc sunt, alas enim habent coloribus aureis, argenteis, aliisque venuste discretis, decoratas: talia producit Conjugiale apud tam vilia animalcula.

2759. Ad latus dextrum e terra inferiore exsurgebat quasi volumen, dicebatur quod essent spiritus multi ex plebe indocta, non prava; fuerunt rustici & alii simplices; loquutus cum iis, dicebant, quod sciant Dominum, cujus Nomini se commendant; præterea parum noverunt de fide & ejus mysteriis; alii postea exsurgebant, qui aliquantisper plus sciebant; quod interiora eorum potuissent aperiri, perceptum est, hoc enim in altera vita manifeste percipi potest; conscientiam habuerunt, quæ mecum communicata, ut scirem, & dictum quod in amore conjugalitatis simpliciter vixerint, dicebant quod conjugem amaverint, & ab adulteriis abstinerint, quod hæc ex conscientia, constabat ex eo, quod dicerent, se non aliter potuisse quia contra eorum voluntatem: tales informantur in altera vita, & perficiuntur in bono amoris & vero fidei; & denique recipiuntur inter angelos.

F I N I S PARTIS SECONDÆ.